

श्रीमद्भागवत महापुराणान्तर्गत
दशमस्कन्धना आधारे

कृष्णायरित्र

(कच्छी भाषामां)

कच्छी पद्यानुवादकः

श्रीमान्नाथ देवान्नाथ ठाडोना

गाम : उमला-मंजल, कच्छ



श्रीवल्लभाधीशो जयति

प्रकाशकः श्रीवल्लभाचार्य ट्रस्ट, मांडवी-कच्छ

પ્રકાશક :

શ્રીવલ્લભાચાર્ય ટ્રસ્ટ, કંસારા બજાર, માંડવી,
જિ. કચ્છ, ગુજરાત, ૩૭૦ ૪૬૫. ફોન : (૦૨૮૩૪) ૨૩૧૪૬૩

Email : gosharad@rediffmail.com

Must Visit :

<http://www.pushtimarg.net>

<http://vallabhacharyavidyapeeth.org/>

સમ્પાદક : ગોસ્વામી શરદ્ (માંડવી-કચ્છ)

નિ:શુલ્ક વિતરણાર્થે

નકલ : ૫૦૦

પ્રાપ્તિસ્થાન:

શ્રીખાનજી દેવાજી જાડેજા, ગામ : હમલા-મંજલ, કચ્છ

શ્રીવલ્લભાચાર્ય ટ્રસ્ટ, કંસારા બજાર,
માંડવી - કચ્છ, ગુજરાત, ૩૭૦ ૪૬૫.

ફોન : ૦૨૮૩૪ - ૨૩૧૪૬૩

(સવારે ૧૦ થી ૧ અને સાંજે ૪ થી ૬)

મુદ્રક :

પૂર્વપ્રેસ પ્રા. લી., રાજકોટ.

શ્રીવલ્લભાચાર્ય ટ્રસ્ટ

કંસારા બજાર, માંડવી-કચ્છ, ગુજરાત, પિનકોડ: ૩૭૦૪૬૫
(ટેલીફોન : ૦૨૮૩૪-૨૩૧૪૬૩)

ગ્રન્થ

પ્રકાશનસલાય

પુષ્ટિમાર્ગની પ્રાથમિક સમજ માટે

૧. પ્રવેશિકા	લેખક : ગોસ્વામી શ્રીશરદ્ધુમાજી	(ગુજરાતી)	૧૦
૨. પ્રવેશિકા	લેખક : ગોસ્વામી શ્રીશરદ્ધુમાજી	(હિન્દી)	૧૦
૩. ડફિટ્યતવશસક	લેખક : ગોસ્વામી શ્રીશરદ્ધુમાજી	(અંગ્રેજી)	૧૦
૪. પુષ્ટિપ્રવેશ ૧-૨	લેખક : ગોસ્વામી શ્રીશરદ્ધુમાજી	(ગુજરાતી)	૨૦
૫. પુષ્ટિપ્રવેશ ૧-૨	લેખક : ગોસ્વામી શ્રીશરદ્ધુમાજી	(હિન્દી)	૨૦
૬. પુષ્ટિપથ	લેખક : ગોસ્વામી શ્રીશરદ્ધુમાજી	(ગુજરાતી)	૧૦
૭. પુષ્ટિપથ	લેખક : ગોસ્વામી શ્રીશરદ્ધુમાજી	(હિન્દી)	૧૦
૮. પ્રમેયરત્નસંગ્રહ	લેખક : ગોસ્વામી શ્રીશરદ્ધુમાજી	(ગુજ.)	૨૦
૯. ખક્રીકૃદ જર વિંય મયદજ્ઞશિંજ્ઞકૃદકૃદિં જર ડીતવર્શિ.	લેખક : ઉપરમુજબ		૬૫

તત્ત્વદર્શનવિષયક રાષ્ટ્રીય સેમિનારમાં પ્રસ્તુત થયેલ

વિભિન્ન શોધપત્રો તથા ચર્ચા નો સંગ્રહ

૧૦. શબ્દખાણીયા વિદ્વત્પરિચર્યા	(સંસ્કૃત-અંગ્રેજી-હિન્દી)	૨૦૦
૧૧. અન્યખ્યાતિવાદીયા વિદ્વત્સંગોષ્ટી	(સંસ્કૃત -અંગ્રેજી-હિન્દી)	૧૫૦
૧૨. કાર્યકારણભાવમીમાંસા વિદ્વત્સંગોષ્ટી	(સંસ્કૃત -અંગ્રેજી-હિન્દી)	૨૦૦
૧૩. પ્રત્યક્ષપ્રમાણ વિદ્વત્સંગોષ્ટી	(સંસ્કૃત -અંગ્રેજી-હિન્દી)	૧૫૦
૧૪. અન્ધકારવાદ વિદ્વત્સંગોષ્ટી	(સંસ્કૃત -અંગ્રેજી-હિન્દી)	૨૦૦
૧૫. વલ્લભવેદાન્ત.	(સંસ્કૃત -અંગ્રેજી-હિન્દી)	

લેખક: ગો.શ્રીશ્યામ મનોહરજી

નિ:શુલ્ક

સામ્પ્રદાયિક વિચારગોષ્ટીમાં પ્રસ્તુત થયેલા

વિભિન્ન શોધપત્રો તથા તેના ઊપર થયેલ ચર્ચા નું સંકલન

૧૬. વાર્તાપરિચર્યા		૧૫
૧૭. અધિકારપરિચર્યા		૧૦૦
૧૮. સાધનાપ્રણાલી	(અપ્રાપ્ય)	૫૦
૧૯. પુષ્ટિભક્તિમાં કથાસાધના વિચારગોષ્ટી	(અપ્રાપ્ય)	૫૦
૨૦. શરણાગતિ વિચારગોષ્ટી		૫૦
૨૧. શરણાગતિ વિચારગોષ્ટી (પૂરક પ્રશ્નોત્તરી)	(જુજ પ્રતો)	નિ:શુલ્ક
૨૨. સેવા-સમર્પણ વિચારગોષ્ટી		૫૦
૨૩. પુષ્ટિભક્તિ અને પ્રપત્તિ સાધનામાં જઘન્યાધિકાર વિચારગોષ્ટી		૮૦
૨૪. પ્રતિબન્ધ (પુષ્ટિભક્તિ અને પ્રપત્તિ સાધનામાં પ્રતિબન્ધ)		૧૦૦

૨૫. પુષ્ટિભક્તિ અને પ્રપત્તિ સાધનામાં કૃળ ૧૦૦

નિત્યસ્તોત્રપાઠ

૨૬. પુષ્ટિપાઠાવલી (ગુજરાતી) પાકું બાઈડિંગ ૨૦
૨૭. પુષ્ટિપાઠાવલી (હિન્દી) પાકું બાઈડિંગ ૨૦
૨૮. પુષ્ટિપાઠાવલી (ગુજરાતી) કાચું બાઈડિંગ ૨૦
૨૯. પુષ્ટિપાઠાવલી (ગુજરાતી) કાચું બાઈડિંગ ૪” ૩” નાની સાઈઝ ૧૦
૩૦. પુરુષોત્તમસહસ્રનામ-ત્રિવિધલીલાનામાવલી (અનુવાદ સહિત) ૨૦

અધ્યયનોપયોગી ગ્રન્થો

૩૧. શ્રીભાગવતમહાપુરાણ (ચારભાગ. મહાપ્રભુ શ્રીવલ્લભાચાર્ય સમ્મત અર્થવાણું) ૪૦૦
૩૨. ષોડશગ્રન્થ. (સરળ ગુજરાતી ભાવાર્થ-વિવેચન સાથે. પેજ સં. ૨૩૦. વિતરણ કરવા ઈચ્છનાર ટ્રસ્ટ કાર્યાલયનો સંપર્ક કરે. ૧ પ્રતિ ની પડતર રૂ. ૩૫. પોસ્ટેજ અલગથી)
૩૩. જિન શ્રીવલ્લભરૂપ ન જાન્યો, ગો.શ્રીશ્યામ મનોહરજી લિખિત સર્વોત્તમસ્તોત્રની વિસ્તૃત ભૂમિકાનો ગુજરાતી અનુવાદ, શ્રીવલ્લભાષ્ટક, સપ્તશ્લોકી, શ્રીવલ્લભસ્તોત્રો, પચ્ચશ્લોકી, શિક્ષાશ્લોકી આદિ ગ્રન્થોપર વિવેચન નું ૪૫૦ થી વધુ પાનામાં સંકલન. ૭૦
૩૪. કૃષ્ણાશ્રય, શ્રીકલ્યાણરાયજી લિખિત સંસ્કૃત ટીકાનો ગુજરાતી અનુવાદ(અપ્રાપ્ય)૦૭
૩૫. ભગવદ્ગીતા, અનુવાદક : શ્રીનાનુલાલ ગાંધી. પદ્યછંદ, અન્વય, શબ્દપરિચય, વૃત્તિપરિચય, શબ્દાર્થ, શ્લોકાર્થ, વિવેચન, પાઠાનુક્રમણિકા, ગીતાતાત્પર્ય તથા ન્યાસાદેશવિવરણ ગુજરાતી અનુવાદ સાથે. ૫૦
૩૬. પુષ્ટિઅસ્મિતા સંવર્ધક શિબિર, રાષ્ટ્રીય સંમેલન-ભૂચય (પ્રશ્નોત્તરી) ૨૫
૩૭. ષોડશગ્રન્થગત ઉપદેશો અને તેમની ૬૪ વાતર્થો, લે. ભૂપેન્દ્રભાઈ ભાટીયા ૫૦
૩૮. ષોડશગ્રન્થગત ઉપદેશો અને તેમની ૨૮ વાતર્થો, લે. ઉપર મુજબ(અપ્રાપ્ય) ૫૦
૩૯. ભગવદ્ગીતાનો ભક્તિયોગ, બારમો અધ્યાય, લેખક : ગો.શ્રીશ્યામમનોહરજી નિ:શુલ્ક
૪૦. ભગવદ્ગીતાનો પુરુષોત્તમયોગ, પંદરમો અધ્યાય, લેખક : ગો.શ્રીશ્યામમનોહરજી નિ:શુલ્ક
૪૧. દ્રવ્યશુદ્ધિ. અપરસ-સુતક વગેરે બાબતનો નિર્ણય ગ્રન્થ. લે.: ગો.શ્રીપુરુષોત્તમજી નિ:શુલ્ક
૪૨. ભાગવત શાસ્ત્ર-સ્કન્ધ-પ્રકરણ-અધ્યાય નો ટુકમાં અર્થ. લેખક: ગો.વા.શ્રીનાનુલાલ ગાંધી ૧૦
૪૩. શ્રીભાગવતાર્થપ્રકરણ.(શ્રીવલ્લભાચાર્ય રચિત તત્ત્વાર્થદીપનિબન્ધાન્તર્ગતનું પ્રકરણ. શ્રીમદ્ભાગવતના શાસ્ત્ર-સ્કન્ધ-પ્રકરણ અને અધ્યાય ના અર્થોનું વિસ્તૃત વિવેચન.) અનુવાદક : ગો.વા.શ્રીનાનુલાલ ગાંધી. ૧૫૦
૪૪. શાસ્ત્રાર્થપ્રકરણ (શ્રીવલ્લભાચાર્ય વિરચિત તત્ત્વાર્થદીપનિબન્ધમાંનું પ્રથમ પ્રકરણ. શ્રીપુરુષોત્તમજીની આવરણભંગ ટીકાના ગુજરાતી અનુવાદ સાથે) ૩૦
૪૫. પુરુષોત્તમ પ્રતિષ્ઠાપ્રકાર (શ્રીગુસાંઈજી રચિત સેવ્ય સ્વરૂપને પુષ્ટ કરાવવાની વિધિનું વિસ્તૃત ગુજરાતી વિવેચન)લે:ગો.શ્રીશ્યામમનોહરજી નિ:શુલ્ક

૪૬. ગૃહસેવા અને વ્રજલીલા, વ્યાખ્યાતા ગો. શ્રીશ્યામ મનોહરજી	નિ:શુલ્ક
૪૭. પુષ્ટિપ્રવાહમર્યાદાભેદ, વ્યાખ્યાતા ગો. શ્રીશ્યામ મનોહરજી	અપ્રાપ્ય
૪૮. શ્રીકૃષ્ણચરિત્ર (દશમસ્કન્ધનો સરળ ગુજરાતી ભાવાનુવાદ) અનુવાદક : ગો.વા.શ્રીનાનુવાલ ગાંધી	અપ્રાપ્ય
૪૯. રસદષ્ટિની તરક્કેણમાં. લેખક : ગો. શ્રીશ્યામ મનોહરજી	અપ્રાપ્ય
૫૦. સિદ્ધાન્તનું આયમન પ્રશ્નોત્તરી. ઉત્તરદાતા : ગો. શ્રીશ્યામ મનોહરજી	નિ:શુલ્ક
૫૧. ભક્તિવર્ધિની. વ્યાખ્યાતા : ગો. શ્રીશ્યામ મનોહરજી	અપ્રાપ્ય-નિ:શુલ્ક
૫૨. સેવા : ઋતુ-ઉત્સવ-મનોરથ. વ્યાખ્યાતા : ગો. શ્રીશ્યામ મનોહરજી	નિ:શુલ્ક
૫૩. હમકું ઈતની સમજ ભલી (અમૃતવચનાવલી)પ્રાચીન અર્વાચીન આધુનિક આચાર્યોના વચનામૃતો	નિ:શુલ્ક
૫૪. પુષ્ટિવિધાનમ્-૨ (વ્યાકરણમ્) શ્રીવલ્લભાચાર્ય-શ્રીગોપીનાથજી-શ્રીગુસાંઈજી રચિત ૨૬ગ્રન્થોંકા પદચ્છેદ-અન્વય-શબ્દપરિચય-વૃત્તિપરિચય	૧૦૦
૫૫. પુષ્ટિવિધાનમ્-૩(વ્રજભાષા) શ્રીવલ્લભાચાર્ય-શ્રીગોપીનાથજી-શ્રીગુસાંઈજી રચિત ૨૬ગ્રન્થોંકા શબ્દાર્થ-શ્લોકાર્થ-વિવેચન-પાદાનુક્રમણિકા	૧૫૦
૫૬. તત્ત્વાર્થદીપનિબન્ધાન્તર્ગત શાસ્ત્રાર્થપ્રકરણમ્, (વ્રજભાષાટીકા) શ્રીવલ્લભાચાર્ય વિરચિત, પેપરબેક/હાર્ડબાઉન્ડ	૫૦/૭૦
૫૭. તત્ત્વાર્થદીપનિબન્ધાન્તર્ગત સર્વનિર્ણયપ્રકરણમ્ (વ્રજભાષાટીકા) શ્રીવલ્લભાચાર્ય વિરચિત, પેપરબેક/હાર્ડબાઉન્ડ	૮૦/૧૦૦
૫૮. વિવેકત્રયમ્, પ્રપજ્વ-જીવ-મૂલરૂપ (સંસ્કૃત)	૧૦
૫૯. શ્રીપુરુષોત્તમગ્રન્થાવલી - ૫ (દશદિગન્તવિજયી ગો.શ્રીપુરુષોત્તમજી રચિત દ્રવ્યશુદ્ધિટીપિકા, ભક્તિમાર્ગિય અપરાધનિરૂપણવિવૃત્તિ તેમજ ઉત્સવપ્રતાન મૂળ ગ્રન્થો તેમજ તેનો વ્રજભાષા-હિન્દી-ગુજરાતી અનુવાદ)	૧૦૦
૬૦. શ્રીપુરુષોત્તમગ્રન્થાવલી - ૬ (દશદિગન્તવિજયી ગો.શ્રીપુરુષોત્તમજી રચિત ઉપનિષદો, ભગવદ્ગીતા તથા ન્યાસાદેશતાત્પર્ય ની સંસ્કૃત ટીકા)	૨૦૦
૬૧. ગૃહસેવા ઓર વ્રજલીલા(વ્રજભાષા)વ્યાખ્યાતા: ગો.શ્રીશ્યામ મનોહરજી	નિ:શુલ્ક
૬૨. ભગવદ્ગીતાકા ભક્તિયોગ. વ્યાખ્યાતા: ગો.શ્રીશ્યામ મનોહરજી	નિ:શુલ્ક
૬૩. સેવા : ઋતુ-ઉત્સવ-મનોરથ, વિવેચક : ગો.શ્રીશ્યામ મનોહરજી	નિ:શુલ્ક
૬૪. સેવાકૌમુદી (નવધાભક્તિ), હિન્દી, લેખક : શ્રીલાલૂખટ્ટજી, વ્યાખ્યાતા:ગો.શ્રીશ્યામ મનોહરજી	અપ્રાપ્ય-નિ:શુલ્ક
૬૫. બ્રહ્મવાદ (હિન્દી) લેખક : ગો.શ્રીશ્યામ મનોહરજી	નિ:શુલ્ક

ઈતિહાસ

૬૬. આધુનિક ન્યાયપ્રણાલી અને પુષ્ટિમાર્ગિય સાધનાપ્રણાલી નો આપસી ટકરાવ, લે. : ગો. શ્રીશ્યામ મનોહરજી (ગુજરાતી)	નિ:શુલ્ક
૬૭. આધુનિક ન્યાયપ્રણાલી અને પુષ્ટિમાર્ગિય સાધનાપ્રણાલી નો આપસી ટકરાવ, લે. :	

ગો. શ્રીશ્યામ મનોહરજી (હિન્દી) નિ:શુલ્ક
 ૬૮. શ્રીગોપીનાથપ્રભુચરણ; શ્રીગોપીનાથજીના વિષયમાં ઉપલબ્ધ (ચિત્રજી, હસ્તાક્ષર,
 પદ, ઈતિહાસ, રચના વગેરે) તમામ માહિતિનો સંગ્રહ. ૨૫

સન્દર્ભ ગ્રન્થો

૬૯. પુષ્ટિવિધાનમ્ પાદાનુક્રમણિકા. શ્રીવલ્લભાચાર્ય-શ્રીગોપીનાથજી-શ્રીગુસાંઈજી
 રચિત ૨૬ ગ્રન્થોની પાદાનુક્રમણિકા ૧૦

૭૦. હમકું ઈતની સમજ ભલી. એક વાર વાંચવા જવું. પ્રાચીન-અર્વાચીન-આધુનિક
 આચાર્યોના માર્મિક વચનામૃતોનો સચિત્ર સંગ્રહ. નિ:શુલ્ક

૭૧. Summary of Shuddhadvaita Vangmaya. લેખક : મો.શરદ્
 (મુંબઈ યુનિવર્સિટીનો અભ્યાસ ગ્રન્થ) શ્રીમહાપ્રભુજી, શ્રીગોપીનાથજી તથા
 શ્રીગુસાંઈજીના ગ્રન્થોનો અંગ્રેજીમાં ટુંક પરિચય. ૧૫

ગોશાળા : મહિલાબાગ પાસે, માંડવી-કચ્છ

જીર્ણોદ્ધાર : શ્રીબાલકૃષ્ણજીના બેઠકજી. ગામ : વિંજાણ, તા.અબડાસા-કચ્છ

શુદ્ધાદ્વૈત પુષ્ટિભક્તિમાર્ગીય વાઙ્મય :

શુદ્ધાદ્વૈત પુષ્ટિભક્તિમાર્ગના આધારભૂત સંસ્કૃત-વ્રજ-ગુજરાતી વગેરે ભાષામાં લિખિત મૂળ
 ગદ્ય-પદ્ય ગ્રન્થસાહિત્ય, તેનો અનુવાદ તેમજ તેના પર લિખિત વિવેચન વગેરે (સામ્પ્રદાયિક
 શબ્દકોશ, સામ્પ્રદાયિક વચનાનુક્રમણિકા, ભગવદ્ગીતાપાદાનુક્રમણિકા વગેરે અધ્યયનોપયોગી)
 સાહિત્યનો બૃહત્ સંગ્રહ. ડાઉન્લોડ અને માર્ગદર્શન માટે લિંક :

<http://www.pushtimarg.net/pushti/pushti-vangmay.html>

હાલમાં નીચે મુજબ ગ્રન્થો તેની સંસ્કૃત ટીકાઓ અને અનુવાદ સહિત વાઙ્મયમાં ઉપલબ્ધ છે:

ષોડશગ્રન્થ, શિક્ષાપદ્યાનિ, તત્ત્વાર્થદીપનિબન્ધ, બ્રહ્મસૂત્રાણુભાષ્ય, મધુરાષ્ટકમ્, પરિવૃદ્ધાષ્ટકમ્,
 પુરુષોત્તમનામસહસ્રમ્, ત્રિવિધનામાવલી, સુબોધિની (સ્કન્ધ ૧-૨), સેવાશ્લોકાઃ,
 વિદ્વન્મંડનમ્, સૌન્દર્યપદ્યમ્, સાધનદીપિકા, પુરુષોત્તમપ્રતિષ્ઠાપ્રકાર, ભાગવતપુરાણ (૧ થી ૭,
 ૧૦ અને ૧૧ સ્કન્ધ નો ગુજરાતી-હિન્દી અનુવાદ), હરિરાયવાઙ્મુક્તાવલી (૫૫ ગ્રન્થો)
 દ્રવ્યશુદ્ધિ, ૮૪-૨૫૨ વૈષ્ણવોની વાર્તા, પ્રસ્થાનરત્નાકર, અવતારવાદાવલી ખંડ ૨-૩,
 વાદાવલી, ભગવદ્ગીતામૃતતરંગિણી, વલ્લભાષ્ટકમ્, સર્વોત્તમસ્તોત્રમ્

શ્રીવલ્લભાચાર્ય વિદ્યાપીઠ : શ્રીવલ્લભાચાર્ય નગર, રેફરલ હોસ્પિટલ પાછળ, હાલોલ,
 જિ. પંચમહાલ. અધ્યયનોપયોગી ગ્રન્થાલય, અધ્યયનકક્ષ, નિવાસ, ભોજન, અધ્યાપક
 વગેરે અત્યાવશ્યક સુવિધાઓથી સુસજ્જ.

<http://www.vallabhacharyavidyapeeth.org/>

પુષ્ટિસ્વાધ્યાય : અઠવાડીયાના લગભગ બધા દિવસ આબાલ-વૃદ્ધ બધા પુષ્ટિમાર્ગીઓ માટે
 સમ્પ્રદાયના મૂળ ગ્રન્થોનું અધ્યાપન વિદ્વાન્ આચાર્યવંશજો દ્વારા ત્રણ માધ્યમથી કરવામાં
 આવે છે: ૧. ટેલિફોનિક કોન્ફરન્સ્ ૨. ઈન્ટર્નેટ દ્વારા લાઈવ્ ઓડિયો ૩. ઈન્ટર્નેટ દ્વારા લાઈવ્
 વીડીયો કોન્ફરન્સ્. વધુ માહિતિ માટે ફોન સમ્પર્ક : યોગેન્દ્રભાઈ:(+91) 9323733796
 પિનાકીનભાઈ : (+91)9726444515 નીરજભાઈ(અમેરિકા): +7325424165.
 ઈમેલ્ સમ્પર્ક : pushtiswadhyay@gmail.com.

પ્રાક્ટ્યન

નમો ભગવતે તસ્મૈ કૃષ્ણાયાર્દ્રતર્કમણોઃ। રૂપ-નામવિભેદેન જગત્કીડતિ યો યતઃ॥

જ્યારે નગર વસે છે ત્યારે નગરજનોના વ્યવહારોનું નિયમન કરવામાટે કાયદો પણ બનતો હોય છે. આ જ ન્યાયે બ્રહ્મ જ્યારે લીલાસૃષ્ટિને પ્રકટ કરે છે ત્યારે તેમાંની મનુષ્યસૃષ્ટિના વ્યવહારોનું નિયમન કરવામાટે શાસ્ત્રોને પ્રકટ કરે છે. આથી સૃષ્ટિ બે પ્રકારની કહેવાય છે: રૂપસૃષ્ટિ અને નામસૃષ્ટિ. જ્ઠ-જીવાદિને ‘રૂપસૃષ્ટિ’ તરીકે ઓળખવામાં આવે છે અને માર્ગરૂપોપનિષદના “ૐ ઈત્યેતદક્ષરમ્ ઈદં સર્વં તસ્ય ઉપવ્યાખ્યાનમ્” તથા ઐતરેયોપનિષદના “અકારો વૈ સર્વા વાક્” વચનો અનુસાર લૌકિક ‘ઘટ’-‘પટ’ આદિ શબ્દોથી લઈને વેદાદિ શાસ્ત્રો પર્યન્ત વર્ણ-પદ-વાક્યાત્મક સૃષ્ટિને ‘નામસૃષ્ટિ’ તરીકે ઓળખવામાં આવે છે.

નામસૃષ્ટિના પ્રાકટ્યનું પ્રયોજન જણાવતાં મહાપ્રભુ શ્રીવલ્લભાચાર્યચરણ ‘તત્ત્વાર્થદીપનિબન્ધ’ના સર્વનિર્ણય પ્રકરણમાં લખે છે:

રૂપપ્રપચ્યકરણાદ્ આસક્તસ્વાંશવારણે, શ્રુતિમાત્મપ્રસાદાય ચકારાત્માનમેવ સઃ

રૂપપ્રપચ્યના વૈવિધ્ય, ઉચ્ય-નીચભાવ વગેરેને જોઈને અલ્પજ્ઞ જીવોનું તેમાં આસક્ત થવું તથા ભ્રમિત થવું સ્વાભાવિક છે. આવા અલ્પજ્ઞ જીવોની રૂપપ્રપચ્યમાંની આસક્તિને દૂર કરવામાટે ભગવાન્ સ્વયં નામપ્રપચ્યરૂપે પ્રકટ થાય છે (વેદાદિ શાસ્ત્રોના પ્રાકટ્યની પ્રક્રિયામાટે દૃષ્ટ્ય ભાગ. ૧।૩।૧૩).

તેથી “યદા યદા હિ ધર્મસ્ય” એ ગીતાવચનનાનુસાર જેમ ભગવાન્ તત્ત્વપ્રયોજનથી તત્ત્વકાર્યને કરવામાટે ભૂતલ પર અંશ-કલા-આવેશાદિ રૂપે તેમજ ક્યારેક સાક્ષાત્ પણ પ્રકટ થતા હોય છે તેમ સાક્ષાત્ સ્થિતિના અભાવમાં તત્ત્વકાર્યોને સમ્પન્ન કરાવવામાટે ભગવાન્ પોતાના નામાત્મક સ્વરૂપ તત્ત્વજ્ઞાત્રોરૂપે તત્ત્વકાલમાં પ્રકટ થતાં હોય છે.

જેમ ભગવાનનું પ્રાકટ્ય સાક્ષાત્ તેમજ પરોક્ષ બન્ને પ્રકારે થતું હોય છે તે જ પ્રમાણે શાસ્ત્રોનું પ્રાકટ્ય પણ ક્યારેક સાક્ષાત્ તો ક્યારેક પરમ્પરા થી થતું હોય છે. વેદો, પચ્યરાત્ર આગમ, ચતુઃશ્લોકી ભાગવત, ભગવદ્ગીતા, અનુગીતા આદિ શાસ્ત્રોનું પ્રાકટ્ય સાક્ષાત્ ભગવાનથી થયું છે. સાક્ષાત્ પ્રકટ થયેલ શાસ્ત્રોના અર્થ-તાત્પર્યને સુબોધ બનાવવામાટે

ઈદં ભાગવતં નામ યન્મે ભગવતોદિતમ્, સઙ્ગહોડ્યં વિભૂતીનાં ત્વમેતદ્વિપુલી કુરુ, યથા હરૌ ભગવતિ નૃણાં ભક્તિર્ ભવિષ્યતિ, સર્વાત્મન્યખિલાધાર ઈતિ સઙ્કલ્પોપવાર્ણય દ્વસદશ આજ્ઞાદ્વારા ભગવાન્ સ્વોપદિષ્ટ શાસ્ત્રનો વિસ્તાર તે-તે અધિકારીના હૃદયમાં પ્રવેશીને કારાવતાં હોય છે. જેમ ચતુઃશ્લોકી ભાગવતનો પ્રથમોપદેશ ભગવાને બ્રહ્માજ્ઞને કર્યો હતો. તત્પશ્યાત્ તે જ ભાગવતને બ્રહ્માજ્ઞે ભગવદાજ્ઞાથી ત્રણ અધ્યાયોમાં નારદજ્ઞને કહ્યું.

આમ કરતાં તેનો ૧૮,૦૦૦ શ્લોકોમાં વિપુલીકરણ થતું ગયું. એક જ અર્થનું વિભિન્ન પ્રકારે નિરૂપણ કરવું તેને 'વિપુલીકરણ' કહે છે. તેથી બ્રહ્માજીએ કહેલ ભાગવતનું વિપુલીકરણ જેમ નારદજીએ કર્યું હતું તેમ એક અન્ય પરમ્પરાના આન્તર્ગત વ્યાસજીએ સાક્ષાત્ ભગવત્પ્રોકત ગીતાના અર્થનો વિસ્તાર ભાગવતમાં કર્યો.

ભગવાન્ ક્યારેક દેવ, ઋષિ, આચાર્ય કે ભક્ત ના મુખે પણ શાસ્ત્રોને પ્રકટ કરતાં હોય છે. પરમ્પરાથી પ્રકટ થતા ભગવજ્ઞાનરૂપ શાસ્ત્રો પરમ્પરાનો નિર્વાહ ન થતાં લુપ્ત પણ થઈ જતાં હોય છે. પ્રભુને તે જ્ઞાનને પુનઃ પ્રકટ કરવાની ઈચ્છા થતાં તે પરમ્પરાગત જ્ઞાન પુનઃ પણ પ્રકટ થઈ જતું હોય છે. ભગવદ્ગીતાના ચતુર્થાધ્યાયમાં ઉપદિષ્ટ યોગની બાબતમાં ભગવાને સ્વયં તેની પરમ્પરાનો લોપ અને પુરાતન પરમ્પરાના પુનઃ પ્રાકટ્યનું નિરૂપણ કર્યું છે: “ઈમં વિવસ્વતે યોગં પ્રોપ્તવાનહમવ્યયમ્, ... સએવાયં મયા તેડદ્ય યોગઃ પ્રોક્તઃ પુરાતનઃ”.

બ્રહ્માજીદ્વારા સૃષ્ટ્યારમ્ભમાં વેદ-પુરાણોના પ્રકટ થયા હોવાનું વાર્ણન પુરાણોમાં જોવા મળે છે : “પુરાણં સર્વશાસ્ત્રાણાં પ્રથમં બ્રહ્મણા સ્મૃતમ્”.

“પુરાણમ્ એકમેવાસીત્ તસ્મિન્ કલ્પાન્તરેડનઘ” વેદ-પુરાણ પ્રારમ્ભમાં એક જ હતાં. પરન્તુ કાલક્રમે મનુષ્યોનું સામર્થ્ય, આયુષ્ય આદિ ઓછું થતાં દ્વાપર યુગના અન્તમાં મહર્ષિ વેદવ્યાસજી રૂપે પ્રકટ થઈને ભગવાને વેદનો વિભાગ કર્યો.

આજ પ્રમાણે ભગવાન્ શતકોટિ વિસ્તારવાળા પુરાણનો વિભાગપણ મહાપુરાણ-પુરાણ-ઉપપુરાણ-સાત્વિકપુરાણ-રાજસપુરાણ-તામસપુરાણ આદિ ભેદથી વ્યાસદ્વારા કરાવે છે. મત્સ્યપુરાણમાં આ બાબતમાં કહેવાયું છે: “કાલેનાગ્રહણં દૃષ્ટ્વા પુરાણસ્ય તત્તો દ્વિજાઃ, ... તદદષ્ટાદશધા કૃત્વા ભૂલોકેડસ્મિન્ પ્રભાષ્યતે”.

શ્રીભાગવત મહાપુરાણનું પ્રાકટ્ય સર્વવિલક્ષણ છે. લોક હિતાર્થ વેદોનો વિભાગ અને અનેક પુરાણોને પ્રકટ કરવા છતાં તે બધું ત્રિવર્ણાધિકારક છે ત્યારે સ્ત્રી, શૂદ્રો તેમજ દ્વિજબન્ધુ નો ઉદ્ધાર કેમ થશે તેવું વિચારીને વેદવ્યાસજીએ મહાભારતને પ્રકટ કર્યું “સ્ત્રી-શૂદ્ર-દ્વિજબન્ધૂનાં ત્રયી ન શ્રુતિગોચરા, ઈતિ ભારતમાખ્યાનં કૃપયા મુનિના કૃતમ્” મહાભારતના માધ્યમથી વ્યાસજીએ વેદાર્થ પ્રકટ કર્યો અને પુરાણોક્ત ધર્માર્થ-કામ-મોક્ષ પુરુષાર્થોનું નિરૂપણ કર્યું.

આટલું-આટલું કરવા છતાં મહર્ષિ વેદવ્યાસજીના મનમાં કૃતકૃત્યતા અનુભવાતી ન હતી. આનું કારણ મહાપ્રભુ શ્રીવલ્લભાચાર્યચરણ નિબંધના સર્વનિર્ણય પ્રકરણમાં જણાવે છે: “સર્વતત્ત્વં સર્વગૂઢં પ્રસંગાદ્ આહ પાંડવે,

શુકવત્ તદ્ વ્યાસગીતં સત્ત્વેનાસ્યાવતારતઃ,
ઈશવાક્યન્તુ તસ્યાપિ દુર્બોધં ભજનાદતે”.

યુદ્ધના અવસર પર ભગવાને અર્જુનને ગુઢમાં પણ ગૂઢ સર્વતત્ત્વસારભૂત ઉપદેશ આપ્યો હતો. મહાભારતમાં વ્યાસજીએ તે ઉપદેશનું યથાવત્ સફ્ફલન પણ કર્યું હતું. પરન્તુ તે સફ્ફલન ‘શુકવત્’ (પોપટિયા રટણ સમાન) હતું. વ્યાસજીએ ભગવદ્દશનું વર્ણન સરખી રીતે કર્યું ન હોવાથી ભગવદ્ગીતા તેમના માટે પણ દુર્બોધ હતી. વ્યાસજીની પોતાની જ્યારે આવી કફોડી સ્થિતિ હોય ત્યારે અન્ય સામાન્ય જીવો ઈશ્વરના વચનોને કેમ સમજી શકશે એ વિચારથી વ્યાસજી વ્યથિત હતાં. પરમ ભાગવત શ્રીનારદજીને પોતાની વ્યથા જણાવતાં તેમણે વ્યાસજીની વ્યથાનું કારણ જાણીને તેના સમાધાન રૂપે ભગવાનની મહિમાનું સમ્યક્ વર્ણન કરવાની સલાહ આપી : “ત્વમખ્યદ્ભ્રશ્રુત વિશ્રુતં વિભોઃ સમાખ્યતે યેન વિદાં બુભુક્ષિતમ્, આખ્યા હિ દુઃખૈર્મુહુરદિતાત્મનાં સંકલેશનિર્વાણમુશન્તિ નાન્યથા”.

ભગવત્કૃપાથી શ્રીવ્યાસજીને સમાધિયોગમાં ભગવત્સ્વરૂપ-લીલાદિનો સાક્ષાત્કાર થયો. તે સ્વાનુભવને તેમણે શ્રીભાગવત સ્વરૂપે પ્રકટ કર્યો.

મહાપ્રભુ શ્રીવલ્લભાચાર્યચરણ ભાગવતાર્થ નિબન્ધમાં આજ્ઞા કરે છે : “અવતરેલાં ભગવાન્ જ્યાં સુધી ભૂતલપર બિરાજ્યાં ત્યાં સુધી પોતાના સ્વરૂપબલથીજ સર્વનો ઉદ્ધાર કર્યો. ભગવાનના સ્વધામ પધાર્યા પછી તો ભાગવતજ ઉદ્ધરક છે. તે સિવાય બીજો કોઈ ઉપાય નથી”.

આચાર્યચરણના મતે ભાગવતમાં નિરૂપિત વિષય તે જ છે કે જે વેદ-ગીતાદિશાસ્ત્રોમાં નિરૂપિત છે. આ દૃષ્ટિથી વિચારતાં ભાગવતમાં કંઈ અપૂર્વતા નથી. આમ છતાં ભાગવતનું વૈલક્ષણ્ય તેની નિરૂપણ શૈલીમાં છે. જે તત્ત્વ વેદ-ગીતામાં સૂત્ર સ્વરૂપે છે તે અહીં ભાષ્ય સ્વરૂપે છે. જે તત્ત્વ ત્યાં ગૂઢ છે તે અહીં પ્રકટ છે.

‘ભાગવત’નો અર્થ સમજાવતાં “ઈદં ભાગવતં નામ” ની સુબોધિનીમાં મહાપ્રભુ શ્રીવલ્લભાચાર્ય લખે છે : “ભગવતા પ્રોક્તં, ભગવત્પ્રતિપાદકં, ભગવત્ફલકં ચ ઈતિ”. ભાગવત એ ભગવાનની વાણી છે, ભગવાન જ તેનો પ્રતિપાદક વિષય છે અને ભગવાન જ તેનું ફળ છે. તેથીજ તત્ત્વાર્થદીપનિબંધના ભાગવતાર્થપ્રકરણમાં આપ લખે છે:

“ભાગવત ભગવદ્રૂપ છે તેથી તેના પાઠ રૂપે તેને ધારણ કરવાથી ભાગવતસ્વરૂપે ભગવાન જ ધારણ થાય છે. હૃદયમાં સ્થિત ભગવાન્ ભક્તના ચિત્તને પોતાનામાં આસક્ત બનાવીને અન્ય સ્થળેથી વિરક્ત કરી દે છે તેજ કાર્ય ભાગવતસ્વરૂપે ધારણ કરેલા ભગવાન્પણકરે છે. અને ભાગવતનો પાઠ પણ જો તેના ખરેખરા અર્થ-તાત્પર્યને જાણીને કરવામાં

આવે તો તેવું જ્ઞાન ભક્તિના અડ્ડગરૂપ હોવાથી તેનાથી ભગવાનનું જ્ઞાન થાય જ છે અને તેથી ભગવાન ભક્તિ આપે છે”.

ભાગવતના આ સ્વરૂપને પ્રકટ કરતાં સ્વયં ભાગવત કહે છે :

શ્રીમદ્ભાગવતં પુરાણમમલં યદ્ વૈષ્ણવાનાં પ્રિયં,
યસ્મિન્ પારમહંસ્યમેકમમલં જ્ઞાનં પરં ગીયતે ।
તત્ર જ્ઞાનવિરાગભક્તિસહિતં નૈષ્કર્મ્યમાવિષ્કૃતં,
તચ્છૃણુવન્ વિપઠન્ વિચારણપરો ભક્ત્યા વિમુચ્યેન્ નરઃ ॥

વેદકર્તા ભગવાનના સાક્ષાત્ શ્રીમુખથી ભાગવતનું પ્રાકટ્ય થયું છે તેથી અર્થગામ્ભીર્ય તેમજ પ્રામાણ્ય ની દૃષ્ટિમાં ભાગવતનું મહત્વ વેદની તુલનામાં કિઙ્ચિન્માત્ર પણ ન્યૂન નથી. આથી જ ગીતા-ભાગવતને સમ્પ્રદાયમાં સમાનકોટિક માનવામાં આવે છે. ભાગવત વેદતુલ્ય હોવાથી જો તેને શ્રુતિકોટિમાં મૂકવામાં આવે તો વેદ ત્રૈવર્ણિકાધિકારક હોવાથી ભાગવતધર્મ પણ ત્રિવર્ણમાત્રાધિકારક રહી જાય. આમ જો થાય તો ભગવાનની ભાગવતદ્વારા સર્વોદ્ધારની ઈચ્છા સિદ્ધ ન થાય. ભાગવતને ‘વેદ’ ન કહેવા પાછળ આ જ મુખ્ય કારણ છે. વસ્તુતઃ તો ભાગવત વેદ કરતાં પણ ઉત્કૃષ્ટ છે. કારણ કે વેદો તો દેશકાલદ્રવ્યાદિ સાપેક્ષ છે. આજે કલિકાલમાં દેશકાલાદિ ધર્મના સાધનો શુદ્ધ રહ્યાં નથી. મલિનાચરણને કારણે લોકોનો અધિકાર વેદમાં રહ્યો નથી. વળી, વૈદિક ધર્માચરણના ઉપકારક સ્મૃતિ-પુરાણોના અર્થો પણ દૂષિત થઈ ગયાં છે. આવી સ્થિતિમાં વેદો પોતાનો જ નિર્વાલ કરવા સમર્થ નથી રહ્યાં ત્યારે તે પોતાના આશ્રિત લોકોનો નિર્વાલ ક્યાંથી કરી શકે! આની સામે ભાગવતોક્ત ભક્તિ કાલાદિસાધનોથી નિરપેક્ષ, સર્વશ્રેષ્ઠ અને ફલ-સાધનની દૃષ્ટિમાં પણ સુગમ છે.

પ્રમાણ-પ્રમેય-સાધન-ફલરૂપ ભાગવત:

જેમ આચાર્યચરણે પુષ્ટિભક્તિમાર્ગની દૃષ્ટિથી ચતુર્વિધ ધર્માર્થ-કામ-મોક્ષ પુરુષાર્થોનો સાક્ષાત્ તેમજ પરમ્પરયા સમન્વય શ્રીકૃષ્ણમાં બતાવ્યો છે તેવો જ સમન્વય પ્રમાણ-પ્રમેય-સાધન-ફલની દૃષ્ટિથી ભાગવતમાં પણ દેખાઈ આવે છે. શ્રીભાગવત પુરાણ અને ભગવાન શ્રીકૃષ્ણ માં આચાર્યચરણોની અનન્યદૃષ્ટિ જ આનું કારણ છે. “યાદશો ભગવાન્ ભાગવતરૂપો જાતઃ તાદશોડયં વર્ણિતઃ”. ભગવાન્ સ્વયં ભાગવત રૂપે થયા હોવાથી આચાર્યચરણોને ભાગવતમાં ભગવાન્ સિવાય કંઈ જડતું જ નથી. આપભાગ. નિબ.માં લખે છે: “સર્વત્ર ભાગવતે ભગવાનેવ પ્રતિપાદ્યઃ”.

પ્રમાણ :

શબ્દપ્રમાણવાદિઓ પ્રામાણ્યની દૃષ્ટિથી શાસ્ત્રોનું બે કોટિઓમાં વર્ગીકરણ કરે છે: શ્રુતિકોટિ અને સ્મૃતિકોટિ. શ્રુતિકોટિમાં વેદ-ઉપનિષદ્ની ગણના થાય છે. જ્યારે કે

સ્મૃતિકોટિમાં મન્વાદિ સ્મૃતિ, પુરાણ-ઉપપુરાણ, મહાભારતાદિ ઈતિહાસ, પગ્યરાત્રાદ્યાગમ આદિ ની ગણના થાય છે.

ઉપર્યુક્ત દૃષ્ટિથી વિચારતાં

“ઈતિહાસ-પુરાણં વેદાનાં પગ્યમં વેદમ્”

“શ્રુતિસ્મૃતી ઉભે નેત્રે પુરાણં હૃદયં સ્મૃતમ્”

“વેદાઃ પ્રતિષ્ઠિતાઃ સર્વે પુરાણેષુ ન સંશયઃ”

“ઈતિહાસપુરાણાભ્યાં વેદં સમુપબૃંહ્યેત, બિભેત્યલ્પશ્રુતાદ્ વેદો મામયં પ્રહરિષ્યતિ”

“ઈતિહાસપુરાણૈસ્તુ કૃતોડયં નિશ્ચલઃ પુરા”

“નાન્યથા જ્ઞાયતે ધર્મો બ્રહ્મવિદ્યા ય વૈદિકી, તસ્માત્સર્વપુરાણં ચ શ્રદ્ધાતત્વ્યં મનીષિભિઃ”

“પુરાણં સર્વશાસ્ત્રાણાં પ્રથમં બ્રહ્મણા સ્મૃતમ્”

દ્ર ઈત્યાદિ વચનોથી શ્રીભાગવતનું પુરાણત્વેન પ્રામાણ્ય તો સર્વત્ર પ્રસિદ્ધ છે જ. પરન્તુ શ્રીઆચાર્યચરણોને જો શ્રીભાગવતના પ્રામાણ્યની બાબતમાં પૂછવામાં આવે તો શ્રીભાગવતનો સ્મૃતિકોટિમાં સમાવેશ થતો હોવા છતાં શ્રીભાગવતનું પ્રામાણ્ય આપને તેથી પણ અધિક માન્ય છે. આનું કારણ જણાવતાં આચાર્યચરણ સર્વનિર્ણયનિબન્ધમાં લખે છે: “સર્વમુક્તિનિવૃત્ત્યર્થં વેદત્વં તસ્ય નોક્તવાન્”. સાક્ષાત્ ભગવદુક્ત હોવાથી વ્યાસજીની દૃષ્ટિમાં પણ ભાગવત વેદતુલ્ય છે. આમ છતાં ભાગવતને જો ‘વેદ’ કહેવામાં આવે તો વેદમાં બ્રાહ્મણ-ક્ષત્રિય-વૈશ્યનો જ અધિકાર હોવાથી જેમ તેની સર્વોદ્ધારકતા નથી તેમ શ્રીભાગવતની પણ સર્વોદ્ધારકતા ન રહે. આમ જો થાય તો કલિકાલના નિઃસાધન જીવોનો તેમજ વૈદિક સાધનોમાં જેમનો અધિકાર નથી તેવા સ્ત્રી-શૂદ્રોનો ઉદ્ધાર કેમ થશે? ઈત્યાદિ વિચારથી વ્યાસજીએ ભાગવતને ‘વેદ’ નથી કહ્યું. અન્યથા તો ઉદ્ધારકતાના વિચારથી તો ભાગવતનું મહત્વ વેદ કરતાં પણ અધિક છે. કારણ કે વૈદિક સાધનો તો કાલાદિસાપેક્ષ છે જ્યારે કે ભાગવતમાર્ગ તો કાલાદિનિરપેક્ષ, સુગમ તથા સર્વથા ફલસાધક છે.

મન્સ્યપુરાણ, સ્કન્દપુરાણ, પદ્મપુરાણ આદિમાં નિરૂપિત ભાગવતમાહાત્મ્ય પ્રસિદ્ધ જ છે. સ્વયં શ્રીભાગવતમાં પણ તેના પ્રામાણ્યનું નિરૂપણ થયું છે:

“નિગમકલ્પતરોર્ગલિતં ફલમ્”

“ઈદં ભાગવતં નામ પુરાણં વેદસમ્મિતમ્”

“સર્વવેદેતિહાસાનાં સારં સારં સમુદ્ધૃતમ્” ઈત્યાદિ.

પ્રમેય:

ભાગવતની પ્રમેયરૂપતા તેની ભગવદ્રૂપતામાં છે. આચાર્યચરણ “સ્વાનુભાવમ્ અખિલશ્રુતિસારમ્ એકમ્”^૩ અધ્યાત્મદીપમ્” ની સુબોધિનીમાં તેનું વિવરણ કરતાં લખે છે:

“ભાગવતસ્ય સર્વરૂપોત્કર્ષાય ચત્વારિ વિશેષણાનિ :

પ્રમેયરૂપતાં, પ્રમાણરૂપતાં અસાધારણ્યં સાધનોત્તમરૂપતાં
પ્રતિપાદ્યન્તિ ક્રમેણ. ... ભાગવતસ્ય ભગવદ્રૂપત્વાદ્ યથા
ભગવતઃ સ્વાસાધારણો અનુભવઃ સર્વભક્તેષુ તથા
ભાગવતસ્યાઽપિ તચ્ચિન્તકેષુ”.

અહીં ભગાવતની પ્રમાણ-પ્રમેય-સાધન રૂપતા કણ્ઠોક્ત છે. અન્યત્ર પણ ભાગવતની ભગવદ્રૂપતાનું નિરૂપણ કરતાં આચાર્યચરણ લખે છે : “સર્વત્ર ભાગવતે ભગવાનેવ પ્રતિપાદ્યઃ”, “તસ્ય ભગવદ્રૂપત્વાત્ તેનરૂપેણ ભગવાનેવધૃતઃ”.

સર્વનિર્ણય નિબન્ધમાં પણ વેદમાં ગુપ્તરીતે નિરૂપિત ધર્મ જ ભાગવતદ્વારા ભગવાને પ્રકટ કર્યો છે તેમ આચાર્યચરણ જણાવે છે :

“વેદના પૂર્વોત્તરકાણ્ડમાં ભગવાનના સ્વરૂપનું જેમ
ક્રિયા-જ્ઞાન રૂપે ખાણ્ડશઃ નિરૂપણ કરવામાં આવ્યું છે તેમ
ભગવાનના અખાણ્ડ અવતારી કૃષ્ણ સ્વરૂપનું શ્રીભાગવતમાં
નિરૂપણ છે. તેથી “પ્રમેયં હરિરેવૈકઃ” શ્રીહરિ જ એક માત્ર
પ્રમેય છે”.

નિબન્ધના ભાગવતાર્થ પ્રકરણના આરમ્ભમાં આચાર્યચરણે આધિદૈવિક દૃષ્ટિથી નિરૂપણ કરતાં ભાગવતના દ્વાદશસ્કન્ધોને ભગવાનના દ્વાદશાણ્ડોની સાથે સરખાવીને ભાગવતની ભગવદ્રૂપતાનું દર્શન કરાવ્યું છે : “ઈતીદં દ્વાદશસ્કન્ધં પુરાણં હરિરેવ સઃ, ... પુરુષે દ્વાદશત્વં હિ...”.

સાધન:

ભાગવતની સાધનરૂપતા બે પ્રકારે છે :

૧. સર્વસાધારણદૃષ્ટ્યા અને
૨. પુષ્ટિભક્તિમાર્ગદૃષ્ટ્યા.

૧. સર્વસાધારણદૃષ્ટ્યા :

સર્વસાધારણદૃષ્ટ્યા ભાગવતની સાધનરૂપતાનો વિચાર કરવામાં આવે તો દેહ-ગૃહસ્થાનીય શ્રૌત-સ્માર્તધર્મનું ઉપકરણ પુરાણ છે. તેથી પુરાણત્વેન ભાગવતની સાધનરૂપતા છે.

પુરાણોમાં અધિકારીભેદથી ધર્મ, અર્થ, કામ, મોક્ષ તથા ભક્તિ નું દેશાદિ ષડંગ સહિત કામ્ય અને નિત્ય આમ બે પ્રકારે નિરૂપણ કરવામાં આવ્યું છે. વેદો ત્રિવર્ણાધિકારક છે જ્યારે કે

પુરાણો સર્વોપકારક છે. તેથી જ બ્રાહ્મણને અગ્રશ્રોતા બનાવીને સર્વને પુરાણોપદેશનું વિધાન છે. પૌરાણિક પુરુષાર્થોનું જ્ઞાન પ્રાપ્ત કરીને સાત્ત્વિકાદિ જીવો સ્વભાવ-રુચિ અનુસાર ધર્માદિમાં પ્રવૃત્ત થઈને શનૈઃ-શનૈઃ પોતાના તામસાદિ હીન ભાવોથી મુક્ત થાય છે. અન્તે “મામેવ યે પ્રપદ્યન્તે માયામેતાં તરન્તિ તે” વચનાનુસાર ભગવત્કૃપાલભ્ય નિર્ગુણાવસ્થામાં ભગવત્સમ્બન્ધને પ્રાપ્ત કરીને આમ ક્રમિક પણે મુક્ત થાય છે (સર્વનિ.નિ.૪૭, ૫૪).

પ્રત્યેક કલ્પાન્તમાં ભગવદ્દિચ્છાથી જ મનુષ્યોનાં બુદ્ધિ, આયુષ્ય, સામર્થ્ય તેમજ દેશાદિ ધર્માંગો નો ક્ષય થતો હોય છે. આવામાં સૃષ્ટિસ્થ દૈવીજીવોના ઉદ્ધારાર્થ વ્યાસાવતારદ્વારા ભગવાન્ જૈમ વેદ-પુરાણોનો વિભાગ કરતા હોય છે તેમ સર્વોપકારક મહાભારત-ભાગવતાદિને પણ પ્રકટ કરતા હોય છે. કાલક્રમે જ્યારે અગ્નિહોત્રાદિ શ્રૌત તથા ગર્ભાધનાદિસંસ્કારાદિ સ્માર્ત ધર્મો શિથિલ થતાં જાય છે ત્યારે પુરાણોક્ત ધર્મો જ એક માત્ર આશ્રય રહી જતાં હોય છે. આથી અગતિકગત્યા પુરાણોક્ત ધર્મનો આશ્રય યદિ કોઈ કરે છે તો તેને પણ ક્રમિક રીતે મુક્તિ પ્રાપ્ત થાય છે.

આમાં પણ ભક્તિશાસ્ત્ર એવા ભાગવતની મુખ્યતા છે. આનું કારણ સ્પષ્ટ કરતાં શ્રીપુરુષોત્તમચરણ નિબન્ધાવરણભંગના અન્તે લખે છે:

“બ્રહ્મસૂત્રની રચના પછી પણ સન્તોષ ન થતાં વ્યાસજીએ ભક્તિશાસ્ત્ર ભાગવતને પ્રકટ કર્યું એ જ એ બતાવી આપે છે કે કાલાદિના દોષવશાત્ વૈદિક સાધનો જ્યારે કુષ્ટિત થઈ ગયાં છે ત્યારે સર્વસાધારણમાટે કાલાદિનિરપેક્ષ ગીતા-ભાગવતોક્ત ભક્તિ-પ્રપત્તિ જ એક માત્ર સાધન રહે છે”.

ભગવન્નિષ્ઠ ભક્તો તો કાલાદિની ચિન્તા કર્યા વિના સ્વભાવથી જ ભક્તિમાં રચેલા-પચેલા રહેતાં હોય છે. તેથી તેવા ભક્તો અગતિકગત્યા નહીં પરન્તુ સ્વતન્ત્રપુરુષાર્થરૂપ જાણીને નિત્યધર્મવદ્ ભગવદ્ગજન કરતાં હોય છે. જે, પરન્તુ, આવા ભાવવાળા નથી તેવા હીનાધિકારીઓને પણ ભાગવતનો ઉત્કર્ષ સમજમાં આવે તે રીતે આચાર્યચરણ ભાગવતાર્થનિબન્ધના અન્તમાં લખે છે: “શ્રીભાગવતમેવાડત્ર કેવલં ચેત્ સમાશ્રિતઃ, ગંગાવદ્ હરિવચ્ચૈવ શમ્ભુવચ્ચ ફલિષ્યતિ”.

આવા જ અધિકારીઓમાટે ભગવદ્ધર્મનો આશ્રય લેવાનો ઉપદેશ આચાર્યચરણ કાલાદિની પરિસ્થિતિનું વર્ણન કરતાં સર્વનિ.નિબ.ના સાધનપ્રકરણમાં તેમજ શ્રીભાગવત પ્રથમસ્કન્ધમાં “તસ્માદ્ ભારત સર્વાત્મા...”ની સુબોધિનીમાં કરે છે :

“જૈમ વૈદિકમાર્ગ ત્રિવર્ણનો ઉદ્ધારક છે તેમ બધાથી સ્વતન્ત્ર ભાગવતમાર્ગ પણ ઉદ્ધારક છે જ. અનેક ભગવદીયો ભાગવતમાર્ગથી ભગવત્પદને પ્રાપ્ત થયા છે. ધ્યાતવ્ય છે કે ત્રૈવર્ણિકોમાટે વૈદિકમાર્ગ અને અન્યો માટે ભાગવતમાર્ગ એવો વ્યવસ્થિત વિકલ્પ નથી. કારણ કે વૈદિકમાર્ગમાં ક્લેશાધિકતાનું ભગવાન દ્વારા કથન “ક્લેશોધિકતરસ્તેષામ્ અવ્યક્તાસકતચેતસામ્, અવ્યક્તા હિ ગતિર્દુઃખં દેહવદ્ધિરવાપ્યતે” અને જે માર્ગે સ્ત્રી-શૂદ્રાદિ પણ ભગવત્પદને પામી શકે છે ત્યારે અન્યોની તો શું વાત કરવી એમ કેમુતિકન્યાયથી ભગવાને ગીતામાં કહ્યું છે: “માં હિ પાર્થ વ્યપાશ્રિત્ય યેડપિ સ્યુઃ પાપયોનયઃ, સ્ત્રિયો વૈશ્યાસ્ તથા શૂદ્રાઃ તેડપિ યાન્તિ પરાં ગતિમ્, કિં પુનર્ બ્રાહ્મણાઃ પુણ્યા ભક્તા રાજર્ષયસ્તથા”. આથી વ્યવસ્થિતવિકલ્પ નથી”.

૨. પુષ્ટિભક્તિમાર્ગદૃષ્ટ્યા:

પુષ્ટિભક્તિમાર્ગદૃષ્ટ્યા ભાગવતની સાધનરૂપતાનો વિચાર કરતાં આચાર્યચરણ સર્વ. નિબ. માં લખે છે:

“કર્મકાણ્ડ પ્રતિપાદ્ય યજ્ઞરૂપ તેમજ ઉત્તરકાણ્ડ પ્રતિપાદ્ય જ્ઞાનરૂપ આમ ઉભયરૂપથી વિશિષ્ટ પુરુષોત્તમ શ્રીકૃષ્ણ વેદાર્થ છે. તે જ ભક્તિમાર્ગનું રૂપ છે. આવા શ્રીકૃષ્ણની પ્રસન્નતા પ્રાપ્ત કરવાનું એક માત્ર સાધન પ્રેમ-ભક્તિ છે. ભગવત્પ્રેમનું સાધન નવધાભક્તિ છે. સાક્ષાત્ ભગવાન દ્વારા કહેલ ગીતા તેનું સડક્ષેપમાં પ્રતિપાદન કરે છે. તે ગીતોક્ત ભક્તિનો જ વિસ્તાર ભાગવતમાં છે”.

પુષ્ટિભક્તિમાર્ગીય સાધનામાં ભગવત્સેવા અને ત્યાગપૂર્વક ભગવદ્ગુણગાન એ બે મુખ્ય સાધન છે. આચાર્યચરણ આજ્ઞા કરે છે:

“બાહ્યાભ્યન્તરભેદેન રૂપે ભેદદ્વયં મતમ્, નામ્નિ ચૈકં તતસ્ ત્રેધા ભક્તિમાર્ગો નિરૂપિતઃ”

ભગવત્સેવાસાધનનું અનુષ્ઠાન તો મુખ્ય રૂપથી સેવકસાધનાદિથી સમ્પન્ન ગૃહસ્થાદિ માટે જ સમ્ભવ છે. તેથી જેને અવ્યાવૃત્ત રહીને ભગવત્સેવા કરી શકવાનું સૌભાગ્ય પ્રાપ્ત થાય છે તે ભગવત્સેવા સિવાયના સમયમાં નિયમથી ભાગવતાદિ દ્વારા જે ભગવદ્ગુણગાન પણ કરે છે તો તેની સાધના સાંગોપાંગ સમજવી જોઈએ.

જે, પરન્તુ, પૂર્ણ પણે અવ્યાવૃત્ત ન બની શકતો હોય તેણે એક સમય ભગવત્સેવા કરીને શેષ સમયમાં આજીવિકાદિનો ઉપાય કરવો જોઈએ.

જેઓથી, પરન્તુ, પ્રતિબન્ધોને કારણે સ્વગૃહમાં ભગવત્સેવા કરી શકાતી ન હોય તેવાદ્

જો બીજાભાવ દઢ થઈ ગયો હોય અને તેથી ગૃહાદિનો ત્યાગ કર્યા પછી પણ દુઃસંગ, અન્નદોષાદિનો તેમને કોઈ ભય રહી ન ગયો હોય તોદ્ર સિદ્ધ ભક્તોએ ભક્તિવર્ધિની-સન્ન્યાસનિર્ણયાદિ ગ્રન્થોક્ત પ્રકારે તદ્વર્થિકમાનસ થઈને દેહપાતપર્યન્ત સદા તીર્થપર્યટન કરતા રહેવું જોઈએ. જો, પરન્તુ, બીજાભાવ દઢ ન હોય તો એવા ભક્ત્યર્થીએ ભગવદ્ભક્તો નિવાસ કરતા હોય તેવા સ્થાનમાં સત્સડ્ગલાભ મેળવવામાટે વસવું જોઈએ.

જેનાથી એ પણ શક્ય ન હોય તેનામાટે આચાર્યચરણ તૃતીય પક્ષ રૂપે પ્રયત્ન પૂર્વક અને આદરથી કોઈ પણ પ્રકારની લૌકિક-પારલૌકિક કામના મનમાં રાખ્યા વિના સર્વદા શ્રીભાગવતનો આશ્રય લેવાનું સૂચવે છે : “અથવા સર્વદા શાસ્ત્રં શ્રીભાગવતમાદરાત્, પઠનીયં પ્રયત્નેન સર્વહેતુ-વિવર્જિતમ્”.

આ પ્રમાણે આચાર્યચરણે “અથ ચિત્તં સમાધાતું ન શકનેષિ મયિ સ્થિરમ્, સર્વકર્મફલત્યાગં તતઃ કુરુ યતાત્મવાનું” ગીતાના દ્વાદશાધ્યાયમાં ભગવાને કહેલ રીતિનું અનુસરણ કરતાં મુખ્ય-ગૌણ પ્રકારે પુષ્ટિભક્તિમાર્ગીય સાધનોનું નિરૂપણ ઉત્તમ-મધ્યમ-કનિષ્ઠ અધિકારીઓને લક્ષ્યમાં લઈને કર્યું છે.

સાધનામાં નિરુપધિભાવ:

પુષ્ટિભક્તિ તેમજ પુષ્ટિપ્રપત્તિ માર્ગીય સાધનાના ઉપરોક્ત કોઈ પણ પ્રકારોની બાબતમાં એક વાત બહુ સ્પષ્ટ પણે સમજી લેવી જોઈએ કે, મહાપ્રભુ શ્રીવલ્લભાચાર્યના મતે, પુષ્ટિભક્તિમાર્ગના અનુયાયીદ્વારા પ્રારમ્ભિક અવસ્થામાં કરાતી શરણાગતિ, ભગવત્સેવા કે ગુણગાન માં કદાચ સ્નેહ ન હોય અને કેવલ આદર પૂર્વકની રચિ હોય તો પણ, તેથી પણ આગળ વધીને આચાર્યચરણોની આજ્ઞાના પાલન માત્રની ભાવના હોય તો પણ તેને પુષ્ટિભક્તિ સમ્પ્રદાયની સાધના તરીકે માન્ય કરી શકાય છે પરન્તુ કોઈ પણ સ્થિતિમાં, પ્રભુભક્તિના બદલામાં ધર્માર્થ-કામ-મોક્ષાદિ સમ્બન્ધિ ફલપ્રાપ્તિની કામનાઓ તેમજ ક્રોધ-લોભ-મોહ-મદ-માત્સર્ય આદિ મનોવિકારોથી જો પ્રભુસેવા-ગુણગાન કે શરણાગતિ વગેરે કરવામાં આવતા હોય તો તેવા કોઈ પણ પ્રકારોને પુષ્ટિભક્તિ સમ્પ્રદાયની સાધના તરીકે, અત્યન્ત પ્રારમ્ભિક અવસ્થામાં પણ, માન્ય કરી શકાતા નથી. તેથી જ આવા મનોવિકારોને જો કોઈ પુષ્ટિમાર્ગી છોડી શકતો ન હોય તો તેણે સમજી લેવું જોઈએ કે સામાજિક કે સામ્પ્રદાયિક દષ્ટિએ ભલે તેને કોઈ પુષ્ટિમાર્ગી સમજતું હોય કે તે પોતાની જાતને પુષ્ટિમાર્ગી તરીકે ઓળખાવતો હોય પરન્તુ પુષ્ટિપ્રભુ તેમજ શ્રીમહાપ્રભુજીની દષ્ટિમાં તો તે ક્યારનોય પુષ્ટિમાર્ગથી બહાર ફેંકાઈ ચૂક્યો છે. આ સ્થિતિમાં, માર્ગીય સિદ્ધાન્તથી વિરુદ્ધ આચરણ કરવાના ઘોર પાપથી બચવામાટે તેની પાસે પુષ્ટિભક્તિમાર્ગનો પરિત્યાગ જ એક ઉપાય બચે છે. આ વાત જેટલી પુષ્ટિમાર્ગી શિષ્ય તથા શાસ્ત્રી ને લાગુ પડે છે તેટલી જ શ્રીવલ્લભ વંશજ સ્વયં ગુરુને પણ લાગુ પડે જ છે.

વર્તમાન સમયમાં, નિર્ગુણ પુષ્ટિભક્તિ સમ્પ્રદાયમાં દીક્ષિત હોય તેવા પણ અધિકાંશ લોકોમાં(ગુરુઓમાં પણ!!!) નિરુપાધિક શરણાગતિ તેમજ ભક્તિ ના શુદ્ધ પુષ્ટિભાવને હૃદયમાં દઢ કરીને સામ્પ્રદાયિક સાધનાને અનુસરવાની મનોવૃત્તિને ઠેકાણે, તેનાથી સદંતર વિરુદ્ધ, સાંસારિક ક્ષુદ્ર કામનાઓની પૂર્તિની કામનાથી પ્રભુની શરણાગતિ-સેવા, કથા કરાતી જોવા મળે છે. આને આરૂઢપાતિત્યનું શ્રેષ્ઠતમ દષ્ટાન્ત કહી શકાય.

શ્રીવલ્લભાચાર્યચરણોના સિદ્ધાન્તોની નજરે જોવામાં આવે તો નીચે જણાવેલ ભાગવત સમ્બન્ધી પ્રવૃત્તિઓ સમ્પ્રદાય દ્રોહ સમાન છે :

- મૃતકના ઉદ્ધારાર્થે કરાતી ભાગવતકથા
- ફંડ-ફાળામાટે કરાતી ભાગવતકથા
- દાન-દક્ષિણા લઈને આજીવિકા અર્થે કરાતી ભાગવતકથા
- વક્તા-શ્રોતાના શાસ્ત્રીય (દ્વિજપણું) તેમજ સામ્પ્રદાયિક અધિકારનો વિચાર કર્યા વિના ગમેતેની સામે ગમેતે વક્તા દ્વારા કરાતી ભાગવતકથા

શાસ્ત્રોનો સાર નિષ્કામભાવે ભગવતપ્રીત્યર્થે કોઈ પણ કાર્ય કરવામાં તેમજ “સકામત્વં ડિમ્બનમ્” સકામ અનુષ્ઠાનની નિન્દામાં હોવા છતાં ઉત્તમોત્તમ પદાર્થો ઉપલબ્ધ હોવા છતાં સુવ્વરને જેમ ઉકરડામાં જ સાર જણાતો હોય છે તેમ સાંસારિક મનોવૃત્તિવાળા લોકો શાસ્ત્ર નિન્દિત તેમજ નિષિદ્ધ ઉપાયોમાં જ રુચિવાળા થતા હોય છે.

એક તરફ અતિ ઉચ્ચ નિરુપધિભાવ અને બીજી તરફ વર્તમાનમાં અત્યન્ત અધમ કક્ષાપર ઉતરી પડેલી સામ્પ્રદાયિક સાધનાપ્રણાલી દ્ર આ બે ધ્રુવો તરફ નજર નાખતાં પુષ્ટિભક્તિ-માર્ગની દષ્ટિમાં શ્રીભાગવતની સાધનરૂપતાનો વિચાર અત્યન્ત સાવધાની માગીલે તેવો છે.

ભાગવતનું સ્વરૂપ શાસ્ત્રરૂપ હોવાની સાથોસાથ આચાર્યચરણોની દષ્ટિમાં સાક્ષાદ્ ભગવદ્રૂપ હોવાથી તેનો પાઠ કરનારે કેટલીક સાવધાનીઓ રાખવી પણ પરમ આવશ્યક હોય છે. તે બાબતમાં શ્રીપુરુષોત્તમચરણ “અથવા સર્વદા શાસ્ત્રં શ્રીભાગવતમાદરાત્, પઠનીયં પ્રયત્નેન સર્વલેતુ-વિવર્જિતમ્” કારિકાની વ્યાખ્યામાં લખે છે:

“ભાગવત એ પુરાણ કોટિનું શાસ્ત્ર છે. પુરાણ હોવાથી તેનો પાઠ કરવામાં શાસ્ત્રીય મર્યાદાઓનું પાલન આવશ્યક છે. અન્યથા “શ્રુતિ-સ્મૃતી મમૈવાજ્ઞે યસ્તે ઉલ્લઙ્ઘય વર્તતે, આજ્ઞોચ્છેદી મમ દ્રોહી મદ્ગતોઽપિ ન મે પ્રિયઃ” વચનાનુસાર તેને ભગવદાજ્ઞાના ઉલ્લઙ્ઘનનો મહાપરાધ લાગે છે. આથી જેનો પુરાણપાઠમાં અધિકાર નથી તેવા સ્ત્રી, શૂદ્ર, અનુપનીત આદિએ ચતુઃશ્લોકીભાગવત, વેદસ્તુતિ જેવા

બ્રહ્મજ્ઞાનનું નિરૂપણ કરનારા શ્રીભાગવતના અંશોને છોડીને તેનો પાઠ કરવો જોઈએ”.

આચાર્યચરણે તો મહતી કૃપા કરીને શ્રીભાગવતના સારભૂત શ્રીપુરુષોત્તમસહસ્રનામ સ્તોત્રની રચના કરી છે. તેના માટે આપ સ્વમુખે આજ્ઞા કરે છે “સહસ્રં ચૈસ્તુ પઠિતં પઠિતં સ્યાચ્છુકામૃતમ્”. આથી, તેના પાઠને ભાગવતના પાઠ કરવા બરાબરજ સમજવોજોઈએ.

આટ-આટલા વિકલ્પ-અનુકલ્પો આચાર્યચરણે કૃપા કરીને આપ્યા હોવા છતાં ભગવદાજ્ઞા અને આચાર્યાજ્ઞા નો અનાદર કરીને ભાગવતના પાઠમાં અધિકાર ન હોવા છતાં જે કોઈ પોતાનો અધિકાર માની બેસે છે અને પાઠાદિ કરે છે તો તે ભાગવતમાં કહેલ ભગવદ્ભક્ત્યાદિ રૂપ ધર્મોનું આચરણ કરવામાટે પણ યોગ્ય નથી રહી જતાં ત્યારે ભાગવતના પાઠમાં તેઓનો અધિકાર ક્યાંથી હોય!

જે ભક્ત્યર્થી કે કૃષ્ણાર્થી છે તેને તો ભાગવતપાઠનો ઉપદેશ આપતી વખતે ‘નિર્હૃતુકમ્’ ‘અદમ્ભતઃ’ ‘સર્વહેતુવિવર્જિતમ્’ જેવા નિષેધવચનો કહેવાની આવશ્યકતા જ રહેતી નથી અને જે લોકાર્થી કે અર્થાધર્થી છે તેને ગમે તેટલા નિષેધ વચનો કહેવા છતાં કંઈ પણ ફરક પડવાનો નથી. આમ છતાં વૃત્યર્થ પુરાણપાઠની લોકપ્રસિદ્ધ પરમ્પરાને જોઈને કે કુલપરમ્પરાથી પુરાણપાઠદ્વારા આજીવિકા કમાનારી વ્યક્તિ પુષ્ટિભક્તિમાર્ગમાં દીક્ષિત થઈ હોય તે અથવા વિષમ પરિસ્થિતિવશ કે અજ્ઞાનાદિને કારણે કોઈ પુષ્ટિભક્તિમાર્ગી ક્યાંક આજીવીકાર્થ ભાગવત પાઠ-સપ્તાહાદિ કરવા લાગી ન જાય તે માટે આચાર્યચરણ શ્રીભાગવતનો આજીવિકામાટે ઉપયોગ ન કરવાની સ્પષ્ટ શબ્દોમાં આજ્ઞા કરી છે. અહીં એ ઉલ્લેખનીય છે કે જ્યારે-જ્યારે પણ ભાગવતપાઠ સમ્બન્ધિ નિરૂપણનો પ્રસંગ આવ્યો છે ત્યારે-ત્યારે ભૂલ્યા વિના આપે તેનો આજીવિકાર્થ ઉપયોગ ન કરવાની આજ્ઞા કરી છે:

“વૃત્યર્થ નૈવ યુગ્જીત પ્રાણૈઃ ક્ષણગતૈરપિ, તદભાવે યથૈવ સ્યાત્ તથા નિર્વાહમાચરેત્”

“એતદભ્યસનાત્ લોકોમુચ્યતે ડનુપજીવનાત્” (સર્વનિ. ૬૮)

“ઈદં નામાત્મકં ભગવતો રૂપં તત્ સ્વવિકેતરિ, વિકયાતિરિક્તં ફલં ન પ્રયચ્છતિ”.

ભક્તિમાર્ગીના જીવનમાં ગુરુ, મોટી ઉંમરના વૈષ્ણવ, ભણેલા વૈષ્ણવ, ઘરનાં વડીલ, સડગી વૈષ્ણવ આદિ પાસે ભગવન્નામ-લીલાદિનું શ્રવણ કરવાનો અવસર અનેક વખત ઉપસ્થિત થતો જ હોય છે. તે જ પ્રમાણે અનેક વખત કોઈકની સમ્મુખ ભગવન્નામ-લીલાદિનું કીર્તન કરવાનો પણ પ્રસંગ પણ આવતો જ હોય છે. નિરન્તર ભેગા મળીને ભગવન્નામાદિનું શ્રવણાદિ કરનારા ભક્તોમાં જે વક્તા હોય છે તે ક્યારેક શ્રોતા બની જતાં હોય છે અને જે શ્રોતા હોય છે તે ઓ ક્યારેક વક્તા પણ બની જતાં હોય છે. આમ શ્રોતૃ-વક્તૃભાવમાં ઉલટા-સુલટું થયા કરતું હોય છે. ભગવન્નામ-લીલાદિના શ્રવણ-કીર્તન કરનારા

વક્તા-શ્રોતાઓએ એક-બીજાની બાબતમાં તેમજ પોતાની પણ બાબતમાં અધિકારાદિનો વિચાર કરવો આવશ્યક છે. આ વિષયનું સવિસ્તર નિરૂપણ આચાર્યચરણ વિરચિત પગ્યશ્લોકી, ભક્તિવર્ધિની, જલભેદ, પગ્યપદ્યાનિ, સર્વનિ.નિબ.નું સાધનપ્રકરણ તથા ભાગ. સુબોધિની આદિ ગ્રન્થોમાં જોઈ શકાય છે.

ભાગવત એ ભક્તિશાસ્ત્ર હોવાની સાથોસાથ પુરાણકોટિક શાસ્ત્ર પણ છે. તેથી તેના કથન-શ્રવણની બાબતમાં જલભેદ-પગ્યપદ્યાનિમાં જે સર્વસાધારણદૃષ્ટ્યા ભાગવતાનુસારી ભગવન્નામાદિના શ્રવણ-કીર્તનની બાબતમાં અધિકારનો વિચાર કરવામાં આવ્યો છે તેના કરતાં વિશેષ વિચાર અપેક્ષિત હોય છે.

અધિકારનો વિચાર સર્વ પ્રથમ આવશ્યક હોય છે. શ્રીશુકદેવજી પણ તે બાબતમાં કહે છે:

પરિનિષ્ઠિતોઽપિ નૈર્ગુણ્ય ઉત્તમશ્લોકલીલયા,

ગૃહીતચેતા રાજર્ષે આખ્યાનં યદધીતવાન્

હું બ્રહ્મના નિર્ગુણ સ્વરૂપમાં નિષ્ઠાવાળો હતો છતાં ભગવાનની લીલાઓએ મારું ચિત્ત ખેંચી લીધું, તેથી હું શ્રીભાગવત ભાણ્યો.

આનો ગૃહાર્થ વર્ણવતાં ‘સુબોધિની’ વિવૃત્તિમાં મહાપ્રભુ શ્રીવલ્લભાચાર્યચરણ લખે છે:

હું ભાણ્યો તે બાળકની માફક સમજ્યા વિના ભાણ્યો એમ નથી, પરંતુ સમજીને ભાણ્યો છું.

પ્રથમ તો મેં મારા અધિકારનો વિચાર કર્યો કે મારે શ્રીભાગવત ભાણવું કે કેમ. કેમ કે શ્રુતિ તો કહે છે “આત્મલાભાત્ ન પરં વિદ્યતે”. બધા અધ્યયનનું ફળ આત્મલાભ છે. તે તો મને નિર્ગુણમાં એકનિષ્ઠતા હતી જ! તો પણ શ્રીભાગવતમાં મને રસ પડ્યો, તેથી તે રસનો મેં અનુભવ કર્યો. તે રસનું અપ્રકટપાણું જાણ્યું ત્યારે જેમ બ્રહ્મમાં લીન થયેલ જ્ઞાની સમાધિને કરવા બેસતો નથી તેમ હું પણ બ્રહ્મરસ કરતાં અધિક રસને લઈને ભગવદ્ગુણોએ મારું ચિત્ત ખેંચ્યું તેથી હું શ્રીભાગવત ભાણ્યો. ...કૂવામાંનું જળ તેમાં ડૂબે તેને સ્વાદનો અનુભવ કરાવતું નથી પણ જે તેને કાઢીને પીએ છે તેને કરાવે છે તેમ ભગવાન આનન્દમય છે, તેમાં જીવ લીન થાય તેને એવો ભગવદ્રસનો સ્વાદ ન આવે કે જેવો સ્વાદ ભગવાન સામે પ્રકટ થઈને નૃત્યાદિ કરે તો આવે. બ્રહ્મમાં તે રસ અપ્રકટ છે, ભગવાન પ્રકટ થઈને લીલા કરે છે ત્યારે તે રસ પ્રકટ થાય છે. અપ્રકટ રસની આશા રાખીને બેસવું તેના કરતાં હમણાં જ તે રસનું પાન કેમ ન કરવું એવા વિચારથી મારું ચિત્ત લીલામાં લાગ્યું તેથી હું શ્રીભાગવત ભાણ્યો.

તેથી જ આચાર્યચરણ પણ આજ્ઞા કરે છે: “**અધિકારમ્ આભિપ્રાયં જ્ઞાત્વા ભક્તમુખેન હિ, સકૃચ્છ્રવણમાત્રેણ કૃષ્ણે પ્રેમ ભવેદ્ધ્રુવમ્**”. ભાગવતનું શ્રવણ વક્તાનો અધિકાર જાણ્યા પછી કરવું જોઈએ. વક્તા ભગવદ્ભક્ત હોવો જોઈએ. ભાગવતાના તાત્પર્યનું જ્ઞાન થાય તે રીતે શ્રવણ કરવું જોઈએ. શ્રોતા વૈરાગ્યવાળો હોવો જોઈએ.

ભાગવતાર્થ નિબન્ધમાં પણ ભાગવતી ચર્ચા જેમ-તેમ જ્યાંત્યાં કરવાનો આચાર્યચરણ નિષેધ કરે છે. “તીર્થવાસનિરત શુદ્ધભાવવાળા શ્રોતાઓ વારંવાર જિજ્ઞાસા-પ્રાર્થના કરે ત્યારે ભાગવતનો ઉપદેશ કરવો જોઈએ. શ્રોતાની પ્રાર્થના પણ યદિ શુદ્ધ ભાવે ન હોય તો જાણતા હોવા છતાં વક્તાએ તેની સામે પોતાના જ્ઞાનનું પ્રદર્શન ન કરતાં ચુપ રહેવું જોઈએ”.

આ દૃષ્ટિથી જોતાં તેમજ ભાગવતના પાઠાદિ લૌકિક કે પારલૌકિક હેતુથી ન કરવાની મહાપ્રભુ શ્રીવલ્લભાચાર્યની નિષેધ આજ્ઞાનો વિચાર કરતાં સ્વજનના મૃત્યુ પાછળ તેમના ઉદ્ધારાર્થે કે ફંડફાળા ભેગા કરવા કે આજીવિકાર્થે થતી ભાગવતસપ્તાલ સિદ્ધાન્તવિરુદ્ધ સિદ્ધ થાય છે.

ભાગવત એ ભક્તિશાસ્ત્ર છે, ભગવચ્છાસ્ત્ર છે. તેથી તેનો પાઠ, અધ્યયન આદિ ભક્તિની દેહતામાટે, ભક્તિની વૃદ્ધિમાટે કે ભગવત્પ્રીત્યર્થ જ થવો જોઈએ. બીજાઓની દૃષ્ટિમાં જે કંઈ પણ હોય પરંતુ મહાપ્રભુ શ્રીવલ્લભાચાર્યની દૃષ્ટિમાં તો ભગવદ્રૂપ ભાગવતનો ફક્ત એક જ ઉપયોગ છે અને ફક્ત એક જ તેનું માહાત્મ્ય પણ છે અને તે છે : **ભગવદ્ભક્તિ**. તેથી આ સિવાય ઉપરોક્ત કે બીજા કોઈ પણ હેતુ માટે ભાગવતની કથા-પાઠ-પ્રવચન-વાંચન થાય છે તે શ્રીમહાપ્રભુજીની દૃષ્ટિમાં ભાગવતનો દુરુપયોગ છે, ભાગવતનો તિરસ્કાર છે, ભાગવતને અભડાવવું છે. આવું કરનાર સમ્પ્રદાયના સિદ્ધાન્તમાં પોતાની અશ્રદ્ધા પ્રકટ કરે છે. તેને ગુરુઆજ્ઞાના ઉલ્લંઘનનું પાપ પણ લાગે છે. તેનો પુષ્ટિભક્તિમાર્ગથી અધઃપા તથાય છે.

શ્રીભાગવતની ફળરૂપતા:

આટલા નિરૂપણ પછી ભાગવતની ફલરૂપતામાં કદાચજ સન્દેહ થઈ શકે છે. ભાગવતની ફલરૂપતા તેની ભક્તિપ્રાપ્તતામાં રહેલી છે. આચાર્યચરણ સુબોધિનીના મંગલાચરણમાં લખે છે: “ભક્ત્યંશે ફલતા પ્રમાણસુબલે વેદત્વમર્થે પુન:”. ભાગવતાર્થનિબન્ધમાં આપ આજ્ઞા કરે છે: “ભાગવતસ્ય ફલં સાક્ષાદ્ ભગવત્પ્રવેશઃ, સર્વસન્દેહરાહિત્યં, ભગવત્કૃપા, સર્વત્ર નિર્ભયત્વં, પરમપ્રેમય”.

આ પ્રકારે ભાગવતની પ્રમાણ-પ્રમેય-સાધન-ફલરૂપતાનું પ્રતિપાદન થયું.

શ્રીભાગવત આવું સમર્થ શાસ્ત્ર હોવા છતાં તેમજ ભક્તિમાર્ગીય સાધન અને ફલ સર્વોત્કૃષ્ટ હોવા છતાં કેમ બધા લોકોની પ્રવૃત્તિ તેમાં થતી નથી તેનું કારણ જણાવતાં આચાર્યચરણ લખે છે: “કલિકાલમાં મોલકશાસ્ત્રો જ માન પામે છે. માયાવાદાદિ મોલક શાસ્ત્રોના પ્રચારને કારણે લોકોની બુદ્ધિ મલિન થઈ જતી હોય છે. ભગવત્કૃપાથી જે તે દૂર થાય ત્યારે ભાગવત શાસ્ત્રમાં વિશ્વાસ થાય અને ત્યારે સત્ફલની પ્રાપ્તિ થાય” (શા.પ્ર.પર).

પુરાણાન્તરમાં ભાગવતની મહિમા વર્ણવતા કહેવાયું છે:

“કથં સ વૈષ્ણવો જ્ઞેયઃ શાસ્ત્રં ભાગવતં કલૌ, ગૃહે ન તિષ્ઠતે યસ્ય શ્વપચાદધિકો હિ સઃ”

આ ઘોર કલિકાલમાં જેના ઘરમાં ભાગવત ન હોય તેને વૈષ્ણવ કેમ માનવો! તેને તો ચાંડાલ કરતાં પણ હીન સમજવોજોઈએ.

“શતશોડથ સહસ્રૈશ્ચ કિમન્યૈઃ શાસ્ત્રસૂત્રલૈઃ, ગૃહે ન તિષ્ઠતે યસ્ય શાસ્ત્રં ભાગવતં કલૌ”

અન્યાન્ય અનેક શાસ્ત્રગ્રન્થોને સંઘરવાથી શું જો ઘરમાં ભાગવતશાસ્ત્ર જ ન હોય!

કિમ્ચિત્ પ્રાસ્તાવિક:

પ્રસ્તુત ગ્રન્થમાં, શ્રીભાગવત પુરાણના દશમસ્કન્ધ આધારે કરવામાં આવેલ, શ્રીકૃષ્ણચરિત્રના કચ્છી પદ્યાનુવાદનું પ્રકાશન કરવામાં આવ્યું છે. પદ્યાનુવાદક છે : કચ્છના ગામ : હમલા-મંજલ નિવાસી શ્રીખાનજી દેવાજી જાડેજા.

શીઘ્ર કવિત્વનું સામર્થ્ય આપને ઈશ્વરીય વરદાનમાં મળેલ છે. ગુજરાતી તેમજ કચ્છી ભાષા માં દોહા-છન્દ બદ્ધ આપની અનેક કૃતિઓનું પ્રકાશન થયેલ છે. ભગવાને કહેલા પ્રિય ભક્તના “નિર્મમો, નિરહંકારઃ, સન્તુષ્ટઃ સતતં, યોગી, યતાત્મા, દઢનિશ્ચયઃ, મધ્યર્પિતમનોબુદ્ધિઃ, હર્ષામર્ષભયોદ્વેગેર્મુક્તઃ, અનપેક્ષઃ” આદિ ગુણો આપના સરળ-સૌમ્ય વ્યક્તિત્વમાં દેખાઈ આવે છે.

પુષ્ટિમાર્ગ શ્રીકૃષ્ણની અનન્ય ભક્તિનો માર્ગ છે. મહાપ્રભુ શ્રીવલ્લભાચાર્યના મતે શ્રીભાગવત મહાપુરાણ શ્રીકૃષ્ણભક્તિનું સાંગોપાંગ નિરૂપણ કરનારું શાસ્ત્ર છે, શ્રીકૃષ્ણનું નામાત્મક સ્વરૂપ છે. આજીવિકા-કુંડ-કાળા-સન્તાનાદિની લૌકિક કે સ્વર્ગ-મોક્ષાદિની પારલૌકિક કોઈ પણ પ્રકારની કામના એ નિરુપાધિક પુષ્ટિભક્તિમાં સૌથી મોટું દૂષણ માનવામાં છે. આવા દૂષણથી રહિત, ફક્ત ભગવત્પ્રીત્યર્થે જો શ્રીભાગવતનું કોઈ કાર્ય થતું હોય તો તેમાં સહભાગી થવામાં કોઈ પણ પુષ્ટિભક્તિમાર્ગી પોતાનું સૌભાગ્ય સમજશે. શ્રીવલ્લભાચાર્ય ટ્રસ્ટ પણ આવીજ લાગણીથી આ ગ્રન્થના પ્રકાશનમાં પ્રવૃત્ત થયું છે.

અન્તે, ગ્રન્થના લેખકમાં તથા સહુ વાચકોમાં પરબ્રહ્મ પરમાત્મા ભગવાન્ શ્રીકૃષ્ણ પ્રત્યે નિરુપાધિક ભક્તિભાવ ઉદિત તેમજ વૃદ્ધિંગત થાય એવી શુભેચ્છા સહ...

વિક્રમ સંવત્ : ૨૦૭૦

શ્રીવલ્લભાબ્દ ૫૩૬

શ્રીવલ્લભાચાર્ય ટ્રસ્ટ વતી

શરદ્ ગોસ્વામી (માંડવી-કચ્છ)

અનુક્રમણિકા

લેખક જી આર્ધીનતા	૧	
કૃષ્ણજીવન ઝરમર	૩	
સર્વ દેવોની પ્રાર્થના	૬	
ચોવીસ અવતાર વંધના	૯	
અધ્યાય ૧	શ્રીકૃષ્ણજે પ્રાકટ્યજો કારણ	૧૧
અધ્યાય ૨	ભૂતળપેં પ્રકટ થીયેજો શ્રીકૃષ્ણજો ઉદ્યમ	૧૫
અધ્યાય ૩	શ્રીકૃષ્ણે કરેલો રૂપાન્તરજો સ્વીકાર	૧૮
અધ્યાય ૪	માયાજો કાર્ય, ધર્મજો નાશ ને ભક્તકે દુઃખ	૨૦
અધ્યાય ૫	નન્દોત્સવ	૨૩
અધ્યાય ૬	પૂતનામોક્ષ	૨૭
અધ્યાય ૭	શકટાસુર ને તૃણાવર્ત જો ઉધાર, વિશ્વદર્શન	૨૯
અધ્યાય ૮	ગર્ગાચાર્ય નામકરણ કરીતા	૩૨
અધ્યાય ૯	જસોદાકે શ્રીકૃષ્ણકે સ્વરૂપજો જ્ઞાન	૩૫
અધ્યાય ૧૦	નારદજીજે સરાપરૂપ ભગવદ્વૈરાગ્યજો નિરૂપણ	૩૮
અધ્યાય ૧૧	નન્દરાયજી ભક્તિ	૪૦
અધ્યાય ૧૨	અઘાસુર ઉધાર	૪૪
અધ્યાય ૧૩	બ્રહ્માજી વાછડાં હરીતાં	૪૬
અધ્યાય ૧૪	બ્રમાજી શ્રીકૃષ્ણજી અસ્તુતી કરીતા	૪૯
અધ્યાય ૧૫	ધેનુકાર ઉધાર	૫૨
અધ્યાય ૧૬	કાલિયનાગજો દમન	૫૫
અધ્યાય ૧૭	શ્રીકૃષ્ણજો દાવાગ્નીપાન	૫૮
અધ્યાય ૧૮	પ્રલમ્બજો વધ	૬૦
અધ્યાય ૧૯	બયી વખત દાવાગ્નીજો પાન	૬૧
અધ્યાય ૨૦	વરસા-સરદ રુતુજો વર્ણન	૬૩
અધ્યાય ૨૧	ગોપીગીત	૬૫
અધ્યાય ૨૨	કાત્યાયની વ્રતજી કથા	૬૭
અધ્યાય ૨૩	યજ્ઞપત્નીજો ઉધાર	૬૯
અધ્યાય ૨૪	ઈન્દ્ર જગનનો ભંગ	૭૨

અધ્યાય ૨૫	ઈન્દ્રમાનભંગ	૭૪
અધ્યાય ૨૬	ગોપનજે અજ્ઞાનજો નિવારણ	૭૬
અધ્યાય ૨૭	ઈન્દ્ર-સુરભી ભગવાનજો અભિસેક કરીતા	૭૮
અધ્યાય ૨૮	ગોપનકે ભગવાનૃ વૈકુંઠ બતારીતા	૮૦
અધ્યાય ૨૯	ભગવાનજી ગોપીનતે અત્મક્રીડા	૮૩
અધ્યાય ૩૦	ગોપીનજો વિયોગ	૮૯
અધ્યાય ૩૧	ગોપીગીત	૯૧
અધ્યાય ૩૨	ગોપીનજો રુદ્રને ભગવાનજો પ્રાકટ્ય	૯૨
અધ્યાય ૩૩	રાસલીલા	૯૨
અધ્યાય ૩૪	શંખચૂડ ઉધાર	૯૯
અધ્યાય ૩૫	યુગલગીત	૧૦૨
અધ્યાય ૩૬	અરિષ્ટાસુર ઉધાર	૧૦૪
અધ્યાય ૩૭	કેસીજો ઉધાર	૧૦૬
અધ્યાય ૩૮	અકુરજી વ્રજયાત્રા	૧૦૯
અધ્યાય ૩૯	મથુરાજી તૈયારી	૧૧૧
અધ્યાય ૪૦	અકુરજી અસ્તુતી	૧૧૫
અધ્યાય ૪૧	મથુરા પ્રવેસ	૧૧૭
અધ્યાય ૪૨	ધનુષભંગ ને કુબ્જા જી ગાલ	૧૧૯
અધ્યાય ૪૩	કુવલયાપીડ ઉધાર	૧૨૨
અધ્યાય ૪૪	કંસવધ	૧૨૫
અધ્યાય ૪૫	માતા-પીતાકે છોળયેંતા	૧૨૮
અધ્યાય ૪૬	ઉધવ વ્રજમેં	૧૩૨
અધ્યાય ૪૭	ભ્રમરગીત	૧૩૫
અધ્યાય ૪૮	શ્રીકૃષ્ણ કુબ્જા ને અકુરજે ઘરે	૧૪૨
અધ્યાય ૪૯	અકુર હન્ટીનાપુરમેં	૧૪૫
અધ્યાય ૫૦	જરાસંધજી કથા	૧૪૭
અધ્યાય ૫૧	કાલયવન ને મુચુકુંદ રાજા	૧૫૩
અધ્યાય ૫૨	જરસંધને કૃષ્ણજો ફરી જુધ ને કૃષ્ણ ધ્વારીકાર્મેં	૧૫૮
અધ્યાય ૫૩	રુકમણી હરાણ	૧૬૨

અધ્યાય ૫૪	શીશુપાલજો જુધ ને લગન	૧૬૭
અધ્યાય ૫૫	પ્રદ્યુમ્નજો જનમ	૧૭૩
અધ્યાય ૫૬	મણીજી વારતા	૧૭૭
અધ્યાય ૫૭	સતધન્વા ઉધાર	૧૮૦
અધ્યાય ૫૮	હન્તીનાપુરા જાત્રા ને કૃષ્ણજી લગન	૧૮૩
અધ્યાય ૫૯	ભૌમાશુર ઉધાર	૧૮૭
અધ્યાય ૬૦	રુક્મીણીસે ભગવાનજો પરિહાસ	૧૯૧
અધ્યાય ૬૧	શ્રીકૃષ્ણ સંતતી વર્ણન	૧૯૫
અધ્યાય ૬૨	ઓખા હરણ	૨૦૦
અધ્યાય ૬૩	બાણાસુર યુધ	૨૦૪
અધ્યાય ૬૪	નૃગ આખ્યાન	૨૦૮
અધ્યાય ૬૫	બલરામજી વ્રજજાત્રા	૨૧૨
અધ્યાય ૬૬	પૌંડ્રક ને કાશીરાજ ઉધાર	૨૧૬
અધ્યાય ૬૭	દ્વિવિદ વાનર ઉધાર	૨૧૯
અધ્યાય ૬૮	કોરવે મથા બલરામજો કોપ	૨૨૨
અધ્યાય ૬૯	નારદજી જોયેલી ભગવાનજી દંનચર્યા	૨૨૮
અધ્યાય ૭૦	શ્રીકૃષ્ણજી દ્વારિકામેં દંનચર્યા	૨૩૧
અધ્યાય ૭૧	શ્રીકૃષ્ણ હસ્તીનાપુર વનેજી તૈયારી કરીતા	૨૩૫
અધ્યાય ૭૨	રાજસુય જગન ને જરાસંધ જો ઉધાર	૨૪૦
અધ્યાય ૭૩	રાજાનજી મુક્ત ને દ્વારીકા રવાના	૨૪૫
અધ્યાય ૭૪	રાજસુય જગનમેં શીસુપાલજો વધ	૨૪૮
અધ્યાય ૭૫	જગન પુરાણ, દુર્યોધનજે અપમાન	૨૫૩
અધ્યાય ૭૬	યાદવ-સાલ્વ જુધ	૨૫૬
અધ્યાય ૭૭	સાલ્વજો વધ	૨૫૯
અધ્યાય ૭૮	દંતવક્ર-વીદુરથ જો ઉધાર	૨૬૩
અધ્યાય ૭૯	બલ્વજો નાશ	૨૬૬
અધ્યાય ૮૦	સુદામા ચરીત્ર	૨૭૦
અધ્યાય ૮૧	સુદામા ચરીત્ર	૨૭૯
અધ્યાય ૮૨	શ્રીકૃષ્ણ ને બલરામ સાથે પુનઃ મીલન	૨૮૩

અધ્યાય ૮૩	ભગવાનજી રાણીયને દ્રૌપદી મીલન-સંવાદ	૨૮૯
અધ્યાય ૮૪	વાસુદેવ જગન જો આરંભ કરીતા	૨૯૩
અધ્યાય ૮૫	ભગવાન દેવકીજીજે મૃતપુત્ર પાછા ગની અચેતા	૨૯૯
અધ્યાય ૮૬	સુભદ્રા હરણ	૩૦૪
અધ્યાય ૮૭	વેદ અસ્તુતી	૩૧૦
અધ્યાય ૮૮	શીવજી સંકટ મોજન	૩૧૪
અધ્યાય ૮૯	ત્રણે દેવોની પરીક્ષા, બ્રામણસુતને જીવાળવું	૩૧૮
અધ્યાય ૯૦	શ્રીકૃષ્ણજી દારીકાલીલા	૩૨૪



શ્રીમદ્ ભાગવત પુરાણ દશમ સ્કંધ આધારીત શ્રીકૃષ્ણ ચરીત્ર પદ બંધ કચ્છી ભાષામાં સબ્ધ કચ્છી ભાષા

લગે અગળને વગર અખર, કુછણમેં કળાકે કેળી
જ્ય વદરમેં વન વરાકો, ચળે જ ભાન તે તેડી.
વતનકે અતરી વલી, ક્યાં હીયેજો હાર
સત પેઢીયુ બાર રયાં, ઉતપ કચ્છી ઉચાર.
આલમમેં મણીઆ મઠી, બોલી બાબાણી
સંધ સોરઠને કચ્છમલી, થઈ ત્રીસે જાળાણી.

વાર્તા લખેજી તથ

સંવંસ ૨૦૫૬ શાલ, ચૈતર સુદ બીજ બુધવાર
કૃષ્ણ કથાજો આરંભ કરીયા, ગોણસેજો ધ્યાન જ ધરીયા.
સરસતીમાં વાણી તે વીજા, જભાનમે જોર જ દીજા
ગુણીઅલ આર્યા ગુણજા ભંઢાર, દેવ વડા દાંની દાતાર.
તેજી ગુજજી ગાલ લખાતો, સદગુરુજો શરણ મંગાતો
અતરી મુજી આયા અરજી, ઈ મુળી અય આંજે ઘરજી.
દયા કરીને દીજા દાન, સરગમ સરજે સીધી જભાન
દાસ જાડેજાજી અય હથજોડ, દયા કરી દીજા રણછોડ.

લેખક જી આધીનતા

પહેલા અન જો પુજન કરીયા, સુઢાડે જો ધ્યાન જ ધરીયા
સમરણ કરીયા સારઘ માય, આંજે ચરણે શીસ નંમાયા.
શ્રી ગુરુ વર ગુણ ગંભિર, જ્ઞાન દજિ ધલમે ધીર
માતા પિતા કે કરીયાં યાઘ, જે જા ગુણ અર્થી અગાઘ.
કુળ દેવ આંધી સાંચ કરીજા, મુંજી મંગણી પુરી કરીજા
હુંન જગજો જીવન આધાર, દેવ વદો થ્યો ઈ સાકાર.
જાઘવ કુળ મેં જનમ ગનીને, આયો ઈ અવતાર ધરીને
તેજી લીલા લખણી આય, મળે મલીને કઈજા સાંચ.
આંઉ ઐયાં અભણ મતી મંઘ, નાય કેયો સાસ્ત્રે જો સંગ
જી લવણ જી પુતરી નકરથી, ધરીયા જો તર નેરણ ઉપળઈ.
તેળી જ ગત તાં મુંજી આય, તોય લખણજી ઈછા અય
કવી નંયાં નાય ભણયો પાઠ, તોય નતો રોવાજે માંઠ.

કવી ચોવાજે જગમેં સે, જે કે જરા વઘપ નં વે
કવી જગમેં માણીઆ વડા, કવીયે મેં વે ગુણજા ગદા.
માજન સે સંમજે પડ પીર, દાતા શુર વે રણ મે ધીર
મંન વસ સે માણીઆ બળવંત, કરુણા ધલમેં સયા સંત.
રાજ કારણ જી રીત જ જાણે, આલમ તાં તેં કે જ વખાણે
જતરા જગમેં ગુણ ચોવાજે, ગુણ વારા જત તત પુજાજે.
ઈ ગુણ તાં મું મેં કો નાય, વડો ભનેજી ખાંખત આય
જન ઘટી જી ખબર પ નાંચ, ઉનં માગ તે વનાણું આય.
રામ ભજેયા ઈ થ્યા સુખીયા, રામ થી પરેયા ઉનર દુખીયા
કામી જગમેં માણીઆ અંઘ, ખોટો ખેં ઈ જમજે બંઘ.
પાપી પુરા નંધ્યા કરીયે, અપોચીઆઉ ઈરસા કરીયે
લોભી લુગળ માણીજા મુર, પઈ પઈ સેલા કુટીયે કુળ.
અવગુણ તાં ચોવાજે જતરા, વેદ પુરાણ વતાયાં અતરા
ઉ અવગુણ મળે મુંમે અર્થી, વસારજા વાલંમ આયી.
આંઉ અયાં અજ્ઞાની અજાણ, લખણા અર્થી આજા વખાણ
અતરો મરમરો મુંજે મંનમે, જનમ દનાં આજે કુળમે.
ઈ જ વિચારે કલમ ઉપાળયી, આંમે પુરી કરુણા ન્યારયી
આંજે ખજાને નાંચ કી ખોટ, સંબંધે જી ભરતી નાંચ ખોટ.

આંધી ગુંગે કે કર્ષો વાચાળ, પંડીત પોત્રા મોજા લાચાર.
 ઈ ચાવી આય આંજે હથમેં, સોંપે ડનાં આંધી પાતર કે.
 શ્રી હરી લખાતો આજા વખાણ, ઘોડી જલણા ઉગધા ભાંણ
 મુરાધ મનજી પુરી કરીજા, મુંજી આરજી ઉર ધરીજા.
 ખોલ્યો મુંજી ધલજા ધવાર, ક્રૂપા કરેયો કેશવ કરતાર
 છેલે કરીયા તો હથજોડ, જાડેજા જગ જય રણછોડ.

દોહરા

ઉભરો ચવ્યો અંધર મજા, ઈ ઉછરી નકરયો બાર
 સબધ સરી પ્યા સામટા, ઈ મંજજી મંજ ભભકાર.

ગીતા

યદા યદા હી ધર્મસ્થ, ગ્લાનિર્ભવતિ ભારત

અભ્યુત્થાનમધર્મસ્થ, તદાત્માનં સૃજામ્યહં

જદે જદે હંન અવની મથે, આસુરી વૃત્તી વધેતી અનં પોવા અનજો હકળો જ કારણ ક કૃષ્ણ
 જે સજો જીવન જ ન્યારોત. બરા જતરા સાસ્ત્રે મેં માડુજા, લખણ ચોવા જેતા ઈ મળે જ કૃષ્ણ
 મેં વા શીલ સંતોસ, સદાચાર શક્તિ સૌદર્ય સહન. સીલતા ઈ સર્વોત્તમ ગુણો જો, ભંઢાર ઈ હુવા ઈ
 ચોણું જ પે જે જી વિલક્ષણ બુધી રાજ નીતી, ચરીત્ર નાયક એળો બ્યો કોય. પણ હન પટ મથે
 પેધા નાંચ થેઓ, જેં જા મન મસ્તીક કર્મક્રતવ્ય જે ક્ષેત્રે મે સર્વોચિય ઉત્કર્ષ, જા ઈ પ્રતીક વા
 ભારત. જે સજે સાહિત્ય મેં સંસ્કૃતી મથે, શ્રી કૃષ્ણ જો પ્રભાવ ન્યારેયો અતુલીની અય ઈ
 સંસ્કૃતી જા, પ્રાણ સ્ત્રોત્ર વા તદેજ ઈ. અજ તંચી અન અવતાર જો, પ્રભાવ બે કદા કે મે ન તો
 ડશાજે ભગવાન શ્રી કૃષ્ણ યુગ ત્રાતા અને, રાજનેતા જવા ન્યારેયોત. પંઢજી અતુલ શક્તિ
 બુધી જો, બર મેં અદવેત્વ જવા તન વખત મેં સજે ભારત મેં, સતા જા સાવ ટુકરા થઈવ્યા
 વા. રાજા અધમી વા ભારત મેં કત, નીતી જી નીશાની ન વચી એની મણી કે સમોળા કરે,
 અખંડ ભારત સાર્વ ભોમ ભનાંચ. ને પાત્ર જુકો વા તે કે સતા સોંપે, ડનાંવા ઈ ચોખો અજ પાંકે
 દસાય તો કેજી પણ પગ જમીન, પંઢ ધબાયા નવા પંઢતા. દરીયા મેં દવારીકા વસાયા વાં અંન
 વારીકા જો વર્ણન અનજી સાયભી અજ તર્થી વખણા જે તી. યાદવે જી તાકાત તેની હંન ઘરા
 મથે અજોડ હુચી જેં જો દંકો સજે દેસ મે વગોતે યાદવ અજીત વા કોય પણ સતા તેની એડી
 અસ્તીત્વ મે નં વઈ જીકો યાદવે કે જીતી શકે. યાદવ મળે દેવ જ વા, ભગવાન જે આદેસ સેંજ મળે
 તેની અવતાર યાદવ કુળમેં ઘણા વા, ઈ સજી વારતા ભાગવત પુરાણ જે દશમ સ્કંધ મેં પેલે
 અધ્યાય મેં દશા જેતી બ્યો ઈ જ ન્યારો રામા અવતાર મેં પણ દેવ મળે વાનર રૂપ અવતરેયા
 વા ને રામજી બોરી જ સેવા કર્યાં વા તે જો ભઘલો કૃષ્ણા અવતાર મેં દેવે કે દનાં જેં જે સુખજી
 પણ હધ હુઈ અજતથી વખણા જે તી. અને છેલે ભગવાનજી લીલા ત ન્યાર્યો અર્જુન કે ગીતા જો
 ઉપદેશ દયી મહાનતા ભનાયા પણ પાલા હન જગલા કરે હકળી અજોડ જ્ઞાન જો ભંઢાર ગીતા ને
 બ્યો ઉધવ કે અંત મેં જુકો બોધ દનાં એકાદસ સ્કંધ મેં વણાશ્રમ જા ધર્મ માનવ ધર્મ ઈશ્વર

આતંમ જી ઓળખ ભાકી વણશ્રમ શ્રણ પુજા ધ્યાન સમાધી છેવટ જીવ જગત મેં સફર પુરી કરે
 અંતીમ છેલે ટાંણે મુક્તિયી સમજાયા અર્થી. પંઢજી ઓળખ અતરે જીવ સજીવ મે આતમાં ઈ જ
 બ્રમ વતાયા અયા અતરે કોય પણ જીવ જીવલા કરે કૃષ્ણ જી વિચાર ત ન્યારેયો ડુગા જીવ ન
 પણ ઝાડ પન રજ કણ કણમેં ઈશ્વર વતાયા અયા એળો અમુલ જ્ઞાન જો ભઢાર પંઢ જગલા
 જીવેલા વતાય ને છે લે પંઢ પ્રાચી જે પપર વધી લીલા પુરી કરીયેતા ને ઉતે છેલે વતાયેતા ક હી
 દશા જે તો નજર મેં ઈ મળે નાસવંત લકળો આતંમ જ અમર અય.

કૃષ્ણ જીવન ઝરમર

રાગ : બહાર

અશુર વધેયા અવની તેં જેની, અધમ કેયા એની અણધારીયી
 તેડે અલખ પુરુસ આયો અવનીતે, ઘરે અવતાર ઈ અસુરારી. અશુર
 ભારત મેં જતરા થ્યા ભગવંત, તેં મેં કૃષ્ણજી લીલા ન્યારી
 રામ રાજ્ય જી ટુટી પરંપરા જડે, ટુટણ લગી સંસ્કૃતી સારી. અશુર
 નીરાકાર સાકાર થયી આયો, યાઘ રખે યાઘવ કુળ ભારી
 તપધારી ઉ જનમ જનમ જા, વચન દનાવા ઉ સંભારી. અશુર
 બાળ ભની ભ્રમ આયો ભલે પણ, વર્તન કેયા વધી વિચારી
 જગમેં જતરા ગુણ જ ચોવા જે, ઈ મળે ઓતાર્યા મોરારી. અશુર
 શીલ દયા સંતોસ સુગળતા, ધીર વીર ધીરજ ધારી
 સ્યામલ મુરતી ગગન ગંભીરા, સાયર જેળા જળ વારી. અશુર
 સૌદર્ય શક્તિ સહન સીલતા, સામ દામ દંડ ભેદ જ ધારી
 કરુણા સાગર પ્રેમ જી મુરતી, બાળ યોગી ઈ બ્રમચારી અશુર
 યુગ ત્રાતા જગદીશ્વર જગમેં, બળ બુધી વિલક્ષણ ભારી
 કતરા કમ અની કપરા કઢેયા, મારગ જા જર્ની મનહારી. અશુર
 માત્રુ દેવો ભવ સંસ્કૃતી પાંજી, જાંની છટેયા વા સાવ વસારી
 કંસ રાજા જો દાખલો ન્યાર્યો, પીતા પુરેવે જેલ મંજારી. અશુર
 જરાસંઘને કંસ શીસુપાળ, કુટણે જી હુધી સીતારી
 ધર્મ મરજાદ જદે જદે, અવની હુઈ તેની દુખીયારી. અશુર
 તદેક્રતવ્ય પરાયણ ચેતના જાગઈ, ઉથી ઉભા થ્યા અસુરારી
 યુગ નેતા શ્રીકૃષ્ણ ભનીને, આયા અવની અવતારી. અશુર
 પેલા પતાયા કંસ જરા સંઘ, સાર્વ ભોમ કે દનાં સુમારી
 પ્રતી આસુરી જો થંભ ઘસેને, ઘરંમ જી કેયાં જે જે કારી અશુર

શ્રી કૃષ્ણ ગુણ ગાથા, ચોપાઈ

ભારત જા ઈ ભાગ્ય વધાતા, ભોગોલીક પ્રકૃતી જા નીર્માતા
 સંસ્કૃતી કે જીવન દયીને, બજ પોખ્યા ગૌરવ જા વઈને.

ચરીત્ર જા મંજ ખાતર પુર્યા, ધર્મ નીતી જા અંમ્રત સીરંચા
 અનુપ સૌરભ પુરુપ ભનાઈ, ધર્મ રાજા કે રાજ ઈ સોધ્યા.
 રાજસુય વર્ની યજ્ઞ કરાયા, સાર્વ ભોમ જી સતા વેરયા
 અખંડ ભારત જે સભા પર્વ મે, ચોખો દસાજેતો યજ્ઞ મંડપમે
 સૌર્ય ઉદાર બુધી બળ તેજસ, વદા ભનાંયા ભુપેમે સર્વસ
 ભીસ્મ પીતા ગોસીત કરીતા, વિજ્ય માળ કંઠ મે ધરીતા
 પાદં વે કે અત વયી સમજાયા, શક્તિ સાળી સંગ ભનાયા
 જત અધર્મ અનીતા જા વા અખાળા, કોરવ કીચક કેયાતે બખાળાં
 તેં કે ધબે ને ધરા છોળાયા, અકળે હથ ઈ રાજા ભનાયા
 સજે જગજી સંસ્કૃતી ન્યાર્યો, મણી કૃષ્ણ જો કંમ વખાણ્યો
 અન્યાયી જા મુળ જ કહેયા, ન્યાય નીક્ષીજો થંભ જ બધેયા
 જે જે જીવન મે હકળો ધે વો સે અની પુરો ક્યાં

રાગ : ધનાશ્રી

એળા સંતેજા હીત કારી, ભગવન સંતે જા હીતકારી
 કુટુંભ કંભીલે જી છટે મો મંમતા, વેલા દંનાઈ વસારી એળા સંતજા
 જાધવ કુળ જગમે મા બળીઓ, જે જી કીરતી જગમે ભારી
 તેં કે દશી મધ મેં મન મોહન, સરમાણા અલગારી. ભગવંત...
 અવરા પાઠ ભાણાયા પંઠ વયી, નાવયી કેં કે અણસારી
 ભ્રામણે તેં તા ભધ ચળાયા, ભુધર ભુતળ ભારી. ભગવંત...
 રાષ્ટ્ર ભક્તિ નેં જન કલ્યાણે, અજોડ સેવા જે જી ન્યારી
 દીન દુખીયે જો રક્ષણ કેલા વદાનયી પંઠ પગ વારી. ભગવંત...
 મહાભારત જે પંને પંને જો, વાયંન કર્યો વીચાર
 તડેજ સમઝણ પે સજે જીવનજી, અકલ પુરુસ ઈ અવતારી
 ભગવંન સંતેજા હીતકારી

ચોપાઈ. સ્વભાવ વર્ણન

એળા કૃષ્ણ પ્રભુ અલગારી, જે જી ગાથા સદા સુખકારી
 કદે ઉદાસ અકળ નં દસજે, હરયા ફરંધા ખલંધા દરાજે
 જેં જો જીવન જગ કારણ, રાજ નીતી ને ધરમ જ સ્થાપન
 અન વૃત કે ઈ પુરો નભાયા, ત્યાગ જો તપ જગ કે વતાયા.

જેં જો સજો જીવન ભારત રાસ્ટ્ર જે ભોગોલીક સંસ્કૃતી બચી રાજનીતીક ચારીત્રીક નવ
 નીર્માણ અન પવીત્ર વ્રત જો અની પુરો પાલન કરે જગ કે વતાયા, જે જે સજે જીવન મેં હકળી
 જ ગાલ દસાજેતી ક દુસ્ટ ધુર્ત આતતાયી સાંમે વળે જો અનીકે જો રે દ્રમં થાપે જો જ માંગ દશ
 જે તો રાષ્ટ્ર જે હકળે છળે થી બે છળે સુધી પ્રજા પાલક સાંસન જી થાપનાં કરાયા અને સ્વ

રાજ્ય સ્વધર્મ જી રક્ષા શક્તિ સંપન્ન કે ભનાયા અને છે લે ભારત જે સીમાળે સુધી અભેદ ગઢ ભનાયા ને ભારત કે ધર્મ રાજા કે સોપ્યા, અને છે લે ભારત કે દેવી વયા જ્ઞાન જે ખજાનું અતરો ઈ ઉપકાર કેયા અપી જેમ રુણ પાં કટેપ ચુકાઈ ન સગધાસી. અને છેલે અન જે વતાય વાટ તે પા હલધાસી ત કદે પણ જરા દુઃખ ન અચીધો દુકાર ન પોંધા પાપ અનીતી અધર્મ જે નાં નંદસોધો ઈ ચોખો દશાજેતો

ચોપાઈ

મહાભારત મેં અર્જુન કે ઈ, ગીતા સુણાયા પુરી વઈને
 અન ગીતાજો મરમ ખાલી મોક્ષજી, આય ગાલ માનવ ધંમ્મજી
 જીવન જે આદર્સ અય અંનમેં, વાટ વતાયા ઈ આચરણમેં.
 પંઢ જે જીવન જે અનુભવ સૌરભ, સાર્થકતા જે ડઈ વ્યા ગૌરવ
 દુગ્ધ પાન કરેલા ઈ ચઈવ્યા, કામધેનુ ગીતા ઈ ડયી વ્યા.
 જેજા રુણ ભારત જે અજ તર્પી, ક્રીન ભુલા જે અજર અમર અર્પી
 અમ્મત કુંભ જે સભર ભરેલો, ઘડો ઈ ડયી વ્યાસજો છલકેલો.
 જે જા વિસ્વ મેં વખાણ થીંતા, અજોડ ક્રતી હી ભગવત ગીતા
 સાર્વ ભૌમ ઈ સંસ્કૃતી પાંજી, અજ ન્યારોત લગેતી તાજી.
 કતરા કેણા અનજા વખાણ, યુગ પુરુસ રતનં જી ખાણ
 અર્જુન જે રથ પંઢ હલાયા, મહા વિભુતી ઈ નાતો નભાયા.
 હન ધુનિયા મેં જતરા થ્યા જભરા, તેં મેં કૃષ્ણજી જેણા કતરા
 વિભુતીએમેં માણીઆ વડા ઈ, સ્વજન વલભ ઈ દસાઈ.
 ગોપીએજા ઈ રાસ રસેશ્વર, નટખટ નંધ જે લાલ રસેશ્વર
 કરુણા સાગર પ્રેમજી મુરતી, કડે ન કોપ્યા કાળ સ્વરૂપી.
 જે જી મોરલી ધુનમેં માડુ માતર, પશુ પંખીને જીવ ચરાચર
 સરવાણી મેં મળે બંધાણા, થઈ બાવરા જીવ અટવાણા.
 ભગવાન જી મોરલી મે ખાલી માનવજાત ન પણ માતર
 જીવ ચર્યા ભનેયા વા, એણા ઈ પ્રેમ સ્વરૂપી કરુણા જા
 ધરીયા જેની મથુરા વ્યાતે, ત નદી ગોપીએ જે કલપાંત
 દશી ને ચેયાંવા વા કે આંકે ફરી નકી મલયોસે અંનગાલ
 કે પુરી કરે લાય સજે કુટુંભ જાધવે કે કોઠે ને કુરુક્ષેત્ર
 મે યાત્રા કેલા વંનેતા તંનંદી વદો સુરજ ગરોણ વો ઉતેકે
 સ્નાન કે જે વડો મહિમા અય તન ડી ઉતે સજે ભારત જા
 રાજા સાધુ સમાજ વ્રજા લખુ માડુ ભેરા પ્યાવા તેં મે નંદ રાજા
 જસોદાજી વ્રજ જા ગોપ ગોપીયુ મળે સ્નાન કેલા આયા વા

ચોપાઈ

સુરજ ગરોણ જો સ્નાન કરેલા, કુરુક્ષેત્ર મેં આયા કરેલા
 નદ યસોદા ને રાધાજી ભેરીયુ, અચી મલે ત્યું ગોપીયું ભેરીયું
 અનલધ પ્રેમ વિરલ જી વાણી, સુણી રુકમાણી થ્યા પાણી પાણી
 સતયભામા અચી મથો ન માયા, રાધાજી ચરણ રજ મથેતે ધાર્યા
 અન કુરુક્ષેત્ર મે જડે ભગવાન કે વ્રજ વારા ગોપ ગોપીયું મલે ત્યું
 તેર અની જો ભાવ અને લાગણી પ્રેમ દશી ને જાધવે જો સજો
 કુટુંભ વિચારે મેં થઈ વયો ને મળે રાણીયુ રાધાજી કે ન્યારે ને
 નમન કરી પગે મે પઈ વંનેત્યુ

ચોપાઈ

અવતારી કમ પુરો કરેલા, વઠા મેલાત જો હરી હેકલા
 ભારત જા ભગવાન અજ ઈ, ઉધવ કે કોઠાયા પંઢ ઈ.
 ઉધવ કે બ્રમ જ્ઞાન ઈ દીતા, સર્વોત્તમ ઈ ધ્રમે કથીતા
 જે જી વાણી અજોડ જગમે, શીરો માન્ય માણી ધ્રમે મે. ધરંમે મે
 ભાગવત જો એકાદસ સ્કંધ, ચોવી અધ્યાયમે ઈ પ્રસંગ
 આતમ જીવ જી ઓળખાણી, સમજાઈ વ્યા સારંગ પાણી
 જનમ જેલ થી જીવંન ગાથા, પુરી કેયાં અતીમ નાથા
 પ્રાંચી જે પપર વટ વઈને લીલા શકેલ્યા હેકલા વઈને
 ભારતમે ભળવીર થઈ વયા, અજર અમર રાંધ રમી વ્યા
 ભીલ મથે ભધ ફગાયા, રામાવતારજી ગાલ કે પાર્યા

મંગલા ચરણ, સર્વ દેવોની પ્રાર્થના, દોહરા

હન આલંમ મેં અજ તથી, પેલો ઈ જ પુજાય, સુભ કમે મેં સાથ દે, લંબોદર માલા કાય
 રીધી સીધી જો દેવ ઈ, લઈઓ લેખણ હય, લીલો લખાતો લાલજી, સચો વતાઈ જા પથ
 શંકર સુત શીરોમાણી, દેવે જા આંચી દેવ, સબંધ સોધ જાણા ન ફી, આચી વતાઈજા ભેવ.

કુંદલીઓ

સરસતી માતા સારધા, આંચી વાણી જા આદેસ
 રંમધલ માં રસનાં મથે, સારંગ સાથ હંમેસ.
 સારંગ સાથ હંમેસ, સરંણ આં જે અચાંતો
 ડીજા જભાન મેં જોર, હથ જોડે ઈ જ મનાંતો.
 ભજન ભનાય ભાવસે, લખા વાલંમ જી વારતા
 વાણી જા આદેસ, દીજા સરસતી સારદા.

ગુરુવંદના

જંની જગતજે જીવે તેં, અચી કરે કેયાં ઉપકાર, બ્રમ અંસ પ્રગટ થઈ, ધર્યા ગુરુ અવતાર.

જુકો નમેયા ચરણ મેં, તેજ જલેયા બાં, જીવ છોળાયા જગતજા, પાર પુજાયાં ધાં
વાટ વતાયાં બ્રમજી, એળા ઉપકારી. સદગુરુ દીન ક્યાલ, સંત સીવ સુખારી

શંકર જી પ્રાર્થના

ધુલો હન દુનીયા મથે, દેવ વડો દાતાર, હે મારે તે હલી વઠો, સમાધી મે જ સરાર
સમાધી મે જે સરાર, ભેરા ભુતે જા ટોળા, પર જોતી પરકાસ, અલખ દેવ ઈ એળા
સમરે ભેરા સાય થીં, વેદ વતાઈયે અકળ ગતી, ધીંગો ઈ ઘર બાર, અવની જો ઈ અધીપતી

બ્રમાજી જી વંદના

પ્રથવી કે પેઠા કેંયા, પેલા જ સર્વાવાસ, રજો ગુણ જા દેવ ઈ, તેજ પુંજ પ્રકાસ
તેજ પુંજ પ્રકાસ, ચારોય વેદ જી વાણી, પ્રગટ કેયાં સંસાર, જીવ ચોરાસી ખાણી
ચતુર ભુજ ચતુરાનંદ, ચો મુખ સર્વાવાસ, પેલા સર્વા વાસ કેયાં, પ્રથવી કે પેઠાં કેયા

શેસ નારાયણ

પાથારી રોસ નાગજી, ફણા મથે ઈ હજાર, ખીર સાગર જી લેર મેં, સુતા દસજે સરધાર
સુતા અચી સરધાર, લખમી જી સેવા કરી, નારઘ સારઘ દેવતા, વટ વઠા ધ્યાન ધરી
અગંમ નીગમ પુજે નતા, અકલ કળા ઉન દેવજી, ફણા સોભે હજાર, પાથારી શેસ નાગજી

નર નારાયણ વંદના

હેમારેજી ધાર મથે, તપસ્યા કરીયે દેવ, નારદજી કે ચ્યાં કથા, મદ ભાગવત જો ભેવ
ચેતન શક્તિ ઉતપતી, નીરોધ મુગથી બચી, સંતે ભક્તેજી કથા, સમજાયા વટ વચી
નર નારાયણ દેવ ઈ, અકલ અનંત અવતારી, પ્રગટ પરી બ્રમ દેવ, જ્ય જ્ય સ્વેત સુખારી

વસુ દેવ દેવકી જી પ્રાર્થના

જનમ ગણા જત જગપતી, જોગે સર ભગવાન, ધન વસુદેવ દેવકી જી, ધન મથુરા ધામ
ધન ધન આંજી તપસ્યા, ધન ધન આંજી ટેક, હરી આયા અધરામ જા, ઈ ગોલક થી છેક
અગીઆ પણ તાં ઈજ હરી, ધર્યા વા અવતાર, ધન વસુદેવ દેવકી, નમન વારં વાર.

બલરામ જી વંદના

ખાણી વઠા હન ભુમીજો, મળે મથે તે ભાર, નારાયણ અવની અચે, તડે ઈ પણ થી તૈયાર
સેવા કેયાં શ્રી રામજી, અજ તયી અય એ અજોડ, રામાયણ જી રાધમેં, દસો રામ જા બોલ
ઉ યાધ રખેયા યદુપતી ને વડા ભનાંયા ભા કે, પુછે વગર પગ ભરીયે નતા ધન બલરામ આંકે

નંદજી જ સોદા જી વંદના

થેયા નં કી બ્યા થીંધા જગમે, જે જે હી ઈતિહાસ, જે જે આગંણ મેં રમેયા, શ્રીહરી સર્વાવાસ
જનમ્યા જાઘવ કુળ મે, હલી આયા નંદ ઘર, એડી કેયાં ઉની ભંધગી, એળા ઈ મગેયા વર
ધન જશોદા નંધ કે, ધન ધન ગોકળી ગામ, ધન ધન આજી ભક્તિ, જત રમયા ભગવાન

મોહમાયા વંદના

પેલા પંઢ પ્રગટ થેયા, મોમાયા અવતાર, અવની અંબર કે ઉપયા, પંજ ભુત પ્રકાર

શુર અશુર ને જીવ શંનો, માનવ જાત જી ધાર, ચેતન શક્તિ પ્રાણ બ્યા, ચેતન જો આધાર.
માયા ઉપાયા અવનનીમે જીવ ભુલી વ્યા સાવ, પણ આંજે આયા શરણ મેં ત પાર પુજ્યા નાવ

શ્રીલખમીજી વંદના

લાલ કમળ દલ લાલ ને, લાલ કમલ કર લાલ, સીંધુ સુતા શ્રી જીવલા, સાન્ત સરુષ કપાલ
ગરુળાંશન ગજ ગામીની, ગજ લખમી ગંભીર, વીધ્યા યસ વર દાધીમાં, તેજ પુંજ રણ ધીર
જીન ઘર મેં આંચી વસો, ઉતવે લીલા લેર, દાસ અસાંતે દેવી આંચી, માડી કરીજા મેરં

રાધાજી જી વંદના

હન આલમ જા અધીપતી, આદ અનાદી અજાત, ઉનજે ધલમેં નંત રમો, નવધા નાલે જાત.
પરા ભકિઆયી બ્રમજી, હન ભુતળ મેં ભરપુર, જ્ઞાની ધ્યાની મંજ રંમે, ભકત સંત ચકચુર.
અવતરેયા અવની મથે, ભીખુ ભાનજી બાલીકા, જદુવતી જા યાગલા, જગમઠા આરાધીકા.

યમુનાજી જી વંદના

સાંમ રંગ જા દેવી આંચી અરુણ ઘરે અવતાર, અગોર તપસ્યા કે કરે, વેરયા આંચી કરતાર
પાણી થઈ હન પટ મથે, પંસારેયા આંચી પુર, પતિત પાવન થઈ વંને જમના ના જગ મસુર
જમ રાજાની ભેણ ને, કાલી નાલે રૂપ, કેક જીવ ઉગારેયાં, પુનીત પાણી સ્વરૂપ.

વેદ વ્યાસ જી વંદના

વેદ સીંધુ જી વાણીજો, વેદો કેયા વસતાર, ભારત ભાખ્યા ભાગવત, સમજાયા ઈ સાર
પુરાણ અયળો પ્રગટ કેયાં વિસ્વ સજે જી વાણી, મંથન કરે મધ ઘી કઢયા ઈ ગીતા અમ્રત લાણી
ઉદાર કેલા અવની જો, આંચી ધર્યા અવતાર, જ્ય જ્ય શ્રી મુની વ્યાસજી, વધન વારં વારં

શ્રી શુકદેવજી જી વંદના

અંગ દીગંબર જનમે જોગી, ભ્રમચારી બાળે વસે, જનમ ભેરા જાગી જ વ્યાં માર્યા માયા કે ઠેસ
નુર નેરેયો કર ચં કલાજી, ભ્રમ તેજ તો છલકે, શર તે સોભે વાર વંગળીઆ, જ્ઞાન જો ધરીયા હલકે
વન વાસી વન ફરે હેકલા, ભ્રમ રૂપ અનુરાગી, ધન ધન શ્રી સુખ દેવજી, ધન યોગી બળભાગી

હનુમાનજી વંદના

થયા નર્યાં કો થીધાં જગમે, એળા ઈ ભ્રમચારી, રામાયણ જે પંને પંને મે, ઈ સોભે સેવા ધારી
માલા પેર્યા ઈ કરેણ જી, અક જા બ્યા અંકુર, રામ વટા થી રાજી થયીને, મંગેયા તેલ સીંધુર
અંજની મા જા લાદકા, વાયુ ઘર અવતાર, ચીરંજીવી અજર અમર, જે જે પવન કુમાર

શ્રીમદ ભાગવત પુરાણ વંદના

પેદા કેયાં પૃથવી મથે, પુરી માનવ જાત, તેજી મુગતી લા કરે, હરી વતાયા વાટ.
અજ કે ચ્યાં અવીનાસી, નારઘ જી ક્યાં કન, સનકાદીક તાં સઘ કેયા, વ્યાસ કે ધન ધન.
શુકદેવ ચ્યાં પરીક્ષિત કે, આતમ અમંત્ર વાણી, શ્રીમદભાગવતજી કથા, ઈ ઘર ઘર પુજાણી.

ભાગવત જા બારો અંગ

હી કથા પરીબ્રમજી, સઘ સંતે જી ગાલ, શીવ ભંનેલા જીવકે, બારો વતાયા સ્વાલ.

અંનમે ભ્રમ ને આતમા, દસમે હરીજી લીલા, પંઢ ભની ગોપાલ, રમેયા રાસ રસીલા.
સર્ગ વિસર્ગ ને હરી કથા, નીરોધ મુક્તિ બધી, સ્થાન પોસાક જગમધ, ઉતી ને આસન સચી.

સર્વ દેવ પ્રાર્થના

તેંત્રીસ કરોળ ઉ દેવતા, બ્યા ડેવેજા ડેવેસ, જોગી મુની જતી સતી, સંત ભક્ત મંડલેસે.
યજ્ઞ કીનર ને ચારણા, વિધાધરેજી જાત, ગંધર્વ ને ગણ બ્યા, પંચ ભુત સાક્ષાત.
નો નાથ સઘ ચોર્યાસી, ઘોર અગોરને વામી, ગુપત ગેભી દશનામીકે, વંધન કરા શર નામી.

ચોવી અવતાર વંધના, રાગ મુજે મેરી મસ્તી

જડે જડે અવનીતે, અશુર વધેતા, તડે તડે નારાયણ અવતાર ધરીતા.	જડે જડે
નીતી ધરમ જો રક્ષણ કરે લાય, ચોવી ચોવી અવતાર ધર્યા હરી તે લાય	જડે જડે
પેલા પરી ભ્રમ, પ્રગઠ પધાર્યા, સનકાદૈક ચારી, રૂપ ધરાયાં.	જડે જડે
રસાતળ મંજથી, અવની ઉપાવ્યા, વારાહ રૂપ જોઈ, પ્રથવી પુજાયા.	જડે જડે
નારદજી જી તાં, અમ્રત વાણી, પંજરાત્ર નાં જી, ઘર ઘર ગવાણી.	જડે જડે
નર નારાયણ જી, અળગ તપસ્યા, ધાર હેમારે તે, રાત ડી વસેયા.	જડે જડે
પીતાજી કદર્મને, દેવહુતી માતા, પ્રગઠયા પરી ભ્રમ, કપીલ વિખ્યાતા.	જડે જડે
સાંખ્ય રે સાદ જી, રચનાં ભનાયા, માતાજી કે ઈ, વારતા સુણાયા.	જડે જડે
છઠા દતાત્રય, મહા તપધારી, ગુરુ ઈ ભનાયા, ચોવી વિચારી.	જડે જડે
સતમાં શ્રી ભગવાન, યજ્ઞ દેવરાયા, યજ્ઞ વિધીજી તા, વાટ વતા વ્યા.	જડે જડે
અઠમાં રુસભ ડેવ, દીગમ્બર જોગી, પ્રગઠ પરમ હંસ, ભ્રમ રસ ભોગી.	જડે જડે
નવમા પ્રથુ રૂપ, પ્રથવી તે આયા, અન ને રે ઔસધી, અચી ને ઉપાયા.	જડે જડે
મછરૂપ ધરી હરી, અવની અચીને, જળબંબાકાર મેં, નાવ ઈ ભની ને	જડે જડે
હય ગ્રીવ મારે ને, વેદે કે ભચાયા, જત જત જેળો ઉત, રૂપ ઈ વતાયા.	જડે જડે
મલી દેવ દાનવ, ધરીયા જગે લા, કેયાં ઈ તૈયારી, અમ્રત કઢે લા	જડે જડે
તડે આંખી અવની, પુઠે તે ઉપાવ્યા, કચ્છ રૂપ ધરી હરી, જગ કે વતાયા.	જડે જડે
ભની ને રે વામન, બલી ઘર આયા, પગ ત્રે ભરે ને, ધરા કે છોળાયા	જડે જડે
ધન વંત્રી જી તાં, અમ્રત વાણી, ઓસળ ઔસથી, જી કરે વ્યા લાણી.	જડે જડે
મોહિની રૂપે આયા, એળો તાં ધરાયા, દશીને અસુર અંકે, એળા તા ફસાયા.	જડે જડે
ભક પ્રલવાદ જી, રાળ સુણિને, પ્રગઠ થેયા હરી, થંભ ફોડા ને.	જડે જડે
ફરસી રે ધારી, ફરસી ઉપાવ્યા, અધર્મી એ જા તાં, મથા રે ઉદાયા.	જડે જડે
વ્યાસજી વાણીતા, ઘર ઘર વાંચાણી, પને ને પુરાણે મે, લંમી તાં લખાણી.	જડે જડે
રઘુપતી રામ જી, અજબ મર્યાદા, જે જે રે નાલે સે, પથર તર્યાવા	જડે જડે
સંતે ને ભકે લા, વન વન ભટક્યા, રામ રાજ થાપેલા, કત પનં અટક્યા.	જડે જડે
જદુપતી જીતા જડે, ગાલ અચેતી, વાણી વચારી ઈ, ઉત નં પુજેતી.	જડે જડે

જોગી થકા ભોગી, ભુલા ઈ ભસ્મ મેં, અજ તયી ઈ જ તાં, ગાલ હલેતી. જડે જડે

હંશ ને હય ગ્રીવ, હરી રૂપ ધરેયાં, બુધ રૂપ પ્રશ્ની, કલકી ઉતરેયા. જડે જડે

ચોવી હી અવતાર, ધરે હરી આયા, દાસ જાડેજા જા, દુખ વસરાયા. જડે જડે

શ્રીમદ્ ભાગવત જે પ્રારંભ મે પેલી કથા હી અય ક નારદજી પ્રથવી તે ફરધાં ફરધાં વ્રજ મેં
અચેતા તડે ઉતે હકળો દ્રસ્ય દસેતા હકળા જીવાણ બાઈરુવેતાં તેકેં દશી નારદજી વટ વનીં ને સુખ
દુખ જી ગાલ પુછેતો ઈ કથા શુકદેવજી ચેતાં

(ભક્તિ દેવી ને નારધજી જો સંવાદ) રાગ : નાગીન

વ્રજ ભુમી મેં દેવ નારધજી, હલી આયા હકીયાર રે ઈ
સુની દઠા સાવ વ્રજ ભુમી સુની
સાધુ સંત કો નજર નતોપે, નાંય કો સાધવી દેવી
વેદ વાણી જો નાય કત નાલો, નાય કત યજ્ઞ જી વેદી
રુષી મુનીએ જા ખાલી જુપળા, સાવ લગે શુનકાર રે. સુની

(ભક્તિ દેવી કે નારધજી પુછેતા)

અગીઆ કિંક આણ સાર અચેતી, દઠા ઈ ભક્તિ દેવી
અંધી ઉધાસી વઠા હેકલા, અખીયે આંસુ રેલી
વટે સુતા અંધ બોય બરુકા, બુઠા ભની બોય બાર રે. સુની
ભક્તિ કે ભગવાન પુછેતા, સમજાયો શ્રી દેવી
આંધી કુલા કલ્પાત કર્યોતા, કી આવથી દુખ જી હેલી
હી બુઠા ભની વ્યા બાર કી આજા, આંધી નંઢળા વીગાર રે. સુની
નારધ જી જો પ્રશ્ન સુણી ભક્તિદેવી પંઢજી ઓળખ ને દુખ જી ગાલ ચેતા

ભક્તિ ચેતા નારદજી કે, હતે હેળા થ્યા હાલ
નારાયણ જે નાલે જોતા, નતી સુજે કત ગાલ
તડે જ્ઞાન વેરાગ હતકી વરકે, કઢે છદેયા હધપાર રે. સુની

ભક્તિ દેવી જી ગાલ સુણી નારધજી જરા વિચારે ચડી વયા ને પોય ભગવાન વટ વનીને
સજી અખાણી ઉત ચોંધ.

ભક્તિ જી હી સુણી અખાણી, ધુબી હલ્યા બ્રમચારી
સટ કરે ને વ્યા ઈ સરગમે, જત વસે અસુરારી રે
જ્ઞાન વેરાગ ને ભક્તિજી ઈ, સાવ સુણાયા હાલ રે. સુની

નારધજી કે ભગવાન ચેતા, દોહરા

સજી સુયા હી વારતા, શ્રી પતી સચીદાનંધ, મુરકી મન મોહન કુછયા, ભલે આયા બ્રમન
અન જો ઓસળ ઉત જ અય, વનો અવની પાછા, સનકાદીક ઈ સુણા ઈ ધાં, શ્રીમદ ભાગવત ગાથા
ભગવાન નારધજી કે ચેતા આંધી સનકાદીક કે પુછીને ઉ કથા જી કો ભાગવત જી ઉની કે
સોણાયો ત જ્ઞાન વેરાગ જીવાણ થઈ વેધા

દોહરા

નારધ જી ફરી આવેયા, વન જમના જે આરે, પારાયાણ જા પાઠ કેયા, સજો સારે સંભારે.
કથા સુણી ને થ્યા ઉભા, જી જબકી જાગે શેષ, કાયા કંચન થઈ વધી, બોય ઈ બાળક વેસ.
નારધ જી કે નમન કેયા, જ્ઞાન વેરાગ ને ભક્તિ, જાડેજા હી અજોળ અવની, પારાયાણ જી શક્તિ.

દશમ સ્કંધ પ્રારંભ

શ્રી કૃષ્ણ પ્રાર્થના

રાગ : શ્રી રામ ચંદ્ર કૃપાલુ ભજમન

જય સ્યામરૂપ અનુપ અજ ઈ, અવની તે ઈ આવેયા
યદુ કુળ જીરાણ ભુપતી થઈ, ભાર ભુમી ઉતેરેયા. જય
વસુદેવ દેવકી જે ઘરે પેલા, પુરીભ્રમ પ્રગઠેયા
આયા હલી ને નંધ ઘર, કેળી કલા ઈ ઉત કેયાં. જય
પેલી પતાયા પુતનાં કે, મારે ને મુગતી ડના
ઉત આપરે જી ધાં સુણી, વજમે વની દુગર ખયાં. જય
વરી કાલ નેમી કંશ કે, માર્યા મથુરા મે નગરીમે
છોળાયા બંધન જેલ જાઈ, દુખ ઉનીજા ટારેયા. જય
આદી અનાદી અજનમાં આંધી, વયાપીરેયા વિસ્વમે
હી જગ મગે તી જોત જગમે, ઉનમે તા છાઈ રેયા. જય
શ્રુતીઓ પુરાણ શેષ સારદ, વેદ વિચારે થકા
યોગી મુની બ્યા ધ્યાન યારે, ધ્યાન સે ધલમે દઠા. જય
કરુણા સાગર પ્રેમ મુરતી, જગ કારણ જગ માલમી
આંધી અસાજી નાવળી કે, તારી જા જગ આલમી. જય

ગંગા જે કીનારે મથે અઝ, શ્રી સુખદેવજી પરીક્ષીત રાજા કે ભાગવત જે દસમે સ્કંધ જી
કથા સુણાઈતા અજ કૃષ્ણ જે પ્રાગઠય જી કથા ચોવાંધી પરીક્ષીત અતરા રાજી પે મે અધી હકળે
ધ્યાન સે ઈ વઠા અધી શુકદેવજી વ્યાસ ગાંદી તે વઠાને રાજા ઉની કે ઉત પુછેતા હે મુની ભગવન
શ્રી કૃષ્ણ જનમ અવતાર કી થેયો કેળા ચરીત્ર કેયા ઈ સજે જવન જી કથા સુણાયો તડે શુકદેવજી
મારાજ કથા ચેતાં રાજા કે

અધ્યાય ૧

દોહરા

અજ ગંગા જે ગાટ તે, હલે જ હકળી ગાલ, કૃષ્ણ જનમ તાં કી થ્યો, ઈ રાજા પુછેયા સવાલ.

રાજા સુખદેવજી કે પુછેતા

જોગેસર ઈ જગપતી, જનમ ગણા જગ કી, કેળા ઈ ચરીતરી કેયાં, કત કત ફરેયા ઈ

જન્મેયા જાધવ કુળમે, આયર ઘર આયા કીં, છડે મથુરા નગર કે, નંધ ઘર રમેયા કીં
માર્યા મામા કશં કે, વજ કેપ છેદયા કીં, ફરી મથુરા કે છડે, કી આયા દવારીકા ઈ.
કતરીયુ પેણ્યા રાણીયું, કતરી થઈ ઓલાઘ, બચી પાણ લીલા ક્યાં કતે, ઈ સમગ્રાયો સજાઘ.

પરીક્ષીત રાજા જે પ્રસ્ન સુણી મુની રાજી થીએતા પોય સજી કથા કૃષ્ણ લીલા જી અથ
ઈતી સુણાઈયેતા.

ચોપાઈ

પરીક્ષીત કે સુખદેવ સુણાઈય, કૃષ્ણ જનમ જી વિધી વતાઈયે
હે રાજા જે જી લીલા ન્યારી, યોગી મુની વઠા ઈ વિચારી.
અગંમ નીગમ જત હથ જોડીતા, નેતી નેતી પુકાર કરીયેતા
ઈ અવીનાસી અવની આયા, જાધવ કુળ મે જનમ ધરાયા.
જે જી લીલા અપરંમ પારા, ભ્રમ ઉ બાવન સે બારા
હે રાજા તેજી લીલા હી, કન દયીને સુણજા કથા ઈ.
હી કથા આય પાવનકારી, જીવ શીવ જાલણ જી બારી
હે રાજા આંચી જગ કે વસાયો, હકળે હરી કે ધલ મેં ધાયો.

શ્રી કૃષ્ણ કથા, સવૈયા

જડે દવાપર જુગજો અંત અચેતો, અશુર અવની ઘેરીતા
પાપ વધ્યો પ્રથવી તે પુરો, શના જીવ સહારી તા.
સાધુ સંત કો નાંય સલામત, ગાય ભ્રામણ કે પીડીતા
ભાર નતી જલે જડે ભોમકા, તડે શ્રી હરી કે સંભારીતા.

શ્રી સુખદેવજી મારાજ કથા કૃષ્ણ પ્રાગઠય જી વાર્તા ચતાં હે રાજા જડે હન પ્રથવી મથે પાપ
વધી વ્યોવો માનવ વ્રતી આસુરી ભની વધી વઈ ધરતી તે બોરો જડે ત્રાસ ઉની વરતાયા તડે
ધરતી માતા રુવણ લગેતી તે કેં દસીને દેવ ભેરામલી ભગવાન વટ અચી અરઘાસ કરીયે તા.

રાગ : સારંગ

હાણે હરી હૈયા ધર્યો અવતાર, હાણે હરી હૈયા ધર્યા અવતાર
દેવ આંકે કરીયે અરદાસુ, ઈ કન કળા મારાજ કીરતાર હાણે હરી
અશુરે જા અજ વધ્યા અખાળા, હી ઘેરે ગણા આલમ
હન ધરા જા વઠા ઘણી થઈ, ખોટા કરીતા કમ હાણે હરી
પાપ વધ્યો પ્રથવી તે પુરો, પાખંડ જો તા પસાર
લુંટ ખુનખેટો ખુટલાઈ, બ્યો વધ્યો ઈ વકાર. હાણે હરી
સાધુ સંત કો નાંય સલામત, શુર સતી દાતાર
ગાય ભ્રામણ રાણુ કરીતા, બ્યા પ્રથવી જા પોકાર. હાણે હરી
હૈયા હલો હાણે વાર ન કરેયો, કરેયો ગરુડ તૈયાર
દેવ ધરાજી સુણી ને અરજી, શ્રી હરી થ્યા તૈયાર. હાણે હરી

દેવજી અરદાસ સુણી ભગવાન જાગ્રત થીએતા અને દેવે કે આકાસ વાણી સે ચેતા.

શુકદેવજી ચેતા ચોપાઈ

પ્રજાપતી ને પીનાંક પાણી, હલી આયા જત સારંગ પાણી
ધરતી માતાજી ધા ઈ દીયેતા, અશુરારી ઈ સબધ સુણેતા.
અવાજ ગેભી મથે થીએ તો, અજ કે ઈ અણસાર અચેતો
દેવકે ન ઈ ગાલ સુજેતી, અજ વટા થી પસાર થીએતી.

આકાસવાણી બ્રમાજી સુણીને દેવ કે અન્જો મરમ ઉત સમજાયા ચે તા ઈ ભગવાન જો
આદેસ

ચોપાઈ

પેલા દેવ આંચી કમ ઈ કરીજા, જાધવ કુળ મેં જનમ ધરીજા
આંઉ પાણ પોવા અવની અચાતો, જાધવ કુળ મેં જનમ ગનાતો.
જેંજી અય જુગ જુની ગાથા, વસુદેવ ને દેવકી માતા
જેં જે ધર મું જનમ ઘણા ઐ, પેલા જ મું વરદાન દનાં ઈ.
ઉન વર કે આંઉ પુરો કરેલા, ફરી અચાંતો જનમ ગને લા
દેવ વની આચી કરેયો તૈયારી, અવતાર જા વખત વિચારી.

ભગવાન દેવે કે ઘલાસો દયી ધરતી મથે જનમ ગને લાય હલાઈયેતાં તેં પોવા લક્ષ્મીજી ને
બ્યો દેવીએ કે જનમ ગને લા આદેસ દીયેતા.

ભગવાન દેવીયે કે ચેતાં

શ્રી દેવી આંચી વંનો અવની મે, જનમ ગન્જા કુંદન પુર મેં
દેવીયું આચી ગોકુળ ગામમેં, ગોવાલડુ થઈ રોજા વૃજ મેં.
રાધાજી જે સંગમે રોજા સેવા ભક્તિ પુરી કરીજા
નીતી ધરમ પસ કીરતી સાતા, બર બુધી ભેરા આચી દાતા.
જાધવ કુળ મેં જનમ ધરીજા, દવારકા નગરમેં ભેરા રોજા
અવીનાસી જી હી આગમ વાણી, અજ કેયા દેવ કે લાણી

આકાસ વાણી જો ભેદ બ્રમાજી દેવ કે વયી સમજાયા ને મળે ભેરા થઈ. અવની તે અચે જી
તૈયારી કરીતા અને અંતે ભેરા વયી પેલા ભગવાનજી અસ્તુતી કરીયેતા.

રાગ : ભીમપલાસ

આદેસ સુણી શ્રી અવીનાસીજી, રાજી દેવ થીયેતા રે
અરજી અસાંજી સુણી અવીનાસી, વર દના નવાજીતા રે.
જડે જડે તા હન અવની કે, અશુર અચીને ઘેરીતા
તડે તડે નારાયણ આંચી, આંજો અંસ ઉતારેયોતા. અરજી
જુગ જુગ મેં આંચી પધારી, રૂપ અરૂપ ધરાયો તા
મછ કચ્છ ને વારા નરસી, પરસી કર પ્રભુ ધારેયોતા. અરજી

રઘુ કુળ જીભાણ આંજી લીલા, જન ગણ ઘર ઘર ગાઈતા
 ઉજ અવસર આયો અવની, સંત ભક્ત સંભારી તાં. અરજી
 વાણી સુણી શ્રી અવિનાસી નારાયણજી અસ્તુતી કરે નમસ્કાર કરે દેવ વ્યા ઈ પંઢ જે
 લોકમે રવાના થીએતા, અને જાઘવ કુળ મેં જનમ ગનેજી તૈયારી કેલા લગા. હડા વસુદેવ જા
 લગન જી તૈયારી થીએતી મથુરામે ઈ કથા સુખદેવજી ચેંતા.

ચોપાઈ

મથુરા નગરી મે શુરસેન રાજા, જે જા સુત વસુદેવ નાંજા.
 ઈ વસુદેવ જા લગન લખાણા, ઉગ્રસેન કે ખબર ડેવાણા.
 ઉગ્રસેન જા ભાજી ઉ બાળા, દેવકીજી સે થ્યા વેવીસાળા
 ધામ ધુમ સે લગન થીએતા, રાજા કન્યા દાન દીયેતા.
 ફેરા ફરી ને કન્યા વોરાયા, ગોઠ કન્યા કે રથમેં વેરાયા
 ઈ રથ રાજા કંશ હકલે તો, નંઢી ભેણ કે ઈ વોરય તો

ઉતઈ થઈ આકાસ વાણી, કંશ રાજા કે કને સોણાણી કંશ ભલે તું રાજી થી એતો, તો જે
 નાલે જો નીયા થીએ તો.

દેવકી જો થીંધો આઠમું બાળ, ઈ જ થીંધો કંસ તો જો કાળ
 અન ગાલ કે યાઘ રખજ તું, ઠીક લગે તેળો મારગ કઢ જતુ.

આકાશ વાણી સુણી કંશ વેલ મથાથી ટપી ઉતરી વંનેતો ને તરાર ખણી ભેણ કે મારેલા
 સટ કરેતો તત વસુદેવ ઉતઈ આદ પયી કંસ કે સમજાય ચેતા.

સવૈયા

આકાસ વાણી સુણી કરેને, કંસ ઉતે તો ઉછરે, ખયે બધારી બર કરેને, ઉતયી ઉતે તો થયરે.
 મથો ઉદાયલા મ્યાંન મજાથી, કંઢે તેજ તલવાર, તત વસુદેવ ઉથી ઉભાધ્યા, ઘોડી ચળેયા વાર.

વાસુદેવ કંશ કે ચેતાં

રાજા હી અનર્થ થીએતો, આક્રિ હી કીં સોભે
 અજ તાં આંજો નાલો જગમે, સજ વારે જી ઓપે.
 દેવકી તાં અય સાવ નમાળી, નાય અનજો અપરાધ
 અભય કરે ને આંધી ભચાયો, કર્યો વાણી કે યાઘ.
 બાળ જનમ ધા જનરા જ નદી, તતરા સોંપી બો તંનદી
 હીતા કારી ટીલી લગંધી, ભોજ વંસ જે કુળ કે
 વસુ દેવજી સુણી વાણી ને, કશ ઉતઈતો મુરકે.

વસુદેવ કંશ કે સમજાય ચેંતા હે રાજા તું આકાસ વાણી કે યાઘ કર દેવકીજી જા જતરા
 છોકરા જનમ ધા હી તો કે સોંપી ડીબો કોલા ઘજેતો દેવકી જો અનમે જરા પ ગુના નાય.

ઈતિ અધ્યાય ૧

અધ્યાય ૨ : કંશજા કરતુત ને માયા અવતરણ

દોહરા

માયા અવતરણજી ક્યા, બધી ક્રંસ ક્રુણજી ગાલ, સુશાઈતા ઈ સુખ મુની, પરીક્ષત પુષ્ટ્યા સવાલ
સવૈયા

કંસ વનેતો પંઢ જે ઘર ઈ, વધી કરે વીચારેતો

અન ગાલ જો તાગ કઢણું, ગોઠીએ કે કોઠાયે તો.

ચાણુર મુસ્ટીક મલ મતારા, વ્રતા શુર કે વારે તો

અન ગળ બ્યા અસુર અચેતા, પુતના કે પણ કોઠાયે તો. કંશ પંઢજા જતરા ભીડુ વા ઉનીકે
કોઠાય ઈટ વઈ ને સજી ગાલ આકાસ વાણીજી ચેતો કંશ જી ગાલ સુણીને મળે અશુર ચેતાં રાજા
આંધી જશપ ખોપ ન રખજા અસી અજથી જ મુલક મે જતરા છોરા જનમધા તેજો નાસ કરે
વજબો અજથી જ અસી તૈયારી કરીયોતાં અતરો ચધી તુણા ભનાંય સજી ગેગં ઉપળેતી.

ચોપાઈ

રાજા મંજ મેલ અચેતો, મુન મથે ઈ કાળ દશે તો

જન દી થી સુયે આકાસ વાણી, સામે દસે તો સારંગ પાણી.

રટણ શત દી ઈજ કરેતો, ઉજવાણી યાઘ કરેતો

જરા પ જે કે સાન્તીનાંય, નતો સુમે ને નતો કી ખાય.

હડા કંસ જા હલાયલા અશુર ઘરતી તે ત્રાસ વરતાયે તાં ગાયુ ભ્રામણ યજ્ઞ જો નાસ
કરીયેતા નંઢણે છોકરે કે મારી વજેત એળા ત્રાય ત્રાય મચાયા તડે ભગવાન જાગ્રતથી એતા.

ચોપાઈ

તુણા બધે તૈયાર થી એતા, પટ મથે ઈ પાપ કરીંતા

અતરો કેયાં અની અત્યાચાર, ઘરા બુબી વધી જલે ન ભાર.

છ છ છોકરા કંશ જ મારે, ભેણ ભાણેજા સામે ન ન્યારે

નીચ બુધી ના ધાન ભની વ્યો, પાપ ગડો પુરો ભરજી વ્યો.

દોહરો

દશી કરમ કારા કંશજા, હત શ્રી હરી થ્યા તૈયાર, માયા કે સમજાય ચ્યાં, સજી ગાલ કરતાર.

ભગવાન માયા કે કોઠાય ને ચેતો. રાગ : આશાવરી

હરી દીતા આદેશ માયા કે, હરી દીંતા આદેશ

મોમાયા આધી વનો મથુરા, ઘરે બાળા જો વેસ માયા કે

કંશ રાજા જી જેલ મેં પુર્યા, દેવકીજી વસુદેવ

દેવકી જી જી ઉદર મેં અધી, અવની ધારી સેસ. માયા કે

સેસ નાગ કે ખણી સવેરા, વેજા ગોકળ ગામ

રોહિણી જી જી રખો ઉઘરમેં, ઈ જનમ બલરામ માયા કે

નંધ જશોદા જી જે ઘરમેં, ધરીજા આંધી અવતાર

કંશ રાજા કે ખબરુ દીજા, થઈ ચુકો અવતાર.

માયા કે

આંજો અવની તે પુજન થીધો, ચથી દશે ચોધાર

વંનો દેવી વાર ન કરેયો, જગાયા જગદા ધાર.

માયા કે

ભગવાનજી આંજા ગની મોમાયા અવની તે અચેતા ને પંઢજી માયા ફેલાય પંઢજો કમ કે જો કરીયે તાં.

દોહરા

અવની પતી જી આજ્ઞા, મથે ચાળાયા માત, હલી આયા ઈ નંધ ઘર, ઈ રાધ કે યાં મધરાત.
ધુનિયા કીં સમજી સગે હી રમા પતી જી રાંધ, નજર દઠા તે દેવતા બ્યા સમજી વ્યા ઉ સાધ
મોમાયા ગોકુળ ને મથુરા મે અચી માયા સે કરીને ઈ પંઢ જો કાર્ય કમ પુરો કરીયેતાં ઈ
ધુનીયા કે જરા પણ ખબર ન પચી ભાંકી આકાસ મે દેવ દઠાં તે ભોમીતે યોગી મુનીયે ધ્યાનમેં
જાણી વ્યા. ભગવાન અંસ જો અવની તે ઉતારેયા તેંજ દેવતા અસ્તુતી કરીયેતા.

રાગ : લાવણી

જગનીયતા જગ જા પાલક, હલી અચેતા અવની મેં
અંસ દીતા પંઢજો ઈ પુરણ, તપ ધારી બી જે અંગ મેં.
નીરાકાર સાકાર ઈ પુરણ, સગુણ ભનેતા સાકારી
જે જે કાર થ્યો ચોધારો, ગજઈ સજી ગગન અટારી.
સાવ સોભેતા વસુદેવને, દેવકીજી સોભા ન્યારી
સરધ પુનમ જા ચાંધ ઉગોકર, વા બ્રમ આજી બલીહારી.

દેવ અસ્તુતી કરીયેતા, રાગ : દેશ

ભલે આયા ભુમી ભુતળ આયી ભુપતી રે
સંગમે સોભે શ્રી દેવી ને, શેસ જી જતી રે. ભલે
નીર્ગુણ નાથ આંધી અવીનાસી, સુક્ષ્મ રૂપ મે રેયા પ્રકાસી
અજ કેયાં ઉપકાર અસાંતે, પુરણ બ્રમ પધારેયા રે ભલે
કમળ નયન આંધી કમળા સ્વામી, ભવ ભય ભજન હે જીવગામી
જીવ લોકજા વાસી અસાજી, પુરી કેયાં મન કામના રે. ભલે
હન ધુનીઆ જો રક્ષણ કરેલા, ફરી અવતાર ધરેલા
અજ અસાંજી અશ્રજી અનરી, સ્યોમ આંધી સ્વીકારીજા રે. ભલે
દેવ ભેરા થઈ ભગવાનજો અંસ પ્રથ્વી તે હલાયા તેજી અસ્તુતી
કરે પંઢ પંઢ જે લોકમે વનેતા પોવા હીકથા વાર્તા પુરી થીંધી. ભલે

દોહરા

અજ તાં હન અવની મથે, મેર કેયાં મારાજ, કંસ રાજા જી જેલ મે, પ્રગઠ થેયા જગતાજ.
જત વસુદેવ દેવકી, પુર્યા વા તપ ધારી, અંસ ડના અવનીયતે, તી સોભે તાં બળભાગ

જગત કી જાણે નતો, નાવથી કત આણસાર, સમજી વ્યા શંકર ભ્રમા, કર થઈ ચુકો અવતાર.
 દેવ વંનેતા લોક મે, કરે ઈ અંસ જી સેવા, જાડેજા જપ ન ત કર્યો, ત મલધા અગીયા મેવા.

ઈતિ અધ્યાય ૨

અધ્યાય ૩ : શ્રી કૃષ્ણ જનમ

દોહરા

શ્રીકૃષ્ણ જી કથા, સુણાઈ તાં સુખદેવ, ગંગાજી જે ગાટ મથે, કરે પુરાણજી સેવ
 દેવ દેવીયુ આવેયા, ઈ વેમાને મે વયી, રુષી મુની જોગી જતી, અચી વઠા ઉત અચી
 અજ રાજા પરીક્ષીત કે, લગી અય ઈ જ લગન, ઘલમે શ્રી હરી ધોરેને, કરીયેતા ઈ ભજન.

ગંગાજી જે ગાટ મથે કથા હલેતી અજ કૃષ્ણ જનમ જી કથા થીંધી અતરે દેવ અભમે આયાં
 અચી હડા પરીક્ષીત હકળે ધ્યાને ભજન કરીતા. ભગવાન જે જનમ જી કથા સુણેલા રાજા
 ધ્યાનસ્થ અચી.

રાગ : સારંગ

યાધ કરીયે ભગવાન રાજા, યાધ કરીયે ભગવાન
 કથા સુણેલા કૃષ્ણ જનમ જી, ઘરે વઠા અચી ધ્યાન રાજા યાધ
 રાજા પરીક્ષીત વઠા આસન તે, સંત ભગત થયા ભેરા
 યોગી મુની હલી હત આયા, માનવે જા જત મેળા. રાજા યાધ
 અજ અવીનાસી નારદ શારદ સનકાદીક અચેતા
 ભોળા નાથ ભવાની ભેરા, બેયા દેવ અચીવીએતા રાજા યાધ

રાગ : સવૈયા

ધ્રમ હલી નકરેયો ધરણીતા, જડે અસુર ભનેયા અવની અધીકારી
 ગાય ભ્રાંમણે જા રાણ સુણીને, ઉથી ઉભા થ્યા અસુરારી
 જનમ ગનેલા જાધવ કુળમે, વાટ ગણા ગોકળ વારી
 જેલ ખાને મે અચી પુગા, જત પુર્યા વા ઉ અધીકારી.

અજ કંસજી જેલમે વસુદેવ દેવકીજી ભગવાન કે યાધ કરે અસ્તુતી કરીયેતા હે ભગવાન
 હાણે હન દુખ મજાથી અસાંકે છોળાયો ને ભગવાન પ્રગટ થીએ તા.

સવૈયા

તપધારી મન સોચ કરીંતા, કડે થીંધો હાણે છુટકારો
 હકડે સાંસે સ્યામ સંભારી, તત કને આયો ઠીક આણસારો.
 જેલ મજારા જ્યોત ડસાણી, અરુણ ઉગો કર અવની તે
 સ્યામલ મૂરતી રૂપ ચતુર્ભુજ, સામે ઉભા ઈ સ્યામ દઠાતે.

ભગવાન જો જેલમે પ્રગટ થીણું જે જી કથા ચેતાં. ચતુર્ભુજ નારાયણ કે સામે પ્રગટ થેલા

ડસીને વસુદેવ અને દેવકી જુ હેયા હેયા ઉભા થઈ નમસ્કાર કરીયે તાં રાજી થઈ અખીયેજા પાણી અચી વનેતા છાતી ભરાજી અચેતી અતરે કી પ કુછી શકે ન તા સામે જ નેરી ને ચૂપાચૂપ ઉભા અતરે ભગવાન પંઢ જ ઓળખ ડીયેતા.

સવૈયો

પેલે જીગ મેં જનમ ગળોમું, આજે ઘર અવતાર
માતાજી આંખી પ્રશ્ની દેવી, પીતા સુતપા સુચાર.
બે જુગ મેં વામન થઈને, ફરી ઘરેયો અવતાર
અજ આયો સે હલી ઘર આંજે, ઉતારણ ભુ ભાર.

ભગવાન પંઢજી જીની ઓળખાણ દઈ મળે ભેદ સમજાયને નઢળા બાળક ભની વનેતા તડે વસુદેવ દેવકી જુ બોર રાજી થીએતા પગે મે પચી નમસ્કાર કરીયેતા.

સવૈયા

કર જોડે ને નમન કરીતા, જુગ જુની થઈ ઓળખાણી
બાળ ભની વ્યા ઘરણીઘર, છડે કરે પત પંઢવારી.
વાટ વતાયા પંઢ યોગેસર, મુંકે પોજાય ગોકુળ મેં
નંધ જે ઘર જનમયી માયા, ખણી અયો મથુરા મેં.

ભગવાન જો આદેસ સુણી વસુદેવ ગોકળ વનેલા ઈ તૈયાર થીએતા બાળ કૃષ્ણ કે કોઠે તૈયારી કરીતા પણ પગ મેતાં બેડીયું પયુ અર્ચી ઘરવાજા જેલજા ભંધ અચી ઈ વિચારે મેં પ્યા અચી તેસી તાં હકડો ચમતકાર થીએતો.

બાલુડે કે ખણી વનેલાય, તકળ કરીતા તપધારી
ખલક સજે જો ખાંવિદ ઈ અજ, બંધન મે વ્યો અલગારી.
પંજ ભુતસે પાર પરીબ્રમ, બાવન સે દસ જે બારા
રૂપ રંગ કત નાય નોંધાણું, ઈ બ્રમ ભનીવ્યો સાકારા.

વસુદેવ ભગવાન કે કંઢીયે મેં સુમારે, મથે તે ઉપાવ્યા તત તે ભેરા બેડીયું પંઢ જ્યું ટુટી પેન્યુ, ઘરવાજા ખુલી વનેતા.

સવૈયા

બંધન બીજા ટુટા તળા તળ, છુટા થયા ઈ તપધારી
કાનુડે કે ખયા કોદસે, વાટ ગણા ગોકળ વારી.
રાત આંધારી આઠમજી, વજ કરેતી ચમકારા
ગરજે ધોર ગમન મેં ધોરુ, પાણી પટ પેં ચોધારા.

વસુદેવ બાળ કૃષ્ણ કોઠે બારા આયા તતે હડા રાત અંધારી વરસાધ ચે મુજો કમ પાણી પઢતે સાંમાયી નતા. આકાસ દેવ દરશન કેલા અચી પુગા અચીને મથે જ ન્યારીતા ક અજ બ્રમ ભજધા વનેતા હુડા પાતાર મેં શેષ નાગ કે ખબર પચી તત ઉ સટ કરે નેં હકડી પલક મે પુજી અચેતો ને પંઢજી ફેણ જભર ઈ ભગવાન મથે છતર કરે પાણી સે ભજધલ કે ભયાપતો.

સવૈયો

વસુદેવ કે વેદા ડસીને, દેવ ઉતથી વધી વિચારીતાં
હન વસમે હાણે હરી ભજધા, ઓસીયારા અવીનાસી તાં.
પણ સમજ પથી સેલનાગકે, અચી પુગો ઈ આણસારે ભજધા
તે કે વની ભજયા, ફેણ પંઢજી દેતો પસારે.
સર્વેશ્વર જી સેવા કરે જો, પેલો લાભ ઈ સપ ગંનેતો.
દેવ દશી ખાલી પ્યારા જી, હથ મંજા નકરી વધી ભાજી.

વસુદેવ કે ગોકળ દીયા આધારે મેં વેંધે દશી ચંધર તેરઈ ઘોડી અચેતો ને મન મેં વિચારે તો ક
ભગવાન મુજે કુળમેં જન્મ ગણા અચીં મુજો ના વધારયાં અચી તડે આંઉ પણ વસુદેવ કે આંધારે
મેં કી વન્ણ ડીધા.

સવૈયા

ચંધર અચે તો અવની તે ઉત, પઢજા કીરણ દેતો પસારે
સામે દઠે વસુદેવ વનેતા, કૃષ્ણ કે કોઠે નપટ આંધારે.
હલી કરે ને આયો હુ ભસે, મસ્તક તેં ઈ વઠો વિચારે
મુંજે કુળકે દના ઉજારે, તકી વનાણ દીયા નપટ આંધારે.

વસુદેવ જમના નય વટ પુગા તત ઈ પુર જોસમે વય તી ઈ તા વસુદેવ પાણીમેં પગ વધા ને
પાણી તાં તી ઉચે જ ઉછરણ લગા જમના કે ભગવાન જા પગ છુણા અચી અતરે પંઢજા મોજા
ઉચે ઓછારતી. ઈ ભગવાન જાણીવ્યા.

સવૈયા

જાણ થઈ જમના જી કે, ઈ ડસી સવારી હરખાણી
ચશ્રણ ધુતેલા ઉંચા ઉછારે, પુર મજા પંઢજા પાણી
જળચર જીવ બ્યાં જમનાજીજા, ઉ પણ ઉચાં જ ઉછરેતા
દરશન કેલા કરી તકળ ઈ, વસુદેવ કે વીટાંજી તા.

જમના જે મનજી ગાલ ભગવાન જાણી વ્યા અતરે ઉતથી પગ પંઢજો કરઢીયે મેયા વધારે
નીચો કેયા ઈ અન જો સ્પસ જમના કે ભગવાન જા પગ ધુચી પાવન થે લા ને પોવા રાજી થઈ
વસુદેવ કે વનાણ મારગ દઈદેતી.

સવૈયો

જમનાં જી જે મનજી મંગાણી, સમજી વ્યો ઈ સાવરીઓ
ચરણ વધારે નીચો ઉતારે, નંઢો ભનીને નાવલીઓ.
દરશન કેલા દેવ દેવીયું, અચી પુગીયુ ઈ અભમે
સના સના સુરવનેં સલુણા, જે જે કાર થીએ ગગનમે.

વસુદેવ ગોકળ જે પેધર મે પુગા અચી. અત દેવ મળે મથે અભમે અચી ભગવાન જા દરસન
કરીયે તા. જે જે કાર કરે કુલ જી વરસાધ વસાઈયેતા.

સવૈયા

ગોકળ મેં ઈ અચી પુજેતા, માયા કે અત પંઢવારી
સજે ગામ કે દને સુમારે, ગાલ ભની વધી આણધારીઈ.
પ્રો કુટી પરભાત થઈ, માતા જસોદા જી જાગ્યા
પુતર જનમ જી થઈ વધાયી, ઘર ઘર તોરણ ઈ બંધયા.

રાજા પરીક્ષીતા કે સુખદેવજી શ્રી કૃષ્ણ જનમ જી સજી વારતા કરે સુણાયાં તે પોવા
વસુદેવ દેવકી અગીઆ જે જનમ જી ઓળખ કરાઈતા.

દોહરા

સુખ ચેતો પરીક્ષીત કે, પૂર્વ જનમ જી ગાલ, વસુદેવ જે ઘર અચી, કી જન્મયા ગોપાલ.
અગીઆ હન ધરતી મથે, હુઈ સતયુગજી વારી, જગન યોગ જત તપ જી, ઘર ઘર હુયી દીયારી
તેની હી તપધારી વનમે અગોર તપસ્યા કેયાં તે, અનજળ જો ત્યાગ કરે ને, બ્રમચારી થઈ રેયા તે
સુતયા ને પ્રશ્ની દેવી, હલે ન તા પલ હતરી, તપધારી ઈ દંપતી અત, દો હજાર વરે વ્યા ન કરી
ઘોડી અચેતા ઘરણીઘર, દરશન દેવ દીયેતા, જોગે સર જગાયા બી કે, ઓરે અચી વીએતા
જબકી જાગ્યા તેર દંપતી અત નમી નમી પગમે પેતાં, પુતર દીજા આં જેડો અસાકિ ફરી ફરી ઈ જ મંગેતાં
વરદનાં અત વિસ્વેશ્વર તપધારી થ્યા રાજી, જનમો જનમ આંધી અચીને ખબર ગનજા અસાંજી
અંતર ધ્યાન થ્યા અવીનાસી, વર દઈ ને ઈ વેલા, જુગ વીતેને જનમ ગનધા, અજ આયા ઈ છેલા
કથા સુણાયા શ્રીકૃષ્ણજી શ્રીસુખદેવ મારાજ, ન પઈ ખબર અન ગાલજી, ન થ્યો કત બ્યો અવાજ

ઈતિ અધ્યાય ૩

અધ્યાય ૪ : માયા અવતરણ

નારાયણ ભગવાન કંસ કે જાધારી દનેલા મોમાયા કે ઈ ઘરા મથે હલાઈ તા. નંધ જે ઘર
પ્રગઠ થઈ જી કો લીલા કેયાં ઈ સજી વારતા સુણાઈતા.

દોહરા

શ્રી સુખ ચેતાં હી કથા, મોમાય ઈતીહાસ, આયા ઈ અવની મથે, પથરાયા પ્રકાસ.
ચેતન શક્તિ બ્રમજી, આદ અનાદી અમાપ, પ્રગઠ થેયા ઈ પટ મથે, યોગેસર જે સાથ.

મોમાયા જી લીલા

રાગ : એ જી મમતા મરેનાં

એજી મોમાયા આયા રે, અજ હન અવનીતે
ધરેયા નંધ ઘર અવતાર, મથુરાજી રેઈ જેલમેં.
ખેલ ઈ ભનાયા મધ રાત.
એજી એજી અરુણ ઉગેથી પેલા ઈ અવનીતે.
ઉષા જા પથરાણા પ્રકાસ, રાડુ રે કરે નેં ક્યાંમાં મામલો

જેલર જાગ્યા ઈ અન વાર. મોમાયા.
 એજી અરુણ ઉગેથી પેલા ઈ અવનીતે
 ઉષા જા પથરાણા પ્રકાસ, રાડુ રે કરે ને ક્યાં મા મામલો.
 જેલર જાગ્યા ઈ એન વાર
 એજી અવાજ સુણીને ધરવાન્ જાગ્યા
 આયા કંશ જે ઈ દવાર, દના રે વધાઈ બાળ જનમજી
 શુણી કંસ ઉપવ્યો ઈ કાર. મોમાયા.

વસુદેવજી મોમાયા કે મથુરા જી જેલ મે કોઠે આયા તડે અત સવાર થીંધે માતાજી કંશ કે ખબર દનેલા રાણુ કરીયે તાં ઈ સુણી ને ધરવાન ઘોડી ને બાળક જનમ જી ખબર કંસ કેઈ દીએતા કંસ તરાર ખણી ને ધોળધો જેલમે અચેતો

કારાગર મેં કંસ અચેતો, સુણી ગાલ સુસાટ અચેતો
 ઉપવ્યો અંતર યાળ અચેતો, કપીધો મારો માર અચેતો.
 કાર મુખો કર કાળ અચેતો, જોરાણુ જમ રાળ અચેતો
 તતર તેં કર ભાજ અચેતો, સરમ વગર જો સાવ અચેતો
 કાલનેમી અવતાર કુટણઈ, કારાગર મેં કંસ અચેતો.

જેલજા તાળા તોળે મજારા અચી દેવકી વટાથી બાળા કે ઉપાળે ને ખણેતો તે મારે જી તૈયારી કરે તો તડે દેવકી જી રુવેતાં સમજાથીતા પણ ઈ પાપી સુણે નતો તે જેલનું બારા બાળા કે ખણી અચેતો.

જેલ મજારા વની ખણેતો, વસુદેવ જો બાર ખણેતા
 નંદળો ઈ નીગાર ખણેતો, પગ જલે પળકાર કરેતો.
 ઉંચે ઉછારે સળ કરેતો, આકાસ વાણી યાધ કરેતો
 પથર તેં પછળાટ કરે ને, મારે જો વિચાર કરેતો
 કાલ નેમી અવતાર કુટણઈ, કારાગર મેં કંસ અચેતો.

જેલ નું બારા બાળકી કે ખણી ને પાયણે મથે પછાળે લા કરે હથસે ગોર ગોર ઉ મથે ગોમાય ને ઘા કરે તો તત ઉત ચમતકાર થી એતો ઉ બાળકી હથ મંજા વછટી વંનેતી અને કંસ અખીયું ફાળે સામે નેરે રેયો અય.

હાથ મંજાથી બાળા વછટઈ, નજર કે સામે બાળા છટકઈ
 વન વારેજી બાળા છટકાઈ, સબક સખાકે બાળા છટકઈ.
 અસ્ત ભુજાળી બાળા છટકઈ, જોરાતી જગ માયા છટકઈ
 અશુરારી ઈ અજ અવની તે, જગ જનની જગ રક્ષક છટકઈ
 કાલનેમી અવતાર કંસ જે, હથ મંજા જી બાળા છટકઈ.

કંસ જે હથ મંજાથી મોમાય છટકીને અસ્ત ભુજાળી દેવી જે રૂપ મેં આકાસ મે પ્રગઠ થી એતાં કંસ કે માતાજી ચેતા.

કંસ કુપાતર યાધ કરે ગન, તોજો જીવન યાધ કરે ગન
 હાણે તોજો હન ધુનિયા તેં, આખર જા દી યાધ કરે ગન.
 ભોજવસ મેં ઠારી ટીલી, કપાર ખયે તું થાય કરે ગન.
 સત ભાણેજા હથ સે મારે, ઉ ભાણેજા યાધ કરે ગન
 કાલ નેમી અવતાર કંસ તું, તોજો જીવન યાધ કરે ગન.

ફરી માતાજી કંસકે ચેતા

તોજા સાથી ક્તરાક માર્યા, ઉ મળે તું યાધ કરે ગન
 હાણે તોજા આખરજા દી, હન ધુનીયા મેં યાધ કરી ગન.
 રામ રાજ મેં લકી ફરે તે, ઉ દી કે તું યાધ કરી ગન.
 અચી પુગો અય ઉ અસુરારી, કીન છદીધોં યાધ કરે ગન
 પણ નમી નમી ને પગમેં પોને, ત અય દયાળુ યાધ કરેગન.

અતરો કંસ કે માતાજી અચી આકાસ મે અલોપ થઈ વનેતા ને કંસ ઈજ સામે જ ન્યારે રયો
 અય અને હદ ધુબણ લગો મન સે વિચાર કે હી તા ભારી અવરી થઈ અત દેવકી ને વસુદેવ કે
 પગમે પેતો ભુલજી માફી મંગેતો.

રાગ : કલીગડો

મોમાય જી ગાલ સુણીને, કંસ થી એ તો ઉધારી
 હાણે હન મંજા કી ભચણું, હથે કરે કઈ ફાસી.
 હતાસ થઈને દેવકી જે પગમે, ફરી ફરી ખલ પેતો
 ભુલ મુંજી હી થઈ વચી ભારી, કન જલે ને કભુલેતો.

વસુદેવ ને દેવજી જે પગે પઈ કંસ માફી ગની પંઢજે મેલ મે અચેતો જરા પ સુખ નાય જી લા
 છંટ જાગઈવે વેતી ફરેતો પોય ઈ પંઢજા સાથી ભેરુએ કે કોઠાય જેલ માયા જી સજી ગાલ નીં ઉનકે
 ચેતો ને સાવ નમાલો થઈ વનેતો.

દોહરા : કલીગડો

કંસ અચીને પંઢજે ઘર ઈ, સાથીએ કે કોઠાય
 સજી ગાલ અત કે પધરી, વગત સે સમજાયે.
 કંસજી ગાલ સુણી અશુર મળે કંસ કે ચેતા પાણી ચળાળ ચેતા.

કલીગડો

હે રાજન હી ગાલ નમાલી, આંકે હી કી સોભે
 હાણે જનમઘાં બાર જતરા, ગંનઘા સીં ઈ સોધે.
 નંઢે વડે જો નાસ કરીબો, ગાયુ ભ્રામાણ ભેરા
 જનગ જાગકે ભ્રસ્ટ કરી બો, વજી ગામે કે ઘેરા.

અતરો કંસ કે ચચી અસુરે જી ટોળકી ધુનિયા તે ત્રાસ દીયણ મંઢાણી ગામળે ગામળા
 ધુખાય નંઢા છોરા લજી લજી મારણ લઘા ।

કલીગડો

આજ્ઞા ગની ને અશુર ઉપવ્યા, કંસ થીએ તો રાજી
પંઢ વનીને સુતો પલંગ તે, તત ગાલ થીએતી તાજી.
સ્યામ મુરતી સામે ડસે તો, બધી ડસ જેતી માયા
પણાણાઓ ઈ મથે વગરજો, ડસજેતી પંઢ જી કાયા.
અસુર અજ ઈ હન અવની તે, વરતાયા ઈ ત્રાસ
ઘેરે ગાણાઈ ગામળા, લૂંટ ખૂન ચોપાસ.

જગમેં નાય કો અજ સલામત, સંત ભક્ત વેદી
ધુબી હલે તી ઘરા ઘર ઘર, ઘણાં અસુરે ઘેરી.

કંસ મેલ મેં વઝી સુમેતો પણ અખ ભેરી નતી થીએ ઈ સામે માયા દસ જેતી ઉન જી વાણી
યાઘ અચેતી જરા અખ લગેતે ભેરી ઉફર કે તો બારા અપશુકન થીએતા ભુત જેળો ભની વ્યો
અય.

સુખદેવજી રાજા કે પુછેતા. દોહરા

જડે કારાગરમેં કંસ વો, ઉત કે તેં કરમજી ગાલ
રાજ સભામેં આયો ફરી, તત ઉજ ઉનજી ચાલ.
હી મુનીવર કી થીયોતે, સમજાયો ઈ રીતી
તડે સુખદેવજી સમજાયા, કી ભનઈ ઈ વીતી.

શુકદેવજી ચેતાં

હે રાજન કંસ વો જેલમે, ઈ સામે દઢે તે જેકે, જે જે ઉદર જનમ ગણાવા યોગેસર ઈ તેકે.
ઉતપ ધારી મહાદંપતીજી પ્રભા પઈ તે અંગતે, દુર બધી ઈ દુર થઈવધી સદબુધી આવઈ મનતેં.
અધ્યાય હી માયા અવતરણજો કેયો કવીતા જોડ, દાસ જોડેજા હથ જોડે ચો, જે જે જે રણાણોડ
ઈતિ અધ્યાય ૪

અધ્યાય ૫ : ગોકુળ મેં ઓછવ

દોહરા

કથા કૃષ્ણ જનમજી, ગોકુળ જી ઈ ગાલ, આયર ઉછવતાં કરી, જત જન્મયા નંદ લાલ.
નંધ અંગણ મેં નોબતુ, વજે તા નીશાન, બ ઢોલ સુણાયું સાથમે, વજે વઠા ગુણ ગાન.
દાનવ માનવ દેવતા, ઘોડી અચેતા વૃજમેં, જે જે કાર થીએ ચોધારો, પળધા પેતાં અભમેં.

રાગ : બહાર

ભ્રમ રૂપ થઈ સાકાર અ જઈ, આયા અર્ચી અવની મથે
ગોલોક કે છટે કરે, બાળ ભ્રમ ભની કરે
આયર ઘર હલી કરે, આયા અંચી અપની મથે.

ભ્રમ રૂપ

ગ્રોગી જેજી ખોજમેં, ન્યારીતા નત યોગ મેં
ખાલી દઠા ઉન લોકમેં, અજ આયા અવની મથે. બ્રમ રૂપ

વેદ વાણી સેં ગાઈતા, ગગન ધુન ગજાઈતા
દેવતા કુલે સેં વધાઈતા, આયા ઈ અવની મથે. બ્રમ રૂપ

નંધ રાજા જે ઘર કુંવર જન્મયા ઈ ખબર સજે ગોકળમે પેતી અતરે મળે ગામ વાસી ભેરા
થઈ વધાયું દનેવા નંધ રાજા જે ઘર અચેતા ઈ કથા મુની ચેતાં.

દોહરો

હલકી હલઈ અજ મેદની હલકયો ગોકળ ગામ, ભું મંડળ હલકી હલ્યો, કર અવની સમર ધામ

રાગ : સંગર

અજની ગોકળ ગામમેં, હલે જ હકડી ગાલ
નંધ રાજા જે ઘર જનમ્યા, અધ રાતજો લાલ
રાજા નંધ જે ઘર અચેતા, ગોપીયું ગોપ કુમાર
દીયે વધાયું હલી હુંભસે, કરીયે જે જે કાર
કરીયે જે જે કાર ઈ, ગોકળ ગામ ગજી હલ્યો.
ગોકળ ગામ ગજી હલ્યો, ઉત વઝોતા નીશાન
ઢોલ નગારા નોબતું, બ્યા ગાંઈતા ગુણ ગાન
રાસ મંડળજી રંગત જમાયા, ભેરા સો સો સાજ
સુણાયું તા વઝાં સલુડીઅું, ઝાઝંર ઝાઝ પખાજ
અભર ચળે આવાજ, જત હલકી હલઈ મેધની.
હલકી હલઈ મેધની, અત અવની ને આકાસ
ભરઈ ભરઈ થઈ ભોમકા, મઠળી છટે સુવાસ
શને શને સુરસે કુછે, કોયલળીયું ચોપાસ
મોર મલારી રાજ હંસ, ઉંચે ઉંડે આકાસ.
કુલ ઉદાયી યે સાથ, બ્યા ગુલાલ ઉદાઈતા
ગુલાલ બ્યા ઉદાઈતાં, મંગલ ગેત્યુ મયારીયું.
દહી દુધજા ભરે માટલા, ઘર ઘર વાંટી પંજરીયું
દેવ દંદુભી વને ગગનમેં, વેમાને જી હલકારી
જે જે કાર થીએ ચોધારો, અવની આયા અવતારી.

અજ ગોકળ ગામ મેં કૃષ્ણ જન્મ જો ઉત્સવ ઓછવ ઉજવીયેતા હાથી ઘોડા પાલખી જય
કનૈયા લાલ કી જા નારા લગી રેયા અથી રાસ મંડળ જમયા અથી ગુલાલ કુલ ઉડાયીતા મથે
આકાસ મે દેવ વેમાને મેં વઈ વાજા વઝાય કુલ ઉડાઈતાં.

રાગ : સારંગ

વ્રજમેં આયા અજ કરતાર, વ્રજમે આયા અજ કરતાર

જે જે કાર થીએ ચોધારો, અભર ચળે અવાજ. વ્રજમેં આયા

શીવ સનકાદીક સારધ ભેરા, આયા ભ્રમ કુમાર

નંધ રાજા જે અંગણ આવઈ, વેમાને જી હલકાર વ્રજમેં આયા

દેવ દંદુભી વગી ગગનમેં, ભેરા જાંઝ સીતાર

નચે તાલ સે અવની અંભર, શેસ નચે પાતાર વ્રજમેં આયા

સાગર ભેરી હલ કે સરીતા, બ્યા પરવંતજા પરધાર

સોળ કળાસે સજ ઉગો અજ, ભોમી જો ભભકાર. વ્રજમેં આયા

અજ જે ઉમંગ જો વાર્ણન કેણું, નાય નઢી ઈ ગાલ.

દાસ જાડેજા કંદા પુજા આંઉ, જત વિધાતા લાચાર વ્રજમેં આયા

ભગવાન જો અવતરણ થયો ઈ દશી ને સરગ મંજાથી દેવીયું નંધ રાજાજે ઘરે અચી ને ભગવાન કે જુલાઈયેત્યું

દોહરો

શીવા સાવીત્રી સાથમે, આયા ઈ નંધ ધ્વાર, જુલાઈયે જગદીસ કે, દેવીયું રાજા કુમાર
હાલેણા હી ગાયીયે, સત દેવી ઈધરાણી, મલી દેવીયું સાથ મે, ગે હાલેણા ભરમાણી

દેવ દેવીયું ભગવાન જા દરશન કે પંઢ પંઢ જે લોકમે વર્નેતા તે પોવા ભગવાન શંકર આવે
જો રૂપ ગની અચેતા.

કવીત

ભોળા ઈ ભભુત નાથ, ભુલી અજ ભવાની કે હેમારેજી ધાર મથે, હલી વઢા હુંભસે
અટલ આસન કરે, નીજાનંદ ધ્યાન ધરે, પરભ્રમ પરખેલા, મનમે વિચારીતાં
સ્યામ તાં સલુણો અઝ, નતો અચે ધલ મંજ, નચારીતા છેલી હંધ, ત દઠાઈ ગોકુળમેં.
બાળ ભ્રમ ભની કરે, અવતરેયો અવની તે, હલી મલા હરીકે ઉત, દાસ ગુણ ગાઈયે.

શંકર ભગવાન હે મારે તે સમાધી લગાય ભગવાન જો ધ્યાન ધરીયે તાં તત ભગવાન વૈકુટ
મેં દઠા ન ઈ. સમાધીસ્થ થઈ નેરીતા તત ઈ ભ્રમ કે ગોકુળ મે દઠા અતરે વિચારેયા ક અવતાર
થઈ ચુકો અય અતરે ઈ દરશન કેલા મલેલા ગોકુળ મેં અચેતા.

કવીત

હેમારેતા હલી કરે, અચી ઉભા નંધ ઘર, નંધ જે અંગણ મેં, ઈ અલખ જગાઈતા
જાણ થઈ જસોદાકે, બાર કોક બાવો વઠી, થારી ભરે ફળેજીતા, અગણ મેં અચેતા.

તડે શંકર જસોદાજી કે ચેતાં

અન ધન કી ન ખપે, માયા થી તાં મુર ભજા, સમસાન મેજ વીયા, ભભુતી લગાય નેં
લાલ આજો રમાળેલા, આયો અયાં આજે ઘર, ખરારી કે ખણી અચો, દાસ ગુણ ગાઈ ચે.

શંકર ભગવાનજી વાણી સુણી જસોદા જી ચેતાં સામે ન્યારી તાં તત અબધુત વેસ કંધ મે
કારા સપ વીટૈલા હથમેં ત્રસુર દંમરુ મથે જે ખોપરી એ જી મારા ઈ વેસ ડસીને જસોદા નાકાર
કરીયે તાં ચ્યો હે બાવાજી આંજો હી વેસ ડસી મુજો છોકરો દસજી પે અતરે આંઉ નઈ વતાયાં

ભાંકી બ્યોકીં ખપે ઈ મઝાંી ગનો.

જસોદાજી ચેતા

બાવા આંજી મઝાંણીં હીં, કડે કીન પુરી થીંધી, ઢંગ ઘળા આંજા ડસી, બાર મુજો ડસ જે પીતામબર પટ દીયા, ઓઢે ગનો અંગ મથે, થધી કુસી કમ ઈધા, પાણી મેં પણ ભજધે

જસોદાજી ગાલ શુણી શંકરના કરીયેતાં. ક્વીત

હાણે લાવા હુંઠ આંજી, છડે દેયો પંઢ વારી, સમજે વિચારે વનોં, પાછા સમસાન મેં ઠલે હથ કીન વનો, અનાં બાવા કીંક ગનો, અચી કરે ઉભરતે, ભાર કો ચળાયો તા.

જસોદા જી વાત શુણીને શંકર ભગવાન માતાજીકે ચેંતા

દોહરા

માડી આંજે લાલસે, અય જુગ જુની ઓણખાણુ
જડે અચે ઈ અવની તે, તડે મુકે કરે ઈ જાણુ
આંઉ હલી નેં ઉત વના, ઈ મુંજી નેરે વાટ
માડી આંકે કી ખબર પે, કઈ અસાજી જાત
સપ મથે તાં સુમે સજોની, નાંય ઈ કે જો બાળ
ઘ્રજે નહિ ઘરણી પતી, અય ઈ કાળ જો કાળ
જોખમ ખણે તો પંઢતે જભરો, હન ધુનીઆ જો ભાર
શંનુ જાદો જીવ ચરાચર, ગને માણીજી સંભાર
અજ આયો આંજે ઘરે, ઈ પણ હકળી કમાલ
આંઉ ફરાતો એન પુવા, હત આયો વગર કોઠેયો લાલ.

શંકર ચેતા

શંકર ભગવાન જસોદા જી કે ચેતાં હે માડી આંજે લાલ જા મુકે દરશન કરાયો નકા હાણે હત ધુણી ધુખાય આંજે અગણ મે વીઆંતો જે સુધી દરશન ન કરાઈ ધાં તે સુધી હત જ સમાધી લગાય વીંધો સે ફરી માતાજી જસોદા કે શંકર ભગવાન શંકર ચેતા.

ક્વીત

આશા કરે આયો માડી, પંધ કેયો ગય તાડી, દેસ છડે વેસ છડે, છડે નેં આરાધનાં ફરી ફરી ચાંતો આંકે, માડી ઠીક કન કર્યો, નકા હાણે હત વિધોસ, આસન જમાય નેં અતરો ચયી શંકર અજણ મેં ઘણી ધુખાય વીએતા.

ક્વીત

ત્રીસુલ કે ખોળે ઉત, ઝોલી ઝઢાં રખ્યા વટ, કંધ મંજા કારા સપ, વટ રખે વીએતાં. ડમરુ કે દઈ દાંઢી, લાલ કે કરીતા ૨)જી, ચેતન કરે ને ધુણી, વઠો અવની જા પાદસા.

જડે શંકર ભગવાન ધુણી જાગાય નંદજી જે અંગણમે વઈ રેતા તડે જસોદા જી વિચાર્યા ક હી અબધુત બાવો હતા વનણ વારો નાય અતરે લાલ કોઠે નેં અચેતા.

ક્વીત

બાવે જીતા સુણી વાણી, નમી પેતા નંધ રાણી, કાનડે કે કોઠે કરે, આયા ઈ અઝાણ મેં
 બ્રમ પરી બ્રમ બોયે, મલે તા ઈ મલિ મથે, કેળા ઈ કરાર કેયા, કલ નં પઈ ક ન કે
 રાજ હંસ રમાળેલા, કોઠો ગળા કોલે મથે, જુગ જુગ જોગી દાસ, નાયતાં નયા ઈ તા
 સુખ ચેતા પરીક્ષીત, બ્રમ જી હી અય લીલા, બુધી કે તું છડે ભજ, પાર પંનઈ પુજાઈધા.

ઈતિ અધ્યાય ૫

અધ્યાય ૬

દોહરા

સુખ ચેતા પરીક્ષીત કે, અજ ઈ કૃષ્ણ કથા, પેલી લીલા લાલજી, ગાલ ઈ પુતનાં મથા.
 શીવા સાવીત્રી સાથમેં, આયા અયી નંધ ધવાર, જુલે મે જુલાઈએ, દેવીયું રાજ કુમાર
 હાલરણા ઈ ગાયીયે, ઘરે આયરીયાણી રૂપ, જગ પતી જગલા કરે, બાળ ભન્યો જગ ભુપ.

શુકદેવ ઉવાચ, રાગ : સવૈયા

અજ વિચારી વાલમ હાણે, ચરખો ચાલુ કરીયા
 હલી ભરાણા ભુછંળા ભુમી, તેં કે ટુકા કરીયા.
 જગ જો સ્વામી જગ રક્ષક, ઈ સુણી સંતેજી અરજી
 વખત વિચારે વેસ વધાઈ, ઈ અનજે હથજી મરજી.
 પટ પીતાંમબર છડે કરે નેં, અજ અંગ લગોટી ધાર્યા
 પગેપઈ અયે શની પામરી, પીગોળે મન વાયા.
 સાવજ અય ઈ સજે જગજો, શનુ ભંનેજી સકથઈ
 ઈ જભરો અજ બાર ભનીવ્યો, એડી ઓખી કત પઈ.

પેલી લીલા

ભગવાન જો પ્રાગઠય થયો બાળ કૃષ્ણ ભનીં અજ ઈ જુલે મેં સુતા અયી સરગ મજાથી
 દેવીયું અચી ભગવાન કે જુલે મેં જીલાય હાલરડા ગાયીયે ત્યું હડા ભગવાન ભગવાન પંઢજી લીલા
 ચાલુ કરેલા વિચારીયેતાં જુલે મેં સુતા અચી પગે મથે પામરી પઈ અય હથમેં ગુગરી બધી આય
 હેથે કે હલાયતાં ગુગરી જે અવાજ મથે રમી રહ્યા અચી. અજ ઈ સરગ જો સુખ છડે સંતે
 ભકેતવા કરે અવતાર ઘરે ને લીલા કરીને વતાઈતા.

કવીત

ગોલોક છડે કરે, બાળ ભ્રમ ભની કરે, અવતાર ઘરે કરે, નંધ ઘર રમેતો.
 સ્યામંતાં સાણુણો રાજ, અવનીં જો આયો તાજ, નંધ જસોદા જી જૈં કે, જુલે મેં જુલાયો તાં.
 રૂપ આય અનુપ જૈં જો, કરાયલ પંખ જેળો, વંગળીએ વારે મઝાં, ચંધર ડસાય તો.
 ચેલ મેં આય કદોરો, હથ મેં આય ગુગરી, ગુગરી જે ધંમ કારે, દાસ મન મુસકાયતો.
 આલમ જો અધીપતી, આણુ આણુ મેં જ રમે, અવાજ સુણીને શનું, ઈ મન મુસ્કાય તો

ખલક જો ખેલાળી ઈ, નપટ નંદો ઈ ભની, ચુપ થઈ ચુક માર, ચપ કી પન હલાય તો
ભગવાન જુલે મે સુતા અચી અતરે મેં ઉત પુતનાં અચેતી ઈ ડસીને ભગવાન પારણે મેં
અખ ભંધ કરે સુમી રેતાં

કવીત

મથુરાજી ઘસી દશી, મુરકે તો મંજઈ મંજ, ભલે આવયી ભટારી, રાળ કરે ને કોઠાય તો
બલી રાજા વારી છુરી, અચી પુગી અંગણમે, ચે દાસ નમી ન્યારે તત, નાથ નજર છપાયતો.
નંધ રાજા જે ઘર જે ઉભરં મે પુતના પગ વધે ને ભગવાન રાંની રાળ કરે પુતના કે ખબર
દીયેતા તત પુતના ઘોડી વટ અચેતી ભગવાન કે કોઠેજી તૈયાર કરેતી.

દોહરા

જસોદા જી અચીં ઘરમે, પુતના અચેતી ઉત, માસી ભનીને મંઠો કુછેતી, હુંભ વતાયતી ગય
રૂપ ગણે ઈંધર પરીજો, મંજ અચ કારો કુલંભ, સાવરીયો સમજી વ્યો, મારે જુલે હુંલંભ
સટ કરે હથ વધેં જુલેમે, લાલ ખણેતી કુછણમે, યાગ વતાય ચુમન કરેતી, તત મોહન ચેતો કંનમે.

પુતનાં કૃષ્ણ કોઠે ને મોતે ચુંમી દેતી તત ભગવાન અનકે કન મેં ચેતા ને અખીયું ભંધ કરી
છડીયેતાં.

દોહરા

વા માસી હાણે હૈયા કરેયો, ગણેદી હકલ્યા પંઢજી.

હાણે હન પલ ખેધાં દુસકા, નકી ગાલ અચ ઈ મુંજ

પુતના ધાવણ ધારાયતી. કવીત

વખ વટે હળાહળ, ધાવણ જી ધાર મથે, કોઠે ગણે કુછળમે, ઈ ધાવણ ધારાયલા.
ઓંકોઢી વઠોવો ઈતા, વાટ નેં રે અનજી તા, ચુસ એળી મારે ઈતા, ભેરો સાકેપ સુકાચીતાં.

તડે પુતના ચેતી

છડ હાણે છડ મુંકે, પટતે પછાણે પગ

પણ જલે તેંકે કીન છડે, આઘત જેજી એળી આય.

પીસાચનીં પટ પચી, વેરાન ઈ વગળે મેં

પેલી માર્યા પુતનાં કે, દાસ દેવ કે વધાઈ થયી.

પુતનાં કૃષ્ણ કે ધાવણ જેરી ધારાય તી તડે કૃષ્ણ એળી ચુસ માર્યા જ અન જો સાંકે ભરો
ચુસણ લગા તડે પુતના પગ પછાળે ને ચેતી મુંકે છડ પણ અનજી આઘત જ એડી આય જે કે
જલે તેંકે છવટે તચી ઈ છડે જ નં હડા પુતના જો સા ગુટાણુ તેર પંઢ જો અસલી રૂપ ધરે આકાસ
મેં ઉડણ લગી પણ જડે સા નકરી વ્યો તેર મથુરા જે સીમાળે મેં છણેતી અને ભગવાન પુતના
જે અંગતે ર મે વઠા.

દોહરા

ગોકળ વાસી દઠા પુતના, ઉદધી વને આકાસ, હી કરામત કડી થઈ, જરા ને આવયી વાસ.
મથુરા જે ઈ પધરમે, પુતના ઉંધી પચી, મથે વડો મોહન મુરકે, હથ હલાય પ્યો વચી.

હી દ્રસ્ય ગોકુળ વારા ડસી વિચારે મેં પઈ વ્યા સજો ગામ ભેરા જસોદાજી જત પુતના છણાઈ ઉત ધોળી પુજેતા કૃષ્ણ કે કોઠે ઘરે અચેતા.

દોહરો

કાનુડે કે ખ્યા કો દસે, હલી આયા નંધ ઘરમેં, નજર બધે ત્યું ગોપીયું ધાગા બધીયે તું હથમે.

શીવ રંજની

અજ ગોપીયું આવ્યુ ભેરીયું, ઈ નંધ રાજા જે ઘરે
નજર બધેલા ઈ લાલજી, થારી લોટો ઈ ભરે. અજ ગોપીયું
નજર બધેલા લાલજી, સત ફેરા મથા ફરાઈત્યું
કારો ધાગો બધેયા ચેલમે, કારો ટીલા કરાઈયું. અજ ગોપીયું
ગોબર ગોઈતર ખણી કરેને, ગોવિંદ કે નારાત્યું
ગૌશાળા જી રજ મે લાલકે, વઝી કરે લેટાઈત્યું. અજ ગોપીયું
કુળ દેવી જી ક્યા માનતા, નાયર ઈ ચળાઈત્યુ
યોગેસર જો મંધિર મેઈ, સાન્તી પાઠ કરાઈત્યુ. અજ ગોપીયું

ભગવાન વટ પ્રાર્થના કરીયેત્યું

યોગેશ્વર આંઈ રક્ષણ કરીજા, નંદણો અસાંજે લાલજા
હથ જોડે ને અરજ કરીત્યું, ગોકળ જ્યું ગોવાલાણીયું અજ ગોપીયું

દોહરા

માતા જસોદાજી ઘર અચી, વયી વીચારીતા, હી કોતક કી ભન્યો, ઈ બાવે કે સંભારીતા.
માજી સુમારે લાલ કે, જુલે મેં જુલાઈતા, કથા ક્યાં સુખદેવજી, પુતના વધ વતાઈતાં.
બાળ લીલા લાલ પંઢઈ, પેલી વતાયા અજ, ચોખો ચટ દસજે પ્યો, નાંચ માળજો ગજ
રામાવતાર મેં રામ પણા, પેલી ક્યાં ઈ કમાલ, પેલી માર્યા ઈ તાળકા, અજ પુતના માર્યા લાલ.
જગ પતી હન જીવલા, સીધી વતાવ્યા વાટ, પેલી મારીજા વૃતી કે, સામે દસાધો ઘાટ
પરીક્ષીત પણા સુખદેવકે, હલી ક્યાં હથ જોડ, જોડેજા જપ ઘે ઈ ભલો, રાજા જગ રણછોડ

ઈતિ અધ્યાય ૬

અધ્યાય ૭ શકટ ભંજન

દોહરા

શ્રી સુખદેવજી પરીક્ષીત કે, સુણાઈઆ હી કથા, વરતાણી વૃજ ભુમીમે, અચ ઈ સ્નાન મથા
નંધ રાજા જે ઘરે, અજ આવઈ દીયારી, અભ મંડળ હલકી હલ્યો, હલકઈ હલ કારી
દેવ વેમાને મેં વઈ, અચી વઠા નંધ ધવાર, સ્નાન કરા ઈધાં લાલકે, વજ વારા નર નાર

રાગ : દેખતેરે સંસારકી

વૃજ વાસીએ જા ભાગ્ય વડા અઝ, જત પધાર્યા સ્યામ

વૃજમેં આયા દેવ તમામ
 શંકટ ભજન જા ઉછવ થીએતા, નર નારી ઉત ભેરા થીએતા
 ત્રીં મેણે જે લાલકે અજ, કરાઈઘાં સ્નાન વ્રજમેં
 નારાયણ જા દરશન કરેલા, વ્રજ ભૂમિકે પરસ કરે લા
 દેવ દેવીયું સંગમે આયા, ઉતારીતાં વીમાન વ્રજમેં
 શંકર ભેરા નારદ સારઘ, શ્રીતીયું ભેરા વેદ વિસારઘ
 અગમ નીગમ કે ખબર પયી, ઈ અચી પુગા અન ધામ વ્રજમેં
 દેવ દેવીયું સંગમે અએતા, વૃજવાસીએ ભેરા નએતા
 કલ નતી પે કૈકે અનજી, મળે ભનેયા મસ્તાન વ્રજમેં
 નોબતને નીશાન વનેતા, પળધમ ને રમ ઢોલ સુએતા
 સને સને સુર સેં સુજેત્યું, સુણાંઈયું સત નીસાન વ્રજમેં
 દેવ આયા અઈ ડસન કેલા, નંધ રાજા કે અજઈ મલેલા
 નંધ કુંવર કે ન્યારે ન્યારે, સાવ છડે વ્યા ભાન વ્રજમેં આયા
 દોહરા

ગોકુળ મે ઈ જ ગાલ હલેતી, ઘર ઘર મેં ઈ સાવ સુજેતી
 હલો ગોપીયું નંધ અંગણમે, સકટ ભજન જીવીધી થીએતી.
 જોસી આયા અચીઉત જભર, પુજા પેજા પાઠ મંઢીતા
 વેદી ભંદાય વટ વડા વયીં, મંતર જા ઈ જાપ જપીતા.
 દહી દુધજા ભયો માટલા, હલી કરે ને ઉત ધરીજા
 હલો ગોપીયું નંધ અંગણમે, શકટ ભજનજી વિધી કરીજા.

ગોપીયું સણગાર સજે થાર ખણી મંગલ ગીત ગાઈકયું મળે ભેરીયું થઈ નંધજી જે ઘરે
 અએત્યું.

મંચત ગદ

હલો સખીયું નંધ આંગણમે, સકટ ભજનજી વિધી થી એ તી
 સોરો સણગાર સજયો સખીયું, સેથે મે આપી સ્વાગ સજજા
 કરમે કંકણ પેયો કોરા, બાંયે બાજુ બંધ બંધીજા. હલો સખીયું
 કનેમે કુઢલ મથે ટીલડી, નકમે નથળી ઠીક કરીજા
 મારાઉ પેયો મરકત મોતી, હીરે જા આપી હાર ભરીજા. હલો સખીયું
 ગુલાબ ગજરા વચમેં વેણી, કેસ કલા કે ઠીક કરીજા
 અંભર પેયો અંગતે આપી, તેલ કુલેલ તેમેં જ છઢીજા. હલો સખીયું ૧૫
 પગમેં ઝાઝર જોડ બધીને, સખીયુ સંગ સાથ હલીજા
 પુજાપેજા થાર ખણીને, હૈયા હલોઈ ઢીલ ન કરીજા. હલો સખીયું ૧૬
 ગોકુળ ગામ જયું ગોપીયું મળે દહીં દુધ માટલાને બ્યાં પુજાપેજા થાર ખણી નંધ રાજા જે

અંગણ મેં અચીને રખેયા અચી. બાયું મંગલ ગીત ગેત્યું રાસ મંડલ ભજન ધુન લગાય ને નાયરામ થઈ રાો જે જો વર્ણન મુની ચેતા.

કચ્છી સંગર

દહીં દુધ જા ભરે માટલા, ગોપીયું આવયું ગચ, ગદે મથે ઈ મળે માટલા, રખેયા ઈ ઉન વટ. નંધ કુવર કે નારાયલા, કોઠે અચેત્યુ ઉત, જીલો બધેયા ઉન ગદે મે, વીચેત્યુ ગોપીયુ વટ. ઉન જીલે મેં અચી કરેને, સુમારયા ઈ લાલકે, સુમારે ને ઈ લાલકે, ગોપીયુ ગેત્યું ગીત કોય રંમેત્યુ રાસુળા, વદીયુ વતાયીએ રીત, ગોપ બાર ભેરા વચી, વડા કરીએ વખાણ અજ ઓષ્વ એળો ભન્યો, નાંપ અગીઆજી જાણ, તત ક્કે ન થઈ જાણ, તીં ગડો ઉથલી ઉંધો પ્યો. ગડો ઉથલી ઉંધોજ પ્યો તત થઈ ઉત રાળા રાળ, ચેં હી ક્રેતક ક્રીં ક્રેળો થ્યો ને ક્રી થ્યો નંજળો બાળ ન્યારીતાં મળે નજર સે, તત દઠા કેળી કમાલ, ગડો ભલે ઉંધો જ પ્યો, પાણ મથે રમેતો લાલ ડસી અવરો હી તાલ, ઉત કોઠે ઘણા ઈ લાલકે, કોઠે કરે ને લાલકે, ઈ વઈ કરીંતા વિચાર હિ જોખમ જભર થ્યો, કીં ભચી વ્યો બાર, માતા જસોદાજી રુવે, થઈ વચી સાવ સુનકાર નંધ નેરીતાં નજર સે, નતી અચે અણસાર, હીતાં પરીચે જા ઉ પજી, નકી અચી આદા ઉભા નકી પજી આડા ઉભા, ઈ નકી ક્યાંનરધાર, કોઠે કરે નેં કાન કે, આયા નંધ જે ધવાર. કોક કરી ત્યું માનતા, કુળદેવ ને ખેતરપાર, કો ચપટી વાની ખાણી, કો મીઠો મરચી ધાર ફેરે ફગાઈયે બાર, ઈ ગોરે કાનુળે મથા.

રાજા પરીક્ષીત પુછેતા, દોહરા

રાજા પરીક્ષીત તા પુછે, હય જોડે હન પલ, હિ કૌતુક તાં કી થ્યો, અત ક્યો પુગોવો ખલ.

સુકદેવજી ચેતા

સુખ ચેતાં પરીક્ષીત કે, રાજા હી થઈ ઈ ગાલ, સટકાસુર અશુર જો, ઉધાર કેયા અજ લાલ. હેણા કેસ જો પુતર ઈ, ઉતકચ જે જો નાં, રોમસ મુની જે શ્રાપ સે, આયો ગોકુળ ગામ સનુ ભનીને સાવઈ, જીલે મે જોલા ખાય, ડસી દયાળુ અસુરકે, ચરણ ડેના છબાય ગડો ઉથલી ઉંધો પેવો, અસુર વ્યો ઉન ધામ, શ્રી મુની જે શ્રાપ કે, અજ પુરો ક્યાં ભગવાન.

ત્રણાવત ઉધાર

ઈ વારતા અત પુરી કરે સુખદેવજી અજ ત્રણાવતજી વારતા રાજા કેસજી સુણાઈયેતા જસોદાજી અજ કાનુડે કે કોઠે ખોરે મેં બારણે મેં વઠા અચી

ઉત ઈ અશુર અચેતો ને પંઢજી માયા કરેતા.

રાગ પરજ

માતા જસોદા લાલ કોઠે, અજ વઠા અચી ધવાર મેં, રંમધો ડશીને લાલકે, રાજી થીએતા વાલ મેં. વઠો ખોરે મેં કાનુડોને, માજી મન વિચારીતા, હી ભાર હેડો કીં વધ્યો, ઈ લાલ સાંમે ન્યારીતા. ખાણી ખોરે જ્યાં લાલકે, ઈ પટ મથે વેરાઈતાં, ઘરમેં વનીને માતાજી, મહી માટલા સંભારીતાં આંધી અચેતી એઘધીં, ઈ ગેરે ઈ ગોકુળ ગામ કે, વાયળીઓ થઈ ને અચે તો, ડસજે નતો ક્રીં નામ કે

ખયે લાલકે આકાસમે, ઈ કંસ જી આજ્ઞા ગની, વેરાય પંઢજે કંધ મથે, વંટોળ વાયંળીઓ ભની રાજી થીએ તો અસુર ઈ, ઉવાંથી ઉપાળે લાલકે સોપે ડીઆ લથો લથ વર્ની, હી બાળ જીરો કંસકે જસોદાજી કૃષ્ણ કે બાપણો મે વેરાય ઘર કમ કરીયેતા અત અસુર ત્રણાવત વાંચળીઓ ભની કૃષ્ણ ઉપાળેને આકાસ મે ખણી વનેતો તડે ભગવાન અસુર કે ડસી ઉનજી કંધ મથે ભાર વધારીયેતા.

દોહરા

વયી અસુર જે મુંન મથે, ને મુરકેતા હરી મનમે
 હાણે છડ તું તું તો વારી, હરી ચેતાં ઈ કનમે.
 હરે હરે હરી ભાર વધાર્યા, અસુર તીં તી બર વધેતો
 જકળે જલેયા વાર હરી ઈ, તીંતીં અસુર ઉછરેતો.
 લથ વધારે હરી નળી ઘબાયા, વંધા દુગર જો ભાર.
 રાળ કરે અશુર પ્યો પટતે, જબરો કે ઉબરાળ.

અશુર જે કંધ મથે ભગવાન અતરો ભાર વધાર્યા જે સે ઈ અસુર છણેતો પટ મથે ઉત ગામ વારા વનીને કૃષ્ણકે કોઠીએતા. ઈ કથા મુની ચેતા.

દોહરા

છડયો ડસી ઉન દૈતકે, ધોળીને આયા ઉત, કાન રમેતો વટ વઈ, ઉ અસુર છણ્યો તંત.
 કોઠે કરે ને કાન કે, વૃજ વાસી થ્યા રાજી, ડાન ડીએં તા ભીં લથે, અભાયાગત ક્યાં રાજી.
 ત્રણાવત ઈ અસુરજો, શ્રી હરી ક્યાં ઓધાર, ઉતકચકે ડના ગતી, દાસ જાડેજા કરતાર.

ઈતિ અધ્યાય ૭

અધ્યાય ૮ : નાલે જી વિધી

દોહરા

અધ્યાય અઠજી હી કથા, સુણાઈએ સુખડેવ, નાંકરણ જી વિધી, વતાઈ અનજો ભેવ.
 જાઘવ કુળજા ગોરથીએ, ગર્ગચાર્ય મારાજ, આયા ગોકળ ગામ મે, નંધ ઘર ક્યાં અવાજ.

ચોપાઈ

ગર્ગચાર્ય મુની અગણ અચેતા, નંધ રાજા ડસી સામે વનેતાં
 નમન કરે ઘર કોઠે આયા, આસન ડઈને વટ વેરાયાં. ૩
 પગ પખારે પુજન કરીતાં, ગંગા જળજા લોટા ધરીતાં
 નંધ રાજા અત ગાલ ઉચાર્યા, જોસી આંચી ભલે પધાર્યા. ૪
 નંઢળા બાળ બોય અચી મુંજા, જોસ નેરેને નાલા ડીજા
 વાટ ન્યારઈતે નત આંજી, અકે ડસીને થેયાસી રાજી. ૫
 નંધ રાજાજી ગાલ સુણી ગર્ગચાર્ય સમજાયને ચેંતા.

ચોપાઈ

ગર્ગિયાર્ય ચે સુણો નંધ રાજા, અસી અયું ગોર જાધવ કુળજા
રાજા કંસ કે ખબર મલે તતઈ, જરુર ધોળી ગોકુળ અચેઈ. ૬
અન વટાથી ભયાણુ ભારી, પાંજી લગે નકી ઉત કી કારી
જીરા ન જગમે ઈ બાર છડેતો, જત જનમે ઉત મારી વને તો. ૭
અનજી આંચી કી વાટ કઢીજા, ફરી ફરી વિચાર કરીજા
તડે જોસીજી વાણી સુણીને, નંધ ચેતા વિચાર કરીને. ૮

નંધ રાજા ગર્ગિયાર્ય કે ચેતા. રાગ - મમતા મરેના

એજી અજતા ગર્ગિયાર્ય આવેયા, આયા નંધ જે ઈ ધવાર
આસન ડઈને પુંજનતા ક્યાંઈ, લથ જોડે કેયાં ઈ સતકાર. એજી...

એજી મરમ ભરેલી સુણી વાણી જોસીજી

નંધજી વતાયા ઈ વાર, એજી પાંજીતા ધોળાળ આયે સઝાંમે. ૧૦

ઉત હલી મંઢીધાસી પાઠ.

એજી ...

એજી ઈતારે ખબરુ બારા કીન વેધી, નાય ઉત કંરાજી મજાલ. ૧૧

નંધ રે રાજા ને જોસી ઘર આવેયા, અતઈ નકી ક્યાં નરધાર. એજી...

નંધ રાજા સાધન સામગ્રી ખણી ધોળાળ મે અચેતા અતે ઈ નાલેજી ટુંકમાં વિધી કરાઈતા.

રાગ બહાર

અનામી જો અજ નાલો લખેલાય, જાધવ કુળજા જોસી અચેતાં

ખણી ટીપણું નંધ અંગણ મેં, ગર્ગિયાર્ય મુની વીએતા. એજી.... ૧૩

ઈ જાણ થીએતી જસોદા મોકે, ધોળી ઘરનું બારા અચેતા

સામે હલી સનમાન કરેને, લથ જોડી ને નમન કરીતાં. એજી ... ૧૪

અચી વેરાયા ઘર આસનંતે, પગ પખારે પુજન કરીતા

ગૌસાળા મે હણી અત આયા, નાલે વધેજી વિધી કરીતા. એજી ... ૧૫

પેલા નાલો ડનાઉ બરુકો, બલરામ જી જાહેર કરીતા

બે બારજા જોસ નેરે નેં, જોસી પણ વિચાર કરીતા. એજી.... ૧૬

ભગવાનજી કુંડળી ભનાય મારાજ નંધ જસોદા કે સામે ન્યારીતા. તત ઈ ડસી નંધને
જસોદાજી મારાજ જે મોકે સામે ન્યારે ચુપ વઈરેતા જોસી કુંડળી ન્યારીતા.

રાગ - એજ

હન આલમ જો લગે અધીપતી, નાલા અપરમપાર અચેતા

ફરી ફરી ન્યારી વરી વિચારી, દોત કલમે કે ફરી ખાણેતાં. એજી

નોય ખાને મે નજર ફરાયાત, ગર્ગિયાર્ય ઈ સમજી વનેતા

અવની જોઈ અય અધીપતી, સંમે સંમે અવતાર ધરીતા. એજી

બાળ ભની અજ આયા અવની, નંધ અંગણ મે ઈજ રંમેતા

સાવ સજ્ઞાંતા સચરાચર સાંમી, જોસી સાંમે નમન કરીંતા એજી
 ગર્ગાચાર્ય જોસી પેલા બલરામજી કુંડળી ભનાય નાલોડનાં પુવા ભગવાનજી કુંડલી ભનાયા
 તત મારાજ સમજી વેઆ કર ખે અવતાર થઈ ચુકો અતરે નંધ જસોદાજી કે જોસી ચેતા.

ચોપાઈ

ધન ધન નંધ જસોદાજી આંકે, હેદી તપસ્યા ક તે કેયા તે
 કતરા જનમજી પુંજી આંજી, ભેરા ક્યાં કત હરીજે નાંજી.
 જોગી મુની જત વઠા વિચારી, સંત ભક્તતા નત પોકારી
 કલ નતી પે કન કે ઈ જૈંજી, કત વસેતો હર.ઈ તેજી.
 જગમે આં જેળા અજ કતરા, વેદ પુરાણ ન્યારો અતરા
 બાળ ભનીને ભ્રમ અચેઈ, આજે ઘર અવતાર ઘરેઈ.
 અગોર તપસ્યા આંજી હુંધી, થઈ નકી બધી જગમે થીંધી
 તપસ્યા જો આંધી ગઢ ભનાયા, તપ કરે ને ભ્રમ ન માયા.
 નિર્ગુણ ભ્રમ સગુણ સરજ્યો, આંજે ઘર ઈ અજ જનમ્યો
 કેડી કમાયા આંજી કાયા, જોગેસર જત હલીને આયા.
 ધન ધન નંધ જસોદાજી આંકે, ધન ધન વ્રજ ભુમીજે નાંકે
 બાળ ભ્રમજી રક્ષા કરીજા, આંજી ફરજ આંધી પુરી કરીજા.

જોસી ગર્ગાચાર્ય નંધ જસોદાજી કે ઓળખ દીએતા અતરે બોય દંપતી રાજ થીએતા. વિધી
 પતાય મારાજ કે ઘરે કોઠે અચેતા સનમાન કરે વેરાયા તેં પુવા સીધા સામગ્રી રસોઈ ભનાયલા
 ડીએતા મારાજ પ્રસાદ ભનાઈતાં પ્રસાદ ભનાંય ભગવાનકે થાર ધરાઈતાં.

દોહરા

ખીર ભાંતજો ભોજન ભનાય, થાર હરીકે ધરીયેતા
 ધયાન ઘરે ને વેઠા જોસી, બ્રમાર્પણ ઈ કરીયેતા.
 લાલ રંમધો વટ ઈ અચેતો, થાર મંજાથી ખીર ખણેતો
 ગર્ગાચાર્ય ઈ સાંમે ન્યારયાં, માતાજી કે નજર વતાયા.
 હથ લમાય ને લાલ વતાઈએ, લાલ આજો ખીર અભળાએ
 ફરી માતાજી સીધો દીયેતા, ફરી ઈજ ખીરજ રધીયેતા.
 લાલ ચચીને ફરી અભળાયે, તત જોસી ન્યારેયા ધ્યાન લગાયે
 જૈં કે ઈ અરપણ કરીયેતાં, ઉજ ભ્રમ બાર રૂપ ડસેતા
 ગર્ગાચાર્ય ઈ ગળગળા થઈ વ્યા, બાળ કૃષ્ણ જે પગમેં પઈવ્યા.

ગર્ગાચાર્ય જો ભનાયલ થાર બ્યો બ્રમાર્પણ કરીયેતા તત ઈ જ ભ્રમ થાર મે જમેતા. તડે
 જોસી સમાધી લગાય નેરયાતત ભ્રમ તાં બાળ ભની વઠા અધી અતરે નંધ રાજા કે ઓળખાણ
 કરાય ભગવાન જા દરશન નમન કરે પઢજે ઘર વનેતા.

દોહરા

માતા જસોદાજી નંધ કે, જોસી સમજ્યા ભેદ, હી આપો જગ માલમી, આય દેવેજ દેવ.
 શુક્ર ચેતા પરીક્ષીત કે, અજ પુરો ઈ આખ્યાન, નાલે ધારી થ્યા હરી, નિગુણ અજ ભગવાન.
 જે જા નાલ અર્થી અતરા, ઈ નાલા કેર વતાય, જન નાલે સેજો જપે, તેકે તત થી સાય.
 નામ રૂપ નારાયણ, અજ થ્યો અવની પતી, જસોદા જો લાલ ઈ, ગોવિંદ ઈ ગોપી પતી.
 અધ્યાય અઠજી કથા, પુરી કેયા મારાજ, નાલે વધે જી વારતા, જગ ઉધારે લાજ.
 બાળ લીલા લાલાજી, અકળ ને ઈ અટપટી, દાસ જાડેજા જી અરજ, કંન કળા કી જ દુપતી.

ઈતિ અધ્યાય ૧૮

અધ્યાય ૯ : ઉખલ જી વારતા

દોહરા

બાળ લીલા લાલજી, અવનીમિં ઈ અજોડ, નંધ અંગણમે નત કરી, રાજા ઈ રણછોડ.
 જદુપતી જગજો ધણી, જગ ઉધારે લાય, બાળ ભંની પ્રજ ભુમીમિ, નત નયા ખેલ રચાય.

સુખદેવજી ચેતા, ચોપાઈ

માતા જસોદા જી અર્થી ઈ ઘરમે, લાલ રંમેતો ઈ ઉભંર મેં
 રમધે લાલ કે માતાજી ન્યારી, છાય અંગણજી કેયાં તૈયારી.
 તતે લાલ ઘોડી ઘરમે અચેતો, જધ કરેને મખાણ ગુરેતો
 તકળ કરેતો અજ અસુરારી, માતાજી કે સાંમે ન્યારી.
 ચુલ મથે સાંમે ખીર ઉભરાણું, માતાજી કે સામે ડસાણું
 ઘોડી માતાજી ઘરમેં વ્યાઈ, લાલ મટકી ફોળે વંધેઈ.
 ઘરમેં રેલમ છેલ થીએતી, માતાજી કે નજર ચળેતી
 ડસી માતાજી એળા તપેયા, ખણી લકડી પુવા ઉપખ્યા.

માતાજી ખીર ઉતારે ચુલે વટ વ્યા પુવા કાંન મટકી કે લટ મારે ફોળે વજેતા. તડે માતાજી
 કાન કે જલેલા પુવા ધોળેતા કાન ઉવાથી ભજી છુટેતો.

રાગ ચારણ કનૈયા

કાન ભજેતો સુસાટ કર્ષીધો, કાન ભજેતો
 ઘર છડે ને બાર અચેઈ, મુઠીયુ વારે કાન ભજેતો.
 ગોકુળ ગામજી ગલી ગલીમે, લંકધો કાન ભજેતો
 અગીઆ નેરે પુઠીઆ નેરે, ધ્રંજધો ઈ ઘરાર ભજેતો.
 પ્રજ જી તા વાટ ગનીં ને, સુસાટ કંઈધો કાન ભજેતો.

દોહરા

ભજી છુટો અજ ભુધરો, નજર નતો પે કંત, સડ કરીતા ગલી ગલી, ન્યારીતાં હુત હુંત.
 આયા જસોદાજી ઘરેમે, વધી કરીયે તા વિચાર, હેડો અવરો કી થ્યો, નતી અચે અણસાર.

અજ ભગવાન નંદી છોરેજી મંડળી ભનાયેતા જે જો નાં રખેતા માખણચોર મંડળી.

કચ્છી સંગર

અજ ખરારી ખલક જોઈ, ખેલ કેયાં હકીયાર
મયારીયેજા મહિ લુંટેલા, મંડળી કેયાં તૈયાર
સુભાણે ઈ ઉઠીએ સવેરા, નકરે ઘરનું બાર
પોય વયી કરી વિચાર, કત વજધાસી ઘાળ અજ.
કત વઝધાંસી ઘાળ અજ, ઈ પેલી બધીએ પાર
જજા મટકા જન ઘરમેં, ઉત વને ઈ ઘાળ
અજ ઉપળયી મંડળી સજી, ઈ સોધેલા સકાર
ડસી સુનું ઘર સાવ, ઉપળી પ્યા ઉન ઘરમે.
ઉપડી પ્યા ઉન ઘરમે, કેયાં વનીં મંજ કાર
ખે ખારાઈએ હારીયે, બ્યો ફગાઈએ બાર
વાનરે કે તા જોર જલે, ખારાઈએ સરઘાર
ઉ ગોપી હુયી ઘર બાર, ઉનજા મટકા ફોળે વધા.
મટકા ઈ ફોળે વંધા, તેસી ગોપી આવયી ઘર
ડસી ડાખલો નજર સે, ગોપી બધેતી બર
અચી પુગી અંગણમે, ઘરમેં કેઈ નજર
ઘોળી જલેતી સઘર, તત હરી અચીવ્યા હથમે.

ગોપી પંઢજે ઘર મે અચી નેરે તત મજ રમખાણ લગી પયી અયે માટલે જા ટુકરા છાયજી
ઘરમે રેલમ છેલ ઈ ડસીને ગોપી ઘોડી છોકરે કે જલેતી તત હરી જ હથમે અચીવ્યા.

કચ્છી સંગર

હરી અચી વ્યા હથમે, પોય ગોપી જો તુકાન
માતાજી આંજો લાલ હી, નપટ ભન્યો નાધાન
નંત તો ચોરઈ કરેઈ, કરીંધો વ્રજ વેરાન
તત હથ છોળાવ્યો કાન, ઉત ગોપી તા રુવણ લગી.
જડે ગોપી રુવણ લગી, તડે માતાજી તપેયા તેર
કન જલેલા લાલજો, ઉપવ્યા ઈ ઉન પેર
સજે ગામજી રાળ ઈ, નત નત સુણણી કી
અજતા કરીઆ હિં, બધે છડેયા ઘરમે વનીં.

ગોપીજી રાળ સુણી જસોદાજી વિચાર્યા હી નત નત કી રાળ સુણણી અજ અનકે ઘરમે
બધી છડયા બધેજી તૈયારી કરીયે તાં ડોરી ખણી ને બધીયેતા.

બંધેલા ઈ લાલકે, ને માજી થ્યા તૈયાર
ખયાં ખનાણી ઘર વઝી, દોરી ક્યાં તૈયાર

બધીયા બરુકી દુરીસે, છુટી વને નં બાર
 માજી આંટા ડનાં ત્રે ચાર, ઉત દુરી ટુંકી થઈ ઉતે.
 દુરી ટુંકી થઈ જડે, તડે જસોદા બંધેયા બધી
 બધી બંધેયા ટુંકી થઈ, તત માજી વિચાર્યા વધી
 હિ કોતક કી થી એતો, સમજ સમુરી ન પયી
 હાણે કેણી કર્યી, કો ગાલ મેળે નતી ચચે.

સુખદેવજી ચેતા

સુખદેવજી ચેં પરીક્ષીત કે, હી ગાલ હી અય રાજન
 જૈજી લીલા મે ભુલી વ્યા, જોગી જભર જંગમ
 વેદ વિચારે નેં થકા, હલી કેયા હયજોળ
 તડે કેર કરે ઈ તોળ, જુકો અય આલમજો અધીપતી.
 અય આલમ જો અધીપતી, હીં દોરી જે જે હથ
 કચી તંધ મેં બધી કરે, ગુમાય વડો ઈ ગચ.
 હકળા ઉગે બ્યા ઉલે, કતરા કરીંતા પંધ
 હલી વર્જો કેન હંધ, ઈ કલ નતીપે કનકે.
 કલ નતીપે કનકે, એળો ઉભો કે અખાડો
 સજ ચંધર તારલા, બ્યો પાણી જો પસારો
 ઈ જોરાતો જગ કના, અણુ આણુ જો આણસારો
 ઈ ભ્રમ ભન્યો કારો, ઈ જસાદા કે કીં કલપે.
 કલ નં પઈ ઈ માતાકે, ઈ વર્ચી કરીં તાં વિચાર
 હિ જાધુ તાં અજ ડઠો, ડઠી આણ ડઠી થી બાર.
 ઈ માતાજી જે મનજી, સમજી વ્યો સરકાર
 ઈ શનું ભનીવ્યો સાવ, દામોદર બંધાણુ ડુરીમેં.

રાગ સારંગ

કથા સુખદેવજી સુણાઈયે, કથા અજ સુખદેવજી સમજાયીયે
 પરીક્ષીત કે પરભ્રમજી તાં, ઓળખતાં ઈ કરાઈયે. કથા ...
 હે રાજન હન જગજી અંધર, બારા ઈજ વસેતો
 જગથી પેલા જગ પુઠીઆ, જગ રૂપ ડસજેતો. કથા...
 હન અવની જો સ્વામી અયઈ, નિર્ગુણ નાથ નીજારી
 સગુણ ભનેતો સંત જનેલા, ઈજ થીએ અવતારી. કથા ...
 પુત્ર રૂપ સે ભ્રમજી પ્રગઠયા, રુદય રૂપ સીવ ભોરા
 લક્ષ્મીજી જેજા સેવા કરીયે, અનંત રૂપ ઈ એળા. કથા ...

જોગી થકા જેજી બોજો, વેદ વઠા ઈ વિચારી
તેં જે ગુજજી ગાલ જસોદા, નતનત તા ન્યારી કરે ઈ ન્યારી. કથા...

દોહરા

દામોદરકે અજ બધેયા માતા જસોદા જી ઘરમેં, સત રૂપ ઈ સાંવરીઓ અચીવ્યો ઈ બંધન જો
બધી લાલકે મા જસોદા ફરી ફરી સાંમે ન્યારી, વચી વિચારી પાછી ઈ જઈ ગાલ છડીતા વસારી
દામોદરજી હી કથા, સમજાયા સુખડેવ, જાધ કરે કોય જાડેજા, તપાર પુજાઈધો ડેવ.
અકળ કળા હન ઈસજી, અકળ લીલા અનંત, અનમે ઉનું ઉતરે કનાં, ભજીતુ જીવ ભગવંન.

ઈતિ અધ્યાય ૯

અધ્યાય ૧૦ : યમલાજૂન ઉધાર

દોહરા

યમલા અજૂન યક્ષ ઈ, શ્રી હરી કેયાં ઉધાર, ઈ કથા સુખદેવ જી, સમજાયા વસતાર.
બાળ લીલા લાલજી, નત નત નેરીયે નચી, વૃજ વાસી વિચારીયે, ઈ પાકે કેણી કઈ.

રાગ કાનડો

લીલા કરી કીરતાર રે અજઈ, લીલા કરી કીરતાર
જોગેસર ઈ જગસો સામી, જગજો તારણ હાર રે. અજઈ...
હીં આલમ જે જંગી ઉપાયે, જેજી કત નતી પે અણસાર
સુરજ ચંધર તારા ગુમેતા, હલેતી નત વણજાર. અજ ઈ...
ઈ જોરાતો જગ કંના ને, પગ જે જા પાતાર
ચોડે લોકમે ઈજ સમાણું, બાવનથી અય બાર. અજ ઈ...
સાગર સરીતા પર્વત પાજા, જંગલજી હલકાર
પશુ પંખી બ્યા જીવ સના, ઈ ઉપાયે અપરંપાર. અજ ઈ...
હી અખાડો જે જે હલે ઈસારે, પાણી પટ પરકાસ
આણુ આણુ જો ઈજ રંમેતો, સનુ ભની સરકાર. અજ ઈ...
અન બ્રમ કે બધેયા જસોદા, ઘોડી જલેયા ધરાર
અવની જો આય ઉધારણ, ખેલ કરેતો ખરાર. અજ ઈ...

અજ જસોદાજી કૃષ્ણ કે ઉખલ મેં બધી ઘર કમ કરીયેતા હડા કૃષ્ણ ઉખલ ઢેળે અંગણ મે
રમેતા ઈકથા ચેતા.

દોહરા

બધેયા બરુકી દુરી સે અજ મોહનકે માતાજી, ઉખલ ઢેળે આયો અચારામેં કૃષ્ણ થીએતા રાજી
યાધ આવચી જીની ગાલઉ, યક્ષ ડસીને સામે, ઉખલ અળાયા જાળ મે, બર કરીયેતા ઠામે.
જાળ ઉથલી પ્યા પટ તે, કળ કળ થ્યો કળાકો, નર દેવાંગી નકર યા, જી વન કરે સળાકો.

હથ જોડે ને ક્યાં નમન સ્તુતી ઈ કરીયેતા, જે જે કાર કરે ને યક્ષ ઈ પગ ઉતર ડસ ભરીયેતા.

યક્ષ ભગવાનજી અસ્તુતી કરીયેતા.

રાગ આશાવરી

હલી કેયાં હથ જોડ, વિદ્યાધર, હલી કેયાં હથજોડ
બાળ કૃષ્ણ કે વંદન કરીતાં, ન્યારે નંધ કીશોર વિદ્યાધર, હલી
હંન ધુનીઆ જો હારદ સમજી, ભંન્યા બ્રમ કીશોર
જગ તારણ આંચી આયા અવની, લીલા આંજી અજોળ વિદ્યાધર, હલી
ઓમકાર રૂપે આશુ આશુમેં, સાકાર રૂપ કરોળ
સાકાર નેં નીરાકાર રૂપ મેં, કીં નં મલે આંજી મોળ. વિદ્યાધર, હલી
કારણ સુક્ષ્મ રૂપ એ આજાં, સ્થુલ રૂપે રણછોળ
ત્રીગુણ રૂપ ત્રીગુણી માયા, ન્યારા નંધ કીસોર. વિદ્યાધર, હલી
ભગવાન કે નમન પ્રાથનાં કરે યજ્ઞ ઉતર દીસામે રવાનાંખ્યા

દોહરા

વાણી સુણી વિદ્યાધરે જી, મન મુરક્યા મારાજ
નારઘ જી જે વરધાન કે, અજ પુરો કેયા વૃજરાજ
પરીક્ષીત મુની કે પુછેતા ઈયક્ષ કેર વા કેં જો શ્રાપ વો ઈ વારતા સુણાયો.

દોહરા

કથા સુણી સુખદેવજી, પ્રન પુછેયા રાજન, ઉ દેવાંગી કત ભુલા, ઈ સમજાયો ભગવન.
કેંજી ઈ ઓલાધ ઈ હુચી, અવની આયા કીં, કેળી અવરી કાર કેયાં, ઈ જાળ ભનીવ્યા કીં.

સુખદેવજી ચેંતા, રાગ સારંગ

હુલી આયા હકીયાર, નારઘજી હલી આયા હકીયાર
હેમારે તે હલી પુગા, જત સંતે જા ઓથાર. નારદજી....
ગીરિરાજ જી ધાર મથે ઈ, આડી અપરમ પાર
પસુ પખી જત કલરવ કરીયે, સંગીતજા રણકાર. નારદજી....
શુર સરી જત વયે સરીતા, સોભા જો નાંચ ખાર
ઉન જળમેં વિહાર કરીતા, વધાધરે જા બાર. નારદજી....
સંગ રમેત્યું રામાઉ, ઈ ધારુ પીધા ધરાર
નગન થઈને નચેત્યું નયમેં, કરી પશુ જી કાર. નારદજી....
પાણી જા જત ધોધ છણેતા, છેલા વધી જોરધાર
વેલ વેલણીયુ હલકે ત્યું, જત ફૂલ ફોરે પસાર. નારદજી....

સુખદેવજી ચેંતા હે રાજા હકળો વખત નારદજી પૃથ્વી તે ઈ આયા હેમારે તા ઉતરી
ગંગાજી જે કીનારે તે આયા અત ઈડુંગર ગંગા વનસ્પતી જી સોભા ન્યારે રાજી થીએતા અતરે

ઉત વધી રેતા સામે ગંગામે બ વિદ્યાધર નગન થઈને નાઈયા વા તે કે ડસીને નારઘજી શ્રાપ ડઈને
ડનાં આયી ગોકુળ જો આળ થઈ વનો.

દોહરા

દેવ રુષી ઈ દઠા નજર સે, તત મુની તપેયા તેર
શ્રાપ ડના ઉની રેવકે, આંચી અવરા મંઢેયા પેર.
જનમ ઘરીજા ઘરતાતે, આળ થઈ અવતરા જા
ગોકુળ ગામજી ગલીમે, શ્રાપ પુરો કરીજા.
ધનપતી આંચી મધમે, નતા રખો ક્ત ગમ
નાત જાત છડે પત પંઢજી, ઉંધા કરેયો તા કમ
આંચી તાં નરધન ખાસા, ખોપ રખે ને હલેતા
સુખી થીએલા સાયભજો, સમરણ નત કરીતા.
શ્રાપ સુણી ને ઉ વિદ્યાધર, નમેન હરી કે કરીયેતા
ભુલ અંસાજી વસાર્યો સાંમી, ફરી ફરી પગ મેં પેતા.

નારઘજી જો શ્રાપ સુણી વિદ્યાધર ઘોડી મુનીકે પગ મેં પઈ માફી મંગેતા તડે નારઘજી કે
દયા આવઈ શ્રાપ કે સુધારીતા.

દોહરા

હંન અવનીતે અવતાર થીંધો જોગેસર જો જેની, બાળ રૂપમે ભ્રમ અચીને કંધો છુટકારો તેની
યમલા અર્જુન જી વારતા, સુણાયા સુખદેવ, ઈ ગાલ રાજા ઈ ભનંઈ, ઈ ખોટા કંમ કેયાં દેવ
અજ અચી અવની મથે, હરી કેયા ઈજ ઉધાર, સમજાયા સુખદેવજી, પરીક્ષીત કે વસતાર
યમલાર્જુન જી હી કયા, વાંચે વિચારે રે કંન, મો મગંયા સુખ મલે, ચે જોડેજા ભગવન
શ્રી કૃષ્ણ જી હી કયા, અટપટી એડી આય, નત ન્યાર્યો ત નયીં લગે, અજ તર્યો એડી ચોવાય
ઈતિ અધ્યાય ૧૦

અધ્યાય ૧૧ : વ્રજ વનેંજી તૈયારી

દોહરા

અજ જી હી વારતા, વ્રજ મેં વેંધા ભગવાન
લીલા કર્યીંધા લાલ ઉત. ઝાઈ મંજરા થ્યો સળાકો.
અચી નજરે ન્યારીતાં ઉત, આળ છણી પ્યા અધી તત
વઠો વટે ઉત લાલ રંમેતો, હથ હલાયનેં સાંમે ખલેતો
ભેઠ બઘઈ અચ દુરી બરફી, ઉખલ ઢેળે આયો સમુરી
નંધ રાજા અચી છુટો કરીતા, માતા જસોદા ઘોળી ખણેંતાં
યુમન કરે ને સામે ન્યારી, ગાલ ભનંઈ હી અણધારી

ગોપ ગોવાળ નજર દશીને, વિચાર કરીતા ઉત વઈને
 સજે ગામ કે સદ કરીજા, નંધ રાજા જે ઘરે અચીજા
 અજ આળે જો દાખલો દશી સજો ગામ વિચારે મેં પયી વ્યો ને પુવા અંનજો ભેદ લજેલા
 નંધજી જે ઘર મળે ભેરા થીએતાં.

દોહરા

ઉખરી અટકયી જાળમેં, ઉત લાલ કે ઈ બર, જાળ ઉખડી પટ પેયાં, અવાજ થ્યો ચો ભર.
 જાળ મંજાથી જ ઉપનાં, મુર માડુ જી જાત, હથ જોડે ચ્યાં લાલકે, નવા ઈ પાંજી નાત.
 રમધલ નંઢળા બારઈ, નજર ડહા ઈ ઉત, વડે કે ઈ વતાઈતાં, ભનઈ ગાલ ઈ તત.

સુખડેવજી ચેતા કે રાજા ઉત ઉ જાળ છણી પ્યા ડેવ બો ઉત પ્રગઠ થયા કૃષ્ણ કે નમન કરે
 રવાના ઉતર ડસ જો થયા ઈ મળે હકીકત છોકરે ડહા ઈ વડે કે ચ્યાં પણ વધતા છોરા સમજી
 ખોટી મજી હલેયા વ્યા અને નંધ રાજા જે ઘરે સજો ગામ ભેરો થીએતો.

દોહરો

શ્રીકૃષ્ણ કે કોઠે કરે, આયા નંધ જોર, નત નત નયી કીતી થીયે, વધી કરીતા વિચાર.

નંધ રાજા ગામ વારે કે ચેતાં, ચોપાઈ

ભાવર મુજા આંધી ભલી કરી આયા, અજ અસાકે આંધી મન ભાયા
 અજ અંસા ઘર નત નયી થીએતી, સજ ઉગે ઉત નયી ડસજેતી.
 પેલાજ નેયાર્યો પુતનાં આવયી, ગડો ઉથલી પ્યો ઈજ નવાઈ
 આંધી અચીને લાલ ઉપાળે, અજ થયો સે કન પરમાણ.
 અન ગાલ જી સોધ કરીજા, ભુત પ્રેત વેત આડ બધીજા
 આસુરી શકિ હી ખેલ કરેતી, ડેવી શકિ રક્ષણ કરેતી.

નંધ રાજાજી ગાલ સુણી હઠળા વધ બુઢા ઉપ નંધનાજા આયર ઉભા થઈ ચેતાં.

દોહરા

નંધ રાજા જી ગાલ સુણી, ઉભા થ્યા ઉપનંધ, હાણે હત કી ન રોવાજે, હલધાસી વનરાવન.

ચોપાઈ

સામે ન્યાયો ડુંગર સોભે, નીલી હરીયારીતી ઓપે
 કર્યો તૈયારી વૃજ વનાણજી, નકી ગાલ થઈ સજે ગંજેજી.

ઉપનંધ ચેયા ક ન્યાયો ભા ગોકળમે નત નયી ઉથલ પાથલ તી થીએ અતરે હત રોવાજે નં
 પા મળે મલી હલો વૃજ મે ઉતે વાસ વસાય રોધાસી ઉપનંધ જી ગાલ સુણી સજો ગામ વૃજ
 વનેલા તૈયારી કરીયેતા.

રાગ ડેસ

ગોકુળવાસી ગોકળ ગામ છડેનેં, વૃજ ઈ વસાઈધાં રે

અજ તા ગોકળવારા...

ઉપનંધજી હી ગાલ વિચારી, વૃજ વનાણજી કેયાં તૈયારી

ગોપ બાળને મલી ગોપીયું, સાજ સામાન સજાઈતારે. અજ તા...
 ગુગરીઆરા રથ ઈ જોળાયા, રામ સ્યામ કે ભેરા વેરાયા
 નીગરીયું ઈ નંઢણી ભેરીયું, ગીત મંગળ ઈ ગાયીત્યુંરે. અજ તા...
 વનરાવનજી વાટ ગનેતા, સુભ મુરત પરીયાણ કરીતા
 કુળ દેવીજો પુજન કરેને, નૈવધતાં ઈ ધરાઈતા રે. અજ તા ...
 બાળ વધ ઈ વઠા ગડે મેં, સાહેલીયું સાણગાર સજેને
 જુવાનીયા ઈ અગીયા ઉપવ્યા, સાધન સાજ સજાઈને રે. અજ તા ...
 માતા જસોદા રોહિણી સંગમે, અજ ડસજેતા ઈ ઉમંગમે
 રામ સ્યામ રમાણી માતા, મનમે ઈ મુસ્કાઈતા રે.
 વૃજ ભુમીમે હલીને આયા, નંઢણા ઈ આવાસ ભનાયા
 વનરાયજી હલક ડસીને, વન કે ઈ ગજાઈતા રે. અજ તા ...
 શ્રીકૃષ્ણજી વૃજજી લીલા જો પ્રસંગ ચેતા.

રાગ ડેસ

રામ સ્યામ બોય વન પધારી, ગોપ બાળ મલી સોભા ન્યારી
 મોર પીછી બધી મથે તે, નંઢળા નાય નચાઈતારે. અજ તા ...
 જમના જળમેં નત નાયીએ, નંઢા બંસરી હથે ભનાઈએ
 ગોપીએ કે રમાઈયે નતનત, મોરલી વજાઈતા રે. અજ તા ...
 નત નયીં નયીં લીલા કરીતા, વ્રજ વારે જા મન હરીતા
 મખાણ મીસરી ખેતા નતઈ, ગોપીએ કે ખલાઈતારે. અજ તા ...
 વૃજમે ભગવાન વાછળા ચારેલા નત વનેતા તેજી કથા સુખદેવજી ચેંતા.

દોહરો

નત સવારો સ્યામઈ, ઉથીએ સવે રા સાવ, વછળે ભેરા વન વનેં, લગાઈયે નત ડાવ.

રાગ સારંગ, ચોપાઈ

અજ અવીનાસી ગલી ગલી મે, રાજ રસીલો રાંધ કરેતો
 સચરા ચર જો સ્વામી સાવજ, શનુ ભની તુકાન કરેતો. અજ અવીનાસી
 મોર પીછી બધી મથેતે, ઠુમક ઠુમક થઈ નાય નચેતો
 કેળ કંધારો પગ મેં ગુગરી, ઘુગરી જે ધમકારે રમેતો. અજ અવીનાસી
 સ્યામ સલુણો મુર કે મન મેં, મયારીયે જા મખાણ ખાણેતો
 નંઢળો નટવર મટકા ફોડે, ઘર ઘર મેં તુકાન કરેતો. અજ અવીનાસી
 કંન મેં કુંડલ વાર વાકળીયા, વારે મેં તા ચંધર લકેતો
 ઘરણી ઘરજી દત દસીને, ચંધર વચારો ઈજ છપેતો. અજ અવીનાસી
 નખરાળો ઈ નટવર નામી, નંધ અજાણે ન ત રંમેતો

ખલક સજે જો ખેલાણી ઈ, જાત ભની અજાત ભનેતો. અજ અવીનાસી

વ્રજમેં પેલો વત્સાશુર ઉધાર, દોહરો

વ્રજ પુરાણ વ્રજ ભુમીમે નત નત કરીયે નથી, વછળા ચારી સાવ સંભારી વેણુ વનાઈયે વધી.

ચોપાઈ

વત્સાશુર અશુર અચેતો, ભંની આખલો ત્રાળ વજેતો
જમનાજી જે આયો કીનારે, શ્રી કૃષ્ણ કે સામે ન્યારે
સર્વેશ્વર સમજી વ્યાં મનમે, બલરામ કે ચેંતા કંનમેં
આયી ભાવર ભેરુ ભેરા વીજા, મુંજી ચંધા કી ન કરીજા.
અતરો મયી ઈ ઉપવ્યા સામે, અશુર શેર કઢેતો ઠામે
કરે હુંકાળા ઈ મથો પછાળે, ખુરીયે સેં તો ધુળ ઉદાળે
સ્યામ કે સામે ઈ સટ કરેતો, બાર દશીને બર બંધેતો
શ્રી હરી જી હત હુથી તૈયારી, ધોડીને ધક વંધા મુનવારી
અશુર ઉથલી પાંઉ છણેતો, નક મંગાથી રત નકરેતો
ફરી ઉભો થઈ આયો ઉથલી, લત ઉછારે લાલતે પુઠલી
તાડુ દે કરે ગગન ગજેતો, ફરી ફરી હરી મથે છણેતો
અશુરારી અત રાંધ રમેતા, ઘોડી પુઠલા પગ જલીએતા
ઉંચે ઉપાળે ને ધોર ગુંમાયા, જોર કરે ને પટતે પછાળ્યા
અશુર જો ઉધાર થીએતા, અવની જે જે કાર થીએતો.

વત્સાસુર નો કૃષ્ણ મારે ઉધાર કેયા ઈ ખબર ગોપ બારે ગામ કે ડના ગામ વાસી વરી
ભેરા થઈ વિચારયા ક પાં હત આયાંસી રેલા તોય અતપ ઈ જ ગાલ નળેતી અનજો કોય પણ
તાગ નકરે નતો.

દોહરો

સજ ઉલી વ્યો સાંજી થઈ, ગોપ અચેતા ઘર, સજી સુણાયા વારતા, ઘર ઘર લાલજો બર.

ગામ વારા વિચારીતાં

કાં તાં અય ઈ મા બલી, અગર જનમ્યો દેવ ઈ
નં કા હી કીં થઈ શકે, નાય બાળક જા કમ ઈ
ખાણી બંશરી વન વને, ગૌ ધન સંગ ભગવાન

અજ બંકાશુર અગલો ભની ને જમનાં જે કીનારે તે ઈ લકી વડો અય કૃષ્ણ જી વાટ નેરેતો.

ચોપાઈ

શ્રી હરી આયા જમના કીનારે, બગ દઠાઈ મછ તો મારે
લકી ઉભો અય ઉન પાણીમે, અશુર ઉભો ઈ ધ્યાન ઘરેને
રામ સ્યામ ભેરા ગોપ બાળ ઈ, સ્નાન કેલા અત આયા અધી.

જમના જળ કે નત નત નાથીએ, ગીતળા ગાઈયે પાણી ઉડાઈએ.
 લકી લકી બગ અશુર અચેતો, શ્રી કૃષ્ણ કે ઝપટ મારે તો
 ઉદી ઉદી ને ઝપટું મારે, કાયા પંઢજી જભર વધારે.
 ડુંગર જેડો દૈઈત્ય ઉભો કર, સામે સટ કરે તો ઈ ખર
 અપટ મારે ને જલે હરીકિ, નફટ નુગરે વધારે નળી કે
 નરગોટે મે કૃષ્ણ ઉતારે , જટ પટ જટ પટ ઈ તો ઓનાંરે.

ડુંગર જેડો ઝભરાળ બકાસુર બગલો ભની જમના જી મંજથી નાંઈધલ છોકરે ભેરા
 ભગવાન કે જલે અશુર પંઢજે પેટ મે તો ઉતારે તો તડે કૃષ્ણ અન અશુરજી નળીમે અનકે
 ધબાઈયેતા ને અશુર કે અત ધબાઈતા.

દોહરા

બકાસુર જે પેટ મેં, શ્રી કૃષ્ણ કેયા ઉપાય, અગ્ની કે ઉત્પન કેયા, મંજ લગાયા લાય.
 લાય લગાયા હરી પેટમેં, તત અશુર તો ઉછરે, પગ પછાળે કરે ઓકારા, બાર પાણી સેં નકરે
 ખાણે લથળીઆ ભાન વધી, ઓકે કરે તો બર, તડે શ્રી હરી નકરી બાર મેં, જલેયા ઉન પલ ખર
 સુંઝ જલે ચીરે વંધા અશુર છાણ્યો ઉથલી, જે જે કાર થ્યો ચોધારો, અવની અંભર મથલી

સુખદેવજી ચેંતા

હે રાજન જે જે પેટમે, હી વિસ્વ સજો સમાય, તડે અશુર જે પેટ મેં, ઈ બ્રમ કીં જ સમાય
 બાળ કૃષ્ણ બલરામજી, લીલા અવની અજોડ, જોડેજા જગદીસ જપીઓ, જ્ય જ્ય જ્ય રણછોડ

ઈતિ અધ્યાય ૧૧

અધ્યાય ૧૨ : અગાશુર ઉધાર

દોહરા

અગીયાર મેં અધ્યાયજો , સુખદેવ કરી વર્ણન, અગાશુર ઉધાર જો, રાજા પુછેયા પ્રશંન
 ચોપાઈ

હે રાજા હી કથા હરી જી, બાળ લીલા ઈ કૃષ્ણ પ્રભુજી
 રોજ સવારો સંધારી વનમેં, ગોપ બાળ બલદેવ સંગમે.
 સરખે સરખા રાંધઈ કરીયે, હાર જીત જા દાવ લગાથીયે
 મોર થઈ કોય નાચ કરીતાં, કોયલ ભેરા કોક કુછેતા.
 હંસ ભની કો હલે હેકલા, કોય ઉચાં ઈ દીયે ઠેકલા
 બગ ભની કો ધ્યાન ધરેતો, કો વાનંર જી ચારા કરેતો.
 પ્રંદાવન મેં લીલા કરીયે, બાળ રૂપ બ્રમ રાંધુ કરીયે
 ભક્તેલા ભગવાન પધાર્યા, વ્રજમે આયરે રૂપ સમાયા.

વ્રજભુમી જો ભગવાન બાળ સ્વરૂપે લીલા કરીયે તાં ઈ વ્રજવાસી કી સમજી સગે ક ઈ

ભગવાન અચી ઈતા નંધ જા છોકરા ઈતરો જ ઓળખે વખાણ કરી વ્યા.

ચોપાઈ

માયાવી જીવે કે જગમે, કી ખબર પે બ્રમ અય વૃજમે
જોગી જેજ ખોજ કરીતા, પંઢજે આતમ મેં ઈ રમેતા.
જેં જો મહિમા વેદ વખાણી, અનકે વ્રજ વારા કીં જાણી
સીવ સનકાદિ કીં ન પુજેતા, ઈજ આયર રૂપ રમેતા.
જેં જે ઈસારે બ્રમાંડ હલેતો, પાણી પરકાસે ડસજેતો
અન બ્રમજી કલ નતી પે, નંધ બાળ સમજી ભુલા પે.
નત નયીં નયીં લીલા કરીયે, નંધ જસોદાજી વિચાર કરીયે
અજ આયા ઈ જમનાં આરે, અત અગાસુર સામે ન્યારે.
અજગર રૂપ અસુર ભનેતો, બીળ જંગલ મેં લકી વીએતો
કાયા વધારે જોજન જભરી, ઉચી અભતયી ડસજે તતરી
અસુર કે અત એડી કરામત, સજી મંડળી હલી પુગી ઉત.

અગાસુર અજગર ભની અત પ્યો અયે કાયા ડુંગર જેડી વયારેનં મો ન્યારેયોત કર ગુફા
લગેતી અત ઈ ગોપબાળ મળે અચીનો ગુફા ડસી મંજ વનેં જ તૈયારી કરીયેતાં

ચોપાઈ

મોં ફાળે ને ઈ પ્યો અય પટ્ટે, મથલો ચપ ઈ દસજે અભતે
રતીયું અખીયું કરી ચમકારા, જી દસાઈ અભમેં તારા.
ગુફા સમજી ગોપ વટે અચેતા, અંધર વનંણ જી તૈયારી કરીંતા
સજી મંડળી ઈ મોંમે વનેંતી, શ્રી કૃષ્ણ કે સાંમે દસજેતી.
નજરે દસી હરી ઉપળ્યા ઉડાથી, અચી પુગા ઈ પલ મે ત્યાંથી
ગુફા દસી ગોપ બાળ અંધર નેરણ વ્યાં બલરામ જી ઉતઈ વઠા ઐ
ઈ ભગવાન સારે વ્યા અતરે નયી લીલા કરીયેતા.

દોહરા

અઘાસુર જી રાંધ હી સમજીવ્યા સારંગ પાણી, હલી આયા ઉત હેકલા તત ગુફા ઉજ દસાણી
આયા જમના જી કાંઠે, અત નાય કો ગોપ કુમાર, હતહુત ધો ડી ન્યારીયે, સાવ લગે સુનકાર.
નજર નતો પે બાળ કોય, તીં ધોળે ધનસ્યાંમ, હલી હલી હકલુ કરી, ઈ સોધ કરી ભગવાન.

સુખદેવજી ચેતા, દોહરા

હે રાજન ઈ અય જગ વ્યાપક ભાસે તો ભરપુર, લીલા કરી લખમી પતી જીવ ભુલીથી ભુર
લખ ચોરાસી જાત જી, નત નત કરે સંભાર, સત પાતારે મેં રમે, ભુતળ મેં ભણકાર.
અભ મજાથી અણુ છણે, ઈ ડસી સગે સરઘાર, ઈજ અખીલેસર વનમે, ધાળુ કઠે તો ધરાર.
કીડી જે પગજી ઝાંઝર સુણી ગને ઈ સની સની, ઈજ ભુલી વનમે ભમે લીલા કરેતો બાળ ભની

સુખડેવજી ચેતા હે રાજા અજ ઈ જગ પાલક અન અસુરજી રાંધ મળે જાણ્યા વઠે તોય જરા વાર અજાણ થઈ લીલા ક્યાં અઘાસુર વટ અચીને ઉનજે મોંમે વનેંતા અસુર રાજી થીએતો ક પાંજો અજ કમ થયો. ભગવાનકે પેટ મે ઓનારેજી તૈયારી કરેતો.

ચોપાઈ

અઘાસુર વટ હરી પુજેતા, સખા મળે મોમેં ડસજેતા
શ્રી હરી અનજી મોમે આયા, કાયા પંઢજી વડી ભનાયા.
નરગોટે મે હરી ડસીને, અસુર ઓનારેતો બર કરીને
જોગેશ્વર કેયાં જભરી કાયા, અસુર કરેતો પંઢજી માયા.
જોજન ઉંચો મોં ફાળે જભરો, તેથી રૂપવડો કેયાં તતરો
કૃષ્ણ વધાર્યા પંઢજી કાયા, નરગોટે મેં સાં કે ધબાયા.
અશુર છુટેલા બર ઈ બધેતો, પુછ પછાળે ને તફળેતો
કાયા તાં થરથર થથરેતી, નસુ ટુટી પ્યું નજર વનેંતી.

અઘાસુર જી નળીમે વનીં ભગવાન પંઢજી કાયા વધાર્યા ત ડે તા અનજો સા ઘુટાણું ને તરફળેતો

ચોપાઈ

છાતીજા વધેયા ધબકારા, મોં ફાટો જભ નકરઈ બારા
મથો ટુટો નેં પ્યો ઈ પટતે, સ્યામ ચડી વઠા ઉન સપતે.
અશુર કે હરીધામ વતાયાં, દેવ દુંદુંભી મથે વનાંયાં
ગોપ બાર ઈ બારા અચેતા, અજ જી વજ મે ખબર દીયેંતા.
વ્રજવાસી હી સુણીનેં ભાજી, નંધ જસોદા જી થ્યા રાજી
જાણીં મનો મન ક્યાં વિચાર, નકી બાળ હી અય અવતાર.

દોહરા

અઘાસુર ઉધાર જો, અજો ઈ આખ્યાન, સુખદેવ ચ્યાં પરીક્ષીતકે, યાદ કર્યો ભગવાન.
હી કથા શ્રીકૃષ્ણજી, અવની અમ્રત સાર, વાંચે વિચારે વિવેકસે, પાપી પુજે ઉન પાર.
ગાથા ઈ ગોવિંદજી, અકળ અમાપ અજોડ, વેદ વિચારે થકા, કરે સગેયા નં તોડ.
હે રાજન હી બ્રમ લીલા, ગાય જ જીવ ગુણવાન, જનમ મરણજો ભે ટરે, રાજી રે ભગવાન.
અજ જે અન અધ્યાયમેં, અઘાસુર જી ગાલ, પુરી કેયા સુખદેવજી, ચેય જોડેજા જય નંધલાલ.

ઈતિ અધ્યાય ૧૨

અધ્યાય ૧૩ : ભ્રમાજી જી વારતા

દોહરા

ભ્રમાજી ભ્રમ લોકમે, ઈ વયી કરીતા વિચાર, અવતરેયા અવની મથે, કંન રૂપ કરતાર.

હલી ન્યારીઆ શ્રીહરી, વ્રજ વર્ની વાસુદેવ, ઉતર્યા ઈ અંતરીક્ષથી, નેરણ ભુપતી ભેવ.
 વ્રજ ભુમી વચ કાર્વી, નિરમાણ વયેતી નય, સોભે સરીતા ઘન ઘટા, જત જીવ વસે નીર્ભય.
 ઉન માંગ ઈ અચી વ્યા, જત રમે રામ ને સ્યામ, ગોપ બાર ભેરા વઠા, ઈ ડહા અજ અન ધામ
 વનરાવનજી સોભા જો વર્ણન કયા ઈ રાજા કે વતાયે જત શ્રીકૃષ્ણ પંઢ જે સાથીએ ભેરા
 રમેતા જમેતા ઉત બ્રમાજી અચીને નેરીયેતા.

રાગ ક્લીંગડો

અજ વનરાવન હલી હલ્યો, જત આવથી વસંતજી રેલી
 અન વનમે શ્રીસ્યામ સોભે, જી સોભે અભમે હેલી.
 મોર બપર્યા નાય કરીતા, ચાતક ચકવા જોડી
 મેના પોપટ કરીયે કલરવ, ભમર અચેતા ધોળી.
 અન વનમે અજ સ્યામ જમેતા, ભાત ખાણી પંઢવારી
 ગોપ બાર બલરામજી ભેરા, ક્યાં જમેજી તૈયારી.
 સામે સામાં ગ્રાસ ભરીએ, ભાવર થઈને ઈ ભેરા
 મુઠુ ભરે ભરે મોંતે મખીયે, બ્યા કરીયે ઈ બખેરા.
 ધોળા ધોળી કરીએ વનમે, ખાણી ભાખરી હથમેં
 ડસી ભ્રમાજી પ્યાં ભરમમે, વથી વિચારી મનમે.
 ભગવાનજી અટપટી લીલા ન્યારે ભ્રમાજી ભરમ મે પેતાને સામે જ ન્યારે રેયા અચી.

રાગ સારંગ

હલી આયા હકીયાર બ્રમાજી, હલી આયા હકીયાર
 પરીબ્રમ જો ઈ પારખો કેલા, આયા વ્રજથી બાર. બ્રમાજી હલી...
 વનરાવનમેં અચી પુગાઈ, નેરણ નંધ કુમાર
 ગોપ બારને વછળે ભેરા, ધોળુ કરીતા ઘરાર. બ્રમાજી હલી...
 મથે લક્ષ્મી વાર વંગાળીઆ, મોર પીંછી સાણગાર
 હથમે બંસરી પગમે ગુગરી જો ધમકાર. બ્રમાજી હલી...
 કારી કમળ ઈ ખયાં ખભેતે, સઈ સોભે સલવાર
 કનેમે કુંડળ હલ હલકેતા, સોભે જગદાધાર. બ્રમાજી હલી...
 વ્રજ ભુમીજી રજજી જે જે, અઝાં મથે અણસાર
 સ્યામ જે હથમે ડસી ભાખરી, કરી વીરંચી વિચાર. બ્રમાજી હલી...
 મનમે બ્રમાંજી વિચારીતા
 હાણે હનકે કી બ્રમ ચોણું, ભુલા પ્યા ઈ ઘરાર
 પરખ કેલા ચોરી વનેતા, વછડા ગોપ કુમાર. બ્રમાજી હલી...
 અત બ્રમાજી કી પ તાગ કહે સગેયા ન મનમે વિચાર્યાં ક અનકે કી બ્રમ ચોણુ. અતરે પારખો
 કેલા ગોપ મળે ભેરા વાછડા મળે ચોરાય બ્રમ લોકમે વનેતા.

દોહરા

વાછળા ચોરાય ને વરેયા, ભેરા ગોપ કુમાર, વયા ખાણી બ્રમ લોકમે, ઈ નકી કેલા કરતાર.

બ્રમાજી બ્રમલોકમે વાછડા ભેરા ગોપ લકાય છડેયાં તડે ભગવાન હત નેરીતાં કોય નજર
નતોપે તડે ભગવાન બ્રમાજી જી કલા જાણી વ્યા અતરે એળાજ ગોપ વાછડા ભનાય સાંજી જો ઈ
ઘરે અચેતા ઈ કંકે સમજ નતી પે.

દોહરા

જમી કરે જગદીસ ને, વઠા હેકલા વનમે
નજર કરી તત નતા ડસાજે, વાછડા ભેરુ સંગમે.
નજર કેયાં ત્રીલોક મેં, તત સમજી વ્યાં સરદાર
અજ બુઢે કે બોધ ડીયાં, ઈ શ્રી હરી થ્યા તૈયાર.
એળા જ ગોપ ને વાછડુ, ઉભા કેયા અવિનાસી
સાંજી થઈ ઘર આવ્યા, રાજી થ્યા વજવાસી.
ગોપ ભુલા ભુલીયું ગોપીયું, સમજ ન પઈ અનજી
ગાયું ભુલીવ્યુ વાછડાઈ, લીલા આય બ્રંમાજી.

નવા વાછડા ગોપ ભનાયં વ્રજ મે ભગવાન સાંજી જો આયા ઈ વ્રજમે કેં કે પ કલ ન પઈ
ગોપીયું પંઢજા છોકરા ઉજ સમજયું તડે ગાયીયેકે તાં ગુનો જ નાંય ઈ અનગાલ કે બારો મેણા
નકરી વર્નેતા.

દોહરા

વ્રજવારે કે ખબર નતીપે, સજી નકરી વધી સાલ
નકી કંત આણસાર અચેતી, એડી લીલા કરેતો લાલ.
ઉઘાર કરેલા હંન ધુનીઆજો, અજ અવની ઈ આયા
માનવ રૂપ ઘરે ને મોહન, વ્રજ મે ખેલ રચાયાં.
હે રાજન અજ ઈજ પરીબ્રમ, પંજ ભુત સે પ્રગઠયા
વ્રજવાસી કીં જાણી સગે ઈ, જત વેદ પુરાણ અટક્યાં.

સુખદેવચેતાં અતરે ફરી ઈ પાછા વ્રજ મે નેરણ અચેતા. બ્રમાજી ચેતા હે રાજા અન ગાલ
કે બારો મેણા નકરીવ્યા તડે બ્રમા જી કે પાછી વ્રજ જીગાલ યાઘ અચેતી અતરે ફરી ઈ પાછા
વ્રજ મે નેરણ અચેતા.

રાગ બહાર

અજ બ્રમાજી બ્રમ લોકમે, વઈ કરે વિચારી તા
યાઘ અચેતી જુની ગાલઉ, વ્રજવારી સંભારીતા. અજ
ગોપ બાળને વછડે કે મું, હત સુમાર્યા મુર્છા મેં
ઉત વર્નીને ન્યારી અચાં આંઉ, ને રાણ વ્રજ ભુમી મે. અજ
હંસ વાંન સે ક્યાં તૈયારી, વ્રજ ભુમી જે મારગ મેં

હત રામ સ્યામ ઈજ રંમેતા, ઉજ ગોપે ભેરા રંગમે. અજ
 ડસી બ્રમાજી ભુલા પેયા ઈ, વછડા ગોપ કી હત આયા
 હતહુત ન્યારી ચર્પી લોક મે, સમજી વ્યા બ્રમજી માયા. અજ
 ઉતઈ ઉભી અરદાસ કરીતાં, ચરણે મે સીસ નમાઈતા
 હંસ વાહન તા ઉતરી કરેને, વટ વનંણ વિચારીતા. અજ

બ્રમાજી બારે મેણા પુવા આયા ને નેરીતા તત વન મેતા ઉજ તાલ લગો પ્યો આય ઉજ
 ગોપ ઉજ વછડા ને ઉજ રાંધ હથ મે રોટી બ્રમાજી નેરે છક થઈ વનેતા.

રાગ શુણી ભૈરવી

યાધ અચેતી બ્રમજી બ્રમા કે, યાધ અચેતી બ્રમજી
 હંસ વાહન સે હલી પુગા હત, વાટ ગનીં વનજી. બ્રમા કે યાધ....
 વનરાવન મે આયા બ્રમાજી, ત લીલા દઠા બ્રમજી.
 ગોપ બારે ભેરા રમેતા, કલ નતી પે અનજી. બ્રમા કે યાધ
 સુન મુન થઈને સામે ન્યારી, ભાસ નતી પે બ્રમજી.
 વરી વિચારી સામે ન્યારી, સુરતા સંઘી તનજી. બ્રમા કે યાધ
 ધ્યાન ધરે ને ધલમે ન્યારી, ગોપ બારે જે સંગઈ
 ખેતા ભાખરી ખાણી હથમે, બે કે ખારાય પંઢજી. બ્રમા કે યાધ
 ડસી બ્રમાજી પંઢ સરમાણા, ભુલ ડસાણી પંઢજી
 ઘોડી ઘોડી ડંડવત પેયા ઈ, અજ ઈ સરવેસરજી. બ્રમા કે યાધ

દોહરા

અધ્યાય હી પુરો કેયાં, સુખદેવ જી મહારાજ, બ્રમ બ્રમાજી વારતા, સુયાં પરીક્ષીત રાજ.
 અટપટી અદભુત કથા, કતરા કેણા વખાણ, દાસ જોડેજા જગદીસજી, નતનત નયી સુંવાણ.

ઈતિ અધ્યાય ૧૩

અધ્યાય ૧૪ : બ્રમાજી પ્રાર્થના કરીયેતા

દોહરા

શીવ વિરંચી સારઘા, ધરીયે જે જો ધ્યાન, ઈજ પરી બ્રમ વ્રજમે, લીલા કરી ભગવાન.
 વરી બ્રમજી વારતા, સમજઈયે સુખદેવ, જીવ હી કી જાણી સગે, હી ભગવાન જો ભેવ.
 અજ આયા અવની મથે, ફરી ઈ વનરાવન, વંદેલા શ્રીનાથકે, કર જોડી કરી નમન.

બ્રમાજી બાલ રૂપ દરસન કરીતાં. રાગ બીહાગ

અજવીરંચી વજમે આયા, જત વસે વનમાળી રે
 ગોપ બાલ ભેરા રમેતા, મોહન અજ મન હારી રે. અજ વિરંચી...
 બાલ રૂપકે નમન કરીતા, સ્યામ મુરતી ધલમે ધરીતા

ફરી ફરી પગમે પેતાં બ્રમા, ભુલતાં પંઢજી ડસાણી રે. અજ વિરંચી...
 મધુર મુરતી મન મન મરકે, બાળ રૂપ બ્રમ તા હલકે
 સામે ઉભા કર ભાણ ગગનમે, ઈ સોભે અશુશરી રે. અજ વિરંચી...
 મોહન પેર્યા મુકટ મણમય, શંખ ચકર ગદા પદમને
 મુગતા ફળજી માલા પેર્યા, સામે ઉભા ઈ સુખારીરે. અજ વિરંચી...
 મકરહત કુંડલ સે સોભે, કેસર તલક કલા સોભે ઓપે
 પટ પેર્યા પીતાંબર પીળા, આદ બધ્યા અસુરારી રે. અજ વિરંચી...
 નારાયણ જા દરસન કરીતા, અજ અવીનાસી સામે મલેતા
 બારા બાળક રૂપ ભલેઈ, પણ અંધર દશે અસુરારી રે. અજ વિરંચી.
 બાળ શ્રી કૃષ્ણ જા દરસન કરે બ્રમાજી પ્રાર્થના કરીયેતા પંઢજી ભુલ થઈ ડસાઈતા.

ચોપાઈ

પ્રજાપતી અજ શ્રીપતી જે, ચરણ મે શીસ નમાઈતા
 કર જોડે ને કરીયે વિનંતી, ધ્યાન ધલમે લગાઈતા. પ્રજાપતી...
 લીલા આંજી અગમ અગોચર, વેદ નીગમ ઈ વતાઈતા
 જીવ માયાવી જાણી સગે કી, જત જોગી જગંમ અટવાઈતાં. પ્રજાપતી...
 અવ નવા રૂપ ધર્યા અવની તે, અકળ અનંત અલગારીતાં
 મું જેળા જત ભુલી વેયાં, જત જાત આંજીન સમજાણીતા. પ્રજાપતી...
 હંન ધુનીયા જો હારદ સમજી, ખેલ કેયા ઈ ખરારીતાં
 સજી ગાલ ઈ સવરી કરીજા, ભાર ભુમીજો ઉતારીતાં. પ્રજાપતી...

બ્રમાજી ભગવાન જા બાલ કૃષ્ણ જા દરસન કરે ચેતાં હે નાથ આજી માયા એડી જભર
 આય જનમે સજી ધુનીયાજા જીવ બંધાજી વ્યા અઈ આઉ પણ ભુલો પ્યો સે તડે જીવે જોતા કત
 ગજ વને બ્રમાજી માયા જો વર્ણન કરીયેતા.

રાગ કલ્યાણ

માયા આંજી બલવાન યોગેશ્વર માયા આંજી બલવાન
 જોગી મુની જત દેવતા હાર્યા, હાર્યા જીવ તમામ યોગેશ્વર....
 જોગી મુની નત વસે જંગલમે, ધોડી જલે ઉન ધામ
 શીવજી જેડા વઠા મસાણમે, ઉત ઉપ ભુલીવ્યા મહાન.યોગેશ્વર....
 જીવ ઉપાયા સમરથ પાયા, જીવ જંતુ કે તમામ
 લખ ચોરાશી જીવજી જતરા, સભે ભુલીવ્યા ભાન.યોગેશ્વર...
 તનમે મનમે ઘોર જંગલમે, જીવ જપે જત રામ
 તે કે માયા બંધે બંધનમે, જીવ ભરે ઉત સલામ યોગેશ્વર....
 ઉન માયાથી પાર પુંઝણ, શેરી ભનાયા સુખધામ
 આંજી લીલા યાધ કરે જીવ, ધોડી પજે અન ધામ યોગેશ્વર....

બ્રમાજી ચેતા. રાગ : હે માત આશાપુરા

હે રાજ રાજેશ્વર, વિશ્વ ભનાયા વિશાળ હિ
જોગી જંગમ જત વઢને વિચારીયે શેસ ને સારધા,
નજરે નેયારીયે એળી જભર ભનાય માયા જાળરે.
અસ્વસ જાળ હી ઉભો અડીખમ કોટી બ્રમાડ હી,
ધુમેતા ઘર મંજ જેજી ભાસ નતી પે રજભાર રે.
હન અવનીજો ઉઘાર કરેલાય વૃત્તી અસુરી જો નાસ કરેલાય
આંધી અવની ધર્યા અવતાર રે. હો

બ્રમાજી બાળ કૃષ્ણજી અસ્તુતી કેયો અતરે ઈ ડસી ભગવાન રમધે રમધે સામે ન્યારીતા ત
બ્રમાજી ફરી અસ્તુતી કરીતા.

રાગ : માયા અનેક રૂપધારી

હલી આયા ઈ વૃજમેં, વિરંચી અજ હલી આયા ઈ વ્રજમે
લીલાધારી જી લીલા નેરણ ઈ, બ્રમાજી આયા ઈ વનમે. વિરંચી....
જમના કીનારે તે સ્યામ રે રમેતાં ભેરા બલરામ ગોપ સંગમેં. વિરંચી..
ગોપ બાળ ભેરા ઈ વછળા ડસેતા નારાયણ રૂપ જે ઈ સંગમે. વિરંચી..

બ્રમાજી કૃષ્ણ કે અન રૂપ મેં ડસેતા.

સંખ ચક્ર ગદ્યા ઈ ખયા ખરારી, મોહન ઉભા ઈ મન મુરકે. વિરંચી...
ત્રીગુણ ડેવ ભેરા પંઢકે ડસેતા, લક્ષ્મી નારાયણ સંગમે. વિરંચી....
જોગી મુની તાં જત જાપ જપીતા, નારઘજીતાં નયે ધુનમેં. વિરંચી....
આણી માણીમાં જત વિધ્યા વિભુતી, મોમાય આયા અથી ઉમંગમે. વિરંચી..
તત્વ ચોવીતાં જત હાજર હજુર અર્થી, બયા દીગપાલ ડેવ અર્થી દીગંતમેં. વિરંચી..
કારણ કાળને કામનાં સ્વભાવ ઈ, નમન કરીતા ઈ ચરણમે. વિરંચી....
ભુત ભવીસ્થને વર્તમાન કાળ ઈ, ડસાઈતા ઈ અંગ અંગ મે. વિરંચી....
શ્રદ્ધા ક્ષમાને શીલ સંતોસ ઈ, હથ જોડે ઉભા અર્થી હજુર મે. વિરંચી....
તેંત્રીસ કરોડ ડેવ પુજન કરીતા, ગોપબાળ ગાયેજી ઈ સંગ મે. વિરંચી....
વૃજ વાસીએ ભેરા નંદને જસોદા, જગજા બ્યા જીવ અર્થી ઉમંગમેં. વિરંચી..
આનંદરૂપ પંઢ પુરાણ પરકાસે, જળ ચેતન હરી રૂપ મેં. વિરંચી...
વેદ પુરાણ જન પંધન પુજેતા, ગ્રંથ ગાયીતાં જન ગાનમેં. વિરંચી...
ઈજ પરીબ્રમ બાળ રે સરૂપમેં, ગોપ બાળ વછળે જે ઈ સંગમેં. વિરંચી...
ઈ ડસી વિરંચી અજ હરી વટ આયા, ડંડવત પેતા ઈ ચરન મેં. વિરંચી...

બ્રમાજી ભગવાનજી હી બાળ લીલા બાળ કૃષ્ણરૂપમેં અજ બ્રમાજી સજે બ્રમાંડ લોકપાળ
દીગપાલ ડેવ, ડાનવ, માનવ સજો સર્જન પંઢ શંકર નારાયણ વૃજ ગોપ, ગાયું, નંધ જસોદા ઈ

ડસી કરે ભગવાન કે ડંડવત પ્રણામ કરે ફરી વંદન પ્રાથના કરે ને પંઢ જે લોકમે રવાના થીએતા.

દોહરા

હલી કરે હરી ચરણમેં, અજ અરજ કેયાં કરજોડ
આંજી લીલા આ વરેં, આંઉ ડઠી અજ રણછોડ.
સુખ ચેંતા પરીક્ષીતકે, હત હરી ડનાં આડેસ
હંસવાન તેં વઈ કરે, વ્યા ઈ પંઢજે ડેસ.
હે રાજન હી હરી કથા, કુપાતર સમજે કી
પંજ વરેજી લાલજી, ગાલ લખાણી ઈ.
નીગંમ રયાં સજી ગાલહી, ગાલ ગુજરતમેં
અધીકારી સમજી સગે, સુણી ઈ સાર સંબધમે.
રાજા હરી હરી કે ભજ્યો, યાધ કર્યો ઈ વાણી
ગીતાજી મેં સમજાવ્યા, સીધો સારંગપાણી.
હે રાજા અજ ભ્રમ કે, હલી કરીયુ હથજોડ
પાર પુજાઈયો જાડેજા, ભવ ભંજન રણછોડ.

ઈતિ અધ્યાય ૧૪

અધ્યાય ૧૫ : ધેનુકાસુર ઉધાર

દોહરા

ધેનુકાસુર અસુરજી, અજ ઈ આખાણી, વાંચેવ્યા ઉ વ્યાસજી, ઈ સુખ મુખ જી વાણી.
તાડકા વનમે વસે, અસુર કરે ઉતરાજ, અન વનમે આવેયા, બલરામ વૃજરાજ.
ગાયું ગોપ ગોવાળીઆ, ચારણ ગાયું સ્યામ, સ્યામ સોભે સંગમે, જી ધન મે ધનસ્યામ
શ્રીકૃષ્ણકે છ વરે પુરા થ્યા અતરે ઈ વાછડા છડેને નત ગોપીયે મે વનેતા અજ ઈ તાળકા
વનમે ગોપ બલરામજી ભેરા આયા અર્થી અતરે ધેનુકાસુરજી વારતા ચેંતા.

રાગ લાવણી

અજ કૃષ્ણને બલરામ ભેરા, તાળ વનમેં તાં વને
વનકે ડસીનેં રાજી થઈ, બાળ સંગમે તાં રમે.
શ્રીસ્યામ ચેંતા ઈ સખેકે, તાળ વનકે ન્યારીનેં
ભેરા હલો ભાવર મુંજાઈ, ન્યારીઓ વન ધારેનેં.
સામે ડસાજે જાળ જભરા, તાળ વનજી વચ ઉભા
ન્યારેયો નજર સે ભાવરા, ભેરા થઈને વન સોભા.
સામે દસાજે વેલડી ઈ, કેળી વીટાંણી ઈ જાળકે
કેળી ફુલઈ વલ વેલડી, ફુલ જાળ જે પન પન મથે.

ચકવા ને ચકવી રાજી થયી, વનમેં વઠા અયી એકલા
 જળચર અચીને પાણી તે, સામે ડસો ડીયે ઠેકલા.
 ભંવરા ભમેતા ભાગમે, કુલ કુલ મથે ફોરુ ડસી
 કરીએ ગુજરા ગીતજા, સમજાઈયે સંગીત ઈ.
 સામે ડસો જુલે લતામે, કોકીલાતીં કીં કુછે
 હેડી વલી કીંતીં લગેઈ, ગાલ તેં કે કો પુછે.
 સામે ડસાજે ઝાળ જભરા, જે મથે પોપટ વઠા
 જત મલારી મોરલા ને, રાજહંસ વટ વટ વઠા.
 નીંચા નર્મીં પેયા ઝાળ જભરા, ફળ મઠા ફોરુ છડી
 હેયા હલો ઈ ન્યારેલા ઈ, ઉપળી પચી મંડળી સજી.

જડે શ્રીકૃષ્ણ બલરામજી ગોપ મળે તાળકા વનમે અચેતા તડે ઈ ડસી ધેનુકાસુર ગડોળો
 ભનીને અચેતોને કૃષ્ણકે સામે મારેલા સટ કરેતો.

દોહરા

તાળકા વનમેં આવેયા, શ્રીકૃષ્ણને બલરામ, સામે ડઠા ઈ અસુર કે, ખર ભન્યો નાધાન.
 સામે ડસી શ્રીકૃષ્ણ કે, ને અસુર કઢેતો સટ, તેંકે ડસી બલરામજી, ઈ ખયા ધોળીને લઠ.

બલરામજી કે ધોળયાં ડસી ગોપ ચેતાં હે રામ અજ આંજો પારો હન પાપી કે આયી જ ટુકો
 કરેયો ઈ ગોપ ચેતા.

દોહરા

અજ તયીંતા શ્રીકૃષ્ણ ડસો, અસુર કુટેયા અયીં કયી
 અજ વારી આંજી ચળઈ, વનો બોલ તૈયાર ઈ થઈ.
 સુણી ગાલ ગોપ બાળજી, શ્રીબલરામ થ્યા તૈયાર
 કછે કછોટી કાળજી, સામે કેયા પળકાર.

રાગ ચારણ કન્યાનો

અસુર અચેતો, ધેનુકાર અસુર અચેતો
 ડસી છોકરા નંઢળા વનમે, ખરભની ખુંખાર અચેતો.
 અગીઆ નેરે પુઠીયા નેરે, લકધો લકધો લાળ અચેતો
 માયાવી ઈ રૂપ ગનીનેં, સ્યામ સામે સાવ અચેતો
 કંસ રાજા કે કોલ ડઈને, તાળ વનમે ઈજ અચેતો.
 રામ સ્યામ જત રમધાવા, અસુર ધોળી ઉત અચેતો
 સ્યામ કે સામે સટ કરેને, ભુંક મથે ઈ ભુંક કરેતો
 મોં ફાળે મારે નસકોરા, લતુ ઉછારે ઈ ઉછરેતો.
 જોર કરે ને જલણ સ્યામકે, કાયા જભરી ઝાઝ કરેતો

કુંસ રાજા કે કોલ ડઈને, તાળ વનમે અસુર અચેતો.

ધેનુકાસુર ખર ભની કૃષ્ણ સામે સટ કે ઈ ડસી બલરામજી ઉત અનકે સામે વની વળેતાને બોય બખો બખ અચેતા.

રાગ એજ

સમજી વ્યો ઈ સાંવરીઓ, ને ખારા થઈ વયા ખરતેં
ઘોડી ધક વધાં મુનવારી, તત અસુર છણી પ્યો પટતે.
ફરી ઉથીને ઉભો થઈવ્યો, ને બલરામજી તેં સટ કે
તત સેસ વધા બખ બરુકી, નેં પછડીતા ઈ પટતેં
ટુટી ખોપરી અસુરજી ઉત, પાપી પયી વ્યો ગતમેં.

તાળવનમેં અચી ધેનુકાસુર કે કૃષ્ણ મારેવધા ઈ ડસીને હજાર ડઈત વનમજાથી નકરી પ્યા ને બોયે ભાંયે મથે ટુટી પેતા તડે બલરામજીને કૃષ્ણ બોય તાડેજા ઝાળ ઉખેળેને અની ડઈત્યેજો નાસ કરીતા.

દોહરા

અસુર છણી પ્યો પટતે, જે જે કાર થેયો ચોધારો
અસુર ઘોળી ઉત અચેતા, જંગ મંઢાણુ જભરો કારો.
રામ સ્યામ બોય તાળ ઉખેળે, અસુરે કે ઈ કુઢીએતાં
તાળ મથે ઈ તાળ છણેતી, અસુર રાળા રાળ કરીતા.
અસુર મારે રામ સ્યામ, વનજો ક્યાં અત નાસ
હલી પુગ અજ કાલીને, જત કાલીયનાગજો વાસ.

ધેનુકાસુર ભેરા હજાર ડઈને કે રામને કૃષ્ણ માર્યા હડા ગાયું ગોપ કાલી નય તે અચેતા અત કાલીજો પાણી પીએતા તત અન જેરી પાણી પીધેસે બેભાન થઈ વનેંતા અત ઈ બોય ભા અચીને ઈ ડસેતા તડે ભગવાન વીચારીતા.

રાગ કનરો

વર્યી કરીતા વિચાર, સ્યામ અઝ, વયી કરીતા વિચાર
ગોપ બાળને ધણુ ગાયજો, નકરી પ્યાં નજરટાર. સ્યામ....
જમનાજી જી કધી મથે ઈ, નેરીતા નંધ કુમાર
મુછિત થઈને મળે સુતાઅચી, ગાયું ગોપ કુમાર. સ્યામ....
કાલીયનાગજી ડસી કરામત, ઈ સમજીવ્યા સરધાર
નજર ફરાપા નાથ અમીજી, ગોપ જાગ્યા ઉનવાર. સ્યામ....
જમનાજી કે કે જેરીલી, અન સપકે અત્યાચાર
હાણે અનકે ડંડજ દીણું, ઈ નકી કેયા નરધાર. સ્યામ....

કાલી જે ધ્રો મે સપ કારો રોધોવો જે સે પાણી અનજો ઝેર ભની વ્યોવો ઈ ગાય ગોપે પીધાંને જોર ચડીવ્યો ઉતઈ છણી પેયા તેર ભગવાન ઉત અચેતા અમીડસીને મણીકે ભચાઈતા. ને પોવા સાંજી જો ધરે અચેતા.

દોહરા

સજ ઉલોને સાંજ થયી, અજ સધ્યા જો સણગાર, રામ સ્યામ ઈ સાથમેં, ભેરા ગોપ કુમાર.
વૃજવાસી રાજ થીયા, ડસી ભાયજી જોડી, માતા જસોદા રોહિણી, ઈ આયા સામે ધોડી.
ખણી ઉખણમેં ચુમન કેયા, જજ કરીયેતા યાગ, વેઝાંરે ને વાઘા પેરાયા, વડા વખાણી ભાગ
ખીર ભાતજા ભોજન કરી ખારાઈયે તા ઈ લુભસે, પાટ મથે પોઢાળીને રાજ રાજ થીએ મનસે
સુખડેવજી ચેતા

સુખડેવ ચ્યાં પરીક્ષીતકે, હી રાજા બ્રમજી લીલા, ચેતન બ્રમ ઈ વિસ્વમેં, જાગ્રત રૂપ ધરેલા.
સુમે નતા સરદાર ક્કેઈ ઉભા અળીખમ અતરે, ભાર ખણી ભોર્મીજો સરતે, નજર ફરાઈતા તતરે
હકળી પલ જ મટકો મારી, અવની રે ઈ રુંધી, સજો અખાડો પેઈ પટતે, ગાલ થઈપે ઉઘી.
હે રાજન ઈ જસોદાજી કે, રાજ કરીયે શ્રીહરી, નત નયી લીલા કરી, જાડેજા જગ ફરી ફર.

ઈતિ અધ્યાય ૧૫

અધ્યાય ૧૬ : નાગ દમન

કથા ઈ કારે નાગજી, ઈ સમજાઈ સુખ સાર, પ્રશ્ન ઈ પરીક્ષીત જો, ઈ સમજાયા વિસ્તાર.
હે મુની હી નાગ કી, કેં જમનાજીમેં વાસ, મોહન મારે કી કહેયા, ને કત વસાયા વાસ.

સુખડેવ ચેતા, રાગ :

હે રાજન હી બ્રમજી લીલા, સમજે સાધુ સંત કો વીરલા
અનંત જોઈ મહિમા અપાર, અટપટી લીલા ન સમજાજે સાર.
નાગ નાગણજી સજી અખાણી, સેસ સારધા વઠા ઈ વખાણી
હે રાજન હી સપ અપરાધી, વસે કાલદ્રીજી જે ઈ કાંધી
ઉને જળમે લકીને ઈ રેતો, જળ જમનાજો જેરી કરેતો.
જેં જેં જળસે નરધોસ પ્રાણી, મરી વનેતા ઈ પીને પાણી
અન નાગ કે બારા કહેલા, જમનાજી કે ચોખી કરેલા
અજ યોગેસર કેયાં તૈયારી, જમનાંજી વટ આયા મોરારી.

અજ શ્રીકૃષ્ણ કાલદ્રી જે ધ્રો વટ આયા અર્ચી ગાયું ચરેત્યું તેર ભગવાન સપ કે ધ્રો મજાથી
કહેલા તૈયારથી ચેતા કચ્છ વારે પાણી મેં ઈટપી પેતાં.

કચ્છી સંગર

અજ અસુરારી એકેલા, ઈ વચી કરીતાં વિચાર
કાલદ્રી જે નાગ કે, અજ આંઉ કઢીઆ બાર.
કચ્છી વરેથી કારીઓ, હત ધામા વધે ધરાર
કઢી ફગાયા બાર, જે જમના કે કેં જેરીલી.
જમનાં કે કેં જેરીલી, ઈ સપ ન સમજે ઈ

ઉથી ઉભા થ્યા એકલા, કમર કસેયા કર સીં
 જમનાજી મેં જોર સે, જંપ લગાયા જી
 પાણી ઉછરેયો ઈ, ઈ ધુબાકે ધરણી લલઈ.
 ધુબાકે ધરણી લલઈ, તત સપ પણ સરકયો બાર
 સામે ન્યારે નજરસે, અત દઠે કો નંદળો બાર.
 તાર ખણી તકળો અચે, તત સપ કે કુકાર
 ઈ ઉપડી નકરેયો બાર, પોય વીંટોળા વારે ગણે.
 વિટોળા વારે કરે ને, ભીંસુ ડેતો ભારી
 મોહન મુરકે મનમે, ઈ સપ કરેતો ભારી.
 જી વીંટાજે ઝાળકે, તીં વટ વંધે વધારી
 હરી સની કરી સંસકારી, ઈ રમાળીતા અરલકે.
 ભગવાન ધ્રોમે જપ લગાયા, ઉન ધુબાકેસે ધરા ધુબી વનેતી
 પાણી બારા ઉછરેયા ઈ ડસી સપ સામે ન્યારે ત હકળો છોકરો.
 પાણીમે તરધો અચેતો, જે કે જરા પ ધ્રા નાંચ ઈ ડસી ને સપ
 કૃષ્ણ કે આટાં અંગતે ડઈ બર કરે ને ભીંસુ ડેતો ભગવાન તા
 સપજી રાંધ ડસી મનમે ખલેતા, હુડા વ્રજમે અપસકન થીએતા.

ચોપાઈ

વૃજમેં અજ અપસકન થીએતા, સ્વાન ભાજારેમે રાળુ કરીંતા
 ડીં મેં તારા ડસજે નભમેં, આંધી લગી ભેંકાર ગંજેમે.
 વૃજવાસી મળે ભેરા થીઈને, આયા ઈ નંધ ઘર હવીને
 રાજા નંધ કે વધી સમજાયા, જમનાજી જો ઘાટ વતાયા.
 કાલંધ્રી જે કંધી તે ઈ આયા, ત સામે ગોપે ઈ કૃષ્ણ વતાયા
 સજે સરીર મથે સપ વીંટાણું, ભીંસું ડેતોને સાજ ગુટાણું.
 હરે હરે ઈ હરી કેતો કચરે, ઉને પાણી મેં તો ઈ ઢસળે
 માતા જસોદા નજરે ડસીને, પેતા ધ્રોમે ધોડી કરીનેં.
 વ્રજવાસી અત રાળુ કરીંતાં, જસોદાજી કે પાછા વારીંતા
 માતાજી જા હી હાલ ડસીને, તૈયારથીએતા કૃષ્ણ ફરીને.
 જસોદાજી જો કલ્પાંત અને વૃજવારેજી જા હાલ ડસીને કૃષ્ણ સપકે નથેજી તૈયારી કરીતા ઈ કથા.

સંગર

રમાળેલા ઈ અરલ કે, શ્રી હરી અવરી કેયાં ઉટાંગ
 કંધ પુછળીમેં હથ વની, જકળે જલેયાં નાણ
 કાયા વધારે કેયાં કરામત, તત સંગર ટુટેતીં સપજી

તત થયો નમાલો નાગ, ઈ આટા ઓછા તો કરે.
 આટાં ઓછા કે જડે, તત આયા ઈ બખોબખ
 પણ સપ તાં સમજે જને, ક હરી આયા હથોહથ.
 કુપાતર સમજે જ કી, ઈ સામે કઢેતો સટ
 જેજો કુલંભ કારો કટ, ઈતા સામે ધીગાંણો ચળ્યો.
 સામે ધીગાંણો ચળ્યો, તત મોહન વા તૈયાર
 ટપી ચળીવ્યા મુંન મથે, નક નથેયા ઈ હજાર.
 તત થઈ નમાલો નાગ, મો સેકે ઉનરાળ
 તડે સુણી નાગજા રાળ, નાગણીયુત્યું અત અચે.
 નાગણીયું ત્યું અચી નમે, ઈ અરજ કરી કર જોડ
 અભય કર્યો અવની પતી, રાજા આચી રણછોડ.
 જુલ વસાર્યો ભુધરા, અસી અનાળી જાત
 મેર કરેયો મારાજ, છડેયો અસાંજે કંથકે.

નાગણીયું નાગકે છોળાયલા ભગવાનજા અસ્તુતી કરીયેત્યું ઈ કથા સુખડેવજી ચેત.

રાગ પ્રભાત

હે આલમજા અધીપતી, અજ ભેલે ઘર આવેયા
 અજ અસાજા ભાગ્ય પ્રગઠયા, બાળ રૂપ પધારેયા. હે આલમજા...
 હે નાથ હી નાંગ કત, જભરી કે ઈ તપસ્યા
 કતરા ઈ જનમજી હુંધી મુળી, હલી આયા હરી અજ અસાંજે ઘરે
 સફળ થ્યો જનમ હી મરણ સુધી. હે આલમજા...
 જેજી તાં ચરણ રજ, વેદતાં વખાણીતા.
 જોગીને જંગમ ઘલમેં ધારી, જે જે તા ચરણજી ડાસીથેલા કરે.
 લખમીજી વટ વધી ધ્યાન ધારી હે આલમજા.....
 આંજી તાં ચરણ જ્યાં, ગંગાજી પ્રગટયા.
 સલ્યા સે થઈ વધી અલ્યાનારી, જેજીતાં પાધુકા ભરથ સરતે રખ્યા
 કેવટ રજ ખણીને નાંવ તારથી. હે આલમજા...
 અજ અસાજા હરી ભાગ કી પ્રગઠયા
 પાવન ઘર કેયાં હાલ ન્યારી, હથ જોડેને હરી અરજ ગુજારીયું
 સ્વાંગ સોપે ડયો ગીરધારી. હે આલમજા...

નાગણીયું ફરી ફરી ચેત્યું. સંગર

છડયો અસાજે કંથકે, ઈ અપરાધીતા અય, બારા બે કત વનો, ઉન પંખીજો ભે અય.
 વાટ વતાયો વાલમા, સોપે ડયો સુહાગ, અસી આજીયું ભેનરું, આવયું આસા કરે.

ભગવાન ચેંતા

આસા કરે ભલે આવયું, ત હી કોઠયો આજો કંથ, મુંજા પગલા પ્યા મથેતે, ત પંખી કંધો જતન
રમણીક સાયરમે વની, મુજો કરીજા ભજન, ઈ સપ વનેતો ઈ વતન, અત ગાલ ઈ પુરી થઈ.

દોહરા

કથા ઈ કારે નાગજી, વાંચે કો હકળીવાર, જેર અમ્રત થઈ વને, કરે ન ઈ ખુવાર.
વચન ઈ અવનીપતી, એળો કેયા ઈ કરાર, ઈ નાગ નથણજી ગાલ, જગ જાડેજા પુરી થઈ.

ઈતિ અધ્યાય ૧૬

અધ્યાય ૧૭ : નાગજો પેલો જનમ

દોહરા

હે મુની હન નાગજી, ગાલ સુણાથો સજી, કાલંદ્રીમેં ઈ કી લકો, હત આયો કી ભજી.
ભુમી ડરમે સપ વસે, ત પાણીમેં કી કે વાસ, એળી ઓખી કત પઈ, ઈ સમજાયો સારાંસ.

ચોપાઈ

હે રાજન હન નાગ જનમજી, ગાલ સુણો મોરલે જનમજી
કુમાને વનીતા ઈ નાં સે, બાળાઉ બોય રાંધ કેયાં તે.
રાધ રમઘે જગળો ક્યાં ઈ, ઉજ વેર વધારે ડનાં ઈ
વનીતા જે ઘર ગરુળ જન્મ્યા, કુમાં સે નાગ અવતરેયા.
વેર વનીતા જીનું ઈ વધારે, નાગ મારણ ગરુળ કે ચળાયે
ગરુડ નત નત સપ મારેતો, રાત ડી ઈજ કમતાં કરેતો.

વનીતા પંઢ જે છોકરો ગરુડ કે ચે નેર હી સપેજમાં મુંજો એળો અપમાન કે અપ અતરે સપે
કે ભારે વન. ગરુડ નત કમ કરેતો તડે સપ ભેરા થઈ બ્રમાજી વટ વનેતા.

ચોપાઈ

બ્રમાજીવ્ર વટ સપ આયા હલીને, ધા વધા ઈ ભેરા મલીને
સજી ગાલ ઉ પધરી કરીતા, બ્રમાજી ઉત નીયા ડીયેતા.

બ્રમજી સપકે ચેંતા

પ્રતીપદાજી પધરી વારી, હકળો સપ આપી ડીજા સંભારી
નાગ ગાલ ઈ કબુલ કરીતા, પંઢ પંઢ જે ઘર પીછા વનેતા.

બ્રમાજી ગરુળ કે સમજયા સપ કબુલ થયા પંઢ પંઢ જે ઘરે વચેતા જડે હન કાલીનાગજો
વારો આયો તડે હી નાગ ગરુળ સે વણણ લગો બોય બરુકા બાખડી પેયા છેવટે સપ ઈ થકો ને
કાલંદ્રીમે અચી લકેતો.

ચોપાઈ

અજ હન નાગજી આવઈ વારી, સામે વળેજી સપકે તૈયારી

બોય બરુકા એળા બાખળેઆ, સામ સામે ધીગાંણે ચળેયા.
 ગરુળ સપકે એળો જ મારે, ભજી છુટો ઈ જમના કીનારે
 કાલંદ્રીમેં ઈ અચી લકેતો, ઉને પાણી મે નાગ વસેતો.
 કાલંદ્રી મેં ગરુળને વરકે, શ્રાપ ઋષીજો ગરુળ કે ખુટકે
 અન ગરુળજી સજી અખાણી, સુખદેવ સમજાઈ ચે વાણી.

દોહરો

હે મુની હી કી થ્યો, કે ડનુ અનકે શ્રાપ, કેળી ગરુળ ઈ ભુલકે, ઈ કી પખાણજી જાત.

સુખડેવજી ચેતાં

હે રાજન હીં હીં ભન્યો, હીજ ગરુળ હકીયાર, આયો કાલીધી તટતે, મંજ મછ ડહે ત્રે ચાર.
 જપટ મારે મછ કે જલે, ઉતઈ કરે તો આર, સૌભરીક મુની સામે ડહા, ઈ આયા ઝુંપડી બાર
 ગરુડ કાલંદ્રી મે મંછ જલે ખાયતો ઈ મુની ડહા તત ઈ બારા અચી ગરુડ કે ચેતા

દોહરા

હે પાપી તુ હત અચી, કેળો કે ઈ કરમ, મુંજી મર્યાદા છડે, જરા ન આવથી શરમ
 હાણે હતતુ ફરી અચીને હન જમના જે આરે, તોજો મરણ તેરઈ થીંધો ઈ ગાલ રખજ સંભારે.
 હે રાજા તન ડી થી ગરુળ, અચે નતો અન માંગ, ઈ ડસી સપ અત લકો, સપ થઈ રે ઈ સજાગ
 અજ અનકે અવની પતી, કઢેયા કાલંદ્રી બાર, ભો છડાયા ગરુળ જો, ડયા કેયાં કરતાર.
 તન ડી થી હી કારીઓ, છડે કરે હી હંધ, રમણીક સાચર મે પુગો, તાળે કેં ઈ પંધ.

દાવાનળજી વારતા. રાગ : મમતા મરેના

એજી સજતાં ઉલો ને અજ હત સાંજી થઈ, હરી વધી કરીતા વિચાર
 રાત તાં રોંધાસી અજ હન વનમે, નકી ક્યાં ઈ નરધાર. એજી
 એજી ભોજન ભનાયા ખીર ભાંતજો, ભેરો ભાજીજો સ્વાદ
 ભોજન કરે ને વધી કેયા વારતા, જાગ્યા ઈ તાં અધરાત. એજી ...
 એજી રાત વીતઈને ઘેરાણા ઘેનમેં, વનમે લગી અપ ઈ લાય
 ચથી રે ડસેથી ઘેરે ગાચી કે, જાગ્યા ગોપ ઈ કુમાર. એજી ...
 એજી ડસી રે દાવાનળ અન વનજો, ગોપ ઈ કરીતા ઉનરાળ
 સડતાં કરી કરીતાં કાન કે, અજ આંધી ભચાયો મોરાર. એજી ...
 એજી સડતાં સુણીને જદુપતી જાગેયા, દાવાનળજો કેવાં ઈ પાન
 યાધતાં કરીતા જૂની ગાલકે, રામાયણજી હી સરકાર. એજી ...
 એજી ચોડોવરે સુધી સીતાજીજો, રક્ષણ કેયાંવા અગ્નીડેવ
 તેજો ભઘલો અજઈ ભુધરા, પાન કરે પુરો કેયાં ભેવ. એજી ...

દોહરા

અધ્યાયહી પુરણ કેયા, દાવાનળજો પાન. શ્રવણ મનન કરે દાસચે, સાપથી રે ભગવાન.

અધ્યાય ૧૮ : પલંબાસુર ઉધાર

દોહરા

કથા પલંબાસુરજી, સુખદેવ ચેંયા વસતાર, હી કથા બલરામજી, ઈ સેસજી અવતાર
જેજી આજ્ઞા નત ગને, યોગેસર ભગવાન, ઈ નત ઉથી વન વને, ઈ રોસ ભેરા ધનસ્યામ

ચોપાઈ

નત સવારો ઈ .થીએ સવેરા, બલરામજી ને શ્રી હરી ભેરા
વન વનાણજી કરીયે તૈયારી, પંઢજે ભીરુએજી વાટુ ન્યારી.
કારી કમળી ખયાં ખભે તેં, મોર પીધી બધી મયે તે
બંસરી કે ઈ ભેઠતે બધેયા, ભાવર ભેરા વન ઉપળેયા.
વનરાવન મેં હલીને આયા, ઘટાટોપ જત વન છવાયા
વસંતજી અજ આવયી વારી, ફોરુ છડેતી સજી કુલવાળી.

વનજો વર્ણન

જાળ જાળ તે વેલ વીટાણી, પન પન મેં ઈ સાપ ગુંથાણી
રંગ રંગજા કુલતા હલકે, કર નભ મેં જી તારલા ચમકે.
અન વનમે અજા ભ્રમર ગુમેતા, કુલ કુલ તેં ઈ અધર ઉડેતા
ગની સુવાસને ભાન ભુલાઈ, ઉડી ઉડીને અધર વઠાઈ.
ઢેલણીસે ભેરા મોર નચેતા, ચાતક ચકવા રાંધ રમેતા
કોયલળી ઉત ગાન કરેતી, વનમે ઈ મથુરાસ ભરેતી.
અન સોભા વનમે શ્રીહરી આયા, ગોપ બાળ ઈ રાંધ જમાયા
હાર જીતજા દાવ લગાઈએ, હારે તેં જે ખભે ચળાઈએ.

અજ અન વનમે ગોપબાળ ભેરા રાંધ કરીતાં હારજીત જા દાવા લગાય જીતે તેકે હારલ
પંઢ જે ખભે તે ચળાય ફરાય ઈ મળે જમેયા પેય તત ઉત પલંબાસુર અચેતો.

ચોપાઈ

અન વનમે ઈ અસુર અચેતો, ગોપ બાળજો રૂપ ગનેતો
પલંબાસુર અસુરમાં બરીયો, ગોપ ભનીને ભેરો ભરેયો.
અચી અનજી અત માયા રચાયે, હકળે બાર કે ખણી લકાયે
કૃષ્ણ ઉપાળે જો મનમે વિચારે, અગીયાજી ઉ ગાલ સંભારે.

શ્રીકૃષ્ણકે ઉપાળેજો અસુર વિચારકે પણ અનીજો બરજી ગાલ યાદ અચેતી બલરામજીસે
રમેતો.

ચોપાઈ

બલરામજી સેઈ ડાવ લગાયે, હારે વનેજો ઢોંગ રચાયે
ખભે ઉપાળીને ભજી છુટેતો, મારે જો ઈ વિચાર કરેતો.

ખાણી ભજેતો ઉચે ઈ અભ મે, રાજી થીએતો પાપી મનમેં
શેસ ગાલ ઈ સમજી વનેતા, મારે જો વિચાર કરીતા.

સુખડેવજી ચેતા. ચોપાઈ

હે રાજન હી શેસ અવતારી, અસુર જી અત લગે કીં કારી
સજે ભ્રમાંડ કે રખે મથે તેં, લગે રાઈ જો ભાર ઈ પંઢતે.
અનંત જે તાં અનંત બરજી, અસુર કીં ઈ સમજે કળજી
વધી મથે તેં ભાર વધાર્યા, વાર જલે નેં મુન તે માર્યા.
ભાર વધાર્યા અસુર મથેઈ, તીં તીં અખીયું અસુર કઢેઈ
કરે હોકારા પગતો પછાળે, અસુર છુટેલા ફાફાં મારે.
કાયા તાં થર થર થથરેતી, સા ગુટાણું ધમાણ હલેતીં
જલે નરગોટો નળી ધબાયા, મુંન મથે ઈ ઠોસા માર્યા.
રાળ કરે ઈ પટતેં પેતો, અભ મંજા ઉલકા છણેતો
ડેવ નભ મે આયા ઘોડી, જે જે કાર કેયાં હથ જોડી.
વધી વેમાને કુલ વરસાયા, બલરામજી જા ઈ જસ ગાયા
બલરામજી કેયા ઈ અમી, અસુર કે ઈ ડઈ ડનાં મુક્તિ

દોહરા

પલંબાસુર ઉધાર જો, નંઢણો હી આખ્યાન, સુણાયા સુખડેવજી, રાજા વઠા ઉન ધ્યાન.
દાઉદજી જી હી કથા, સુણે કો હકળી જ વાર, દાસ દુખ ઈ દુરથી, અગીઆ થીએ ઉધાર.
હી કથા શ્રીશેષજી, વાંચે કો હકળી વાર, જેર જગજા ખીર થી, અમત જા ઓડકાર.
હે રાજા હરી હરી ભજો હલી કરેયો હથ જોડ, સજે જગમે સાર ઈ જય જય જય રણછોડ.
કથા પલંબાસુર જી, શેસ લીલા જો સાર, સમજાયા સુખદેવજી, ન જોડેજા વસતાર.

ઈતિ અધ્યાય ૧૯

અધ્યાય ૨૦ : દાવાનળ જો પાન

દોહરા

અધ્યાય વી જી વારતા, દાવાનળજી હી ગાલ, સુણાયા શ્રી સુખડેવજી, નંઢપણ મે કેયાં લાલ.
પરીક્ષીત હી પરીબ્રમજી લીલા કીં સમજાય, વાણી વિચારી કત પુજે જત અગમ રે મુંજાય.
વેદ થકા નીગમ થકા, થકા વિચારે વેદ, પાર બ્રમ જે પાર તેં, લધા ન ઈ મુર ભેદ.
વસે યોગેસર વૃજ મેં, ઈ કલ ન કે કે અનજી, જગકી ઈ જાણી રાગે, બાળ રૂપ અન બ્રમજી.
વ્રજવારા નત વિચારીએ, બ્રમ ન ઓળખ્યા ઈ, અવતારી કો અચી પુગો, સમજે મન મન ઈ.
હે રાજન હન ઈશજી, લીલા હધનું બાર, વખાણ કેણા કતરા, જત વાણી પ લાયાર.

હાણે હલી હથ જોડીયું, હલી પોધાંસી પગમે, સાધ થીંધો સાંવરો, તત સુખ સે રોધાંસી.

અજ ભગવાન વનમે ગાયીયે ભેરા વેયા અથી ગાયું ચરદ્યું લમે નકરી વનેત્યું તડેત્યું તડે શ્રીકૃષ્ણ જભરે ઝાળતે ચડીને ઈ ગાયું ન્યારીતા તત છેટે ગાયું રંભાળુ કરી કરી ધોળેત્યું ઈ ડસી ભગવાન ધોડી ઉત પુગા.

ચોપાઈ

હે રાજન અજ વેલા સવારો, સ્યામ આયા જત જમનાં કીનારે
ગોપ બાળ અજ ભેરા આયા, ઉન વનમે ઈ રાંધ જમાયા.
અન વનમે અત ગાયું ચરેત્યું, નજરા ઢાર અત ગાયુ થીએત્યું
ગોપ ગોવિંદ ઈ ભેરા રમેતા, શ્રીકૃષ્ણ ગાયું યાધ કરીતા.

ભગવાન ગોપ કે ચેતા

અજ સખા ઈ પાજો ધણ ઈ, નકરી વ્યો અય નકી લમું ઈ
હલો હૈયા ઈ સોધ જ કરીયું, ચળી આળે તે ચોભર નેરીયું.
ગુંમી ગુંમી ઉત ગોપ નેરીતાં, કૃષ્ણ કધમ જે ઝાળ ચળેતાં
ઝાળ ચળીને સામે ન્યારીયે, ત ગાયું ધોળા ધોડી કરીયે.
અજ વનમે તાં લાય લગીઅય, ચઈ દેસી ઘરે ઘણે અય
ધુમાળેજા ગોટ ચળેતા, નભ મેં કર ઈ દમ ડસજેતા.
લાય લગી આય ચયી ડસેથી, જે જી ચારુ ઉચે ચળે ઈ
પસુ પંખી કકરાટ કરીયેતાં, ઉડી ઉડી ઈ પાછા છણેતા.
નતી લગે કેજી કત કારી, બાર નકરેજી નાય કો બારી
તડે શ્રીકૃષ્ણ કે યાધ કરીતા, ભેરા થઈ પોકાર કરીયેતા.
હન મજા હાણે કીં ભચણું, અગ્નિ મજાથી કી બાર નકરણું
સ્યામ અનીજા રાળ સુણેતા, ધોળીને હરી ઉત પુજેતા.
ગોપે કે ઈ હરી વટ વેરાયા, અખીયું તાં ઈ ભંધ કરાયા

દોહરા

અગ્નિ કે પ્રભુ પી વ્યાં, વટ વર્ની સરકાર, સમાયાં મુખ મે હરી, નજર દઠા ગોવાર.
અખીયું ખોલે નેરા ગોપ, તત વનમે સાન્તી સાવ, રાજી થઈ તા ઈ નચે, ઈ ગોપ મલીને.
ગાયું ધોડીને આવયું, જત વઠા ઈ મોરાર, પગ શુંકે ચઢીએ જભસે, ભાંભરે વારં વાર.
ભગત વત્સલ ભુધરો, પાવનકારી કરતાર, ભીળ ડસી ઈ ભકજી, ધોળી અચે ધરાર.
અસરણ શરણ ઈ સંતેલા, આયા અવતારી, ભવ ભય ભંજન ભુધરો, ગોવર્ધન ગીરધારી.
કરુણા સાગર કૃષ્ણ કે, હલી કરીયુ હથજોડ, જાડેજા જગશ્રી પતી, જગ તારીજા રણાછોડ.

ઈતી ૨૦ મી કથા

અધ્યાય ૨૧ : વર્ષા રુતુ જો વર્ણન

દોહરા

અધ્યાય એકઈજી કથા, સમજાઈએ સુખ વઈ, વર્ષારુત તાં અજ વઢી, ગ્રીસ્મ અજ પુરી થઈ.
આવયી વધાઈ વરસાધજી, લગો મઠો મંધ વા, શેરુ ચળેત્યું સરકેધીયું, ગરજે ઘન ગોર ગટા.
તાળો તવારે ઉતર મે, સના સના વન ઝમકાર, ભરઈ ભરઈ લગે ભોમકા, છડે મઠળી વાસ સુવાસ.

રાગ બહાર

આવયી અષાઢી બીજ ઉજારી, મેહિતે મંગળ વરતાણા

મીં વસેતો મુંઘજો જરમર, અવની અંભર હરખાણા.

અજ શ્રીકૃષ્ણ ગોપ બલરામજી ગાયે ભેરા વનમે આયા અયી અજ વર્ષાશ્રુ જો આરંભ
થીએતો ઢો લગો અયે ઈ કથા સુખદેવજી કરીયેતા.

હે રામ સ્યામ અજ વન વનેતા, ગોપ બાર ઈ ભેરાથી થીએતા

જમનાજી જે આયા કીનારે, ગાયું ચારણ વેલા સવારે. રામ

હે અજ અવની તે લુંખ લગેતી, અભ મજાથી આગ જરેતી

ધોમ ધુખેયો સુન ડસજેતી, ધગ ધગધી ધરા બરેતી. રામ

પશુ પંખી પખ જીવ લકેતા, જલે છાંયીને મુંગા વીએતા

વા વધી રેયો પન ન હલેતો, જંગી જભર ઢો લગેતો. રામ

રામ સ્યામ ને ગોપ વઢાઈ, સામે અભમે વડર ડઠાઈ

કારા કારા ડમ ચળેતા, રૂપેરી સાણગાર સજીતા. રામ

વન ઝબકારા લાટ કરેતી, નાગણજી ઈ વર વજેતી

ગઝણ ગજેતી ગોર ઘનમે, સામે મોર મલારી વનમે. રામ

કામાયા વા જો લગો જપાટો, શેર ચળેતી કરે સળાકો

અભ ટુંટધો કર અવનીતે, એળા ભુસાકા થીંતા પટતે. રામ

ભગવાન ભેરી સજી મંડળી વઢી અય ગાયું ચારીતા લુ લગેતી ઉકરાટ થીએતો ઢોલગો શેરુ
ચળેત્યુ ને વરસાદ ધોધમાર પેતો.

રાગ બહાર સારંગ

આવયી આષાઢી બીજ ઉજારી, મેહિતે મંગળ વરતાણા

મીં છણેતો ઝરમર ઝરમર, અવની અંભર હરખાણા.

વા વરેયોને વડર ચળેતા, વન કરેતી ઈ લબકારા

શન્યું સુજેત્યું ગોરુ ગગનમે, પટ તેં થીં તા પળકારા.

તાડો તવારે તો ઉતર ડસમેં, મોર કરીતાં કીંકારા

ડમ ચળેયા જત હાથી જેળા, ડાલે મથેજા કર ડચકારા.

ધોધ છણેતા જત ધરણી તેં, પાણી પટ પેં ચોધારા

તરા તરાયુ થયુ છલો છલ, મેડ કરીતા રણકારા.
 નયું વધેત્યું પુરજોસ મે, વાઘણ વારેજી વફરેત્યું
 સટુ કરે સામે ઉછરેત્યું, સાયર મેં ઈ સમાઈત્યું.
 ડુંગર ડોરેતા પાણી ઉછરેતા, છેલા રાગા પુર વઈયેતાં
 મીં જા મામા આયા ઉતરી, ડેડર ઢાંઉ ઢાંઉ કરીતા.

જોર ધાર વરસાધ પેધો પાણી કત સમાય ન તો જળબંબાકાર થઈ વેયો અય અત શ્રીકૃષ્ણ
 બલરામજી ડુંગરજી ધારમેં ઓઢરને રે વઢા અયી. ઉત ભગવાન ગોપે કે સવાલ પુછેતા.

રાગ સારંગ

સ્યામ પુછેતા વનમે અજઈ, સ્યામ પુછેતા વનમે
 અભ મજા કી હી પાણી છણેતો, કે ભયો ઉન ઘરમે. અજઈ...
 ધાર ડુંગરજી મે લકી વઢા અયી, ગોપ બાળ અયી સંગમે
 સામે નભ કે ન્યારે ન્યારે, વઢા વિચારી ઈ મનમે. અજઈ....
 હેડો પાણી હી આયા કતાનું, કે સંગરેયો કન ઘરમે
 કેર હલાય ઈ કી અચેતો, નાય ગાલ સમજણમે. અજઈ....

ભગવાન ગોવાળીએ કે પુછેતા હી પાણી વસજા ક્યાંથી અચેતો કેર હલાય તો ઈ આયી ચો
 તડે મળે પંઢ પંઢજો મતસે ચેતા.

દોહરા

ગાલ શુણી ગોપાલજી, ગોપ થેયા તૈયાર, ઈ ઈ રાજજી મેર થઈ, અવનીજો ભરધાર.
 કોય કળા કુધરતજી ચે, કો નભ નખતર ભાંખે, કો ચેતાં ઈ હુકમ મેઘજો, નેરેયો સુરજ સાંખે.

ભગવાન ચેતાં

સુણી ગાલ ઈ સાવ સખેજી, મોહન વાટ વતાયાં
 હીતાં સરજન અય ઉનજો, નીયમ ઉજ ભનાયા.

સરઘ રુતજો વર્ણન

વર્ષારુત પુરી થયી, સરઘરુતજી ગાલ, હરીયારી તાં વયી હલઈ, સુકા ધરા જા માલ.
 સરઘ રુતજા વધામણા, અભ ઈ ચોખો ડસાય, ચુડે ચંધર કે ડસી, ચકવો ચત મુસકાય.
 ડેડરતાં ચુપ થઈ વઢા, નયીં નયેમે પાણી, બગલાતા હુત હુત ભજે, ન્યારી નજરું તાણી.
 પાણી થઈ વયા છીછરા, જળચર ફફળે વયી, ઉગો સરઘજો ચાંધલો, રાત ઉભારી થઈ.
 અન વનમે વટ વઢા, ચળી ડુંગરજી ધાર, અભમે સોભે જી ચાંધલો, અત ઈ સોભે કરતાર.
 અજ અસુજી બીજને, વર્ષા વયી વટાય, અનજા ભંઢારા ખુલ્યા, હારી મન હરખાય.
 રાજા પરીક્ષીત કે કથા, સુખડેવાજી સમજાયા, વર્ષા સરઘજી વારતા, ઈ અખાણી સુણાયા.
 અજ ડીં જી હી વારતા, વર્ષા સરઘ વર્ણન, ચે જાડેજા પુરી કર્યી, કરે શ્રીકૃષ્ણ નમન.

ઈતિ અધ્યાય ૨૦

અધ્યાય ૨૧ : વેણુગીત

દોહરા

વેણુગીતજી વારતા, ઈ કથા કરી સુખડેવ, જે જી ઘર ઘર નામના, ઈ ગુણે વઠી સડેવ.
જે જી વેણુ અજ તર્યા, હન પઢતે પંકાય, થયી નકી થીંધી બયી, ઉન વાલમ વયી વંઝાય.

અજ શ્રીકૃષ્ણ બલરામજી ગોપ ગોવરધન પર્વત વટ વઠા અચી તડે ગોપ ચેતા હે કૃષ્ણ
અજ આચી આંજી બંસરી વનાયો ને અનજી ધુનમે અસી રમઘાસી તડે શ્રીકૃષ્ણ બંસી ખણ
કંઘમે જે ઝાળતે ચળી બંસી વનઈતાં ઈ કથા.

ચોપાઈ

અજ ભગવાન ઈ વનમે આયા, જમનાજી જે જળમે નાયા
ગોપ બાળ ઈ ભેરા રમેતા, કૃષ્ણ કંઘમે જે ઝાળ ચળેતા.
સોભા ન્યારે વન્જી, વખાણ કરીયેતા ડુંગરજી ચળાણ
ખાણી બંસરી કંઘમતે ચળેયા, ગોપ બાળ વીટાઈ વરેયા.

ગોપ કૃષ્ણ કે ચેતા.

અચી વનાયો વેણુ વનમે, અસી રમઘાસી અધ જંગલમે
ગોપ બાર ગીરધારી ભેરા, હલી આયા ઉત ઘેરે ઘેરા.
વીઠલ વનમે વેણુ વનાઈયે, ગોપે કેતા રાગ સુણાઈએ
વીણા વગીને નાય કરીતાં, જીવ ચરાચર ડુલી હલેતા.
વીણા સુણી વ્રજનાર અચેત્યું, ઘર ઘરથી ને બાર નકરેત્યું
ભેરીયું થઈ વ્રજ સામે ન્યારી, કૃષ્ણ મુરતી ધલમે ધારી.
હે રાજા અજ કૃષ્ણ અચી વનમે, ગોપીયું ન્યારી પંઢજે ધલમે
સ્યામ સરૂપ નજર ડસેત્યું, ભેરીયું થઈ વખાણ કરીત્યું.

અજ ભગવાન બંસી વઝાઈતા ગોવાળીયા તાલ મથે રમેતા ઈ અવાજ અભર પઢમે સુજેતો
તત સજો ભ્રમાંડ ડુલી હલેતો. જીવ ચરાચર ચુપ થઈ સુણેતા ઈ ધુન વ્રજમે પુગી તત ઉત ઉ
ગોપીયું ઘરોઘરથી નકરી ગામ જે પઘરમે ભેરીયું થઈ ને ઈ ધુન સુણેત્યું ભગવાનજી લીલાજા
વખાણ કરીત્યું.

રાગ રંગ દે ચુનરીયા

સખીયું રે ન્યાર્યો હી સ્યામતો સોભે, સરઘ પુનમજો ચાંઘજી ઓપે
મેઘ અખાઢી અભમેજી ચમકે, કુંડળેજી સોભા ન્યાયોતી હલ.
વાર વંગળીઆ સોભે સરકારા, ડોલર મોગરજી પેર્યા મારા
કેસર તલક ભાલતે સોભે, મોર મુકુટ તે પીછી તી ઓપે.
પીળા પીતાંબર પેર્યા ઈ વાઘા, જરકસી જામે સોભે ઈ રાજા
હથમે ઈ ગુગરી ધમ ધમ ધમકે, પગમે રે કાંભી તોડો તો ચમકે.

વ્રજમે ધુન બંસીજી સુણી ગોપીયું બંસીજા વખાણ કરેત્યું ને ભગવાનજી મુરતી ધલમે ડસી
વખાણ કરોઈએત્યું.

સ્યામ જેજી સુરતા સમાણી, સ્યામજી મુરતી સામે ડસાણી
ભલેતા વઠા અર્ધી ઉ ઉન વનમે, ગોપીયું ડસેત્યું પંઢજે ધલમે.
સુખીયુ રે ન્યાર્યો.....

રાગ : પરજ

વેણુગીત

સખીયું ડસો સામે જરા, ઉન વનમેતા મોહન વઠા
વેણુ વનાઈયે તા વધી, સામે ડસી વનજી ગટા.
વેણુ વનાઈયે ને નચેતા, તાલ થૈ થૈને ડસો
લટકા કરેતો લાલ અજઈ, નજરસે સામે ડસો.

બઈ ગોપી ચેતી

વૃજભુમી કેં વૈકુટ જેડી, સ્યામ જંનડી આવેયા
ધન ધન જસોદા નંધકે, જેજા અગંણ ઉજારેયા.
સુણતા સખી હન વેણુતાઈ, વસમેં કે હન વિસ્વકે
ઉજારે આયર જાતકે, ઈ જુગ જુગ ઈ કી લકે.

બઈ ગોપી ચેતી

એડો વખાણે તુ સખી, હન આયરજી જાતકે
પણ ભાગતાં ઉની ગાયાજા, વેણુ સુણે અખીયું ઢકે.
વાવા વખાણે તું સખી, ઈ ગાયું પાંજે ગામ જ્યું
ધનતાં ડસો વનજા પંખી, બ્યુ કોયલીયું પકતવ્યું.

સામે ન્યારી ગોપી ચેતી

સામે ડસો હી હરણીયુ, મ્રગ મોરલાતા ઉત નચે
ચકવોને ચકવી જેળલા, ઈ રાજ હંસ ઉતતા અચે.

સખી ઉચે ન્યારે ચેતી

હકળી સખીતા સડ કરે, અભમે ડસીને મામલો
તાળીયું વનાય ઈ તાલસે, ડસી ડેવેજે ઈ ધાખલો.
બંસીજી ધુન સુણી ડેવ આકાસમે અચી તાલસે નચેતા.
વેણુ સુણી ભાન છડેયા, આયા ઈ અવની મથે.
પંઢ પદ ભુલીને નચેતા, ડેવતા ઈ અભ મથે
અવની ડોલે અંભર ડોલે, પાતાર તઈ ઈ સુર પુગા
સુરતા મટેતી સેસજી, વેણુજા જત સુર પુગા.

સુખડેવજી ચેતાં.

હન વેણુજી તાં ધુનમે, હી વિસ્વતા હલકી હલ્યો
હી ગીત વેણુ જો હતે, સુખડેવજી પુરો કેયો.

ગોપીયું વેણુ કે પુછેત્યું. રાગ સારંગ

ગોપીયું પુછેત્યું વનમે વેણુકે, ગોપીયું પુછેત્યું વનમે
હે વેણુ તું કત તે તપસ્યા, હરે હરે ચો મુજે કનમે. વેણુ...
કરુણા સાગર જેતુ કરમે, રાતને ડીં તું રમેતી
કતરા જનમજી તોજી કમાણી, પઘવી કીં હી મલેતી. વેણુ...
કર કમળમેં રમે રાતડી, ધન ધન તોજી ભક્તિ
અધર રસજો પાન તું કરીયે, વેણુ...
આદી અંતથી અજ તયી કુંકે, પઘ નાંય ઈ મલેયો
ધન ધન મોરલી ભાગ તોજા, વસ કે તું સાંવરીઓ. વેણુ...

ગોપીએજી ગાલ સુણી વેણુ ચેતી. દોહરા

હે રામ જેની સારદા કે, ડનાં બ્રમાજી શ્રાપ
અવતર તું અવની મથે, ભની જાળજી જાત.
શ્રાપ સુણીને સારદા, નત નત સમરી સ્યામ
વરે હજાર વયાં નકરી, તહે રાજી થેયા ધનસ્યામ
વર ડના ઈ વિસ્વપતી, સારદ રાજી ઈ થેયા
ભનાય આજી બંસરી, પ્રાણ પુરીધોસ બ્યા.
હી કથા પુરી થઈ, સજી વેણુજી વારતા
દાસ જાડેજા ઈ કથા, સરજાણી વેણુ મથા.

વેણુગીત પુરો. ઈતિ અધ્યાય ૨૧

અધ્યાય ૨૨ : ચીર હરણ

દોહરા

હે રાજન હી કથા હરીજી, નિર્ગુણ નાથ અય પરીબ્રમજી
સુખડેવજી કથા સુણાઈએ, ચીર લીલાજી ગાલ વતાઈયે.
વ્રજવાસી હી સમજી સગેકી, નંધ બાર અય અતરો બુજેઈ
રાજા હી અય પાર પરીબ્રમ, સગુણ રૂપ ધરે નીરંજન
જેકે નત નત વેદ વિચારી, જોગી જે કે ધલમે ધારી.
સનકાદીક ઈ કીંન પુજેતા, નીર્ગુણ જો ન ઈ રૂપ લખેતા
રાજન અય ઈ જગ વ્યાપક, જગ કારણ અય જગ સ્થાપક

જીવ જીવ મેં ઈજ રમેતો, વ્રજમે ઈ જ લીલા કરેતો
 ગોપીએજા મન હરે મોરારી, એળી લીલા કરે ગીરીધારી.
 સુણુ ડસી સજોડી ઈ સારી, મનમે ખુટકે ઈ જ મોરારી
 રાતડી જે જે ચતમેં ચુણકે, ડસી ગોપીયું મન કે મુરકે.
 ગોપીયું સમરણ કરીયે નાંજો, શ્રીકૃષ્ણ વર થીયે અસાંજો
 શ્રીકૃષ્ણ કે વરેલા જપ તપ કરીયે, મા કાત્યાયજો ઈ વ્રત કરીયે.

વ્રજ ગામજી બાલીકા ઉ શ્રીકૃષ્ણ કે વરેલા માતાજી કાત્યાયજો વ્રત કરીયેત્યું જમના કિનારે
 મુરતી ભનાય પુજા કરીયેત્યું.

હે મા મણીદ્વીપમેં વસઘલ, અસાંજી સુણજા ઈ અરજી
 હે મા લોકા લોક રમઘલ, અસાજી સુણજા ઈ અરજી.
 હન અવની તે આથી વસોતા, ઘટ ઘટમેં મા આથી રમોત
 સુણજા સના અસાજા અવાજ, હેમા મણીદ્વીપમેં વસઘલ.
 ભાવસે મા આજો પુજન કરીઆ, વ્રત રખીને ધ્યાન ધરીએ
 વર આથી ડીજા અસાકે લાલ, હેમા મણીદ્વીપમેં વસઘલ.

વ્રજમે ગોપ બાલીકા ઉ કાત્યાય જો વ્રત રાખી પુજન કરી ચેત્યુંને શ્રીકૃષ્ણજો ધ્યાન
 ધરીયેત્યું અતરે ભગવાન ઉન બાલીકા ગોપીએ વટ અચેતા.

દોહરા

ગોપીઆ જે સદસુણી, ગોવિંદ થયા તૈયાર, હલી આયા અત હેકલા, જત ગોપીયું કરી પુકાર.

ગોપીયું જમનામે સ્નાન કરીત્યું. દોહરા

અજ સવારો ઉથી ગોપીયું, આવયું જમનાતીર, નંદીયું વડીયું નીંગરીયું, અચી ઉતાર્યા ચીર.
 નગન થઈને નાઈયેત્યું, વ્રત અજ પુરો કરેલાય, મનમેં હકળી જ ઘેલછા, મોહન કે જ મલેલાય.
 ચતમે ચુણકે નંદજો નટવર, ખુટકે ઈજ ખરારી, ભાન છજે પંદજે ભુતજો, પરલે પદમે ન્યારી.

કપળા ઉતારે જમના મેં નાર્યીંધે ડસી કૃષ્ણ વિચારે કેયા ક અનીકે બોધ ડીણું પોધો. કીક
 અનીજો વ્રત અક્રળ વેધોં ને વરુણ ડેવ જો અપમાન અની ક્યાં અર્ચી.

દોહરા

સલુંણીએજી મનજી સમજી, શ્રીસ્વામ ઘોડી આયા
 ડસી ડાખલો નાથ નજરસે, મનમે ઈજ વિચાર્યા.
 નીતી ધરમજો ભંગ ક્યા, વ્રત ઈ અક્રળ વેંધો
 બાળાએ કે બોધ ડનેલા, નાટક કી કેણું પોંધો.
 લકઘા લકઘા લીલાધારી, હરે હરે હત પુજેતો
 ચુક રખેને ચીર ખયાં, ઝાળ કંધમ તે ચળેતા.

શ્રીકૃષ્ણ અત અચી ગોપીએજા કપળા મળે ખણી ગોપીએ કે ખબર ન પે તીં ખણી ઝાળ
 મથે ચળી વેયા તત હકળી ગોપીજી નજર પુગીને મણીકે ઉ ચેતી.

ચોપાઈ

ગોપીયું સ્યામ કે સામે ન્યારી, ત ચીર ખણી મથે વઠો મોરારી
સામે નેરીઘે સરમથીએતી, બાર વનેજી બારી ન સુજેતી.
હથ હલાયને કરીયે ઈસારા, અખીયે પાણી પે ચોધારા
હે મારેજી હલક હલેતી, કાયા થર થર થઈ થથરેતી.

ગોપીયું અરદાસ કરેત્યું. રાગ કલીગડો

સ્યામ કે સામે ન્યારી ગોપીયું, સ્યામ કે સામે ન્યારી
ચીર અસાજા પાછા ડઈ ડયો, ભુલ વસાર્યો વનમારી. સ્યામ...
ચીર ખણીને વઠો કધમ તે, વાલા ગન તુ વિચારી
હાલ અસાજા નજર ડસે તું, રખ સરમ ગીરધારી. સ્યામ...
ગોપીએજી તાં ગાલ સુણીને, મુસ્કાયા ઈ મોરારી
ચીર આજાં ખણો ગોપીયું, નકરી જમના બારી. સ્યામ..

ભગવાન ગોપીએ કે ચેતા ક ન્યારેયો આયી હકળો તો વરુણ ડેવજો અપરાધ ક્યાં બ્યો
આંજો વ્રત અફળ વેધો તડે ભુલ સુધારીજા વ્રત બચીયાર કરીજા અતરો ચઈને ભગવાન કૃષ્ણ
ઉડાથી રવાના થઈવ્યા.

દોહરા

ચીર હરણજી વારતા સુણાયા શ્રી સુખડેવ, અધીકારી સમજી રાગે, હન ગુજી ગાલજો ભેધ.
અઠગ અધીકારી ઉલટમે સમજી રાગે ન મુર, પંઢજી મારઈ પ્યા કરી તેંથી રોણુ સો ગજ દુર
હે રાજા હી ગોપી પદ, અવની મથે અજોડ, જોગી જગમ ખોજમે, હલી કેયાં હથ જોડ
જુની છડેયા કાયાજો મરમરો પુગા ઉ પરલે પાર, ઉજ વાટ હી વતાવ્યા હન દાસ કયાજો સા.

ઈતિ અધ્યાય ૨૩

અધ્યાય ૨૪ : બ્રામણ પત્નીઓ પર કૃપા

દોહરા

અજ સવારો રામ સ્યામ, વેલા આયા વનમે, હરીઆળી વનજી ડસી, રાજી થેયા ઈ મનમે.
શીશીર તાં પુરી થઈ, વસંતજા મંઢાણ, જુના જુના પન પટ પેયા, નવે જા થ્યા સંઘાણ
વનરાયી તાં હલકી હલઈ, ફોરુ છડીતા ભાંગ, આમા લીમા આમરી, લીલા પેરયા સોલાગ
મોર મલારી કોયલું, ભમરા કરીયે ગુંજાર, સન્યું સન્યું ઈ વેલીયું, ફુલ ફોરાઈ એ ઈ બાર.
અન વનમે અજ સ્યામ ઈ વખાણ કરીતાં વનજા, ગુણ વતાઈયે ઝાડીજા ડાર મુળ થોળ પનજા
વસંત રુત ઘરા મથે સોભા ડેતી ભાગ ભગીચા ડુલી હલેયા. અયી અજ અન વનમે કૃષ્ણ
ગોપે ભેરા વઠા અયી વસંતજા વખાણ કરીયેતા ને જગલજી જડી બુટી ને ઝાળજા ગુણ કતરા ઈ
ગોપે કે સમજાય ચેતા.

ચોપાઈ

સ્યામ સુદિર અજ ઈ સમજાઈયે, જાળે જાળજા ગુણ વતાઈએ
હે સખા હી વન અથી ઉપકારી, સંત સજનને સરોવર ચારી.
કંધ મુળ ફળ વેલને કળીયું, પન પનમે ઈ ઔસધ ભરીયું
ડાળ છાંઈ છલ ફળને રસસે, રોગ મટેતા જભરા જ ઉનસે.
ખટ મઠા ફળ તુરા ડીએતા, હવા પાણી કે સુધ કરીયેતા
કુલે ફળે તડે ફોરુ છડીએ, ઘરા ધુવાણજો રક્ષણ કરીયે.
જીવ જનમી જગમે અચેતાં, પેલો સંબધ અનસે કરેતો
છેલી ગડી કમ ઈ જ અચેતા, જીરે જીવકે સાથ ડીએતા.
પંખી મથે વઈ કલરવ કરીયે, મારા બધે મથે મોજી કરીયે
વનચર વનજા જીવ જંગલજા, કીટ પતંગીઆ વસેતા વનજા.
પાંતે જાળ ઉપકાર કરીએતાં, ધુપ સીત પંઢ સેન કરીયેતા
છાઈ થધી ધુનીઆકે ડઈને, પંઠ ઉભા અથી ઓળા ભનીને.

દોહરો

સુણી ગાલ શ્રીસ્યામજી, રાજી થેયા ગોપ કુમાર
જતન કરીબો જાળેજો, ઈ નકી કેયા નરધાર.

ગોપ મળે ભગવાનકે ચેતાં અજ ભાત ખયો નાંચ ને ભુખ લગી અય અતરે કુરો કંધાસી ઠીક
મારગ કઢયો.

દોહરા

ગોપ મલી ચેંયા સ્યામકે, અજ ભુખ લગી અય ભારી
નાય ખંયા અજ ભાત કે, કી માગ કઢેયો ગીરધારી.

ગોપજી ગાલ સુણી ભગવાન ચેતા. ચોપાઈ

સામે ડસો ઉ વન ડસજેતો, ઉન વનમંતા યજ્ઞથીએતો
ભ્રામણ ભેરા થઈ યજ્ઞ કરીંતા, ઉત ઉ યજ્ઞ પ્રસાદ રંધીતા.
ઉત વનો આંચી ભેરા થઈને, પ્રસાદ મંગજા નમન કરેને
નાલો મુંજો ડીજા આંચી, ને કૃષ્ણ વનમે ભુખ્યા અથી.

ગોપ કૃષ્ણજી આદેસસે રવાના થ્યા. દોહરા

સુણી ગાલ શ્રીસ્યામજી, વ્યા ઉત ગોપકુમાર, યજ્ઞ મંડપમે આવેયા, જત થીંતા વેદ ઉચાર.
સારે ગાલ ઈ સ્યામજી, સજી સુણાયા ઉત, પ્રસાદ મજીઆ યજ્ઞજો, વર્ષી ભંઢારી વટ.
ગોવાળીએજી ગાલ કે ભ્રામણ કન ન ડનાં.

દોહરા

ગોપ બાળેજી ગાલકે, વિપ્ર ડનાં નં કી કન, પંઢજી ઈ પંઢીતાઈજો, ખોટો ભાર ખણન.

ચોપાઈ

ગોપ બાળ નિરાસ થઈને, પાછાં આયા ઈ સુન મુન થઈને
ગોવિંદ કે ગાલ સુણાયા, ભ્રામણેજો અત ભાવ વતાયા.
ફરી હરીતાં પાછા હવાઈયે, વિપ્ર વનીતાઉ સામે વતાઈયે
ફરી ગોપ ઈ ક્યાં તૈયારી, અચી પુગા જત મંડળનારી.

કૃષ્ણ ચેતા.

ગોપ વની આંધી ખબરું ડીજા, મુંજો નાં ડઈ પ્રસાદ મંગળ
ભગવાન ભુખ્યા યાધ કરીતા, પ્રસાદજી ઈ વાટ નેરીતા.
ફરી ગોપ અત પાછા વનેતા, યજ્ઞશાળામેં હલી અચેતા
વિપ્ર વનીતાએ વટ ઈ આયા, સંદેસો ઈ સારે સુણાયા.

ભગવાનજો આદેસ સુણી બાયું ઉભીયું થીયેત્યું અને ઈ ભંઢારે મે વની થાર ભરે પ્રસાદજી
રવાનું થીએત્યું.

દોહરા

સુણી સંદેસ સ્યામજો, બાયું થયું તૈયાર, ભર્યા થાર પરસાધજા, અંગ ધર્યા સણગાર.

શ્રીકૃષ્ણ વટ ધાર ખાણી અચેત્યું. ચોપાઈ

અન વનમે બાયું ઈ અચેત્યું, થાર ભગવાન વટે ધરીત્યું
હથ જોડે અત અરજી કરીયે, કૃષ્ણજી મુરતી ધલમે ધરીયે.
જેં કે મલાણજો ચતમે ચુણકો, રાત ડીં જેં જો મનમે ખુટકો
ઈજ અસુરારી સામે મલેતા, સડ કરાયને ડરસન ડીંતા.

બાયું ભગવાન અગીઆ થાર ર ખે જમાળીત્યું ભેરા ગોપ બલરામજા વઠા ભગવાન હકળો
ગ્રાસ પ્રસાદજો આરોગ્યાને સજી હી પ્રથ્વીજા જીવે કે ઓડકાર અચેતા.

ચોપાઈ

રામ સ્યામ બોય વટ ઈ વીતાં, પેલો ગ્રાસ ભગવાન ભરીતાં
સજી અવનીકે ઓડકાર અચેતો, જીવ જગતજો તપ્ત થીએતો.
વિપ્ર વનીતાંઉ પંઢજે ધલમે, સ્યામ ડસેત્યું ઈ અંધરમે
ચાર ભુજાડો ઉભો ઈ અળીખમ, મંધ મંધ મુરકે ઈ જ પરીબ્રમ

બાયું ચતુરભુજ મુરતી પંઢજે ધલમે ન્યારે હર્ષ ધેલીયું થઈ ભગવાનજી મનોમન અસ્તુતી
કરીયેત્યું.

ચોપાઈ

જે જે કાર ઈ બાયું કરીત્યું, દંડવત થઈ થઈ અરજ કરીત્યું
વર ડીયેતા ઈ વનમાળી, જીવન અનીજો ડના ઉજારી.
અંત ગળી જડે આજી અચીધી, મનમે મુંજી યાધી થીધી

ચોપાસી જા ટુટધા બંધન, કાયમ થીંધો મુંજા સંબધ.

વરદાન ડઈ ભગવાન ઘલ મજથી અસ્ય થીંએતા બાયુ જાગ્રત થીંએત્યું ભગવાન વટા ફરી ફરી ભક્તિ મઝી પાછીયું યજ્ઞશાળામેં અચેત્યું ઈ કથા.

દોહરા

સુણી આદેસ સ્યામજો, થયું વનીતાઉ રાજી, ફરી ફરી કરીએ અરજ, ભકિ ડીજા આજી.
નમન કરેશ્રી નાથકે, મએગા ઈ આદેસ, આવયું શાળાયજ્ઞમે, નજર દઠા ભુદેવ.
સુણી ઉનીજી ગાલકે, વિપ્ર થીંએતા રાજી, પાં ભુલાસી ભરમમે, હથા હલઈવયી ભાજી.
જોતીસ સા જો વડો, રખી મનજો અભીમાન, હી અવસર વ્યો હથા, ઘર આયાવા ભગવાન.
ધન ભાગ હનીં બાઈપેજા જુની સજાંતા સરાર, દરસન કરે કંધી પુગીયું પંઢજો કેયા ઓધાર
હે રાજા હી હરી કથા, નાય કી આડી અવરી, જાડેજા ભજ જગપતી, ત થીંધી અવરી સવરી

ઈતિ અધ્યાય ૨૪

અધ્યાય ૨૫ : ગોવર્ધન પર્વત

દોહરા

ગોવર્ધનજી ગાલ ઈ, ઉપળઈ ઈ મથા, સુણજા રાજા ચતડઈ, ઈ યોગેસરજી કથા.
સુરપતીજી સેવા જગમે, થીંએ ડીઆણી અત, અન વડપમેં વ્યો ચાંતરી, મધમેં થઈ વયો તત
અનકે મધ કે ઉતારેલા, મોહન થ્યા તૈયાર, ભંધ કરાયલા યજ્ઞકે, ઈ નકી કેયા નરધાર.

સુખદેવજી ચેતા.

જગજીવન હન જગતમે, અય દયાળુ દાતાર

દાનવ માનવ દેવેજી, ચળે મણીજી વાર.

વધે ઘટે કો જીવ જગમે, ડસે વઠો ઈ દીયાણી

વાટ છડેકો જુલમ કેયા, તેં કે ચળાય ડે ઈ ગાણી.

અજ વ્રજમે ઈ યજ્ઞજી તૈયારી થઈ રઈ આય જુની પરંપરા પરમાણે સજો ગામ ભેરો થઈ
યજ્ઞ મંડપ બધીયેતા. ઈ કથા સુખડેવજી કરીતા.

કચ્છી સંગર

વ્રજવાસી વ્રજ ભેરા થઈને, વર્યાં કરીયો ઈ વિચાર

ઈ રાજા જો યજ્ઞ જ કરીયો, જેજા પાંતે અચી ઉપકાર.

મીં વસાયતો ઈજ મુંધ, અત્ર જળજો ઈ અય દાતાર

જેજો હી ઉપકાર, ભરઈ ભરઈ રખે ભોમકા.

ભરઈ રખે ઈ ભોમકા, સરોવર સરીતા નીર

તરા તરાયું ત્યું છલે, સાખા રાંગા સીર.

ડઈ દુધ જ્યું નકુવ્યેત્યું, ઈ સેઠાં સબળ સરીર

અય જગજી જીઆરણુ ઈ, પેલો પુંજન હલી કરીયું.
 પેલો પુંજઅશી કરીયું, ને ગોપ થેયા તૈયાર
 ડઈ દુધજા ભરે માટલા, આયા નંધજે ધવાર.
 મલી કરેને કેયાં તૈયારી, મંડપ બધેયા બાર
 ઉન મંડપજી વય મંજારા, વેદી ભનાયા યજ્ઞજી.
 વેદી ભનાયા યજ્ઞજી, ઉત ઠીક ભનાયા ઠાઠ
 વિપ્ર વેરાયા ઈ વડા, ઉ પુરા ભનાયા પાઠ.
 નંઢા વડા અત નીગરા, ઈ ધોળી વઠા ઉત માંઠ
 સજે કરે ઠીક ઠાક, ગોપીયું આવયું અંગણમે.
 અંગણજો ઈ અચે કરે, ગોપીયું ગેત્યું ગીત
 સાજ વનેતા જોરસે, વડા વતાઈંતા રીત.
 તળામાર તકળું કરી, ને પોથી ખણે પંડીત
 ઈ ડસી ઓછવજી રીત, તત શ્રીહરી આયા ઉતે.
 ધોડી આયા હરી ઉતે, ને નંધ બાબાકે પુછેતા
 વ્રજવાસી હી ભેરા થઈને, જગનકેજો કરીયેતા.
 કે કે અજ રીઝાઈધા, ને કેજા મંઢાણા પાઠ
 ઈ બાબા વતાયો વાટ, હી ગંજો કી હલકી હલ્યો.
 ગામ સજો હલકી હલ્યો, ઈ નંઢળા વડા ઈ ગવાલ
 કંધા પુજન કન દેવજો, ને કેળો મલધો માલ.
 કન આસાસે યજ્ઞથીએતો, ઈ સજી સમજાયો ગાલ
 પુછે હરી ઈ સ્વાલ, ઈ હથ જોડે નંધરાયકે.

શ્રીકૃષ્ણ નંધબાબાકે પુછેતો હે બાબા અજ વ્રજમે કેળી ધામધુમ થીએતી કેજો યજ્ઞથીએતો
 કન આસાસે યજ્ઞ કરીએતા ઈ મળે મુકે આંધી સણાયો તડે નંધજી ચેતા.

સંગર

મી વસાયતો મુંધ મથે, ઈ અવનીજો આધાર
 જેજો અધીપતી ઈ અય, તેજો અય સતકાર.
 દેવેજો ઈ દેવ અય, અન ધનજો ભંઢાર
 તડે તુ પણથી તૈયાર, પુજન કરીયું હલી કરે.

શ્રીકૃષ્ણ નંધબાબાકે ચેતા. દોહરા

પરીબ્રમ ચે સુણો પીતાજી, હી ગાલ જ અવરી અય
 પુજન કરીયો પરમેશ્વરજો, ઈ આણુ આણુ મેં અય.
 ખલક સજેજો ખાવીંદ ઈ, ઉપાય જગમેં જીવ

ઠીક કરેને ઠાઠ રચાયે, અવની અંભર ઈય.
 સુરજ ચંધર ગગનજો, બ્યા પાણી પુર પસારા
 ઈં કરામત આય ઉનજી, નાંય ઈં જીવ સે બારા.
 અન ઉપાયે જાત જાતજા, ફળ ફુલેજી ઈં હલકારી
 મીં વસેતો મુંધ મથેઈ, નાય ઈંજી ઈં કીં કારી.
 સને જાડેજી જાતન કરેતો, ખત લખીને ઈં ખરારી
 ચુંજ તેકે ચુણુ ડે સરખો, જાધ રખેતો ઈં નત ભારી.
 હી લીલા આય અટપટી પીતાજી, ખલક ખાસો ખેલ ભનાય
 ઈં વણજાર હલે રુતરુતજી, મંડળ માળા અજબ રચાય.
 ઉનજા ગુણ અતરા અવનીતે, જીવ ડઈન રાગેતો
 તડે જ પાકે વેદ વતાઈયે, ત્રીકાલ સંધ્યા કરેજો.
 હાણો પીતાજી મળે છડેને, ક્યોં ગોવર્ધન પુજા
 જેજી રજમે નત રમેતાં, જીવ જનાવર પાંજા.
 ગાધીએજા નત ઘણ ચરેતા, પીએ પાણી પરબારા
 નીભય જીવ વસે દુગંરમે, અનગળ અન્જા ઉપકાર.

શ્રીકૃષ્ણજી હી વાણી સુણી પ્રજવાસી નંધ ભેરા થઈને ઈજ રસાલો ખણી ગોવર્ધન પુજેલા ઉપળેતા.

દોહરા

શ્રીકૃષ્ણ વાણી સુણી, પ્રજવાસી થયા તૈયાર, પુજેલા પર્વતરાજકે, આયા ઈં પ્રજનું બાર.
 પુંજન પંચામૃતસે, વેદ વદે વિપ્ર ઉચાર, યજ્ઞ કેયાં જભર જતે, જગમે જે જે ઠાર.
 યજ્ઞ જડે પુરો થ્યો, ખબર પઈ ઈં ઈં કે, કોપ કરે આયો અવની, બોળેલા ઈં વજ કે.
 બારોય મેઘ ખણી કરે ને, અચી વંધે ઓતારા, ઘેરે ઘણે ઈં સજી વ્રજ કે જાડેજા ચયે ચોધારા
 ઈંતિ અધ્યાય રપ

અધ્યાય ૨૬ : ગોવર્ધન ધારણ

દોહરા

ગોવર્ધન જી હી કથા, શ્રી મુની કરી વણન, રાજા હથ જોડે વઠા શ્રી હરિ કરે સમરણ.
 પરીક્ષિત પુછેતા : ચોપાઈ
 રાજા પરીક્ષિત પ્રશ્ન પુછેતા, હથજાડેને નમન કરીતા
 હે મુની હી કથા સુણાયો, ઈં કે હરી કી સમજાયો.
 સુખદેવજી ચેતા : ચોપાઈ
 હે રાજન હી ભગવન લીલા, જાણી સગે કોય સંત જ વિરલા

હી લીલા અય અટપટી એડી, વિચાર્યો ત ઈ અમ્મત જેડી.
 હન કથાજો પાન કરે ને, ઉજ પુજી વ્યા પાર લગેને
 હે રાજન હી લીલા ન્યારી, ભુતળમે અય નંદળી બારી.
 નમી ન્યારે જુકો વાટતે ચળેઆ, ઉજ ઉવાથી પાર ઉતરેયા
 હે રાજા હી સવરી સીળી, સંતે ભક્તે ઈ જલેયા કેળી.

દોહરા

હે રાજન અજ ઈ દેવ, હલી આયો વ્રજગામ, હુકમ કરેતો મેઘકે, બોળે છડયો વ્રજગામ
 ઈ જો યજ્ઞ કૃષ્ણ ભંધ કરાયા ઈ ઈં કે ખબર પઈ અને ખારો થઈ વ્રજ અચેતો અને બારે
 મેઘકે આદેસ ડેતો ક આંથી વ્રજકે બોળે છડયો, ઈ કથા સુખદેવ ચેતા.

રાગ નટકેદાર

ઈ રાજાજી આવયી સવારી, મેઘ મંઢાણા મુસળધારા
 ગરજે ગોર ગગનમેં ગોરુ, પાણી પટ પેં ચોધારા.
 ધોધ છણેતા ધરણી તે અજ, ટુટો ગગન કરે ધમકારા
 પશુ પખી જત જીવ જનાવર, લકી કરીયેંતા કીકીયારા. ઈ....
 ચર્ચી ડસેથી ઘેરે ઈ વ્રજકે, કર પ્રલ્યકાળ જો પળકાર
 ઘેનુ ધોડી ધોડી નચેત્યું, કર આખરજા અચી આણ સારા. ઈ....
 ગોપબાળને વૃધજન વ્રજજા, વચી અત કરી વિચાર
 હી કોપ કેળો થ્યો કુધરતજો, યાધ કરી કીરતાર. ઈ....
 વ્રજવાસી સંગમે મલી, આયા નંધ જે ધવાર
 હી કોપ કેળો થેઓ, વચી કરે કેયાં વિચાર. ઈ....
 ક્યો નવેળો નંધજી, રખે આયા આખરજા ડીં
 કૃષ્ણ સામે ન્યારેને, નંધજી કુછે આ નકીં. ઈ....

આઘા ધોમ મીં છણેતો જળબંબાકાર થઈ રેયો અચ ને ભેરી વાંચ લગેતી કળાકા ભળાકા
 ભુસાકા સે ધરતી કર ધુબેતી એળી હેલી ડસી વ્રજવાસી વડા વડા ભેરા થઈ નંધ રાજાજે ઘરે
 અચેતા ધાં દીયેતા હી ક?પ થેયો લગેતો કુધરતજો અન મજાથી ભચેજો ઉપાય કરીયો તડે નંધજી
 કૃષ્ણકે સામે ન્યારયા, તડે કૃષ્ણ ચેતા.

દોહરા

વ્રજવાસીને નંધજી, ગાલ સુણી ગોવિંદ, ઉભા થેયા અવનીપતી, ભળ ઈ ભક્ષાધીન.

ભગવાન ચેતા. સવૈયા

વ્રજવાસીએ કે વાલમ ચેંતા, હન વસજો કો ભો રખોતા
 હીં આય પાંજે હથજી ભાજી, તત વ્રજવાસી થયા રાજી રાજી.
 મળે ભેરા ભરી બર બધીજા, તેંમે કુળકીં ન કરીજા
 આંઉ ઉપાળીઆ હુંગર પાજો, ટેકો ડેરાયો આચી બારાજો.

રીકૃષ્ણજી ગાલ સુણીને, ગોપ ભેરા થેયા અત ધોડીને
 ગોવર્ધન ડુંગર વટ અચેતા, લર્મીયું લઈયું હથ ખણેતા.
 બાળ કૃષ્ણ શ્રીબાર અચેતા, ઈં કે મનમે યાધ કરીતાં
 ભલે કરે ધન તું તો વારી, આઉ કંધોસેં મું પંઢવારી.

સવૈયા

હરેં હરેં હરી હથ વજેતા, ગોવર્ધનકે અધર ખણેતા
 ઉપાળીધે અવાજ થીએતો, અવની અંભર ડુલી હલેતો.
 શેસ નાગજી સુરતા મટેતી, ઘરતી અધર અધર ફરેતી
 સાગરજાતાં પાણી હલેતા, મોજા ઉચે ઉચે ઉછરેતા.
 ડુંગરે કે ઈ અધર ખણેતા, ટચલી આંગરી મથે રખેતાં
 સત શતુને સતડી સરખા, ઉભા અળીખમ ઈ ભ્રમ પરખા.
 રાજનજેંજી લીલા ન્યારી, જોગી જંગમ વધી વિગારી
 કલ નતી પે કેં કે અન્જી, વસે પરીભ્રમ વ્રજમે તેજી.
 ખલક સજોઈ ખળકે ઈસારે, અવની અભર અધર પસારે
 ગોર ઘુમે ઈ ગગન મેં ગોળા, કતરી સખ્યા બોરા બોરા.
 એળો જભર હી જાજ ભનાંયે, સાવ સજો પંઢમેં જ સમાંયે
 તડે રાજા હી પર્વત પાંજો, ભાર લગે અનકેનાં નાંજો.

દોહરા

ઈ ઉભો અંતરીક્ષમેં, ન્યારે નંધકુમાર, ઉભા અળીખમ ઈજ ઈ, મુર કે પ્યા મોરાર.
 ઈ ડસી દાખલો ઈંજો, ઉતરીવ્યો ગુમાન, શરમાણુ ઈ શુરપતી, કીં પ નં કે સનમાન.
 લમેથી ઈ લકી કરે, નમી કરે કેં કરજોડ, સાવ સખાંતાં શ્રી હરી, રાજા આંખી રણછોડ.
 ઈ ઉવાર્થી ઉપજોઓ, થઈ સીંઆણુ સાવ, ઈ કથા પુરી થઈ, જગ જાડેજા સુ ભાવ.

ઈતિ અધ્યાય ૨૬

અધ્યાય ૨૭ : વ્રજવાસીને નંધજીજા વિચાર

કથા કરીં સુખદેવજી, શ્રીમદ્ ભાગવતસાર, વાંચીધલ વિચારજા, ત મજાજે મલધો બાર.
 ગોવર્ધન હરી હથ ખયાં, ઈ ગાલ વિચારે બાર, વ્રજવાસી ભેરા થઈ, ઈ વધી કરીયે વિચાર.

ગોવર્ધન પર્વત ઉપાળે વ્રજો રક્ષણ ક્યાં ડીં દાખલો ડસી વ્રજવારા ભેરા થઈ નંધરાજા જે ઘર
 અચેતાને ઈ ગાલજો વિચાર કરીયેતા.

દોહરા. વૃજવાસી વિચારીતાં

કાંતાં જનમ્યો કો દેવઈ, કાંકો માયાવી જીવ, માનવ શક્તિસે કીં ભને, નતી ખબર પેં કીં.
 ભા ભેરી ભેરા હલો, અજ નંધરાયજે ધવાર, કરીયો નવેળો નંધવટ, માન મલે મંજસાર.

ચોપાઈ

વ્રજવાસી ઈ ભેરા નકરેતા, નંધ રાજા જે ધ્વાર અચેતા
ઈ નંધ ડસીને સામા આયા, સનમાને આસન વેરાયા.
નંધ રાજા કે ઈ પ્રશ્ન પુછેતા, પર્વત જોઈ પ્રસંગ રખેતા
હે નંધરાય હી ખબર નતીપે, ગાલ મેળે કોય નતીપે.
જોખમ જભરા નત કી થીંતા, બાળ કૃષ્ણ કી ઈ ઉગરેતા
નકી દેવકોય રક્ષા કરેતો, નત ઈ કૃષ્ણ ભેરો ફરેતો.
દેવ દાનવજી નાંય જત હાજત, એળી થીએતી નત કરામત
કૃષ્ણ આય ઈ નંદળો નીંગાર, અન ગાલજો કર્યો વિચાર.

વ્રજવારા ચેતાં હે નંધજી હી નત ધાખલ નયો નયા કી ભનેતા ગોકુળમે ને અજ વ્રજમે હી
કરામત થીએતી.

ચોપાઈ

પેલી આવથી પુતના તેં કે મારઈ ઈ ખબર નાંય કેં કે
ઉડી ખણી વથી લાલ કે અભમેં, મથા છણઈ કી ઉ પટમે.
સકટ ભંજનજી વિધી કેયાસી, સજે ગામજા ભેરા થેઆસી
જીલે મંજારા લાલ સુમાર્યા, ગડે નીચે તાં જુલો ટંગાયો.
ગડો ઉથલીકી થયો ઉધો, લાલ મથે કી ઈ વો રમધો
એ ગાલ પણ અટપટી એડી, લગે નતી કી વિચારે જેળી.
વાચળીઓ વ્રજમે ઉ આયો, ગામ સજે મે આધાર છવાયો
લાલ ઉપાળે વ્યો ઈ અભમે, અસુર મરીને કી પ્યો પટતે.
ઈ ગાલ પણ અજ તર્યાં ચુણકે, નાય ખબર પઈ ઈ અસાકે
ઘર મંજારા ઈ રમધોવો, ઉખર ઢેળે ને બાર ફરધોવો.
જાળ જભર ઉ કી પ્યા પટતે, લાલ રમધો વો ઝાડેજી વયમે
સટકાસુર સટ કરે અચેતો, ભની સાન સામે ઉછરેતો.
સજાં જલેને સ્યામ પછાળ્યા, યાધ કર્યો કી અસુર કે માર્યા
અગ બગને વત્સાસુર જેળા, તરણાવત ઘેનુકા પ કેળા.
તાળકા વનકે સજો સળગાયા, પલંબાસુરજો મથો ઉડાયા
જમનાજળમેં નાગકે નથેયા, ચળી ફણા મથે બારા કઢેયા.
નંધ રાજા ઈ ધાખલા ત ન્યારે, નતી કળાજે ઈ ગાલ વિચારે
ગોવર્ધનકે ખયાં કી હથતે, થઈને થીર્ધી બથી હન પટતે.
વેદ પુરાણ કત ઈ ન કુછેતા, જોગી મુની પણ કી ન ઈ ચેંતા
લોક વાઈકા કતન સુજેતી, એળી કરામત વ્રજમે થીએતી.

જભર જોરાણા કે પણ જગમે, નાય ઉપાળ્યાં ડુંગર કરમે
સત રાતુને સત ડી સરખો, ઉભો અળીખમ ફેરે નઈ પળખો.
સાવ નંદળો નીંગાર ચોવાજે, એળા કમ કે ઈ કી જ વસાજે
નંદ રાજ આયી કર્યો વિચાર, ગાલ ઈ માનવ બરથી બાર.

વ્રજવાસી અજ નંદરાજ વટ વડી કૃષ્ણ જે જીવનજી સજી ગાલ જુકો ધાખલ થયા વા ઈ
મળે સુણાયાને ચેતા હે નંદજી ઈ જુકો કમ થેયા અયી ઈ માનવ સક્તીથી મળે બારાઅયી તડે હી
કૃષ્ણ તા બાળક અય ઈ કી કરી રાગે અન બારેમં આયી કુરો ચોતા. અસાકે સમજાયો.

દોહરા

ગાલ સુણી સજે ગામજી, નંદજી થેયા ઈ રાજી, ગૌસાળાજી ગાલ ઉ, સજી થઈ વયી તાજી.
નંદરાજ ગંગાચાર્યજી આગમ વાણી નાલેજી વીધી ટાણે ચ્યાવા ઈ યાધ અચેતી ઈ વ્રજ
વારેકા ચેતા.

રાગ : જેનું નામ ફકીરજી

આયો થઈ બ્રમ લાલ વ્રજમે, રોસ ભેરા ગોપાલ
વ્રજમે આયો થઈ બ્રમ લાલજી.
નંદ રાજ અજવટ વયીને, ચેતાં ગુજજી ગાલજી
ગર્ગાચાર્યજી ભાખલ વાણી, સજી સુણાઈતા ગાલ.
જગ નીયંતા જગજો સ્વામી, જગજો તારણહારજી
અજ આજે ઘર જનમી આયો, બ્રમ ભન્યો ઈ કુમાર.
જે જે ઈસારે હી આલમ હલેતો, હન પટજો પરથારજી
આણુ આણુમે ઈજ વસેતો, ઈજ બાવન સે બાર.
વ્રજવાસી આયી છડો ઈ વસારે, નાય નંદણી ઈ ગાલજી
સેવા કરીજા ભેરા રોજા, ઈ બ્રમ પોજાઈયો પાર.

નંદ રાજ કૃષ્ણજી પુરી ઓળખાણ ગોપે કે ચેયા જુકો ગર્ગાચાર્ય વતાઈવ્યાવા. ગોપરાજી
થઈઘરે વનેતા.

દોહરા

શ્રીકૃષ્ણ જીવનજી કથા, સમજાયા નંદરાય, વ્રજવાસી રાજ થેયા, જે જે જે જદુરાય.
હી પરીબ્રમજી વારતા, ગાથા અમ્રત ગાન, વાંચે વિચારે દાસ ચે, સાય સદા ભગવાન.

ઈતિ અધ્યાય ૨૭

અધ્યાય ૨૮ : અભીસેક

દોહરા

સુરપતી અજ ઉથી સવેરા, મનસે કેયાં નરઘાર, હલી વઝા વ્રજ ભુમીમે, જત વસે કરતાર.

અવનીપતી ઈ અવનીતે, ધર્યા આર્થી અવતાર, પુજન કરીયા ઉત વની, નંધ ઘર નંધકુમાર.

ઈ દેવ અજ શ્રીકૃષ્ણજો અભીસેક કરેલા પ્રથવીતે અચેતા પુજાપાટથી તૈયારી કરે સજે
રસાલો ખણી નકરેતા તડે કામધેનુ ગાય પણ અભીસેક કરેલા ઈ ભેરી વ્રજમે અચેતા.

દોહરા

ઈ દેવજો સજો રસાલો, કામધેનુ પરીવાર, આયા ઈ અવની મથે, જત વસે કીરતાર.
અમરાપુરસે આવેયા, આયા નંધ ધવાર, વ્રંદાવનમે નત રમે, ગોપને નંધકુમાર.
લકી લમેથી નમન કરીતાં અખીયે આસુ ધાર, ભુલ વિસારે રખો શરણમે આપી વિસ્વાધાર
વનરાવનમે શ્રીકૃષ્ણ બલરામજી રમેતા ઉત છેટે ઉભી ઈ દરસન કરેતોને અસ્તુતી
કરીતો.

ઈ અસ્તુતી કરેતો. રાગ અશાવરી

અજ આયો ઈ સુરરાજ વ્રજમે, અયો ઈ સુરરાજ
અણવાણ પરે ઈ આયો અવની, છડે કરે ગજરાજ. વ્રજ.....
હે જગ સામી અંતર જામી, જગ ઉધારણહાર
ત્રીભુવન તારણ દુખ નિવારણ, નીરલેપ નીરાકાર. વ્રજ.....
કામ ક્રોધ મધમો સે ન્યારા, નાથજી નીરવીકાર
માયાજા બ્રંધ સે બાસ, વિસ્વે વિસ્વાધાર. વ્રજ.....
જગત ગુરુ આંધી જગ સામી, નયો જગતથી બાર
અવનીજો ઉધાર કરેલાય, આપી ધર્યા અવતાર. વ્રજ.....
આજી માયા મા બલકારી, જીવ પુજે કી પાર
મું જેળો અનમે અટવાણા, ખાલી ખયો શર ભાર. વ્રજ.....

ઈ ભગવાનકે ચેતો. દોહરા

અવનીજો ઉધાર કરેલાય, આંધી આયા અવનીતે
મું માયા મધમે ન સજાંતા, ભુલી વ્યોસે ભંતમે.
સત રાતુને સતડી સરખા, જુડી મંઢઈમું જેની
અલખ ધણી મું ન્યારે આંકે, સાવ સજાંતા તેની.
હલો હરી આંઉ અભીસેક કરીયા, સ્વીકાર્યો મારાજ
હથ જોડે ઈ દંડવત પેતો, લાય મથે જો તાજ.

ઈકે ભગવાન ચેતાં.

વાસવપતી આજી પધવી ભુલીને, આજી જ જાતકે આંધી વીસાર્યા
અન અભીમાનકે ઓછો કરેલાય, યજ્ઞ જ આજા ભંધ કરાયા. વાસવપતી...
હન ધુનીયામે થેયા અભીમાની, દંડ ડઈને તેકે પટતે પછાવ્યા
છડે અભીમાન નમી પેયા પગમે, ઈની ભગતેકે પાર લગાયા. વાસવપતી...

સુરપતી આંધી યાદ ઈ રખજા, મન અભીમાન મુર ન કરીજા
 પદવી હી આંજી યાદ કરે ને, વિચારે વિચારે પગલા ભરીજા. વાસવપતી...
 સુરપતી આંજી કર્યો તૈયારી, આંજી હી પદવી મે રોજા સંભારી
 નીતી નીયમજો ભંગન કરીજા, હુંપદ છોળેને સદગુણ ધરીજા.વાસવપતી...

દોહરા

સુરપતી આયો શરણમે, અચી કેં ઈ અરધાસ
 અભીસેક કરીયા શ્રીહરી, મુંજી મન ઈ આસ.

શ્રીકૃષ્ણજો અભીસેક કરેલા ઈ વ્રજમે ભ્રામણ થઈ અચેતો સારો રસાલો અય ને ભેરી
 કામધેનુ ગાય આવચી અય નંધરાજા જે ઘર અભીસેકજો ઓછવ થીએતો.

કવીત

રાજા નંધજી જે ઘર, અજતો ઓછવથીએ, નંદા વડા ભેરા થઈ, અચેતા અઝાણમે.
 ઘરા ઘર ગોપીયુંઈ, સોરો સણગાર સજે, ગીત ગેત્યું ગોઠજાઈ, વઈને મંડપમે.
 તોરણ બધાયા તાજા, જત વને જજા વાજા, નોબત નગારા ભેરા, પળધમ પટ જે.
 ઝાંઝ પખવાજ ભેરી, ઝાલુ જકોર કરી, સુણાઈયેજા શનં સુર, ઉના ઉના ભરજે.
 ઈ દેવ ભેરા સરગજા મળે દેવ માનવકૃપજો અત આયા અચી.

કવીત

સાગમને સીસમજા જત, પાઠતા મંદાણા ઉત, સોનજીતાં જારી ભયા, જમનાજે જળસે.
 કનક કળસ થાળ, કેસરજા સજા ભયા, અબીલ ગુલાલજા તાં, ગુંધ કેયાં ઈ ગામમે.
 સ્વર્ગજો અધીપતી, અચી પુગો નંધ ઘર, આકાસ ગંગાજા જળ, ભરે આયો હુંભસે.
 ઈ ઈંણી મલી, નારાઈતાં નારાયણકે, અભીસેક કરેને ઈ, નમી પેતા પગમે.

કામધેનુ અભીસેક કરેતી. કવીત

બયો અભીસેક અજ, કામધેનુતાં તીં કરે, દહિ દુધજાતાં જત, ભરે રખ્યા માટલા.
 પંચામ્રત ભેરા ભેરે, કમળજા કુલ ખણી, અભીસેક કરે પગ, સુંકે ત્યું ઈ લાલજા.
 તેત્રીસ કરોળ દેવ, હલી આયા નંધ ઘર, ગોવિંદ ગોપાલ નાલા, રખેયાઈ લાલજા.
 અભીસેક કરે ઘેનું, હરકે ઈ જોડે હથ, નમી નમી નાથ કે ઈ, ચળીવ્યા વેમાનમે.
 અભીસેકજી હી કથા, અજઈ પુરી ક્યી, કચ્છી ભાસામે હી કથા, જોડેજા મું ઈ ચચી.
 વાંચીઘલ ઈ વિચારજા, હી પાંજે જ હદમે અય, અખર ભલે બ્યો લગે, કચ્છી રગારગ વય.

ઈતિ અધ્યાય ૨૮

અધ્યાય ૨૯ : વરુણ લોકજી ગાલ

અધ્યાય અઠાવીસમે, વરુણ લોક વર્ણન, પ્રસન પુછેતા રાજવી, કરે મુનીકે નમન.
 હે ભગવન હી કીં ભન્યો, સમજાયો ઈ સાર, રાજા નંધ ઉત કીં પુગા, ઉ મુલકપાંથી બાર.

સુખદેવજી ચેતાં.

એકાદસી અજ અવનીતે, ઉજવેલા ઈ વૃત, વ્રજવાસી ભેરા થેયા, જત જમનાજો તટ.
અજ કારતકજી ઉજારી અગીયારસ અચે સજો ડેસ ઈ વ્રત રખે અયતી વ્રજમે એકાદસી
પુરણ કરે ઉજવેલા જમનાતે અચેતા તે નંધજી અધરાતજો સ્નાન કેલા વનેતા ઈ કથા મુની
ચેતા.

રાગ જુલે જુલે માતા અંબા

આવ્યો આવ્યો અવનીતે અજ, એકાદસી વ્રતરાજ આયો વ્રતે જોતા જ
વ્રજવાસી ભેરા થઈ આયા, જત જમનાજો ઘાટ. આયો.....
કતી મેણુને રાત ઉજારી, નાંચ કુટી પરભાત
જમનાજી મે સ્નાન કરીંતા, નંધ રાજા મધરાત. આયો.....
વરુણ લોકજો ઉજ અનુચર, લકી વઠોવો જલમે
નંધ રાજાકે અચી ઉપાળે, ઈ ગાલ ભની વધી પલમે. આયો.....
વ્રજવાસીઈ દઠા નજરસે, રાળા રાળ કરીંતા
ઘોડી આયા જત જોગેસર, ખરી ખબર ઈ ડીએતા. આયો.....
ગોવાળીએજી ગાલ સુણીને, ત્રીકમ કેયા તૈયારી
વરુણ લોક પુગા ઈ પલમે, જત નાય પુજણજી બારી.આયો.....

અધરાતજો નંધરાજા જમનામે નારીયેતા ઉત વરુણજો અનુચર નંધજી ઉપાળે લોકમે
અચેતા. વરુણ લોકમે શ્રીકૃષ્ણ આવયા ઈ ખબર વરુણ દેવકે મલેતી અતરે ઘોડી સામે સામ્યા
કરી ઠોઠે અચેતો પુજા કરે ભગવાનજી અસ્તુતી કરેતો.

રાગ રંગદે ચુનરીયા

કમળ નયન હે કમળારે સ્વામી, કરુણારે સાગર જય ભુવ ગામ કમળ નયન હે
અજ અવની તે આર્યી પધાર્યા, યાદવ કુળજો નાલો ઉજાર્યા
અસુર વીદારેલા આર્યી અવીનાસી, કૃષ્ણ સરૂપે પ્રગઠયા મોરારી.
પૂર્વ જનમજી મુજી કમાણી, મું ઘર પધાર્યા સારંગપાણી
અનુચર મુંજો ભુલ કરે આયો, નંધ રાજાજો હરણ કરે આયો.
પરીબ્રમ સ્વામી મેરુ કરીજા, અવગુણ આંચી ધલ ન ઘરીજા
અભય કરીજા આચી અવીનાસી, જય જય જય જય સુખરાસી. કમળ....

વરુણદેવ શ્રીકૃષ્ણજી અસ્તુતી કરે નંદજીકે સોપેતો અને ભગવાન નંધબાબા કોઠે વ્રજમે
અચેતા.

દોહરા

અવનીપતી પાછા વર્યા, વ્રજમે થેયો આનંધ, વરુણદેવ સોપે ડને, શ્રીનાથકે નંધ.
વ્રજવાસી રાજી થેયા, ઘોડી આયા અત, વરુણ લોકજી વારતા, નંધ સુણાયા તત.
નંધરાજાકે સજો વ્રજગામ મલેલા આયો અય નંધરાજા વરુણ લોકજો વણનને કૃષ્ણને

વરુણજી ચર્યાઈ મળે નંધજી વ્રજવાસીએકે અથ ઈતી સુણાઈતા.

ચોપાઈ

વરુણ લોકજો વર્ણન કરીતા, નંધરાજા ઈ વખાણ કરીતા
હે વ્રજવસી જેજી સોભાન્યારી, વર્ણન કેણું બોરો વિચારી.
જેજી સોભા હથનું ઈ બારા, નજર પુજેન સબધથી પારા
સોન ચાંધીજા મેલ ભનેલા, હીરા મોતીએ સેં ઈ મઢેલા.
ફોરુ છડીત્યુ ઉત કુલવાડી, ભમર ગુંજારી જત મધુરીવાણી
જાત જાતજા પંખી વસેતા, મોર મલારી મધુર કોછેતા.
અન લોકમેં વરુણ વસેતો, સયે સુખજો ઉત છો ડસજેતો
લાલ આયો ઈ ખબર મલેતા, દેવ વરુણ સામે ધોળી પુજેતા.
કરે સામ્યા દંડવત પેંતા, બ્રમ બ્રમ ચયી નમન કરીંતા
હે ગોપ હી ગોવિંદ પાંજો, પુરણ બ્રમ સખા થ્યો આંજો.
ઈ ગાલજી નજરે ન્યારઈ, વરુણ લોકજી આંકે સુણાઈ
આર્યા અનજો જતન કરીજા, રાત ડી લાલજી ભેરા રોજા.

દોહરા

વાણી સુણી નંધરાયજી, રાજી થેયા વ્રજબાર, ધોળી આયા શ્રીકૃષ્ણવટ, જત વઠા નંધકુમા.

શ્રીકૃષ્ણકે ગોપ ચેંતા.

હે કૃષ્ણઉ વરુણ ધામ, જેજો નંધજી કેયાં વખાણ
ઈ ધામ વતાય હે સખા, જેજા અયું અસી અજાણ.

ગોપબાળ કૃષ્ણકે ચેતા અસાંકે વરુણલોક વતાયો જુકો જેજા નંધજી વડા વખાણ કરીંયેતા
ઈ સુણીને કૃષ્ણ ચેતાં ભલે પણ આર્યાઈ કરેયો હત જરાવાર નંધર કરે ગનો પોય ઉત હલબો.

દોહરા

સખે કે સમજાયને, સુમાર્યા સર્વેસ, પોજાયા પરલોકમે, ગોપ ઈ બાળેવેસ.
સત્ય સનાતન દેસઈ અખંડ જયોતી રૂપ, માયા જે અંધકારથી અતીત ઈ દેસ અનુપ.

વરુણ લોકમે ગોપબાળ. ચોપાઈ

ગોપબાળ જડે જાગ્રતથીએતા, સામે કૃષ્ણકે ઈ જ ડસેંતા
કારે નાગતેંજેજી પાથારી, મથે સુતાને મુરકે મોરારી.
લક્ષ્મીજીતા સેવા કરીએ, પગે વટે વયી ધ્યાનજ ધરીયે
શંકર ભેરા ભ્રમાજી ઉતઈ, વટ વઠા જત શ્રીહરી તતઈ.
નારઘ સારઘ વીણા વઝાઈયે, ગરુડ દેવ પણ સામે ડસાઈયે
ચારોય વેદ વખાણ કરીંતા, દેવ દેવીયું નમન કરીંતા.

ગોપ અતે હી સ્ય ડસી વિચારેમે પઈ વેયા હત હી કુરો આય વ્રજનાંયને કૃષ્ણ હતે હન રૂપમે

કીં વઠા અયી. તડે ઈ ગોપબાળ ઘોડી નારાયણરૂપ કૃષ્ણ વટે વઝોતા.

ચોપાઈ

વરુણ લોકજી સોભા ન્યારી, ગોપ બાળ ઈ વઠા વિચારી
શ્રીકૃષ્ણ અય પણ વ્રજનાંય, કૃષ્ણ જોળો બેયોકો આય.
ઘોળી ઘોળીને વટ ઈ વનેતા, કૃષ્ણ કૃષ્ણકે સડ કરીતા
ભોરે મનજા ભુલા ભરમમે, રાળા રાળી કરી સરગમે.

ભોરા ઈ ગોપ ઉત શ્રીકૃષ્ણકે ડસી વ્રજસમજી રાળા રાળુ કરીયેતા તડે ભગવાન માયા
હટાઈયેતા.

ચોપાઈ

મોહન પંઢજી માયા હટાયા, પાછી વ્રજ ભુમી વતાયા
ડસી અનીકે સરમ અચેતી, ગાલ અગલી યાઘ અચેતી.
ફરી સ્યામકે નમન કરીતા, ફરી સ્યાલઉ કીન પુછેતા
સાંજી થયી ઘર ગોપઈ આયા, સજો પ્રસંગ ઘરે સુણાયા.
વ્રજવાસી ઈ સુણી થેયા રાજી, ગાલ ડુંગરજી થીએતી તાજી
ઈશ્વર અસ ઈ નકી કરીતા, મના મન ઈ વખાણ કરીતા.

દોહરો

બાળ લીલા લાલજી, જગમે આય અજોળ, થઈ નંકી થીંધી બઈ, ચે જાડેજા હથજોળ.

ઈતિ અધ્યાય ૨૯

અધ્યાય ૩૦ : રાસ આરંભ

દોહરો

હે રાજન અજ પરીબ્રમ, મનસે કેયા વિચાર, રાસ રમાળેલા હરી, અજ ઈ થેયા તૈયાર.

રાગ સારંગ

શ્રીસ્યામ આયા વનમે અજઈ, સ્યામ આયાઈ વનમે
રાસ રમણજી કરી તૈયારી, અચી પુગા ઉપવનમે. અજઈ.....
બાલીકાએકે વચન ડનાવા, યાઘ આવયીઉ મનમે
રાસ મંડળમે ભેરા રમેજી, ઘડી પુગી ઘન વનમે. અજઈ.....
સરઘ પુનમજી રાત ઉજારી, ચાંધો ચળ્યો ગગનમે
રવી કીરણ ઈ રજાગનીવ્યા, સંઘ્યા ડસાણી ચમનમે. અજઈ.....
રાત ઉજારી લગે સુલણી, સીતળતાં પનેપનમે
મઠી મઠી હત હવા હલેતી, ભાસ પેતી ઈ ભુવનમે. અજઈ.....

સરઘપુનમજી રાત આય કૃષ્ણ બંસી ખણી વનમે અચેતા બંસીજે સુર જગમે છવાયીવ્યો

આય ઈ અવાજ વ્રજમે સુજેતોને ગોપીયું વનમે અચેત્યું.

રાગ કલીગડો

ચાંધીજી કર ચાધર ઓઢે, એળી રજની ડસાયે
પન પન તે પ્રકાસ છણેતો, વડી ડીયારી વતાયે.
અવનીતેં કર અરુણ ઉગોઈ, ઉજાસ ચંજો પસરે
ઘનઘટામેજી તારલીયા, તી ચં કીરણેતાં નકરે.
અન વનમેં શ્રીસ્યામ અચીને, ખયાં બંસરી કરમે
સુર વનાયને યાધી ડીએતા, ગોપીએકે વ્રજમે.

ભગવાન બંસરી ખણી વસંતરાગ વનાઈતા અવાજ ઈ વ્રજમે સુજેતાને ગોપીયું અત મલણા રવાનીયુ થીએત્યું.

બાળ કૃષ્ણ અજખણી બંસરી, ચળી વઠાઈ કંઘમતે
વસંત રાગકે વચી રેલાયા, સ્વર પુગા ઈ વ્રજતે.
બંસીજા સુર સુણી સલુણા, ગોપીયું જાગયું ઘરમેં
ઘરકમ કે છડેયા વસારે, ઘોળી અચેત્યું વનમે.
ગાયું મણઘલ છડેયા ગોપી, છડેયાઈ છોરા ભેરા
ખીર છડેયા ચુલતે ને ઈ, છડેયા સસને સોરા.
ઘરવારેજી વાટન નેર્યા, અંગ સણગાર સજેત્યું
વૃઘેજી વાણીકે વસારે, ને કનતા કીન કરીત્યું.
અવરા સવરા અંગ તેતાંઈ, પેર્યા આભુખાણ ઉઘા
હજ્જા પગમે પગેજા હથમે, છોરા છડેયા રુંઘા.
હલીયું હકેલીયું રાત અંધારી, સ્યામ ઘલમે ઘારે
નસવરડેજો કરે વસરજન, અપરાક્રત મે વારે.
સુરતા સંઘેને ધ્યાન લગાય, ખટ વિકાર વસ થીતાં
સંચીત કર્મ જનમ જનમજા, બરીભસ્મઈ થીતા.
નીર્વીકાર થઈ નીગુંણ બ્રમકે, સખીયું સામે ડસેત્યું
પરીબ્રમકે પંઢજે ઘલમે, લીન થીને ઈ રમેત્યું.

પરીક્ષીત પુછેતા. દોહરા.

પ્રશ્ન પરીક્ષીતતાં પુછે, કરે મુનીકે નમન, હી ભગવનકી ભને, સમજાયો બ્રમન.
ગોવિંદ કે ઉ ગોપીયું, પુજ્યાતે પતીરૂપ, પરમ પદ ઈ કી પુગીયું, કી થયુ બ્રમ સરૂપ.

સુખદેવજી ચેતા. ચોપાઈ

હે રાજનહી લીલા હરીજી, સજી ગાલ ઈ બ્રમ મલણજી
અગીઆ પાણ એળા દાખલા, થઈ વેઆ ઈ ગ્રંથે ભાખેલા.

હીરણા કંસને રાવણ જાણા, મધુ કૈટભને સીસુપાલ તેણા
 વેર વધારે શ્રીહરીકે મલેયા, ડસો દાખલા કવીએ લખેયા.
 યોગેસરઈ જગજો કરધલ, સગુણરૂપજો ડસજે રમધલ
 પ્રમાણ પ્રમેયને ગુણસે બારા, અપરાકત ઈ પરમ સુખારા.
 જોગેસરઈ જગમે અચીને, કર કમળ ઉભા ઉચો કરીને
 જન ભાવસે જેજે જાપેયા, તેકે તન તન રૂપે મલેયા.
 હે રાજનહી સસ્ય છડેયો, હરી ચરણમે મન ગડેયો
 સમરણ કેયા ઈ પાર પુજીવ્યા, અકલ વળાયા ઈ અધવચ રઈવ્યો.

સુખદેવજી ચેંતા હે રાજન ગોપીયુ ભગવાનજે પ્રેમભાવ મે અતરીયુ અની ભાન છડે
 તડાકાર થઈ વયું જગજો સાવમો છડે કુટુંભ કંભીલા અને પંઢજે દેહજો પણ ભાન છડે
 ભગવાનમય થઈ વનમે કૃષ્ણકે મલેત્યું તડે ગોપીએકે ભગવાન ચેંતા.

દોહરા

અધ રાતજો ગોપીયું, આંધી આવયું, આર્થી આવયુંકી વનમે
 વગર વિચારે કમ કેધા, ઈ અચી ઘોર જંગલમેં.

રાગ આશાવરી

સ્યામતા સમજાયે અજઈ, સ્યામતા સમજાઈએ
 ગોપીએકે ગોવિંદ ડસીને, સવરી વાટ વતાઈયે. અજઈ...
 ગોપીયું આંધી વગર વિચારે, હેકલીયું આવયું વનમે
 વ્રજમે કી ઉતપાત થેયો અય, ઈ લગે મુંજે મનમેં. અજઈ...
 રાત આધારી અીઢમજી અઝ, ભુમી લગેતી ભેકાર
 નારી રાતજો હલે હેકલી, ધુનીઆ કરે વિચાર. અજઈ...
 ગોપીયુ આધી ઘરે વનીને, સેવા કરીજા પતીજી
 પતી ઈજ પરમેશ્વર અય, ઈ ફરજ આય સતીજી. અજઈ...
 હૈયા વનો હાણે વારન કરેયો, ઘર વનણજી તૈયારી
 નારી ઘરમજો ધાગો બધીને, પુવા નકરજા બારી. અજઈ...
 અજ ઈ સ્યામતા સમજાઈયે...

ભગવાનજી ગાલ સુણી ગોપીયુ નીરાસ થઈ નીસાસાત્યુ વનને અસ્થાસ કરેત્યું.

દોહરા

સુણી ગાલ હી સ્યામજી, થયું ગોપીયુ નીરાસ, નીચી નજર ઈ નેરીયે, અધર રુધાણા સ્વાસ.
 મોં સે કી કુછે નતીયું, અખીયે આસુ રેલી, હથ જોડે અરજી કરી, સામે સ્યામકે નેરી.

રાગ લાવણી

જોગેસર હે જગમ સ્વામી, જગ તારણ જગજા કરધલ

અજ આયા અવતાર ધરેને, અમર લોકજા આંખી વસઘલ. જોગેશ્વર...
 કમળ નયન આર્થી કરુણા સાગર, શરણે રખજા હે સ્વામી
 અજ અસાંજી અય હી અરજી, ગોવિંદ ગીરઘર ગુણગામી.
 આંકે મલાણલા મોહન અસાંકે, અજ લગી મનમે લગની
 ઘર છડે ઘર બાર છડેને, વાટ ગળી વાલમ વનજી.
 હાણે હરી વર હન ભુમીતે, નાય અસાજો કોય બેલી
 તાર માર હરી તોજે હથમે, રખો સરણ કા ડે ઠેલી.
 આદી અંતસે આં અસાંજા, જુગ જુના અપી ઈ નાતા
 યાઘ કરે ઘન દંડકવનજી, જુની ગાલ હરીઉ ગાથા.

દોહરા

ગાલ સુણી ગોપીએજી, મુરકેતાં મારાજ, રાજી થઈ રણછોડ ય્યાં, ગોપીએ કે વ્રજરાજ.

ભગવાન ચેતા. ચોપાઈ

ઘન ઘન ગોપીયું ઘન ઘન આંકે, જનમ જનમ મુંકે યાઘ કેયાંતે
 મુંકે મલાણજી લગી ખુવારી, વન આવયું આંખી રાત અંધારી.
 મુંકે જગમે જુકો ભજેતા, મુંજે ઘટમે ઈજ રમેતા
 આંઉ ઉનીકે પાર પુજાયા, માયાજા બંધન તોળાયા.
 જુની જુની જનરૂપમે ભજેયા, તેડે રૂપસે મુંકે ઈ મલેયા
 સખા થઈ કોય સમરણ કરીયે, જોગ જોતસે ઘલમે ઘરીયે.
 માતા પીતા થેલા કોય ભજેતા, દાસ થઈ કો રટન કરીંતા
 પતી રૂપમે આપી મુંકે ભજીને, વાટ વતાયા નથી અવનીમે.

ભગવાન પ્રશ્ન થેયા અતરે ગોપીયું રાજી થીએત્યું ક અસી છેવટ કે ભગવાનકે વસ કેયા
 અતરે અભીમાન અચેતો ઈ વિચાર જાણી ઈ અભીમાન ઉતારેલા ભગવાન અસ્ય થઈ વનેતા.

દોહરા

હસી સ્યામ કે ગોપીયું, મનસે કેયા વિચાર, વસ કેયાં વિસ્વપતી, આયો મન એકાર.
 સમજી વ્યો ઈ સાંવરો, ઉતારેલા અભીમાન, નીરાકાર ઈ નાથ થેયો, તેડે ગોપી કે થઈ ભાન.
 વિસ્વેશ્વરજી વિસ્વમે, લીલા અય અજોડ, પાર પુજે કત જોડેજા, નમન કરે કર જોડ.

ઈતિ અધ્યાય ૩૦

અધ્યાય ૩૧ : ભગવાન અદૃશ્ય થેયા ભગવાન

નજર નતો પે નાથ ઈ, ગોપીએ કે કત વન., ગોતેલા ગોવિંદકે, ગોપીયું થયું તૈયાર
 હલી નકરયુ હેકલીયું, કરી વનમેં વિહાર, સોધે લાય ઈ સ્યામકે, ધોળેત્યું ઈ વનમે
 પુછેત્યું ઝાળા ઝાળાકે, કર ભુત ભરાણુ અગમે.

ગોપીએ કે અભીમાન થેયો ઈ ડસી ભગવાન અશ્ય થઈ વનેતાને ગોપીયું ગોતણ વનમે ધોડેત્યું.

રાગ નટ કેદાર

વાલમ વનમે લકી વનેતો, ગોપીયું પીયુ પીયુ કરન
હલી હલીને થકીયું વનમે, ભાન છડે ઈ ભમન. વાલમ...
ભની બાવરી થઈ અધીરા, વિચરે વિકટ વન
સાંવરી કે સડ ઈ કરીત્યું, ભુલી કરે ઈ ભટકન. વાલમ...
ઝાળ ઝાળ પન પનકે પુછેત્યું, વતાયો આનંદ કંદ
રાસ રમધે વ્યો ઈ રીસાઈ, સાવરીઓ ભગવન. વાલમ...

કોયલ કે ડસી પુછેત્યું.

કોયલડી તું કીન કુછેતી, સાવરીએજા સગળ ડીએતી
હન વનમે ઈ લકી ફરેતો, તોકે નજર ઈ ક્તે ચળન. વાલમ...

હંશને બપૈયેકે પુછેત્યું.

રાજ હંસ આર્ષી મોર બપૈયા, નજર ફરાયો આર્ષી હન વન
ઉડી સગોતા આર્ષી ગગનમે, હલી હલી પગ અસાજા કુરન. વાલમ...
હે ભમરા તું કી તો ગુંજારે, જરા નતી થીએકી સરમ
હન વનમેતાં મોહનજીતાં, મોરલીજા સુર કી સજાન. વાલમ...
જમનાજી તું કી ઉછરેતી, તોકે ખબરકી નાયી મલન
અજ દહે તું ક્ત અવિનાસી, તોજે કીનારે નત રમન. વાલમ...
ગીરીરાજ તું છડ તો વારી, વાટ વતાયતું વાલમજી
કડા લકાયતું લાલ અસાજો, હી હાલ અસાજાતું ડસન. વાલમ...

શ્રીકૃષ્ણ કે ગોતેવા ગોપીયુ વનમે ધોળેત્યું થકી રે તત વઈને લીલા યાધ કરે કરે પંઢમે સુણાઈત્યું.

રાગ ભૈરવી

અજ ઘેલી ભનીને ગોપીયું, શ્રીસ્યામકે સંભારીયે
હલી હલીને થકીયું વનમે, મુરતી ઘલમે ધારીયે. અજ.....
સ્યામજી મુરતી રખે રહેમે, લીલા લાલજી ન્યારીયે
સ્યામ ભનીને સખીયું પંઢમે, પંઢ પંઢમે ઈ વતાઈયે. અજ....
ભની પુતના કો પાન કરેતી, કો કૃષ્ણ રૂપકે સારીયે
કો કરે મોંસે સસકારા, પુતના વત વતાઈએ. અજ....
સકટાસુર થઈ કોય ગોપી, કોય વાંચળીએ થઈ વછટે
કોય ભનઈ મયારણ વ્રજજી, મધુરા વાટ વતાયતી. અજ.....

કો મયારણ છાય જંગેકો, મખણ મીસરી ખાયતી
 મોહન ભની કો મોરલી હથમે, વયી કરેને વનાયતી. અજ....
 મોર પીંછકો બધી મથેતે, સ્યામરૂપ વતાયતી
 હુમક હુમક થઈ નાય નયેકો, રાસ મંડળ રચાયતી. અજ....
 સાળી ઉતારે કો અયી બઘેતી, બધી ગોપી કે બરસે
 કો હલેતી ગુડા ગસરે, નંઢળો નાથ વતાયતી. અજ.....
 કારો સપ કો ભની કરેને, કરી કુફાળા હફળે
 નાગ નથે તીં મથે નયેતી, એળી કલાઈ વતાયતી. અજ.....
 ગોવર્ધનજી ખણે અઘરસે, બર કરેને વતાયતી
 અખીયુ ભંધ કરે હલેકો, કો મોમે અગ્ની સમાયતી. અજ....

સુખદેવજી ચેંતા. દોહરા

સુરતા જેજી સાંવરીયેમે, ભુલી વ્યું તન ભાન
 કોક કરીત્યું રાગળા, અચીં ત્રીકમમેં તાભાન.

વનમે અગીઆ ગોપીયું આગળ હલેત્યુ તત ભગવાન જ પગલેજા નીસાન ડઠા તત ઉતવચી
 યાઘ કરેત્યું.

દોહરા

જું છુટે સમાધી સાઘજી, તી ગોપીયુ જાગ્યું અત
 હલી નકરયું ઈ હકલીયું, જત પગલા પુજે તત.

રાગ કલ્લીંગડો

ચરણેજા ચન ડસી ગોપીયું, થયું મના મન રાજી
 ચરણ રજ ઈ મથે ચળાયા, ઉ ગાલ થીએતી તાંજી.
 વયી કરે ઉત વણન કરીયે, ચરણ મહિમા સંભારી
 હે સખી હન ચરણ રજસે, નકર ગંગા ઉજારી.
 હન ચરણજી સેવા કરીએ, લખમીજી વટ વઈને
 ચરણ રજસે જાત ઉજારે, નાલો નાવળી ડઈને.
 અહલ્યા નારી પથર થઈને, પઢ થઈ સમરણ કેં તે
 રજ છબાયા રામ અચીને, ધામ વતાયાં ઈ તેં કે.
 વ્રજ ચરણ રજ સખીયું પાકે, વ્રજમે રોજ મલેતી
 રજ ખણેલા વ્રજજી ગોપી, નીચી નજર કરેતી.

ભગવાન જે પગલે રજ ખણેલા ગોપી નીચી નમઈ તત ભેરા બ્યા પગલેજા નિસાન
 ડસાણા તત જાણી ગોપીએ કે ઈ વતાયતી.

દોહરા

સ્યામજે પગલે ભેરા પગલા બ્યા ડસીને ઈ ગોપી, સડ કરે કેં સખીયું ભેરીયું વતાયતી ઈ ગોપી

સ્યામજે પગલે ભેરા પગલા રાધાજીજી જ લગેતા, હલી ન્યારીયું હન જ વનમે નક્ષી લક્ષી ઈ ફરેતા
ગોપીયું મળે ભેરીયુ થઈ ઉની પગલે જે નીસાનતે કૃષ્ણકે ગોતેવા નકરી પેત્યું ઈ કથા
સુખદેવજી ચેતા.

રાગ પ્રભાત : મેં કાનુળા તોરી

વાલમ વનમે હલો હોત મંલધો, નેરેયો સખીયું સંગ મલી
પગલે પગલે હલજા અગીઆ, કીન છડીજા કુંજ ગલી. વાલમ..
હેયા હલોનેં હુલન કરેયો, સોધ કરીજા મલી મલી
અનકે પાંજ અણસારજ આવઈ, તલકી વેધો ઈ સુની ગલી. વાલમ..
પ્રદાવનજી વડી ઝાળીમે, સુજાણી મોરલી સની સની
ઘેરા કરેને મળે ગોપીયું, ડસ બઘેયા ઉ ભલી ભલી. વાલમ..
હલી હલીને સાવ થકીયું, નજર નતો પે કુવર કલી
ભેરીયું વધીને કરીયે ભંધગી, અખીયું આંસુ વયે રેલી. વાલમ..

દોહરા

ગોપી વિરહજી હી કથા, અજ ઈ પુરી થઈ, સુણાયા સુખદેવજી, ઈ રાજા વટ વઈ.
હે રાજન હી હરી કથા, સધ સતીએજી ગાલ, જોગી મુની મજવધી, મોતી કઢેયા માલ.
બાળ લીલા લાલજી, એળી અટપટી અય, નુગરકીં સમજી સગે, અધ વચ અટકી રેય.
સુગરા નર સાવ સીઆણા, ગુરુ કેયાં સમરથ, ઉજા પુજે ઉન પધ મથે, જેજીં જગ નકરત.
જોગેસર આવી જગપતી, જગ તારણ ઈ ભુપ, તારીજા ત્રીકમ ધણી, હી જોરાણુ જગ કુપ.
લીલા ન્યારી ઈ નાથજી, અવની મે અજોડ, દાસ જોડેજાજી અરજી, સુણજા શ્રી રણછોડ.

વનજો ગોપીયું પ્રાર્થના કરીત્યું

હે રાજન અજ ગોપીયું, વનમે કરી વિહાર, નજર નતો પે નાથ કત, જીવનજો આધાર.
નીરાસ થઈને નેરીયે, વકીયું વગળે વચ, ગીત ગાઈયે ગોપીયું, હથ જોડેને તત.

ઈતિ અધ્યાય ૩૦

અધ્યાય ૩૧ : ગોપીગીત

અજ વનમે ગોપીએ કે, ભગવાનજી ભાસ પેતી પણ મલે નતા અતરે નીરાસ થઈ વધી
રેત્યુને નીસાસાવનીં યાધ કરેત્યું હલેજી શક્તીનાંય અતરે ઉતવધી પ્રાથના કરીયેત્યું ઈ આને
નાડ અનીજો સુણી ભગવાન પ્રગઠ થઈ ડરસન દીધા ઈ પ્રાર્થના ઈજ ગોપી ગીત ચોવાજે.

ગોપી ગીત. રાગ લલીત

જ્ય જ્ય શ્રીનંધ નંધ, વિસ્વજા પતી, પુંજે ન પાર કો એડી, અકળ અય ગતી.
હી પોથીને પુરાણ, પારકો પુંજે, ઈ થકા વિચારે વેદ, ઈ બ્રમ જ બુજે. ૧
વ્રજ ભુમી કે હરી, આંધી પાવન કેયા અમરાપુરી કના, વડી વેદ ચઈ વેયા.

સુરત ડસીને સ્યામ, અસી આસક થય, ઘર બાર કે છેડે, વનમે અચી વયુ. ૨
 જી કમળકે ડસી, ભમર ભીસાંજેજી, આગીઆ વની છણે, મસાલમે જ તીં.
 તીં ગોપીયુ અસી, તન ભાનકે છેડે, વન વનમેં તાં રુલો, રખી રૂપ કે રડે. ૩
 જમનાજે જેરીલે, ઉન પાણીમે પતી, બરંધે ભચાયાવા, આચી આંધીમે પઈ.
 અગ બગ અસુર બ્યા ઉ પલંબ પાપીસે, વ્રજકે ભચાયા વા ઉન વસજી હેલીજો ૪
 જસોદાજી જે ઘરે, આચી જનમ તાં ધર્યા, નીર્ગુણ બ્રમ આચી, સગુણ થયી ક્યાર્યા.
 ઈ સગુણ રૂપકે, જીવ જાઘતા કરે, કરમ કપાય જીવ, ચોરાસીસે તરે.
 વરી વ્રજુ કુળમેં, આચી પ્રગઠતાં થેયા, વરી જાઘવેજી જાતકે, ઉજારેતાં છડેયા.
 હે લખમીજા પતી કુરુણા ક્યાર્યા પ્રભુ, આચી રંક દાસીએજે, શર કર દીયો વિભુ. ૬
 ભકતેજી ભીળમેં, પ્રભુ ધોળીતાં અચો, અપરાધી જીવેકે, આચી શરણતાં રખો.
 તીં અજ અસાંજા હાલ, આચી ન્યારીજા હરી, કજા નવેળો નાથ, ડસી નીગરીયું ફરી. ૭
 આચી કાલી નાંગજા, નક હરી હથે નથ્યા, અપરાધી જીવકે, સ્યામ શરણમેં રમ્યા. ૮
 આજા ચરણ પુનીતકે, પ્રભુ ધલમે ધાબેને, રખબો અસી હરી, હથસે ઉપાળેને.
 હે સ્યામ સલુંણા, આજી મધુરતા મઠી, અચી નેણ મધુરા, મધુર અધર ઈ સુઠી.
 વરી વાણી મધુરસે, આચી વસકેયાં વિભુ, વ્રજનારીએકે નાથ, દરસન દેયો પ્રભુ. ૯
 હી લીલા આજી આય, જગતાંજુની હરી, જુની યાઘ કેયા નાથ, જગ નાંયા ઈ ફરી.
 સુખ ચાર જાતજા, ઉ સંસારમે ડઠા, કરમી કમાય જીવ, આજે શરણમેં વઠા. ૧૦
 સુરત હી શ્રી નાથ આજી ધલમેં તી રમે, એકાંતજી હી ગાલ, જડે જાઘતીં અચે
 અખીયે મંજરા નાથ, જીવ કત નતો રુચે, હી ચરણ આંજા અચી,
 કૃષ્ણ કમળ રો કુણા વનમે ફરોતા આચી, અણ વણ સલુંણા.
 સારો ડીં ઈજ ગાલ, જડે જાઘતી અચે, મંજ માયલો મુજાય, જીવ કત નતો રુચે.
 વરી ગાયું ચારીને, હરી ઘરે વરી અચો, સંઘયાજે રંગમે, સ્યામ સ્યામ થઈ નચો.
 ઉ સુરતા આજી સ્યામ, રજસે ભરેલી ઈ, નજરે ડસીને નાથ, ધલમેં વસેતી ઈ.
 નત સુભાણે આચી, વીર વનમે તાં રમો, વ્રજકે વસારે નાથ, ઉત હેકલા ઘુમો.
 હત નત અસાકે દી, જુગ જેળાતાં લગે, એળા ગુજારીયું ડી, ઈ ગાલ ચતમેતી યુગે.
 સમરણતાં આંજો સ્યામ સુખકારીતાં ઈ અચ, ત્રેવિધ જા ઈ તાપ તા મટાય તો ઈ ભય.
 રમપતી રમેસ, આંજી ભકિતાં ડીજા, આંજી દાસીએકે સ્યામ, સુખ ચરણ જ ડીજા.
 આંજી ચરણ પાદુકાજો, ધ્યાનતાં ઘરે, રખબો રુદયેમે ઈ, હરી હરે હરે કરે.
 દેયાળુ દેવ આચી, હાણે દયા ક્યો, પ્રગઠ થઈ વિજોગજા, દુખ હરી હર્યો.
 કમળાપતી શ્રી કાન્ત, હાણે હંધ થઈ પ્રભુ, અસા રકિ કે રીબાય, કત લકીવઠા વિભુ.
 વરી બીરદ આંજો આચી, યાઘતાં કરે, દરસન દયો હરી, હરી હલી તાં કરે.
 સંસારીયેજો સાથ, ઈ છડેતાં કરે, હલી આવયું હન ઘાટ, ભેખ પરેતાં કરે.

હરી ક્યો ન નીરાસ, મજ માયલો મરે, હી છેલો અય અવાજ, જોત જોર તી જરે.

હરી પ્રગઠ થીએતા. દોહરા

ગોપીએજી વિનંતી, સુણી કરેને સ્યામ, પ્રગઠ થેયા પ્રથ્વીપતી, ગીરધારી ઘનસ્યામ
ભક્તે ઈ ભુધરો, ધોડી પુજે ઈ ધરાર, આયો અજ અવનીપતી, વ્રજ મંડળ મોરાર.
જગ નીયંતા નાથજી, કથા અય ઈ અનંત, વાણી વચારી કી પુજે, સભર ભયો ભગવંત.
હે રાજન હી હરી કથા, સોધે લા મજ સાર, ગોતે ઘનકો સંતકે, કાં કઢ મંજલાકાર.
હે રાજનહી હરી કથા, જગમેન જેજી જોડ, ગોપી પઘકે કી પુજા, ચે જોડેજા હથજોડ.

ઈતિ અધ્યાય ૩૧

અધ્યાય ૩૨ : શ્રીકૃષ્ણ પ્રગઠ થિયેંતા

દોહરા

અધ્યાય બત્રીજી કથા સમજાઈ એ સુખ સાર, ફરી હરી શ્રીપ્રગઠયા સુણી ગોપીએજા પુકાર.
હસી સ્યામકે ગોપીયું અચતચર્યાં નમન કરીત્યું, અખીયે ધારાઉ વયે દંડવત પગમે પેત્યું.

રાગ કાનરો. છાપી ઘટા ઘનઘોર

પ્રગઠયા નંધકુમાર વનમે, પ્રગઠેયા નંધકુમાર
ગોપીએજી સુણી અરજઈ, ધોળી પુગા ધરબાર.
નાથ નીરંજન નજરે ડઠા, ત ગોપીએજો ભભકાર
સબધ કુછે પણ સુજેનતાઈ, અખીયેજા અણસાર.
ગેરે વરીયું ઈ કાન કુંવરકે, ગોપીયુંતાં ચોધાર
હથ જોડેને કરી અરજી, હસી સ્યામ ધીધાર.
નમન કરે કો સામે સરકે, કોઈ કરેતી વિચાર
ચતમે કો ચીંતન કરેતી, કોય મન જપે મોરાર.
કોય ગોપી હથ જલેં હરીજી, કોય પગ કરેતી પખાર
કોય કંધમે હથ આંટી મારે, ઉભી વટ ધોડી ધરાર.

ભગવાન પ્રગઠયા ત ગોપીયુ રાજી રાજી થઈ વયું કૃષ્ણકે ઈ ચોભર ઘેરે વરયુ સેવા કરીત્યું
ઈ કથા સુખદેવ ચેતા.

ચોપાઈ

સો સત ગોપીયુ સેવા કરીયે, વટ વયી ઈ ધ્યાન જ ધરીયે
તડાકાર થઈ પરલે પંધમે, સ્યામ હસેત્યું પંઢજે ઘલમે.

ભગવાન મે લીન થઈવ્યું.

સાયરમે જી બીંદુ સમાજે, ચંધરજી જી ચાંદની પથરાજે
સુમનમેજી સુવાસ હલકે, કૃષ્ણરૂપમે ગોપી મલકે.

ઘોર ઘટા ઘન વન ચેમકેજી, લેર સાયરમે ચં ડસજેતી
 તીજ ગોપીયુંને કૃષ્ણ વચમે, સોભેત્યું અજઈ વનમે.
 જન પધલા જોગી જપ કરીયે, વચી વનમે ઈ ધ્યાન ધરીયે
 વરે હજારુ વ્યાજ ડે નકરી, તડે ડસે ઉ પટ બો અખરી.

દોહરો

સમરણ કરેને ગોપીયું, હલી પુગીયુ ઉન હંધ, જન પંધ જોગી પુગા, ઈ સારે પુગીયું પંધ.
 દરસન કરે શ્રીસ્યામજા, થયું ગોપીયું ન્યાલ, જપ તપ ક્યાં ન મુરઈ, ન જાણે સાદજી ગાલ.
 પતી ભાવસે પુજેને, ગોતે ઘણા ઈ લાલ, બાળ રૂપમે લીન ઈ, જોરયા જગ જંગલ.

રાગ: વાઘેશ્રી, મુખડા ક્યાં દેખો

ગોપીએજી હી ડસી ઘેલછા, રાજી થયા રણછોડ રે
 પ્રગઠ થયા પલમે પરમેસર, સ્યામ ઉભા સજોડ રે. ગોપીએજી....

ભગવાન ચેતા.

મુકે મલાણ આર્થી અનધન છડેયા, છડેયા ઘરને બાર રે
 સગા સંબંધી છડે સમુરા, છડે જગ મર્યા ડરે. ગોપીએજી....
 જગમે મુંજી માયા બરુકી, પથરે જભરી જાર રે
 ઉન માયાજા આયી બંધન તોડે, પુગીયું આર્થી ઉન પાર રે. ગોપીએજી..
 માન મરતબો છડેયા મલિતે, છડેયા દેહ કત કાર રે
 હલી આવયું છેલી હંધ તે, ખોલે મુજા ધવાર રે. ગોપીએજી...
 હન જગમે તાં કોય જીવજો, રખા ન આંઉ ભારે રે
 આરઘીકાઉ આંચી રુણ ચળાયા, મું તે આર્થી ધરારે રે. ગોપીએજી...
 ભગવાન અતરો ચચી ગોપીએ કે રાજી કેયાં.

દોહરો

હે રાજન હિ લીલો બ્રમજી આપ બ્રમ મલાણજી વાટ, ગોપીયું ઈ વતાયવ્યું જીવ લાય સીધો ગાટ
 હે રાજન હીં પરમપધ, અય અગોચર ખાણ, પાર પુજણ ઈ ગોપીયું, સીધો ડનાં ઈ પરમાણ.
 હે રાજન હી પરમ પધ, જે જી વસમી વાટ, હલી પુગીયું ગોપીયું, છડેયા હી ખોટા ઠાઠ.
 નીરંજન નીરાકાર ઈ, સાકાર થયા સરૂપ, નર હરી નરસી નાથઈ, ઈ ભુમી તે ભર ભુર.
 રાધા કૃષ્ણજી કથા, યાઘ કરે કોય જીવ, દાસ જાડેજા જગમે ઈ, જીવ ભની પે સીવ.

ઈતિ અધ્યાય ૩૨

અધ્યાય ૩૩ : રાસ લીલા

શ્રીકૃષ્ણજી હી કથા , રાસ લીલા વર્ણન, સમજાઈયે સુકદેવજી, રાજા કરીયે મનન.
 હે ભગવન હી ભુપતી, ભવ ભય ભંજનહાર, રમેયા રાસ વ્રજભુમીમે, સમજાયો ઈ સાર.

સુખદેવજીને પ્રશ્નસુણી સુખદેવજી રાસજો વર્ણન કરીયેતા

રાગ બહાર

હે રાજન હી કથા હરીજી, વ્રજ મંડળમે વરતાણી
પોથી પુરાણે જે પને પને તે, સજી ગાલ ઈ દરસાણી. હે રાજન....
હે રાજન હી રામ કે ન્યારે, મુની વઠા ઈ વિચારીતા
સીવ સનકાદીક યાઘ કરેને, અજ તયી ઈજ વખાણીતા. હે રાજન....
વરી રાજન હી રાસ નેયારેલા, માતા સારદા આયાવા
કલમ ખણીને વઠા લખેલા, વર્ણન લીલા બ્રમજ્યા. હે રાજન....

હે પરીક્ષીત ઈ રાસ નેરેલા દેવ સવર્ગથી ઉત આયાવાને સારદાજી લીલા લખેલા કલમ
ખણીને લખણ વઠા.

બહાર

જગનિયંતા કો નાટક ને રે, માતાજી મન વિચારીતા
રાસ રમેતાઈ ડસી રમાપતી, ચોવી અવતાર સંભારીતા.હે રાજન...
અંતરીક્ષમેં અચી ઉભા ઈ, રાસ મંડળકે નયારીતા
લીલા લખણ ઈ સાવ ભુલીવ્યા, ઉભા ઉભા ઈ વિચારીતા .હે રાજન...
સજી રાત ઈ ઈજ નકરીવ્યી, માતા સારદાજી જાગ્યા
કલમ રઈવયી ઈ જ ઈ હથમે, કોરા કાગર કે વાર્યા. હે રાજન...

સુખદેવજી કથા મંડપજો વર્ણન કરીયેતા. ચોપાઈ

અન વનમે અજ સ્યામ અચેતા, કધમ જે ઈ જાળ ચળેતા
રાસ રમણ ઈ કરીયે તૈયારી, અન મંડપજી સોભા ન્યારી.
પંજ કોટી ઈ જાજમ વછાયાં, સજી ભુમીતે ઈ પથરાયા
દીગપાડેજા થંભ કરેને, ચંધરવો કેયા નભ ધરેને.
સુરજ ચંધર અત ઈ મસાલી, નોં લખ તારેજી ઉજીઆલી
વાયુ દેવ ઈ વીઝંણુ ભનીને, સનુ સનુ સાવ સરકે અચીને.
વરુણ દેવ ઈ વસ વસાઈએ, અગ્ની દેવ ઈ અગર જલાઈયે
અન મંડપજી સોભા ન્યારી, દેવ નેરણ ઈ ક્યાં તૈયારી.
દેવ વિમાનેમેં વયી આયા, મંડપ ઈ આસન જમાયા
ગંધર્વ કીનર ચારણ અચીને, સો સો સાજ ભેરા ખણીને.

સુખદેવજી ચેતા હે રાજા બ્રમાંડજો મંડપ ભનાયેને રાસ રમેતા દેવ દેવીયું અત નેરણ
આયા અચી.

દોહરા

મન મોહન ખણી બસંરી અચી વઠા મંડપમે, રાસ રમેજી કેયા તૈયારી આવયું ગોપીયું સંગમે.

મઠી વનાયા ઈ મોરલી, મઠા કુછેતા વેણ, ઈ સારો ડીં સંભારીએ, ગોપીયું મનમે સેણ.

રાગ માલકોસ

વનરાવનજી કુંજ ગલીમે, રાજ રસીલો રાસ રમેતો
ખલક સજેજો ખેલાળી ઈ, નંદળો ઈ નીગાર ભનેતો.
સરધ પુનમજી રાત ઉજારી, વનમે આયા કૃષ્ણ મોરારી
ખાણી બંસરી વંજાયી વાલમ, બંસીજા સુર છુટ છેતો.
મોર પીછી બધી મથેતે, હરી હલી હથ ઈ ખણેતો
વનાય બંસરી કરે કરામત, વ્રજ વનીતાએકે સડ કરેતો.
મન મોહન અજ મુરકે મનમે, રાગ વસંત વજાયેતો
હરે મોરલીજા સુર સુણી સલુણા, સાગર સારો હલકેતો.

અજ ભગવાન એડી મધુર બંસી વજાયીએતા જે જે સુર સો સજે બ્રમાડ ડુલી હલકી
હલેતો.

રાગ માલકોસ

ડગર ડગર થઈ ડુંગર ડુગેતા, ખળ ખળ થઈ મેથા પાણી છણેતા
ઝાળ ઝાળ પન પન પુપરમે, પીયુ પીયુજા સબ્ધ સુજેતા.
વનરાઈતાં હલકે હલકે, અવની અંબર થલકે થલકે
નાગ પતારે ઈ કન કરેતો, અવની તેં કી ખેલ ભનેતો.
સારંગ સારંગ સાથ રમેતો, કીરી ચીગાર નીચો નમેતો
જળચર જીવ જળ મથે અચેતા, સુણી બંસરી નમન કરીતા.
કોયલળી ઉત કીન કુછેતી, સુણી નાડ ઈ સરમ કરેતી
સને સને સુર સાથ ડયીને, રંગમે ઈજ રાંધ કરેતી.
મ્મગલેજા જત ટોળે ટોળા, હલી આયા ઉત જોડ જોળા
બંસીજાસુર સુણી કરેને, અચી ઉ ભાઈ ધયાન ધરીતા.
જલચર નભચર ને બ્યા ખેચર, ભાન છડે આયા ઈ ભુચર
આલમમે ઈ અવાજ પુજેતો, ખલક સજેતા ખલી હલેતો.
અવાજ અમરાપર મે પુજેતો, દેવ સભામે પસાર થીએતો
સુરપતી સુર ભેરા મલીને, અવની આયા હલી કરેને.

સરગ મજાથી દેવતા આયા મળે મંડપમે અચી વિએતાને પંઢ પંઢજે કમ પ્રમાણે કમ કરે
મંડપજી સોભા વધારીએતા.

રાગ એજ

અગ્નિ વાયુ ભેરા અચેતા, વરુણ પાણી પંઢ છંઢીતા
રાસ મંડલમે રમાપતીજા, મસાલચી ચં ભનેતા.

સજી જગતજી જાજમ ભનાયા, નીલ ગગનજી છત્ર ધરાયા
 ડોયે ડીરો દીગપાલ અચીને, પંઢજા પુરપાટ બંધીતા.
 તારેજા તોરણ બંધાણા, ગુલાલજા અત પટ ભરાણ
 કેસરજયું જત ભરે કુઢીયું, ગંગાજળજા કુંભ રખાણા
 વનરા વન્જી કુંજ ગલીમે કુલ સુગંધી અત છંઢાણા.

દોહરા

હે રાજન અજ અવનીતે, ચં ચળ્યો આકાસ
 રાત ઉજારી પુનમજી, પથરાણા પ્રકાસ.

સુખદેવજી ચેતા હે રાજા ઉન મંડપમે અજ શ્રીકૃષ્ણ અચી વીએતા બંસી વજાઈતા. ગોપીયું
 રાસ રમેલા અચેત્યું.

દોહરા

અવનીપતી ઈ અચી કરે, વઠા મંડપ એકાંત
 કર કમળ ખયા બંસરી, વજાપલા મધુકાન્ત.
 હે રાજન અન રાસમેં, કેળી કેયા કમાલ
 ખબર પઈન ખોજીં ઘે, અજ ઉભો ઈજ સ્વાલ.

સવૈયા

બંસીજા સુર સુણી સલુણા, ગોપીયું ઘર ઘર જાગેત્યું
 વન વનાણજી કરી તૈયારી, ઘરા ઘરથી નકરેત્યું.
 તદાકાર થયું ચેતન ભ્રમમે, ભાન ભુલીનેં ધોળેત્યું
 હન ધુનીયા કે છડેયા વસારે, સ્યામ મેં ચત જોડેત્યું.
 રાસ મંડળમેં અચી ગોપીયું, શ્રીસ્યામકે સીસ નમાઈત્યું
 વન માળી કે હથ જોડેને, રાસ રમણ સમજાઈત્યું.
 ઘેરે વરયુ કાન કુંવરકે, મનમે ઈ મુસકાઈત્યું
 નસવર દે કે ભુલી કરેને, સુક્ષ્મમે ઈ સમાઈત્યું.
 બાલ કૃષ્ણજી મનહર મુરતી, ધારે ઘલમે ઈ ધારેત્યું
 વકાર છોયે બરી ભસ્મ થ્યા, બાલક જેળ્યું ડસજેત્યું.
 જળ કમળજી થયુઈ જગમે, નરમળ થઈને નેરીત્યું
 સાગરમેંજી સીન્ધું સમાજે, સ્યામ રૂપમે રસ થઈ વયું.

દોહરા

ડસી ગોપીએજી ઘેલછા, ગોવિંદ રૂપ ધર્યા હજાર.

જતરી સંખ્યા ગોપીએજી હુચી અતરા રૂપ ભગવાન થયા. હકળી ગોપીને હકળો કૃષ્ણ ઈ
 કરે રાસ રમેતા.

રાગ બહાર : કૃષ્ણજે સ્વાંગ વાર્ણ

રમાપતી અજ રાસ મંડળમે, રાજ રસીલો રાસ રમેતો
ગોપીયું આવયું સો સો સંગમે, અતરા રૂપ ઈ હરી ધરેતો.
મોર પીંછ કે બધી મુગટમેં, અર્ધકાર ઈ ચં ધરેતો
કેરા કલા મથે વાર વાંકળીયા, કેસરજી ઈ આડ કરેતો.
કર કમળમેં ધમકે ઘુઘરી, ઘુઘરીજો ધમકાર થીએતો
વેણુ વઝાઈ અધર ધરથી, અવની અંભર ડુલી હલેતો.
કેળ કંધોરો પગમે ઘુઘરુ, હુમક હુમક થઈ નામ નચેતો
તાલ વજેતા ઘેરા ગગનમે, સત પતારે સબ્ધ પુજેતો.
ખલક સજેજો ખેલાળી ઈ, બાળ ભનીને ભ્રમ રમેતો
ગોપીએજે ઘેરેમે ગોવિંદ, નામી નઢણો રાંધ રમેતો.
રમાપતી અજ રાસ....

દોહરા

રાત ઉજારી પુનમજી, જત જમનાજો ઘાટ, રાસ રમે રમાપતી, અજ વનમે મધરાત.
વ્રજ વિહારી વ્રજભુમીમે, રમાપતી રમે રાસ, બાળ રૂપ ધરે બ્રમહિ, બાળ રૂપ અજાત.

રાગ પરજ

હે સો સો ગોપીયુ અચી સંગમે, રાસ મંડળમે અચી રમે તેયું
જસાવરીઓજી ઘોર ગગન કર, વજ વારેજી ચમકેત્યું.
હે કર કંકણ કરીયે રણકાર, કંઠમે માળાઉ હલકેત્યું
કનેમે કુંડલ નકમે નથડી, પગમે ઘુઘરુ ગમકેત્યું.
અંગ મરોળી તાલ તાલસે, રાગ રંગમે ગાયીત્યું
પરસેવે સે થયુ લથબથઈ, પટકે પગસે ગજઈત્યું.
ઘરર ઘરર ઘન ઘોરજી ગરજે, ગનમે ગોપીયુ ગરજેત્યું
ઘણણ ઘણણ ડગ ઘરા હલેજી, રાસ રમેઘે ડસજેત્યું.
હે ઘરર ઘરરજી સાપર ઘરજે, અવાજ અવની તેન સમાય
જળચર જીવ જળ મથે અચીઈ, ઉભા હારમે હાર લગાય.
વ્રજ મંડળમે રાસ રમેઈ, ચોડો ભુવનમેંથી રણકાર
થાવર જંગમ જીવ ચરાચર, અચી ઉભા મંડપનું બાર.
સગુણ રૂપમે રમે ગોપીયું, નિર્ગુણ મે ઈ સમાઈત્યું
નસ્વર દેહજો કરે વ રાજન, જોત મે જોત મલાઈત્યું.
હે રાજન હી રાસ નેરણઈ, દેવ વેમાને વધી આયા
જગપતીજી લીલા ન્યારે, કુલ મથાથી વરસાયા.

સુખદેવજી ચેંતા હે રાજન ઈ રાસ લીલા ભગવાનજી એડી અટપટી અય અનકે કોક અલગારી આતમા જાણી સગે ભાંકી માયાવી જીવ મજ ભીસાંજી ખોટે મારગ ચળી વને ઈ રાસ છ મેણા હલઈ ઈ ખબર કેંકે ન પઈ.

દોહરા

રાસ રમેયા રમાપતી, મેણે છ જી ઈ રાત, જગત કીં ઈ જાણી રાગે, સમજયા ઉજ પ્રભાત.
રાજા પરીક્ષીત તાં પુછે, મુની સમજાયો સાર, પતી ભાવસે પુજેને, કીં પુગીયુ ગોપીયું પાર.

સુખદેવજી ચેતા.

હે રાજન હી બ્રમ લીલા, સમજેં વિરલા સંત
આણ અધીકારીપેં રુલી, પુજે ન ઈકડે પંધ.
હે રાજન હન વિસ્વમેં, નાય સમરથકે દોસ
નયાર્યો નીગમ વિચારેને, ત મજાજ મલધો બોધ.
વરુણ વાયુને અગ્નિકે, કરેયો સજ કે યાધ
વખ શંકરતાં પી વેઆ, તેડી જ ઈ બ્રમજી રાંધ.
હે રાજન હી બ્રમ લીલા, નીરલેપ જ ઈ તાં આય
બ્રમ બ્રમ જી રાસ ઈ, બ્રમ બ્રમ મે બ્રમ સમાય.

સુખદેવજી ચેંતા હે રાજા હી રાસ નેરેલાય બ્રમાજી પણ આયાવા રાસનેરે સેસોથીએતો પોય ઈ છેલે કુરોઈ રાસમે દઠા ઈ કથા સુણો.

રાગ સારંગ

લીલા અટપટી ઈ, હે રાજા લીલા અટપટી ઈ
યોગેસર ઉ થકા વિચારે, કલ કદાન પ પઈ.
પ્રજાપતી તીન ડીં આયાવા, રાસનેરણ અત ઈ
લીલા ન્યારે ભુલા પેયા ઈ, લગા ખલેલા ઈ.
ગોપીતાં કો નજર નતીપે, રાસ મંડલમે ઈ
કૃષ્ણજા અતરૂપ હજાર, દઠા બ્રમાજી ઈ.
હે રાજા લીલા અટપટી....

દોહરા

હે રાજન હી ગાલ હરીજી, જ્ઞાન સમાધીજી ગાલ
તુરીઆ અવસ્થામે રચાયા, ગીરધાર લાલ ગોપાલ.
નર નારીજી ગાલ નાંચ હી, આય બ્રમ મલજી બારી
વતાયવ્યુ વ્રજ નારીયું, જીવકે સાવ સુખારી.
પંજ ભુતેજો છડે ઠઠારો, મથલે મારગ રમયું
માયાજી જત ગાલ જનાંચ, હકળો હરીકે નમયું.

ગોપીએજી પુર્વ જનમ

દોહરો

હે રાજન હી ગોપીયું, જેજી પુર્વ જનમજી ગાલ, દંડકવનમેં વઈ કરે, યાધ કેયાં તે ઈ ગોપાલ.
શ્રીરામ આયાવા વનમે, ભેરા સીતાજી માંઈ, સેવા ડસી શ્રીરામજી, લગી રુષીએકે નવાઈ.
સેવા કરેલા ચરણજી, વરદાન મંગેતા ઈ, મર્યાદા પુરુષોતમ, તેની વચન ડનાં ઈ ઈ.

રામા અવતારમે દંડકવનમે રામજી સેવા મુનીએ મગેયા તડે રામ વચન ડનાવા ક
કૃષ્ણાઅવતારમે ગોપીરૂપમે મુંકે ભજને સેવાકરીજા.

ભગવાન ચેંતા. દોહરા

ધવાપર જગમે જનમ ગના આંઉ, જાધવ કુળમેં જેની
ગોપીયું થઈને મલજા મુંકે, રાસ મંડળમેં તેની.

હે રાજન હી ગોપીયું, જેજી જુધી જુધી અય જાત
રુષી રૂપાકો ભક્તિ રૂપા, કો સાધન સાધે સાધ.

કો આવયુ જપતપ કરે, કોય શ્રુતયુ અવતરીયુ
અન્વય પુર્વા કો જનમીને, કો બાલકને કો વદીયુ.

હે રાજન જત વયે મર્યાદા, નહિ જત દેહજા નાતા
આતમ આતમમે મલાણજી, ઈજ લખાણી ગાથા.

જપ તપ નાંય વ્રત સમાધી, સમજણજા જત સેરા
નાદ બ્રમસે નાતો બધેયા, ઈશ્વર અંસી ભેરા.

દાન ધ્યાન નાય ભેખ ટેકકી, નાંય કત યજ્ઞજી વેદી
બ્રમ બ્રમસે નાતો બધેયા, ઈશ્વર અસી તેની.

હે રાજન હી બ્રમ વારતા, સમજાજે કી ન ઈ
વાટ ગણા ઈ પાર પુજીવ્યા, નજર ડસાજેતો ઈ.

યોગેસર અર્જુનકે, ચ્યાં ગાલ ગીતામે છેલી
મળે મારગતું છડે કરે, તું અજ શરણ પેલી.

હે રાજન હી ગોપીયું, તોડે જગજા નાતા
કરમ ધરમ ભુલી જાતકે, નેરયા બ્રમજી સાન્તા.

હે રાજન હી પાર બ્રમ, જગ વ્યાપક ઈ આય
આશુ આશુમેં ઈ વસે, વાણીમે નાં સમાયા.

સુખદેવજી બ્રમ જગ વ્યાપકકી આય તેજી તેજી ઓળખ સુખદેવજી કે ચેંતા.

દોહરા

જાતરેમેં તેલ અય, લકડી અગ્ની ન્યાર, કુલેમે અય ફોરજી, દીપક જોત વતાય.
સાયરમેંજી લેર અય, ખીરમેં ઘી સંભાર, પીંઢ પીંઢમે બમ ઈ, આતમ બ્રમ વિચાર.

રાસ લીલાજી કથા પુર્ણ કરીએત.

દોહરા

રાસ રાજન પુરી થઈ ઈ આયા જમના કીનારે, નાંચ કરેને નીગરીગયું વઠીયું અચી ઉન આરે
રજા ગની શ્રીલાલજી, ગોપિયું હલયું ઘર, માયા મોહનઈ કેયાં, કેં કે પઈનં ખબર.
હે રાજન હી હરી કથા, જાધ કરે કોય જીવ, પરા ભકિ પંઠ વરે, જીવ ભનાય શીવ.
હી કથા શ્રીકૃષ્ણજી, વ્રજમેં વરતાણી, ગાવાણી ઘરઘર હતે, પરલોક પુજાણી.
દેવ લોકથી દેવ ઈ, વધી આયા વિમાન, રમજટનેરે રાસજી, સાવ ભુલીવ્યા ભાન.
રાસ લીલા લાલજી, અજ તર્યા ઈ અજોડ, જાડેજા અત કી પુજા, જત બ્રમ ભન્યો રણાણોડ.

ઈતિ અધ્યાય ૩૩

અધ્યાય ૩૪ : શંખચુળ ઉધાર

દોહરા

રાજન હન અધ્યાયમે, શંખચુળ ઉધાર, સુદર્શનજી ગાલ બચી, ચ્યાં મુની વસતાર.
શીવરાત્રીજો અજ વ્રત અય અતરે નંદજી સજે ગામકે કોઠે કરે અંબીકા વનમેં અચેતા અત
રાત રઈ શંકરજી પુજા કરાઈતા.

ચોપાઈ

વ્રજવાસી આચી કરેયો તૈયારી, વ્રત આયો અજ મંગલકારી
શીવરાત્રીજો પુજન કરેલાય, હલધાસી પા વ્રત ઉજવેલા
વ્રજવાસી તૈયારથીએતાં, ગડા જોડેને ઈ નંકરેતાં
અંબીકા વનમે ઈ આયા, ભોળાનાથ જત ધણુ જગાયા.
સરસતીમેં સ્નાન કરેને, વ્રત રખેયા ઈ નીયમ ગનીને
શીવજીજે મંધરમેં આયા, સોડખી પુજા ભેરી ભણાયા.
અન ધનજો ઈ દાન દીયેતા, સજી રાત ઈ ભજન કરીતા
મલીને સખીયું રાસ રમેત્યું, કો કથાકો પુજન કરીત્યું.
નંદરાજા વઠા ઈન વનમે, સમરણ કરીયે શીવજો મનમે
રામ સ્યામ ઉત રાંધ કરીતા, ગોપ બાળ ઈ ભેરા ગુમેતા.
અતરેમેં ઈ અસુર અચેતો, જંગી અજગર પાપી ભનેતો
નંધ રાજા વટ ઈ અચીને, વઠો ઓનારે લાય નળીમે.
ઝબકીને ઈ નંધજી જાગ્યા, રામ સ્યામકે ઈ સંભારયા
ગોવાળીઆ ઈ નજર ડસીને, ધોડી આયા લઠું ખણીને.
અચી કરે અજગર કે મારી, નતી લગે કી અનીજીકારી
ધોડી કૃષ્ણ વટ ઈ અચેતા, અજગરજી ગાલ કરીતા.

અંબીકા વનમે વ્રજવાસી સ્નાન ધ્યાન ગુંજન કરે ને ઉત વઠા અચી નંદજી પર્યા વઠા અચી
ઉત અજગર અચી અનીકે ઓનારેતો ઈ ખબર પઈ કૃષ્ણ ધોડી પુજેતા.

ચોપાઈ

શ્રીકૃષ્ણ અત ધોડી આયા, અજગર કે ઈ ચરણ છબાયા
તેં ભેરો તાં ઉજાસ થીએતો, વ્રજજીતાં સળાકોથી એતો.
દેવ પુરુષ પ્રગઠ થઈને, ઉભો કૃષ્ણ વટ નમન કરી
હથ જોડેને કે ઈ અરજી, દંડવત પેતો સુંદીર વરજી.

રાજા પ્રશ્ન પુછેતા.

હે ભગવાન હી કીં ભન્યો, દેવ અજગર જાત
કેળી ભુલ થઈ હયા, કઈ વચી અનજી નાત.

રાજા ચેતા. રાગ કલ્લીંગડો

હે રાજન હિ વડો વિદ્યાધર, મરત લોકમે આયો
ગંગા કીનારે અચી કરેને, ગંગાજીમેં ઈ નાયો.
ભગીરથીજે સજે કીનારે, રુખી મુની ઈ વસેતા
અંગીરા કુળજા ભ્રામણઈ, જપ તપ અતે કરીતા.
તપ કરેને કાયા કમાયા, હડ ચમ સાવ ઘરી વ્યા
જટા વધારે વઠા વેરાગી, પર ભ્રમમેં ઈ રમીવ્યા.
રુખીએજી હી કાયા ડસીને, વિદ્યાધર તો ઈ મુરકે
ધનજો ભન જે મધમેં ઈ, રુખીએ સામે ગુરકે.

વિદ્યાધર રુખીએ કે ચેતા. રાગ એજ

જોગીડા આયી જનમ ગનીને, આયુસ ઈજ વનાંયા
હન કાયાજા હાલ કરેને, જીવન પસુ ભનાયા.
કારા કુભળા ડાયા ખોબલા, જટા વડીતાં વધાર્યા
દાઢી ડસો કર જાત અજજી, ભુત ભભુત લગાયા.

વિદ્યાધર રુખીઓજા હી અપમાન કરેતો તડે હકડા સાધુ વિદ્યાધરકે અનજો મો ડસી શ્રાપ
ડીએતા.

રાગ સુણી

ઈ સામે શ્રાપ જ ડીંતા રુખીઈ, સામે શ્રાપ જ ડીંતા
અજગર થઈને પો અવનીતે, વિદ્યાધરકે ઈ ચેંતા. સામે શ્રાપ.....
શ્રાપ સુણીને ઈજ વિદ્યાધર, દેતો અત ઈ નમીતા
માફ ક્યો યોગેસર સોમી, કેયો મુંહી અંધ ભનીતા. સામે શ્રાપ...
અરજ સુણી ઈ વિદ્યાધરજી, સાધુ ક્ષમા ઈ કરીંતા

ઘવા પર જગમે જોગે સરઈ, જેની જનમ ધરીધાં. સામે શ્રાપ...
 યાદ રખજી તું તીથી ઈ મનમે, ઉધાર ઉજ કરીધાં
 ઉધાર કેયાં ઈ અજ યોગેસર, મોહન મુગત કરીતાં. સામે શ્રાપ...

દોહરા

હે રાજન હન જગતમે, કરીયે સંત ઉપકાર, ખણી ભાર ઈ પંઢ મથે, ધર્મ જો ઈ ધરાર.
 સાધુ વેં ન વિસ્વમેં, થીયે જગ અંગાર, માનવતાજી છટ ક્તે, અયે પન આણસાર.
 વિદ્યાધરકે શ્રાપ મુગત કરે કૃષ્ણ અગેયા હલયા ત ઉતે રાત પઈ વધી ગોપીયું રાસ
 રમેત્યુંને ઉત ઉ અસુર શંખચુળ અચેતો.

રાગ હૈંચ

વનમે સ્યામ પધાર્યા, ભેરા અર્ધી ગોપ કુમાર રે વનમે સ્યામ પધાર્યા....
 જમનાં કીનારે ઈ ગાયું રે ચારી, બલરામ ભેરા શ્રીમોરારી
 રાસ રમે વિસ્વાધાર રે, વનમે સ્યામ પધાર્યા.
 પટ તાં પીતાંબર પેર્યા ઈ વાઘા, જરકસી જામામેં સોનજા ઘાગા
 ગલેમેં અય બંસીને, પગમે રે ઘુઘરી.
 ઘુઘરી જે ઘમકારે ફરેતાં ઈ ફુઘરી
 ભેરીયું ગોપીયું રમે રાસ રે. વનમે સ્યામ...
 ગોપ ગોવાળ ગોપીયું રાસ રમેતા ઉત શંખચુળ અસુર અચીને ગોપીજો હરણ કરેતો.
 અસુર અચેતો અત શંખચુળ નાલે આયો ઈ અવની તે નપટ અંધારે
 ગોપીએ કે સામે ન્યારે રે. વનમે સ્યામ...
 હકળી ગોપીજો ઈ હરણ કરેતો, કંધ તે ઉપાડીને ધોડી ભજેતો
 ગોપી કરેતી રાળા રાળ રે. વનમે સ્યામ...
 રાળુ સુણીને સ્યામ ધોડી અચેતા, શંખચુળજા હરી ઝંઢા જલીતા
 પટતે પછાળેયા મોરાર રે. વનમે સ્યામ...

દોહરા

શંખચુળકે સ્યામ ઈ, ઠોંસો માર્યા ઠાય, ઉથલીપ્યો ઈ પટમથે, તડે મથો ડના ઉદાય.
 મથો લાય ઈ યજ્ઞજો, માણી કહેંયા ઈ, અચી ડનાં બલરામકે, સચી માણી ઉત ઈ.
 ભગવાન શંખચુળજો ઉધાર કેયાં ઈ દેવ ભની પાંઉ ઈ પંઢજે મુલક વનેંતો ઉ સુખદેવજી
 ચેતા.

દોહરા

ક્ષકે મુગતી ડના, ફરી ભની વ્યો દેવ, જીરો કેયાં ઈ જગપતી, ઈ જ કથા જો ભેવ.
 નમન કરે શ્રીનાથકે, ચરણોમેં ઈ પેયો, રજાગની ઘન સ્યામજી, પંઢજે મુલક વેયો.
 વિદ્યાધરજી હી વારતા, બ્યો અજગરજો ઉધાર, સમજાયા સુખદેવજી સંતજા પણ ઉપકાર.

હે રાજન હન અવનીતે, સંત કમળજી જાત, લગે ભલે જગ ગુંથેલા, પણ નપટ ન્યારી નાત.
 પારસજો પરસ સેં, કંચનથીએ જી લો, તીજ સંત સમાગમે, ટરે જગજો ઈ ભો.
 હે રાજન હી હરી કથા, અસુર બીજો ઉધાર, અનુચર ઈ વરુણજો, મુગધી ડનાં મોરાર.
 હી કથા પુરી થઈ, હલી કરીજા હથ જોડ, જોડેજા શ્રીશરણમે, વંદન લખ કરોડ.

ઈતિ અધ્યાય ૩૪

અધ્યાય ૩૫ : યુગલ ગીત

હે રાજન અજજી કથા, યુગલ ગીતજી ગાલ, ગોપીયું ગાતા ઘર વધી, વનમે વા અજલાલ.

ચોપાઈ

હે રાજન અજ વેલી સવારો, કૃષ્ણ આયા જત જમના કીનારે
 કૃષ્ણ કધમજે આળ ચળેતો, નંદળી બંસરી કરમે ખણેતા.
 વનાય બંસીને કેયાં કરામત, જગ તૃમ થેયો પી અધરામ્રત
 ઈ રસ આયો વનરાવનમે, વ્રજ નારીયે જે ઈ કનમે.
 સુર સુણીને સટુ કરીત્યું, ધોડી ઘરનું બાર અચેત્યું
 ગામ પઘરમે ભેરીયું થઈને, સુણે બંસરી અતઈ વધીને.
 તનમે ઈ તાં ભાન થીએત્યું, બંસીજા ઈ વખાણ કરીત્યું
 લીલા લાલજી યાદ ઈ કરીયે, વન સામે ઈ વધીને નેરીયે.

અજ ભગવાન હેકલા જમનાજે કાંઠે મથે કધમજે આળતે ચણી વનાઈતા બંસરી અવાજ
 વ્રજમે પુજેતોને ગોપીયું ગામ પઘરમે વધી સુણેત્યું.

બંસીજી ધુનેજા વખાણ. ચોપાઈ

હે રાજન તેની અવની અંભર, ડુલી હલ્યા ઉ જભરા ડુંગર
 જંગલજા અત જીવ સના ઈ, હલી અચેતા સુણી કલાઈ.
 સુણી મોરલી મોર નચેતા, મેનાં પોપટ ધોડી અચેતા
 ચાતક ચકવા ચુપ ઈ થઈને, સુણે બંસરી ઈ વટ વધીને.
 કોયલજે કન અવાજ આયો, સુર સંઘેલા કરેતી સાયો
 પંચમ તે ઈ પંરો કુછેતી, રંગતમે ઈ રાંધ કરેતી.
 માનસરજા હંસ ઉ આયા, સારસ જોળા જોડ વેરાયા
 જલચર જીવ ઈ બાર અચેતા, કન ડઈને સુર સંઘીતાં.
 મોહન મધુરી મોરલી વનાયાં, સજે ખલક કે ઈજ ખલાયા
 ગોપીયું ગામ પઘર ગુણ ગાઈયે, સ્યામ સુંદિરકે ઘલમે ભાષીયે.

યુગલ ગીત

ગોપીયુ વખાણ કરીત્યું બંસરીજા

રાગ પરજ

જરા ન્યાર સામે તું સખી, ઘનસ્યામ કેળો સોભેતો
 કર અખાઢી અભ ચય્થો, જી મેઘ મંડળ ઓપેતો.
 સામે ડસી સ્યામકે, ઈ ગોપીયું ગુણ ગાઈત્યું
 ઘલમે ડસે એળોજ રૂપ, અત વધીને વખાણીત્યું.
 સોભેતા કુંઢલ કનકજા, કર વજ વરાકા તી કરે
 ઘનઘોર ગરજે સનીસની, તીં મોરલી સુરમે વરે.
 બઘેયા મથેતે મોરલી, ને વાર વંગળીઆ લકે
 મારાઉ પેરે મરકટી, મંજ મોગરા સોરમ પસે.
 બઘેયા કંધોરો કેળતે, અંગ કેસરી વાધા ઘર્યા
 બયા જરકસી જામા મજારા, સોનજા ઘાગા ભર્યા.
 ગાઈયે વજાઈયે અંસરી, ઈ નાયતા નત નતકરે
 અજ નચણજા ફેર કુટરી, કરતાર ધરીયા તેતરે.
 લકળીતાં ગોપી સ્યામકે કર, સામે નજરે ન્યારેતી
 લથસે કરેતી ઈ ઈસારા, સ્યામકે સમજાયતી.
 કો નેણસે કો વેણસે કો, ઘલ મજારા ઘાબેને
 રીજાઈત્યું ઈ રુઈને, કો મન મજારા મારેને.
 ગોપીયું ભગવાનજી અંસીમે લીન અર્થી તત અચે જસોદાજી અચેતા તે કે ગોપીયું ચેતા.

રાગ એજ

માતા જસોદાજી જરા આપી, સ્યામકે સમજાઈજા
 નત નેણ મારે વેણ મારે, અન વાટતાં ભઘલાઈજા.
 નંઢળે ઈ નટવરજી ડીઆણી, ચાલ ચટકેલી ડીસી
 મંજ માયલો લથ કીં ન રે, સુણી અંસરી અનજી એસી.

સુખદેવજી ચેતા.

રાજા પરીક્ષીત રાંધ હીતા, સ્યામજી સમજે નં કો
 આય જુગ જુની ઈતિહાસ, બ્યો થ્યો ન કી થીંધો નં કો.
 હી પ્રેમ ઘેલી ગોપીએજી, ગાલતાં ગુજજી સજી
 સમજે સીહાણા સંતકો, ઈ ભાવસે ભુધર ભજી.
 અભકે દેવ દેવીયું ઉત આયા અપીને ન્યારીતા.
 અંસીજા સુર સુણી અભમે, દેવ ઘોળીતા અચેતા
 ઈ વધી વિમાને ગાઈતાને, તાલ તાળી ડપી નચે.
 બયા જીવ જંગલજા જ તે, થોડી આયા વટ વઠા

ભુલી જાત પંદજી ઈ થઈ સીહાણા, ભેરા થઈ સામે વઠા.
 ઘન ઘનતાં અજ જો ડી ભલો, અજ સ્યામજી બંસી સુણી
 અજ થેયા કથાર્થ જીવ જગજા, ઈ હથ પચી હી સુભ ઘડી.
 ઘન ઘનતાં ગોકળ ગામડે, વ્રજ નારીયું પ ઘન થયું
 ઘન ઘનતાં જાઘવ જાત જે જી, જાડેજા જે કાર જે થયું.

ઈતિ અધ્યાય ૩૫

અધ્યાય ૩૬ : અરીસ્ઠાસુર ઉધાર

રાગ દોહરા

અયળો હી અધ્યાયમે, અરીસ્ઠાસુર ઉધાર, હે રાજન હી લીલાહરી, વ્રજમે કેયા હકીયાર.
 સજ અુલીવ્યો સાંજી થઈ, અવની થેયો અંધકાર, સંધયા સામે તી અચે, સીમાળા સુનકાર.
 ગાયું વરયું ઘર દીયા, ઈ ગની ઘરેજી વાટ, જાળે મથે પન પંખ પખી, કરીયા વચીને ઘોંઘાટ.
 ગાયું અચીંધેને ડસી, ગોવાલડું રાજી થયું, સામે વની ત્યું વારેલા, ડસી સ્યામકે રાજી થયું.

દોહરા

ઘર અચીને ગોપીયું, કેયા ગાઈયેજી સંભાર, કો આણીને બોગણા, થયું મેળેલા તૈયાર.

અરીસ્ઠાસુર વ્રજમે અચેતો.

રાગ ચારણ કન્યા

અરીસ્ઠાસુર અસુર અચેતો, સાન ભની ઈ સાવ અચેતો
 વ્રજ ગામમેં ગોલાણજો ઈ, સાંજીજો ઈ સાવ અચેતો.
 પગ પછાળે ઘુળ ઉડાળે, ઘઘકંઘો ઘમરાળ અચેતો
 તાળ મથે ઈ તાળ ડઈને, કારમુખો કર કાળ અચેતો.
 નક તાણે નસકોરા મારે, કારેજી હુંકાર કરેતો
 ગલી ગલીમેં ઘોડી ઘોડી, સજો ગામ સુનકાર કરેતો.
 ઘર ઘરમેં ઈ નજર ફરાયે, રામસ્યામજી સોધ કરેતો
 સુર અસુર ઈ સાન ભનીને, સાંજી જો ઈ સાવ અચેતો.

કુંસજો હલાયલ અરીસ્ઠાસુર રાતજો વ્રજ ગામમેં ઈ અચેતો શ્રીકૃષ્ણકે નેરેલાઈ ઘરા ઘરમે
 નજર કરી નેરેતો ગામમેં સોપો પઈવ્યો ઈ અસુર તડે નંધરાજીજી ઘર વટ અચેતો.

કચ્છી સંગર

સ્યામકે ઈ સોધેલા, અસુર વધેતો બર
 ગોતે તો ઘર ઘર વની, ફરાય નજર ચોભર.
 ભંધ ઘરવાજા ડસી દેલીજા, ઘોડી વને ટકર
 નર નારી કો નજર ચળે, ત જોરે વને ભખર

અચી પુગો નંધ ઘર, જત રામ સ્યામતાં રમે.
 રામ સ્યામતાં જત રમે, ઈ ઘોડી અચેતો અત
 ઉછરેતો ઈ ચચી પગે, ડસી નંઢળા બાર નપટ.
 મારો કે ઈ મોહન તે, તત નાથ નમીપ્યા પટ
 સાવ સીલાણા ઈ ડસી, અસુર કઢે ઈ સટ
 તત હરી મારે ઉછટ, સંગ બોયે જલે ગણા.
 સંગ જલેને અસુરજા, ઈ અવરી કેયાં ઉટાગ
 નીચાનમી પેયા શ્રીહરી, જભરી ખયાં ગુલાટ.
 અસુર ઉપેળેયો ગુદા ગસરે, ને મુનકે ડને મોળાટ
 કચરેલા ઈ કૃષ્ણ કે, ઈ ઘુંઘરીકે ઘુઘાંટ
 ઈ ડસી અસુરજી આંટ, ઈ સાવરો સમજીવેયો.
 સમજીવ્યો ઈ સાવરીઓ, ને સામે કેયા હરી સટ
 બખ વનીને વધા બરુકી, પાંઉ પછાવ્યા પટ.
 ફરી અસુર ઈ થેયો ઉભો, મારે તો બરસે લત
 હરી ટપી પરેયા પેયા, ને માર્યા બધી બુસઠ
 ઈ ઉધો પેયે ઉત સઠ, તત જગુ હરી જલે ગણા.
 જંગમેં જલે કરે, હરી ઉપાળ્યા અધર
 ભાજ લેજી તતરકે, તેડી જ વધા નજર.
 અધર ઉપાવ્યા શ્રીહરી, ગુમાયા ચકર ચકર
 મુળી માંગ ઈ કી ડીયે, માણીઆ સાવ સધર
 ઈ ખણી ફરયા અધર, પટતે હરી ઈ પછાવ્યા.
 પટતે હરી પછાળેયા, તત થેઓ ઈ જે જે કાર
 ઘોડી આયા દેવતા, વધી વેમાનેજી હાર.
 કુલ વર સાયા પટમથે, ઈ જ કથાજો સાર
 ઈ અરીસ્ઠજો ઉધાર, કેયાં જાડેજા હરી અતે.

અરીસ્ઠાજો વધ કરે ભગવાન ઉધારે કેયા ઈ ડસીને નારઘજી કંશ વટ વનેંતા કૃષ્ણ જનમજી
 ગાલ ચેતા.

રાગ નટકેદાર

અજ નારઘજી આયા અવની, મથુરામેં ઈ ક્યાં ગમન
 મથુરા નગરી કેરા રાજજી, જેમેં નત તનથી વકેરેમ
 રાજ સભામે અજ ઈ આયા, ગાલ તાજી અતઈ કરાયા
 રાજ કંસતુ સાવ નંધરમેં, તોજો જનમ્યો જગ ધુસમન. અજ...

નંધજીજે ઘર બાળા જનમઈ, મથુરા કેયાં ઈ ગમન
 મથુરામં ઉ મોહન પ્રગઠયા, તોજા ઉ ધુસમન. અજ...
 વસુદેવજે ઘર જનમ્યા, ગોકળ કરાયા ગમન
 રાત વચમે ઈ રાંધે રમાણી, ઉ કાળ તોતે ભમન. અજ...

દોહરા

નારધજી વાણી સુણી, કંસ ઉતેતો ઉછરે, ભાવર કે ભેરા મળે, ઈ નગર બાર તોનકરે.
 વસુદેવ કોઠાયને, બોરકે બંધન, પુરે જભરી જેલમે, આયો રાજ ભુવન.
 રાજ સભા મેં ઈ અચી, ને કેસી કે કોઠાય, સજી સમજાય વારતા, વ્રજમે ઈ હલાય.

ચોપાઈ

મલ અખાળેજી કરેતો તૈયારી, ઉત રખાયેતો ધનુસ સભારી
 કુવલાપીડ ઈ હાયે બધેતો, ચાણુરકે મરમ ઈ ચેતો.
 અકુરજીકે કંસ કોઠાયે, વ્રજ વનેલાઈ સમજાયે
 મલ અખાળેજો મુધો રખીજા, બોય ભાયકે કોઠે અચીજા.

દોહરા

આજ્ઞા દઈ અકુરકે, કંસ અચેતો ઘર, વાણી નારદ દેવજી, યાધ કરેતો ખર.
 કાયા કંપણતા લગી, નકરીવ્યો ઉ નુર, ધબકારા ધલજા વધ્યા, સાવ ઉજીવ્યો અસુર.
 હી કથા પુરી જ ક્યાં, સમજાયા સુખ સાર, દાસ જાડેજા જગતમે, હી લીલા ક્યાં મોરાર.

ઈતિ શ્રી ૩૬ કથા

અધ્યાય ૩૭ : કેસીજો ઉધાર

દોહરા

વિસ્વપતીજી વારતા, નત નત નયી અય ન્યાર
 કેસીજે હી ઉધારજી, હી લીલા ચેયા વસતાર.

કંસજો હલાયલો કેસી ઘોળો ભની વ્રજમે અચેતોને ઈ ભગવાનજી ઘરા ઘર વની સોધ કરેતો.

ચોપાઈ

અસ્વ ભનીને અસુર અચેતો, વ્રજમે ઈ તુકાન કરેતો
 જભર કાયા અસુર વધાયે, સજી વ્રજમે રાળ મચાયે.
 હણ હણાટી કરીને ઈ ઉછરે, વ્રજ સજે મે તી ઈ પસરે
 ગોત કરેતો ઈ ઘર ઘર મેં, અચી પુગો ઈ નંધ અંગણમે.
 નંઢળા છોરા ઈતો ન્યારે, હથપેતેં કે ઉતઈતો મારે
 કંસ જુકો અઝોણા ડનેવે, ઈજ ડઠે ઈ અસુર વ્રજમે.

કન સુરીયુ બોય કે ઈ ભેરી, અખીયું ન્યારેયો ત નાગણ જેરી
સટ કરેતો ઈ સ્યામકે સામે, બોય પાછીઆ ભેરાઈ વામે.
અકલ વગરજો અસુર ઈ, કઢે કૃષ્ણ તે ચોટ
ઘડો ભરાણુ પાપજો, તડે કીં ભયે ઈ ભોટ.

કેસીજો ઉધાર. રાગ

અત ત્રીકમતાં તૈયાર ઉભાવા, મનમે ઈ વિચાર કંઘાવા
પગ જલેને ગોર ગુમાયા, સો ગજ છોટો વર્ની ફગાયાં.
અસુર ઉથલી પાછો અચેતો, મો હાન તે ઈ ચોટ કઢેતો
મોં ફાળે ઈ હથ જલેલા, કચળો હથ ઈ લગો ચબેલા.

કેસી શ્રીકૃષ્ણજો હથ મોંમે જલેને ચબણ લગેતો તડે ભગવાન અલાજ વળાઈયેતા.

રાગ પરજ સાખી

અલગારી ઈ અલાજ વળાયાં, હથમેં અગ્ની કે ઉપાયા
તત લાય લગી અસુર જે અંગમે, પગ પછાળે લુછેતો મનમે.
છટકેજી ન્યારેતો બારી, મથા પછાળે લગેનતી કારી
મોહન એડી માયા રચાયા, પંઢજે હથકે જાડો ભનાયા.
દંધ ટુટા મંજ સા ગુટાણું, કેશી મંજયી મંજ મુજાણુ
અખીયું નકરી આવયું નકતે, અસુર ઉથલી પેયો ઈ પટતે.

દોહરો

અસુરજો ઉધાર થેયો, વરતયો જે જે કાર, નારદજી અત આવેયા, જત વઠા કરતાર.

નારદજી અસ્તુતી કરીયેતા. રાગ માઢ

જય જય નંધકુમાર જય જય નંધકુમાર જગતમે
અજ પધાર્યા આંચી અવની, ભુમી ઉતારણ ભાર.
જગ ધ્યધાર માયા રચાયાં, જીવ હી અપરમ પાર
ચુંજ તેં કે ચુણુ ઈ દઈએ, ખેલ ભનાયા ખરાર. જગમે...
ત્રીગુણ સે હી ખેલ ખલકજો, રજ તમ જોઈ પસાર
જીવ જનમે જાણી સગેના, ખાલી થીએ ઈ ખુવાર. જગમે...
જી અગ્ની લકડી મેં વ્યાપક, લેર સાયરજી સાર
તીં જગ વ્યાપક આર્થી વસોતા, ઈ વેદ કરીતાં ઉચાર. જગમે...
અવનીજો ઉધાર કરેલાય, આંચી ધર્યા અવતાર
કંસરાજજો કાળ ભનીને, કેયાં ભગતેજી વાર. જગમે...

નારદજી કૃષ્ણરૂપમે જતરા કમ કરેજા અર્થી કતરા કેયાં અર્થી ઈ સજી ભવિસ્યવાણી કરે
યાધી ડેરાઈયેતા.

રાજા સુણી હૈયા ક્યો ઉધાર શ્રીહરી, હૈયા ક્યો ઉધાર
 ધાં સુણી ધરણીજી આયા, ચળેયા સંતેજી વાર.
 પેલે જગમે હરી પધાર્યા, મંછ કરછ રૂપ મોરાર
 વામન નરસી નાથ ભનીને, ચાર ધર્યા અવતાર.
 તેતાં જગમે ભ્રામણ જે ઘર, પ્રગઠયા કરતાર
 રામ ભનીને રાવણ માર્યા, માનવ ધર્મ આચાર.
 અજ અવની તે આર્યા પધાર્યા, નંધ ઘર અવતાર
 પ્રગઠ થઈ પુતનાંકે માર્યા, અગ બગ અસુર ખુંખાર.
 ચાણુર મુસ્ટીક મલ મતારા, સટકાસુર અસુરાર
 વયોમાસુર વાનરકે મારે, હરી ઉતારીજા ભાર.
 ભૌમાસુર સંખાસુર મુરુ, નરકાસુર વકરાર
 કાળ યવનને મારે કંસકે, કજા જરાજી ન્યાર.
 દંત વકને સીસુ પાળઉ, પોંક ચેટી રાજ
 મથુરા નગરી મુગધ કરીજા, જાઘવ જાતજી વાર.
 ઘવારીકા નગરી નર્થી વસાઈ, વીજા વિસ્વાધાર
 છપનકુળ જાઘવ ભેરા વઈ, વડો કજા વસતાર.
 કૌરવેજી આંચી ડસી કુટીલતા, વચ વચી કજા કરાર
 પાંઢવેજા ભા ભીરુ ભનીને, શ્રીજી કજા સંભાર.
 કૈયા કીચકને કુટાય કોરવ, કજા સંતેજી વાર
 ભારતમે ભારતકે ગીતા, સજો સુણાઈજા સાર.
 અવતારી કમ પુરો કરેને, કજા વાલીજી ન્યાર
 જાઘવેજી જાત સંભારે, વીજા પપરજી પાર.
 શ્રીહરી હૈયા ક્યો કીરતાર.....

નારધજી ભગવાન અસ્તુતી કેયા અવતારી કમજી યાધી ડેરાય નમન કરે પંઢજે લોકમે
 રવાના થેયા.

દોહરા

નારધજી વાણી સુણી, મુર કેયા ઈ મારાજ, કરે ઈશારો કર કમળ, યુપ કેયાં ઈ જગતાજ.
 નમન કેયાં શ્રીનાથકે, ફરી ફરી બ્રમ કુમાર, વનાઈતાં કરતાવકે, મુખ નારાયણ ઉચાર.

વયોમાસુરજો ઉધાર. ચોપાઈ

અજ અવીનાસી આયા વનમે, ગોપ બાળને ગાયું સંગમે
 રમાપતી અત રાંધ રમેતા, બલરામજી ભેરા ભરેતા.
 વયોમાસુર અત ઈ અચેતો, ગોપબાળ ઈ તાં ભનેતો

લક બુચાણી રાંધ રમેતાં, ગટાટોપ ઈ વનમે લકેતાં.
 વયોમાસુર ગોપ ભનીં હકળે ગોપ બાળ ઉપાળે ભજેતો.
 વયોમાસુર અનીભેરા ભરેતો, અનકે પંઢવારી કારી
 હકળે ગોપકે ખાણી ખભેતેં, ચોટ કઢે પરબારી.
 અસુર વનમે અચી કરેને, કે મારણ વિચાર
 અત ત્રીકમતાં તૈયાર ઉભાવા, જલેયા અસુર ખુંખાર.
 નળી ઘબાયને હાથ પગ બધેયા, હથ પગ બધેયા ભેરા
 ઉચે ઉછાળે ઘરયા ઉંધો, અસુર ઉથી માયા કરેતો.
 અસુર ઉથીકેં કાયા પલટો, બરસે અચી બજેતો
 ઠાયને ઠોસો મોહન માર્યા, તત સામે ઈ ગુરકેતો.
 જંઢા જલે હરી નળી ઘબાયા, તીં તીં ઈ ઉછરેતો
 કારી અનજી કમ ન આવચી, ગુડેસે ઈ ગસરેતો.
 અખીયું તાણે મુઠ્ઠ પછાળે, ઈ ટપર કુટેતો પંઢજી
 હરી અચીને વેધાં વખરજી, તત તંધ તુટી પઈ અનજી.
 મોહન મારે મુગતી ડનાં, ઈ દેવ દયાળુ દાની
 દાસ જાડેજા જંગમે જેજી, કીરતી અમર ગવાણી.
 જગમે જેજી નામના, અજ તચી અય અમર
 ઈ અવતારી ઓલીઆ, વસે વ્રજમે સધર.
 વ્રજમે વ્યોમાસુર જો, છલે કેયાં ઉધાર
 હાણે મથુરા નગરજી, કથા સુણો વસતાર.

ઈતિ અધ્યાય ૩૭

ભગવાન ગોકળ અને વ્રજમે અગીયારો વરે રઈ ને ઈ અતરી લીલા કેયાં હાણે મથુરાથી કથા ચાલુ થીંધી ઈ સુખદેવજી વસતાર જે કથા કરીંધા.

અધ્યાય ૩૮ : અકુરજી વ્રજયાત્રા

દોહરા

અધ્યાય હી આણત્રીસજી, મુર કથાજો સાર, મથુરા નગર મેં ઈ વનીં, લીલા કંધા કરતાર.
 હે રાજન અજ રમાપતી, વ્રજ વસારે ગામ, વ્રજ સંભધ પુરા કરે, મથુરા વેધાં ધામ
 કંસજી આજ્ઞા ગની અકુરજી રથ જોડે મથુરા રવાના થેયા. વાટમે મનસે વિચાર કરીંધા
 અચેતા.

દોહરા

આજ્ઞા ગનીને કંસજી, જોળ્યા અકુરથ, યાધ કરે ભગવાનકે, હલધા થેયા હરીવટ.

રાગ કલ્લીંગડો

રથ વર્ષી વિચારી અકુર, અજ દરસન હરીજી થીંધા
સમરણ કરીયે ધ્યાન ધરીયે, ઈ ધલમે રાજી થીંતા.
વરી વિચારી નાંયકો તપકી, તડે મુકે મોંકો કીં મલેયો
નકી કમાણી અગલે ભવજી, પજુ ઈ સામે કળેયો.
જેકેં મલેલા જપ તપ કરીયે, જોગી રાત ડી વનમે
કલનતી પે કેંકે ઉનજી, મુકે મલધા વ્રજ મંડલમે.
રથ હલાઈયે સામે ન્યારી, મુરતી ધલમે ધારી
તાંતા પગલા નજર ચળેતા, ઈ પગલા પાવનકારી
જની ચરણે સે ગંગા પ્રગઈઈ, ત્રીભુવન તારણહારી.

અકુરજી રથ હલાઈધા મથુરાથી વ્રજ અચેતા વાટમે ઈ ભગવાનજી પગલા દઠા તડે રથતાં ઉતરી દંડવત પેતા.

દોહરા

ધજા અંકુરને શંખ ચકરજી નીસાન નજર ડસેતા, રથતાં ઉતરી સાંમે ન્યારી ધોડી દંડવત પેતા
અખીયે આંસુ છાતી ભરાણી મન વિચાર કરીતા, કંસ રાજજો દુત સમજી સ્યામ સામે કી નેરીયાં
અકુરજી ભગવાનજી મુરતી મે લીન થઈ વયા ઈ પંઢજ સરીરજો ભાન છડે વનેતા તડે
ભગવાન ધલમે દરસન દીયેતા.

દોહરા

અકુરજીજે ધલજી ધળકન, સમજીવ્યો સાવરીઓ
દરસન દીતાં અંતર પટમે, નટવર નંધ નાવલીઓ. રાગ સુણી
ડસી પગલે જા નિશાન ડસીને, પગલેજા નિશાન
વ્રજ વનાણજી વાટ વસારે, ધરીયે ધલમે ધ્યાન. ડસી પગલે...
ગોપ બારને ગાંઈયે ભેરા, ભેરા ડસેતા રામ
હથમે બંસરી પગમે ઘુઘરુ, નાય નયે ઘનસ્યામ ડસી પગલે...
મોર પીછજો મુગટ મથેતે, મથે ચંધર નિસાન
કનમે કુંડલ હલક હલેતા, જી નભમે સુરજભાણ. ડસી પગલે...
પટ પેયા અથી પીતામ્બર, સોનેરી ગુલતાંન
ડસી અકુર ઈ ભાન છડેવ્યા, મુરતીમે તાં ભાન. ડસી પગલે...

અકુરજી મુરતી મે તડાકાર થઈ વેયા અર્થી પુવા જગત થીએતા તડે રથ રવાનું કરીયેતા.

દોહરા

ચરણરજ ઈ ખણી મથેતે કેયાં વંદન વારંવાર, ફરી રથતે વર્ષી હલાયા ઈ છોવ્યા વ્રજથી બાર

દોહરા

વ્રજ ગામ મે આયા અકુર જત નંધજા ઓથાર, ડસી નંધજા સામે આયા, મલી કેંયા ઈ જવાર
રામ સ્યામ રમધા ડસી, અકુર કરી વિચાર, મનમે મુરતી મું દઠી, ઈજ અયી નંદકુમાર.
અકુર અસ્તુતી કરીયેતા ભગવાનજા દરસન કરે અતરા ભાવ વિભોર થઈ વેયા અયી.

રાગ : દેખ તેરે સંસારકી...

અકુરજા અજ નંધ અખાણમે, સામે ડસેતા સ્યામ

ઉ ધલમે રમધા વા ભગવાન.

ધલમે...

નીલ ભધન સોભે ઘન સ્યામા, ઉજરે અંગજા બલરામા

ગૌશાળા મેં ગાંઈયે ભેરા, રમે રામને સ્યામ

ધલમે....

અકુરજા કે ઈ ડસી કરીને, કૃષ્ણ આયા ધોળી કરીને

બાં જલેને વટ વેરાયા, બાલ કૃષ્ણ બલરામ

ધલમે....

અકુર કે ઘર કોઠે આયા, આસન ડઈને મથે વેરાયા

વસુદેવને દેવકી માં કે, યાધ કરી ભગવાન.

ધલમે....

અકુરજાકે ભગવાન ઘરે કોઠે આયા સનમાન કરેને પુછેતા હે કાકા મથુરાજા સમાચાર દેયો
વસુદેવને દેવકી માતાજા કીં અયીં જાઘવ મળે મજામા અયીન અકુરજા ચેતા.

દોહરા

ગાલ સુણી શ્રીસ્યામજા, અકુરજા કેયાં નમન, મથુરા નગરીજો સજો, વયીં સુણાયા વણન.

ચોપાઈ

કંસ પાપી નત કર્મ કરેતો, નંદણા બાર ઈ નત હણેતો

મલ અખાણો તાંઈ ભનાયે, આંકે ઉતઈ તડે કોઠાય.

હાણે હલણજા કયોં તૈયારી, નાંય છુટણજા બયીકો બારી

નંધરાજા આંયી ભેરા હલજા, વડે ગોપકે ભેરા ખણજા.

દોહરા

વાણ સુણી અકુરજા નંધજા થેયા તૈયાર, ગદા જા પાયા ગામજા ખયા મખણ ઘી ધાર.
ઈ કથા પુરી થયીં હાણે હલો મથુરા ગામ, કમાલ કેળી ઉત કેયા ચે જાડેજા ભગવાન.

ઈતિ શ્રી ૩૮ કથા

અધ્યાય ૩૮ : મથુરાજા તૈયારી

દોહરા

મોહન મથુરાતા વને, વસારે વ્રજગામ, રાજન હાણે હી કથા, નયી કંધા ભગવાન.
અકુરજા કે નમન કરે વટ વઠા શ્રીસ્યામ, મથુરા મામા કંસજા ખબર ગને ઘનસ્યામ

અકુરજાકે શ્રીકૃષ્ણ પુછેતા. રાગ આશાવરી

સ્વાલ પુછે ભગવાન અજ ઈ, સ્વાલ પુછે ભગવાન
 મથુરા નગરી સે આયા અકુર, તેં કે પુછે ઘનસ્યામ અજ ઈ.....
 હે અકુર કંસ મામા મુંજો, કુળા ઈ કમ કરેતો
 વસુદેવકે પુરી જેલમે, પુરા બંધે બંધન. અજ ઈ.....
 મુલા કરેને મુજ માતા, દુખજા ડુંગર ખેળ્યા
 સજી જાંદગી કઢેયા જેલમે, જોરે વધાઈ જાન. અજ ઈ.....
 સત સત ભેરા બારઈ સોંધ્યા, કંસકે પંઢજે લથસે
 અન દુખજો વાર્ણન કેણુ, સરમ થીએતી મનમેં. અજ ઈ.....
 અજતા અનજો ભધલો ડેલા, મોકો મદ લથ ચળેયો
 કરેયો તૈયારી કાકા રથજી, કરીયા વનાણ જો સાયો.

ભગવાન મથુરા વનેતાં રથ કોઠેલા કંસ હલાય અય ઈ સમાચાર વ્રજમેં ઘરા ઘર પુજી
 વનેતા.

દોહરા

મોહન મથુરા તાં વને, વ્રજમેં હલે જ હકળી ગાલ
 ઘરા ઘર વનીને ગોપીયું, પુછે પંઢ પંઢ મે સ્વાલ.
 રથ આયો અય કોઠેલા, ઈ રાજા કંસ હલાય
 વેધા રામને સ્યામ ઈ, અકુર ચ્યાં સમજાય.
 સુણી ગાલ અકુરજી, ગોપીયું થયું ઉધાસ
 હલી આવયું નંધ ઘર, અઘર જેજાં સ્વાસ
 અજ સખીયું વ્રજમે ડસો, આયા અર્પી અકુર
 કોઠેલા ઈ કૃષ્ણ કે, હલાય કંસ ઈ કુર.

ગોપીએ કે ખબર વચી ક કૃષ્ણને ભલરામકે કોઠેલા કંસ રથ હલાય અય સવારજો ઈ મથુરા
 રવાના થીધાં અતરે ગોપીયું નંધજી જે ઘરે અર્પી અકુરકે ચેત્યું.

રાગ જલવા હમારા

અકુરજી અજ આર્પી અસાંજે, કાનકે કોઠે મથુરા ન વેજા
 જન નગરીમે કરતુત થીતા, અસાંજી અરજ ઈ ઉર ઘરીજા. અકુરજી..
 જન નગરીમે મલ અર્પી મતારા, દસધેજ કારા દુતા અકારા
 હન અવનીતે અળા ઈ જમાયા, મહારથીયે કે પગમે નમાયા.
 નંઢળો ઈ નટવર સ્યામ સલુણો, ડસીને ઈ ડેઈતેકે થીધો અલુણો
 અકુરજી આર્પી ડયાતાં કરીજા, અરજ અસાજી ઘલતો ઘરીજા અકુરજી
 ભગવાનકે કોઠે રથ રવાનું થીએતો ગોપીયું પુઠીયા હલેત્યુંને કૃષ્ણકે સમજાય ચેત્યું.

રાગ ક્લીંગડો

છડે હેકલીયું આર્પી અસાકે, મોહન મથુરાન વેજા

આં વગર હી વ્રજતા વસમી, દુખજા ડીં કી વેધા. છડે હેકલીયું...
 અજ સવારો ગાલ સુણી ઈ, સોંપો પયી વ્યો વ્રજમે
 ઘર ઘરતાં ઈજ ગાલ હલેતી, અવરોતાં હી થયી વ્યો. છડે હેકલીયું...
 આં વગર હી વ્રજ સુનીને, સઝાં જમનાજા પાણી
 ગોકળ ગામજી સઝી ગલીયું, સઝી સજી સરવાણી. છડે હેકલીયું...
 સુણી ગાલ ઈ મોર બપૈયા, વઠા સુનાં થઈ વનમે
 કોયલડીતાં કીન કુછેતી, મંજ મુંજા જેતી મનમે. છડે હેકલીયું...
 અજ સવારો ગાયું મળધલ, વછળેકે ન ધારાયા
 કન ફફળાયે ખેણ છડેને, નંધ ઘર સામે ન્યાર્યા.
 હાણે વાલમ હથ જોડેને, આંકે કીં સમજાયું
 અગીઆ રાજા કંસ સુજેતો, ઈ ઉભરો કેં કેવતાયું.

ગોપીયું રથકે આડી ઉભીને કલપાંત કરીત્યું છતાં ભગવાન સામે નેરી નતા રથ તે ચળેજી તૈયારી કરીતા ગોપીયું ભગવાનજા હથ જલે મથુરા વનણ ના કરીત્યું.

દોહરા

કમળાપતીકી કન નતાડી, ગોપીયું કરી કલપાંત
 ઘોડી ઘોડી પગ પર્યાં ચે, હઠ છડેયો જગતાત.
 અખીયે પાણી પે ચોધારા, કાયા કંપન લગેતી
 છાતી ભરાણી રુવે શનું ઈ, આધાર અખીયે અચેતી.

ગોપીએજો ભાવ કલપાંત કરી ભગવાન ગરગરા થઈ વનેતાને ગોપીએ કે ચેતા.

દોહરા

ઘર વનો આર્થી ગોપીયું આજે, યોગેસર સમજાયા
 સર્વાધન ઈ સામે ન્યારે, છેલી નજર મલાયા.
 મુંકે વનાણ દેયો આંધી મથુરા, કંસ રાજા કોઠાયે
 વગર કોઠાયો કીન વનાતો, મોકો મલેયો મડ આયે.
 મુરાધ મુંજી પુરી મુંજી પુરી થીધી, આંકે ખબરન પે અનમે
 જગજુનું અથ નાતો અનસે, ઈ પુરી થીધો અન જગમે.

છેલે ભગવાન ચેતા.

રુવાણ છડેને રોજા હે મથજો, યાધ કરીજા મનમે
 આંઉ આંકે ફરીને મલધોસ, ઈ ગાલ રખજા ધલમે.

ગોપીયેકે ભગવાન આસ્વાસન ડનાં આંઉ આંકે ફરી મલધોસે તડે ગોપીયું પાછીયું ઘરે રવાના થીએત્યું ને વાટમે વિધાતાકે દોસ દીયેત્યું.

રાગ આશાવરી

સો સો વાર વિચાર વિધાતા, સો સો વાર વિચાર
 લેખ લખે લા માનવ જાતાં, ભુલ ક્યોતા ધરાર. વીધાતા...
 અવનીપતી હી આલમ ઉપાયા, ઉભો કેયાં ઈ કરતાર.
 લખયોનીમ્ને માનવ જાતી, વડો કેયા વસતાર. વીધાતા...
 જીવ જનમી આયો જગમે, કરમ કરે ઈ અપાર
 અની કર્મજો ડનેલા ભધલો, વિસ્વેશ્વર કેયાં વિચાર. વીધાતા...
 નજર ફરાયા નોય ખંઢેમે, દેવ દઠાન સરાફ
 અકલવારા આકે ડસીને, સોપ્યા કલમ કતાબ. વીધાતા...
 લેખ લખંધે વરે વ્યા નકરી, કડા ન આવયી ક્યાસ
 અજતાં આકે આયો બુઢાપો, નજર નતીપે સાફ. વીધાતા...
 ઓછી બુઢી અજ આંજી થઈ વયી, ડી ફરાયો હે માત
 જીવ જીવજા નાતા જોડે, તોતે વનો તતકાળ. વીધાતા...
 અવરા લેખ લખેલા માડી, વયી કરીજા વિચાર
 બુઢી આંજી કમ કરે નતાં, કલમકે પાછી વાર. વીધાતા.....

ગોપીયું ઈ ઘરે અચેત્યું ભગવાન રથ વયી મથુરા રવાના થઈવ્યાં રથ પુર પાટ મથુરા દીયા
 વનેતો યમુનાજી વટ રથ પુગો અતે નાંચજો વિચાર કરે રથ છોળે વધા.

દોહરા

છોળે રથ અકુરજી, આયા જમના આરે
 સ્નાન કરે શ્રીસ્વામને, વઠા અચી ઈ કીનારે.
 આજ્ઞા ગની શ્રીસ્વામજી, અકુર થેયા તૈયાર
 જળમ્ને ડુબકી મારેયા, તત આવયી કી આણસાર.
 રૂપ ચતુર્ભુજ મુરતી, થેયો પાણી મે પ્રકાસ
 શંખ ચક્ર કરમે ઘરેયાં, ઈ ઘલજો થયો ભાસ.

અકુરજી જમનામે નાર્યાંતા ડુબકી લગાયા ત મજાર ચતુરભુજ નારાયણજી ડરસન
 થીએતાં.

રાગ સુણી ભેરવી

અજઈ જમનાજી જે જળમે, અજઈ જમનાજીજે જળમે
 નારાયણકે નજર ડસેતા, ભુલા પેંતા ઈ ભરમમે. અજઈ ...
 રોષ સ્યાતે સુતા સ્યામહી, મોહન મનમે મુરકે
 લખમીજી વયી વાયુ ઢાળી, ઈકખાણી વિજન કરમે. અજઈ ...
 રામ સ્યામ મંજ રાંધ કરીતા, ગોપ બાર અર્ચી સંગમે
 રથ પંઢજો ને પંઢ ડસજેતા, વઠાઈ વનરાવનમે. અજઈ...
 વસુદેવને દેવકીજી માતા, દઠા ઈ કારા ઘરમે

નંધ જસોદા ડસજે સામે, ઉભા અપી અંગણમે. અજઈ...
 શીવ સનેકાદી નારધ સારધ, ભ્રમા વેદ ભણમે
 અઠ વસુ ઉત ઉભા અળગઈ, જોગી ધ્યાન ધરેમે. અજઈ ...
 તુસ્ટી પુસ્ટી કીરતી કાનતી, શકિ સાન્તી સંગમે
 પ્રથવી દેવી ઉભા ભેરા, યસ ગેતા ઉમંગમે. અજઈ ...
 યક્ષ કીનરને ચારણ ભેરા, યક્ષ ગેતા ઈ ઉમંગમે
 ડસી અકુર ઈ બારા આયા, તત દઠા યદુપતી રથમે. અજઈ...

ઈતિ શ્રી ૩૯ કથા

અધ્યાય ૪૦ : અકુરજી અસ્તુતી

દોહરા

રૂપ ચતુર્ભુજ નારાયણજી, દરસન કેયાં અકુર.

રાગ લાવણી

જડે જડે હન ધરતીજીને, સંતેજ આપી રાણ સુણી
 અવનીપતી તાં આપી પધાર્યા, ધોડી અચોતા અલખ ધણી.
 પેલે જુગમે આપી પધાર્યા, સનકાદીક ઈ ભ્રમચારી
 વામન નરસી રૂપ ભનીને, લીલા કેયા આંધી અશુરારી.
 નર નારાયણ નારદે થઈને, દતાત્રય મહા તપધારી
 કપીલરૂપે સાંખ્ય સાસ્ત્રજો, બોધ ડનાં આપી શ્રીકારી.
 યજ્ઞરૂપ હરી જુગમે વ્યાપક, રુષભરૂપ મે નીરાહારી
 વરાહરૂપજો અવની ઉઠાયા, વેદ ભનાયા ભવભારી.
 સાયર મેં આંધી મછ થઈને, નાવ તર્યા નીરાહારી
 ધનવંતરીને હંશ પ્રભુ રાજા, મોહીનીરૂપે મોરારી.
 બાળ ધ્રુ કે ડનાં ઈ પધવી, નંદળો ન્યારે નીજારી
 નરશીં રૂપે પ્રગઠયા પલમે, અસુર માર્યા અલગારી.
 કચ્છ ભનીને ખયાં મેરુકે, ઈ જ આંજી અય દાતારી
 વ્યાસ ભનીને ભાગવત જોરી, સાસ્ત્રેજી કેયાં સરવાણી.
 પરશુરામને રામ સ્વરૂપે, ખેલ કેયા ઈ ખરમારી
 ક્ષત્રીકુળ કે તાર્યા માર્યા, વેસ વધા આવી વિચારી.
 અજ પધાર્યા આપી અવની, નંધ ઘર નામી નીજારી
 ભાર ઉતારે હન ભુમીજો, કપીજી શ્રીહરી જે જે કારી.
 ફરી અકુરજી બાળ સ્વરૂપજી અસ્તુતી કરીયેતા.

ચોપાઈ

બાળરૂપ ધર્યા બહુનામી, શરણે રખજા શ્રીધરસ્વામી
વેરાટ રૂપ અજ દઠોમું આંજો, જમના જળમે ઉ નાંજો.
અગ્ની દેવ મુખકે મજારા, સજ ચંધર અખીયું તારા
મસ્તકમે ઈ સરગ ડસાણું, બ્યા મે જોગીએજ્યુંરપાણું.
આકાસ નાંભીનોં લખ તારા, સત લોક મથે દાતાર
ભુજામે હરી દેવ ડસાણા, પ્રાણેમેં વાયુ વરતાણ.
ઉદર મજાથી સાયર સરજ્યો, નાડી મજા નય રૂપ થયો
રાત ડીં અખીયેજા પલકારા, વીર્વથી જોગ ભન્યા બારા.
જી સાયરમે નીર સામજે, તીં બ્રમાંડ આમે સમાંજે
લખ ચોરાસી ઉપાયા જીવ, ફરી સમાયીએ થઈને સીવ.

નારાયણજી અસ્તુતી. રાગ દરસન દેવો

પાર બ્રમ પરમેશ્વર પુરણ, અખંડરૂપ અવીનાસી રે પાર બ્રમ.....
જોગી અકિ જોગસે ન્યારી, વાટ ગળા ઈ વિચારી રે
ભ્રામણ અકિ કરમ કાંડસે, ચરણ નત પખારી રે. પાર બ્રમ.....
જ્ઞાની અકિ સાન્ત સરૂપે, સમરી સાંખ વધારી રે
સાધુ સમરણ નત કરેઈ, ભગત ભાવસે ગાયી રે. પાર બ્રમ.....
પુજા કરી કોય જપ તપ કરીયે, કરીયે અકિ રીઝાઈ રે
જુની જુની જતાવાટ ગણાઈ, ઉવાંથી પાર પુગા ઉવાંથી રે. પાર બ્રમ..
સજે વિસ્વમે આયી વસોતા, અંધર બાર અલગારી રે
કીળી કુજંર રજ કણ કણમે, વ્યાપક આંચી અસુરારી રે. પાર બ્રમ..
જી લકળીમેં અગ્ની વ્યાપક, તંતુ વ્યાપક પટ મેરે
આતમમેં તી અયો વ્યાપક, પુરણ બ્રમ પસારી રે. પાર બ્રમ.....
જી કમળ દળ જળ મેં રેતા, સશી સીતળતા નેયારી રે
તીં અવની મે આંજો પસારો, ખલક નાંય કત ખાલી રે. પાર બ્રમ..

અકુરજી શ્રીકૃષ્ણજી અને જમનામે જુકો મુરત રૂપજા દરસન થયાવા અની બોયજી અસ્તુ
કરે રથ રવાનું કેયા.

દોહરા

હી કથા પુરી થઈ, સાવ સમજાયા સાર, રાજા ઈ પરીક્ષીતકે, સુખદેવજી વસતાર.
મોહન મથુરામેં વની, કેળી કેયાં કમાલ, કેં કે માર્યા તારેયા, કેં કે કેયાં ઈ ન્યાલ.
ઈ કથાકે ન્યારીયું, હલી કરી હથ જોડ, હથ જોડેને જોડેજા, જય જે શ્રી રણાછોડ.

ઈતિ શ્રી ૪૦ કથા

અધ્યાય ૪૧ : મથુરા પ્રવેસ

અધ્યાય એકતાલીસજી, મથુરાજો વર્ણન, પ્રશ્ન પરીક્ષીત પુછે, કરે મુનીકે નમન.
હે ભગવન અજ શ્રીહરી આયા મથુરા ગામ, કેડી લીલા કેયા હરી સમજાયો સુખધામ
સુખદેવજી ચેતા.

હે રાજન અજ શ્રીહરી, વસારેને વ્રજગામ, આયા મથુરા નગરમેં, જત અસુરે ક્યાં મુકામ
ગોપ છડે છડે ગોપીયું, છડેયા વનવ્રજ વાસ, છેલી નજરસે ન્યારીતા, જત રમયા વા રાસ.
સુખદેવજી પરીક્ષીત કે કથા સજ્ઞાઈતા હે રાજા અકરજી સ્નાન કરે ભગવાનજી પ્રાર્થના કરે
રથ વટ આયા તડે ભગવાન અકુરજી કે પુછેતા.

દોહરા

હલી આયા અકુરજી, જત વઠા રામને સ્યામ
રથ જોડે રથ તેં વઠા, અત પ્રશ્ન પુછેયા ભગવાન.
હે કાકા આર્પી નાંપીધે, કી હી વાર લગાયા
કે જા જળ ત્રપાણ કેયાં, કન દેવકે આંપી રીઝાયા.

અકુરજી ચેતા.

હે ભગવન હી આંજી લીલા જીવ સગે કી જાણી, રાજા કંસકે નારદજી આંજી ડનાં એ ઓરખાણી.
અનજ રૂપ જો અજ દઠા, મું જમનાજી જળમેં, ધન ભાગ અજ અસાજા, પ્રગઠયા જાધવ કુળમેં.

સુખદેવજી ઉવાચ.

હે રાજન અજ ઈ હરી, આયા મથુરા ગામ, એડી લીલા અત કેયાં, ભરી રામને સ્યામ
મથુરા જે પધરમે.

સજ ઉલી વ્યો સાંજી થઈ, અત કેયા ઈ રેઆણ
ભગીચો ઈ કંસજો, જેમે કેઈક અપી મસાણ.
ભોજન ભનાયા ખીરજા, સજી રેયા અત રાત
પો કુટી ઉજાસ થ્યો, જાગ્યા હરી સમાત.
સ્નાન ધ્યાન પાર થઈ, મનસે કરી વિચાર
યાધ આવઈ ગાલ ઈ, કેયાવા રામ અવતાર.

મથુરામે પ્રવેસ

મથુરા ગામનું બારા કંસજો ભગીચો અધ અનમે ઈ રાત રેયા સવાર થઈ ખટ કર્મ કરે
ભગવાન વિચાર કરીએતા.

રાગ હીંચ

વઈને કરીંતા વિચાર રે, અજ મથુરા પધરમે
પુરા કરે લાઈ વેવાર રે, અજ મથુરા પધર મે. વઈને...
નંધ બાવાજી ઈ આજ્ઞા ગનીને, ગોપ બાળ ઉ ભેરા મલીને

આવ્યા ઈ મથુરા મોજાર રે. વઈને....
 મથુરા નગરજી ઈ સોભા ન્યારી, રાજી થીએતા કૃષ્ણ મોરારી
 વખાણીતાં વિસ્વાધાર રે. વઈને....
 રામ લીલા હરી કે યાદ અચેતી, ઘોબી વારી પેલી નજર ચળેતી
 નોધ્યાં ઈ નંધ કુમાર રે. વઈને....

મથુરામે પ્રવેસ કેયા ઉત ઘોબી યાદ અચેતોને અગીઆ હલધા થીએતા. મથુરાજી સોભા ન્યારીતા.

ચોપાઈ

મથુરા નગરીજા ભળ ઘરવાજા, મથે લગા અચી જભરા તાડા
 મથે ડસાજે કોટ કમાનું, રાગ મથે તોપે જો ખાનું. રે વાલમ્..
 ચોકીધાર ચોકી કરીયેતાં, ખણી તરારુ પેરા ભરીયેતાં
 ગલી ગલી મેં મલ મતારા, નજર ચળેતા ઉ ચોભારા. રે વાલમ્..
 ઘરવાજે મથે તોરણ બધેયા, હીરા મોતી સે ઈ સજેયા
 મંધર મેળીયું મોલ અટારી, ઘર ઘર ડસજેતી ફુલવાડી. રે વાલમ્..
 ફટકીજા મારગ ડસજે, મોલ મોલ તે નાલા લખજે
 ડસી સ્યામ કે મથુરા વાસી, ઘોળી નકરયા ઘરનું બારી. રે વાલમ્..
 નારીયું ન્યારે નંધ કુંવરકે, અચી ઉભીયું ઈ બારા ઘરકે
 કાન કુંવરકે અચી વધાયા, ગોખ મથાકો ફુલ વરસાય. રે વાલમ્..

ગોપ ભેરા કૃષ્ણ બલરામજી મથુરા ગામમે આયા તડે ઉતે બાઈયું ભગવાન કે વધાઈયેત્યું
 મથે ફુલ છડે રાજી થીએત્યું દરસન કરે પાવન થીએત્યું.

ચોપાઈ

કો પુજા કો ધ્યાન લગાઈએ, કો કેસરકો ગુલાલ ઉડાઈએ
 કો નજર શ્રીકૃષ્ણકે ન્યારી, કો અચીને ચરણ પખારી.
 અગીઆ હલધે ઘોબી મલેતો, વાઘા કંસજા ખણી વનેતો
 ડસી કૃષ્ણાઈ સડ કરીયેતાં, ઘોબી વટા ઈ કપળા મંગીએતા.

ભગવાન ઘોબી વટા કપડા મચેતા તત ઘોબી ખારો થઈ અપમાન કરેતો ઈ કંસજો માનેતો
 અતરે જલ્યો કી જલાજે.

દોહરા

સુણી કૃષ્ણજી ગાલને, ઘોબી તપેયો તેર, શેર કઢી સામે જ થેયો, તું અર્ચી જંગલી કેર.
 હી વાઘા અર્ચી કંસજા તોકે ખબર કી નાંચ, આર્ચી ઉગાળા વનવસો આજી જાત અનાડી આય.
 ઘોબી ભક ભક કરેતો ઈ ડસી કૃષ્ણ વટ અચીને હકળી ઘક મન મથે માર્યા મથો ધળમે
 થઈવ્યોને અનજા ઉતઈ રામ રમીવેઆ ડી ડસી વેપારી અચી નમેતા.

ચોપાઈ

ઘોબીજી ઈ ગાલ સુણીને, કૃષ્ણ આયા અતઈ હલીને
 ઘોડી ઘક વધાં મુનવારી, પુરો કેયા અત હરી રંગારી.
 ઉતઈ રાળા રાળ થીએતી, સજે સેરમે ખબર પુજેતી
 વેપારી ભેરા થઈ આયા, શ્રીકૃષ્ણકે શર ઈનમાયા.
 ડસી દાખલો માલી અચેતો, હાર હરીકે અરપણ કરેતો
 નારાયણ ઈ નજર કરીતાં, વર દયીને રાજી કરીતા.

દોહરા

વનમાળી વર ડયી, અગીઆ હલધા થેયા, આગળજી હી હરી કથા, મુની પરીક્ષીતકે ચેંયા.
 મથુરા નગરમે વસે, મજ મતારા મલ, નત નત અવરી ઈ કરી, ભની ખુખાર ઈ ખલ.
 આખરજા ડી અચી પુગા, સમજે નતા ઈ સઠ, પંઢલા પંઢ બોવારેયા, મલ અખાળે જો પટ.
 હે રાજા હન અવનીમે, ઉઘાં કરે જીવ કમ, તેજો ભધલો તત મલે, પંઢજ ખાણે કલમ
 હી કથા પુરી થઈ, હલો કરીયું હથજોડ, જાડેજાજી અરજી ઈ, સુણજા શ્રીરણાણોડ.

ઈતિ શ્રી ૪૧ કથા પુરી

અધ્યાય ૪૨ : ધનુષભંગ ને કુબજાજી ગાલ

દોહરો

અધ્યાય બેતાલીસમે, કુબજાજો ઉઘાર, ધનુષબાણજી વારતા, મુની ચ્યો વસતાર.
 હે રાજન અજ જગપતી આયા જત કંસ ધવાર, સોભા ન્યારી નગરજી તત દાસી દઠા કરતાર
 કારી કુબળી કધરૂપી, પગ લંગડી ઈ સાવ, ડસી સામે સ્યામકે, અંતર જાગ્યા ભાવ.

ભગવાન ચેંતા દાસીકે.

ભરે થાર ચંદનજો સજો, તુ દાસી વનેતી કત
 કેજી પુજા તીં તુ કરીયે, ઈ ગાલ સચી ચો હત.

ભગવાન પુછેતા. રાગ કાનરો

સામે મઝીયા સ્યામ હલીને, સામે મઝેવા સ્યામ
 થાર ચંદનજો દાસી દઈ ડે, સામે મઝેયા ભગવાન. હલીને...
 સડ સુણી શ્રીસ્યામ સુંધિરજો, કુબજા કરેતી સલામ
 થાર હથોહથ ડને હરીકે, શુણા ડસી ભુલી ભાન. હલીને...

શ્રીકૃષ્ણ કુબજા વટા ચંદન મઝેયા કુબજા થાર ડને તડે ભગવાન અનકે સરૂપી ભનાઈયેતા.

રાગ એજ

પગજો અંગુઠો પગસે ધબાયા, હથસે કેયા ખેચાણ
 સોરે વરેજી સુંધરી થઈ વચી, થઈ જગકે ઈ જાણ. હલીને...

કુબજા ભગવાનકે ચેતી.

હે કેશવ હે કરુણા સાગર, ઘર પધારો ભગવાન

વર દઈ કુબજાકે કેશવ, અગીઆ કેયા પરીઆણુ. હલીને...

કુબજા વટા ચંદન ગની મળે લેપ ક્યાં ઈ યજ્ઞશાળા વટ અચેતા અન શાળામે હકળો ધનુસ

દઠા.

ચોપાઈ

રંગશાળા વટ કૃષ્ણ અચેતા, સોભા ન્યારે વિચાર કરીતાં
બાર ઉભા અર્થી મલ મતારા, નજર ફરાઈયે ઈ ચોધારા.

મંડપજી અંધર હરી આયા, સામે મલે ઉ ધનુસ વતાયા

ડસી ધનુષ ઈ હરી વિચારી, જુની ગાલ ફરી સંભારી.

ધનુસ ડસી ભગવાનકે જનકપુરી સંભરેતી. રાગ સારંગ

ઉજ આવયી ખાણસાર હરીકિ, ઉજ આવયી અણસાર

જનકપુરીને રંગ મંડપ ઉ, ઉજ ધનુષ વરમાળ. હરીકિ.....

અવધપુરીથી નકરેયો બારા, જન ડી પેલીવાર

ભેરાવા ઉ રાજ રુષીને, જભરાવા હથીયાર. હરીકિ.....

જનકપુરીમેં પેલે જ ગપલે, આવઈ ધનુસજી ગાલ

અજ આયોસે શેર મથુરા, ઈજ ઉભો થ્યો સ્વાલ. હરીકિ.....

અજ ભેરા અયી અભાણ ગોવાળ, નાંચ નંદો હથીઆર

ઉન ધનુષ ડને વર માળા, હત હી કી નાંચ અણસાર.હરીકિ...

ધનુસ ઉપાળીએતા. રાગ પરજ

રંગ શાળામેં સ્યામ અચેતા, સામે ધોળી સ્યામ અચેતા

ધનુષ ખયેજી કેયાં તૈયારી, અધર ઉપાળે ભ્રમ રમેતા.

ધનુષજો ટંકાર કરે ઈ, કંસ રાજકે ખબર ડીએતા

ધનુષજા કેયાં ટુકરે ટુકરા, ભોણ મથે ભાણકાર ગજેતા.

અભમેં ઈ આવાજ ચળેતો, ધરણી મેરુ સોંત ડુલેતો

સુરતા રોસજી સાવ છુટેતી, નીચો નમીવ્યો ધરા ધુમેતી.

સાયરમેં ઉતપાતથીએતાં, મોજા ઉચા ઉચા ઉછરેતી

મથુરાવારા વર્થી વિચારી, ટુટો ભ્રમાડ તેડી રણકારી.

દેવ વેમાને વયીને આયા, સર્વેશ્વર તે કુલ વરસાયા.

કૃષ્ણ ધનુષ ઉપાળે ગોર ગોમાય તોડે ટુકર ફગાયા ઈ ડસીને ઉત ચોકી કંઘલ બેયા અસુર
ઘોડી થઈવ્યા ભેરાને કૃષ્ણસે યુધ કરીયેતા.

ડસી કૃષ્ણકે કેં ઈ ઈસારો, હાથી ઉપળ્યો ઈ પરબારો

કરે કીકીયારી ઈ ઉછરેતો, સુંઢ ઉપાળે સામે વછટેતો.

હાથીકે સામે અચીધો ડસી, ભગવાન માવતકે ચેંતા.

દોહરા

અંધર વનેલા શાળામે, શ્રીહરી સમજાઈયે, માવત હથકર હાથીકે, ઈ સાણપસે સમજાય.
ગોવિંદજી હી ગાલકે, નતો કરે ઈ કન, તીં તીં તાં ઈ તપાયેતો, મારે અંકુસ ઈ કન.
ભગવાનજી ગાલકે કન માવત દે નતો હાથીકે સામે ઈસારો કરે કૃષ્ણ સામે હલાય ડને.

રાગ સંગર

ગજતા ગોવિંદ કે ડસી, સામે કઢેતો સટ
ગુદા ખોળે જોરસી, દંધ પછાળે પટ.
સ્થામ જલેલા સુંઢમેં, વધે વરાકો વટ
તીં તી હરી છટકી વગેં, હાથી ઉછરે ઉત
ઈ મારે સુંઢ જપટ, તીં તીં હરી છટકી વને.
છટકીવ્યા અત ઈ હરી, તત હાથી થેયો વકરાળ
અચી વળેતો વંમ મંજા, જી ભુખેલ ભુઢ ભગાળ.
ગજ ગોવિંદ એળા વળ્યા, કર કાળ મથે બ્યો કાળ
મુળી માંગ કો ડે નતો, એળા થેયા વકરાળ
ઈ ડસી હાથીજી આળ, જંગે જલેયા શ્રીહરી.
જંગુ જલેને શ્રીહરી, ઉપાવ્યા ઈ અધર
ગોર ગોર ગુંમાઈતાં, કર શ્રી હરી ચળેયા ચકર.
ભાજ જલેને નોરમે, ખણી વછટેજી તતર
તીં ખયાં ગજ રાજકે, સના નવા વા સધર
જ કુટેકરે કલંધર, ભુધર પછાળેયા ભુમીતે.

ગજરાજ કે મારે ભગવાન અનજા દંતસુળ કઢે ગણાંને બોય ખણી મલશાળામેં અચેતા
જત મથુરાજા મળે નર નારીયું મલકુસ્તીને રેલા વઠા અચી ઈ કૃષ્ણકે કેળાડપને ભાવમે
નેરીયેતા.

ચોપાઈ

અસુરકે વજાજેળા લગેતા, જુવાનીઈએકે મુળસ લગેતા
રાજાએકે લગા દંડધારી, બુઢેકે લગા બાળ મોરારી.
કંસરાજાકે કાળ જ સરખા, મલે કેયા નઈ પરખા
અજ્ઞાનીએકે વડા ડસાજે, જ્ઞાનીએકે બ્રમ જ ભાસે.
જાધવેકે ઈ ઈસ્ટ લગેતા, સનારીએકે વીર લગેતા
જન જન ભાવસે જ ન્યારી, તેં કે તેળા લગા મોરારી.
મથુરા ગામજા લોક વઠાવાતે કેં કેળા ડસાળા.

ચોપાઈ

કોક ડસેતા રૂપ ભયંકર, કોય ડસેતા નંદળો નટવર
 સાન્તરૂપ કોયે પ્રેમજી મુરતી, કો સમજેતા અખંડ જોતી.
 કેં કે સુણા કે કે ઈ ખલધા, કેં કે લગેતા આલમ કરધા
 બીં ભાયકે સામે ન્યારી, બાયુ વધીને મનસે વિચારી.
 ડઈયાત અચેતા ધોળી ધોળી, દૈઈત અચેતા રંગ શાળામે
 રંગ શાળામે રામ સ્યામકે, મારણ ઈ અસુર અચેતા.
 કો કારા કો કુબડા કાણા, ખણી તશરુ તેગ અચેતા
 કો ભેંકારી ભુત ભનીને, ભુછળા ભુંઢા ભુર ભમેતા.
 કો ડુચાળા ડઈત ડુબડા, કોય મતારા મલ અચેતા
 ઘેરે વરેયા રામ સ્યામકે, મારણજો વિચાર કરીતા.

ભગવાન તૈયારજ વા.

હી ડસી મામલો મહિપતી ઉપવ્યા, ધોળીને ઉ ધનુસ ખણેતા
 હકળો ટુકર પંઢ વટ રખેયા, બલરામે બેયો દીયેતા.
 બલરામ કે ઉત ઉભીયારે, હરી હેકલા વની વળેતા
 કુટીઆં તાં ઈ કાળ ભનીને, છપ કરેને છેલ છણેતા.
 ગજ ઘેરેમેં સરકે જી સી, અસુર ઘેરેમે હરી ટપેતા
 અસુર રાળા રાળ કરેને, હરી મથે હથ ધુધી છણેતી.
 બુધી વગરજા બઝણ લગાઈ, સ્યામ સામે સટુ કરીતા
 જોરાણુ અંત જંગ મંઢાણુ, પાપીએજો અજ પાપ ભરાણું.

દોહરા

ધનુષજોરે જટુપતી, જાગાયા અજ કંસ, અસુર માર્યા મહિપતી, સાવ વનાયા વંસ.
 સજ ઉલી સાંજી થઈ, પાં વરેયા ભગવન, નંધરાજા રાજી થેઆ, થઈ વેયા ઈ ધન ધન.

મંથુરામે કંસ.

ખબર થઈ ઈ કંસકે, ઉપડી નકરયો બાર, અસુર ભેરકે ઉતઈ, જભર માહા વકરાર.
 સજી ગાલ સમજાયમે, હાથી કરેયો તૈયાર, ધબે ધબે પીરાઈ જા, ઈ ધારુ ધભી ધરાર.
 યુક રખે ચતરા ભની, સારે કળા સકાર, ભુંસે વનજા ભીસું દઈ, ઈ જીરા ન નકરે બાર.
 હી કથાપુરી થઈ, ડના અતે વસરામ, ધનુસભંગ હરી કીં ક્યા, ચે જાડેજા ધનસ્યામ

ઈતિ અધ્યાય ૪૨

અધ્યાય ૪૩ : કુવલયાપીડ ઉધાર

દોહરા

હે રાજન અજ જગપતી, વેલા થઈ તૈયાર, ગોપ બાળ બલરામજી, ઉપળ્યા ઈ અસુરાર.

મલ્લશાળામે આવેયા જત અસુરે જો ઓથાર, નજર ફરાય ઈ ન્યારીયે ત સમજી વ્યા ઈ સાર
વડા વઠા અર્થી મંચ તે, બ્યા સીગાંસણ ધાર, બયી મથુરાજી મેધની, ઉ મંડપનું બાર.
નગર જ્યું નર નારીયું, ઈ ને રે નંધકુમાર, નમન કરે શ્રીનાથકે, કેયાં મનમે જે જે કાર.

અજ સવારો વેલા ભગવાન મથુરામે અચી વેયા અર્થી મલશાળા વટ અચેતા ઉત વચમે
હાથીકે દઠા તડે ઈ માવત કે કૃષ્ણ ચેતા.

ચોપાઈ

મલશાળા વટ સ્યામ અચેતા, વચમે ઈ ગજરાજ ડસેતા
માવત અનેક અંકુસ મારે, ભાન છડેલા ધારુ પીયારે.
ડસી કૃષ્ણકે કે ઈશારો, હાથી ઉપળ્યો ઈ પરબારો
કરે કીકીયારીને ઉછરેતો, સુંઢ ઉપાળે સામે વછટેતો.
હાથીકે સામે અચીધો ડસી ભગવાન માવતકે ચેતા.

દોહરા

અંધર શાળામે વનણ્ટે, શ્રી હરી સમજાઈતા
માવત તું હથકર હાથીકે, વાર પાઉ ઈ વતા ઈતા.
ગોવિંદજી ગાલકે ઈ, નતો કરે ઈ કીં કન
તીં તીં તીઈ તપાય તો, મારે અકુસકન.

માવત કૃષ્ણજી ગાલકે કન નતો ડેને સામે ઈ હરીકે હાથી કે છડેતો તડે હડા કૃષ્ણતા તૈયાર
જવા.

હાથી સે યુધજી કચ્છી સંગર

ગજતા ગોવિંદકે ડસી, સામે કઢેતો સટ
ગુડા ખોળે જોરસે, દંધ પછાળે પટ.
સ્યામ જલેલા સુંઢમે, વઘે વરાકો વટ
તીં તીં હરી છટકી વઝે, હાથી ઉછરે ઉત
ઈ મારે સુંઢ ઝપટ, પણ વ્યા હરી છટકી ઉતે.
છટકી વ્યા જડે ઈ હરી, તત હાથી થેયો વકરાળ
અચી વળેતો વઝાં મજા, જી ભુખેલ ભુંટ ભગાળ.
ગજ ગોવિંદ એળા વળેયા, કર કાળ મથે બ્યો કાળ
મુળી માંગકો દે નતો, ઈળા થયી વકરાળ
ઈ ડસી હાથીજી આળ, ને જગુ જલેયા શ્રી હરી.
જંગુ જલેને શ્રી હરી, ઉપાળ્યા ઈ અધર
ગોર ગોર ગુમાઈતા, શ્રી હરી ચળેયા ચકર
ભાજ જલેજી નોરમે, ખણી વછટેજી તતર
તીજ ખયા ગજરાજકે, સનાં નવા વાસધર

ઈ કુટે કરે ને કલંધર, ઈ ભુધર પછાળ્યા ભુમી તે.

ગજરાજકે મારે ઉત હરી ઉનજા દંતસુળ પળી.

ગનેતાને ઈ મલશાળજી અંધર

અચેતા અત મથુરાજા નરનારીયું યુધ નેરણ વઠા અથી ઈ કૃષ્ણ કે ડસી વિચાર ચરચા
કરીયાતી ઈ કથા ચેતા બાપુજી ચર્ચા.

મથુરાવાસીએ કે બોયભા કેળા લગે. ચોપાઈ

અશુરેકે વજ જેળા લગેતા, જુવાનીએ કે મુળસ લગેતો

રાજાએ કે લગા દંડધારી, બુઢે કે લગો બાળ મોરારી

કંસ રાજકે કાળજ સરખા, મલેકંધો મોત જ પરખા.

અજ્ઞાનીએ કે વઈ ડસાજે, જ્ઞાનીએ કે બ્રમજ ભાસે

જાઘવેકે ઈ ઈસ્ટ લગેતા, સનારીયેકે વીર ડસજેતા

જન ભાવસે જે ન્યારી, તેકે તેળા લગ મોરારી.

માળુવેકે કેવા લગેતા

કોક ડસેતા રૂપભયંકર, કોક ડસેતા નંઢો નટવર

શાંતરૂપકો પ્રેમજી ભરતી, કેકે લગેતા આલમ કંઘલ.

કેકે શુણાર્કેક ખેલધા,

બી ભાયકે સોમ ન્યારી, બાયું વઈને મનસે વિચારી.

ચોપાઈ

સામે હથસે કરીયે ઈસારા, બોય બાલકા અથી નંધવારા

વસુદેવજે ઘર જન્મેયા, નંધરાજા જે ઘર ઉછરેયા.

સ્યામ વર્ણ જો કૃષ્ણ ચોવાજે, ગોરો ઈ બલરામ ડસાજે

રામ લખણ જેડી ઈ જોડી, અજ આયા મથુરા ધોડી.

વ્રજમે પેલી લીલા વતાયાં, પુતના કે પેલા પતાયા

વ્યોમાસુરજો વંસ કઢેને, નાગ કઢેયા નથે કરેને.

સટકાસુર બકાસુર મારે, અગાસુર વધા વધારે

જમના પાણી પાવન કેયા, દાવાનળ ઉદર ઉતાર્યા.

ગોવર્ધનકે અઘર ઉપાળ્યા, વ્રજ સજીકે હરી ભચાયા

ઈ રાજા ઉતારયા માન, દેવે પાણજો કરાયા ભાન.

વ્રજમે વધીને ગાયું ચાર્યા, ગોપીએ કે રાસ રમાવ્યા

અતરીયું ગાલીયું સામે ડસાજે, નયું નયું બીયું ઈ કુછાજે.

દોહરા

જતરા કસમજા માનવી, અતરી નર્યાં નર્યાં ગાલ

નજર ખોળે ન્યારી વઠા, મથુરાવાસી લાલ.
નંઢળા છોકરા સમજી અસુર રાજી થીએતા.

દોહરા

અકલ વગરજા અસુર ઈ, ન્યારે નંઢળા બાળ, નચેતા રાજી થઈ, અજ ચળ્યો સકાર.
ખઘા બધારીયું બર કરે, મચાયા રાળા રાળ, સેતાની સજ્ઞાણી કી સગે, જૈંજો ભરાણુ કાળ.
ઈ અધ્યાય પુરો કેયો, રાજા કેયા લથ જોળ, નમન નમન ચે જાડેજા, જય જય નંધકીસોર.

ઈતિ અધ્યાય ૪૩

અધ્યાય ૪૪ : કંસ વધ

દોહરા

હે રાજન અજજી કયા, મલશાળાજો નાસ, કંસ ચાણુરકે કુટે, કંધા અસુર વિનાસ.
રામ સ્યામ સામે ડસી, અસુર થીએતાં રાજી, ચોધારા ઘેરે વરયા, પળકાર કેયાં પાજી.

ચાણુર કંસકે ચેતો.

ગોવારીઆ આવે ભલે, હિ આયા કંશજો રાજ
ડંકા વનેતા દેશમે, અવની જો આય તાજ.

ચોપાઈ

અન રાજકે રાજી જ રખણું, અન્જી આજ્ઞામે નત રોણુ
અચ પાં પઢમે ભાજી લગાયું, બળા બરજા પારખા કરીયું.
વ્રજમેં તોજી હાક વજેતી, નત નત તોજી નથી સુજેતી
મુંરો વળેજી કરતુ તૈયારી, નાંચ ભચણજી તોલા બારી.
અતરો ચયીને ઈ સટ કરેતો, અચી કૃષ્ણકે બખ વજેતો
કરે હોકારા પગ તો પછાળે, અખીયું તાંણે મુઠીયું મારે.
ત્રીકમતા તૈયાર ઉભાવા, સામે દૈઈતેં કે દસઘાવા
ઘરણીઘર ધીંગાણે ચળેયા, બોય બરુકા ઈ બાખળેયા.

શ્રીકૃષ્ણમે ચાણુર મલ કુસ્તી કરીયેતો હડા મુસ્ટીકને બલરામજી વળેતા.

ચાપાઈ

બલરામજીને મુસ્ટીક બળીયા, સામા સામે બોય ઉપળેઆ
હકળે બે જે બરકે માવી, પગ ભરાયે લથકે ચાંપી.
જો રાતા જ જલ દુત હડા અચી, સામે કચળા બાલકૃષ્ણ અચી
નગરજા નરનારી વિચારી, હીતા અઘમે થીએતા ભારી.
મથુરા નગર જ્યું નારીયું, મલી સાથમે ઈ આવયું
વળઘા ડસી બીકે બખોબખ, પંઢમે ઈ સમજાઈત્યું.

ન્યારયો સખી સામે જરા, હી ન્યારે મેં પણ પાપ અય
કોમળ કચાકત બાલુકર, સામે અસુર વકરાળ અયી
વજ જેડી કાયા જેજી, દુયા ડસો ડસજે જતા
સોભે સણુલા બાળ બોયે, જોર સે જગળે જતા.
તેકે ડસીને બાઈયું ઈ, ગાલીયું ઉતત્યું કરી
હથસે કરી પંઢમે ઈશારા, વટ વઈ કરેને કન ધરી.

બાયું ભેરીયું થઈ મલાખડો નેયારીત્યુંને કૃષ્ણને બલરામજીજી ઓર ખ કરાઈત્યું.

નયાર્યો સખી સામે જરા, જુકો સ્યામ રંગજો સોભેતો
જેજે અઝંજો પરસેવોતાં ઈ, કમળ બીંદુ ઓપેતો.
ઈ અય ખરારી ખલકજો ઈ, અજતાં અવની આવેયો
ગોકુળમે ગોવિંદ ચેતાં, માતા જસોદા જાયો.
બયો ગોરે રંગજો ઉજરો, જે જે મથેમે અય માણી
મોં સે કરેતો ગરજનાં, ધરણી હલેતી ધણ ધણી.
માસુમ અયી બોય બાલુડા, ઈ અસુરે કી મારીતા
ગજરાજકે જી સી કેસરી, તીં ડઈતે ઈ પછાળીતા.

ભગવાન ગોકુળમે જતરી લીલા ક્યાંવા ઈ મળે અતે બાયુ યાધ કરે ગાલીયું કરેત્યુંને વ્રજજી
લીલ બઈ વસુદેવજે ઘરે જનમ મળે યાધ કરીયેત્યું.

બયીતા સખી ચે બેનહી, તો કે ખબર તાં નાંચ કી
જનમ્યો ઈ જાધવકુળમે, દેવકીજો બાળ આય ઈ.
અજ આવેયો ઈ અવનીતે, અસુર વંશ વનાયલા
પેલી પતાયે પુતનાંકે, માસી ભનઈ વૈ મારેલા.
ઉઘાર કેલા અવનીજો, ઈ આવેયો અલખ ધણી
વરી થાપેલા ઈ ધરમકે, ઈ સંતેજી અરજી સુણી.
ધન ધન જસોદા માતકે, ધન ધનતાં વ્રજ જ્યું નારીયું
ધન ધનતાં ભોમી વ્રજજી, જગ ગોવિંદ ગાયું ચારયું.

મલશાળાજી પુકમે જેલ અય જત વસુદેવ, દેવકીજી પુયા અયી હતનારી વ્રજ જોકો
ચચકીરીત્યું ઈ જેલમે ઈ વાસુદેવ દેવકીજી સુણેતા.

વયી નારીયું કરી ગાલીયું, ઈ મલશાળામે વયી
સુણે ઈ વસુદેવ દેવકીજી, જેલખાને મે વયી.

ચોપાઈ

હે રાજન હી જેલજો વણન, સુખદેવજીચે સુણજા રાજન
જેલ મજરા વઠા તપસ્વી, સુણે ઈ વારતાતા ઈ ઉત ઈ.
માતા દેવકી વઠા વિચારી, સુણી સબ્ધ ઈ આસું સારી

નારાયણજો ધ્યાનજ ધરીયે, બાળરૂપ પણ યાધ ઈ કરીયે.
યાધ અચેતી અજ ઉ વાણી, રખે આપા ઉજ સારંગપાણી
બંધન મજાથી મુગત કરેલા, રાજકંસજો નાસ કરેલા.
બારે વરેજા બાળ થેઆ ઈ, દુચે દૈઈતેસે કીં પુજધા ઈ
રૂપ ચતુર્ભુન યાધ કરીંતા, ધલમે માજી ધ્યાન ધરીતા.

ભગવાન રદ્યમે દરસન દીયેતા.

તત અંતરમે ઉજાસ થીએતો, સામે રૂપ ઉજ દસજેતો
માતાજી મનમે હરખાણા, જડે બાળરૂપ ફરી ડસાણા.

દેવકી જડે સોક કેલા લગા તડે ભગવાન ધલમે દરશન દઈ આસ્વાસન દીયેતા હડા મલયુધ
ચાલુ અચ ને કૃષ્ણને ચાણુરજો જંગ હલેતો.

ચાણુર કે હરી પટ પછાળ્યા, જલે નરગોટો હથે ધબાયા
માંજારીજી ઉધર મારે, હરી વધા ચાણુરકે ઢારે.
ઘોડી ધક વંધા મુનમારી, તત અશુર કે ઉબરાળ
ટુટી કચલી ટપરજી, છાણુયો અશુર વકરાળ.
ચાણુર કે મરધે ડસી, તોસલ ઘેયો તૈયાર
ધક બુસઠ સે ધસે વંધા, દચકા ખંધે ખુખાર.

ચાણુરને તોસલકે હરી મારે ગતી ડના હડા બલ રામજીને મુસ્ટીકજે જંગ ચાલુ અચ.

ચોપાઈ

બલરામને મુસ્ટીક વળેતા, અચ બખો બખ યુધ કરીયેંતા
સેસ અસુરકે અધર ઉપાળ્યા, ગોર ગોમાણને પટ પછાયા.
દચકા તાં અત દૈઈત ખાણેતો, રત ઓકધો ઉતઈ મરેતો
સેસ સુલકે છડેયા સુમારે, ચારોય કે ધસેયા અત મારે.

ચારે મલકે મારે ભગવાન કંસજીકે નેરીયેતા.

દોહરા

મી અસુરકે મોરે કરે, નકરેયા મલશાળા બાર
નજર નતો પે કંશ કત, ઈ નયારી નંધકુમાર.

રાગ ધન કચ્છની ધરણી

કોય કંસતા રાજકે વનીં ખબરુ પોજાયો, અજ મોહન મથુરામે આયો.
જેની વસુદેવ દેવકીજી વેલ તે વોરાયે
આકાસ વાણી ઉત સબ્ધ સુણાયે
ઈ કીં યાધ તોકે નાંય, તોજો મોતજો ડી આય. અજ.....
જાવા વધેતે તું રાધ ડી જીઅણલા
અવરી તું વટ બધે તોજો જ મરણલા

હાણે કીન થીંધો કાપ, તોજા યાધકર પાપજા.

અજ ઉ અશુરારી આયો

ચાણુર મુસ્ટીક મળે મલ નજર સામે મરઘે દસીને કંશ ભકવાદ કરેતોને બે દયૈતેકે પાણી ચળાયેતા.

ચોપાઈ

કંશરાજા ઈ નજર દસેતો, મથે વધી ભકવાદ કરેતો
વજધલ વાજા ભધ કરાયે, બે અસુરેકે વટ કોઠાય.

કંશ ચેતો.

બોય ભાયકે બધી કરેને, ખાણી અયો હત જીરા જલેને
વસુદેવકે સામે જ માર્યો, જાધવેજી તાં જાત પતાયો.
કાયા થર થર થથરેતી, સાં ગુટાણુ જભ લથરેતી
આગમ વાણી યાધ કરેતો, અખીયેતાં અંધાર અચેતો.

મંચ મથે કંસ વઠો વઠો ભકવાદ કરેતો ઈ દશીને કૃષ્ણ મંચ મથે છલાંગ લગાય ચળીવ્યા કંસજા પગ જલેને નીચે ફગાયા.

મંચ મથા કંશકે જલે ઢેળીતા

હે જગત નીયેતા નજર ફરાયા, મંચ મથે ઈ કંસકે ન્યારયા
ઝપટ દઈ હરી મથે ચળીવ્યા, રાજા કંશજા હોસ ઉડીવ્યા.
ગજ ઘેરે મેં સરકેજી સી, ખયાં અસુર કે ઉતા હરીતી
જી તતર કે ભાજ ઉપાળે, પાપી કે ખયાં હરી પછાળે.
ઢસળી ધા ઈ બાર અચેતા, બોય હથેસે હરી કુટીંતા
મોહન મામા કંશકે મારે, દીન દયાળુ ડના ઉધારે.

દોહરા

કંશ ચાણુર મારેયા વરતાણુ જે જે કાર, મથુરા જાધવ જાતકે રાજી કેયા કરતાર.
વગી દુદંભી અભમથે ધોળી આયા દેવ, કુલ વરસાયા દેવતા, જય જય સર્વેસ
હરખ હલક થઈ મેધની ભયો ભયો આકાસ, સોરે કળાસે સજ થયો પર મથે પરકાસ
કેશવ મારે કંસકે ઉતારેયા ભુ ભાર, રાજ ભુવનમે રમાપતી, હલધા થેયા કુમાર
અધ્યાય ઈ પુરો કેયા કંશ મરણજી ગાલ, દાસ દયાળુ દેવ ઈ વેયા રાજ ધ્વારમે લાલ.

ઈતિ અધ્યાય ૪૪

અધ્યાય ૪૫ : માતા પીતા છોળાયેંતા

દોહરા

કંશ સહારે શ્રીહરી, હલેયા જેલ જી વાટ, દસી સધર ઈ સ્યામકે, જેલર ભગા ભુભાટ.

અય અવનીજો અધીપતી, રાજન સરજન હાર, અજાણ થઈને ઈ ફરે, મથુરાજી ભાજર.

ચોપાઈ

જેલ વટે શ્રીહરી અચેતા, ભળધર વાજા ભંધ દસજેતા
જે કે લગા અચી જભર તાળા, ચોકીધાર ઉભા ચોધારા.
શ્રી કૃષ્ણ ઈ વટ અચેતા, તંભર તાળા હરી તુડીતા
ખોલે ધવારને અંધર આયા, માત પીતાકે મસ્તક નમાયાં.

ભગવાન જેલમેં અચી તાળા તોડે અંધર અચેતા તડે માતા પીતાજા હાલ ડસી ભગવાનકે
આંસુ અચી વનેતા દંડવત થઈ માફી મચેતા.

ચોપાઈ

અખીયે પાણીપે ચોધારા, નમન કેયા શ્રીસરજનહારા
હરે હરે હરી વાણી વટેતા, હથ જોડેને કામા ગુરેતા.
ઘણે વરે આપી દુખજા કઢેયા, જેલ મજારા રેયા બધેયા
મામા કંશજો ભે વો અસાકે, કી છોળાયું અચીને આંકે.

ભગવાન ચેતા પીતાજકે.

હિ શરીર અય ઈ માનવજો, અનતે હક લગે માતપીતાજો
ધર્મ અરથને મોક્ષ મલેતો, હન કાયાસે જીવ તરી વનેતો.
અન કાયાસે જીવ જુકો ભુલેતો, માતાપીતાજી નકરીતા સેવા કરીતા
ઈ માનવ ભુલા હન ભવમેં, વના છણેતા ઉચા નરકમે.
વૃદ્ધ ભ્રામણને ભગની નારી, સંત ભગત અતીથી અધીકારી
માત પીતાને સરણા ગતજી, દીન અપંગને રોગીજનજી.
ગાય ગરીબજી સેવા કેણી, પને પુરાણેજો ઈ વાચાણી
છતા જીવ ભુલી સેવા ન કરીતા, પશુ થઈને ઈ અવતરેતા.
ઈ ચંઈને હરી હથ જોળ્યા, જેલજા તાળા દંધ સે તોળ્યા
બંધન મુગત થેયા તપધારી, સામે ન્યારે આંસુ સારી.

વસુદેવને દેવકીજી બંધનમુક્ત થયા સામે બોય ઈ રામ સ્યામકે ડસી રાજ થીએતા અખીયેમે
આંસુએજી હેલી છુટેતી ગલે લગાય બાયમે ગની મથે તે હથ ફરેને ખોરેમે વેરાઈયેતા.

દોહરા

બાલુડા બીં કે દેસી, ઉભા થેયા વસુદેવ, ખોરે વેરાય ખોજીતા, અય અસુરારી ઉ દેવ.

માતાજી વિચાર કરીયેતા. ૬૯ રાગ કાચબીનો

અજ માતાજી મન હરખાણા, બાલુળા બોય સામે દસાણા
જેલ જી ગાલ ઉ જાધ અચેતી, આકાસવાણી સામે સુજેતી. અજ...
બાલુડા બીંકે નજર ન્યારેને, માતાજીકરીયે વિચાર

જેલ મજારા જાઘી ડનાવા, ઉજ અચે આણસાર.
 તેની આયાવા નારાયણરૂપે, બાળ ભનેયા સ્યામ સરૂપે. અજ...
 નારાયણરૂપમે દરસન ડનાવા, ઈ માતાજી ચાય કરીયેતા ઉતે
 ફરી ફરી માતાજી સામે ન્યારી, જાગ્યા રદયજા ભાવ.
 સબધ બેયાસ કી બોલી શગેને, કંઠ સુકાણા સાવ
 બારે વરેજી ગાલ જી યાઘી, સામે સુજે ને થઈ ઈ તાજી. અજ...
 માતાજી મનસે કરીયે વિમાસણ, ઉવા અવનીજો તાજ
 પુત્ર ભાવસે કી બોલાયા, નતો અચે કી તાગ
 ચત ચગદોડે ચળેયા, વરી પુત્ર ભાવ પ્રગઠેયા. અજ...
 માતજી જી મન વિમાસણ, સમજી વેયા સર્વેસ
 મામા કરેને મોહ વધાયા, માયા ફેલાયા દેવેસ
 પુત્ર ભાવના પાના ચળેયા, બંધન જા ઈ દુખટરેયા. અજ...
 ભગવાન માત પીતા કે બંધન મુક્ત કરે આસવાસન દઈને કંશ જે રાણી વાસમે વનેતા.

ચોપાઈ

રાજ ભુવનમે કૃષ્ણ અચેતા, રાણી વાસ કે હરી નેરીતા
 રુવે રાણીયું ભેરીયું થઈને, રાજા કંસકે યાધ કરેને.
 ડઈ ઘલાસાને સમજાયા, મામા કંસજી વિધી કરાયા
 યાદવેકે ઈ પાછા કોઠાયે, ફરી વસાયા હરી સમજાયે.
 ઉગ્રસેનકે ગાઘી વ્યારે, જાઘવેજી ડનાં સાંખ વધારે
 વસ્તી જે જે કાર કરેતી, ફરી ફરી કૃષ્ણકે નમન કરેતી.

કૃષ્ણ કંસજી અંતીમ વિધી કરે મથુરાજી ગાઘી મથે ઉગ્રસેન કે વેરાયા યાઘવ કંસજે ધ્રાનુ
 ભજીવ્યાવા તેકે પાછા કોઠાય મથુરા વસાઈતા.

રાજ ભુવનજી લીલા. દોહરા

અજ વસુદેવ વયી કરે, નકી કેયાં નરધાર, પેલા યજ્ઞ પવિતદઈ, પોવા ભણાયા બાર.

ચોપાઈ

ગંગાચાર્યકુળ ગોર અચેતા, યજ્ઞોપવીત્રજી વિધી કરીયેતા
 રામ સ્યામકે ઈ સાણગારે, મુંડન વિધી કેયાં ઈ સારે.
 સગા સંબંધીને જાઘવ ભેરા, કેયા વસુદેવ નાતજા તેળા
 અન ધન ગૌધન દાન દનાઈ, ગર્ગાચાર્યકે રાજી કેયાઈ.

ભણાયજો પ્રસંગ. રાગ ધનાશ્રી

અજ વસુદેવ વયી કરે, નકી કેયા નરધાર
 બાલુડે બીકે ભણાયલા ઈ, નકી કેયાં નરધાર. વસુદેવ...

હરે ઉજન નગરી છીપ્રા નયતે, જત રુખીએજા ઓધાર
 સંનીપનીકે વટ કોઠાયા, સમજાયા વસતાર. વસુદેવ....
 રામ સ્યામ ઈ ભેરા વનેતા, ગુરુકુળમે કરતાર
 સેવા ગુરુજી કરીયે સજોડી, નતા વે ઈ પલભાર. વસુદેવ....
 વેદ પુરાણેને સાસતર ભેરા, છોયે ગ્રંથેજો સાર
 જંતર તંતર રાજનીતી, ઉવની સદ વસતાર. વસુદેવ....
 ચોસઠ કળાને આસન પુરા, ભેદ નીતી ભંઢાર
 સામ દામને ભેદ નીતી, ન્યાય ધમ્મ આચાર. વસુદેવ....
 અસ્વ વિધાને મનુશ્રમતી, તર્ક વિક વિચાર
 છે મેણેમેં મુરભાણી વ્યા, રજા ગણા ઈ મોરાર. વસુદેવ....

છ મેણેમેં ચોસઠ વિધા કળા સીખી ગુરુ વટા રજા મર્જેતા ગુરુકે દસાણા મર્જેલા ભગવાન તડે
 ગુરુ પંઢજો છોકરો મરી વ્યો વો ધરીયામે બુડી ઈ મનેતા.

રાગ મમતા મરેના

એજી દક્ષીણા મે મર્જેતા, રુખી વર્ષ સંદીપની
 વચન ડનાં ઈ મોરાર, સાયર બોડેને મુજો બાલુડો
 સજીવન કર્યો આંચી સરદાર એજી....
 એજી વચન દઈને હરી વર હલધા થેયા
 આયા પાટણ પ્રભાસ, યાધ અચેતી લંકા પાજજી
 ઉજ ધરીયા ઉજ પાર, એજી....

ભગવાનકે આયા ડસી ધરીયા ધોડી સામે અચી નમન કરેતો દંડવત પેતો. રામજી ગાલ
 યાધ અચેતી.

રાગ એજી મમતા

એજી સાયર ડસીને ઈ સ્યામકે, આયો ધોડીને બાર
 એજી હથના જોડેને હરી જે ચરણમે, વંદનકે વારંવાર. એજી....

ભગવાન ચેતા

એજી સાયર સમજ મુજી વાણીકે, ગુરુજો બોળે અચતું બાળ
 સજીવન કરીને મુકે પાછો દે, વધુ તું કરના વિચાર. એજી....

ધરીયા ભગવાનકે ચેતો.

એજી નાથરે નીરંજન નાય હત બાળકોય
 નાંચ કત આવથી મુકે અણસાર, શંખાસુર વસેતો
 મુજે પુટમેં ખબર અત કડેયો કરતાર. એજી....

ધરીયાજી ગાલ સુણી ભગવાન તન ટાણે જ ઉતે ધરીયાં મે જપ લગાયાને સમાસુર પટ
 પુગા.

દોહરા

સાપરજી વાણી સુણી, શ્રીહરી થેયા તૈયાર, જપ લગાયા જોરસે, ઉન પલ પુગા પાતાર.
ઘરીયાજી પેટારમે, જલેયા શંખાસુર, સ્યામરૂપ સામે દસી, ઉપળ્યો ઈ અસુર.
ઘરણી ઘર ઘબે વંધા, ને ચીરીયા અનજો પેટ, શંખ કઢેયા પંચજન્યકે, ઈ અસુર પુજ્યા ઠેઠ.
સંખાસુરકે મારે ભગવાન શંખ ખણી યમલોક અચેતા.

દોહરા

શંખખણીને શ્રીહરી, ઉપળ્યા ઈ ઉનપલ, આયા ઈ યમલોકમે, કેં કે પઈન ઈ કલ.
અચી કરે અવનીપતી સામે કેયા પળકાળ, જાગાયા જમરાજકે જમ ઉથેયો વકરાળ.

જમ રાજકે ભગવાન ચેતા. રાગ કંકલ કુપાતર

યમ રાજ મુંજી ગાલકે તુ, કન ઘરેને ધ્યાન દે
અવતાર મુજો અવનીથ્યો, નાય ખબર કી ખ્યાલ દે.
ગુરુકુળમે ગુરુ રાજકેજી, દાનમે વરદાનતા મું ડપી દનું
સજીવન કરે સોમે દીયાં, ઈ બાળ ગુરુકે ચઈ ડનું.
નીયમ ભનાયા મુજ ઈ, અન નીયમકે તોલે કરે
સોંપે દીયા ગુરુ બાલકો, ઉની લેખકે ભુંસે કરે.
ઈ લેખ ભધલી અવનીતે, અવતારે મે જી નાંચ કપી
અજ ઈજ પલ પાછી પુગી, મુંજે લથાઈ ગાલ થઈ.
હિ વખત નાંચ વિચારકેજો, યમરાજ તું તૈયાર થૈયી
સોંપે દે મુકે બાલકો, ઈ ગાલ અત પુરી થયી.
સુણી ગાલતાં શ્રીસ્યામજી, યમરાજ તાં તૈયાર થેયા
સોંપે ડના ઉ બાલકો, યમરાજ ઈ પગમે પેયા.

પાછા ગુરુકુળમે અચેતા. દોહરા

સજીવન કરે ગુરુ બાળકે, સોખ્યાં ઈ ભગવાન, નમન કરે ગુરુ ચરણમે, ફરી આયા મથુરાગામ
ગુરુ આસીસ દીયેતા.

વિસ્વેસ્વર હન વિસ્વમે નાં આંજો રોંધો અમર, યશ કીરતી કુળ નામના, ગાવા ધી ઘર ઘર.
રામ સ્યામ બોય સાથમે, કેયા ગુરુકે નમન, આયા મથુરામે ફરી, ચે જાડેજા ભગવન.

ઈતિ અધ્યાય ૪૫

અધ્યાય ૪૬ : ઉધવ વ્રજમે

દોહરો

અધ્યાય છેતાલીસમે, વણન વ્રજો સાર, યાઘ કેંયા અજ શ્રીહરી, ગોપી ગોપ કુમાર.

ગુરુકુળમે ભણી ગણી, આયા મથુરા ગામ, માત પીતાજી જે ચરણમે, પ્રથમ કેયાં પ્રણામ

ચોપાઈ

નમન કરીને હરી ઘર આયા, ગોખ જરુખે મે આસન જમાયા
હેકલા વઈને કરી વિચાર, નજર ફરાયા મેલનું બાર.
રાજન અજતા હી અવીનાસી, વઠા મેલમે અર્ધી ઉદાસી
વ્રજ ભુમી અજ યાદ અચેતી, નજર સામેતા ઈ ડસજેતી.
નંદ બાબાને યસોદા માતા, વ્રજવારેજા જુના ઉ નાતા
ગોપ બાળને જમના કીનારો, રાસ મંડળને કાલી આરો.

ગુરુકુળથી કૃષ્ણ પાછા ભણીને આયા મથુરામે અજ મેલજો એકલા વઠા અર્ધી. તડે વૃજ યાદ અચેતી.

ચોપાઈ

ગોપીએ કે હરી યાદ કરીતા, ત સામે અલુણા મોં ડસજેતા
મથુરા વનણજી નાં કેયાંને, રથ જલેને રાણુ કેયાંને.
જગજી માયા છડે કરેને, થયું વેરાગણુ મુલો કરે ને
મુંકે મલેલા ભેખ ગણાઈ, સગા સંબંધી છડે ડનાં ઈ.
અજ ઉધવકે વૃજ હલાયા, વૃજવારેજી ખબર કઢાયા
ઉધવ કે હરી વટે કોઠાયાં, સજો સાર ઈ વધી સમજાયા.

ઉધવજીકે અજ કૃષ્ણ પંડજે મેલમે કોઠે વ્રજમે હલાઈતાને ચેતા ઉધવજી ગોપીયું મુલા કરે
કલપાંત કરીએત્યું. તેકે આર્થી બ્રમજ્ઞાન ડઈ સમજાઈજા. ભગવાનજી આજ્ઞા ગની ઉધવજી રથ
જોડે વૃજ વનેતા.

રાગ આદ્ય શક્તિ તુજને નમું

સુણી સંદેસ શ્રીસ્વામજો ઉધવજી, રાજી રાજી રેળ થેયા
રથ જોડેને હલ્યા હેકલા ઉધવજી, ચળીને રથસે વેયા.
વૃજજી વાટમે વિચારીએ ઉધવજી, શ્રીહરીજો ઈ સંદેસ
મુજે વિયોગસે તસફળેત્યું ગોપીયું, તેકે ડીજા ઉપદેશ
જીવને શીવજી એકતા ઉધવજી, કર્મ બંધન અનુસાર
બંધન મોક્ષજી વારતા ઉધવજી, વધી સમજાઈજા સાર.

ઉધવજી વાટમે વિચારીતાં ક ભગવાન થેયા અર્ધી આંઈ મુજા વાઘા પેરે વૃજમે વેજા નકા
ગોપીયું કોય આંકે સામે નેરીધ્યું પ ન.

મુંજી પેરીજા પીતાંબરી ઉધવજી, વનીને વ્રજ ઈ ગામ
નંકાન નેરીધ્યું નજરસસે ગોપીયું, આંજો ન સુણીધીયું જ્ઞાન.
સમજાયા ઈ અવનીપતી ઉધવકે, વડા કરેને વખાણ
અભાણ ગામળે ન્યું ગોપીયું ઉધવજી, સમજી કીં હી બ્રમજ્ઞાન.
વરી વરી વાટમે વિચારીધા ઉધવજી, હલી આયા વૃજગામ

નંધજીજે અઝાણમે આવ્યા ઉધવજી, રથ છોડે કેયા પ્રણામ
 ઉધવજી ઘરે આયા ઈ ડસી નંધજી સામે હલી આયા ભાવસે જાલી ઘરે કોઠે આસનડચી
 વેરાયા સનમાન કરીયેતા.

સામે હલીને નંધ ભેટ્યા ઉધવજી, સારે કેયા સનમાન
 આસન દઈને વેરાયા ઉધવકે, કરાયા ઈ જળપાન.

ભોજન કેયાં ઈ ભાવસે ઉધવજી, મુખવાસ બેળા પાન
 પોય પુછેતા ઈ નંદકે ઉધવજી, સુખમે અર્પી રામને સ્યામ

જમી પરવારી ઉધવજી નીરાંતે વઠા તડે નંધજી પુછેતા હે ઉધવજી મથુરામે શ્રીકૃષ્ણને
 બલરામ મજામાં ત અચીન ઈ કડે વૃજમે અચીધા કેવો સંદેસો ચ્યો અચી અતરો ચોધ ભેરોત.
 નંધજી જી છાતી ભરાજી અચેતી.

દોહરા

યાધ અચેતી લાલજી, ગળા ગળ થેયા ઈ નંધ, અખીયે આંસુ આવેયા, ધલ વધઈ ધળકન.

નંદજી ઉધવકે ચેતા. ચોપાઈ

હે ઉધવ નત યાધ અચેતી, લીલા લાલજી નજર ચળેતી

પેલી માસી પુતનાં માર્યા, સટકાસુર કે વર્ગી વધાયો.

ત્રણાવતકે દંડ દઈને, પટતે પછાળ્યા મથે વચીને

યમલાઅર્જુન કે ઓધાર્યા, વ્યોમાસુર કે સાપ સુમાર્યા.

જમનાજી જે જેરી જળમે, જંપ લગાયા ઉને તળમે

નાગ નથેને બારા આયા, યાધ અચે ઉ ધુબેતી કાયા.

દાવાનળકે પીવ્યો લાલો, ચતર્મે ચુણકે પેયો ઈ નાલો

ગોવર્ધનકે અધર ઉપાળ્યા, ઈ વટાવી વૃજકે ભચાયા.

પલંબાસુર અસુર કે મારે, ધેનુકા સુરકે વધાઈ ઢારે

અરીસ્ઠાસુરજો નાસ કરેને, અગ બગજો વધ કરેને.

વૃંદાવનકે ડનાં ઉજારે, ગોકળ કેતાં છઠેયા તારે

ઉધવઈ જડે યાધ અચેતી, વૃજભુમી સુની સાવ સુની લગેતી.

મથુરી નત બોલે ઈ વાણી, ઉધવ ઉ સાવ નાંધ ભુલાણી

મું ભેરો જડે મથુરા આયો, ઉધવજી ઈ નજરે ન્યારેયો.

રંગશાળામે ધનુષ ઉપાળે, કરે ટુકર ઈ પટતે પછાળે

હાથીસેં જડે હલી વળાયા, ખાલી હથે હાથી કે પછાળેઆ.

ચાણુર જેળા મલ ઉ મતારા, બ્યા માર્યા જુકોવા અકારા

કંસકે માર્યા ગાલ ઈ જભરી, થઈ નકા બઈ થીધી અતરી.

દોહરા

ઓધવ લીલા લાલજી, કતરી કરીયાં જાધ, હતરી પલ વસરે નતો, ચુણકે ચત ડીં રાત.

હે ઉઘવ વૃજ વનણજી, કેયાંતે કડે ઈ ગાલ, ગાયુ ગોપ ગોવારેકે, યાધ કરીતા લાલ.
નંધરાજા કૃષ્ણને બલરામજીને નંદપણજી સજી લીલા સુણાયા તડે ઉઘવજી નંધકે ચેતા.

રાગ લલિત

ધન ધન શ્રીનંધરાય, ધન આકે દંપતી, વડા ઈ આજા ભાગ્ય, જત રમેયાં જટુપતી.
જેકે વખાણી વેદ, બ્યા શેષ જેળા ઈ, પુજા સગે ન પાર, મનમે જ ગાઈયે ઈ.
હન વિસ્વજો અય દેવ, જભેરો ઈ દાતાર, નીર્ગુણ ભન્યો ઈ નાથ, સગુણ થ્યો અવતાર.
વરી શેષ ભેરા થઈ, અંગણમેં રમ્યા, ધન ધનતાં આજી જાત, જે કે જોગેસર નમ્યા.
જી અગ્ની કાઠીમે, બજ મેં જ ઝાળજી, દીપકજી જોતમે, આભા પસારેતી.
તી વિસ્વમે જ ઈ, આણુ આણુજો રમે, નીર્ગુણ નીરાકાર, તી આંતમમે સમે.
હન જગતમેતાં જેકે, નાયકો વલો, કોય નાયં વેરીને, કોય નાયંતાં ભલો.
અજન્મા અય ઈ દેવ, નાયં બંધન કરતા, છતા ગુણસે ઈ મલી, અવતાર ધરીયેતા.
પજ તત્વજો ઈ દેહ, ઈ નાસવંત આય, અજ્ઞાની જીવેકે, ખબર કીં પ નાયં.
સચી મગીને જીવ, કમ કરે કઠા, ચોરાસીમે છણે, જીવ રુલધા ઈ દઠા.
છેલી ગળીમે જીવ, જુકો જાધ તો કરે, ચોરાસી મંજા નાવ, પારતો કરે.
કારણ રૂપ ઈ, મલી આતમાંમે ઈ, અજ ભન્યો સગુણ, વૃજ ભુમીમે રચી.
ધન ધન દંપતી, આજા ભાગ્યતાં વડાં, કતરા જનમ પજુ, ભેરા કેયા કડાં.
જગજો અય પીતા, અજ બાળતાં ભની, આંજે ઉભરે રમ્યો, ઈ ગાલ નાયં શની.

ઉઘવજી નંધરાજાકે કૃષ્ણજો ઐચ્ય સાક્ષાત ભ્રમજી ઓળખ કરાયા નંદજી રાજી થયા આ
અન વાર્તાલાપજો સજી રાત નકરી વચી.

દોહરા

સજીરાત નકરી વચી, પો કુટી થઈ પ્રભાત, જાગ્યા ઉઘવ નંધજી, ક્યા ઈ પુજા પાઠ.
રવી ઉગોરજની વચી, મંગલ વરતાણા, ઘર ઘર ગોપીયું જાગ્યું, જીવ જીવ હરખાણા.
વલોણા ઘર ઘર સુણે, કકંણજા રણકાર, પાઠપુજા મંધિરમે, ઝાલરજા જણકાર.
મંગળ ગેત્યું ગોપીયું, યાધ કરે ધનસ્યામ, રથ દસી વિચારીયે, નકી આયા ભગવાન.
ભેરીયું થઈને ગોખીયું, આવયું નંધ ધવાર, માત જસોદા કે પુછે, કડે આયા નંધકુમાર.
કડા વેયા ઈ કત વઠા, ગોપીએ પુછેયા ઈ, તડે સમજાયા વારતા, માત જસોદા ઈ.
અજ કથા પુરી કેયાં, ઉપવન નંદ સંવાદ, જોડેજા જગદીસજો પુરા ક્યાં ઈ કાંડ

ઈતિ અધ્યાય ૪૬

અધ્યાય ૪૭ : ભ્રમર ગીત

દોહરા

શુકદેવજી પરીક્ષીતકે, ચેયા નંદળો આખ્યાન, ઉઘવ વ્રજ ઈ આવેયા, ભણી કરે ભ્રમજ્ઞાન.

હે રાજન અજ્ઞ કથા, ભાખ્યાં ભંમર ગીત, વતાવ્યું વૃજનારીયું, નર્થી ભક્તિજી રીત.

ચોપાઈ

મથુરાથી અજ ઉધવ આયા, વૃજમે ઘર ઘર ગાલ પોજાયા
સુણી ગાલઈ સખીયે વટાઈ, ગોપીયું આવયું નંધ ઘરે ઈ.

જસોદાજીકે ગોપીયું પુછેત્યું.

માતા જસોદા હી સ્યામ ભનીને, કરે આપો અય કૃષ્ણ ભનીને
સ્યામ જેળો ઈ વેસ પેરેને, લગે ધુતારો ઈ રૂપ ધરીને.

જસોદાજી ચેંતા. દોહરા

મથુરાથી ઈ આવેયા, વૃજમે ઉધવજી
રખે કૃષ્ણ હલાયને, મુંકે લગેતોર્યાં.
ગોપીયું ઉધજી વટ અચી પુછેત્યું.
ગોપીયું પુછે ઈ ભેરીયું થઈને, ઉધવજી વટ ઈ અચને
ઉધવજી આંચી ભલે પધાર્યાં, મથુરાથી ખબરુ ગની આયા.
સ્યામ અસાકે ઈ યાધ કરેતો, વૃજજી ઈ કી ખબર પુછેતો
કહે અચીધો પાંઉ ઈ વૃજમે, આકે ઉધવ આય સમજમે.
છડે અસાકે વ્યો ઈ મથુરા, સુખ છડેયા અસી તેની સમુરા.
ગૌશાળા મેં ભેરાયું થઈને, યાધ કરીયો નત નત વઈને.
સગા સંબંધીજો સાથ વસારે, ભજન કરીયું નત સંભારે
કહે અચીધો વ્રજમે માવો, દરસનજો કહે મલધો લાવો.

ફરી ગોપીયું ઉધવકે પુછેત્યા. રાગ હુંડી જો

અજ ઉધવજી વ્રજમે આયા, ઈ થઈને બ્રમજ્ઞાની
ઈતા વેદ ભલે ભાણી આયા, ઈ ઉધવજીજા બ્રમજ્ઞાની ભલે આયા.

સાખી

મોહન મથુરા વ્યા વરી, વ્રજ કરે વેરાન
નાય જીયાણમે માલકી, જીઆણ મરણ સમાનરે. ઉધવજી...
અંતરમે મુરતી રમે, નેણે નટવર નંધ કુમાર
અન આધાર અઝ, અય જીઆણ અસાંજો લાલ રે. ઉધવજી...
વનરાવન સુનુ સાવને, સુનાં સરોવર પાર
ચાતક ચકવા વ્યા ભજી, કે ડસી જમના સુનાં ઘાટ રે. ઉધવજી.....
સ્યામ રંગજો સાંવરો, ને અંધર જેજા સ્યામ
અગીઆ હન અવની મથે, ઘણે કમકે કારા ઈ કાન રે. ઉધવજી.....
બલી રાજા જે યજ્ઞ મેં ઈ, ડને અસુર ઉતમાન

તોય ખોટે બંધન મે ગની, ઘભાય ઘરા ધન ધામરે. ઉઘવજી.....
 વાલીકે વનમે વઝી, કેળી કેયા ઉતરાંધ
 સુપર્ણા નકટી કરે, ભલે નીચ તોય નારી જાત રે. ઉઘવજી.....
 હે ઉઘવજી નજરે ડસો, હી કેળા અસાજા હાલ
 સમજાઈ જા ઈ સ્યામકે, અસી કેળા કેયા અપરાધ રે. ઉઘવજી.....

ગોપીયું ઉઘવજીકે સમાચાર કૃષ્ણજા પુછણ આવયુ અને પંઢજો વિયોગ કૃષ્ણજો તેજ
 વારતા ચેત્યુ. ઈ કૃષ્ણ સ્વરૂપમે લીન થઈ ગોપીયું લીલા યાધ કરીત્યું.

રાગ કલ્લીંગડો

સ્યામજી યાધ અચેતી અજ ઈ, સ્યામજી યાધ અચેતી
 નીચી નજરને સ્યામ સંભારી, મુરતી મનમે રમેતી. અજ ઈ....
 બાળ લીલાજો વર્ણન કરીયો, ગોપીયું ભેરીયું થઈને
 ઉઘવજી કે સામે ન ન્યારે, તનમે ત ભાન થઈને. અજ ઈ.....
 કોય ભનઈ અય બાલ કનેયો, કોય ખણી બંસરી વનમે
 કોય નચેતી તાલ તાલ સે, કોય વતાય ઉપવનમે. અજ ઈ....
 રાસ રમે કોય પગલા પખારે, કોય ધ્યાન ધરેતી ધલમે
 ઉઘવજી ઈ ડસી ગોપીયું, વિચારી તાં ઈ મનમે. અજ ઈ....

ગોપીએ કે પ્રેમ મગન કૃષ્ણરૂપમે ડસી ઉઘવજીતાં વિચારે મે થઈવ્યા ક હી ગજબજી ગાલ
 અય ફરી ઉઘવજીકે ગોપીયું ચેત્યું.

રાગ ભુલાતી નથી આ દુઃખી જિંદગી

ઉઘવ અસાકે યાધ અચેતી, ઉઘવ અસાકે યાધ અચેતી
 સ્યામજી મુરતી ધલમે રમેતી. ઉઘવજી...
 નંધમે ઈ નટવર, ચતળે મે ચુણકે, મઠી મઠી બોલી ઈ, કન મેતી કુણકે
 વનરા રે વનમે રાસ રમાડે, ભ્રમ સ્વરૂપ તેની વતાળે. ઉઘવજી...
 અન રૂપજો તાં ધ્યાન ધરેને, દીતાં ગુજારયું રુઈ કરેને
 ઉઘવ અસાકે સ્યામ ન મલધો વ્રજજીજ ભુમીમે રુઈ રુઈ મરબો. ઉઘવજી..
 હાણે અસાજી હધતા ટુટીવયી, ભચણજી શેરી સુજેકો નતી બયી
 ઉઘવ વનીને સ્યામકે હલાયો, જીવ અસાંજા આખી ભયાયો. ઉઘવજી...
 ઉઘવ અસાંજા હાલ હિ ન્યારે, સંદેસ ડીજા સારે સંભારે
 છેલીતાં યાધી યાધ કરે ધન, તોજી જભાનકે પુરીયારે ધન. ઉઘવજી...

દોહરો

હે રાજન ફરી ગોપીયું, સારે થયું સજાગ, ફરી ઉઘવકે પુછે, કડે ખુલધા અસાજા ભાગ
 ઉઘવ હી હિકળી ઘડી, જુગ વીતેજી ચાર, એળા ડી ગુજારીયું, નાંચ જીઆણ મે સાર.
 ગોપીયું રાધાજી જન ગોશાળામે રોધાવા ઉતે ઓઘવજીકે કોઠે અચેત્યું.

રાગ આવી આઠમની

વૃજ વનીતાજ ભાવતાં ડસી, ઉઘવજી વિચારે ચળેયા
 હીંતા ભુમી અજાણી એય, જત ઘેલાને ગામળી વસેયા. વૃજ ...
 હલી આયા ગૌશાળામે ઈ, રાધાજીકે નજર દઠા
 વઠા હેકલા ધ્યાનમે ઈ, જપીધા ઈ સ્યામકે દઠા. વૃજ ...
 પેર્યા મેલળો અંચડો ઈ, મલી નતા મોતે છાંચી
 છુટા વારતાં લકેતાને, વિજોગણ વેસમે વઠા. વૃજ....
 જંજી કાયા સુકાણી સાવ, કાઠજી કર મુરતી વઠી
 જંજી હકળી નજરતાં અય, સ્યામમે સુરતા ખુતી.
 વટ આયા ઉઘવજી ઈ, રાધાજીન નેણે ન્યારેયા
 તડે ગોપીયું જાગાઈત્યું ઈ, શ્રીસ્યામજો નાલોગની.

રાધાજી શ્રીકૃષ્ણજોનાં સુણી ધ્યાનથી જાગ્રતથીએતા ઉઘવજીકે સામે નેરીતાં ઉઘવજી નમન કરે ભગવાન કૃષ્ણજો સંદેસ ડનેલા તૈયારથીએતા.

દોહરા

ઉઘવજી નજરે દઠા, પ્રેમ મુરતી સાક્ષાત, હથ જોડે નમન કેયા, સમજી સાક્ષાત માત.
 શ્રીકૃષ્ણ હલાયા વ્રજમે, મુકે બોધેલા બ્રમજ્ઞાન, પણ રાધાજીનેરી નતાં, હરી ચરણમે ધ્યાન.
 સામે ન ન્યારયા રાધાજી, નાવયી કીં અણસાર, તડે જાગાયે ગોપીયું કરી કૃષ્ણ કૃષ્ણ ઉચાર
 શ્રીકૃષ્ણજો નાં સુણી રાધાજી ધ્યાનસ્થ જાગ્રત થયા ઉઘવજીકે ડસી રાધાજી ચેતા.

દોહરા

ઝબકી જાગ્યા રાધાજી, સુણી સ્યામજો નાં, સુયાં સંદેશો સ્યામજો, ગોપીએ પ કન ડનાં.

ચોપાઈ રાધાજી ચેતાં

હે ઉઘવ આર્યાં ભલે કરી આયા, મથુરાજો સંદેસ સુણાયા
 મથુરામે ચોતા મોહન વસેતા, કન મોહનજી ગાલ કરેયોતા.
 વ્રજમેતાં અય સ્યામ હકડો, અતઈ વસેતો મોહન નંઢળો
 વને ન પરેયા છડે અસાંકે, ઉઘવઆંકે કીં ન સમજાજે.
 આયો વખાણેયોતા સ્યામ આંજો, ઈ ક્તે વસેતો અન નાંજો
 ઉનજા હત કેળા સંબધ અર્યાં, અન નાલેજા બ્યાકો ઉત અથી.
 ઉઘવજીકે અતરો ચઈ રાધાજી પાછા ધ્યાનસ થઈ વનેતા.

ઉઘવજી વટા કૃષ્ણજો નાલો સુણી રાજી ત થેયા પણ જડે ઉઘવજી ક કૃષ્ણ મથુરામે વસેતા ઈ સુણીને રાધાજી મુસકાણા ખલેતા તડે અનીંજે મો મજાથી કમળજી વાસ પસરેતી તેરે હકળો ભમર અચી મો વટ ગુંજારવ કરેતો તેકે રાધાજી ચેતા.

દોહરા

સુરતાજેજી સ્યામમે, તનમે ઈ જ તવાર, ઉઘવકે ભુલી કરે, કેયા સ્યામ સ્યામ ઉચાર.

યાધ આવયી કૃષ્ણજી, રાધાજી મુસકાણા, ફોર છુટી અત મોં મજા, ભંમર અચી ભરાણા.
મુખ કમળ સુવાસનાં, પસરાણી ચોપાસ, ગુંજારે ભમર અચી, જત વઠા રાધાજી ઉદાસ.

રાધાજી ભમરકે ચેતા. રાગ ભૈરવી છાયા

ભંધ કર ભમરા સંગીત તોજી, ઉડી ઉડી તું કત આવે
હી નગરી અય વિયોગજી, તો જો પ્યાસીકો નાચે. ભંધ....
વન છડેને છડે વનરાયું, હત કત તું શુંનમે આવે
તોજો પ્યાસી વ્યો ઈ પલટી, તોકે ખબર હી કીં નાચે. ભંધ....
સ્યામ કારો ધલજો કારો, કારપ અનજી અખીયે મે
અન અખીયેસેં કામણકે, અસી આવયું અન વનમે. ભંધ....
હે ભમરાતું સ્યામજો સાથી, કમ આ બીજા અચી કારા
નત નવે વનકે તું ન્યારીયે, હલ અભળાઈયે તું સારા. ભંધ....
સ્યામ અસા જે જે ચરણકે તું, છુંઈ કરે હત તું આવે
હાણે હતાથી હલધોથી તું, છડે કરે વૃજતું કારા. ભંધ....
સ્યામતાં કારો આય ઠગારો, મારાય અસાકે મોરલીસેં
છડે અસાકે વ્યો ઈ મથુરા, નાંતા અસાસે ઈ તોડે. ભંધ....
ભજતું ભમરા કુલા સતાઈયે, સ્યામજી ગાલ તાજી કરાઈયે
હાણે મોં તોજો ટાર, નકા દીયા તોકે, ગાર તોજો ગુંજારો હી ભંધકર...
રાધાજી કે અત વરી કૃષ્ણજી યાધી અચેતી અતરે ભમરકે ભુલી ઉધવજીકે ફરી પુછેતા.

દોહરા

યાધ આવયી સ્યામજી, અત જાગ્યા રાધાજી, ભુલી વ્યા ઈ ભમરે કે, સામે ન્યારી ઉધવજી.
નજર નીચી ને નેરીતા, પુછેતા ઈ પ્રશ્ન, સજી સુણાયો વારતા, ચ્યાવા ઈ ભગવન.

ઉધવજી ચેતા. ચોપાઈ

હે દેવીયું આંચી જરા વિચાર્યો, મુંજી ગાલક ધલમે ધોયો
કૃષ્ણ વ્રજમે મુકે હલાયા, ઈજ સંદેસ અકે સુણાયા.
નીર્ગુણ બ્રમ નીરવીકારી, નીરાવલમ નીરુ પાધીક સારી
અવિનાસી અકલેશ અખંદા, આદ અનાદી અચીત અનંદા.
અછેદ અભેદ અચલ અજન્મા, અસાધ્ય એત ઈ અનામા
અન બ્રમજો ઉપદેસ ડેલા, આયો અયાં આંઉ બોધેલા.
હે દેવીયું આચી બ્રમકે સાધ્યો, સગુણ કેતાં મનસે વસાર્યો
સગુણ રૂપતાં સાસવત નાંચ, જગમે બ્રમ હકળો જ આય.
અન બ્રમજો આચી ધ્યાન લગાયો, બધી ભરમના મનતા ભુલાયો
અતરો ચયી ઉધવજી વિષેતા, ગોપીએ કે સામે નેરીતા.

ઉધવજી ગોપીએ કે ભ્રમજી ઓળખ કરાય સગુણકે રૂપકે ભુલાઈત.

દોહરા, સુખદેવજી ચેતા

સુણી ભ્રમજી વારતા, ગોપીયું થયું ઉદાસ

સુરતા જજી સ્યામમે, ઈ નેરીત્યું ચોપાસ.

ઉધવજી કે રાધાજી ચેતાં. ચોપાઈ

મથુરામેં તાં મોહન વસેતા, ઈ જ ગાલ આર્થી ખોટી કરેયોતા

સ્યામ અસાજો વૃજમેં વસેતો, છડે અસાકિ કત ન વનેંતા.

ઉધવજી આર્થી ઓળખો નતા કી, કત વસેતો સ્યામ ચોતા કી

શ્રીસ્યામ કે ઓળખી વનેતા, હન ધુનીયાથી છેટા ઈ રેતા.

સ્યામસે આર્થી ન નાતો જમાયા, ખાલી ભણેમેં ડી વનાયા

વેદ પુરાણજા પાઠ જ ભણેયા, મજ મંધરકે કોરો રખેયા.

રાધાજી ઉધવકે ચેતા હે ઉધવ આર્થી ચોતા કૃષ્ણ મથુરામે સુખસે મેલમે રેતાં ઈકન કૃષ્ણજી ગાલ કરેયોતાં વૃજમે તાં કૃષ્ણ હકળો જ આય ઈ તાં હતેજ વસેતો અને અન કૃષ્ણકે આર્થી ઓળખોનતા નકા આર્થી મથુરામે કૃષ્ણન વતાયો આંજી ભણે ઈજ દીવ્યા ઈ લગેતો.

રાધાજી ફરી ચેતા. ચોપાઈ

હે ઉધવ આંજો કૃષ્ણ સે નાતો, અજ કેયા ઈ સામે દશજેતો

જીગ જુનાં અર્થી નાતાં અસાજા, આર્થી બધેયા નાતા તાજા.

મથુરામે ચો મોહન વસેતા, ઉધવજી આર્થી સાવ ભુલોતા

અતરે આકે ખબર ન પોધી, આંજી ઓળખ અધુરી રોંધી.

સામે ન્યાર્યો સ્યામ ડસજેતા, યમના કાંઠે સામા ધુમેતા

જમનાજી જે જળમે ન્યારેયો ન્યારેયો જળમે, સામે તરેતાં ઈજ વમળમે.

ગીરાજજે સામે સીખર ઈ, ગાયું ચારીધાતા ડસજે ઈ

કાલીજે ધ્રો મે ન્યારયો, નાગ નથેતો સામે ન્યારેયો.

રાધાજી સામે જમુના ગોવર્ધન ડુંગર વનરાવનજી ઝાળીમે કૃષ્ણકે રાધાજી ઉધવકે વતાઈતા.

ચોપાઈ

વઠો કદમ જે ઝાળ ચળી, ખણી બંસરી નંઢળી ખણી ઈ

વનરાવનજી રજ કૃષ્ણ કણમે, સ્યામ રમેતો ઘર ઉભરમે.

ઉધવજી આર્થી સામે ન્યાર્યો, સ્યામ વગરતાં ખાલી વતાયો

ઉધવજી આર્થી ભલી કરી આયા, જુની ગાલકે તાજી કરાયા.

આંજો સ્વાગત અસી કી કરીયું, વન વગળેમે થયું વડીયું

અભણ સાવ કત વનોં ભણેલા, નાંચ ઉથલાયા પના લખેલા.

ફરી રાધાજી ચેતા. દોહરા

ઉધવજી આંધી વની મથુરા, ઉત દીજા ઈ જ્ઞાન
 હિ નગરી અય અભણેજી, સમજી સગે ન બ્રમજ્ઞાન.
 હત વસે સાવ બાવરા, અભણ અજ્ઞાની લોક
 સમજે ન બ્રમ જ્ઞાન કે, આંજી વાણી વેધી કોક

રાધાજી જી અને ગોપીયેજી ભાવ પ્રેમ ઘેલછાજે જી હન સજે વિસ્વમે કૃષ્ણ વગર કત પણ
 નજર નાય કૃષ્ણરૂપ જ જગ ડસેત્યું ઈ ડસી ઓધવજીજે મધ ઉતરીવ્યો પંઢકે જ્ઞાની સમજધા વા
 ઈ ભુલી ગોપીયે કે ચેતા.

દોહરા

ધન ધન આકે ગોપીયું, ધન ધન આંજી ટેક, જન પંધલા જોગી જુરે, ઉત પુગીયુ આંધી ઠેઠ.
 જીવ શીવકે મલાજીજી, સીધી વતાયા વાટ, તદાકાર થઈ બ્રમમે, નયો ભનાયા ઘાટ.
 પ્રેમ લક્ષણા ભક્તિજો, સજો ઉભો કેયાં કોટ, સગુણમેં નીરગુણ ડસી, ભજ્યા ભનાયા ગોટ.
 જપ તીરત તપ દાનને, યોગ સમાધી ધ્યાન, જગમે કેયાં મણીઆ વડી, સમરણ ભક્તિ ગાન.
 સજે અન સંસારમે, અધી પંજ ભુતજા કે, જીવ જેળા કરમ કરે, તેળા જ મલેતા દે.
 જગમે માયા મા બલી, જીતી સગે ન જીવ, તેકે તાં આઈ તુછ કરે, ગોતે ગણા ઉ શીવ.
 જન પધલા જોગી વધી, વરે વનાઈ હજાર, ઈ વાટતા આર્થી લધા, સ્મરણજો જ સાર.

ઉધવજી ચેતા હે દેવીયું આર્થી ખાલી સમરણ કરેને બ્રમમે લીન થયું બ્રમ ઓળખીગણા ઈ
 આકેતા ધન ધન અય પ્રેમભાવસે પુજે બ્રમ મય થઈને હંન પધ મથે પુજી જગકે હકળો નવો
 મારગ ડનાં આકે ક્તરા ધનવાદ ડીણાં અતરો ચર્ચી ગોપીયેકે નમન કરે પંઢજે બ્રમજ્ઞાનજી ગાલ
 જ ભંધ કરે છડેયા.

સુખદેવજી ચેતા.

સુણી ગાલ ઉધવજી, ગોપીયું થયું હુલાસ, મળે મલી સનમાન કેયાં, અતઈ પુરી કેયા ગાલ.
 મેણા છ નકરી જ વેધા, ઉધવકે પ્રજમેં, નત નત લીલા લાલજી, ગાઈયે ઈ ગુણગાન.
 અજ મથુરા વનાણલા, રથકે કેયાં તૈયાર, પ્રજવાસી વોરાઈતા, આયા પ્રજનું બાર.

ઉધવજીકે છ મેણા વૃજમેં નકરી વેયા નત સતસંગ કરીયે કૃષ્ણજી લીલા ગોપીયું યાધ કરે
 સુણાઈએ અજ ઉધવજી પાછા મથુરા વનેલા તૈયાર થયા વૃજવારા મલી સજોગામ પધરમે
 છેલે મલી વિદાય ડીએતા.

દોહરા

ખટ માસ ઈ વીતી વેયા, ઉધવ રેયા વૃજમે, નત નત લીલા ગાયીયે, ગોપીયુ જાણી પંઢમે.
 ઉધવ અજ મથુરા વને, રથ કે કેયા તૈયાર, વૃજવાસી વોરાયતાં, આયા વૃજનું બાર.

છેલે ગોપીયું ઉધવકે ચેત્યું.

ઉધવજી આધી સ્યામકે, દીજા હિ સંદેસ, ઈ મજેત્યું ગોપીયું, પુરી આસ કરીજા સર્વેસ.
 ભક્તિ આંજી ભુધરા, ભવ ભવ દેજા સ્યામ, સમશ્રણ કી વ સરેપન, નત ચરણમેં ધ્યાન.
 ઉધવ હી અરજ અસાજી સ્યામકે દીજા આંધી, પુરણ કરીજા આસાઈ, બ્યો કીં મજેયો નાંહી

ઉધવજીકે મથુરા વોરાય ગોપીયું ઘરે અચેત્યુંને છેલો સંદેસ કૃષ્ણ વટા ભક્તિ મગ્નેયા અચી
 ઉધવજી વિદાય પુંડીઆ ગોપીએજી કોય પણ કથા ભાગવતમે મલેનતી. ઈનીજે પાછળ જે
 જીવનજી અન કન રીતે ક/ણજો સમરણ કેયાં ઈ ડસાજેનતો.

દોહરા

ઉધવ અજ વૃજ છડે, હલેલા મથુરા ગામ, ગોપીજી ઘર ઘર અચી, સમરીયે શ્રીસ્વામ
 બાળ મુરતી સ્યામજી, રટીયે મન મોરાર, છડે સાથ સંસારજો, રાત ડી ઈજ તવાર.
 સમરણ કરીયે સ્યામજો, થઈ બ્રમમે ઈ લીન, વિસ્વપતીકે વસ કેયા, કેયા ઈ બ્રમ આધીન.
 હે રાજન હન વિસ્વમે, હરી વસે ભરપુર, જુની ભલ્યા જનરૂપમે, તેળા જ થયા હજુર.
 ગજ ગુણીકા ધ્રુવને, અંબરીસ રાજા મહાન, સબરી ઈ વનમે વહી, ઉત પુગા ભગવાન.
 હે રાજન વૃજ નારીયું, ભજન કેયા ભરપુર, પતી ભાવસે પુજેને, જલેયા જગપતી મુર.
 જપ તપ વૃતને યજ્ઞ ઈ, ક્ત પણ કેવાં ન ઈ, સમરણસે સોધે ઘણા, લીન રૂપમે થઈ.
 અધ્યાય હિ પુરો થ્યો, ઉધવ ગોપી ગાલ, જાડેજાયે પાં ઉત હલો, જતે મલધો લાલ.

ઈતિ અધ્યાય ૪૭

અધ્યાય ૪૮ : શ્રીકૃષ્ણ કુબજાને અકુરજે ઘર

દોહરા

અધ્યાય આણતાલમે, સુણાઈયે શ્રીસુખદેવ, અકુર કુબજાજે ઘરે, શ્રીપધારીયા વાસુદેવ.
 અજ ભગવાન કુબજાજે ઘરે વનેતા ઈ ભગવાનકે ડસી કુબજા સનમાન કરેતી.

ચોપાઈ

કુબજાજે ઘર કૃષ્ણ અચેતા, ઉધવજી પ ભેરા ડસજેતા
 યાઘ કરે ઉ ચંદન થારી, વચન ડનાવા ઈજ મોરારી.
 ઉન વચનકે પુરો કરીતા, અજ કુબજાકે દરસન ડીંતા
 યાઘ અચેતી અવધજી દાસી, કલંક ચળાયાજા ઈ વી હાંસી.
 અન્જો બધલો પુરો દઈને, રુણ ઉતારી ઘર અચીને
 ઘર અચીધા ગોવિંદ ન્યારે, પેલા કુબજા પગ પખારે.
 દંડવત પચીને નમન કરેતી, આસન વ્યારે ધ્યાન ઘરેતી
 નીચી નજરસે સામે ન્યારે, જમનાજીજો પાણી પીઆરે.
 કુબજા ઘરકે સારે સજાયે, હાંઠી ઝુમર તોરણ બંધાયે
 દીપમાલા તા જગ મગેતી, ધુપ સુગંધી ઉત પસરેતી.
 પુજા કરેજી કે ઈ તૈયારી, કનક કળસો રૂપલ આરી
 કેશર કંકુ અગર ચંધનજા, થાર ભરે ઈ ધુપદીપજા.
 સાગ સીસમજા પાટ ઠરાયે, જમના જળસે વચી નારોય

ગુલાબજા ઈ ભનાયે હાર, દોલર મોગરજા બ્યા ધાર.
 જાત જાતજી રસોઈ ભનાયે, થાર હરી કે અચી ધરયે
 જમનાજળજા લોટા ભરેલ, આચમાન લા થધા ધરેલ.
 લર્વીંગ સોપારી પનજા બેળા, મંમ જાતજા મુખવાસ ભેળા
 ખરારી કે ખટતે વેરાયે, ગાધી તકીઆ વટ રખાયે.
 વટ વચીને વાતી ઢોળે, કુબજા ઉભી ઈ હથ જોળે
 કુબજાતે હરી થ્યા રાજી, પૂર્વજનમજી ગાલ થઈ તાજી.
 કુબજાકે હરી હલી અપનાયા, પુર્વ જનમજી ભુલ ભુલાયા
 કુબજા રાજી રાજીથીએતી, ફરી ફરી કૃષ્ણકે નમન કરેતી.

કૃષ્ણ કુબજાજે ઘરે અચી દરસન દીએતા કુબજા રાજી થીએતી. બે ડીં કૃષ્ણ અકુરજીજે
 ઘરે વનેતા.

ચોપાઈ

જગ નીયતા શ્રીજગજા સ્વામી, આયા અવની અંતર જામી
 નત નત ઈ જ નીરક્ષણ કરીતા, સંતે ભક્તે વટ ધોડી પુજેતા.
 અકુરજી જે ઘર અજ આયા, ભક્ત અકુરકે મન ભાયા
 સામે હલી સનમાન કરીતા, દંડવત પઈને નમન કરીતા.
 ચશ્રણ પખારે પુજન કેયાંઈ, ડયી આસનને સામે ઉભા ઈ
 ભોજન ભનાયે થાળ ધરાયાં, ભરે ભાવસે ભોજન કરીયા.
 બેળા પાન ઈ મુખવાસ દીતા, ફરી ફરી હરી કે નમન કરીતા
 ઉઘવજી અર્થી અજ ઉમંગમે, અકુરજે ઘર હરીજે સંગમે.

અકુરજી પ્રાર્થના કરીયેતા. રાગ હીચનો

પુરણ બ્રમ જગ સ્વામી રે, અજ અવની તે આયા
 દયા કરીને દીનાનાથ રે, અજ મુંઘર પધાર્યા.
 જાઘવ કુળમે જનમ ધરાયા, નાલો અસાંજો ઉજારયા રે
 પેલે જુમમે રે આર્થી અવનાસી, ચારતા રૂપ ધરાયા રે.
 તેતાં જીગમે રે આર્થીની જાધારી, વામન પરશુ શ્રીરામ ચોવાઈ
 દવાપર જુગ જોઈ છોલો આરો, સામે અચેતો કલીરે કુઠારે
 પાર લંગાણજો નાય આરો રે, અજ અવનીતે આયા.

અકુરજી ફરી અસ્તુતી કરીયેતા. રાગ પરજ સાખી

હે યદુકુળ ભુશણ ભુપ પધાર્યા, અજ આયા હન અવનીતે
 યુગ વીતે અવતાર ઘરે ને, ધોળી અચોતા ધરણી તે.
 ત્રીભુવન તારણ સંત ઓઘારણ, અસુર વિદારણ અસુરારી

અજ પધાર્યા કૃષ્ણ સરૂપે, જે જે જે જે સુખકારી.

રાગ કલ્વીંગડો

પાવન કેયાં ગીરધારી ઘર અજ, પાવન કેયાં ગીરધારી
પુનીત પગલા આંજા દયીને, કુળ તાર્યા મોરારી.
આંજે ચરણસે સે ગંગા પ્રગઠઈ, પતિત પાવનકારી
મંદાકનીને ભોગ વતી ઈ, ત્રીલોકે ઉજ્જારી.
આંજે ચરણજી ચરણ ચાખડી, ભરત શરતે ધારઈ
આંજે ચરણજી રજ કે છુઈ, અમર અહલ્યા નારી.
વનરાવનકે પાવન કેયાંને, ગોકળજી બલીહારી
મથુરા નગરીજો નાલો જગમે, અમર કેયાં અવતારી.
અજ પધાર્યા ઘર અસાંજે, પુર્વ જનમજી પુરી કમાઈ
અવનીજો ઉધાર કરેલા, આપી આપા અસુરારી
ઘર અજ પાવન કેયા અચીને, સગુણરૂપ સુખારી.

દોહરા

વાણી સુણી અકુરજી, ઈ મુરકેયા મહારાજ, નમન કરે અકુર કે, સમજાયા જગતાજ.

ભગવાન અકુરકે ચેતા.

યાઘવ કુળમે સંત જન્મ્યા, અજ આપી કાકાજી
કુળ પાંજો તાં પાવન થઈ વયો, જાત જાઘવજી.
જન કુળમે સંત જ પ્રગઢે, ઉન કુળજો થીએ ઉધાર
પરીએજા પરીયા તરી વને, જનમ મરણજે પાર.
જપ તપને તીરથ ઈ જતરા, દયા દાન દાતારી
જ્ઞાની ધ્યાની પેં અત ટુંકા, સંતેજી ઈ બલીહારી.
કાકાજી આંપી અજથી અસાકે, સારે સમજણ ડીજા
અસીં બાળક કત ઓખીપેત, ભુલ સુધારે દીજા.
શ્રીકૃષ્ણજી વાણી સુણી, અકુર કેયા નમન
નીચી નજર ન્યારે ને, ચ્યાં ક્ષમા ક્યો ભગવન.

દોહરા

જોગેસર અજ જગપતી વયી કરીએ વિચાર, પાંડવ કૌરવ કી કરી ઈ ગાલ સુજેતી ગાર
કોઠાયા ઈ અકુર કે, હરી સમજાયા, રાજા અંધ કે મલણજી, ઈ વાટ દરશાયા.

ભગવાન અકુરકે ચેતા.

હે અકુર આપીં ઉત વની, પેલો ઈજ કરીજા, ભેદ નીતી અપનાયે ને પુરો તાગ કઠીજા.
આજ્ઞા ગની શ્રીનાથજી, અકુર થેયા તૈયાર, હલ્યા હસ્થીનાપુરી, રથ ઘોળાજો પ્યાચાર.

અધ્યાય ઈ પુરો કેયા, કૃષ્ણ કથા અનુપ, જાડેજા જગમે ભજો, કૃષ્ણ ભજો સરૂપ.

ઈતિ અધ્યાય ૪૮

અધ્યાય ૪૯ : અકુર હસ્તીનાપુર

દોહરા

નત નત કરીયે નથી કથા, સુખદેવજી મારાજ
ભાગવત ભાંખીયે ભ્રમજી, પુરાણે જો ઈ તાજ.

રાગ માલકૌંસ

હરી હના આદેસ અકુર કે, હરી હના આદેસ
હસ્તીનાપુર જો ઈ વનાણલા, સમજાયા સર્વેસ. અકુરકે હરી...

હરી હના આદેસ અકુર કે, હરી હના આદેસ
હસ્તીનાપુર જો ઈ વનાણલા, સમજાયા સર્વેસ. અકુરકે હરી...

ઘોળા જોળ્યા તેજીલા રથમે, રથ ઘુઘરીએ જળેલ
લગામ વારે વઠા ઈ રથતે, રથ ઈ સોન સજેલ. અકુરકે હરી...

હસ્તીનાપુર મે ઈ આયા, જત રાજસભાજો મેલ
રાજ સભામે આયા અકુર, જત સજી સભા ભરેલ. અકુરકે હરી...

શ્રીકૃષ્ણ જે આજ્ઞા અનુસાર અકુરજી હસ્તીનાપુરમે આયા રાજસભામે પુગા ઈ ડસી
પાંડવ કોરવ સામે ઉભા થઈ સનમાન કરીતા.

ચોપાઈ

રાજસભામે અકુર અચેતા, ન્યારે પાંડવ રાજીથીએતા
સામે હલીને કેયા સનમાન, પાંડવ કોરવ વઠા ઉ માન.

અંધ રાજાને ભીષ્મ વિદુર, ઊણાચાર્ય દુર્યોધન નીકુળ
કૃપાચાર્યને અસ્વ સ્યામા, સોમદતને અર્જુન સામા.

મળે મલીને સનમાન કયા ઈ, આસન વેરાયે માન હના ઈ
સારે સમાચાર સામે ડીતા, બાળ પ્રધેજી ખબર પુછેતા.

રાજસભામે અકુરજી આયા માન ડઈ વેરાયા પાંડવ કોરવ મલી ખબરુ પુછેયા, અકુરજી
રાણીવાસમે ઈકુંતાજીકે મલેતા.

ચોપાઈ

રાજભુવનમે અકુરજી આયા, કુંતાજીકે મસ્તક ન માયા
રાજી થીએતાં માતા કુંતાજી, ખબર પુછેતા સજે મથુરાજી.

હે વિદુર અજ પાંજે કુળમે, કૃષ્ણ પ્રગઠ્યા ઈ મથુરામે
પરીયેજા કો પુન પ્રગઠેયા, તંડે યોગેસર ઈ સરજેયા.

જગજો ઉધાર કરેલા, અસુરેજો ઈ નાસ કરેલા
અજ અવની ઈ હરી પધાર્યા, કુળ પાવન જગ ઉજારેયા.

કુંતાજી અકુરજીકે પુછેતા.

હે અસુર કડે કૃષ્ણ અસાકે, યાધ કરેતો પાંડવ કુળકે
દુઃખમેંતા અસી ડી ગુજરીયું, નત વયીને કૃષ્ણ સંભારીયું.
મુંજે બાલુડેજો બરકે ડસીને, બરે પચેતો અંધ ડસીને
અન ઈર્ષાસે વેર વળેતો, દુર્યોધન તાં નત જગળેતો.
અસી અયુ સાવ નોધારા, અખીયે પાણી ભરીયું ચોધારા
હન દુઃખજો ભા છોળો નાય, કડે કૃષ્ણ અચી છોળાયે.

દોહરા

સમજી વેઆ સજી ગાલકે કુંતા માતાજી જી, ડયી ઘલાસો અકુરજી, સમજાયા હરી જનમજી.
વિસ્વેસ્વર અજ વિસ્વમે, અવની ધર્યા અવતાર, ધ્રમ નીતીને રાજ્યજી, પેલી કંધા સંભાર.
અજય ભારત ઈ કરે, કરે અસુર સંહાર, સોપીધા ઈ ધમ્મકે, ઈ અય હરીજો વિચાર.

માતા કુંતાજી કે આસ્વાસન ડઈ ફરી રાજસભામે અચેતાને રાજનીતીજી રોજ સભામે
ધ્રતરાસ્ત વટે ગાલીયું કરી સમજાયે.

દોહરા. રાગ કલ્વીંગડો

રાજનીતી સમજાઈએ, સભામે રાજનીતી સમજાઈ
કૌરવજી વયી સભામે, અકુરજી ઈ સુણાઈયે.
હે રાજા આર્થી આજે કુળજી, કીરતીકે તાં વધાર્યો
પાંડુરાજાજે રાજ કે આર્થી, રામ રાજ્ય ભનાયો.
સામ દામ ને દંડ જ ભેરો, ધર્મ મથેતે ચળાયો
પોતર કુપાતર પેલો પરખે, ન્યાય બારા ફગાયો.
હન અવનીજો રક્ષણ કેણું, ઈજ ક્ષત્રીજી સેવા
સમસ્તી સમભાવ નજર સે, રખજા રાજા હેવા.
જુની નરેતાં નીતી છડેયા, જગમે પાપી ઈ પુરા
કુળ મથેતાં કારી ટીલી, દઈવ્યા ખર અસુરા.
હે રાજા અજ હન અવનીતે, નાંચ કોય પણ કેજો
હેકલો આવ્યો વને હેકલો, જીવ માયા મે બંધેલો.
માત પીતાને સગા સબધી, ભા ભત્રીજાને ભેણુ
કરમ કરીયે ઈ પંઢ પંઢલા, પાકે છોટો રોણુ.
હે રાજા હી જગ તમાસા, જેડી વડરેજી છાયા
ચારડીએજી રાત ઉજારી, પુવા આંધાર છવાયા.

હે રાનજ હી પાંડવ વંસતાં, નાય આથી પરાયો
રાગ દેસકે છડે કરેને, રાજ નીતીસે હલાયો.

અકુરજી નત કોરવેજી સભામે ધતરાસ્ત વટ વઈને રાજનીતી સમજાઈએ તડે અંધરાજા
અકુરજી કે ચેંતા.

દોહરા

અકુરજી આર્યી અજતા મુકે, વાટ સચી ઈ વતાયા
અજ્ઞાનજાતા તાળા મુંજા, આર્યી અચી ખોલાયા.
હન અવનીતે ઈશ્વર જન્મ્યા, જગ સજ્જે ઈ ચેતો
જાધવકુળમે જનમી આયા, અસુર નાસ કરેતો.
અકુરજી જૈંજે ઈસારે, હલે તો આલમ અજ તપી
જળ ચેતનમેં ઈજ ડસાજે, આણુ આણુમે ઈ જ અર્યી.
અકુરજી હી માયા બંધન, જીવ અનમે જલાણુ
સમજ છતા છડે સગેને, એળો ભુત ભરાણું.
હે અકુરજી મુકે અનમે, એળી લગી આરકતી
સમજાયા જીવ ન સમજે, એળી ભરાણી કુમતી.
હે રાજા આંઉ રાજનીતીતા, સજી જ સમજા જેતી
તોય મન મુંજો ન વસમે, નત કરે તો અનીતી.
અજથી અકુર મન મારેને, રાજનીતીસે હલાયા
સર્વેસ્વરજો સમરાણ કરેને, જીવન સકળ ભનાયા.

અકુરજી છ મહિના હસ્તીનાપુરમે રોકાણા રાજનીતી સમજાયા બયો કોરવજી કુટનીતી
મળે જાણીવ્યા ઈ પાછા મળે મથુરા અચી કૃષ્ણકે સુણાયા.

સુખદેવજી ઉવાચ.

હાણે રાજાન શ્રી હરી, મનથી કેયાં વિચાર, છડે મથુરા નગર કે, નગર વસાયા બાર.
રક્ષાણ કે લા દેશજો, ઉતારીયા ભુ ભાર, પેલા કમ ઈ પતાઈયા, જેલા ગળો અવતાર.
અધ્યાય ઈ પુરો કેયાં, પુર્વાર્ધજી વારતા, સમજાયા સુખદેવજી, હસ્તીપુર રાજતા.

ઈતિ અધ્યાય ૪૯

દશમ સ્કંધ ઉત્તરાર્ધ

દોહરો

પુર્વાર્ધકે પુરા કેયા, ઉત્તરાર્ધજી હી ગાલ, સમજાઈએ સુખદેવજી, સુણી રાજાજો સ્વાલ.

સવૈયા

નિર્ગુણનાથની જારી નંધ ઘર, વનરાવન મે વર્ધી

બાળ લીલા પુરી કેયા ઈ, ગોપે ભેરા થઈ.
 પુવા પધાર્યા મથુરા નગરી, કોટયા કંસ કોરા
 બ્યા પતાયા અનજા ભેરુ, ખલ ખુટલ ખોરા.
 ફરી છડેલા મથુરા નગરી, વિચારી હરી મનમે
 નર્યા વસાયા સોન ધ્વારીકા, સોધ કરે સમુમે.
 રમાપતી અજ રાજ ભુવનમે, વધી કરે કેયા વિચાર
 પેલોકમ આંઉ ઈ પતાયા, જેજો હન ધુનીયાતે ભાર.
 નજર ફરાયા યોગેસર ઈ, ભળ ભારતમે પુરી
 હકળા હકળો ગોતે ગળા ઈ, જતરા રાજા અસુરી.
 બલરામજીકે વટ કોઠાયા, સમજાયા પુરો ઈ સાર
 સજાગ થઈને રોણું ખપધો, પાંજો કમ પુજાયુ પાર.

અજ સુખદેવજી ઉતરાધજી કયા રાજા પરીક્ષીતકે સોણાઈએતા. ઉત પેલા પુવાધજી કયામે
 કૃષ્ણ પ્રાગઠ્યથી કરે મથુરા સુધીજી લીલા પુરી કેયા હાણે મથુરા છડે યાદવે ભેરા કોઠે ધ્વારીકા
 વસાઈલા અને અખંડ ભારથ કરેલા નકી કેયા ઈ કયા ચોંધા.

જરાસંઘજી વારતા

કંસ રાજાજો સોરો ખલ ઈ, મગધ દેશજો રાજા
 ડસી સાયભી જાધવરાયજી, શુરથીએતાં તાજા.
 વેર વધારે કરેતો વળેલા, ઉત વધી આડો હલેતો
 ચાણુર જેળા કતરા મારે, ઈ મનમે જાધ કરેતો.

મગધ દેશજો રાજા જરાસંઘ બરુકો બોરોવો કૃષ્ણજી બરજી ખબર અનકે હુઈ અતરે
 કૃષ્ણકે સામે લડેજી તૈયારી કંધોવો તે સુધીતાં કૃષ્ણ કંસકે માર્યા ઈ ખબર અનકે મલઈને ઈ
 લશકર ખણી મથુરાતે ચડી અચીતો ને કંસ અનજો જમાઈથીધો વો.

સવૈયા

જાગીર જાધવજી, જેજા પટમે પે પળકાર
 દંકો વને સજે દેશમે, ઈ આવઈ અણસાર.
 કંસ મરણજી ખબર પચી, જરાસંઘકે જે ની
 ઉપવ્યો ઈ ઉબરાળ કરેને, સેના ખણી સઠ તેની.
 સેના ખણીને સઠ અચેતો, મથુરા કે કેં વીટો
 ચઈ ડસેથી ઘેરે ગળે ઈ, કર રામબાણજો લીટો.
 તેત્રીકોટી સંખ્યા જેજી, અસુર અર્ધી ઉનભેરા
 ભળ ચથીને વેતો વચમે, નગરી કે કેયાં ઘેરા.

જરાસંઘ મથુરાકે ઘેરો વધે ઈ ડસીને કૃષ્ણ બલરામજી કે એસારે સે સમજાયને બોય ભા

મથુરાથી બારા અચેતાને લળેજી તૈયારી કરીતા.

દોહરો

જરા જી સેના ડસી, જાધવ થેયા તૈયાર
ભા ભેરા બલરામજી, ઈ નકરેયા નગર બાર.
નગર મજાથી બાર અચેતા, અભ મજા વિમાન ઉતરેતા
રામ કૃષ્ણજી વટ ઉતરેયા, હથીયારેસે સજા ભરેયા.
ધોરા ધોળા તાંજી તેં મેં, કારા ધોળા જોળવ જનમે
અન વિમાનજી સોભા ભારી, ગરુણધજ રથ સોભારી.
તેંતા યુગમે જોગેશ્વર ઈ, જેની જનમ ગણાવા
રામ લક્ષ્મણ રૂપ ધરેને, જગકે મુગત કેયાંવા.
ઉજ વેમાન ને ઉજ હથીયાર, ઉજ આયા અધરથી
ફરી ઉપાવ્યા ઈ જ હરી હથમે, છોળાયલા હી ધરતી.

દોહરો

અચી પુગા રણ મેધાનમેં, જોગેશ્વર બલરામ
પળકાર કરે અન પાપી કે, જાગાયા ભગવાન.

બલરામ ને કૃષ્ણકે દેવ વેમાનમેં વઠલ ડસીને ઈ પાપી પંઢજો લશ્કર તૈયાર કરે સામે
ઉપડી પેતો.

સવૈયા

દેવ જેળો વિમાન ડસીને, દાનવ દંધ કચરેતો
અખીયું તાણે મુઠે પછાળે, સામંત કે સડ કરેતો.
સજીસેના તૈયાર કરેલા, રાળ મથે ઈ રાળ કરેતો
જાધવ કે આચી જલેયો જીરો, મજા ઈ મથા ઈ રાળ કરેતો.

દોહરા

શ્રીકૃષ્ણકે સામે ડસી, દાનવ થેયા તૈયાર, ખણી તશરુ તેગને, સામે કેયા પળકાર.
ઘેરે ઘણા ગોવિંદ કે, એળો બઘેયા બર, તાળુ ડથી ટુટી પેયા, અકલ વગરજા ખર.
અકલ વગરજી જાત ઈ, જેજા પુનૂ થ્યા પુરા, કરમ ઈની એળા કેયાં, વેયા વૈયા વછ સજીરા.
અભાગીઆ એળા અકરમી પુવા ઈન વિચાર્યા, જેકે જગ જોગેસર જાણે તેં તે જ હથ ઉપાળ્યા
કો બરછી કો ભાલો ખણીને, અસુર સામે ઉપળેતા
કો ધનુસજો સંધાન કરેને, તતા તતા તીર છડીતા.
કો ગોફણ કો ખણી કટારી, મુશળ મારણ લા વછટેતા
કો કળીઆરી ખણીકો ખુરપી, કો ખાંડે સે વછટેતાં.
ટોળે ટોળા અસુર અચીને, કેયાં ગોવિંદતે ઘેરો

બર કરે ને ઈ બાખળેઆ, ચોમલથી ક્યાં મારો.
શ્રીકૃષ્ણજે રથકે અસુર ચોભરથી ઘેરે ગળા ઈ ડસીને ભગવાન ધનુસ ઉપાળે સામે યુધ
કરીયેતા.

દોહરા

ગોવિંદ અનીજી ગત ડસી, મુરકેતા હરી મનમે
બલરામજી જી વટ વયી, હરે હરે ચેતાં કનમે.

કૃષ્ણ ભગવાન ચેતા.

અજ અનીજા હન અવનીતે, પજી પાપ થેયા પુરા
હન ભુમીજો ભાર ઉતારણ, કંઠીઆ વંશ સમુરા.
અતરો ચયી હરી હથ ખયા, પંઢજો ધનુસ બાણ પુરાણુ.
પણછ ખેચેં કેયા રણકારો, સારે મોલક સુગાણુ.
બાણ મથે સંધાન કરે ને, હલી હરી કેયા ચંધ
ભોણ મથે ઈ થયો ભળાકો, છણેયા હજરુ કંધ.

સુખદેવજી ચેતા.

હે રાજનહી હકળે બાણસે, સજી સેનાં કે સુમાર્યા
અનમે નાથકી બયી કરામત, જે સજો ભ્રમાંડ ભનાયા.
જે જે ઈશારે સજો આલમ હી, અધર ઈજ ઈ હલેતો
અનજી ઈછાસે જળ ચેતનથી, ખલક ખલધો દસજેતો.
કડે કોપ કરે તત હકળી પલમે, પ્રલય થીએ પરબારો
હરી ભસ્મથીએ હી ભુતળ, તડે માનવતા કતે વચારો.

જરાસંધ સજો લશકર કૃષ્ણ મારે મુગતી ડનાં અને બે કોરા જરાસંધને બલરામજો જુધ
ચાલુવો બલરામજી જરાકે બધે જીરો કૃષ્ણ વટ ખણી અચેતા ઈ ડસીને કૃષ્ણ બલરામજીકે
ચેતા.

હલધારી હર ખણીને ઈ, જરા સામે જંગ ખેલ્યા
બોય બરુકા એળા બાખળેયા, બાણ હજરુ છોળ્યા.
ભુમી મથે ભળવીર વળેતા, ભોણ મથે ભણકાર થીયેતા
જરાસંધ કે જીરો જલેને, ખણી આયા બધી કરેને.

શ્રીકૃષ્ણ બલરામકે ચેતા.

બલરામકે કૃષ્ણ પ્રભુ ચે, સજી ગાલ સમજાય
અજ અનકે જીરો વનાણ દેયો, ભલે સેના ફરી ભનાય.
બાણ મથે સંધાન કરેને, હલી હરી કેયા ચંધ
ભોણ મથે ઈ થયો ભળાકો, છણેયા હજરુ કંધ.

સજી સેનાકે સાવ સુમારે, વરી વઠા ઉન રથમે
 સેનાં વગરજો રણમે હેકલો, હથમે કીપન વે હથીઆર
 નીરાધાર કે કડેન ઘસણુ, ક્ષત્રી ધરમજે અનુસાર.

દોહરા

જીરો જરાસંઘકે જડે, છડે ડનાં ભગવાન, ઉપળ્યો ઈ અખીયું ઢકે, છડે રણ મેદાન.
 વાટમેં વર્યાં વિચાર કે, રાજમેં વનાણું નાંચ, કાં તાં સાધુ થઈ વના, કાં તાં ભરીઆ વાય.
 હન જીઆણનું મરણ ભલો, કલંક દીણું કુળકે, બલ કેયાં અપમાન ઈ, ગાલ ચતમેં ચુણકે
 જરાસંઘજી હાર થઈ વધી ને યુધ છડે ભજીવ્યો અચ ઈ ખબર અનજા સાથી ભેરુએકે
 ખબર પેતી અતરે ઈ સોધેલા નકરેયા અર્થી.

દોહરા

જરાસંઘકે સોધેલાય, નકરીયા સાથી અનજા
 સમજાયા ઈ વટ વર્યાં, બર પતાયા પંઢજા.
 ફરી ફોજ તૈયાર કરીતા, ફરી ઈજ ચળી અચેતા
 શ્રીકૃષ્ણ મારે હયઈયે, સોરો વખત પાછો ભજાયા.

જરાસંઘ અસુર ભેરા કરે વરી મથુરાતે ચળી અચેને કૃષ્ણ અનકે મારે પાછો ભજાઈએ ઈ
 સોરોવખત ચળી આયો. હડા નારદજી વિચાર કેયા ક હાણે કાલયવનકે જાગાયા કાલયવન વટ
 નારદજી અચેતા.

દોહરા

જરાસંઘજી સૈન્યજો, સાવ થઈ વયો નાસ, ઈ નારદ નજરે ડસી, વિચાર્યો વધી ખાસ.
 અજ આંઉ અવની વની, ઉભો કરીયાં અસુર, કાલયવન જે કટકજો, કઢાયા સાવ જ મુર.
 ઉપળ્યા ઈ અંતરીક્ષથી, આયા અસુરજે ાર, કંશ મરણ જરાસંઘજી, ચેયા ઈ ગાલજો સાર.
 સમજાયા મુની મુરખેક, તત ઉછરીઓ ઈ કુરુર, સાવ સેના તૈયાર કે, ચાર કોટી ઈ અસુર.

દોહરો

મથુરાકે ઘેરો વધે ઈ, ચઈ ડસે ચોધારો, જરાસંઘજો વેર વરેલા, કાલ યવન કે મારો
 કાલયવન મથુરાકે ચોમલથી ઘેરે ગળે ઈ ડસીને શ્રીકૃષ્ણ બલરામજી વટ વની પંઢજી સજી
 યોજના ચેતા.

ચોપાઈ

રમાપતી કે રાજ ભુવનમેં, જાણ થઈ ત વિચાર્યા મનમેં
 બલરામજી કે વટ ઈ વેરાયા, સજી ગાલ સારે સમજાયા.
 ધાર ધવારીકા ધરીયા મથેઈ, શેર વસાયો મું રાત દઠે ઈ
 જાધવ પાંજા કુટુંબ કભીલા, આંઉ પુજાયા ઉતે વસેલા.
 ઈ કલ તાં કત બાર ન પોધી, જાધવે કે કી ખબરન રોંધી
 આર્યા પ્રજાજો રક્ષણ કરીજા, મુંજી ચંધા કીન કરીજા.

અતરો ચથી હરી હલેયા તેઆથી, વિસ્વકર્મા કે કોઠાયા ઉવાથી
ધવારીકા નાંજો નગર વસાયો, સરગ લોક કે નીચે ઉતાર્યા.

દોહરા

સલાટ કે સમજાયને, હરી નકરયા નગરનું બાર
કમળ માળા વધા કંઠમેં, બ્યો કીન ખયા હથીયાર.

ધવારીકાજો વર્ણન. રાગ શીવ રંજની

અજ અવનીતે અચી ઉતાર્યા, અમરલોક અવનનાસી રે
સાપરમેં ઈ સેર વસાયા, જેજી સોભા ન્યારી રે.
સોન ધવારીકા નાલે નગરી, નારાયણજી વાસ રે
વિસ્વકર્મા વડી ભનાયા, ઈ જાગીને અધરાત રે.
અન નગરીમે મેલ હરીજા, હકળી જ હાર કતાર રે
અનમે સોભે ગોખ જરુખા, સોભે અપરમ પાર રે.
હાંઢી જુમર હિરા હલકે, મોતી યુગે મલાર રે
ભાગ ભગીચા કોટ કમાનું, પધરા પગ પગ ધાર રે.
રાજસભાજી સોભાન્યારી, જત હીરોજી હલકાર રે
દેવ વિમાને વર્યાને આયા, નેરણ ઈ હકીયાર રે.
અજ અવનીતે અચી.....

વિસ્વકર્માકે કોઠાયને ધવારીકા નગરી વસાયીતા અને ઈ હકળી રાતમેં ઈ ખેલ ઉભો કેયાં
જાધવેજો સારો કુટુંબ ઈ રાત રાત પુજાઈ ડનાં. ઈ નીકે પણ ખબર ન પચી સવારજો જાધવ
ઉથીને નેરીયે તત સોનજી સજી નગરી જે જી સોભાજો વર્ણન સુખદેવજી ચેતા.

ચોપાઈ

ભારત દેસને ધવારીકા નાં જી, નગર વસાયા અજબ કલાજી
વિસ્વકર્મા કલા ઉતારેયા, ઈ લોકજી ઝાંખી કરાયા.
ફટીકમણીજી મેલતાં આપે, હીરા મોતીસે સાવતા સોભે
સજ સભાજી સોભા ન્યારી, વસે ઈ જાધવ ભેરા મોરારી.
અન સભામે દેવ વિએતા, ભ્રમ શીવજી નત અચેતા.
રીધી સીધી જત અગણું વારે, કુબેર પણ ઈ વઠા વિચારે
ગંગા જમના જત પાણી ભરીયે, સુરજ ચંધર ઉજાસ કરીયે.
હલક હલક નત હવા હલેતી, અગ્ની સાન્ત સીખા બરેતી
વરુણ દેવ જત નત હલાઈયે, ઝરમર નત ઈ વારી વરસાઈયે.
ઈ દેવ કાર ભાર કરીતાં, જાગી મુની ધ્યાન ધરીતા
સધ ચારણ નત ગાન કરીયે, ગંધર્વ અતે સાજ વનાઈયે.

ઢોલ નગારા નોબત વજેતી, સની સની સુણાઈ સુજેતી
 દેવ દુંદુભી ગગનમે ગુણકે, પળધમ પટતે પઈ ઈ રણકે
 અન નગરીજો રક્ષણ કરીયે, મહામાયા જત પેરા ભરીયે.
 વઠા ડુંગરજી ધાર મથે ઈ, નજર ફરાઈએ નગરી તે ઈ
 દેવ દેવીયું વચીને વેમાને, કુલ વરસાઈયે નત અચીને.

દોહરા

અન નગરીજા અવનીતે, જત તત પે પળકાર, કલમ કવીજી કત પુજે, જત વિધાતા લાચાર.

શ્રીકૃષ્ણ બલરામજીકે ચેંતા.

બલધારી બલરામ કે, હરી સમજાયા ઈ સાર, પાજી જાધવે લા કરે, મું નગર વસાયો ધાર.
 અજજ અધરાતજો, પેલો કરીયા ઈ કાર, પુજાયા પલવાર મેં, ઈ કેં કેં ન પે સણગાર.

અજ ભગવાન બલરામજીકે મથુરાજો રક્ષણ કરેજો સોપ્યાં અને જાધવેકે ધ્વારીકામે રાતો
 રાત પુજાઈ ડના. ઉનીકે ઈ કી પ ખબર ન પઈ પંઢ અજ હેકલા હથમે ખાલી હકળો કમળજો
 કુલને ખભે તે પીતાંબરી ખણીને મથુરાથી બારા નકરી કાલયવનજી ફોજમેં અચેતા.

દોહરા

લાલ કમળજી માળા પેરે નકરયા નગરનું બાર, પીતાંબરી ખયા ખંભેતે ખયા ન કીં હથીઆર
 અધ્યાય હી ઉતરાઈજો, પુરો કેયા સુખદેવ, કાલયવનજી વારતા, અગીઆ ચોંધા ભેવ.

ઈતિ અધ્યાય ૫૦

અધ્યાય ૫૧ : કાલયવન ને મુચકંદરાજા

દોહરા

કાલ યવનજી હી કથા, સુણજા દઈ નત કન, કાલ યવનકી કુટયા, નીમીત કરે મુચકંદ.

ચોપાઈ

મથુરાથી હરી બાર અચેતા, કટક સામે નજર કરીતા
 કાલયવન ઈ સામે ડસેતો, મનમે ઈ વિચાર કેરતો.
 હી માનવ તા કરેજ આય, દસધે તાંઈ દેવ દસાય
 હતે હેકલો હીં કીં અચેતો, ઈ નાય મામુલી મુળસ લગેતો.
 નાય હથમે કીં પણ હથીઆર, નજરસે ન્યારે ચોધાર
 નારદજી અઝોણ ડનાવા, સજે જીવનજી ગાલ કે યાવા.
 ઈજ જાધવ રખે હલી અચેતો, નાય બ્યોકો ઈ જ લગેતો
 ઈજ વિચારેને અસુર ઉપળ્યો, સામે કૃષ્ણકે બાખળ્યો.
 પગ પછાળેને કે પળકાર, જીરો જલાણ લાકે વિચાર
 બખ વધેજી કે ઈ તૈયારી, ત બ પગ અગીઆ દસે મોરારી.

એકાવનમેં અધ્યાયમે કાલયવતજો નાસને મુચકંદ રાજાજી કથા અય કાલયવન મથુરાકે ધરે વઠો અય અને ભગવાન મથુરાથી બાર ખાલી હથે નકરેતાં ઈ મુચકંદ દસેતો નારઘજી જુકો અઝોણ દનાયા ઈ જ ડસીને અસુર ઉપાથી ઉબળેતો કૃષ્ણકે જલેવાને ભગવાન અનથી બો પગ મોર ઘોળયા વનેતા.

કચ્છી સંગર

સ્યામ કે સામે ડસી, ને અસુર સાસેકે સટ
 અતઈ ઉભીરો વેને કતતુ, જભર મારે ઝપટ
 ભજી ભજીને વેને કતતું, જીરો જલીઆ હન માંગ
 નળી જલાણવા લમુકે હથકે, ઉછરીને ઈ અસુર અંઠાણ
 તત હરી કેયા અવરી રાંધ, બો પગ અગીઆ પેઆ વને.
 અગીઆ વેધે ઈ ડસી, અસુર બધેતો બર
 મોર મોહનકે ડસી, ચળ્યો મવારે ખર
 જલાણ આયો જપટસે, પણ અગીઆ ઉપ સધર
 એળા વછટા વજા મજા, છડેયા ગોઠ પધર
 છડેયા શેર નગર ઈ, અચી પુગા ગરનાર મે.
 ગરવો ઈ ગરનાર, જે મે જાગીળા વસે
 ઈ દેવ ભુમી દાતાર, જત પાપ પરબારા પસે
 ઉચે ધારતે આસન વારે, વઠા દત દાતાર
 અગોર ગુફા વટ ઈ પુગા, ઈ કાલયવન કરતાર
 અત કૃષ્ણ કેયાં કમાલ, જત મુચકંધરાજાવા સુતા.
 મુચકંદ રાજાવા સુતા, ઈ અગોર નીંધરા તાંણે
 અલગારી ઉત અચી કરેને, કેયા કમાલ ઉન ટાણે
 પામરી પંઢજી ખણીને હથસે, રાજાકે ઈ ઓઢાવ્યા
 પંઢ પરેયા વયી મોહન નેરી, રાજા કે ન જાગાયા
 અત એળી ગત વળીયા, ઈ કાળયવનજા કાળ થઈ.
 કાળયવન પણ ઘોડી ઘોડી, અનજ ગુફામેં આયો
 પામરી ઓઢલ કૃષ્ણ સમજી, મારણજો કે સાયો
 રાળ કરે રણછોળ કે કપટી, લત મારેતો બરસે
 મુચકંધરાજા ઉથી ઉભા થેયા, ઘોર છડે નંધરસે
 સામે ન્યારી અખીયુ ખોલે, તત અસુરકો સામે ઉભો.
 રીકૃષ્ણ કાલયવનકે ગીરનારજી ગુફામે જત મુચકંદ
 રાજા સુતાવા ઉત ખણી આયા, ને પંઢજી પામરી રાજાકે ઈ
 ઓગળે પઢ અસ્ય ઉભી રેતા, કૃષ્ણ સમજી કાલયવન

રાજાકે લત મારે જાગાયતો, રાજા જાગતાંને ચમતકાર થીએતો.

રાગ ક્લીંગડો

અખ ખોલે રાજા સામે ન્યારી, તત તેજજી ધારા વજ્રદ્દઈ
કર અઘાઢી અભમેં અજતા, વનજી સેળા પટ પઈ. અખીયું ખોલે....
અન નજરજી ચોટસેતાં, એળો થેયો ઉજાસ
ડુગર સજોતા વ્યો તપી, ભોણ મથે થેયો ભાસ.
કાલયવનતાં બરી ભસ્મ થેઓ, મથે દેવે વનાયા દોઢી
કમાલ કેવી શ્રીકૃષ્ણજી, જત ખપઈ ન હકળી કાંઢી.

કાલયવન કૃષ્ણ સમજી મુચકંદ કે જાગાયતો રાજા નીથી જાગ્રત થીએતા જી નજર ખોલે
સામે નેરી તત બરી ભસ્મ થઈ છણીપેતો અને કૃષ્ણ નારાયણજે રૂપમે રાજાકે દરસન દીએતા.

રાગ એજ

મુચકંધ રાજા નજર નેયારી, તત સામે દેવ દસેતા
વેદ પુરાણે વર્ણન કેયા ઈ, ઈજ નજર ચળેતા. મુચકંધ રાજા...
સ્યામ સરૂપનેં મુરતી માધુરી, સામે મંદ મંદ મલકે
ગોર ગગન સોભે સશીઈ, તેળા જ દેવ ઈ ડસજે.મુચકંધ રાજા....
શંખ ચકરને ગદા પધમ ઈ, પટ પીતાંબર ધાર્યા
કનેમે કુંડલ હલકે હલકે, ઉપરણે આદ વાર્યા. મુચકંધ રાજા...
કેશ કલા શર સોભે સુખારી, મરકત માલા મોતી
કર કંકણ મકરાકત સોભે, જેજી જળકે જોતી. મુચકંધ રાજા...
રૂપ અનુપ અરૂપ અનામપ, અવનીમે નાંચ જોડી
ડસી દેવકે દંડવત પેંતા, રાજા ધોળી ધોળી. મુચકંધ રાજા...
મુચકંદરાજા ચતુરભુજ દેવ ડસીને ઓળખાણ પુછેતા.

રાગ આશાવરી

સામે સ્વાલ કરીતા રાજા, સામે સ્વાલ કરીતા
સ્યામલ મુરતી સામે ન્યારે, ધલમે ધ્યાન ધરીતા. રાજા....
કનલોકથી આયા દેવતા, હત હલી કીં આયા
આર્યા આંજી જાત વતાયો, હી વાટ કેર વતાયા. રાજા....
અગોર વનજી વાટ વિકટ હી, માનવી કોય ન વરકે
અણવાણ પેરે આર્યા પધાર્યા, કરુણા આજી છલકે.
શંકર જેળા લગોતા સ્વામી, નાય અંગ ભભુતી
બ્રમાજીતાં બુઠા ભનીવ્યા, તડે કન લોકથી આયા.
કમળ નયન આંજી કમળતા, હન ભુમીમે કરમાંધી

પાવનકારી આજી પરખ કરાયો, મુરતી મન મજભાયા. રાજા ...
પેલા મુચકંદ રાજા પંઢજી ઓળખ દીયેતા.

દોહરા

ઈશ્વાકુ કુળ અય ઈ ઉજરો, અજ તર્પી ઈ અકાય
જનમે જગ વિખ્યાત ઉ રાજા, માંધાતા ચોવાય.
.ન રાજાજો આંઉ પાટવી, મુચકંદ મુજો નાં
દેવ દાનવ યુધ કેયાં, તેની આઉ સરગમે રા.
ઈધર રાજા જે આદેસ સે, જી ચોકી કઈ ડીં રાત
વરે હજારુ ઈ વેચા વચી, જત માનવજી નાય જાત.
ઉત ઉજાગરા અતરા કેયાં, તડે દેવે કના વરદાન
નીા મગઈ મું ઉની વટા, ઈ પુરી કપી હન ધામ
મુંકે સામે ભસ્મ થઈવ્યો, કેળી લગી અનકે કજા
આંકે કીં પણ વે ખબર, ઈ અનકે કીં થચી સજા.

મુચકંદરાજા પંઢજી ઓળખાણા ડનાં અને જુકો માળુ ભસ્મ થઈ વયો તેજી ઓળખાણા
પુછેતા. રાજાજી ગાલ શુણીને ભગવાન પંઢજી ઓળખાણાને કાલયવનજી સજી વારતા રાજાકે
સમજાચીયેતા.

ચોપાઈ

શુણી વારતા શ્રીકૃષ્ણ ખલેતા, હરે હરે હરી વટ વીએતા
પંઢજી પુરી ઓળખ કરાયા, મુચકંદજો ઈ મો મટાયા.

શ્રીકૃષ્ણ ચેતા.

અવનીતે જડે અસુર વધેતા, સત્ય ધર્મજો નાસ કરીતા
તડે આંઉ અચા અવતાર ધરેને, સગુણરૂપ ભની કરેને.
અજ આયો અચા જાધવ કુળમે, કૃષ્ણ સ્વરૂપે મથુરા નગરમેં
કે ક કુટાણમું ટુંકા કેચા અચી, અજ મરાયો આજે હયા ઈ.

શ્રીકૃષ્ણ રાજાકે પંઢજી ઓળખ ડનાં અતરે રાજા દંડવત કરે ભગવાનજી અસ્તુતી
કરીયેતા.

રાગ બહાર

પરાપાર પરીબ્રમ આર્થી પુરણ, અમર લોકજા વાસી રે
કરુણા સાગર પ્રેમજી મુરતી, ભગત ભવ ભયહારી રે. પરાપાર...
આદ પુરુષ આર્થી અવની ઉપાયા, આંજી કલા અય ન્યારે
જનમે જીવ અજબ ભનાયા, માનવજાત બળ ભાગારે.
લખચોરાસી જાતમેં માનવ, બુધીમતા અધીકારી રે

શીવ ભને લાય જીવ કે જગમે, ભેટ ડનાં અસુરારી રે.
જડે જીવ હી ચાંતરી ચીલો, કરમ કરે અવિચારી રે
માયા જે બંધનમે જીવ ઈ, ફરી બધે ચોરાયસી રે.

દોહરા

મૃત્યુલોક સજેજી મુળી, સપન કે ઈ જીવ, તોય ત્રસણા તીં તીં વધે, ઈ સાવ ભુલીવ્યો શીવ
ભક્તિ આંજી ભુધરા, દીજા દીન દયાલ, જનમો જનમ ઈ યાધ રે, આંજો નાલો ગોપાલ
અજ પધાર્યા અવનીતે, સગુણ ભની શ્રીનાથ, યુગ વીતે આપી યાધ કેયા, છોળાયા હે જગતાત
મુચકંદરાજા ભગવાન કૃષ્ણજી અસ્તુતી કરે દંડવત પેયા શ્રીકૃષ્ણ રાજાકે ચેંતા.

ચોપાઈ

હે રાજા આજી કીરતી જગમે, દશજેતી મથે અમર લોકમં
દેવેકે આપીં આબથ દઈને, અજોડ કમ કેયાં અવનીમે.
રાજપાઠ સુખ છડે કુટુંબજો, કમ કેયા આપીં દેવેજો
જોબનમં આપી મગ્યા ખેલ્યા, કરમ બંધેયા વા પેલા.
ઉ કરમેકે પુરો કરે લાય, વનો જગમે જનમ ધરેલાય
ઈ કર્મ કપાયલા ભજન કરીજા, બ્રામણજે ઘર જનમજા.
આઉ અચીધોંસ જાધવ કુળમે, આપીં મલજા રાજ ભુવનમં
અતરો યઈ હરી રાજા સામે, અસ્ય થયા ઈ અનજ ગુફામં.

રાજા પરીક્ષીત સુખદેવજીકે પ્રશ્ન કેયાં હે મુની હી રાજા હન ગુફામં કીં સુતાવા. કાલયવન
ભસ્મ કી થયો ઈ વારતા સમજાય તડે સુખદેવજી કથા કરે ચેતા.

ચોપાઈ

પરીક્ષીત રાજા સ્વાલ કરીંતા, મુચકંદજી ઓળખ મજેતાં
કાલયવન કી બરી ભસ્મ થેયો, રાજાકે હી કીં દુઃખ થેયો.
રાજા છડેને અગોર જંગલમે, કીં સુતા ઈ અન ગુફામં
ઈ સજી વારતા મુજી સમજાયો, મુજો ભ્રમ આપીં મટાયો.

ચોપાઈ સુખદેવજી ચેતા.

દેવ દાનવેજો જેની જુધ થયો, સરગ લોક ઈ સાવ સુનું થેયો
સરગ લોકજો રક્ષણ કરેલાય, ઈ આયો અવની નેરણ લાય.
મુચકંદકે ઈ સારે સમજાયા, રક્ષણ કેલા ફરજ ફગાયા
તેની સરગજી ચોકી કયા ઈ, વરે હજાર નકરી વયાઈ.
દેવ જીતીને પાછા આયા, રાજાજો સનમાન કરીયા
દેવ મલી વરદાન ડનાઈ, મોં મજેયો વરદાન મંગોઈ.

મુચકંદ રાજા વર મંગેતા. દોહરા

સુણી દેવેજી વાણીને, રાજા રાજ થયા, નંધર મએયા મહિપતી, ઈ પુરી અત ઈ કેયા. વરદાન ડનાં દેવતા, રાજા થયા પ્રસન, ફરી ફરી વંદન કરે, બ્યો મએયા વચન. મુંજી નંધરજો જડે, કોપ કરીધો ભંગ, બરી ભસ્મ ઈ થઈ વને, સજો અનજો ઈ અંગ વર ગની આયા અતે, ગરવો ગઢ ગરનાર, અન ગુફામં ઈ સુતા, વરે વેધારેયા હજાર. ધ્વાપર ધરતી તે આયો થયો કૃષ્ણ અવતાર, કાલજો કાળ કરાયા અજ જાડેજા કરતાર.

ઈતિ અધ્યાય ૫૧

અધ્યાય ૫૨ : જરસંઘને કૃષ્ણજો ફરી જુધને કૃષ્ણ ધ્વારીકા.

દોહરા

કાળયવનજો કાળ થઈ, કી કોપાયા કરતાર, સુખદેવજી સજી વારતા, સમજાયા ઈ સાર. શ્રીહરી વેધા ધ્વારીકા, છડે મથુરા ગામ, ત્રયી લીલા ત્રીભુવનજી, સુણજા દઈને ધ્યાન. જીવન ગાથા જેલમે, ગોકુળજો ગોપાલ, મથુરા મે ઈ મહિપતી, ધ્વારીકા વૃજપાલ.

મુચુંદ રાજા ભગવાનજા દરશન કરે ગુફાથી બાર ઈ આયા તત હડા સજી નયી ધુનીયા ડસાણી કીક અનીજી. નંધરમે વરે હજાર નકરી વ્યા.

ચોપાઈ

મુચુંદ રાજા બારા અચેતા, સાવ નયી ઈ ધરા દશેતા
માનવજાત ઈ નંદી ડસાજે, સાધુ ધન સુખમે ભાસે.
નગરમે ન ઈ રાજા અચેતા, ઉતર ડસાજો મારગ જલીતા
બીકાશ્રમમે રાજા આયા, અત વયીને જોગ કમાયા.
ભજન કરેને ભવ સુધાર્યા, શ્રીકૃષ્ણજી ગાલકે પાર્યા
ફરી જનમજી કથા ડસાજે, ઘર ઘર મે તી ઈજ ગાવા જે.

શ્રીકૃષ્ણ ભગવાન કાલયવને મારાયે રાજામુચુંદકે સમજાય મથુરામે પાછા અચેતા તડે ફરી જરાસંઘ લજ્જર ખણી મથુરાતે ચળી અચેતો.

દોહરા

ભસ્મ કરાય ઈ અસુરકે હરી આયા મથુરા ધામ, કાલયવનજી કટકજો હરી કહેયાના નીસાન. કાલયવનજે મરણજી, જરા સુણી સેતાન, ઉપળ્યો અંતરયાળ ઈ, પુગો મથુરા ગામ

ચોપાઈ

કાળ જેળો ઈ કટક ખણીને, આયો જરાસંઘ ફરી ફરીને
માર માર કઈધો આયો મથુરા, ખણી અસુર ઈ પંઢજા પુર.
કાળ કટકકે કૃષ્ણ ડસીને, શ્રીહરી ઉથેયા કમર કસીને
બલરામજી જે મેલમે આયા, વ્યુ રચના ઈ પંઢજી સુણાયા.
ધ્વારીકા નાલેમું નગરી વસાઈ, યાઘવે કે મુંડના પુજાઈ

હૈયા હલો ભા પાપ અનીકિ, કુટેને કઢીયું અસુર માણીકિ.

કૃષ્ણ ને બલરામજી યુધમે અચેતા.

ખણી ધનુષ હરી તૈયાર થીએતા, બલરામજી કે ભેરા કઠીતા

રણ મેધાનજી વચમે ઈ આયા, અસુરે તે ઈ મારો હલાયા.

સજી સેનાકે સાવ ઈ સુમારે, ડના અવની હરી ઉગારે

જરા સંધકે જીરો ઈ છડેયા, કે અસુરેકે કુટે કઢેયા.

જરાસંઘજી ગાલ મરણજી, યાધ અચેતી અનજે જીવનજી

અતરે હરી હથીયાર ન માર્યા, બલરામજીકે વઈ સમજાયા.

જરાસંઘજો મરણ ભીમજે હથાવો અતરે કૃષ્ણ અનેક માર્યા ન અતરે ઈ કૃષ્ણકે મારેલા ધોળેતોને ભગવાન ત્યાંથી ભજી છુટેતા.

દોહરા

સજી સેનાજો નાસ ડસી અસુર ઉપખ્યો ઉવાથી, મારોકે મોહન મથે, તત હરી ભજેતા ત્યાંથી
ભજધ ભજધે ભુમી છડેયા આયા પર્વરાણ પર્વતમે, મથે ચળીને છલાંગ લગાયા ભુલાયા ઈ ડુંગરમે

ચોપાઈ

ઉન ડુંગરજી ધાર ચળીને, જંપ લગાયા મથે ચળીને

બલરામજી પણ ભેરા ટપેયા, ધ્વારીકામે બોય ઉતરેયા.

જરાસંઘકે જાણ થઈ ઈ, ડુંગર કેતા ઘેરે ગળે ઈ

જોગેસરકે જીરો જલેલા, અસુર ઉપખ્યો મથે ચળેલા.

દોહરો

ચળધે ડુંગર તે ડસી, અસુર થીએતો રાજી, મડ હથ ખ્યો મુકે ઈ, જુની ગાલ થીએતી તાજી.

સજે ડુંગરકે સોધ કરાયે ઈ હરી ન આયા હથ, નં કી આવઈ આણસાર કી, ન કી લધો બ્યો પથ

સુખદેવજી ચેંતા.

હન આલમજો અધીપતી, હી આલમ ઈજ ઉપાય

અનમે ઈ રમી રેયો અય, જત તત ઈજ ડસાય.

સનેમે સાવ સનું ઈ, સાયરમે ન સમાય

જભર જોરાતો જગ કના, તેકે અસુર સગેન સલગાય.

રમાપતીજી રાંધ રાજન, જગકે તાં હિ સાવ સખાય

લેખ લખેલા કીન ભુસાજે, વધાતા કે ડને ઈ વતાય.

ચોપાઈ

ધ્વારીકા મેં ધરણી ધરજી, લીલા ન્યારેયુ રાજ ભુવનજી

રાજા પરીક્ષીતકે ચેતાયા, સજી વારતા વધી સમજાયા.

હે રાજન અજ શ્રી હરી આયા, સુધર્મનાજી સભા ભનાયા

અન નગરીમેં રાજ કરીતા, દેવ અચીને પેરા ભરીતા.
 જાધવરાયજી સજે જગતમે, પે ઘળકારા મથલે ભુવનમેં
 નત નત તાં જત દેવ અચીને, જે જે કાર કરીયે ઈ ડસીને.
 અન સભામે નારઘ આયા, પુજન કરે હરી વટ વેરાયા
 ખબર અંતર પુછેયા પ્રભુકે, નર્થી ગાલ ઈ કેયાં હરીકે.
 આનતદિશજી રાજકુમારી, રેવતી નાલે જગ ઉજીઆરી
 બલરામજી સે સંબંધ કરાયો, પેલે જનમજો નાતો જોળાયો.

દોહરો

ડયી જાધારી ઈ મુની, વ્યા ઈ પંઠ જે દેસ, લગ્ન લખાણા રામજીજા, જાધવકુળ નરેશ.
 શ્રીકૃષ્ણ ધ્વારીકામેં અચી જાધવેજી સુધર્મા નાલેજી સભા ભનાયા અત નારદજી અચેતા
 બલરામજી જે સંબંધજી હકીકત ચેંતા આનતદિસજી રાજકુમારી રેવતીજી સંગે થીએતાને લખ
 ગનાણા જે જો વણન.

રાગ પસલી ભરીને રસ.

ધ્વારીકા નગરીમેં રણછોડ રાજા, લગ્ન લખાણા અજ
 બલરામજી જારે આણલા આયા. આણલા....
 શેર સજાયા સારો, તોરણ બંધાયા
 મંડપ રચેયા ચૌટા, ચોક પુરાયા. આણલા
 ઢોલ નગારા ભેરા, પળધમ ધમકે
 સંગીત સારે સુણી, સુણાઈ સણકે. આણલા....
 સોરો રે સણગાર, સજે રે સખીયું
 મંગળ ગીત ગાયીએ, વીર વધાઈયે. આણલા....
 રંગ મંડપજી તાં, સોભા જ ન્યારી
 વર કન્યાકે કોઠે, વચમેં વેરાયા. આણલા...
 ચારોય જગજી ચોરી, રચેયા રજવાડી
 મંગલ વરતે નેરે, મહિપતી મલકે. અજ આણલા આયા....

દોહરા

પુરી વસાયા પંઠ હરી, પેલા પતાયા ઈ કમ
 પેણાયા બલરામકે, પોવા નેરી પંઠલા બ્રમ
 સુખદેવજી અજ લક્ષ્મીજીજો અવતાર રુકમણી રૂપમેં થયો પ્રથવીતે તેજી કથા સુણાઈયેતા.

રાગ ભીમપલાસ

જુગ વીતે યોગેસર જગમે, અચી કરે અવતાર ધર્મા
 તડે શ્રીદેવી પાણ પરીબ્રમજી, સારે ભેરા સેવા ઈ કેયાં. જુગ વીતે....

રઘુકુળ ભુશણ રામજી જેની, અવનીલા અવતાર ધાર્યા
તડે સીતાજીજો રૂપ ધરે શ્રી, વનવગળેજા દુઃખ સહ્યાં.
ઉ સીતાજીજે જીવન ગાથા, યોગેસર ઈ યાધ કેયાં
ઈ ભઘલો દેલા લખમીજીકે, નારાયણ નીરધાર કેયાં.

ક્ષીર સાગર મેં શ્રી લક્ષ્મીજી હેકલા વઢા અથી અને મનસે વિચારીતાં ક ભગવાન અજ કાલ
કીં ડસજે નતા. અતરે ધ્યાનસે નેરયા તત ધરા મથે કૃષ્ણરૂપમે દઢા અતરે લક્ષ્મીજી પણ
કુંદનપુર મેં રુકમણી થઈ અવતાર ધરીતા ને ભીષ્મક જે ઘર પ્રગઠ થીએતા ઈ કથા રાજકે મુની
સુણાઈએતાં.

રાગ એજ

રોસ સ્યામે સ્યામ સુંદિરકે, નારાયણીન નજર દઢા
ધ્યાન ધરે ને ન્યારેયા ધલમે, ત ધરતી તે ધીધાર વઢા.
ઘોડી આયા ધરણી તે ઈ, અત ધવારકાધીસ વઢા
સેવા કરેલાય સગુણ ભનેતા, સરમાણા ઈ દસી છટા.
કુંડલ પુરમે આયા ઈ દેવી, ભીસ્મકજા જત રાજ મઢા
જનમ ધર્યા શ્રીરુકમણીરૂપે, યાધ કરે સુખદુઃખ ઈ સુઠા.
સેવા સમરણ રાત ડી કરીયે, જોગ માયા જોગ ધારે વઢા
જાઘ આયા અજ ઈ જોગેસર, જાડેજાચે સ્યામ સુઠા.
યુગ વીતે યોગેસર જગમે.

શ્રી લક્ષ્મીજો પ્રાગઠ્ય ભીસ્મક રાજજે ઘર થેયો ઉત ઈ દેવી વડાથીએતા ભગવાનજો નાં
જો સમરણ કરીયેતા હડા અનીજો ભા રુકમી રુકમણીજો સબંધ શીશુપાળસે કરેતો ઈ કથા મુની
સમજાઈતાં.

દોહરો

પરીક્ષીતકે પરીબ્રમજી, કથા સુણાઈએ સુખદેવ
લક્ષ્મી નારાયણજી કથા, સાવ વતાઈએ ભેવ.

ચોપાઈ

શ્રીદેવીજો મોભીભા રુકમી, સોબતસે ઈ ભન્યો અઘમી
શીશુપાલસે કે ઈ મીત્રાઈ, રાત ડી રેતા બોય ભેરા ઈ.
રુકમણીજો સબંધ નેરેતો, શીશુપાળસે નકી કરેતો
લગનજી ઈ કેયાં તૈયારી, સારો સેર દના સાણગારી.
ચેદી નરેસ જન ખણી આયો, રાજા ભીસ્મક કેયા સામ્યો
ડના ઓતારા વડે મેલમે, શીશુપાલ અજ અય ઉમંગમે.
રુકમણીજીકે ઈ ખબર મલેતા, સુણી ગાલ ઈ ધુબી વનેતા
યોગેસરજી જાઘ અચેતી, અખીયે પાણી કાયા થથરેતી.

શ્રીસ્યામકે ખબર નડેલા, સાયો કેયાં ઈ અતકોઠેલા
વધી હેકલા વિચાર કરીયે, નારાયણકે યાધતાં કરીયે.

શ્રીદેવીકે ખબર મલેયાક ચેડી રાજા જાન ખણી આયો અયે શીશુપાળસે રુકમી સંબધકે અયે
અતરે કાગર લખીને દેવી ધવારીકા ગોર ભેરો હલાઈતા કાગર લખેતા.

રાગ ભૈરવી

કાગરીએજો ટુકર ખયાઈ, લખણ લા થેયા તૈયાર રે
દોત કલમ ખણી શ્રીહથમે, યાધ કેયાં કિરતાર રે. કાગરીએજો ...
લખણજી ઈ કેયાં તૈયારી, હીયે હલઈ હલકાર રે
સબધ સુજે ન અખીયે આસુ, પટ પેતાં ચોધાર રે. કાગરીએજો ...
સરવેશ્વર સુખ સરજનહારા, સરણાગત પ્રતીપાલે રે
લખઈ પત્રીકા વધી વાંચીજા, સુણી મુંજી અરદાસ રે. કાગરીએજો ...
પેલે જુગમે પ્રભુ પધાર્યા, યાધ ન કેયા કરતાર રે
વામન પરસુરામ ભનીને, ઉજ પાર્યા આચાર રે. કાગરીએજો ...
રઘુપતી રૂપમે રાંધજ ન્યારી, યાધ કર્યો ગોપાલ રે
અજ અવસર હી આયો ફરીને, વાલમ ચળજા વાર રે. કાગરીએજો

દોહરા

લખી પત્રીકા પુરીક્રિયાં, અને શેન કેયા શ્રીકાર, કંકુજા છંઢળા કરેને, ક્યા પત્રીકા તૈયાર.
કોઠાયા કુળ ગોર કે, સમજાયા વધી સાર, પુરી પુજાયો પત્રીકા, જરા ન કરીજા વાર.
લખમી નારાયણજી કથા, અવનીમે અજોડ, જગ વતાયા જાડેજા, રાજારાય રણછોડ.

ઈતિ અધ્યાય પર

અધ્યાય ૫૩ : રુકમણી હરણ

અધ્યાય ત્રેપનજી હી ગાલ, લખઈ કવીતા ત્રેસઠ સાલ
સં સર વીર ભુપજો ચોવાજે, વાર બુધ આઠમ વરતાજે.
શ્રીદેવીજો સમરણ કરીયા, નમન કરેને ધ્યાન જ ધરીયા
આંજી લીલા લખણી આય, આજ્ઞા દીજા દેવીશ્રી માય.

દોહરો

સાકાર રૂપ ધર્યા શ્રી દેવી, પ્રગઠયા કુંડન પુર, ક્ષત્રીવટજી ઉ પ્રથા, જાહેર જગ મસુર.
શ્રીદેવી પત્રીકા લખી કુળ ગોરકે કોઠાય સજો ભેદ વધી સમજાયને પત્રીકા ડનાં ધવારીકા
પોજાયલા મારાજ તૈયાર થઈને ઘર અચેતાં ઈ કથા સુણાઈતા.

દોહરા

રાજભુવનમે રાજગોર, શુણી દેવીજો આદેસ

ખણી પત્રીકા ઉપજોઆ, પંડીત ઈ પરચીમ દેસ.

કેયાં તૈયારી તકળસે, ઘરે અચી મારાજ

પ્રો કુટે ઈ વનાણલા, સરાય સુતા ઈ સાજ.

સાજ રખેયા સરા વટ, સુતા વટ, સુતા ઘર ઈ અંગણમેં

ઉથી ઓગેજો નેરીયે, તત વઠા ધવારીકા નગમરમે.

મારાજ પત્રીકા ખણી ઘર અચેતા વાટલા બ્યો સરસામાન બધે ઘર જે અંગણમેં સુમેતાને નકી કેયા વલો પરોરજો યધમે રવાનું થીંધો સો રાતજો અત સુતાને પરોરજો ઉથી નેરયેતત નયી કોક નગરી ડસેતા વિચારેમે પયી વનેતાને પુછા કેયાં તત ખબર પચીક હીજ ધવારીકા અય ઈ ડસી મારાજ રાજી થઈ ભગવાનકે યાધ કરે ગામમે વનેતા. મારાજ ધવારીકામે ધાખલ થીએતા

ચોપાઈ

કેળી કરામત થઈ કીન ચોવાજે, સજો શેર સોન ડસાજે

સુજે ગાલ ઈ સાવ સચી અય, નારાયાણજી નગરી નકી આય.

ઈજ વિચારે વિપ્ર ઉભા થેયા, રાજમેલજી કરી પુછા પ્યાં

રાજમેલ વટ ઈ આયા, પોરીએ ભેરી ખબર હલાયા.

સુણી ગાલ સર્વેશ્વર ઉવાથી, ઘોળી નકરેયા ધવાર મજાથી

હથ જલેને હરી કોઠે આયા, ગાધી વની પંઢવટ વેરાયા.

માન પાન દઈ પુજા કરેને, ખબર પુછેતા હરી હરે કરેને

ક્ત રોણુને કેયાંથી આયા, સમજાયો આંકે કે હલાયા.

શ્રીકૃષ્ણ અજ મારાજકે માનસે કોઠે પંઢ વટ વેરાયને સનમાન કરે ઓળખ પુછેતા તડે મારાજ ચેંતા.

દોહરો

નમન કરે શ્રીનાથકે, વિપ્ર ડનાં આસીસ, પત્રીકા હથમે ડના, ઈ વાંચીતા જગદીસ.

ચોપાઈ

વાંચેયા પત્રીકા પ્રભુ ઉન પલમે, કેયા તૈયારી હરી ઈજ મનમે

રથ પંઢજો તૈયાર કરાયાં, સાજ વાજ મજ ગોઠવાયા.

દારુકજી રથ જોડે અચેતા, ઉદઘલ ઘોળા ઈ જીતરીતા

વીપ્રકે પંઢ વટ ઈ વેરાયા, રથ કુંદલપુર સામે ભજાયા.

શ્રીકૃષ્ણ કુંડલપુરજે પધરમે પુગાઈ ખબર ભીરમકકે પેતી તેરઈ સામ્યા કરે માન પાનસે કોઠે મેલાત મેં ઉતાર દેશય બ્યા દેસ દેસજા રાજા પણ અત અચીવ્યા અચી મણીકે ભીરમક સામ્યા કરે ઉતારા દેરાયા.

ચોપાઈ

સ્વયંવરજી જત હલેતી તૈયારી, ધામ ધુમ જત થીએતી ભારી

દેસ દેસજા રાજવી અચેતા, શ્રીકૃષ્ણ પાણ અતે પુજેતા.
 રાજા ભીસ્મક કરે સામ્યા, દીયે ઉતારા ધલ ભરેબ્યા
 ધવારીકાસે શ્રીકૃષ્ણ પધાર્યા, ભીસ્મક કે ઈ ખબર પોજ્યા.
 ધોળીને રાજન સામે આયા, ચરણ કમળમે શીરકે નમાયા
 રાજભુવનમે રાજેશ્વરજી, પુજાકેયા ઈ પુરણ બ્રમજી.

દોહરો

આનર્ત દેસથી રથ ઉડી, આયો વીદર્ભ દેસ, ઈ કલ કેં કે ન પચી, જાણે વિપ્રકો જોગેસ.
 ભીસ્મકરાજા શ્રીકૃષ્ણકે સામ્યા કરે કોઠે પુજા કરેને વેરાયાને પંઢ લખજી તૈયારી
 સ્વયંવરજી કરીયેતા.

ચોપાઈ

રાજા ભીસ્મક શેર સજારી, સ્વયંવરજી લગ્નજી કરીયે તૈયારી
 દેસ દેસજા રાજવી આયા, કરે સામ્યા મેલ વેરાયા.
 સેરીયુ બુવારે સાફ કરાયા, ફુલ સુગંધી પટ પથરાયા
 હાંઠી ઝુમરજી સોભા ભારી, જે કે ડસીને અચે હલકારી.
 ઘરા ઘરમં તોરણ બંધાયા, અંગણ અંગણમે રંગ પુરાયા
 લગ્નમંડપજી સે શોભા ન્યારી, દીપ માલાઉ કર દસધે દીયારી.
 ગજ રેસમજા બંધેયા પળધા, મથે ડસાજે તોરણ હલધા
 સાજ વાજ જત બોરા વનેતા, આભા મંડળમે પળગા પેંતા.
 સારે સેરજા માળુ મલીને, નેરણ અચેતા ધોળી ધોળીને
 લગ્ન ગીતજી રંમજટ કરીયે, બાયુ બાનળીયુ ધોળુ કરીયે.
 લગ્નજી તળામાર તૈયારી થઈ રઈ અચે.
 મંડપમે માણક થંભ રોપ્યો, પાટ પુજાપો વિપ્રકે સોપ્યાં
 કુળ ગોત્રને ગણેસજા જત, ક્યાં થાપના વિધી વત તત.
 ભુદેવ જત સ્વસ્તીક કરીયે, વેદમંત્રજા પાઠ ભણીએ
 દીગપાળેજી પૂજા કરાયા, ચોરીજી તત તૈયાર કરાયાં.
 લગ્ન મંડપજી તૈયારી થઈ રઈ આય દમગોસ રાજા જન ખણી આયો ઈ શીશુપાલ કે
 સણગાર સજાયતો

રાગ કલ્વીંગડો

દમધોસ રાજા જૈન ખણીને, કુઢંલ પુરમે આયો
 સો સતરાજા આયા સાથમે, કર આયો વળેતો સાયો.
 હાથી ધોળા ખણી હજારુ, મહારથી પાણ ભેરા
 દંત વક્ત્રને જરાસંઘ બ્યાં, સાલવ પૌક જેળા.
 શીશુપાળ પંઢજે ભેરુએ કેવટ વેરાયને ચેતો

ચોપાઈ

શીશુપાળ સણગાર સજેતો, પેણેલાય તૈયાર થીએતો
ભા ભીરુએ કે વટ વેરાયે, મનજી ગાલ ઈતો સુણાયે.
શીશુપાલ ચેં ભાવર સુણજા, મુંજી ગાલકે ધ્યાન જ ડીજા
અજ આયો અય કપટી કારો, ગાલ સુજેતી ધવારકા વારો.
લગ્નમે ઈ અવરી કરીધો, મુકે સુજેતો કીન છડી ધ્યો
અતરે આંધી સજાગ રોજા, પાણીનું મોર પાર બધીજા.
આયી રહિ વેંધા ગઢલતમે, ત વારો ઈધો રુણજો જગમે
ત અનકે આંધી નજરમે રખજા, બ્યા તૈયાર થઈ પધરમે રોજા.

શીશુપાલજી ગાલ સુણી બયા રાજા લશકર તૈયાર કરીયેતા.

દોહરો

શીશુપાલ સમજાય ચેં, તત લશકર થયો તૈયાર, ઘેરો વધાઈ ગોઠકે, બ્યા વઠા મંડપનું બાર
રાજમેલમેં અત રુકમણીજી હેકલા વઠા અયી ને શ્રીકૃષ્ણ કે યાધ કરીએતાં ક અના ભગવાન
કી પુગા ન અતરે ઈ આસનતે વયી માલા ખણી ધ્યાન સે સમરણ કરીયેતા.

દોહરો

રાજ ભુવનમેં રુકમણી, વયી કરીયે વિચાર, શ્રીકૃષ્ણ કીં ન પધાર્યા, અખીયે આંસુ ધાર.
આસન વારે ને વઠા, ખણી માલા હથમે, સમરણ કરીયે સ્યામજો, ઘરે મુરતી ધલમે.
સુખદેવજી પાછી ધવારીકા કથા સુણાઈએતા રાજા કે -

ચોપાઈ

સુખદેવજી કથા સુણાઈએ, પાછી ધવારીકા મેં પુજાઈએ
ધવારીકામેં ઢોલ પઢા જે, કુંડલપુરજી ગાલ સુણાજે.
બલરામજી કે ખબર મલેતી, સજી ગાલ સામે ડસજેતી
કૃષ્ણ નાંય વ્યા લગ્ન નેરેલા, નકી વેયા ઈ હરણ કરેલા.
બલરામજી જાધવે કે ભેરા કરીયેતા.

જાધવ જોધા ભેરા કરેને, સમજાયા ઈ ભેદ વયીને
કયો તૈયારી સાજ સજેને, હલો કુંદલપુર ભેરા થઈને.

દોહરો

સજી સેના તૈયાર થઈને, હલ્યા કુંડલપુર, આયા ગામ પધરમેં, જાધવ જોધાસુર.
બલરામજી પુજી આયા કુંડલપુરમેં. રુકમણીજીકે ખબર પેતી કૃષ્ણજી

દોહરો

અંતપુરમે ખબર મલઈ, આયા આંઈ ભગવાન, રીરુકમણી રાજી થેયા, કેયાં તૈયારી તમામ
પુજન કેલા શ્રી દેવીજો, દેવી થેયા તૈયાર, સખીયું ભેરીયું સાથમે, આયા ગામથી બાર.

દાસી કે કોઠાય રયા, સોખ્યા ઈ રીકાર, મલજા મહિપતી મંધરમે, શકિતમેં ચ્યાં સાર.

શ્રીદેવી રુકમણીજી દાસીકે સમજાયને શ્રીકૃષ્ણ વટ હલાયા ને પંઢ પુજાસો સામાન ખણી દાસી એ ભેરા કુળદેવીજો પુજન કેલા વનેતા.

રાગ આવી આઢમની રાતડી રે

સ્યામ આયા નગરમે અર્થી, શ્રીદેવી કે ખબર મલ્યા
હલી આયા મંધરમેં ઈ, કુળદેવીજી પુજા કેયા. સ્યામ આયા...
દેવી સજ્યાં સોરા સણગાર, અંગે આભુષણ ધર્યા
કેયાં કુમ કુમ જા ચાંદલા ઈ, સેથે મેં સીધુર પુર્યા. સ્યામ આયા...
નંઢી નથળી શોભતી રે, કને મે ઈ કુંઢલ પેર્યા
શોભે શોભે ભમર ઈ વાર, વારે વારે મોતી પુર્યા. સ્યામ આયા...
કર કંકણજો રણકાર, ઘુઘરી ઘમં ઘમં
ગલે મોતીએજી મારારે, ગુલાબજા ગજરા પેર્યા. સ્યામ આયા...
લાલ યુનળી શોભતી રે, કોરા ઈ કંગન પેર્યા
પગ ઝાઝરી ઝમકતી રે, અંગુઠી પગ પાન પેર્યા. સ્યામ આયા...
ઓઢ્યા અંભર ઉજળારે, અમુલખ જરી ભર ઈ
કેળ કંદોરો લટકંધો રે, મોતી ડે ને માણક જખ્યા. સ્યામ આયા...
શીર મથે સરકધ્યું રે, સેરાઉ ત્યું શોભે શોભે
શોભે શ્રી દેવી મલકધારે, ડસીને તાં નેણ ઠર્યા.
કર કંચનજો કળસરે, રૂપેરી તાં જારી ભરઈ
થાર ભરેયા મોતીડેજા ઈ, પુજા પેજા વાના ખયાં. સ્યામ આયા...

શ્રીરુકમણીજી સણગાર સજે પુજાપો ખણી દાસીયું સખીયે ભેરા કુળદેવી જો પુજન કેલા વનેતા.

ચોપાઈ

ગુઝરીઆરા રથ જોળાયા, હીરે મોતીસે સણગારયાં
બાયુ બાનળીયુ ભેરીયું સંગમે, કુળદેવી જે આયા મંધીરમે.
વીપ્ર વનીતા ઉ પુજા કરાઈએ, સાન્તીજા ઈ પાઠ ભણાઈએ
થાર સોનજા સગરે ભરેલા, સેવા મેં ઈ રખેયા છલેલા.
સો સત સખીયું આરતી ઉતાર્યા, નૈવેધ યુરમાં થાર ધરાયા
પુજા પાઠથી દેવી પરવારી, આયા શ્રીદેવી મંધર બારી.

દેવીજી પુજા કરે શ્રીદેવીબાર અચેતા.

દોહરા

પુજાથી પરવારીને, દેવી આયા મંધર બાર
નેરણ રાજકુમારકે, જત રાજા વા ઈ તૈયાર.

મોમાય ઈ માયા ફેલાયા, છડેયા પંઢજી જોત
 સો સજ જોપ્યુ સરાખું, પટ પથરાણા ધોધ.
 રાજા મુછીત થઈ વેયા, આવઈ અખ આંધાર
 સોપો થઈ વયો પટમથે, થઈ વધી સાવ સુનકાર.
 દેવી મંધરનું બારા અચેતા ન મોમાયા એળી માયા
 ફેલાયા હેળી જોત ફલાયા ઉનસે મણી રાજાએકે આંધાર અચી વઈ...
 શ્રીકૃષ્ણ રથ ખણી અત પુજી અચેતા

ચોપાઈ

હતે હરીતાં તૈયાર ઉભાવા, ગરુળધ્વજ રથ ખણી આયાવા
 શ્રીદેવી વટજી રથ આયો, હરે હરી હથ પંઢજો લંબાયો.

દોહરો

હથ જલે શ્રીહરી દેવીજો, ને વેરાયા ઈ રથમેં
 ઈ કલકેં કે પન પઈ, એળી અંધાર પઈ પટમેં.
 રથ વાર્યા દસ વાંઈમે, જલ્યા પુરીજી ઈ વાટ
 ખેલ ભની વ્યો પલકમે, રથ નકરી વ્યો રુંગાટ.
 રુંધલ રાજા રઈ વેયાં, ને લગી મંજારા લાય
 સધર સકારી સમજવગર, કેં જી ન ઈ કોદી ખાય.
 રુંધો રુંધો રુકમી અચી, શીશુપાલ વટ જભ લબકાય
 ભાવર પાસે થઈ ભુછડી, કાં મરો કાં જલીઓ વાય.
 દીએ જોળા દાયા ખણી, ઉપળેઆ ઉવાંથી બર બધે
 તાળું દીધા મથો કુટીંધા, આયા ઓતારે રાણુ કુંધે.
 શ્રીદેવી જે હરણજી, વારતા જગ વીખ્યાત
 હથ જોડે ઈ પુરી કઈ, જય જોડેજા જગ જાત.

ઈતિ અધ્યાય પ૩

દેવી મંધરનું બાર આયા, મોમાય એળી પંઢજી જોત ફેલાયા ઉનસે ઉની રાજાએકે,
 આંધાર અચી વઈ મળે નીચું નેરણ લગા તેસીતાં શ્રીકૃષ્ણ રથ ખણી મંધર વટ અચી રુકમણી કે
 રથમે વેરાયને રથકે ધ્વારીકાજી દસ દીયા રવાનું કરે છડયા. હડા ઈ મુલક રાજા જાગ્રત થીએતા
 તેર ખબર પેતીને ધોળા ધોળ કરીયેતા.

અધ્યાય પ૪ : શીશુપાલજો જુધ ને લગ્ન

શુકદેવ ઉવાચ. દોહરો

હે રાજા ઈ અન ગાલજી ખબર પઈ વધી ખલકમેં, વગર પગ ઈ વધી ઉડી સારે શેર નગર મે.

દમગોસ રાજા સેના તૈયાર કરેતો.

દમગોસ રાજા દાઢી પઢાએ, સજી સેના તૈયાર કરાયે
છડે છાવણી બારતો ઉછેરે, પગ પછાળે પાણી ચળાયે.

કચ્છી સંગર

સુણી ગાલ ઈ સાલવ ઉપળ્યો, જરા સંઘ જંગરાળ
દંતવક્ર ઈ સાજ સજેને, ભેરો કે પળકાળ.
સાજ વાજ સેનાં ખણી, ઉપળેયા અંતરયાળ
ચીલે ચીલે ખ્યા ઈ પુઠીઆ, લાળ ભનીને લબાળ
ગામ પધરમે અચી ગદેયા, જાધવ સેનાકે અચી.

યુધ વર્ણન

હત પાણ યાધવ વા તૈયાર, બલરામજી પાણ કેયાં પળકાર
સામે સામા થયા ધીંગાણા, તાળુ દઈ દઈને ટકરાણા.
કો તશરુ તેગ ખણેતા, કો ઉભા ઉભ ઉત ઉછરેતા
કો ભાલા કો કટાર હથમેં, કો બરછી કો કમાન પણછમેં.
કો ભુગંકો ભુપ ભાલારી, કો બધીતા કેળ કટારી
કો મુશલ કો મુદગલ મુલા, કો ગોક્કણકો ખયાં ગલોલા.
જેં કે જ્યાં આવયી હથવાઈ, તેં તે કેયા ઉત તીજ તવાઈ
ઉજ પલ પલમે વયી પલટી, સજી સુવાણ થઈ વયી ઉલટી.

સ્વયંવર રેયો ઉતઈને લનાઈ ધમસાણ થઈ વયી કુખણ અગીઆ રથ કે ધોળાઈધા વનંતાને
ખર રાજા થેયા પુઠીઆ હડા જાધવ મળે બલરામજી ભેરા તૈયાર જા વા ને યુધ થેઓ ચાલુ.

રણ સીંગા રણસુર સુજાણી, રણભેરી રણમેઈ કુકાણા
પળધમ તે પટાણી ઈ દાંઢી, ઢોલ કુટીતા ઢીમર ઢાંઢી.
તાજી તેં તોખાર મંઢાણા, તંગ વારે ને ટાટ અંધાણા
સાંઢે તેં ઈ સાંજ સજીતા, જોરાત્યું જંજાલુ ખણેતાં.
ગજરાજેજા જાંઢ ઉપળેઆ, અંભાળી તેં મહારથી ચળેયા
ધારુ ધબેને ક્યા ધળાકો, સજે ભોણમે થઓ ભળાકો.

જોધા વછટા

સામા સામે જોધા વછટા, જોરતા ઈ જોધા વછટા
જમરાળા જમદુત ભનીને, કાળ મથે કર કાળજ વછટા.
સામા વછટા સટ કરેને સામા વછટા
સબ સબાકે સભર સેઠાં, સામા સામે સાવજ વછટા.
રાગા વછટા રણ મેધાનમે, રાગા વછટા

રણ ઘેલા ઈ રાણ કરેને, રતા મતા રાગા વછટા.
વાઘા વછટા વમ ભરેને, વાઘા વછટા
વાંચળીએજી વીટા વારે, વાધ વારેજી વાઘા વછટા.

યુધ ચાલુ થઈવ્યો

સર સર સર સર સુરા સરકે, થર થર થર કાયર થરકે
ધર ધર ધર ધર રતતા ધરકે, ફરફર ફર ફફળ ફરકે.
મથા ઉડેતા ધળ લળેતા, ધરણી તે ધળા ધળ છણેતા
તીં ઉછરેતા ખણી તરાણુ, તીં ઉછરેતા.
તાસ તોમરને ત્રસુર તોરા, વછટેતાં તોફેજી ગોલા
જંજાલુ જણકાર કરીત્યું, તશરીયું ચમકાર કરીત્યું.
કો બરછી કો ભેઠ કટારી, ચંધ કરેને કો છડીયે કારી
ગઘા ખણીકો સામા સામે, થીં ભળાકા એળીયું વામે.
એળો તાં ઈ કરીયે મારો, ચળી ચકરાવે વામી ચોધારો
રણજોધેજી ઈ બગળાટી, શને જીતા જત ટુટીં પે છાતી.
કો ઠેકી ઠેકી દીયે ઠેકલા, કો ભેરા કો વળે હેકલા
કો ઘોળે કો ગજતે ચળેતા, પટાબાજ ઉ પટતે વળેતા.
ઘોર યુધ ઘમસાણ મચાણું, બલરામજી કે સામે દસાણું
ઘોળી ખંચા ધનુસ પંઢજો, બાણ છડેયા ઈ જ અગનજો.
બાણ બરુકા બોરા છડેયા, ભળવીરે કે ભુંસે છડેયા
ભુમી સાવ ભેંકાર ભનીવયી, સાવ શુંની સ્મશાન થઈ વયી.

બલરામજી જાધવ સેનાસે તૈયાર જવા લંબાઈ એવી થઈ જભરી ડસી બલરામ પંઢજો
ધનુસ ખણી એળો મારો કેયા ક મળે રાજા ભજી છુટા ને બલરામજી કૃષ્ણજે રથ પુઠીઆ
રવાના થેયા.

દોહરા

બલરામજો બર ડસી, ભુપ ભગા ભુભાંટ, સાલવ શીશુપાલ ઈ, જલેયા ઘરજી વાટ.
શીશુ કે ભજધે ડસી, જરાસંઘ કે સટ, અધ વચ આદોળે રસ્યો, વઠો વની ઉનવટ.
સજે ગાલ સમજાય ચે, ભા તું હીમત ન હાર, પંઢ વીતઈ પઘરી જ કે, ચળાય ઘળે બઈયાર.

જરાસંઘ શીશુપાળકે અચી ચેંક નયાર ભા મુકે અન વટાથી ઘણે વાર ભઝણું પેઓવો પણ
છેવટ આંઉ અનકે મથુરા છડાઈ તુ પણ હેમત ન હાર ફરી લશકર ખણીને ભઘલો ગન
જરાસંઘજી ગાલ સુણી રુકમી પ્રતીજ્ઞા ગણ જે સુધી મુજી ભેણકે ન છોળાયા તે સુધી મુજે રાજમે
પાઉ નહી અચાં ઈ મુજી પ્રતીજ્ઞા અચ.

રુકમી જરાસંઘકે ચેંતો

રાણ કરેને રુકમી ઉપળ્યો, તાણેને ડને તાળ

સુણજા મુંજા ભાવરા, અજ કરીયાં કારેજો કાળ.
જીરો જલીઆ ઉત વની, પુરો વારીઆ વેર
કાં મરા કાંતા મારીયા, અજ નાંચ અનજી ખેર.
છોળાય મુંજી ભેણકે, જલીઆ ઉનકે જપટ સે
પાંઉ વશ ન પણ પોય, જીરો મુંજે ગામ મજા.

રુકમી પ્રતીજ્ઞા ગની ઉવાથી ઉપળ્યો લશકર ખણી પુઠીઆથીએતો.

અતરો ચઈને રુકમી ઉપળ્યો, રસ્યો વનીને રથકે
બરસે વયો ઈ બજણલા, થઈ ઘુંઘરો ઘચતો ઘઘકે.
ઘેરે ગણા ઉની ગુંઠીએ, રથકે ચકર ચોધારો
ઓવાળે આદ પઈને, ક્યા મોલન તે મારો.

રુકમી કૃષ્ણજે રથકે ચો ફરેથી ઘેરેને મારો કેણ લગો તડે કૃષ્ણ પંઢજો ધનુસ ઉપાળેને ટંકાર
કેયા બાણ છડીતાને રુકમીજી સેનામે ભજપેતી.

નારાયણ નજરે ડસી, સારે ખયાં સારંગ
જેંજી અન જણકાર સે, પેયો સેના મેં ભંગ
ભાય કે ભજધે ડસી, રુકમી કે કુરાંધ
ઘોળી આયો રથ વટ, છડે સ્યામ તે સાગ
રુકમી કૃષ્ણકે સાગ મારેતો તડે ભગવાન પણ તૈયાર જ વા.
સારગ ધારી સાગ કે, જલેયા લકળી જપટમેં
રુકમી કે રસ્યા વની, ફગાયા લકળી ફટક મેં.
ફગાયા ઈ ઝપટમે, ને ઠોક્યા ઠોસા ઠાય
મારે નેં મુંઢો કેયા, ને ફરાયા સજી ફોજમે.

રુકમીજી હી હાલ ડસી રુકમણીજી કે આઘાત લગેતો ને ભા કે છોળાયલા ભગવાનકે આજીજી
કરીયેતાં.

રુકમી કે રુંઘો ડસી, રુકમણીજી કેયાં રાળ
ઘોળી રયા ઘરણી ઘરકે, કામાં કર્યો ભુપાળ.
ઈ અય અનાથ એકલો, વટ કી નાય હથીઆર
તેંતે કાત્રી છણે જ ન, અપંગ અબળા નાર.

રુકમણીજી ચેંતા ભગવાનકે અજ મુંજે ભાકે છોળ્યો ઈ હેકલોને વરી હથીયારે વગરજો અય
અનતે હયી યાર ન ખણાજે ઈ કાત્રી ઘરમ અય હડા બલરામજી પણ પુજી આયા અર્થી અને
રુકમીકે છોળાઈતા.

દોહરા

બલરામજી ઈ વટ અચી, બંધન છોળ્યા હથજા
સમજાયા શ્રીકૃષ્ણકે, ડનાં હથીઆર અનજા.

જંગલમેંજી સીં ડસી, ભજી છુટે સીઆળ
 તીજ અતા રુકમી ભગો, છડે વાટ ઓવાળ.
 રુકમીભાજા હાલ ડસી રુકમણીજી રુવેતા તડે બલરામજા અનીકે ધલાસા દઈ સમજાઈયેતા.

રાગ સારંગ

બલરામજી સમજાઈએ અજઈ, બલરામજી સમજાઈએ
 જગ માયાને જીવજા બંધન, આદી અંત વતાઈએ. અજઈ....
 હે દેવી આંધી સોચ ન કરેયો, હી કરમ કમ કરાયે
 સગા સંબંધી જીવ જીવજા, કરમે કાળ વતાયીયે. અજઈ....
 હે દેવી હી ભાવર આંજો, અધમ અનીતી હલાયે
 અપરાધીકે દંડ જ દીણું, ઈ ક્ષાત્ર ધમ્મ વતાયે. અજઈ....
 હન આલમજો અધીપતી, ઈ આલમ મેજ સમાયે
 જીવ અજ્ઞાની જાણી સગેન, જુધા કરેને વતાયે. અજઈ....
 હે દેવી હી સરીર રચના, પંજ ભુતે સે ભનાયે
 જળમેં ચેતન પ્રાણ પુરે, કમાલ કેળી કરાયે. અજઈ....
 અખીયે સે ઈ આલમ ડસજે, સજ કે સામે વતાયે
 પંજ વન જા પંજ દેવતા, સામે કરે સમજાયે. અજઈ....
 હે દેવી હી ષ્ટિ વસ્તુ, મટી જો મેલ ભનાયે
 ફના ફેલ હી ફરધો ફારકો, મંજ રુ મે રામ વેરાયે. અજઈ....
 હે દેવી હી દેજા બંધન, દે સે દે જ જોળાયે
 આતમ સે નાય સંબંધ અનજો, જીવ જુધો વતાયે. અજઈ....

બલરામજી રુકમી કે છોડે છુટો કેયાં રુકમણીજીકે સમજાયને સજો રસાવો ધવારીકા રવાન
 થેઓ.

દોહરા

રુકમી કે છુટો કરે, રથ જોપ્યા રણછોડ
 આયા નગરી ધવારીકા, જત જાધવ છપનકોડ.
 ભગવાન ધવારીકા પુજી આયા ઈ ખબર પઈને સમજાયા.

રાગ લગ્ન ગીત

કે આયા આયા, ધવારીકામેં શ્રી સ્યામકે
 કે સ્યામ ભેરા શ્રીદેવીને બલરામકે
 જાધવકુળજા રાજીઆરે લોલ. કે આયા....
 કે રથ છોળ્યા પુરી પધર કે પાર કે
 ખબરું સારે શેરમેં ડનાં પુજાય કે
 સારેને કેયા સાજ્યા રે લોલ. કે આયા....

કે જાધવકુળમેં અજ ઉમંગ ન માંચ કે
 લગનજીતા કેયા તૈયારી તનવારકે
 વસુદેવ દેવકીજી રે લોલ. કે આયા....
 કે જોસી આયા જાધવ કુળજા ખાસકે
 લગન લખ્યા સુભ મુરત મારાજકે
 માધવપુરમેં માંઢવા રે લોલ. કે આયા....

ચોપાઈ

લગનજીતા કરીયે તૈયારી, સારે સેરકે ડનાં સણગારી
 લખમીપતીજા લગન લખાણા, શ્રીદેવીજા નાલે લેવાળા.

વસુદેવ લગન નેરાય તીથી નકી કેયા સજે ગામકે ખબર ડના વેલકે વધાય માધવપુર રવાની
 કેયાંને જાધવ ભેરા થઈ જન જી તૈયારી કરીયેતાં.

ચોપાઈ. વેલજો સામ્યો

જાન જોળેજી કેયાં તૈયારી, સારે સેરકે ડના સણગારી
 ધવારીકામે ઢોલ વજેતા, સારે શેરમે ખબર પુજેતા.
 ઘર ઘર બાપું તૈયાર થીએત્યું, સારેને સણગાર સજીત્યું
 ઘુઘરીઆરા રથ જોળાયા, રેસમ મશરુજા પળધા બંધાયા.
 પુરી પધરમેં ઈ કેયા સાજ્યો, ભાવર ભેરુ ભેરા જાનીયા
 સુભ મુરતમે શ્રીકૃષ્ણ સીંચાણા, કન્યાજે ઈ ખોરે દેવાણા.
 વેલ રવાની માધવપુર થઈને પુઠીઆ જન રવાની થીએતી.

રાગ લગન ગીત. મંગલીઓ વરતાર

કે જાન હાલી માધવપુર ગઢ ગામકે	વર કન્યા શ્રી દેવીને ભગવાનકે.
રથમે જોળ્યા તખા તોરી તુરંગ કે	જાધવ જોયા બલરામજી સુ સંગકે.
ઉદાપીતા અબીલને ઈ ગુલાલ કે	નંઢળા છોરુ નચેતા તાલે તાલ કે.
ધારુ ખાના ખલક ડના ઈ ખલાઈ કે	અવની અંભર મલક ઈ મલકાઈ કે
વાજા વાધ વનાઈયે નાદ નીશાન કે	પળધા પેતા પટ તેં ધમાધમ કે.
સુણાઈએજા શુર સુજે આકાસ કે	અભમેં ભેરા દેવ દુંદુભીજા ભાસકે.
જાધવ નારીયું સજેને સોરો સણગાર કે	કર મેં પેયાં કંકણ કોરા ચારકે.
ગીત ગાયીએ ગોરીયું મંગળ ગીતકે	ઘુંઘટ તાણે જાધવકુળજી રીતકે.
જાન આવર્ષી માધવપુર ગામ કે લાડો લાડી લાડકળા ભગવાન કે.	
નેરણ આયા નરનારીયું તમામ કે ન્યારે જોડી કરીયેતા પ્રણામ કે. જાન	

લગનજી તૈયારી માધવપુર મે

રાગ: મેતો સીધ જાણીને તમને

રચેયો માધવપુરમે રે માંઢવો રે
 રોપયા રજોગુણી દેવ ધીધાર, સગુણ ભનીને આવેયારે. રચેયો..
 આવ્યા શીવ શીવા દેવી સાથમે રે ભેરા ભુત ભૈરવ ભંગી દેવ.
 આયા સરગ ભુવનથીને દેવતારે અભથી ઈ ઈાણી દેવી સાથ. માધવપુ...
 વગી દેવ દુંદુભી ગગન ગઢમેં રે પળધા પટ તે પેંતા ધમકાર. માધવપુ...
 ચાર યુગજી ચોરી રચેયા રાજવીરે વર કન્યા ઈ વિસ્વાધાર. માધવપુ...
 અજતા અવનીમે આનધ વરતોય રે વરત્યો સરગ ભેરો ઈ પાતાર.

માધવપુર મે....

દોહરા

હે રાજન અજ અવનીતે, વરત્યો જે જે કાર, પરણ્યા શ્રીજી દેવીને, વર શ્રી વિસ્વાધાર.
 હે રાજન અજ જગપતી, જોળ્યા જગ સંસાર, માયાવી જીવજી કરે, તીજ સરજનહાર.
 નીર્ગુણ ભ્રમ નીરકારઈ, નારાયણના રૂપ, અવની તે અચી કરે, ભ્રમ ભન્યા ઈ ભુપ.
 વાણી પુજે ન વૈખરી, વેદ કરી વિચાર, લીલા ન્યારે નત નથી, કીન કરી ઉચાર.
 અધ્યાય પુરો ઈ કેયાં, રાજા કેયા હથજોળ, જાડેજા જગજો ધણી, જે જે રણછોડ.

ઈતિ અધ્યાય પઞ્ચ

અધ્યાય પપ : પ્રધ્યુમન જનમ

શુકદેવ ઉવાચ. દોહરા

હે રાજન જનદી જગપતી, ભોળા ઈ ભુતનાથ, તપસ્યા કેયાંતે હીમગીરી, ધાર મથે અધરાત
 ઈ ડસી દેવકે ઈર્ષા થઈ, મંઢ્યા અવરી કાર, કામદેવ કે પંઢ વારી, સમજી શનુ સકાર.
 વસંત કે ઉત ઈ ઉતારે, રખેન કીં ક્યાસ, ઈ મારોકે મહાદેવ તે, કામ બાણ છડે ચોપાસ.
 હે મારે તે શંકર સમાધી લગાય વઢાવા ઉત કામદેવ અચેતોને પંઢજી કામલીલા કરેતો
 સમાધી ભંગ કેલા ઉપાયકેં વસંત સજી ઉતારે તડે શંકર જાગેતાને કામ ઈ લીલા સમજવેયા અતરે
 ત્રયી અખ ખોલીયેતા.

દોહરા

છડે સમાધી શંકર જાગ્યા સામે કામ દઢાઈ, તપ ધારી ત્રીલોચન ખોલ્યા ભસ્મ થઈવ્યો કામઉદાઈ
 ઈજ કામ ફરી જનમ ગનીને, જાધવકુળમે આપો
 પીતા પરીભ્રમ રુકમણી માતા, પ્રધ્યુમ્નના ઓળખાયો.

ચોપાઈ

કમળ નયન શ્રીકૃષ્ણ કપાલા, નીર્ગુણ નાથ ઉજીઆલા
 જગ કારણ જગ હીતે કરેલાય, લીલા કરી જગ બોધ ડનેલા.
 સંસાર કે ઈ સરસો વતાયા, માયામાં ઈ પંઢ ગુંથાયા

રજવાડી રાંધ અચી કેયા, સો સત રાણીએ સે સંબંધકોય.
 પરીવાર જો પાર ન ડસજે, પુતર પોતરા પાર ન ગણજે
 પેલે પુત્રજી આવઈ વધાઈ, રાજીથીએતા દેવકીમાઈ.
 વસુદેવજી દાન દીયેતા, ઘર ઘર ઓછવ ઉજવીતાં
 જોસી કોઠે જોસ નેરાયા, નાલો પ્રધ્યુમ્ન રખાયા.
 કામદેવજો ઈ અવતાર, રૂપ ગુણજો ઈ ભંડાર
 જે કે ન્યારે નેણ ઠરેતા, માતાજી પુરી જતન કરીતા.

સમરાસુરજી વારતા. રાગ દોહરા પરજ

હે અધમ ગતી અશુરઈ, નાલે સમરાશુર
 રે માયાવી નગરીમે, ઈ રાજ કરે પાપીકુર.
 મુંજો મારો જનમ્યો, ઈ સમજે શ્રાપ મથા
 નકી ધ્વારીકા નગરમે, સમજે પ્રધ્યુમ્ન લથા.
 હે શનુભનીને શોધ કરે, ને ગોતે ઘરાઘર ઘુસી
 આયો રુકમાણી મેલમે, ઈ ઉપાળે પ્રધ્યુમ્ન ડસી.
 ઈ ઉદી ભગો આકાસમે, ને નજર ન ચળ્યો કેકે
 ધસે અચી ધરીયાજમે, ઈ ગાલ ન બારા કે.

માયાવી નગરીમે સમરાસુર રાજ કંધોવો અનકે શ્રાપ મલેઘોવો ક પ્રધ્યુમ્ન શ્રીકૃષ્ણજો
 પુત્રજે લથા મરણ થીંધો અતરે ઈ પ્રધ્યુમ્નજો જનમ થયો ને ઈ સાવ સનુ જીવ ભની પ્રધ્યુમ્નકે
 ઉપાળે મહાસાગરમે ફગાઈ દે તો.

દોહરા

હે પ્રધ્યુમ્નકે ગળી વચી મછલી, ઈજ મછ મારે ભીલ
 ભીલ વનીને વકણે ગામમે, ઉત ઈ કપાણી શીલ.
 શીલ મજાથી નકરેયો બારઈ, દેવાણું ઈ રાજ ધ્વાર
 રાજા સોંપે રસોયાણ કે, વેઢારેલા ઉન બાઈકે બાર.

સમરાસુર પ્રધ્યુમ્નકે મેલ મંજાથી ઉઠાળે ધરીયામે ફગાય ધરીયામે મછ ગળી વનેતો મંછકે
 ભીલ જલે ગામમે ઈ વકણે તો મછકે ભીલ જલે ગામમે ઈ વકણે તો મછ સમરાસુર જે ભંડારેમે
 પુગી ઉત મછકે ચીરયા તત છોકરો પેટ મંજા નકરેયો ને ઈ છોકરો રસોયાણી બાઈકે સોપાણું.
 ઉત ઉ બાઈ વેઢારેતી. ને હડા ધ્વારીકામે ધોળા ધોળ થઈ પઈ પ્રધ્યુમ્નકે ગોતેલા.

ચોપાઈ

ધ્વારકામે લાલાકાર મચીવ્યો, શ્રીકૃષ્ણજો કુંવર ખજીવ્યો
 જાધવ જોધા સોધા કરીતા, નકી કતા કી સગળ મલેતા.
 નકી કતકી અણસાર અચેતી, ન કી કડા ભણકાર સુજેતી
 આકાસ પાતાળ સોધ કરીતાં, સોધે સોધે સાવ થકેતા.

દોહરો

સોધે સોધે સાવ થકા, નાવઈ કત અણસાર, રુકમણી રુધાં ડસી, ડીયે હરી હિંયા ધાર.
હિ ગુજારતજી ગાલ ઈ, ઈ કલ ન પે કત કેંક, હી ખરારી જો ખેલ અય, ખલકન સમજે તેકે.

સુખદેવજી રાજકે ક્યામે ચેતા હે રાજા હી ભગવાનજી લીલા જ અય ઈ ધુનીયા કી સમજે.
જત જત જેણો ખપપે એજોજ માચળો હરી ઉભો કરીયે પંઢજ ભનાઈયેને પંઢજ બારારે ઈ
અનજી લીલ માતર અય ને હાણે નારદજીજો પ્રસંગ ચેતા.

રાગ શીવરંજની

અજ નારદજી આયા અવની, સમરાસુર જે રાજ મેં
રાજ ધવારમેં રતી બાઈકે, મલેયા ઈ ભંઢારમેં. અજ નારદજી...
પૂર્વ જનમજી યાધી ડીએતા, ભસ્મ કેયાયા ભોળનાથરે
ઈજ કામદેવ રતી અવતરેયો, ધવારીકા ઈ ધામ મેં. અજ નારદજી...
ઈજ રતી બાઈ આંજો પતી અય, સમરા સુર જે રાજમેં
પતી ભાવસે આંધી ભણાયો, સસ્ય નાય જરાયમેં. અજ નારદજી...
કામ જનમને અસુર મરણજી, વાટ વતાવ્યા દેવ રે
વિદ્યા ભણાયા તી રતી પતીકે, સદ વિદ્યાજા ભેવ રે. અજ નારદજી...

દેવ નારદજી રતીકે પ્રધ્યુમ્નજો આગલો જનમ કામદેવજી ગાલ અને સમરાસુર મરણ ઈ
મળે ભેદ વતાય ત્યાંથી રવાનો થઈ વયાને રતી પ્રધ્યુમ્નકે પતી ભાવસે સદ વિદ્યા ભણાયતીને
સમરાસુર જે મોતજી ગાલ પણ ચઈ ડનેં.

કચ્છી સંગર

મહા વિધ્યા ઈ ભણી કરે, પ્રધ્યુમ્ન થેયા તૈયાર
વની જાગાયા અશુરકે, કેયાં સામેથી પળકાર
તત અશુર ઉપવ્યો ઉવાથી, સામે કંઢે ઈ સટ
પ્રધ્યુમ્ન પંઢજો ડસી, ખારો થઈ વ્યો ખટ
ખણી બધારી બરસે, ધામે રખે ન ગટ
એડી મારે ઝાપટ, ઈ પુગો અન પટમથે.
અચી પુગો અન પટમથે, અત સામે વો ઈ પ સધર
બોય બરુકા બાખ્યેયા, જોરાણા ઈ જભર
ઘા મારે ઘા ઘુચાઈયે, ચળેઆ બોય ચકર
જુકો જરાક જ ચાંતરે, તજોરે વને વખર
ઈ એળી જલેયા ટકર, મુળે નતોકો કેં વટા.
મુળે નતો કો કે વટા, તડે માયા કે અશુર
ભોણ સજો ભેંકાર ભનીવ્યો, અભ મેં ઉડે અશુર
અશુર સેના સજી ઉભીકે, મથે વગરજા મુર

ભુત પ્રેત પીસાય નચેતા, કુબળા કારા કુર
 એળી માયાકે ઈ કુમુર, ધારાઉ વછટયું રતજીયું. ૨૭
 ધારા વછટયું રતજીયું, ધરા સજીતી ઘણ ઘણે
 અભમેથી અવાજ, પાતાર ભેરો ખુણખુણે.
 આંધી ભેરા ઉમાળીઆ, ને જારુ જેજીયું જલજલે
 લાશુ ઉછરે લોથ છણેતા, હાડ પંજરખ્યા હલહલે
 ઈ ખુશર ખર તો ખલખલે, તડે પ્રધ્યુમ્ન ઉભાથેયા. ૨૮
 પ્રધ્યુમ્ન ઉભા થઈ, ખયા ધનુસને બાણ
 મહા વીધ્યા ધારણ કરે, કેયા ધનુસ સંધાણ.
 જોરકરેને જપટ સે, છડેયા ઈ તતા બાણ તીર
 માયા ભજાયા મુરસે, જાધવ જોધ રણધીર
 ઈ વામ્યા વમસે તીર, તત અશુર ઉથલી પટ પેયો. ૨૯
 અશુર ઉથલી પટપેયો, તત અભમે થેયો ઉજાસ
 દેવ વિમાનમે આવેયા, જો પટમે પેયો પ્રકાસ.
 કુલ વરસાયા દેવતા, વગી દુંદુભી ઈ ગગન મે
 જે જે કાર થેયો ચોધારો, અશુર વ્યો ઈ ગતમે. ૩૦
 સમરાસુરજો મશ્રણ થેયો ઈ ડસી રતી પ્રધ્યુમ્ન વટે અચેતી.
 અશુર પેયો અવનીમથે, તડે રતી આવથી અત
 સજી ગાલ સમજાય ચેં, અગલે જનમજી તત.
 પતી પ્રધ્યુમ્નકે ખણી, રતી ઉડઈ આકાસ
 આવથી નગરી ધવારીકા, જત જોગેસરજો વાસ
 ઈ ખબર પચી આવાસ, તત જાધવ ભેરા થેયા મળે. ૩૧

રતી પ્રધ્યુમ્નકે અગલે જનમજી વારતા સમજાયચેંને રતી વિધ્યાસે પ્રધ્યુમ્ન ભેરી આકાસ
 માગે ઉડીને ઈ ધવારીકા અચેતી રાજ મેલમે આયા અતરે રાણીયું મળે ડસીને વિચારેમેં પઈ વયુ
 ક હી કરે દેવે જળા આયા અચી અતરેમે નારદજી અચીવેયા.

દોહરા

રાજ ભુવનમેં રાણીયું, હી ડસી દંપતી જોળ, કન લોકજા દેવ અર્થી, કઢે સગેયા ન તોળ.
 તત અત આયા નારદજી, આસન દઈ વેરાયા, યોગેસ્વર ઈ પ્રશ્ન કેયા, અત નારદ સમજાયા
 નારદજી અન ગાલજો સજો ભેદ ખુલો કરી ચેતા.

યોગેસર ઈ કુમાર આંજો, યાધ કર્યો ભગવન, હરણ કરીવ્યોવો અશુર, સમરાસુર પ્રધ્યુમ્ન.
 ધરીયામેં ધસે વેધેઈ, મછકે અનજો અહાર, મછીમારકે હથપેયો, ઈ પુજાય અશુરજે ધવાર.
 રતીબાઈ કે બાળ ઈ, સોપાણું ઈ ઉત, વડો કે વેઢારેને, વિદ્યા ભણાય તત.

સમરાસુરજે મરણજી, ગુજી ગાલ વતાય, મહા વિદ્યાજા મંત્રઈ, પુરા પાઠ ભણાયા.
અશુરજો ઈ નાસ કરે, ને ઉડી આયા આકાસ, આંજો અય ઈ બાળ ઈ, નાય મંજ કીં પ કયાસ.
કામદેવને રતી સતી, ફરી ધર્મા અવતાર, આંજે ઘર ઈ અવતરેયો, અય આંજો ઈ કુમાર.

નારદજી કૃષ્ણકે ચેતાં.

હે ભગવાન હી લીલા, આંચી અછાની નાંચ, આલમમેં રજ કણ છણે, આકે ખબર ઈ આય.
મું તે ભાર ચળાયયા, સાવ ભનીને અજાણ, હી પ્રસંગ કીં ભન્યો, આકે હુઈ ઈ જાણ.
નમન કરે શ્રીકૃષ્ણકે, હલધા થેયા ઈ દેવ, સમજયા વ્યા અથ ઈતી, હન કથાજો ભવ.

સુખદેવજી ચેતા.

પ્રધ્યુમ્ન દેવી રતી, આયા રાજ ભુવન, જત વઢા શ્રીકૃષ્ણઈ, કેયાં અચીને નમન.
ખબર પઈ ઈ શેરમે, આયા કૃષ્ણ કુમાર, ઘર ઘર થેયા વધામણા, કરી જાઘવ જે જે કાર.
નાય કલા મંજ દાસજી, ઈ અય પુરાણજો પાઠ, જગનીયતા નાથજો, મંજ ભર્થો અય ઠાઠ.
અધ્યાય ઈ પુરો થેયો, રતીકામજી વારતા, મતી અનુસાર ઈ લખચી, ભાગવત કથા મથા.

ઈતિ અધ્યાય પપ

અધ્યાય પદ : માણીજી વારતા

દોહરો

હે રાજન અજજી કથા કે ધારે દીજા ધ્યાન, સ્વયંતક ઈ માણી મથા, ઈ ભોગ ભન્યા ભગવાન.
સતરાજીત રાજા સુર્ય ભગવાનજી તપસ્યા કરેને પ્રશ્ન કરેતો સુર્ય પ્રશ્ન થઈ સ્વયંત માણી
દીએતા.

ચોપાઈ

રાજા સત્રાજીત તપસ્યા કરેતો, સુર્ય દેવજો ધ્યાન ઘરેતો
નારાયણ ઈ પ્રશ્ન થઈને, જાણી ડનાઈ અચી કરીને.
અન માણીજી ગાલ ન્યારી, જેજી કીમત માપનું બારી
ચોથે પોરમેં પુજન કરે સે, સોન ડઈદે ભાર ભરેને.
કામ કોધને લોભ ન વરેક, ગ્રહ પીડાતાં નળે ન અનકે
અન જાણીજી કરેનત સેવા, રખે ગલેમેં જતન કરેલા.
માણી ખાણી ઈ ધવારીકા આયો, રાજ સભામે ઉજાસ છવાયો
સભા ડસી વિચાર કરીતા, શ્રીકૃષ્ણકે સ્વાલ પુછેતા.

અન માણીમે અતરા ગુણવાને ઈ ધવારીકા માણી ખાણીને આયો તડે સજી સભામે વિચારે મેં
પઈ વચીક હી માણી કેડી કીમતી અય ઈ શ્રીકૃષ્ણકે મળે પુછેતા.

દોહરા

ગાલ માણીજી ઈ સજી, સમજયા હરી સાર, વરી સત્રાજીતકે હરી, પંઢજો રયા વિચાર.

કૃષ્ણ સત્રાજીતકે ચેતા.

હે રાજા હી માણી અમુલખ, પાકે હી કીન સોભે
ઉગ્રશેન ઈ દઈ દેયો, જે જે હથમે ઓપે.

બ્રાધવ કુળમે માણી રૂપ અર્થી, ઉગ્રશેન સરમોર

આંજી કીરતી જગ ગાવાંધી, દાતા દાની આપી અજોડ.

શ્રીકૃષ્ણરાજા કે ચેયાં હી માણી પાંજા વડીલ ઉગ્રશેનકે દઈદે જે જી નામના ગાવાધી. જુકો દાની દાતાર અચીને તોજી પણ કીરતી વધધી પણ રાજા ઈ ધયાન ન ડને ને માણી ખણી પંઢજે રાજમેં હલ્યો વેયો.

દોહરા

શ્રીકૃષ્ણજી ગાલકે, રાજા ડને ન કન, માણી ડને ન મુરખે, આવ્યો પંઢજે ભુવન.

ચોપાઈ

કુધરતજી કલા અય ન્યારી, સમે સમેજી અય બલીહારી

ભળવીર પણ ભુલી વનેતા, જડે ઉ અવરા જોગ મલેતા.

રાજા અજ ઈ માણી રખે ઘરમે, પ્રશ્નીં કે ઈ આવથી નજરમે

સત્રાજીતજો ભાવર વનમે, માણી ખણી નકરેયો જંગલમેં.

જંગલમેં સામુ શેર મલેતો, બીજો ઉતે બજણ થીએતો

પ્રશ્નીં કે સીં મારે વનમેં, ઘટાટોપ ઈ ગાઢ જંગલમેં.

જેજી વાસ બારા નાવથી, સોધે સોધે સાવ થકા ઈ

વેમી રાજા નકી ઈ કરેતો, શ્રીકૃષ્ણજી ભેધ વજેતો.

ઈજ ગાલ ઉદધી આવથી, રાજ સભામે ખબર પુજી વથી

મુંજે ભા કે કૃષ્ણજી મારે, માણી ખણીવ્યા નકીં ઈ વિચારે.

સત્રાજીતજો નંઢો ભા ઈ માણી ખણી જંગલમે વેયો ઉત સી મલેતો બોય વળેતા સીં પ્રશ્નીંકે મારે ખાઈવનેતોંને માણી ઉતઈ પઈ રઈ.

દોહરા

સીંહ પ્રશ્ની મારે વધેં, માણી રથી ઉન માંગ, જાભુવાનકે હથ પઈ, ઈ કરી રાગે જ તાગ

જાંબુવાન જંગલમેં અન સીંકે મારે વધે અને ઈ જાણીકે ચમકધી ડસી પંઢજી છોકરી

જાભુવંતીકે દથી દેતો. અને હડા શ્રીકૃષ્ણકે ખબર પયી ક જાણીજી ભુધ સત્રાજીતમુંતે વધે અય

અતરે થોળા જાધવકોઠે ગોતેલા નકરેતા.

ચોપાઈ

યોગેસરકે ખબર મલેતી, ભેધ માણીજી મુંતે અચેતી

ગોવિંદ ગોતાણ નકરયાઈ, ભાવર પંઢજા ભેરા ખયાઈ.

ગોત કરીધા આપા ગુફાતે, પ્રશ્નીજા ઉત અસ્તી દઠાતેં

અન ગુફામે માળુ વસેતા, સામે મજરા પગલા દસજેતા

ગુફામેં પગેજા નીશાન ડસી. ભગવાન ગુફામેં વનેજી તૈયારી કરીતા

દોહરો

પગલેજા નીશાન ડસી, શ્રીહરી થેયા તૈયાર

હલ્યા ગુફામે હેકલા, ઉતર્યા જગદાધાર.

શ્રીકૃષ્ણ ગુફામે અંધર આવ્યા તત સામે જાબુવાન અચેતો ઈ કૃષ્ણકે ડસી ખારો થઈ વણણ લગો. બોય વળેતા.

ચોપાઈ

અગોર ગુફામેં આયા ભ્રમ, મણી ગોતાણ અત પરીભ્રમ

જાબુવાન ઈ નજરે દસેતો, ધોડી સામે વળણ લગેતો.

બોય બરુકા એળા બજેતા, સામે સામા ધોળી ગડેતાં

કો પણ કેં કે મુળી નતો ડે, રીછન સમજે અવઈ જગપે.

છેવટ જાબુવાન થકેતો, કૃષ્ણકે સામે નજર કરેતો

સ્યામ રૂપમેં રામ દસાણા, ઉજ ધનુસને ધરીયા દસાણા.

જુની ગાલ ઉ યાધ અચેતી, ઉજ મુરતી અંધર ડસજેતી

ધોળીને ઈ પગમે પેતો, હથ જોળેને માફી ગુરેતો.

દોહરા, શ્રીકૃષ્ણ જાબુવાનકે ચેંતા

મણી વારી ઈ વારતા, સજી સુણાયા સ્યામ

ઈ મણી મુંકે તું દઈ દે, સમજાયા ભગવાન.

જાંબુવાન કૃષ્ણસે વળેતો ઘણે દી નકરી વેયા છેવટ જાબુવાન થકેતો તેર હકળી જ નજરસે કૃષ્ણકે સામે ન્યારે તો તત ઉજરૂપમે જુકો ધરીયાતે રામ કોપકેયાવા. ઉજચેરો ઈ ડસેતો સજીણ પેતી પઈ માફી મએતો ને મણીને બધી પંઢજી છોકરી કૃષ્ણકે અર પણ કરેતો.

દોહરા

મણી ભેરી ઈ કુંવરી, અત સોપે જાંબુવાન

સ્વીકારયા ઈ રીહરી, આયા ધવારીકા ધામ

ચોપાઈ

ધવારીકા મેં ઈ ખબર દેવાણા, શ્રીકૃષ્ણજા લગન ગનાણા

દેસ દેસજા રાજા ઈ આયા, સત્રાજીત કે પેલા કોઠાયા.

સત્રાજીતકે કૃષ્ણ કોઠાય સભામે મણી દીયેતાને સજી વારતા સમજાયા રાજા સુણીને સરમાજેતો અને ઈ ઉતઈ મણી ભેરી પંઢજી કુંવરી સત્યભામાજો સંબંધ જાહેર કરેતોને ધવારકામે અજ ભેરા બો કુંવરીએ સે લગ્ન જાહેર થીએતા જેજી તૈયારી થઈ રઈ આય.

શ્રીકૃષ્ણકે રાજા ચેતો.

મણી ભેરી મુંજી કુંવરી સ્વીકારેયો ધનસ્યામ, સંબંધ સભામેં થેયો નકી ઈ મજીર કેયા ભગવાન મણી ડના પાછી પ્રભુ, ઈ કીં ન સ્વીકારે ભુપ, પાછો પ્રભુ સમજાયને, સોપ્યા વસતુ અનુપ

શ્રીકૃષ્ણજો લગ્ન વણનિ. રાગ : આવો બજાવો બાંસુરીયા

નીરવીકાર શ્રી નાથ નીરંજન, સગુણ ભનીને સ્યામરે ઈ
આયા અચી અજ અવનીતે. આયા....

જન ગણા ઈ જાઘવકુળમે, અવનીતે ઈ આયા
માત દેવકી પીતા વસુદેવ, જે ઘર જનમ ધરાયા
છડે મથુરા ગોકુળ વનકે, આયા ધ્વારીકા ધામ રે. આયા....

ભક્ત વત્સલ ભગવાન ભુમીતે, લીલા કેયાં ઈ અનેરી
બાળ ભનીને બળધારી ઈ, અશુર ભજાયા ભલેરી
વેદ વખાણી શ્રુતીયું ગાઈયે, પુજા સગે ન ઈ પાર રે. આયા....

વિસ્વેસ્વર અજમાળા પેયા, મંડપમે ઈ આયા
સતયભામા દેવીકે સખીયું, માયા રે મેં ઈ વેરાયા
મહી મંગળ વરતે દેવો હરખે, જગમે જે જે કાર રે. આયા....

ઢોલ નગારા પળધમ પટજે, અન હંધ ધુન ગજાઈએ
ગગન ગોખમે ગુણ જે જતર, ગંધર્વ ગુણ ગાયીયે
અવની અબર હલકે હલકે, હલકે પટ પાતાર રે. આયા....

દેવ વિમાને વયીને આયા, આયા ધ્વારીકા નગરી
અંતરીક્ષ મે અચી ઉભા અચી, નેરણ નાથ ઈ નખરી
દેવ દેવીયું મંગળ ગાયીએ, ડસી દેવ આચાર રે. આયા....

સારે જગજો સ્વામી સઘર ઈ, સરજન સેજ કરેતો
ભક્તે લા ઈ ભુઘર ભુતળ, કેળા ઈ ખેલ કરેતો
બ્રમચારી પંઢજ ભુલીને, સામે મંઢેયા સંસાર રે. આયા....

દોહરા

લગ્ન ઘનાણા લોકમે, પરલોક પેયો પ્રકાસ
જાડેજા જગ જીવનજો, ઉજરો હી ઈતિહારસ

ઈતિ અધ્યાય ૫૬

અધ્યાય ૫૭ : સતધન્વા ઉધાર

દોહરા

રાજ ભુવનમે રમાપતી મનસે કરી વિચાર, કોરવ પાંઢવજી વજોી, પુરી કરીયા સંભાર
આયા ઈ બલ ભાવટે, શ્રી હરી થઈ તૈયાર, હલાણ હસ્તીના પુરી, સમજાયા વસતાર.

અજ ભગવાન પાંડવે કે મલેલા હસ્તીનાપુરીમેં વનેતા. બલરામજી પણ ભેરા તૈયાર થઈ
રથ જોળીએતા.

ચોપાઈ

રમાપતી રથ પંઢજો જોળાયા, હસ્તીનાપુરજે મારગ હલાયા
શેર નગરજે ઝાંપે આયા, રાજ સભામેં ખબર દેરાયા.
કૌરવ પાંડવ મલી અચેતા, સામયા ઈ સામા કરીતા
રાજ સભામેં આસન દઈને, વટ વેરાયા ઈ પુજન કરીને.
ભીસ્મ પીતાને િણાચાર્ય, કરણ દુશાસન કરપાચાર્ય
શલ્ય શકુનીને ગાંધાર રાજ, અચી મલેતા અંધપ રાજ.
પાંડવ મલીને ભેરા આયા, રાજ સભામે વઠાઈ ન્યારા
સામે ડસીને કૃષ્ણ કુછેતા, અંધ રાજકે પ્રશ્ન પુછેતા.

શ્રીકૃષ્ણને બલરામજી આયા ઈ ખબર પઈ અતરે કૌરવ સામે હલી મલેતા સામયો કરે કોઠે
આયા માન પાન દઈ મળે મલી સભામે વેરાયા સભામે લકળે છોળે પાંડવ પણ અચી વઠા અચી
ખબર અંતર પુછી શ્રીકૃષ્ણ ઘૃતરાષ્ટરાજકે પુછેતા ઈ કયા સુખદેવજી રાજકે સુણાયીતા.

દોહરો

કુરુકુળજી રાજવી, આચી બધેયા કીરતીજી કોટ
આજોના અવનીમે, જળ જળ જળકે તોજી જોત.
રાજનીતી ધરમ દંડ, સામ દામને બ્યો ભેદ
રામ રાજ્યજી ઝલક, આચી ડના અવની કે ભેટ.
તડે હી પ્રસંગ કી ભન્યો, જાહેર જગમેં ઈ ગાલ
જેર દેવાણા જમાણમે, ઈ અવરી કેં કચી ચાલ.
લાખા ઘરમેં પુરેને, લાય લગાઈ ઘલ કેર
આચી અછાનું નાયકી, તડે કીં લકલ્યા અંધેર.

સુખદેવજી ચેતા.

સુણી ગાલ શ્રીકૃષ્ણજી, રાજ થયા હતાસ
વચી રેયા ઈ ચુપ થઈ, બારા નાવચી વાસ.

કૃષ્ણને બલરામજી બોય હસ્તીનાપુર વેયા ઈ ખબર ક્તવર્માકે પેતી ઈ અકુર વટ અચીને
જોજના ભનાયા ભેરો સુધન્વા થીએતોને જાણી સત્રાજીત મારે ખણી અચણી ઈ તૈયાર થઈ
ત્રીપુટી ઉપળી પેતી. કે માર. મણી ખણી અચણ.

અકુરને ક્તવર્મા રાયા, સુધનવા જે ઘર ઈ આયા
સતધનવા સનમાન કરેને, હુંભ વણાય ઈ ઘલ ભરેને.
મલી ત્રીપુટી ગાટ ગળીતા, મણી સચી ઈ હથ કરીતા
અધ રાતજો ઉવાચી ઉપળ્યા, સત્રાજીતજે મેલમે આયા.
નંધરા ધીન રાજકે ઈ મારે, મણી ખ્યાઈ નપટ આયા રે
સવાર થીંધે ધા થીએતી, રાજ મરણજી ગાલ સુજેતી.

સુધન્વાને ક્તવર્મા અકુર મલી સત્રાજીતકે મારે ને જાણી ચોરાય વ્યા ઈ ખબર ધ્વારકો
પઈ તડે તા રાજાજી કુંવરી સત્યભામા કલ્પાંત કરીયેતાને પોવા ઈ રથ જોળાય હસ્તીનાપુર
કૃષ્ણકે ખબર ડીએતા.

દોહરા

સવાર થીંધે ખબર પઈ, ઈ સારે શેર મેં પુરી
સત્યભામા કલ્પાંત કરીતા, રુવણ વઠા અનજા કુંવરી.
પતી કૃષ્ણકે યાધ કરીંતા, પંઢ પીતા જે ઘર અચેતા
પીત્રુ વિધી પુરી કરાયા, પુવા પંઢમે રથ જોળાયા
હલી કરે હસ્તીનાપુર આયા, પતી કે કથની સોણાય.

ભગવાન શ્રીકૃષ્ણ સત્યભામાજી ગાલ શુણીને ઈ તન પલ ધ્વારીકા પાછા રવાન થીએતા.

દોહરા

મરણ શુણી સ્વસુરજો, શ્રી હરી થ્યા તૈયાર, પાછા આયા ધ્વારીકા, રથ જોળે કરતાર.

સતધનવા અકુરકે પુછેતો.

સતધનવાકે ખબર મલઈ, ઈ આયો અકુર વટ
શ્રીકૃષ્ણ વટા ભચણું જ કીં, ઈ વાટ સુજેતી કત.

રાજાકે અકુર ચેતો.

હે રાજા અજ નાય કોય, કૃષ્ણ વટાથી છોળાય, હકળી ધક્સે કેકે કે ધસે, ચોખો ચટતો દસાય.
કંશ ચાણુરકે કુટે, નાય કતના નિશાન, કાલ સાલવને જરા, જી જોરે વંધે ઈ જાન.
ભચણુવે જ અનવટા, પગ અનજા જભણા પેં, બચી કો બારી સુજે નતી, આં અકુર ચોખો ચેં
ધવારકા અચી ભગવાન સુધર્મા સભા ભેરી કેયાંને અત મણીજી ગાલ જાહેર થઈને અકુરને
ક્તવર્માજી સોધ કરેલા તૈયાર થીએતા.

દોહરા

સુધન્વાકે ખબર પઈ, રથ પંઢજો ઈ જોળાય, વાટ મીથીલા પુરજી, રથ છડે ધોળાય.
ઈ ખબર પચી ખરારીકે, ખયા ધનુસને પંઢજો, જલેયા જંગલમેં વની, મથો ઉડાયા અનજો.
મથો લાય અન પાપીજો, મુગતી ડનાં મારાજ, આયા પાછા ધ્વારકા, જગ જીવન જગ તોજ.

ચોપાઈ

સભા સુધર્મા ભેરી કરાયા, ગાલ મણીજી જાહેર કરાયા
સત ધનવા અકુરજા કમ, ક્તવર્મા કરાયે વકરજા.
ત્રોય મલીને મણી ચોરાયા, સત્રાજીતકે નંધરમેં માયા
અની પાપીએ કે દંડ દીણું, પેલો કમ મુંકે ઈ કેણું.

ભગવાન ચેંતા

સતધનવાકે દંડ દચી, પોજાય ડનું પર લોક, ક્તવર્માને અકુરજી, ખબરતા દેયો ઈ કોક

સતધનવાકે માર્યા ઈ ખબર પચીને અકુરને કતવર્મા બોય જંગલમે ભજી છુટેતા.

દોહરો

કતવર્મા અકુરજી, ઈ છડે ધવારાક શેર, શુણી ગાલ શ્રીકૃષ્ણજી, ભગા ઓગાળે પેર.
છડેયા અકુર ધવારકા, નત અતથી ઉતપાત, જાધવ ભેરા થઈ હરે, વિચારી નત નાત.
નકી અકુર વેંધેલી, નત થીએતી હાણ, પાછા ઈ કોઠે અચો, ભેરા થઈને પાણ.

જાધવ સોધ કરે અકુરજીકે કોઠે અચેતા સભામે વ્યારે શ્રીકૃષ્ણ મણી દીએતા તડે અકુરજી ભોઠા પેતા.

દોહરા

જાણી ડના અકુર કે, કૃષ્ણ પ્રભુ વટ વચી, સભા વચમે સોપીતા, જાધવ ભેરા થચી.
ભોઠા થેયા અકુરજી, કર ડના નાકાર, કન નકસે પાછી રખે, ઈ કલંક લગો કપાર.
સુખ ચેંતા પરીક્ષીતકે, ઈ સોબત મારાયે, સોબત મારે તારે ઈ, ને ઉઘી ઈજ કરાયે.
સત મણીજી હી કથા, વાંચે કો હકીયાર, જાડેજા જગમે કડે, ચળે ન ખોટી આર.

ઈતિ અધ્યાય ૫૭

અધ્યાય ૫૮ : હસ્તીનાપુર જાત્રા ને કૃષ્ણજા જ્યા લગ્ન

દોહરા

અધ્યાય હી અઠાવનજી, કથા સુણાઈ સુખદેવ, પરીક્ષીતકે પરીબ્રમજી, પરખ દીયે ગુરુ ભેવ.

ચોપાઈ

રમાપતી અજ રાજ ભુવનમે, વઠા હેકલા પંઢજે મેલમે
પાંઢવેજી અત યાધ અચેતી, હસ્તીનાપુર સામે દસજેતી.
સાતવિકકે શ્રીકૃષ્ણ કોઠાયા, સજી ગાલ સારે સમજાયા
હસ્તીનાપુર હલધા સી, પાંઢવે કે જરુર મલધાસી.
રથ જોળે દારુક અચેતો, ઉદઘલ ધોળા ઈ જોળેતો
હસ્તીનાપુરમે ઈ આયા, પાંઢવે કે ખબર હલાયા.

શ્રીકૃષ્ણ આયા ઈ ખબર પાંડવે કે પચી ને ઘોડી કરે સામે અચેતા બખુ ભરે મલેતાને સામ્યા
કરે કોઠે અચેતા.

ચોપાઈ

સાજ સજે સામ્યા કરીંતા, હલી હુભસે હરીકે મલેતા
રમાપતી ઈ રદય લગાયા, માયા જા પળધા હટાયા.

રાગ ગજલ. પાંડવ મલેતા કૃષ્ણકે

મલેતા ધરમ રાજકે, પરીબ્રમ પુરણ પેલા ઈ
નમીને નાથ ચરણમે, વંદન કેયા ભીમકે પાણ આં.

અચી અવીનાસી અર્જુનકે, સખા સારે મલેતા ને
નકુળ સહદેવ કૃષ્ણકે, નમન દંડવત કયા ઈ.

પાંડવે કે મલી કૃષ્ણ અંતઃપુરમે વનેતા પેલા ઈ ફઈબા કુંનતાજીકે મલેતા નમન કરીયેતા.
કુંતાજી માતાજીજે મેલ, ઘરણી ઘર ધોળીને આયા
નમન કેયા નાથની જારી, પાંચાળી પંઢ પગ અચી પેયા.
પાંડવજો સજો કુટુંબ કૃષ્ણકે મલેતા પોય સનમાન કરે વેરાઈતા ખબર અંતર પુછેતા.

દોહરા

રાજસભામે શ્રીકૃષ્ણજો, સારે કેયા સનમાન, કુટનીતી ઈ કૌરવેજી, પંઢ વીતઈ ક્યો ગાન.
કૌરવ કરી કુટીલતા ઈ દસણલા આંચી દેવ, અજ ઘર આંચી પધાર્યા અશી કરીયું આજી સેવ.

પાંડવ અસ્તુતી કરીયેતા.

રાગ : મઠા મજમાન ઘર આયા

મઠા મજમાન ઘર આયા, અસાકે પુરણ મન ભાયા
પાથારી વારેજી કરીયો, ચરણ રજ શર મથે ઘરીયો. મઠા મજમાન...
પરીબ્રમ આંજી પગરજસે, પોજાયા પાર અહલ્યાકે
ખબર પચી ખા વિધ ઈ અય, નાવિક કે નાવસે તાર્યા. મઠા મજમાન...
ચરણ આંજે સે ચોવાણી, શુર સરી સરગ ભુવનમે
સોભે તી શંભુ જે શરતે, ભુમી ભારત ઓપાયા. મઠા મજમાન...
દયાળુ દેવ આચી દાતા, અસાંજી અરજ અય અતરી
સજાડી સાથમે રોજા, ગોવિંદ ઘર સાવ સોભાયા. મઠા મજમાન...

પાઠવે અસ્તુતી કેયાં ભગવાન છ મેણા અત રેતાને અતે વિસ્વકમકે કોઠાય પાઠવેલ મેલ
ભનાય ડના જે જો નાલો ઈં પસ્ત રખેમેં આયો.

દોહરા

હસ્તીનાપુરમેં હરી, રાત ડીં કેયા રયાણ, સબક સાર્યા શેરજી, ત લગી નરકજી ખાણ.
પાંડવેજી પરતીત દશી, સોંઢી પ્યા સર્વેસ, અજય ગઢ ઉભો કેયા, ઈંપસ્ત નરેસ.
હકળે ડી શ્રીકૃષ્ણ અને અર્જુન રથ જોડે ખાંડીવ વનમેં વનેતા અગ્નીદેવ પ્રશ્ન થીએતા.

કવિતા

શ્રીકૃષ્ણને અર્જુન બોયે, સખા સંગ મલી કરે, રથ જોડે હલી આયા, ખાંડિવ ઈ વનમેં.
ખાંડિવ ઈ વન સજો, દેવ અગ્ની કે ડનાં, અગ્ની પ્રગઠ થઈ, મુસકાણા મનમેં.
ગાંડિવ ધનુસ સોંત, અખુટઈ બાણે વારો, અજય કવચ મલી, રથ દેના રુંગમે.
બરંધો વો ભાયમે ઉ, રાણ શુણી અશુરજો, ભુધર ભાચાયા વનીં, મયાશુર દાનવકે.
અગ્ની દેવ પ્રશ્ન થઈ અર્જુનકે ધનુસ અજય કવચ અખુટ બાણેજો ભાથો ઘોરે ધોળા
જોળેલો રથ ડના અન વનમેં મય અશુરકે બરંધે મજા ભચાય અગીઆ હલેયા તત ઉતે હકળી
બાળા તપ કરેથી જમનાજે કીનાર તેં તે કેં વનીને અર્જુન ઓળખ પુછેતા.

રાગ સારંગ

વનમેં વન માળી આયા, અજઈ વનમાળી આયા
સ્વામ સખા અર્જુન ભેરા, જમના કાંઠે આયા. અજઈ.....
ઘરણી ઘર ઈ ધર્મ ધુરંધર, ધનંજય ધ્યાંની દયાતા
ઘરણીજો નીરક્ષણ કઈઘા, કાલી તટ આયા. અજઈ....
અન નદી જે કુંઘે મથે ઈ, કૈક વઠા તપધારી
બાળા દઠા ઈ બાળ કુંવારી, જોગણ વેસ ઈ ધાર્યા. અજઈ....
અર્જુનતાં ઉત ખબર પુછેતા, જોગણ બાના વટ વધી
નામ ઠામને નાલો વતાયો, કીં કરેયો તા તપસ્યા. અજઈ.....
અર્જુન કે બાળા ઓળખ ડીયેતા.

રાગ એજ

સુરજદેવ અચી મુંજા પીતાજી, નાલો કાલીં રખેયા
તપ કરીયા તીં કૃષ્ણ વરેલા, ન્યારે હી નવસર માયો.

અર્જુન ઈ અચી કૃષ્ણકે ચેંતા.

સજી અખાણી કૃષ્ણકે અર્જુન, બાળાજી ઈ સુણાયા
ઓળખ દઈને કૃષ્ણ પ્રભુજી, પંઢજે રથમેં વેરાયા.
કાલીને કૃષ્ણ પ્રભુ અજ, પાછા ધવારીકા આયા
લખમીપતીજા લગન લખાણા, બ્રમને બ્રમજી માયા.
વનમે અજઈ આયા....

કોશલદેશજી કુંવરી સત્યાસે લગ્ન થીંએતા.

રાગ કીળીજી જાન

કોશલ દેશજી ઈ કુંવરી હોરાજ, કોશલ દેશજી કુંવરી
જેંજો સત્યા કુંવરી અય નાલો રે. કોશલ...
બાલા પણ મે બાર બુધીમેં, બીરદ ગણા ઈ બાર
સરખી સાહેલી એ જે સંગમે, ઈતા ગુમાણ નકરયા ઘર બારસે. કોશલ..
સત સત સાંઢ ભેરા સેરીમેં સામટા, ભુરાંટા થયા ઈ ભાજાર
બજણ લગા વચ ગામમે, જતે થઈ વધી સાવ શુંનકાર રે કોશલ. કોશલ..
સતયાકુમારી કૃષ્ણકે ઈ, પરાયા રે વરમાળ
અજ આનંધ ધવારીકા ગામમે, જત વરતાણા જે જે કાર રે. કોશલ...

ભા કુમારીસે લગ્ન

રાગ દોહરા

ભ દેશજી કુંવરી, લક્ષ્મણા દેવી નાં, દેશ દેશ જા રાજવી, અજ આયા અત ભુપ

શ્રી હરી વચમે વઠા, સોભે સ્યામ સરૂપ. વરમાળા ખાણી કુંવરી, મંડપમેં આયા
પેરાયા ઈ કૃષ્ણકે, મલેયા ઈ માયા. લગ્ન લખાણા લોકમે, પળધા પરમે પેયા
જે જે કાર થેયો ચોધારો, ખબર પાતારે વેયા.

લક્ષ્મણા કુંવરી સે લગ્ન કરે પાં વરેંતા તડે શ્રુતશેન રાજા પંઢજી કુંવરી ભાજા લગ્ન કૃષ્ણસે
કરીયેતા.

રાગ પરજ દોહરા

હે કેકેય દેશજી કુંવરી, ભા મહાગુણવાન, પરણાયા રાજા પ્રેમસે, શ્રુતશેન રાજા ન.
રજવાળી ઈ રીતસે, સારે કેયા સનમાન, ડના દાયજા દાનમે, ગજ ઘોળાને ગામ
વોરાયા રાજા કુંવરી, દાસ દાસીયું સુમાર, મલકે મહિપતી મુરમે, જમાઈ જગ દાધાર.
જેજી કીરતી જગતમે, અજ અવની અજોડ, ભાગ વડા કુંવરીજા, જમાઈ શ્રી રણછોડ.

ઉજન નગરીજો રાજા અનુવિદ અનજી કુંવરીજો ઈ સ્વયંવર રચે કોરવેજો સખામીત્રવો
અતરે મંડપમે કૃષ્ણજો આસન રખે નવેને અનજી કુંવરી કૃષ્ણકે વરેલા તપ કંઘીવી અતરે કૃષ્ણ
સ્વયંવરમે અચીને કુંવરીજો હરણ કરીયેતા.

રાગ કીડી બાઈની જાન

ઉજન નગરીજી કુંવરી, ઈતા મીત્ર વીડા વિખીયાતરે

ઉજન નગરીજી કુંવરી. ઉજન...

ઉજનજો ઈ રાજવીને, અનેવિંદ નાલે વીખીયાત

રચાય સ્વયંવર ઈ રાજવી હો, જત ભુપ પધાર્યા ભુપાળ રે. ઉજન....

રાજા અનુવિદ કોરવજો, સાવ સખા ઈ ચોવાય

આસન રખે નાય કૃષ્ણજો, સભામેં કેઈ અપમાન રે. ઉજન....

અન સ્વયંવરમે કૃષ્ણ પધાર્યા, રાજકે કેયા પળકાર

કર જલેને ખંયા કુંવરી, રથ વાર્યા ઈ ધ્વારીકા ધામ રે. ઉજન....

મંત્રીવીંદા જો સ્વયંવર મજાથી હરણ કરેને કૃષ્ણ ધ્વારીકા અચેતા ને ભેરા ચાર કુંવરીએ
સે ભેરા લગ્ન થીએતા ધ્વારકામેં ધામ ધુમ થઈ રઈ અપ જાઘવ ભેરા થઈ લગ્નમે વઠા અચીં ઈ
કથા.

રાગ કાનરો દરશન ધ્યો ધન

લીલાધારીજી લીલા ન્યારી, જીવ સગે કી જાણી રે. લીલા ધારીજી...

નીર્ગુણાથ નીજારી બ્રમઈ, વેદ વાણી સે વખાણી રે

સગુણરૂપે આયા અવની, વ્રજ મંડળ દસસાણી રે. લીલા ધારીજી...

ફરી મથુરા મોહન આયા, અત ઉ અજોણી રે

કંશકે કુટેયા કચળી કાયા, ઈ સંતે કે સમજાણી રે. લીલા ધારીજી...

ધ્વારીકા રાજા ચોવાણા, ધનુસ સારંગ ધારી રે

રજવાળેજી રીત અપનાયા, બ્રમ ભની સંસારી રે. લીલા ધારીજી....

સંસારીયે કે સમજ ડનેલા, અજ થેયા ઘરબારી રે
વાટ વતાયા સમજી હલજા, સંસાર સરગજી બારી રે. લીલા ધારીજી...

દોહરા

રજવાળેજી રીત ઈ, અપનાયા મારાજ, પટરાણીયું અઠ પુરીયું, પોણ્યા જગતાજ.
બ્રમચારી બ્રમ લોકજા, બ્રમાંડમેં ભરપુર, ભોગીતાં હીં કીં ભને, જગન સમજેમુર.
ઈ કથા પુરી થઈ, સજી વીયાજી વાણ, જાડેજા જગ વાચીધાં, ત અય અમ્રતજી લાણ.
ઈતિ અધ્યાય પટ

અધ્યાય પટ : ભૌમાશુર ઉધાર

દોહરા

પ્રશ્ન પુછેતા રાજવી, હથ જોળે હકીયાર, સુખદેવજી વટ વચી, પુછેયા પંઢજો વિચાર.
કથા સુણાઈયો કૃષ્ણજી, અગીઆજા ચરીત્ર, ઘર મંઢેયા ગોવિંદને, કેળી હલાયા રીત.

ચોપાઈ. સુખદેવજી ચેતા.

સુખદેવજી કથા અજઈ સુણાઈયે, હન કથાજો મરમ સમજાઈયે
રાજન હી કથા આય કૃષ્ણજી, કર્મ કટે ઈ જનમ જજેજી.
પરમ પવીતર મંગલકારી, સુખ સંપતી ધન દે વધારી
પરીયોજા પરીયા ઈ તારે, જગમે જસ દયી વંશ વધારે.
રાજન જડે હન ધુનીયામે, પાપી વધે જડે પુરે પટમે
હઘ છડે હાહાકાર મચાઈયે, જોગેસર જ જનમ ઘરાઈયે.
પ્રાગ જ્યોતી નગરી જો રાજા, ભૌમાસુર નાલે વીખીયાતા
ઘરતી તેં ઈ ઘરમ છડેતો, પગ પગ અત્યાચાર કરેતો.
કુમારીકા એ જા હરણ કરેને, પુરે રખે ઈ અન નગરીમેં
હજાર હકળો પુરે બાળા ઉ, રખે જેલમેં ઈ કન્યાઉ.

દોહરા

સો સત પુરે સાથમે, કુમારીકાઉ કુર, અત્યાચાર અવનીતે, એળોકે અશુર.
સાવ આંધારી કોટડી મંજ ભેરવજા ભાણકાર, સમરણ કરીયે રાતડી શ્રીકૃષ્ણ કૃષ્ણ ઉચાર.
ધા સુણી ઘરણીપતી, ગરુણ કેયાં તૈયાર, અચી પુગા ઈ પલકમે, જત નીગરીયું નીરાધાર.

ભૌમાશુર પ્રાગજ્યોતીપુરમેં રાજકેં તે અને નગરીજો રક્ષણકેલા ચોભર સત ચોકીયું
રખેવે, સરગમેં દેવેકે ઈ. જીતી પથ્વીતેં ત્રાસ મચાયવેં તડે દેવ અંતરીક્ષમેં અચી ધવારીકામેં
શ્રીકૃષ્ણકે અસુરજો ત્રાસ વતાયો તડે શ્રીકૃષ્ણગરુડતે વઈ અન નગરીમેં અચેતા.

ચોપાઈ

અન નગરીજો રક્ષણ કરેલાય, સત ચોકીયુ રખે ઈ તેલાય

પેલી ચોકીમેં ડુંગર દસજે, ઉંચા ઉંચા ઈ અભમેં અડજે.
 બચી ચોકી ઈ ખાઈ ખોધાયે, જેં મેં પાણી પુરો ભરાયે
 ત્રયી ચોકીમેં હવા ભરેલી, જેર હળાહળસેં ઈ છલેલી.
 ચોથી ચોકી મેં અગ્ની લગાયે, જેજ્યુ સરાખુ મથે ફેલાયે
 પંજઈ ચોકીમેં હથીઆર પંઢજા, ધનુસ બાણ મળે માયાજા.
 છયી ચોકીજો રક્ષણ કરેતો, મુરુ નાલેજો અસુર વસેતો.
 સતઈ ચોકીમે વીજ પટપેતી, જીવ વનેંત ભસ્મ કરેતી.
 અન નગરમે અશુર ઈ રેતો, વચમેં પંઢજો મેલ રચેતો.
 અવનીજીતી અગીઆ હલીને, સરગકે ઈ વઠો જીતીને
 ઈંજો ઈંસણ જીતી, દેવેજી કરાય અપકીર્તી
 અદીતીમા જા કુંઢલ ઉતારે, વરુણજો છતર પણઢારે.
 સીંગાસણ ઈ સરગ ભુવનજો, ઘણી ભનીવ્યા માણી પર્વતજો
 દેવ મલીને ધવારીકા આયા, શ્રીકૃષ્ણકે દુઃખ દરસાયા.

દેવેજા દુઃખ ડસી ભગવાન તૈયાર થીએતા ગરુડકે કોઠાયાં ભેરા સત્યભામા રાણીને તનજ
 પલ ઈ રવાના થીએતા પેલા ઉનીં કુમારીકાએજી ખબર ગનેલા વને વારાત વાજને વરી દેવેજી
 પણ ધાપુગી હુઈ.

સંગર કચ્છી

સુણી દેવેજી અરજઈ, શ્રીહરી થેયા તૈયાર, સત્યભામા સાથમેં, ચળ્યા દેવેજી વાર.
 ગોલોકથી ગરુણકે, કોઠે ગણાં અન પલ, કરે સવારી ઉપવ્યા, જત લકધોવો ખલ
 અચી પુગા ઉન પલ, આંધારી ઈ નગરીમેં, અશુરજી અન નગરસે, અશુરારી નવા અજાણ
 ઉન આંધારી નગરીમે, અચી કેયા ઉતરાણ, શંખ વજાયા જોરસે, અત અશુર કે ઉબરાણ
 સ્યામ રૂપ સામે ડસી, ઉપળ્યો અંતરયાળ, ઈ કર્પીધો રાળા રાળ, ને ગડેયો અચી ગોવિંદકે
 ગદેયો ઈ ગોવિંદકે, ગદા ખણી ખુંખાર, બરસે અચી બાખ્ણેયો, અત ત્રીકમવા તૈયાર
 પેલીયુ પતાયા ચોકીયું, સતોય ભેરીયું શેલ, ગઢ સજો જોરે વંધા, છડેયા આધારો મેલ
 અત કેયાં ખરારી ખેલ, ઈ મથો ઉદાયા મુરુજો., મુરુકે મરઘો ડસી, અશુર અચેતા ઉત
 સતોય છોકરા સાથમેં, ઈ મુરુ મારાણુ તત. ગરુણકે ઘેરો વધા, નેરયાન ઈ નપટ
 બજાણ લગા બરસે તત ગરુણ મારે ઝપટ, અત હરી અચીવ્યા વટ, ને સુમારયા ઈ સતોય કે
 અચેતો સત છોકરા અનજા, લશ્કર મળે મારાણા તડે ભૌમાસુર,
 સત સત ખલ ભેરા સુતા, ઈ શુણીને ભોમાસુર, ભુરાંટો થઈ ભગો ઉવાંથી, છડે કેરે અંતપુર
 અભરમેં ઈ વયો ઉડી, મથે માયા કે ચીકાર. થેયા ભળાકા ભોણમે, ચુર ચુરયો પાતાર
 વસાય રતજી ધાર ધરાતે વછટયું ધારાઉ, ધારાઉ વછટયું ધરામથે, અને અવનીં તે આંધાર
 ધુળ ઉડેતી આંધી વછટઈ, અવાજ અભરમેં ભેકાર.

ભુત ભારાળી ભેરવેજા, ભાસે ભુમી તે ભણકાર

દાકણ સાકણ દસજે દુતા, ખોપરીયું કરીયે ખલકાર
 નતી અયે અણસાર, અશુર અય કન ભોણમે.
 અશુર અય કન ભોણમે, કતા કરે તો મારો
 કલ નતી પે કીં પટતે, ઈ મારો કેં ચોધારો.
 મથે વગરજા મુળધા ઉછરે, મથે કરીં મારો મારો
 કો નકટા કો બાદા બુબળા, કંધ વગર કરીયે દારો
 અન એળો કે ઓપાળો, તડે હરી હલી હત પુગા.
 હરી હલીને અત પુગા, જત ભારાળી ભૌમાશુર
 સામે અયેતા ઈ સધર આપી, સમજે કીં ન કુમુર.
 ચકર ચળાયા હરી હથ મથે, ને ગોમાયાં ગોર ગોર
 વાજ્યા એળી વમ મજા, મથો ઉદાયા મુર
 ઘળ ધાબ્યા ઈ ઘુળ, અશુર પેયો અવની મથે.

અશુરકે મરઘો ડસી સરગ મથા દેવ જેજે કાર કરે કુલ વરસાય.

દોહરો

અશુરજો ઉધાર થેયો, દેવે વનાયા દાંડી, જેજે કાર થેયો ચોધારો, કુલ ફગાયા ખાંટી.
 ભૌમાશુર જે મરણ થેયો ઈ ડસી દેવરાજીથીએતા ધરાતે જે જેકાર થીએતો. ને
 ભૌમાશુરજી માતા ભુદેવી પંઢજો પૌત્રેકે કોઠે કૃષ્ણ વટ અચેતીને ભગવાન કૃષ્ણકે પ્રાર્થના કરેતી ક
 અનજો રક્ષણ કર્યો પ્રાર્થના કરીયેતા.

રાગ ભેરવી ગજલ

અનંતા આપી અવીનાસી, સજે ગોલોકજા વાસી
 પધાર્યા પ્રથવીતેં પુરણ, કીં કરીયા આંજી આંઉ સેવા.
 નીર્ગુણનાથ નીજારી, અખંડાનંદ અવતારી
 ધરા તેં ધર્મ થાપેલા, અધર્મનાસતાં કેલા.
 પુરણ પુરુસોતમ સ્વામી, જગમેં આંજી કીરતી ગાંવાધી
 અશરણકે શરણમે રખજા, દયાળુ દાન અભય દીજા.

ભુદેવી શ્રીકૃષ્ણજી પ્રાર્થના કરે ત્યાંથી રવાના થેઈ વનેંતા શ્રીકૃષ્ણ ભૌમાશુરજે નગરમેં
 અચેતા જેજી સોભા અનેરી અય હજીરુ મેલ અપી અનમે હકળો હજાર બાળાઉ પુરેલ્યુ અર્થી ઈ
 કૃષ્ણ દદા મળે બાલીકા ઉદાસી અખીયેમેં પાણીને મળે નીરાસ થઈ ભગવાનજો સમરણ
 કરીયેત્યું અત અર્થી ભગવાન અનીકે છોળાઈતાં તડે મળે ભેરીયું થઈને ભગવાનકે દંડવત કરે
 નમસ્કાર કરીયેત્યું અતીસય રાજી થઈ પ્રાર્થના કરીયેત્યું.

પ્રાર્થના. રાગ કલીંગડો

અરજ શુણો અવીનાસી, અસાંજી અરજ શુણો અવીનાસી
 અસી અબળાઉ અનાથ અવની, કેરે છોળાય હી ફાંસી. અસાંજી...

અશુરજી તા હન નગરીમે, માનવ કોપ ન વરકે
 આંધી આયા કી અભોજ્ઞમે, ઈ ગાલ ચતર્મે ચુણકે. અસાંજી.....
 ક્યાંથી આયા કન મુલકજા, હી વાટકે જ વતાઈ
 નકી અશુર કે મારે આયા, તડે પુગા હત આંધી. અસાંજી...
 દાનવ માનવજીવ વરકે, અત હાક અશુરજી જગર્મે
 નકી નારાયણ આયા અવની, પ્રગઠ થેયા યદુવંશમે. અસાંજી...
 યુગે જુગે અવતાર ધરયો, ઈ વેદ પુરાણ વખાણી
 અજ પધાર્યા આધી અવની, શ્રીસુખ સારંગ પાણી. અસાંજી...

મળે બાળાઉ ભગવાનજી પ્રાર્થના કેયાં ભગવાન મણીકે રદયર્મે દરશન દીએતા તડે ફરી
 ભગવાન વટ ગુરેત્યું.

રાગ એજ

સંગ મલીને બાળાઉ ઈ, ફરી ફરી દંડવત પેત્યું
 અસીં અયું હરી આંજે આસરે, ઈ આંસુ સારે ચેત્યુ. અસાંજી...
 હન અવનીમે હરી અસાંજે, કોપ પ સહારો નાંચ
 શરણ રખજા બરદ પારીજા, દીજા કલંક હી લાય. અસાંજી...
 અરજ શુણી અબળાએજી, ને અપનાયા મારાજ

કરુણા સાગર કલંક ઉતારે. બાળાએ કે છોળાયે ધ્વારીકા રથમે વેરાય હલાય ડના અને
 ત્યાંથી પંઢ સત્યભામા ભેરા કોઠે સરગલોકર્મે ગરુણ તે ચળી વનેંતા.

ચોપાઈ

ગીરધારી ફરી ગરુણ કોઠાયા, સરગ ભુવનજી વાટ હલાયા
 સતયભામા રાણી સંગમે, અચી પુગા ઈ ભુવનર્મે.
 ઈ રાજા અજ રાજી થઈને, ખબર પુજાયા સરગ ભુમીમે
 દેવ મલી મળે ધોળી આયા, ઈ મણીકે આસન વેરાયા.
 રીકૃષ્ણકે નમન કરીંતા, ચરણ પખારે પુંજન કરીંતા
 અવનીજી અત ગાલ ઉચરેતી, ભૌમાશુરજી પધરી થીએતી.
 કરુણા સાગર કુઢલ કઢેયા, ભરી સભાજી વચર્મે રખેયા
 માતા અદીતીજા કુંડલ ઈ, ઈ દેવ કે પાં સોપ્યો ઈ.
 દેવ દસીને રાજી થીંએતા, ફરી જે જે કાર કરીંતા
 નમન કરે શ્રીકૃષ્ણ ચરણમે, હલધા થેયા પંઢજે લોકમે.

દેવેજી સભાર્મે શ્રીકૃષ્ણ માતા અદીતીજા કને જા કુંડલ લાયે વ્યોવોસે ભગવાન અનકે મારે ઈ
 કુંડલ દેવેકે પાછા ડના દેવ રાજી થયા જે જેકાર કરે નમન કરે રવાના થીંએતા શ્રીકૃષ્ણ સરગ
 મજાથી કલ્પવૃક્ષ ઝાળ ખણી પાછા ધ્વારીકા અચેતાં ઈ ઝાળ સત્યભામાજે ભગીચેર્મે રોયાયા.

ચોપાઈ

કલ્પવૃક્ષ હરી ઉવાથી ઉખાવ્યા, ધવારીકામે અચી રોપાયા
 સત્યભામાંજે ઈ ભગીચે મેં, કલ્પતરુકે રોપ્યા વચમેં.
 ધવારીકામે લગ્ન લખાણા, મંગળ મંગળ ઈ વરતાણા
 સોરો હજારકે ભેરા વરેયા, અતરા રૂપ શ્રી હરી ધરેયા.
 અકળ કળા હી કી જાણી સગાજે, સાંધે કે ઈ સાવ સમજાજે
 જીવ અજ્ઞાની સમજી રાગે કી, બુધી જી વિચારે ટુંકી થીએતી.
 અનજી લીલા અપરમ પાર, અખર બાવનસે ઈ બાર
 હલ કરીયો હરી કે હથ જોડ, જાડેજા જ્ય જ્ય રણછોડ.

દોહરા

અદ્ભુત અવનીમેં કથા વાંચી કરીજા વિચાર, બ્રમચારી ઈ મઈ મથે થેયા ઘર બારી કીરતાર.
 જી કમળ જળમેં તરે, જળ કુકળી મજધાર, તીં બ્રમ જગમે વસે, બંધન સે અય બાર.
 અજર અમર અલાપત ઈ, આનંદ અખંડ અનુપ, આદ અનાદી દેવ ઈ, સ્ય અસ્ય સ્વરૂપ.
 હી કથા પુરી થઈ, શ્રીસુખ ડનાં વસરામ, જાડેજા જગમે ભજો, શ્રી રાધા શ્રી સ્યામ

ઈતિ અધ્યાય ૫૯

અધ્યાય ૬૦

દોહરા

જોગેશ્વર શ્રી જગપતી, જગદીશ્વર જગ ભુપ, વઠા મેલમેં હેકલા, સ્યામ સાનત સરૂપ.
 વટ વઠા અર્થી રુકમણી, સજે કરે સણગાર, ન અભીમાન ઈ કરી, જીં વસ કેયા કરતાર.
 જોગેસર જાણી ગણાં, દેવી મન વિચાર, અજ ઉપનું ઈ દેવીકે, ખોટો અયે એંકાર.

શ્રીદેવીજો શ્રંગાર વર્ણન. રાગ રાસ હીંચમાં

ડસીને શ્રી હરીજો ધીધાર રે, દેવી મન મન મલકે
 વસમેં કેયા શ્રી ગોપાલ રે. દેવી...
 સોરો રે શણગાર દેવી શ્રી સજ્યા, ગલે મેં ઈ મોતીજી માળા રે
 કેસ કલાને વારે મોતી પરોયા, ગજરા ગુલાબજા હાર રે
 કુંકુજી ટીબકી ઈ ભાલ તેં શોભે, સંથેમેં સીંધુર સુહાગ રે. દેવી...
 કનેજા ઈ કુંઢળ કરી ચમકારા, નથળી વારી નક્સી ધાર રે. દેવી...
 અંભર ઓઢ્યા આછા રંગ ગુલાબી, ઝાંઝર પગ જણ કાર રે. દેવી...
 કરમેં અય વીઝન વાયુ ઈ ઢાળી, મન ઉભરેયો અભીમાન રે. દેવી...

અજ રુકમણી દેવી શ્રીકૃષ્ણજી સેવામેં વઠા અર્થી મનમેં એળો અનીકે અભીમાન થીએતો ક
 આંઉ ભગવાનકે વસ કરે ગળા અર્થી ભગવાન જાણી વેયા અતરે ઈ અભીમાન ઉતારેલા કરે
 રુકમણીજીકે તપાઈયેતા.

દોહરા

ડસી અભીમાન દેવીજો, ઈ શ્રી હરી કરે વિચાર
શીશુપાળજી સંબંધજો, ખળો કેયાં ઈ ચીતાર.

ભગવાન ચેંતા. ચોપાઈ

હે દેવી આર્થી કીં ન વિચાર્યા, કાગર લખીને મુકે કોઠાયા
માઈતરેજી અણપ છડેને, મુકે વરેયા હઠ કરે નેં.
શીશુપાળસે કેયાં સગાઈ, ઉ પણ આપી વધા તોળાઈ
જરાસંઘને સાલવ જેળા, આકે વરેલા કેયાંતે બખેળા.
ભુપતીએકે આર્થી છડેને, મુકે વરેયા હઠ કરેને
રાજપાઠમું વટ કીં નાય, નાંય સલામતી મુજી જરાય.
વડે વડેસે મું વેર વંધા અર્થી, કેસેં પ સંબંધ રખેયા નયી
ધ્રજી કરેને ધરા છડઈ અીં, ધરીયા જો ત શશ્રણ ઘણો અીં.

ફરી ભગવાન દેવીકે ચેંતા.

નારદ વટા મુંજા સુણી વખાણ, મુકે સોપ્યા આંજા પ્રાણ
આંઉ આયોવો આંજો રક્ષણ કરેલા, પાપીએંજો અભીમાન હલોલ.

ભગવાન પંઢજા ગુણ વતાઈયેતાં.

આઉં નયાં કી ધનસે રાજી, ત નાંય સતા ક કીં ધરતી નાંજી
નાય પીતા કોય પત્ની માતા, નયી સગા કો ભગની બ્રાતા.
મુકે નાંયકો જગમે વાલો, નાંય કો શત્રુ મીતર દુવાલો
વસાં હેકલો ત અંતર રાજી, નાય સતા ભુખ મનમેં નાંજી.
આઉં નીરપેક્ષ કીં ન ખપે કીં, માયા બંધન બધી સગે કીં
આઉં ગોવાળ ચોવાજા જગમે, ચોર કપટી વસઘલ વનમે
છતા દેવી આર્થી મુકે વેરયા, પાપ પુરવજા આકે નળેયા.

અતરો રયી હરી સામે ન્યારી, તત સામે ઉભી દેવી આસુ સારી.

ભગવાન ટુકમણીજી કે ચેંતા હે દેવી આર્થી મું મે કુરો દશીને વરેયા ખાલી નારદજી વઠા મુજા
વખાણ સુણી આંધી મુકે વરેલા નકી કયાં પ નેરેયો મુ મેતા બ્યો કી ચમતકાર નાંય મુજો કોય
ભાભંઠ સગાવાલા પ નહીં આઉ અભણ ગામળેજો ગોવાળ ચોવાજા.

દોહરા

શુણી ગાલ ગોવિંદજી, શ્રી દેવી થેયા નીરાસ. કાયા કંપણ તાં લગી, સાવ સુકાણાં સાસ.
અણધાર ઈ આફત દશી, લગી અંધર મે ચોટ. અખીયં પાણી પેં ચોધારા, સાવ સુકાણા હોઠ.

ભગવાનજી પેલવેલાજ હી સબ્ધ શુણી દેવીકે ઘલ મે ચોટ લગેતી કાયા થથરેતી રૂવણ લગેતા.

પરી બ્રંમ મુખ પેલી જ વાણી, શુણી દેવીતા સાવં જખવાણી.

નીચી નજર નં કુછી સગેતાં, ઉભા ઉભા ઉતઈ રૂવેતા.

ચોપાઈ

પગ પંઠજા ન જલીતા ભાર, કંર કંકણજા ભંધ રણકાર.

ચામર પણ પ્યો છણી પટતે, નજર કરીતા નીચી પગતે.

કેશકલાતા વઈ વખરાઈ, વેણી પણ વચી ઈ કરમાંચી.

ધલ ધબકારા વધી વનેતા, છટે ભાંન છણી પટ પેતા.

રુકમણી જી ભગવાનજી સબ્ધ સુણી ન સાવ જુરી પેતા તેકે દશી ભગવાન ધોળી ઉભી કરે ન આસ્વાસન દીંતા.

દેહરા

સ્યામ સુંદર સામે દશી, શ્રી દેવી જા હાલ, છલકચી કણ્ણા કમળાદશી, ફરી વતાયા વાલ નંદણી મજાક મુંજ ઉભીકઈ, થઈ પઈ જભરધાર, જખંમ દશી શ્રીદેવીજો ને સરમાણા સરકાર.

ધરમ ધુંધર ધોળી અચેતા શ્રીદેવી કે ઉભા કરીતાં, અંખત રસ વરસાયા વાણી આસું લુખ્યા સારંગપાણી

દયી આલીગંન ભાવ વતાયા, પંઠજો પુરો પ્રેમ દરશાયા.

કળા કોશલ અજ કરતાર, ભગત વલાઈ ભવભય હાર.

અચી કરે આસ્વાસન દીંતા, અંમી દ્રષ્ટી સે વાણી વકીતા

સુરતા જેજી હરી ચરણ મેં, સંમરણ સાંસ ધળ ધલકનંમે.

રુકમણી જી કે ઉભા કરે ભગવાન આસ્વાસન દયી ને સમજાઈયેતાં.

રાગ બહાર

વૈદભકિ દશી વલપંધા, વિસ્વેશ્વર ઈ વાણી વકીંતા

હે દેવી આચી ધીરજ ધરેયો, કો લા આંચી કલ્પાત કર્યોતા. વૈદભકિ દશી...

ભાવ આજા આંઉ પુરણ જાણા, રાત દી જાપ મુજા જાપીયોતા

અજતા આંજી કઈ મું કસોટી, તેકે સચી કી મર્નીયોતા. વૈ...

રાજકુમારી આંકે દશી મું મધમે, નકી કેયો મું મનભાયો.

અભીમાની જીવ જાત ભુલીને, બંધે ચોરાસી હથે કરીને. વૈ...

નકી જીવ ઈ નરક અધીકારી, જે લા નાચં છુટણજી બારી.

દાનં વ્રત ઉપવાસ કરયે ઈ, મધ આયો તત ભસ્મ થીએ ઈ.

જ વે જીવ કે જાપ તપ કેણા, ધર્મ વીવેકી ને ભનણા સાણાં

અતરે જ મુ હિ ક્યો ઉપાય, આજો મધ આંઉ દીયાં મટાય વૈદભકિ દશી...

હે દેવી આજો મધ તે કે ઉતારેલા મુ હીં મજાક કચીવીં.

અતરો ચચી શ્રી દેવી કે, હરી સામે કહેયા કંધ, દયી ધલાસો ધલમે વઠા, તત રૂવણ દેવી જો ભંધ વાણી શુણી શ્રી દેવી જી, દેવી થેયા સજાગ, નીચી નજરશે ન્યારેને, પ્રગઠ કેયા પંઠજા ભાગ

રુકમણી શ્રીકૃષ્ણકે ચેંતા. ચોપાઈ

સચી ગાલ આંજી જદુરાય, પંજભુત આંજી નાંચ કાય

પંજ ભુતેજા ભુપ દશીને, આચી લંકાવા સંજોગ દશીને

કામ ક્રોધ મદ મો એકાર, તે મથા આંખી સરજનહાર
 બાવન સેતા બારા વસોતા, જત તત વ્યાપક જ દશ જોતા
 જળ કમળ વત જગ ભરપુર, ત્રેગુણ ધારી ગુણસે દુર
 માનવ અનજો તાગ કઢે હી, સારે જગ ફરે મું પુઠીઆઈ.

શ્રીરુકમણીજી ચેતા હે ભગવાન આંજી હી ગાલ સચી અંચ જનીરાજાએ સે આંખી લકાતો
 ઉનીજીતા કાયા પંજ ભુતેજી અય. નાસવંત વકારે સે ભરેલી અય તદે આર્પીતા જગમાયાથી પર
 નીર્વીકારી અયો આજો જુકો ભજન કરીયેતા ઉતા સુખ ભોગવી ગતિતમે વનેતા પણ અજતા
 જગ મળે મું પુઠીઆ જ ધોળે તો. ઈનરક જ અધીકારી અર્થી

દોહરો

હે સ્વામી અજ સજો આલમહી, અય મું પુઠીઆ તા ભાંન
 ધોળે રાતદીનતો થંકે ઈ, ભુલી ભુત ભન્યો હેવાંન
 કદે ન આકે યાધ કરેતો, કુમતી કુઠાર ઈ બ્યા કંશ
 આ વગર તાં આંઉ ટકા કી, ભજી છુટા કડે વંસ.

લખમીજી ચેતાં. ચોપાઈ

જન ઘરમેં વે આજો નીવાસ, ઉતજ મુજો વે નકીજ વાસ
 ઉત વીઆં આંઉ પગ વારેને, રીધી સીધીજ્યું ભરીયું બધે ને.
 જગમે ઉનજા જરા છાવાજે, જ આજા નત ગુણ ગાવાજે
 આ વગર તાં જીવજી ગતી, કદે ધીએ નં સુખ કીં રતી.
 ઈ પણ આજી ગાલ સચી અય, અજ્ઞાનીંકે કીં ઈ ખબર પય.
 નાય કો આજો મતર ધુસમણ, સર્વાત્તમ મે દશજો પુરણ.

રુકમણીજી ચેતા

ચાર પદારથ ચુ ટા દશાજે, ધરમ અરથ નેં કામ ચોવાજે
 અનમેં મોક્ષ અય આંજોરૂપ, જોગી જપીએ જલે સરૂપ
 નીવૃત્તી પ્રવૃત્તી જોગી જપીએ, સીધી સાધે ને વસ કરીયે
 જ્ઞાની તાં અનજો કરીયે ત્યાગ, આકે ભજે ઈ જ બળભાગ

દોહરા

માયાવી જીવ જગત મે, ભુલા ભવમે ઈ ભત, રત માયાજો રાત દી, ઈ અભાગીઆ કેંન ગત.

ચોપાઈ ફરી ચેતાં

જીવ માયાવી ફરી ઈ ફસાણા, દશી મધ લાર ઈજ બંધાણા
 ઉંની જીવેલા કત સુખ નાંચ, સામે ચોરાસી ગણા ભંનાય.
 ઈ પણ આજી ગાલ સચી અયં, ભકતે કે મું દુઃખ દનું અય
 પણ નાલા ઉનીંજા અંમર અર્થી, ભરત યયાતી પૃથુ અંગ ઈ
 અંબરીશ ને લ્યા જગ તાંજ, આકે ભજી છડેયા રાજ.

ઉની ભક્ત કે અમર ભનાયા, જગ માયાજી ગંઠ છોળાયા.
 હનં આલંમ જા અયો આંચી સ્વામી, અજર અમંર આચી ગુણગામી.
 મુજી ઈછા આચી પુરાણ કરીજા, આંજે ચરણજી સેવા દીજા.
 પદ પટરાણીજો નાંચ ઉમેદ, રખજા દાસી કરે જગ મે જ
 અતરો ચયી દેવી નંમન કરીતા, શ્રીહરીકે દંડવત પેતા.

દોહરા

વાણી રાણી શ્રી દેવીજી, પ્રસન્ન થંચા ભગવાન, મધુર વાણી તાં વદે, શ્રીજી શ્રી ઘનસ્યામ.
 હે રાજન હી જગપતી, અજ ભન્યા જગભુપ, લીલા કરીયે નત નયી, માનવ રૂપ અનુંપ.
 માયાવી જીવ જી કરે, તીજ કરીયે જગતાત, દશી ભુલાપે દેવતા, તત જાણી હી માહુજાત.
 લીલા હરીજી અટપટી, અજતર્યાં અય અજોળ, સંત ભક્ત સોધે થકા, કઢે સગ્યા નં ઈ તોળ
 અકળ કળા આલંમ ઘણી, ઈ જાણી સગાજે કી, મંઘ બુધીજો જાડેજા, આઉ લવણ પુતરીં તી.
 છતા લખઈ મું ટુકમે, કથા તાં ધરીયા પાર, હકળો વ્યો હથ પેયો, તત થુળી થઈ અણસાર.
 શ્રીદેવી શ્રીનાથ જો, અજ લખ્યો આખ્યાંન, વાર્યાં ધંલ વિચારીધાં, તત મંજ મલધો ભગવાન.

ઈતિ અધ્યાય ૬૦

અધ્યાય ૬૧ : શ્રીકૃષ્ણ સંતતી વર્ણન

દોહરા

અધ્યાય ૬૧ જી હી કથા કૃષ્ણ સંતતી વર્ણન, વાંચી ધલ જો વંશ વધાય મટાય અચણ વનનં
 ગાથા અનિરુદ્ધ લગનં જી, ને માર્યો રુકમીં કી, ઈ સજો પ્રસંગ સમજાઈતો, સુખદેવજી અજ ઈ.
 અજ સુખદેવજી હંન એકસઠમં અધ્યાયમે ત્રીં પ્રસંગે જી કથા વતાયા. કૃષ્ણ સંતતીજો
 વરણંન અનિરુદ્ધ જો લગ્ન અને રુકમીં કે માર્યા ઈ કથા ચ્યાં કૃષ્ણ હંન ભુમીમે કી ખાલી કિળા કરેલા
 ન આયાવાં ઈતા જગ ઉધાર કેલા આયાવા અને સંજો મથે પાપ વિયાં પણ કરે વતાયાં અને
 દેવકીજી માતા કે રાજી કરેલા પંઢજો વંશ પણ ઉભો કેયાં શ્રુતીએ મે દો છોકરા ઉત્પન જી ગાલ અય
 તે કે પ સચી કેયૂં. ભાંકી હીતા ભગવાન જી ન્યાયો ક હકળા હકળી રાણીજા દો છોકરા ઘટપનં અને
 વદ્યુ પન હીં ભગવાન જ કરી સગે તદે ભગવાન જી લીલા માતર સંમરણ જ કરેજી આપ ઈ પાંજા
 પુરાણ સંત ચેતાં.

રાગ લાવણી

હે રાજા હિ વીસ્વ પતીજી, ગાથા અય ઈ, અખંદ અનંત જી
 જગ માયા થી સાવઈ ન્યારા, બાવન સે પણ દશજે બારા. હે...
 હે હંન ધુનીઆ જો હારદ સમજી, લીલા કરીતાં માનવ તંનજી
 સર્વસ નારીયું સેવા કરીયે જ તેકે વસ રચી રાજી કરીયે
 હે વસ કેં કે નં થીયે ભગવાન, રાણીએ જે મનમે ગુંમાન.
 હે રાજન હિ જગ તારણ હાર, નાંચ વસમે કેંજે કીરતા.

હે પ્રેમ વસ અય ઈ રણછોળ, જેજી લીલા અવની અજોળ
નાય લઘ સનકાદીક ભેદ, સાવ થકા ઉત ચારોય વેદ.

સુખ. ઉ. હે રાજન હીં કૃષ્ણજી લીલાકે વદા વદા યોગેસર વિચારે થકા કત અણસાર ન પયી
પુરી તદે હી રાજકુમારીય સમજે ક ભગવાન અસાજે વસ મે અંચી પણ હે પરીક્ષિત ઈ રાણીયું
ભગવાનકે ઓળખી સગયુ નં વયું

દોહરા

શીવ સનક ને સારઘા, પાર લઘા નર્ચી કોય, જોગી મુર્ની જપતપ કરો, થકા પુગા નઈ તોય

રાગ :

પુરી દ્વારીકા, નગર જા રાજા, અજ યોગેસર રાજકરી
ધર્મ ધુરંધર ધર્મ જો થાપણ, નત નર્ચી લીલા કરી.
જોગી ભોગી ભુલાઈ ભતમે, દેવ ભુલાઈ દશી કરી.
સહસ્ત્ર રાણીયું સોભે સંગમે, સહસ્ત્ર પરીયા પાર હરી.
અજર અંમર અલ્પિત ગુસાંઈ, ભોગી ભનેયા અશુર અરી
નાથ નીરંજન નીરાકાર ઈ, માનવ લીલા કરી હરી
દોં દોં છોકરા રાણી રાણી જા, જેજી સંખ્યા કોટ ગણી
જભર જોઘા મહારથી પુરાં, શ્રીકૃષ્ણજા મુકુટ માણી.

દોહરો

પ્રદ્યુમન જે કુમારજા, સંબંધ બંધાણા કી, અનિરુદ્ધ ભેરી રેવતી, ઈ પ્રસંગ ભન્યો ઈ કી.
શ્રીશુકદેવજી કથા મે કૃષ્ણજી સંતતી જો વર્ણન કરીયેંત ક હે રાજા જન સમેતે શંકર કામ દેવકે
ભસ્મકેયાં વા ઉ કામ દેવ જો અવતાર ઈ કૃષ્ણ જો પાટવી કુમાર પ્રદ્યુમન અને તેં જો કુમાર
અનિરુદ્ધ અનિરુદ્ધજો વેવીશાળ ભોજકટ જો રાજા રુક્મી જી કુવરી રોચનાં સાથે થયા. ઈ કથા
સુણીને પરીક્ષિત પુછતા ક અંનીજા પંઢમે વેર છતા કી સંબંધ થેયા ઈ કથા ચો તદે શુકદેવજી વાર્તા
કરીયેતા.

રાગ એજ

કામદેવ ઈ પતી રતીજો, ફરી જગમે ઈ જનમ ધરે
માતા રુકમાણી પીતા પરીબ્રમ, પ્રદ્યુમન થઈ અવતરે.
તેંજો કુમાર થેયો અનિરુદ્ધ, જોટો જગમે કત નં મલે
રૂપ ગુણ પ્રતાપી ઈ પુરો, દશી દેવે જી નજર ઠરે.

હે રાજા ભોજકટ જો રાજા રુક્મી તેજી કુવરી ઈ રુકમવતી તેંજો કુમાર ઈ અનિરુદ્ધ થયો વો ઈ
યાઘવે સે જુનુ વેર વો છતા પુત્રી જો સંબંધ દને વે કે અનીર્સ અચણ વલણ થીએત વેર વારી
સગાજે અતરે ઈ સંબંધ ઈ થેયો વો.

રાજા કરેલાય ઈ ભણો કે, નેં વરી વેરકે ઠારણ લાય
પુત્રી દંને ઈ પંઢજી, નયાં સંબંધ જોળાય.
જેની કૃષ્ણ રુકમાણી હરાણં કેયાં, તેદી જભર મંઢાણુ જંગ

હાર્ષો રુક્મી લળધુત કેયાં, ઈ કીં વસરાજે દંગ.
ઈ વારણ ભઘલો રાત દી, સુંમે સુંખે ન તો રાય
ઈ માંગ કઢે પંઢ કુટનીતી, સંબંધ સે વેર વારાય.

શુકદેવજી ચેંતા

રાજ રાંધ હી પરીક્ષિત, જત ધરમ જો નં વે નીસાંન
ઈ સંબંધ સાવ તોળે વઝે, ઉત કોદીજી જ જભાંન.

શુકદેવજી બોલેતા હે રાજા જેની કૃષ્ણ રુકમણી જો હરણ કેયા રુકમી વ્યો હાર થઈ બલરામ
અનેકે છોળાયાવા ઉ ભઘલો ગનેલા રુકમી રાત દી સોધે તેકે હી વેર કીં વારણુ કોઈ ઉપાય ન લધો
તદે સંબંધ વેરી સે બધે ઉનીજો ભેદ ઘરજો લજે પોય વેરઘનાણુ અતરે ઈ સંબંધ દનેવે અને હદા
ભગવાન જન ગની અચેતા.

ચોપાઈ

શ્રીયોગેશ્વર જન ઈ જોળાયા, ભોજકટ નગર મેં આયા.
કરે સામયાને કોઠે અચેતાં, મેલ મંધર ઓતારા દીંતી.
છપન ભોગજા ભોજન કરાયા, વર કન્યા કે માયરે વેરાયા.
મંગળ ગેત્યુ માનુનીં ગીત, વરતાજે રજવાળે જી રીત.
પળધમ જી ધંમકાર વગાતે, વેદ મંત્ર ઉચાર થીઆતે
ચારોય મંગળ અત વરતાણા, કન્યા જા જત દાન દેવાણા.

શુ. ઉ. કૃષ્ણ ભેરા બલરામજી જાઘવ જન ગની આયા રુકમી સામયા કરે ઉતારા દયી ભોજન
કરાય પોય ચોરી તૈયાર કરી કન્યાદાન દને મળે રાજી હળેમેક મલેતા

લગ્ન વીધી પુરી થઈ, પટ પથરાણા પ્રકાસ
ઘાડૂ ખાંના ફોળેયા, જાઘવ જભર હુલાસ,

લગ્ન વીધી પુરી થઈ અતરે મળે મોજસે વઢા અયા અતરે કલિંગજો રાજા ચેંકે હાણે બલરામ ને રુકમી
કે પાસા રાંધ રમાયોયો અતરે તૈયાર કરે રાંચ ચાલુ કરાયા

ચોપાઈ

પાસે જી જત રાંધ મંઢાણી, કલિંગ રાયજી શુણીને વાણી
રુકમી ને બલરામ વેરાયા, હાર જીત જા દાવ લગાયા.
પેલો દાવ બલરામજી જીત્યાં, કુટણ મલીં ચે અશીં જ ખટેયા.
જી જી રાંધ અગીઆ હલેતી, તીં તી બલજી જીત થીએતી.
છતા કૃષ્ણ ઈ કુળ કરે નેં, સચી વતાઈયે પંઢજી કરેને
સચા સુગઢા ખોટા કરીંતા, સામે સબ્ધજા ઘા કરીંતાં
વઝાં તાળીયુ કઢીયે દંધ, પુંઝ ખુટા ઈ અટકીયે અંધ,
આંચી ગોવારીઆ વસો વનમે, કી બુજો આચી રાંજ રાંધમે

દોહરા

અતરો ચથી રુકમી ઉથ્થો, ને દંને ઈ ખલજી તક, ભીરૂ દશી બલરામ કે, ને સામે કરીતા ભકભક
 બલરામજી જીત થઈ છતા મળે ભેરા થઈ ને ચોણ લગા ક અશી ખટાયાસી દાવ ને વરી
 ખલી કરે ને મશ્કરીયુ કેણ લગા અતરે બલરામજી કોપ કરે ને મુદગલ ખણી કરે રુકમી જો મથો
 ઉદાયો કાશીરાજ જા દંધ તોરે વધાં કેંજા પગ જોરે વધાંને ઉતઈ લગનમેં ગીત ભંધ થયા ને
 રાણારાણ મચી રઈ ઈ દશી ને શ્રીકૃષ્ણ ઉત અચેતા ને રુકમીજો પુત્ર કે ગાધી તે વેરાય ને થધા કરે ને
 દ્વારીકા પાછા અચેતા.

દોહરો

હી દશી કરે બલરામજી, ખયાં મુદગલ હથ, મથો ઉદાયા રુકમી જો, કાશી જા તોળ્યા દંધ.

ચોપાઈ

બલરામજી જદે ધનુષ ખાણેતા, સામે દશીને ભુપ ભજેતા
 કેંજા તોળ્યા ચપ હથ બાંઉ, પગ ટુટલ તો નેરીયે પાં ઉ
 ભજા ભજતા થઈ વચી ઉતે, ગીત ભંધ મરસીઆ તતે
 શુણી શ્રીકૃષ્ણ ધોડી અચેતા, મંગળ મેં અમંગળ વરતે તા.

ભગવાન અચી આસ્વાશન દીંતા

સમજાયને હરી સાંન્ત કરીંતા, રુકમી જો કુમાર કોઠીતા.
 તિલક કરે નેં ગાધી વેરાયા, ફટલ પ્રસંગકે થોળો સુધાર્યા
 અનિરુદ્ધકે પેણાયને, આયા દ્વારીકા ધાંમ
 સર્વેશ્વરજી સાયભીજા ગુણે ગગનમે ગાન.

સંતતી વર્ણન

દ્વારીકા ધીસજી જગમે જેનીં, સુવાસ પસરે અભમેં તેની.
 સહસ્ત્ર કુમાર ઈ સાવજ સરખા, દશાજે દેવે જેણા પરખા.
 રૂપ ગુણ વદયા ચતુરાઈ, ધર્મધીરતા બુધી અધીકાઈ
 જગમે જેજું નામ કો ગજે, કામં દેવ જત ઝાંખો દશાજે
 અઠ પટરાણીએ જા દો દો કુમાર, બેયા કરી લેખણા અંકથી બાર
 નાલા અંનીંજા આંઉ વતાયાં, નાલે સોતા પુરા વતાયા.

રુકમણીજા કુમાર

રુકમણી જા દો ઈ કુમાર, પ્રદ્યુમન ને ચારૂ સુચાર
 ચારૂ દેહનેં ગુપત ચારૂ, ભદ્ર ચંદ્ર ને દેરાણ વારૂ.
 સત્ય ભામા જો મોભી ભાનું, સુભાનું સ્વભાનું પ્રભાનું
 ચંદ્ર ભાંનુંને બ્રહ્મ અતીભાનું, દશમ માન ઈ સ્વભાનું.
 જાંબુવતીજા સામ્બ સુમીત્ર, ચીત્ર કેતુને સહસ્ત્રા જીત.
 પુરૂજીત વસુજીત વસુંમાન, વિજય દુર્વાનેં કતુમાન.
 સત્યા જા ઈ વીર નેં ચંદ્ર, અસ્વશેન કર્કને વરો

ચંદ્ર ગુપ્ત વસુ ને સાંમ, વેગવાન ને કુન્તીમાન.
 કાલંદ્રી જા શ્રુતીને સાન્તી, પુર્ણ માસ વૃશને કાન્તી.
 સુભાઉ વીરભદ્ર ને દર્શ, મહા પ્રતાપી સોમક દશ.
 લક્ષ્મણાજા પ્રમોદ ને શક્તિ, સીંહ પ્રબલ ઉદવર્ગ કીર્તી
 મીત્રાવિંદા જા હર્ષ ને શુક્ર, અનીલ વર્ધન મહાદં ન ગય
 પાવન વહિ નાલો સુધી, મહા પ્રતાપી દીર્ગ ઈ બુધી.
 ભદ્રા જાઉ દો ઈ કુમાર, સંગ્રામ જીત શુર પ્રહર્ણ ચાર.
 સમ્પક બ્રહ્મ શેન સુધી, આયુ અરીજીત જ્યને વૃધી.

શુ. ઉ હે રાજન ભગવાનજી અઠ પાટરાણીએ જા દો લેખે અંશીકુમાર મહારથી વા બ્યા સોર
 હજાર સોર લેખે અસંખ્ય સંખ્યા હુઈ. ઈ ભગવાન જી દીવ્ય લીલા અય એકડે પણ કળેમે અચે નં
 ઈતા બ્રમજી માયા શક્તી અય. અનંકતા નમન કરાજે

ચોપાઈ

સોરો હજાર ને સો મથે રાણીયું, શ્રીકૃષ્ણજ્યું મળે ચોવાણી
 અનીજા દો દો લેખ્યો કુમાર, જભર જંગમે વો વસતાર
 હે રાજા હી લીલા અય બ્રમજી, જાણે નં જગ ઈ પુરે પંઢજી
 જ્ઞાની દ્યાની જત અઢવાણાં, જોગી ભોગી ભુલી ભરમાણા
 માયા કંના પર પંઢ અનંતા, વ્યાપક પુરાણ બ્રમ ભગવંતા
 વિસ્વેશ્વર કે વંદન કરીયું, છદે ગુમાન ને હથ જોડીયુ.
 અકળ અનંત અજ્ય અપાર, કત પુજે પાજાં કિં વિચાર
 ઉનું ઉતરે જો છદ જાડેજા, માઠ વઈને ભજન કરીજા.

દોહરા

ધરીયા મે જી લેર અય, ઉજાસ સીખા બાર
 તીજ હરી હંન વિસ્વમે, નાપી જળ ચેતન શ્રી ધાર.
 જ્ઞાની ઘટ ઘટ મે દશે, નાંય અજ્ઞાની જો કમ
 અધુરીયા ઉત કીં પુજે, જુ કો અય પુરાણુ ભવન.
 શુક મુની શ્રી જી કથા, ઈ સાવ દના સમજાય
 અગમ નીગમ જી વાર્તા, ભેદ દના મટાય
 અજ જી હી અમ્રત કથા, સંતતી વર્ણન સાર
 સુણધે જીવન ધન ભને, રાજી રે કરતાર.
 હરીહરીભજ તુ શ્રી હરી, ત હરદમ હાજરાહજુર.
 ભજે જાડેજા જ ભાવસે, ત નાંય નાથજી દુર.

ઈતિ અધ્યાય ૬૧

અધ્યાય ૬૨ : ઓખા હરણ

ઓખા હરણજી વારતા, જગ જુનું ઈતીહાસ, પુત્રી બાણાશુરજી, ગાથા પુરાણ પ્રકાસ. સોણીત પુર મે વશે, ઓખા, સખીયુ સુંમાર, સપને મેં ઈ વરી ચુકઈ, કો નમાણુ રાજકુમાર. રઢીઆળો ઈ રાજવી, રૂપ ગુણ જો ભંઢાર, વચન દયી ને ઈ વરઈ, સાંખ સુરજ જી ધારુ. જાતભાત નાલો ન કી, ન ગોઠ નગર ઔઘાણ, સવાર થીંધે વધી ભુલી, નજર ચળે ઉ સુઝાંણુ અંન જ પતીકે સોધેલા, કેં નકી મનસે વિચાર, સખી કોઠાય સમજાઈ ચેં, પંઢ સુણેજો કરાર.

શુક ઉવાચ

હે રાજા હી કથા ઓખા અને અનિરુદ્ધ જે લગ્ન મંથા લખાણી અય જે જો લગ્ન મે શંકર ને કૃષ્ણ કે હથીયાર ખણના ખપેયાવાં ઓણીત પુરજો બાણાસુર રાજવો ને અનઈ હી ઓખા કુવરી ઈ પ્રસંગ કી ઉભો થેયો સે આકે સમજાયાતો

ચોપાઈ

ઓખા હરણ જી કથા કરીતાં, સુખદેવજી પંઢ મુખશે વદેતા
જેં જુ અય હિ અમર અખાણી, ભારત ભર ઘર ઘર વાંચાણી
જે જુ અય હિ પુનિત કથા, બ્રંમ બ્રંમ મલાણ ઈ મથા.
સગુણ બ્રમ તેનાં વા અવનીતે, તદે નિર્ગુણ હી આયા પ્રથવી તે
ઈ પ્રસંગ ઉભો થેયો ઈ, ઓખા વરયી અનિરુદ્ધકે ઈ.
જેં મથાથી યુધ રચાણું, જાઘવ જો જસ જગ ગાવાણુ.
હે રાજા બલીરાજા જો સુત બાણાસુર રાજ કરે ઈ સોણિતપુર

શ્રીશંકર જી અગોર તપ કરે ને પ્રસન્ન કરે તો શીવજી અનકે વર દીતાં તેર ઈ હજાર હથ અને હજાર હાથી એ જે બર મંગેતો શંકર તથાસ્તુ ચથી કેલાસ વનેંતા ઈ બાણાસુર ઘરાને સ્વર્ગ જીતી રાજ કરેતો

દોહરા

બલીરાજા જો સુત ઈ, ના લે બાણાસુર. સોણિત પુરમે રાજ કરે, મધ મે નચે અશુર.
શંકર જી તપસ્યા કરે, મંગે બોય વરદાન. હજાર હથ ભેરા ગુરે, ઈ હાથી થી બળવાન.
અજીત થઈ અવની મથે, કરેતો અવરી કાર. જેજી પાર બંધાણ ઈ, થેયા જોગેસર તૈયાર.
વરદઈને શીવજી વેયાં, પીનાંક પંઢજે ધાંમ. અગીઆ જી હાણે કથા, પુરી દ્વારીકા નામ

શુકદેવજી ઉવાચ (ચોપાઈ)

યોગેસર અજ હંન પ્રસંગમે, કમ કરીંધા ચાર લગ્નમે
વાર ભગત જી શિવ વરદાન, પુરો કરીંધા ઉત ભગવાન
હજાર હથ હરી ભેરા કપીંધાં, બાણાશુર કે જીરો છડીંધાં
કુટાણુ મારે કંધા હલકી ઘરા, ખેલ કંધા ઈ ખરારી ખરા.

દોહરો

ચારોય કમ પુરા કરે, વરયા દ્વારીકા ધાંમ, ગની લગ્ન અનિરુદ્ધ જા, જાઘવ ને બલરામ.

બાણાશુર જી કથા

વર ગનીને ઈ વાટ છટે વ્યો, ધોક વજીને સરગ ગંનીવ્યો
નાય છટે કત જોધો જગમે, દેવેકે પણ રખેઈ વગમે.
અનં મધમે કેલાસ અચેતો, શીવકે ઈ તાં પ્રશ્ન પુછેતો
મું જેળો કોય નાય બળવાન, યુધ કત કરીઆ ચો ભગવાન

બાણાશુર શંકરકે ચેતો

મુજે નગર જી ચોકી કરીજા, રાત દી આંચીં પેરા ભરીજા
આંઉ કરીયા તો અવની સોધ, મુ જેળો કો જલીઆ જોધ.

દોહરો

રક્ષણ કરેલા નગરજો, દર્ને અશુર આદેસ, નીર્ભય થઈ તો ફરે, જે જે વસમે અર્ચીં સર્વેસ.
ભગત વસ ભોરાભની, બંધાણા અજ ઈ, પેરા ભરીયે રાતદી, જટે પાતર ન નેચાં કીં.
બાણાશુર ત્રે લોક જીતી પોવા ઈ કેલાસ મેં અચેતો અને શીવજી કે ક ભોળા મું જેળો બરુકો
ઘર મથે કોય નાંચ અતરે જુધકેસે કરીયાં અતરે અનંજી સોધમે આઉ વનાંતો નરેલા માન કો મલે
નકા મુજાલથ સુખણા રે નતા ને આપી મુજે નગરજી તે સુધી ચોકી કરીજા.

રાગ શીવરંજની

બાણાશુરજી પુત્રી ઓખા, જગમે તા વખણાયતીરે
રૂપ ગુણ ને વદયા ચતુરી, જેજીં ઘરઘરમેં ગવાય રે બાણાશુર...
દાસીએ ભેરી વસે લેકલી, મંધર મેલ ભનાય રે
ચીત્ર લેખા સંગ અચ સખી માનીંતી, વદયા મે વખણાય રે.
રાત પાછલી સપનું આયો, પુરૂષ દ્રસ્ય દસાય રે
કામદેવ જત પે જંખવાણા, એળો જોભન તો છલકાય રે.
દશી ઓખાને સંબંધ બંધોતી, વર માળા પેરાય રે.
સવાર થીંયે સાવ લેકલી, વચી કરે પરતાય રે. બાણાશુર...
રાતદી ઓખા રટણ કરેતી, જોંજો ચત વ્યો ઉ ચોરાયરે.
થઈ ઉઘાસીને રૂવે રાતદી, કાયાવચી કરમાયી રે. બાણાશુર...

દોહરો

રટણ કરેતી રાતદી, છટે અનં જળ પાન, દશી સખી સામે પુછે, ઈ ચીત્ર લેખા બાંન.
કુવરી ઓખાકે પાછલી રાતજો સપનું આયો અને લકળો સરૂપવાન રાજકુમાર દઠે અતરે
ઉનસે લગન થીંએતા વરમાળા પેરાય પણ સવાર જો નરે તત સપનું વો અતરે અનંજી પુરૂષકે વરેલા
નીમ ગનેંતી અનજ રટણ મે ખેણ પીણ ભંધ જેળો થઈ વનેતો શરીર સુકાણુ તને અનજો કારણ
ચીત્રલેખા પુછેતી.

રાગ હુદીનો

ચીત્ર લેખા ઈ પુછે ઓખાકે, કીં ઉઘાસ તું દશજેતી

ભનંઈ ભાજી તું મુકે સમજાયે, કોલા શોક તું કરીયેતી
 સખી વાણી શુણીનેં ઓખા, પંઢ વીતયી વતાયેતી.
 સપને જો ઈ સજો ચતારો, પધરો કરે સુણાયેતી.
 ઉજ પુરૂષ મુંજો પતીદેવ અય, મુરતી મન મુજે ખુટકેતી
 કા તા સખી તું સોધ કરે દે, નકા દુરી ટુંકી મુજી દસજેતી.
 ઓખાજી જે મનજો ધરધ, ચીત્રલેખા સાવ સમજેતી.
 પુદ્યા પંઢજી વધ્યા અજમાયે, ચતર ચતરે વતાયતી.

ઓખાજી વાણી શુણી ચતર લેખા પંઢજી વીધા સે બરશે દેવ ગંધર્વ રાજાએજા ચતર
 ભનાયને વતાયતી.

રાગ કે ઓધાઅમેન

કે ચતર ચતરે તીં સખીકે રીઝાયવારે ખંચે પીછી ઈ પુરૂષ ભનાય વારે. ચતર...
 કે પેલા દેવઈ સરગજા વતાયતી રે ઈદ્રંર ચંદ્ર કુબેર તાં ભનયતી રે ચતર...
 યજ્ઞ ચારણ કીનર ચતરી છદે રે મથે મુલકજા ભુપ ભનાય છદે રે. ચતર...
 નજર ફરાયતીં નોયે ખંઢમે રે છેલે આવયી ઈ દ્વારકા પંથમેરે ચતર...
 પેલા કૃષ્ણ વતાયતી ઈ કામના રે થોળી અખ ચંમકઈ જીં દામની રે.
 પ્રદ્યુમનકે છાપેતી છેલીવાર મે રે દશી શરમાણી ઓખા પલવાર મે રે
 અનિરુદ્ધ જો ભનાય જે ઈ વરતાયતી રે રાજી ઓખા પતી ઈ પરખાયતી રે.
 ચતર ચરતે...

દોહરા

છબી દશી અનિરુદ્ધજી, ઓખા તેં હરખાય, ઈ જ પતિ કે ગોતેલા, સખીકિતી સમજાય.

ચોપાઈ

ચીત્રલેખા ઈ વધ્યા જે બરશે, આવયી દ્વારીકા ઉદી અધરશે
 અનિરુદ્ધ જે મેલ અચેતી, પંઢજી વધ્યા કે પસરેતી.
 નંધર મેં અય રાજકુમાર, અચી ઉપાળેતી તન વાર
 પલંગ સોતઈ સજો ઉપાળે, પલમે સોણિતપુર પોજાળે
 અચી ઓખાકે સોપેં ભરથાર, દઠે ઓખા અય ઈજ કુમાર
 ઉથી ઓખાજી નમન કરેતી, મન ઈછા જાહેર કરેતી.

અનિરુદ્ધ જી છબી દશી ઓખા પંઢજો પતી કરે ચીત્રલેખાકે ચે અંન પતીકે ગોતે અચ અતરે
 ચતર લેખા વીધાજે બરશે ઉદીકરે દ્વારીકા મે અચેતી અનિરુદ્ધ જે મેલ મંજાથી પલંગ સોંત ઉપાળે
 ને સોણીતપુર અચી ઈ ઓખાકે સોપે દેતી. ઓખા અનિરુદ્ધ જો મલન થયો બોયે લગ્ન જી તૈયારી
 કરે સુરજજી સાખે વરમાળા પેરાયા

દોહરા

ઓખા ઈ દશી આરજી, અનિરુદ્ધ થેયા તૈયાર, કેયા તૈયારી લગ્નજી, ફેરા ફેરેતાં ચાર

સાખ રખ્યા સુરજજી, ઈ ગંધર્વજી રીત, વરમાળા પેરાય કેયા, અત રજવાળી રીત.
 સુરજ સાખ રખી લગ્ન બોય કેયાં ઈ ખબર બારા કત ન પઈ પણ ચોવાજે તો ક સજ કી
 ઢકેયો રખાજે ઈ પધરો થીએ જ

રવી છપે કી વદરમે, તદે હી છપે કી ગાલ.

ખબર પઈ ઈ અશુરકે, તત આયો ઈ તતકાલ.

બાણાશુરકે ખબર પઈ ક ઓખાજે મેલમેં પુરસ કોક અય અતરે સોધ કરાય સચીસચી ગાલ
 દશી પ્રધાનકે ચે વનો આયી અનકે પકળી અચો ઈ સેના ખણી મેલાતકે ઘેરેગણ તેકે દશી અનિરુદ્ધ
 તૈયાર થઈ પળકાર કરે તે

ચોપાઈ

સોધ કરાય તત સચી ગાલ થયી, કોઠાય મંત્રી ઉનજ પલઈ

દંને આદેસ ઈ સેનાપતી કે, વર્તી ઘેરયો ઓખા મેલકે.

શુણી સેનાપતી તૈયાર થીએતો, અચી ઓખાજો મેલ ઘેરેતો

દશી સેનાકે મેલાતનુ બાર, સામે અનિરુદ્ધકે પળકાર.

રાગ ક્ષત્રી કલંક

દશી મેલમે અય અનિરુદ્ધ,

અશુર ઈ બર બઘેતો કોઠાય શેના પતી પંઢ ભુપ. અશુર...

ખણી સેના ને તું થી તૈયાર અ...

શુણી ઉપળ્યા અશુર બારોબાર. અ...

ઘેરે મેલકે કરી પળકાર, અ,

દશી ઓખાજી તાં ગભરાય. અ...

દશી ઉપળ્યો સામે અનિરુદ્ધ અ...

જોરે ભંગણ નેં ટપી પેયો પટ અ...

ગજ ટોરે મે કેશરી બાળ અ...

કયી અશુરેં જો વારે છદયા ઘાણ. અ...

દશી ઓખાજીતા ઈ હરખાય. અ...

જલે અચો જપટ સે ઈ બાર. અ...

ઘેર્યા ઓખાજી ઈ મેલાત. અ...

ખણી તરાઝને તીર હથીયાર. અ...

સામે અનિરુદ્ધ કે ઈ દશાય અ...

ઈતા લગો ગોતણ આયુધ અ...

દશી દુતા તેંકે સામે કઢે સટ. અ...

તીતાં ભન્યો અશુરે જો કાળ. અ...

સોભેં અનિરુદ્ધ અભ મે જી ભાણ. અ..

સખી ચતર લેખા જા ગુણગાય. અશુર..

દોહરા

સબક મલઈ અંન અશુરકે થયીવ્યો સેના જો નાસ, અંતરયાળ ઈ ઉપળ્યો ભેરી ખણી નાગ પાસ

ચોપાઈ

શુણી બાણાશુર સામે અચેતો, અનિરુદ્ધ તે મારો કરે તો

સો સો ભેરા છદેતો બાણ, જોરે અનિરુદ્ધ ક્યાં કચરઘાણ.

ઈ દશી બાણાશુર થેયો વકરાળ, સમજીવ્યો અય ઈ સીંબાળ

અતરે નાગ પાસસે બંધેતો, ખણી જેલમે ઈ પુરેતો.

દોહરા

બંધાણા નાગ પાસમે, ઈ દેવ વચન સાર, હાણે અગીઆજી કથા, સુખ ચેતા વસતાર.
અધ્યાય કિ પુરો કેયાં, પરીક્ષિત કયાં કર જોળ, દાસ જાડેજા જપ જપો, જે જે શ્રીરણછોળ.
ઈતિ અધ્યાય ૬૨

અધ્યાય ૬૩ : બાણાસુર યુધ.

દોહરા

વષારો પુરો થેયા, પસરઈ સરઘ સુવાસ, ખબર ન પચી અનિરુદ્ધજી, યાઘવ કુળ ઉઘાસ.
સોઘે સોઘે થકા સાવ ઈ, ન પઈ કંત ઝોંધાણ, અત અજ નારદજી પુગા, થઈ સભામે જાણ.
રાજ ભુવનમે આવેયા, સારે કેયા સનમાન. પુજન પંઠ ઈ હરી કેયાં, વટ વેરાયે ભગવાન.
પ્રશ્ન પુછેતા શ્રીહરી અય આકિ ખબર ઈ દેવ, નતા મલે સગળ અનિરુદ્ધજા નતો લજે કદા કી ભેદ
શુણી ગાલ શ્રીનાથજી, ને દેવ વતાયા વાટ, પુરે પંથજી ઈ વારતા, સજી સુણાયા પાઠ
મન મુસ્કાયને નારદ વદીતાં, યોગેશ્વરકે નમન કરીતાં
આથી અછાનીં નાય જરાય, મુકે પુછોતા હરી વદો ભનાય.

નારદજી અનિરુદ્ધજી ખબર દીતાં

સોણીતપુર બાણાસુર નગરી, જેજી ઓખા નાલે કુંવરી
લગન કે ઈ આજે કુમાર, અશુર કે ઈ આવયી એસાર.
નાગ પાસ સે બંધી કરેને, પુરે છટે અય ઈ નગરી મે.
શુણી યાઘવ તૈયાર થીએતા, ગજ ઘોળેતે સાજ સજીતા
બધે સામગ્રી કેયાં તૈયારી, આયા દ્વારીકા સે બારી.
શ્રી કૃષ્ણને ભેરા બલરામ, મહારથી જોધા ઉ મહાન.

દોહરા

નારદજી વાણી શુણી, યાઘવ થેયા તૈયાર, બારો ઔક્ષણી સેના ઈ, બધે કરે હથીઆર.

ચોપાઈ

યાઘવ સેના ભેરી ઉપળઈ, ધરા ધમાંધંમ હલકી હલકઈ
અવની અંભર ચળેયા અવાજ, ગરજે ગગંન ઘનઘોર ગાજ.
સોણીતપુર જે પધર અચેતા, નગરી કે ઈ ઘેરા પએતા
ચર્યા દર્શે થી કયાં ઈ મારો, જોરણ લગા ગઢ ચોધારો.
શંકર જેજી ચોકી કરીયેતાં, ભોરાનાથ ઈ નજર દશેતા
ખણી ત્રશુરને ઉપળ્યા ઉવાંથી, કયાં સેનાતે મારો ત્યાંથી
યાઘવ સેના તે મારો કરીતાં, જભર જોધા હથીયાર ખણેતા
હત યાઘવ પણ વા ઈ તૈયાર, ઉપળ્યા કયાંધા મારો માર.
વિસ્વંભર પણ વળેતા વટસે, છાણે કરોઈ મથે જપટ સે

ગોર જતે ધંમ શાણ મંઢાણું, દેવેકે ઈ સામે દશાણું.

સજો વપારો નકરીવ્યો દ્વારીકામેં યાધવ નેરે નેરે થકા પણ અનિરુદ્ધજી કદા સગળ મલઈ ન અતરે મળે વિચારે મે પઈવ્યા અતરેમે અત નારદજી અચેતા શ્રીકૃષ્ણ જા દરશન કરીયેતા શ્રીકૃષ્ણ સનમાન કરે આસન દઈને વેરાયા ને અનિરુદ્ધજી સજી ગાલ પુછેતા તદે નારદજી સજી વારતા ઈ સુણાયા. સોણીતપુરમે અનિરુદ્ધ કે બાણાસુર બંધી રખે અય ઈ ખબર મળઈ ને ભગવાન પંઢજી સજી જાધવ સેના ખણી સોણીતપુર અચેતા અત બાણાસુર સે યુધ થીએતો બાણાસુર જે ગોઠ જી ચોકી ઉત મહાદેવ કરીધાવા અતરે પેલી જ લડાઈ શંકર અને યાધવજી થીએતા ઈ કથા સુખદેવજી ચેતાં

દોહરા

ભભુત ધારી ઈ કીં ભુલે, દનાવા અશુરકે જભાન, નેક પંઢજી નભાય લા, પુરો કેયાં ઈ પેંગામ.

ચોપાઈ

શ્રીકૃષ્ણને પીનાક પાણી, બોય વળેતા ભ્રુટી તાણી.
બાણે જો વરસાધ કરીતાં, કો કેં કેં પ નં મુળી દીયેતા.
બ્રમાસ્ત્ર શીવજી છદેયાં, અજ્ઞાસ્ત્ર સે કૃષ્ણ કપેયા.
સામા સામા બોય ટકરાણા, ધરા ધુબી વચી સજ ઢકાણા
વાવ્યશાસ્ત્ર છદેયા શંકર, ભોણ ભળાકા થેયા ભયંકર
પાવત સાસ્તર કૃષ્ણ હલાયાં, શિવ જે સહસ્ત્રકે પાઉ વાર્યા.
વીર વિનાયક વેતાળ નંધી, વટસે વળેતા શ્રંગી ભંગી.
ભુત પ્રેતને પીશાયની યું, દાકણુ સાકણું ભીરીયું નચેત્યુ.
ધણ ધણાટી ધરા ધુબેતી, સાયર લેરી પાઈ ઉછરેતી.
અભમેતાં અંધકાર છવાણી, યાધવ સેના સાવ મુંજાણી.

દોહરો

યાધવે કે દશી ભીળમે, ઉભા થેયા ઈ અજીત, છદેયા જલાસ્ત્રકે, શીવ સેના મૂર્છિત.
જદે યાધવેકે કૃષ્ણ ભીળમે દદા ક શંકર જા ઘણને સેના ઘેરે ઘણા અચી તદે શ્રીકૃષ્ણ જલાસ્ત્ર
છદે શંકર સોત સજી સેનાકે મુરછા મે ફગાઈ વધા ઈ દશીને બાણાસુર તૈયાર થઈ મેધાન મે અચેતો.

બાણાસુરને કૃષ્ણ જો યુધ (ચોપાઈ)

શિવ સેના ને ભેરી ય પંઢજી, દઠે બાણાસુર મુરછામે અનંજી
સારથીકે ઈ વટ કોઠાય, રથ પંઢેજો તૈયાર કરાય.
રાણ ભુમીમે ભળ ઈ અચેતો, યાધવે કે પળકાર કરેતો
હજાર હથેમે હથીયાર ખણેતો, સોંત કરેને ઈ સામે છદેતો.
યાધવે તે ઈ કરેતો મારો, વધે વીઠોળા અશુર ચોધારો
અરબ ખરબ ઈ અશુર અચેતા, યાધવે તે ઈ મારો કરીતા.
બર વધે બાણાસુર વળેતો, સજી સેનાકે મુરછીત કરેતો
એળો હાહાકાર ઈ મચાય, યાધવેકે ઈ પુરા સોળાય.

દોહરા

સજી સેના દશી ભીળમે, શ્રીકૃષ્ણ થેયા તૈયાર, કપે છટેયા હથ હરી, ભાકી છટેયા ચાર.
ચક્ર ચળાય હરી હથ મથે, ને ઘોમાયને કેયાં ઘા, ઉપળી પ્યો ઈ અશુરે મથે, સોસે ગળે ઈ સા.

બાણાસુર રણમેધાનમે જડે હાહાકાર મચાય તદે ઈ દશી શ્રીકૃષ્ણ ચક્ર ખણી અશુરે મથે
છટેયા ચક્ર તા જરા વારમે બાણાસુર જા હજાર હથ કપે સજી સેનાજે નાસ કરે પાછાં ભગવાન
વદ અચીવ્યો પુવા શ્રીકૃષ્ણ શંકર ભેરા થીએતા ઈ કથા સુખદેવ ચેતા

ચોપાઈ

બ્રમ બ્રમ બોય અચી મલેતા, પઢંજ ભનાયને પંઢજ ખલેતા,
ભુમી મથા ઈ ઉતાર્યા ભાર, શંકર વટ આય કીરતાર
કેળા પંઢમેં કેયા ઈ કરાર, અજ તયી નાવઈ કી આણસાર
બાણાસુર વટ બોય અચેતા, વર પંઢજા પુરાણ કરીયેતા

કૃષ્ણ શંકર કે ચેંતા

હે ભગવન અજ વરદાન આંજો, પુરા કેયો વર ભેરો મુજો
ચાર હથ રખેયા અચી ભાંકી, ગાલ બલીજી હુઈ ઉતાજી
અજ આચી અંનકે અપનાયો, ગણ ભનાય ભેરો વેરયો
શુણી ગાલને શીવ ખલેતા, ભલે ભલે ચઈ બોયમલેતા

દોહરો

બાણાશુર સામે દશી, બોય બરુકા દેવ, ઘોળી પ્યો પગમે અચી, ચેં જે જે જે મહાદેવ.

શીવ.ઉ રાગ લલીત છંદ

હે દ્વારીકા પતી, આંજી અકળ અય ગતી, નાય કોઈ પારકો
હે વીસ્વજા પતી, વડા વખાણી વેદ, પુરાણતાં થકા
વરી સારદા ને શેષ, પણ મારીતા મથા.
અચી જ્ઞાંની ગોતમે, અને ધ્યાનીં ધનમે, ઉ રાતદી
આંજી જ સોધમે, નિર્ગુણ રૂપકેં નજર નં દઠા
જલકંઠી જ જોત, જોત અધર મે દઠા.
વીરાટ રૂપ હી જેજોતા અંત નાયકી, આંચી શંનેમે
આણુ આણુ મેપઈ, ઉપના અગની દેવ
આજે મુખાર સો, પસાર પાણીજો આજે વિધિ
દીશા ભનઈ કર્ણ, સજ નેત્ર સે થેયાં.
શિર અયજ સરગ લોક, પાતાર પાવ ઈ.
મેઘ કેશને બુધી અંન ઔસધી.
બ્રમાજી દેવ ઈ બુધી સે થેયા, ધલ મજા નું ધર્મ પેઠાતાં થેયા
ચોરાસી જીવ જાત લીંગ સે થઈ, કોટી બ્રમાડજી ઉતપંન હુઈ

સુક્ષ્મ રૂપમે આંચી આગુજ મે, જ્યોતી જગમગે રજકણીમે.
 બોરા ભ્રંમાડ હી, પ્રગઠ તાં કેંયા, પંજ ભુતસે પધરાઈ થેયા.
 હિ ઉપાયા આલંમ, આંજી કળાસે ઈ, મારે થકા મતા લજે ન પારઈ
 હંન જીવ જીવ મેં, આજો જ અંસ અયે, ઈ સાધુ સંતકે પુરી ખબર અય.
 ધરીયાજી લેરમે, દીવડીજી જોત મે, અગ્ની સીખા વરી પુરણ પંઢમે
 સોરભ પુરુપજી, ઘાટ કનકજી, જળ બિંદુ મેજ તીં, દસજેતા સજી.

અથુરેં જો નાસ કરે ભગવાન બાણાશુર જા હથ કપેને જીરો છટેયો શીવજી કૃષ્ણ મલેતા
 અગમ ગાલીયુ કંઘા બાણાશુરજી ગોઠ મે અચેતાં બાણાશુર સામ્યા કરે બીકે કોઠે ઘર અચેતો પુજા
 કરે સનમાને તો શંકર શ્રીકૃષ્ણકે ચેતાં

ચોપાઈ

સારો ભ્રંમાદ હરી આર્યી ભનાયાં, પુરી કળા આંજી દરસાયા
 અંન આલંમ મે આજો અણસાર, ઘટમઠ પંન પપર રણકાર.
 અજ આયા અઈ સગુંણ ભનીને, ભાર ઉતારણ ભુપ થઈને
 આજો પ્રણ પણ પુરો જ કેયાં, મુજો વરકે પ પુરો પાર્યા
કૃષ્ણને શ્રીશીવજી સોણીત પુરમે અચેતા

હરી હર બોય હલીને આયા, સોણીતપુર નગરમે રાયા
 બાણાશુર હલી સામે અચેતો, બોય દેવેકે નમન કરેતો
 ભુલ પંઢજી વરી વિચારે, ક્ષમા માંગેતો નીચું ન્યારે
 કરે સામ્યા ઈ કોઠે અચેતો, પાવ પખારે પુજન કરેતો.

બાણાશુર પુત્રી ઓખાજી લગ્નજી તૈયારી

કેદખાને વટ પંઢ જ અચેતો, અનિરુદ્ધજા બંધન કપેતો
 નાગ પાસ સે હથે છોળાય, સોંપે કૃષ્ણકે મથો નમાય
 લગ્નજી ઈ કરેતો તૈયારી, સજે સેરકે છદે સણગારી
 જાધવ જુધકે કોઠે અચેતો, દઈ ઓતારા રાજી થીએતો
 અનિરુદ્ધ જા લગ્ન લખાણા, પુરોહીત ઈ વચી વાંચાણા
 કન્યાકે તૈયાર કરીતા, માદવે બાજોઠ બોય ઢારીતા
 ચોપ પુરાયને તોરણ બંધેયાં, માંદવળે કે સોનસે સજેયા
 કુલ પથરાયા ગલી ગલી, સામ્યા કેયા સામે હલી.

દોહરો

સજે સોણીતપુરમેં, હલે જ હકળી ગાલ, ઓખા કુંવરી પેણધી, ઈ જાધવકુળ ભુપાલ.

ચોપાઈ

ઘરાઘરમેં આનંધ વરતાજે, નંઢે વદે મુખ ઈ જ સુજાજે
 વર્ઝે નગારા નાદ નીશાન, બંધીજન ગાઈતાં ગાંન

સોણીતપુરજી સોભાન્યારી, દેવ અચેતા અભ અટારી
 દુલ વરસાઈયે વધી વે માન, જત વઠા બોયે ભગવાન
 માનુનીયું ગેત્યું મંગળ ગીત, અત અચ રજવાળેજી રીત.
 વર કન્યા ઈ ચોરી ચળેતા, ભ્રામણ વેદ ઉચાર કરીતા
 યદુવંશ જા વખાણ વાંચાજે, ગોતર જા પુંજન કરાજે
 ચોરી ફેરા ફરેયા ઈ ચાર, ચથી જુગેજા થંભ આચાર
 ગૌધન ગજધન ગુંધ દેવાણા, છેલે કન્યાદાન દેવાણા
 અવની અંભર હલઈ હલકારી, દેવ ભુવનમે જેજેકારી.

દોહરા

દેવ આયા અત હલી કરે, જતવઠા હરી હર રાય, દરશન કેયાં ઈ દેવેજા, પઢંજા પંઢ જ છપાય.

દોહરો

કન્યા દાનતા દયી કરે, કુંવરી કે વોરાય, યાધવ આયા દ્વારીકા, અનિરુદ્ધ કે પેણાય.
 બાણાશુર ધાંમ પુજા સે પંઢજી કુંવરી જા લખ કરે ને અમુક દી જાધવે કે ખમાય માન
 મજમાનીયુ કરે ને પોવા ઈ કુંવરી કે વોરાય જાધવે ભેગા કૃષ્ણ અનિરુદ્ધ કે પેણાય ને આયા અતરે
 દ્વારીકા વારા રાજી થઈ સામયા કરે સાંમા અચી વધાયને ઘરે કોઠે અચેતા

ચોપાઈ

નગરવાસી અજ રાજી થીએતા, કરે સામયાને સાંમા અચેતા
 દંપતી કે કોઠે ઘર આયા, કુળ દેવીજા દરશન કરાયા.
 દ્વારીકા મે આનંધ વરતે, જસ છવાણા ચોફેર ફરંધે
 પેલા વસુદેવ વટઈ અચેતા, દેવકીમાકે નમન કરીતા.
 દયી આસીસ ને શર કર ધરેયાં, પુવા પીતા જે ઘર ઈ વરેયા.
 વ્રધ જને કે ઈ નમન કરીતા, ભા ભીફવેકે હલી મલેતા
 ઓખા હરણ જો હી ઈતીહાસ, વાંચીધા કો રખે વીસવાસ.
 નત સવાર મે જ પાઠ કરીધા, સુણે સુણાઈયે કો વાંચીધા.
 તેકે કદે નં અચીધો તાવ, બોલ હરીજા સચા ઈ સાવ

દોહરા

ઓખા ને અનિરુદ્ધજી, લગન અખાણી ઈ, પ્રસીધ વેદ પુરાણમે, મના લખઈ નાય કી
 ઉન ઘરજી ગાથા અગમ, લખઈ મતી અનુસાર, કર જોડે જસ જોડેજા, ગાય વારં વાર.

ઈતિ અધ્યાય ૬૩

અધ્યાય ૬૪ : નૃગ આખ્યાન

દોહરા

નૃગ રાજા સતવાદી ઈ, ધર્મીધ્યાનીં ભુપ, કરમે ભન્યો ઈ કાર્યીદો, ગાથ અજબ અનુપ.

શુણી પરીક્ષિત પ્રશ્ન કેયા, હી કી ભન્યો ભગવાન નીતીવાન નરેસ ઈ, ઈ કત છટેવ્યો ભાન.
 શુકદેવજી અજ નગરાજજી કથા કરીયેતા હે પરીક્ષિત હકળે હી કૃષ્ણજા કુમાર પ્રદ્યુમન
 સામ્બ ચાડ્ ભાનું બયા મળે ભેરા મલી વનમેં ફરેલા નકરયા ઉન વનમેં રમી રમીને થકા તદે પાણીજી
 તરસ લગી ત પાણીજી સોધ કરીધે હકળી ઉના અવાવડ વાય લધી પણ મંજ પાણી ન વો અતરે ઈ
 મંજ કીધ જીવકે જીરો દઠા વાયમે જભર કાર્યીદો પેયો વો ઉનકે બાર કઢેલા રસા ખણી ઉનકે બંધે
 બાર કઢેલા મેનંત ક્યાં પણ ઈ કાર્યીદો જરા પણ ચુસ્યો પ નં અતરે અનીકે નવાઈ લગી અતરે
 અચી યાધવેજી સભામે સજો ચતાર કરે ગુણાયા.

ચોપાઈ

શુણી પ્રશ્ન પરીક્ષિત જી વાણી, શુક સુણાયાં સજી અખાણી
 દ્વારીકાજા ઈ કૃષ્ણ કુમાર, જે જાં જગમે પેં પળકાર.
 યસ કીરતી ને બળબુધી દાતા, ધરમ ધુરંધર જગ વિખ્યાત
 બાળ સખા ઈ રમધાં રમધા, આયા ઈ વનમે ફરધાં ફરધાં.
 અંન વનમે અવાવડ વાવ, સાવ સુકી ભઠ તરો દસાય
 અચી ઉતે ઈ અંધર નેરીતા, મંજ કાર્યીદો જભર દસેતા
 પ્રદ્યુમન નેં શ્રુત સાતવિક, ભાનું પ્રભાનું ક્તીને સમ્યક
 કાર્યીદેકે બારા ઈ કઢેલા, ખાણી દુરીમે લગા બધેલા
 બાર કઢેલા બર ઈ કરીતાં, ચસકે નં દોરો થકી જ પેતાં
 થઈ હતાસ ને પંઢ ઈ વરેયાં, પાં, અચી સભામે દના ઈ ધાં.
 સજી ગાલ ઈ સાવ સુણાયાં, પંઢ વીતયી ઈ પુરી વતાયા
 સજી ગાલકે દઈને ધ્યાન, ઉભા થેયા અત ઈ ભગવાન.

દોહરો

ગાલ શુણી કુમારે ઈ, હરી હલી આયા રાત, જન વાય મેં કાર્યીદો, નેરીતાં હરી તત.

ચોપાઈ

હથ વધારે હરી બારા કઢેયાં, અમીં નજર સે સામે નેરેયા
 મટી કાર્યીદો ને થઈવ્યો દેવ, ભુપતી જાણ્યા તે ઈ ભેદ.

પંઢજે કુમારેજી ગાલ શુણી શ્રીકૃષ્ણ થોળો મુરક્યાં ને ઝીતા મળે વાર્તા જાણાધાવા છતા ઈ
 ઉંન વાય તે અચેતા પંઢજો હથ વધારે ઉંનકે બાર કઢીતાં ભગવાન જો કર છુંદે ભેરો ઈ દેવભનીવ્યો
 ભગવાનકે દંડવત પેતો તદે ઈ અશુરારી આશ્વાસન ઈ ઉન કાર્યીદે કે પૂછેતા ક આંજી જાત કેર અય
 અને હી સરીરે કીં મલ્યો અય ઈ આંજી જીવનજી સજી ગાલ ચો નકી કો આંઈ દેવ જ લગોતા
 ભગવાન તા બુજધાવા છતા પૂછેતા તદે ઉ દેવડપમે કાર્યીદો ઓળખ દેતો

દોહરા

પાવન કુળ હંન પટ મથે, રઘુકુળ જગ ગાવાય, ઈસ્વાકુ કુળ મે જનમ, નગ નાલો લખાય.
 જતરા જનમ્યા દાનવીર, મંજ મુંજો નાં અંકાય, અતરા ગૌધન મું દના, જેજો લેખો જ નાય.

ચોપાઈ

નત ગાયીયેજા દીયા આઉં દાન, અતરે ભયરિ મુંજા ઉધાંન
સોનં સગળીયું રૂપે મઢેલીયુ, મળધલ દીયુ સોત વાછળીયું
નત સવારો ઉથી આવેલો, દીયા દાન આંઉ ગાયજો પેલો
નતનર્યા ગાયીયે જા ઘણ, અચી ઉભાવે મુંજે અગણ

અનીમે ઓરખ થઈ ન સગાજે, હાર અંધમે દાન દેવાજે.
દાન દનેલા મુંજી હકળી ગાય, અચી અંગણમેતી વીઆય

ઈજ ગાય જી દની ફરી દાનમે, વીપ્ર કે વારે સંકલ્પમે.

ગાય ગનીને ઘર ઈં વનેતો, પેલો ભ્રામણ પાઉ અચેતો.

શ્રીકૃષ્ણજી વાણી શુણી ત્રગરાજા પંઢજી પૂર્વજી ઈ ઓળખાણ દના પંઢજો નત કમ સુણાયા
કે મુજો ભગવાન એળો નીયમ વો ક નત ઉથી સવારજો આંઉ ગાયીયેમે દાન કરીયા ગમે અતરા
યાચક અચે પાછો જ ન વારીયા. અતરે મુજે ઉધાંનમે હજારૂ ગાયુ હાજર જ વેં હકળો દી એળો કર્મ
થેયો કે હકળી ગાય મુજે દાનમે દનેલી પાછી અચી મુજી ગાયીયે મે ભરી વઈ ને ઈ જ ગાય મું બે
ભ્રામણ કે દઈ દની દાનમે મુકે ઓરખ જ નં પઈ ક ગાય હી મુંજી નાય ભરી આવ્યી અચે ગાય
ગનીને ઉ વીપ્ર રવાનું થયો સામે પેલો મારાજ મલેયો ઉચં હી ગાયતા મુંજી અચ. ઉચે મુકે રાજા
દાનમે દને અચ અતરે ઈ જગળો કંધા મું વટ પુગા ને ઈનસાક મગેયો

ચોપાઈ

રાજા આંયી જ કરેયો ન્યાય, હી ગાય તા મુંજી ચોવાય
તુલશી જે પંન દના દાનમે, આંકે રાજન અચજ ધ્યાન મે.

દાન દનેલો પાછો વરે કી, વેદ સાસતર સચી ચેંતા ઈ

અંન જ ગાલ જો કરેયો પ્રમાણ, નકા છદીધોસ મુજા પ્રાણ.

સામે વારો સેતાન કરેતો, ઈ જ ગાય પાછી મંગેતો

અંનજ ગાયલા છોરા રૂવેતાં, નતા મનીં ઈ ધાંધલ કરીતાં.

દોહરા

સમજે નતા બોય વીપ્ર ઈ, નતા મુળી દીયે માંગ, સાવ સમજી ઈ ને થકો, ઈ પુરો જ લેયા તાગ.
સો સો ગાયું સાથ મે, દીયા ઘરા બયો દાન, પાણ વ્યા વળધાં પંઢજે ઘેર, જરા દના ન ઈ કંન
ધલ દુભાણા બોયજા, ઈ અંધર જો અવાજ, નો ગનાણી ચોપળે, ઈ વિચારે જમરાજ.

ચોપાઈ

અંત ગડી જદે મુજી અચેતી, બધે પાસજો મુકે ખણેતી

યમરાજા જે ચોપળે ગાલ, સામે દશાણું ઉજ હેવાલ.

ભ્રામણ બીકે બોરા દુભાયા, વદા ભનીને કીં ન વિચાર્યા

ઈજ સજા આંયી ભોગવીજા, થઈ કાર્યીદો ફરધાં રાજા.

શ્રીકૃષ્ણકે ઉ દેવ ચેતા હે ભગવન હી બોય ભ્રામણ પંઢજી ગાલ ઈ છદીયે જ નતા ઉ ચેં મુકે

આંધી તુલશી જે પંન દના અયા. ઈ પાછી દેવા જે ન. તદે બેયો ચે રાજા મુજે છોકરે કે હી ગાય વાલી અય ઈ ચેતા ઈ જ ખપે ગાયલા ઈ રાતદી રૂવેતો છેવટ બોય જધ કંધા પંઢજે ઘર વેયા સુખદેવ ચેતા જદે અંનજી અંત ગડી આવયી તદે જમ જે ચોપળે મે ભ્રામણેજા નીસાકા દશાણા જેસે કરે અનકે કાર્યીદો ભનાણું પેયો

ચોપાઈ

તંન દી થી રાજા ઈજ ગુમાંતો, થઈ કાર્યીદો હત ઈ ફરાંતો
 દનેલ દાનજો પુરો પરતાપ, સંમરાણ આંજો અજ તયી નાય
 અજ તાં મુંજા ભાગ પ્રગદ્યા, આજા દરશન દુર્લભ થેયા
 મુજી સફર અજ પુરી થઈ, મનોકામના પુરી કયી.
 સુખ ચેંતા ઈ દાન પ્રતાપ, સામે દશાણુ વિપ્ર સંતાપ
 અતરે મેં અત આયો વિમાન, રાજા વ્યો ઈ હરી જે ધામ.
 નૃગરાજ અસ્તુતી કરે ને ધામ વનેતા. રાગ : ભગવાન ભગતકે વસમે.
 જેની સંત મલી કરીયે પુકાર, હરી ધર્યો હાણે અવતાર
 તેની અચેં નારાયણ અવની તે. જેની...
 જેની શુર અશુર ભેરા થેયા, સાઘર મંથન સંગ કેયા
 તેની કચ્છ રૂપે આયી પ્રગઠ થેયા, હરી નારાયણ આંધી અવનીતે
 જેની હયગ્રીવ વેદેજો હરણ જ કે, અજ કે તાં ઈ ખબરતી પે
 શુણી સદને આંધી અવતાર ધર્યા, અચી કરેને અવનીતે.
 જેની ભક્ત પ્રલાદ કે ભીળ પઈ, દશી લાલ ઈ થંભને ફાળ પઈ
 તેની નરસીંહ રૂપે પ્રગઠ થયા, અચી કરેને અવની તે
 વરી ભલીરાજા જેની યજ્ઞ કેયા, તેની દેવ દશી ઉદાસ થેયા
 તેની વામન રૂપે પ્રગઠ થયા, અચી કરેને અવનીતે
 જદે ભુપતી પંઢજી નીતી છદેયા, વિપ્રેજા અપમાન કેયા
 તેની પરસુ રૂપે પ્રગઠ થેયા, અચી કરે અવની તે.
 લંકા પતીજો અધમ દશીને, આંધી પધાર્યા રામ થઈને
 ભાર ઉતારેયા ભુમીજો અચી કરેને અવનીતે
 અજ અવની જો ઉધાર કરેલાય, ભાર ઉતારણ જ્ઞાન દને લાય.
 અજ કૃષ્ણ સ્વરૂપે પ્રગઠ થેયા, અચી કરેને અવનીતે
 નૃગરાજાજી શુણીને અરજી, કરૂણા છલકયી યોગેશ્વરજી
 ઉતયી ઉતારયા ઈ વેમાન, અચી કરે ને અવનીતે.
 જેની સંત મલી કરાયે...

નૃગરાજા ભગવાનજી અસ્તુતી કરે દંડવત પેયા અતરે ભગવાન પ્રસન્ન થેયા રાજાકે વરદાન દીયેતા ક રાજા તુ ખપે ઈ મોં સે મંગી ગન તડે રાજા વરદાન મંગેતા

દોહરા

શુણ્ણી અરજી ભુપજી, પ્રસન્ન થેયા ભગવાન, કર ધરે શર મથે ચેયા, તુ ભુપ મંગ વરદાન.

નૃગરાજ વરદાન મંગેતા

ભક્તિ દીજા ભુધરા, આંચી ભવોભવ ભગવાન, કદે ન વસરે કંઠસે, જપીયા સારી જભાન.
વિસ્વેશ્વર ઈ વર દયી, આયા પંઢ જે દ્વાર, કોઠાયા યાધવ છપંન, સમજાયા ઈ સાર.

શ્રીકૃષ્ણ નૃગરાજકે વરદાન દયી રાજ સભામે અચેતા યાદવેકે સભામે કોઠાય નૃગજી વારતા
સજી સમજાય આંચ ક નેરયો કદે પણ ભ્રામણકે દુભાઈણા જરાપ ન

દોહરા

નૃગરાજજી કથની સજી ગુણ અવગુણજી ગાલ, ભ્રામણ કે ન દુભાઈણા કેળા થેયા હી લાલ
ભ્રામણતા હંન ભુમીતે, અચી ધરમ જા થંભ, કદે ન દુઃખ દીણુ જરા, ઈ કદે ન કરીયે દંભ.
આજ્ઞા કદે ન ઉથાપણી, ને નમાણું દાન જ દયી, કદે ન ખેણું દોકડો, પુજ પાતર અચી.
હકળો કણ વચે પટમે, ઈ વંસ જ સજો વચાંચ, સાધુ ભ્રામણ ચારણા, પવીતર જાત ચોવાય.
ઈ જાત રખજા યાધ યાધવ કદે ભુલે ચુકે કત કી, આંચી સંતેકે ન સતાઈ જા સજી પેઢીકે ચોજા
ઈ

રાજા નૃગજી હી કથા, જુકો દીધા જીવ કે ન, રીઘી સીઘી ને સંપદા, વધધા પરીયા ધન.
હી કથા પુરી થઈ પરીક્ષીત કેયા કરજોળ, ભાવ રખી ભજ જાડેજા જય જય જય રણછોળ.

ઈતિ અધ્યાય ૬૪

અધ્યાય ૬૫ : બલરામજી વ્રજજાત્રા

દોહરો

પાસઠ મીં અજજી કથા, વૃજ યાતરા વાંચાય, આયા વૃજ બલરામજી, ઈ સુખ ચેતાં સમજાય.

ચોપાઈ

કૃષ્ણને બલરામજી સંગમે, વચી વીચારી બોય ભુવનમે
વ્રજ જી વારતા યાધ કરીતા, નંઢપણ જા દ્રસ્ય નજર ચળેતા.
યાધ કરીયે ને રદય ભરાય, જશોદામા જો સબ્ધ સુણાય
ગોપ બાળ મળે યાધ અચેતા, કાલંદ્રીજા કંધા દશજેતા
વ્રદાંવન ને ગાયીયેજા ધણ, યાધ અચેતો ગોવર્ધન પણ
મહી મખણજી ચોરી કેયાંતે, ફોળે માટલા તુઢાન કેયાંતે
ગોપીએજી પણ કોય કથા, યાધ અચેતી રૂવણ મથા.
નાગ દમન જી સજી અખાણી, યશોદાજી કણ્ણ વાણી.
ચીર લીલાને રાસ મંદળજી, યાધ કરીતા સરધપુનમજી.
વરી વ્રજ છદે જો આયો પ્રસંગ, ગોપીએ જો ઈ મુરેયો પ્રસંગ.
ઈ ગાલ જદે જાધ કરીતાં, અંખીયે પાણીને હીયા ઉભરેતા

બારો વરે જત ભેરા રેયાસી, છટે ગડી પલમે છુટા થેયાસી

દોહરો

શ્રીનાથજી સમજાઈયે, યાદ કરે વ્રજવન, વડીલ આંબી વેલા વનો, ઈ નેરણ વૃજ ગૌધન.
અધ્યાય પાસઠજી કથા સુખદેવ મારાજ પરીક્ષીત કે સજી સંમજાઈતાં લકળે દી શ્રીકૃષ્ણને
બલરામજી વદા અચી અતરે વૃજજી સજી વારતા ભુમી બાળપણમે જી કી લીલા ગોપ ગોપીયુ યાદ
અચેતાં ઈ સજો પ્રસંગ ભગવાન વદે ભા બલરામજી વટ ચીતાર ઉભો કરે વતાય ભગવાનકે જદે
નંધજી અને મા જશોદા યાદ કરીતાં તત અંખીયેમે પાણી અચેતા માજો ભાવ અનીજી મધુરી
વાણી જદે દુરી મે બંધયા તે ઈ પ્રસંગ કાલંદ્રીજો નાગજી કથા ધરેમે નાગ નથણ તંનટાણે મા
જશોદાજી જો કલપાંત મળે દ્રસ્ય સામે પ્રગઠ થીએતા અતરે ભગવાનજો ધલ ભરાજેતો અતરે ઈ
વદે ભા કે ચેતા હે ભા આંબી અજ જ વની મળીકે મલી ઈનીજી ખબડ ગની અચો અતરે
બલરામજી રથ જોડેને વ્રજ દીયા રવાના થીએતાં ઈ કથા સુખ કર્યાંતા

દોહરા

શુણી વાણી શ્રીસ્વામજી, બલરામજી થેયા તૈયાર
મલણ જશોદા માતકે, ને ગોપીયું ગોપ કુમાર.

બલરામજી અજ વ્રજમે અચેતા

ચોપાઈ

રથ પંઢજો ઈ તૈયાર કરાયા, વ્રજ મંદળજી વાટ લલાયા
જદે પુગા ઈ વૃજ ભુંમીમે, દશી સરમાણા રામ રદે મે.
સજે ગોઠમે ખબર પુજેતાં, ઘરઘરનું ઈ ગોપ નકરેતા
કરે સામને કોઠણ આયા, ઉંચે આસન તે ઈ વેરાયા.
લકળા લકળો અચી મલેતાં, ભાવ પ્રગઠ પુરા જ કરીતાં.
ઘરા ધંમકે જી વસઘલ મી, અજ એળો અત વ્રજજો દી.
પેલા પઘાર્યા ઈ નંધ દ્વાર, વંદન કેયા બલ વારંવાર
નંધ જશોદા રદય લગાયા, પુરા રદયજા ભાવ વતાયા.

લાવણી

માતા જશોદા નંધજીકે, નમન કેયા બલરામજી
વ્રજ ગોપને બ્યા વડીલેકે, પગ પેયા ઈ માનજી.
બ્યા ભાવ ભેરૂકે મલેતા, પુરા ઈ અથમે ગની.
વ્રજ ગોપીયુ દરશન કરી, ઈ છોટે થી નમીનમી.
ખબડ પુછે શ્રીકૃષ્ણજીને, કુશળતા વ્રજવાસી ઈ
જમનાજ ચળધે અંખીયે પાણી, દશી લેકલા બલરામ ઈ.
જભ થોથરાજે માયલો મંજ, મલણ લા જોંકે તળકળે
ઉત કંઠ આતમ અધીરતા સે, નેરીત્યું નજરૂકરે.

ગોપીયુ બલરામકે પુછેંત્યુ

બલરામજી ચો સ્યામ સુંદિર, યાધ વ્રજકે તો કરે
કાં તા ભુલીવ્યો સાવ વ્રજ ઈ, કાં તા કદે મુખ ઓચરે.

દોહરા

યાધ આવઈ સ્યામજી, ગોપીયુ સાવ ઉધાસ

બલરામ સામે ન્યારીયે, જેકે પુરો અય વિસવાસ.

શ્રીબલરામજી વ્રજમે આયા સારો ગોઠ મલણ અચેતો ગોપીયુ કૃષ્ણ જો ના શુણી પ્રેમ પાગલ થઈ કૃષ્ણજી લીલા યાધ કરીએત્યું કૃષ્ણ જે વીરલ મે તન ભાન ભુલી શ્રીકૃષ્ણ મુરતી ધલમેં ધારેં તલીન થઈ વનેત્યું ઈ ગોપીઆ જા ભાવ હાલ દશી બલરામજી જો રદય ભરાજી વનેતો. ગોપીયુ બલરામજી કે કૃષ્ણજા સમાચાર પુછેત્યું તદે હકળી ગોપી બધી ગોપીકે ચેતી.

રાગ પરજ

હે યાધ કરતા તું સખી, ઈ સ્યામ સગુણો કી જ નાંય

વસધોં વો વ્રજમે જદે ઈ, મખાણ ચોરીને જ ખાય

પાંજે જ અંગાણમે રમે, પાંજી જ ભાખરી ખાય

સતાય પાંજે છોકરે કે, પાકે જતાઈ ફરી ખલાય.

તેનીં જ ઈ ગોવારીઓ, અજ રાજ જભરો ચોવાય.

અજ વસેતો મેલમે ઈ, વધી ખાટતે લુકમ હલાય.

સેવા મે સો ખન દાસીયુ, ને રાણીયુતા અર્ચી ચતુર

અતરે જ પાકે વ્યો ભુલી, થઈ વ્યો અય ઈ અકુર.

ફરી ગોપીયું ભાન અચીવ્યું અતરે બલરામજી કે ફરી પ્રશ્ન પુછેત્યું ક હે બલરામ કૃષ્ણ વૃજમે કડે અર્ચીધો આંકે ખબર અય, કડે અસાંકે યાધકેં તે

ચોપાઈ

ગોપીયુ ભેરીયું સંગમે અચેત્યું, બલરામજી કે ખબર પુછેત્યું

કડે અર્ચીધો ઈ વ્રજમે સ્યામ, ખબર અય ઈ આંકે રામ.

કૃષ્ણ કૃષ્ણ પુકાર કરીત્યું, તદાકાર ચૈ ભાન છદીત્યું

અંધર છણેતા અખીયે પાણી, જભ થોથરાજે કુછે ન વાણ.

ગોપ બાળ વ્યા વ્રધ ઈ વ્રજવાસી, રામ દશેતા સાવ ઉદાસી

દશી ભાવ બલરામ ભુલીવ્યા, પંઢજો પંઢપણુ જ ભુલીવ્યા.

રાગ સારંગ

દઠા વ્રજ જા હી હાલ, દાઉજી, દઠા વ્રજ જા ઈ હાલ

સાવ ઉદાસી ગોપ ગોપીયું, યાધ કરીત્યું લાલ.દાઉજી દઠા...

સ્યામ વગરતા સબ્ધ નાંય મોમે, સારી સ્યામ મેં સુરતા

બલરામજી તા દયી દીલાસા, ફરી વતાઈયે વાલ.દાઉજી દઠા...

બલરામજી વ્રજવારે કે ચેંતા

દ્વારીકા જો નાથ ભનીને ઈ, કનક મેલ વસેતો
દાસ દાસીયુ સેવા કરીયે, નાય નંદણી કી ગાલ.દા...
જેજી નામના ગજે ગગનમે, નાદ નીશાન વજેતા
ગંગા જમના પાણી ભરીયે, સમજી સરગજો લાલ.દા...
કામધેનુ નત અંગણ અચીને, અંન ભંડારા ઈ ખોલે
પારી જાતક કુલ વરસાઈ, જત જુલે તાલ તમાલ.દા...
દેવ અચી નત નમન કરીયે, શીવ સનકાદી ભેરા
જાધવરાયજી જાવોજલાલી, જત કુબેરજી અય કમાલ. દાઉજી દદા વ્રજજા...

દોહરો

રૂપી મુની જોગી જંગમ, નત ધરીયે જે જો ધ્યાન
તપ કરીયે વનમે વઈ, તત મંડ મલે ભગવાન.

બલરામ ગોપીએ કે ચેંતાં ક કૃષ્ણતા અજ દ્વારકાજો રાજા અય સોનજી નગરી સાયબી
અપરમપાર અય દાસ દાસીજી હજારૂ ગંગા જમના સેવામે કામધેનુય ઉત વસેતી કુબેરજા ભંડારા
ખુલા અચી અતરી સાયબી હુંધે પણ આંકે જરાય ભુલો નાય આંધી ધીરજ રખો જેકે ઓરખેલા
રૂપી હજારૂ વરે તપ કરે સોધીતા ઈ જ પરીબ્રમ આજે ધલમે રમેતો વ્રજવાસી આંકે ધન અય

દોહરા

ઈજ પરી બ્રમ આજે ધલમે, રાત દી ઈ જ વસેતો
ધન ધન આંજી ભક્તિકે, ઈ નજર સામે દશાજેતો.

છંદ

છટે દ્વારકા વસેતો વ્રજમે, ઈ પણ આય હકળી કમાલ
આયર અનકે વલા લગેતા, જત નમી પેયો ભુપાલ.
ધન ધન આંકે ગોપ ગોપીસું, ધન ધન આજી ભક્તિ આજી
રાજેશ્વરકે રૂણી ભનાયા, ઈ મુળી આવી કં ન ભવજી
જીવ ચરાચર જેજે બંધનમે, બંધન સજો ઈ બ્રમાંદ
તેકે બંધન મે આંધી રખ્યા, છટે વાદ સવાંદ.

બલરામજી નત વ્રજવાસીએ ભેરા વ્રંદાવન જમના નય ગોવર્ધન પર્વત તે ફરણ વને
નંદપણજી મળે પ્રસંગ યાધ કરીયે સતસંગ કરીયે ઉપદેસે સમજાઈયે

ચોપાઈ

બલરામજી નત વાણી વદીતાં, વૃજવાસીએકે રાજી કરીતા
વેદ પુરાણ જા સંમજાઈયે સાર, જગ વતાઈયે સાવ અસાર
કરમે જીવ સંબંધ બઘેતો, કરમે જ પાછો છુટો થીએતો
ઈ ગઠમારા ઈજ હલેતી, અજ્ઞાનીંકે ઈ સચી લગેતી.

બલરામજી મે બોધ શુણીને, ધન ગોપીયું થયું ફરીને.

દોહરા

વ્રજ ભુમી મે વઈ કરે, નત કરીયે ઈ સત સંગ, નત જમના નય તે વંને, સારે સંભારે ગંગ.
કુંજ ગલી ઉપવંન ગટા, ને ગોવરધન પર્વત, સોરંમ સરઘ વરસારેજી, ઈ યાધ કરીયે ઉનતટ.
વ્રજ ભુંમીજી વારતા, વયી કરીયે ઈ વખાંણ, નઢ પણજી લીલા સજી, બલ કરાઈયે ઈ જાણ.
છ છ મંણા વેયા વર્ચી, બલ રથ કેયા તૈયાર. વોરાયા ભાવર મલી, મળે આયા વ્રજની બાર.

ગોપીયુ બલરામકે ચૈંત્યુ.

બળધારીકે બળદેવજી, આંચી યોજા વર્નીને ઈ, આજો સંમરણ નત કરે, અસી ટુંકા કરીયું દી.
વ્રજ યાત્રાજી વારતા, સુખદેવ રયા સમજાય. વાંચીધા કો ચત દઈ, પાર પંનઈ ઈ લગાય.
અધ્યાય હી પુરો થેયો, પરીક્ષીત કયાં પ્રણામ, જાડેજા જગપતી ભજ, ત મલંધો આંતમ રામ.

ઈતિ અધ્યાય ૬૫

અધ્યાય ૬૬: પૌંડ્રક ને કાશીરાજ ઉધાર

કલુશ દેશ મેં તો ઈ વસે, રાજા મુરખ મતી મંધ, સજે સ્વાંગ શ્રીવિષ્ણુ જો, ધરે પીળા પટ અંગ.
જેજે ભુવંન જી હી કથા, સુખ દેવ વતાઈયે સાર, વદપ ને વરી ઈરશાજો, વર્ણન અય વસતાર.

ચોપાઈ

કલુશ દેશ જો પૌંડ્રક રાજા, બુધી હીણ છટે વ્યો માજા
વસુદેવ ઈ પંઢ જ ભંનેતો, સ્વાંગ સજો ઈ અંગ ધરેતો.
ચાર ભુજાઉ કલ્પીત ભનાય, વિષ્ણુ પંઢ જો નાલો સદાય.
કંને મે કુંઢલ મરકત મારા, મુગુઠ પેરી કરે નત ચારા.
ગરૂળ ધવજ રથ પંઢલા ભનાય, નાલો વસુદેવ પંઢ જ રખાય
નત શ્રીકૃષ્ણજી નંધા કરેતો, ગોવારીયો ચઈ કુછણ કુછેતો

દોહરો

નાય બોલ્યો કો હંન પટમથે, મું જેળો બળવાંન
આઉ અયા વસુદેવ પંઢ, નાયં બ્યોકો ભગવાન.

બલરામજી વ્રજમે ફરણ ને યાત્રાવ્યા અચી ઈ ખબર હંન રાજા પૌંડ્રક કે પેતી તદે ઈ હકળી
ચઠી લખી દ્વારકા દુત ભેરી હલાયતો પંઢ અત રોજ ભગવાન જિરાણુ ભના ને હુકુમ ફેરે કે
ભગવાન તા આઉ અયા બ્યો ભગવાન કત નાય ચારહથ ભનાય ચાર સાજ ખણે તો મળે સાજ
પંઢ જ ભનાય.

દોહરા

નાય બ્યો કો હંન ધર મથે મું જેળો બળવાંન, આઉ જ અયા વાસુદેવ ઈ, નાય બ્યોકો ભગવાન.

ચોપાઈ

ચીઠી લખીને ઈ દુત હલાય, દ્વારીકામે ખબર પુજાય.

પત્ર ખાણી ઉ દુત અચેતો, રાજ સભાજી વચમે રખેતો

ઈ ચીઠી સભામે વાંચેમે અચેતી

ખાણી પત્રીકા વાર્ષી સજાણ, અવરી કે ઈ મુરખજી ખાણ
પેલા પંઢજો નાલો લખેતો, પંઢજ જગ ભગવાન ભનેતો
આઉ અયા હંન જગજો સાંમી, આઉ વસુદેવ આઉ જ નામી.
આજો દંભ આંચી છદીજા, નકા વળેલા તૈયાર રોજા.
આંચી ગોવારીયા ગાયુ ચારીધંલ, વસો વનમે રાતદી રૂંધંલ
આજો આડમ્બર છડે જ દીજા, મુજો આદેસ શરતે ધરીજા.
ગણેદી હકલ્યા આંચી પંઢવારી, ભગવાન ભનેજી છટે લવારી
મુજી ચઠી કે આંચી દીજા માંન, આઉ અયા આજો ભગવાન.

દોહરા

શુણી પત્રીકા અંન ભુપઈ, શ્રીકૃષ્ણ તપેયાતેર, સામે લખીને ઈ હલાયા, હાળે ભુપ તું નેર.

શ્રીકૃષ્ણ લખી હલાયા

દંભ કરે ને બ્રંમ ભનેતો, જગ ઠગીએ તો ખર
સંભારીજ તોજે સ્વાંગકે, કતરાદી રેતોં અમંર.

ભગવાન શ્રીકૃષ્ણ દુતકે ચેતાં હીં ચીઠી તોજે રાજા કુ દીજ હથમે ક મુજો ચકર આઉ તો મથે
છદીંયો સે તુજો કારણ તું રાજાકે લાયક નયીચે અતરે તોજો ભાર ધરાતા ઓછો કરેલા આઉ
અચાતો. ને ભગવાન પંઢજી યાદવ સેના તૈયાર કરીતાં.

ચોપાઈ

યાદવ સેના તૈયાર કરીતાં, રથ જોળાય ને બાર અચેતા
જભર જોધા જાધવ ભેરા, અચી નગર કે વંધાઈ ઘેરા.
પોંડ્રક કે ઈ ખબર મલેતી, જાધવ સેના ગઢ તોળેતી.
બર બધેને થેયો ઈ તૈયાર, નકરી આયો નગરનું બાર.
સાંમ સામે સેના ઉપળેતી, ખાણી તરાડૂતી ઉછરેતી.
યાદવ સેના સામે વળેતા, પોંડ્રક કે ઘેરે ગનેતા.
કાશી નગર જો પાપી રાજ, ઈ પાણ આયો સજેને સાજ
પોંડ્રક કે ઈ મધધ કરેલા, કુછળ આયો ઈ પ મરેલા.
બોય મલીને કરીયેતાં મારો, યાધવ શેના કે ચોધારો
યુધ મંઢાણા ઘોર ધંમશાણ, જત વારીતાં કચર ઘાણ.
સાંગ ગધાને મુદગર ફરશી, તોમંર તોરા ત્રશુલ ફરશી
વંમ મંજાથી ઘા ઈ કરીધા, દશઘે ઉલકા પટ છણેતાં
મુળસ મુળી જરા માંગન દીંતા, કરે પળકારા બખું જ જલીતાં
જોગેસર ઈ નજર દશીને, ચકર ખયા હરી હુથ ધોળીને.

દોહરો

ચક્ર ખણી શ્રીહરી હથમે, આયા રંણ મૈદાંન, કેયા પળકાર પોંડ્રકકે, સમજાઈ ચેંયા સાંન.

શ્રીકૃષ્ણ પોંડ્રકકે સામે ચેતાં

હે મુરખ તું પંઢજ લખેવે, યુધ જો તું આદેસ દનેવે
તદે હાણે તું થી તૈયાર, શંખ ચક્ર તોજા તું ઉપાળ.
અતરો ચયી હરી બાણ છદીતાં, પોંડ્રક જો મથો વઢીતાં
મથો ઉદીને વ્યો આકાસ, છણ્યો પંઢજ રાણી વાસ
કાસી રાજાને ઉનજી સૈના, ભેરી ઉદાયા કમળ નૈના
અંત પુરમે ખબર પુજેતી, ઘર ઘર હાહાકાર મચેતી.
કાસીરાજા જો ઈ રાજ કુમાર, રૂંધો આયો નગર નું બાર.
પીતાજી જો સંસ્કાર કરેતો, પંઢ પ્રતીજ્ઞા જાહેર કરેતો

સુખદેવજી ચેતાં હે રાજનં પોંડ્રક કે ભગવાન યાધ કરેયા ક તું મુજો વેસ સજી નીંધા કેતે વરી
યુધજો પણ આમંત્રણ દને વે અતરે તોજા શંખ ચક્ર ઉપાળ ઈ ચઈને શ્રીહરી ઉનજો મથો ઉદાયા
છદેયા અશુર બ્યાવાં તે જો નાસ કરે પાછા દ્વારીકા અચેતા. કાશી રાજાજો કુમાર સુદીક્ષણ પ્રતીજ્ઞા
જાહેર કરેતો

ચોપાઈ

જે સુધી વેર આંઉ વસુંલ ન કરીયા, તેંસી પુરમે પગ ન ભરીયા
વર્ની શંકર જો ઈ તપ કરેતો, કોઠે ભ્રામણ યજ્ઞન કરેતો
સુદીક્ષણ તપ ને જગન કરેતે

એળો તપકે ઘરેને ધ્યાન, પ્રગઠ થેયા ભોરા ભગવાન
વિસ્વેશ્વર વરદાન દીયેતા, ભોળા ભંઢારી પ્રસન્ન થીએતા

શીવજી વટા ઈ વરદાન ગુરેતો

મુંજે પીતાજી કે મારીધંલ, તે જો વારણ વેર, વર મંગાં હારા ન કંત, એવી મુંતે કરેયો મેર.

સુદીક્ષણ ભગવાન શંકર વટા ઈ વર મંગેતો

વર મર્ગે ક મુજે પીતાજો હત્યારે જો કી મરણ થીયે ઈ મુંક વાટ વતાયો તદે શંકર ચેતા હે ભુપ
તું ભ્રામણા જ સાથ મે ત્રેવીધી શ્રીસે આરાધના કરાય અગ્ની પ્રગઠ થઈ તોજી કામના પુરી કરીયા
પણ હકળી ગાલ યાધ રખજ જુકો ભ્રમણ જો ભક્ત તે ઉ વીધાકી અસર કર્ધીપંન અતરો ચયી
શંકર અલોપ થઈવ્યા નઈ હદા હેમારે તે ઈ અનુસ્ઠાન ગની મારણ પ્રયોગ ચાલુ કે.

ચોપાઈ

સુદીક્ષણ કેલાસ અચેતો, યજ્ઞ જી તૈયારી કરેતો
અગ્ની કન્યા ઉતપંન થયી, હથ જોળેને ઉભી ઈ રયી.
મહા ભયંકર રૂપ વકરાળ, ચોભર ન્યારે કરે પળકાર
કાયા જેજી દુંગર જેદી, પ્રચંદ અગ્ની ધુખધલ તેદી.

સુદીક્ષણ વટ અચી મંગેતી, હુકમ કર્યો ચયીને નચેતી.

યાદવ સેના ભુપ વતાંય, મળે મારે વગં કોન ભચાય.

સુદીક્ષણજી આજ્ઞાશુણી કત્યા ઉપળ્યી અન યાદવ સેના તે જભર મારો કરેતી.

શુણી વાણીને કત્યા અચેતી, યાદવ તેં ઈ મારો કરેતી

દશી યાદવ પાણ થેયા તૈયાર, સામે હલી ઈ કેયા પળકાર

અગ્ની કત્યા અચીને છણેતી, યાદવ સેના મે લાય લગેતી

જાદવ સાવ થીએતા હુતાસ, દશી અગ્ની બરંધી ચોપાસ.

જદે કત્યા યાદવ સેના મે ચોભર અગ્નીજી લાય લગાયતી તદે યાદવ હુતાસ થીએતા તેકે દશી ભગવાન ચકર ખણેતા

દોહરો

દશી કત્યા જો કોપને, ચકર ખયા હરી હથમે

છદેયા એળી વંમ મ્યા, લગો કત્યા જે મોં મે.

અચેતો, વર્ની કત્યા જો મોં જોરેતો

ભગી કત્યા ઈ કરે ઉબરાળ, આવયી કાસી રાયજે દ્વાર.

સજી નગર જો ઈ નાસ કરેતી, સુદિક્ષણ જો મથો વઢેતી.

અગ્ની ઉત્પન કત્યા મહાંન, થઈ રવાની પંઢ જે ધાંમ.

દોહરો

નગર જા નર નારીયું, કેયા શ્રીકૃષ્ણ કે નમન, રક્ષા કરયો જગપતી, આંચી અશાજી ભગવંન.
પોંડક જો આખ્યાન ઈ, વાંચી કરીજા વિચાર. કદે પ કેજાં જગત મે, કેણા જન આચાર
ઈ બેય રાજા રાતદી, વળેયા તે હરીરો વેર, યાદ રખે ધલમે હરી, પટ ભરયાવા પેર
તોય દયાળુ દેવ ઈ, એળો કેયાં ઉપકાર, બીકે ઈ મુગતી દના, કપા કરે કરતાર
અજબ કલા અકળીત ઈ, કદે ઈ કીન કળાય. જભ જપ તું જાડેજા, પનઈ પાર પુજાય.

ઈતિ અધ્યાય ૬૭

અધ્યાય ૬૭ : દવીદ વાનર ઉધાર

દોહરા

લીલા જેજાં અજોળ, મન બુધી ઉત કીં પુજે, જગપતી જગદાધાર, જન્મ્યાં ઈ યદુકુળમે.
બળધારી બલદેવ જી, ધરા ધારણ ઈ શેષ, પ્રલ્ય સીમાં કે પાર ઈ, આયા અવની અઢં કી.

પરીક્ષિત પ્રશ્ન પુછેતા હે ભગવાન બલદેવજી ઈ સર્વ સક્તીમાન પ્રલ્ય સીમાંથી પાર અનંત
અર્થી અને જેજી લીલા ગુણરૂપ મન બુધીથી બાર અચી એળા ઈ બલદેવજી બ્યા ચરીત્ર વે ત મુકે
સુણાયો.

શુ.ઉ રાગ : પરજ

હે ભુપ પુરાણુ વાનર ઈ બળીઓ, અધંમ કરેતો અવનીતે

ભૌમાશુર જો અય સુંમતઈ, સુગ્રીવ સે પણ મીત્રાંઈ
 પ્રાગજોતી નગરી વટ ઈ, વસે હેકલો ડુંગરમેં.
 મૈન્દક જો ઈ ભા અય નંઢળો, અચી વઢોઈ અંન વનંમે.
 હજાર હાથીએથી ઈ બરુકો, પગ પટમેં પોધે જ ગજાય
 ભૌમાશુર જો મરણ શુણીને, ખલ થઈ ખારો ત્રાસ મચાય.
 ધરીયા ઘબોળે ગામળા જોરે, રૂષી મુનીયે કે અચી સતાય.
 યજ્ઞનં કુઠેં કે કરે અપવિતર, એળો વાનર ત્રાસ મચાય.
 ભૌમાશુર જો વેર વારણઈ, આનર્ત દેશમે ઈ અચેતો
 હરણ કરે નરનારી નગરજાં, અચી ગુફામે નત પુરે
 ગામળા વાસી છટે ગામળા, પુરી દ્વારીકા ઈ પુગા
 રાળ કરે ઈ સુણાયાં કથનીં, શ્રી કૃષ્ણ કે ઈ ચોણ લગા.

હે રાજા જદે ભૌમાશુરકે ભગવાન માર્યા તદે ઈ ખબર અનકે અત વાનરકે પેતી અતરે
 વેરવારેલા ગરનારમે અચેતો

દ્વિવિદ ગરનાર જે ગામળેમે ત્રાસ મચાયતો
 સજી વારતા વાનરજી ઈ, હુઈ ખબર ઈતા હરીકે
 બલરામજી કે રયાં સમજાઈ, યાત્રા નીર્મીત ઈ અનીકે
 હે ગઢ ગરનારજી યાત્રા કરણઈ, બલરામજી થેયા તૈયાર
 રાણી વાસને દાસ દાસીયું, કોઠે નગરયા નગરનું બાર.
 રથ જોળે ને કેયાં તૈયારી, વાટ ગણાગઢ ગરનારજી
 અચી પુગા બલ જીનાણે, જત વઢા અચી અંબાજી.

અજ બલરામજી ગરનારજી યાત્રા કરેલ વનેતા રાણી વાસ સજો કુટુંબ દાસ દાસીયું ભેરા
 ખણીને ગરનાર મે અચેતા જત ભવની અંબાજા બેસણા અચી અત રાણીયુ અંબાજી પુજન
 કરેલા વનેત્યું ને ગરનારજી સોભાનેરીત્યુ વખાણ કરેત્યું

રાગ બહાર

અજ વસંત જા વાયરો વાયો, વન હલ્યા હલકી હલકી
 જાળ વન પંન પંન પુપરમે, સોરંમતારઈ અય છારકી અજ વસંત...
 વેલ વેલડીયું ભરયું ભાભકે, વનીં વીટાણ્યું વેલીકે
 સતરંગી યાધર છવાણી, સોભા વધારેતી વનકે. અજ...
 મોર મલારી મૈના પોપટ, યાતક ચકવા ચીંગારી
 ભમંરા ગુંજન સુર સરગંમજી, કોયલ કુણકે મનહારી. અજ...
 અજ અંન વનજી સોભા ન્યારે, યાધવતા હરખાઈતાં
 ઉંચે સખર તે તંભુ તાણ્યા, મોજ મજાઉ મનાંઈતાં. અજ...
 રનાન ધ્યાન પુજન પરવારી, ભોજન ભાવ ભનાંઈતા

જમી પરવારીને સંગીત ચાલુ, સાજ વાઝ ચળાઈતાં અજ અનં વન...

દોહરા

યાદવ અર્થી અજ મોજમે, ગજાય છટેયા ગરનાર, સંગીત જી સરગંમ વઝે, ગાઈ મેઘ મલાર.
નારી વ્રદ ભેરીયુ થર્થી, આવ્યું અંબા ધાંમ, પુંજન કરાયે પ્રેમસે, ગાઈયે માં જા ગાંન.

અજ યાદવ ગરનાર મથે દરશન કરેલા આયા અર્થી તંભુ તાણે ઉત રેઆણ કૈયાં સ્નાન ધ્યાન
કરે ને સાજીં સો આરતી દરશન કરે રાતજો ભજનધુન ચાલુ કરે સજે ગરનાર કે ગજાય છટીતા

ચોપાઈ

અંબાભવાર્ની જા દરશન કરેને, વઠા મંધર મે ધ્યાન ધરેને
રાસ મંદલજી રંગત જમાયા, સંગીત સે ઈ વન ગજયા.
નારી વ્રદ ઈ સંગમે અચેત્યું, અંબા મા જા પુંજન કરેત્યું
કંકુ કેશર જા ભરેયાં થાર, ગુલાલ ગજરા ગુથ્યાં હાર
ગંગા જળજા લોટા ભરેયાં, પ્રસાદ જા ઈ થાર જ ધરેયા.
લવિંગ સોપારીને બેળાપાન, ક્ષમા પંન જા ગાયા ગાંન.

હે રાજા અજ હન પર્વત મથે યાદવ નારીયુ માંભગવતીજી પુજા કરે પ્રસાદ જા થાર ધરાય
આરતી કરે ક્ષમાંપન જા પાઠ કરે માતાજીકે નમસ્કાર કરે મંધરે બારા અચે તત લકળો જભર વાનર
અત અર્થી તુફાન કરેતો અનકે દશીને મળે મંધરમે વર્ચીરેત્યું. ને વાનરકે નેરીત્યું

ચોપાઈ

અતરે મેં ઉત વાનર અચેતો, દશી નારીયું તોફાન કરેતો
દંધે સે તો કરે કકરાટી, પુછ પછાળે થયો ભુંરાટો
કકરેજ ઈ ઘા જ કરેતો, લુક લુક કંધો વટઈ અચેતો
વટ અર્ચીને અશુર સતાય, બલરામજીકે સામે દસાય.
બલરામજી ઉત ઉભા થીએતા, ધોળી પંદજો ધનંસ ખણોતા
દશી વાનરો ધોળ્યો સામે, બાળ ચળાયા ઈ બલરામે
વાનર જભર ઝાળ ઉખાળે, બલરામજીકે સામે તાળે
ઉનજા બલ સાવ ટુકરા કરીતાં, ઈધલ પથરા પાછા વારીંધા
દશી વાનર ઈ કોપ કરેતો, છલાંગ મારે સામે ઉપળેતો
અર્ચી બલરામકે ધક તો મારે, ઉત ઈ ઉભા બલ સાવ સંભારે

દર્વીદ વાનર જો તુફાન દશીને બલરામજી ઉભા થેયા અનકે પળકાર કયા તત ઈ સામે અચેતો
જભરા ઝાળ ઉખેળે સામે ઘા કરેતો બલરામજી અનંજા ભુકા કરી વઝેતા તદે દર્વીદ ઉવાર્થી છલાંગ
મારે બલરામજીકે બરસે છાતીમે મુઠ મારે બલરામ તાં જરા પણ ચરયાપંન અતરે દશી ઈ દર્વીદ દંધ
કચરે સામે અચેતો તદે બલરામજી અનકે ચેતાં

ચોપાઈ

ખર વાનરકે ઈ દાઉજી ચેતાં, ઓરખાણ ઈ જુનીં દીએતા

સુગ્રીવ સે તોજી હુયાં મત્રાંઈ, નફટ ભનેકી લગેતી નવાઈ.
 નકી અશુરે જે સંગત સેજી, બુધી ફરાયા વાનંર તોજી.
 નીતી છટે નાધાંન ભનીંવે, અગલા દીં તુ સાવ ભુલીંધે
 અજતા તોજો કાળ ભરણું, ઈતાં મુંકે સામે દસાળુ.
 અતરો ચયીને બલ મુઠમાર્યા, પગ જલેને પટતે પછાવ્યા.
 હકળી સટકમે નકરીવ્યો સાં, વાનંર જો વ્યો ગતમે વા
 ભુ મથાથી ભારવ્યો ઉતરી, થઈ મુલકમે ગાલ પધરી.

દોહરા

દવીદ વાનંરજી વારતા સજો સમજાય ઈ સાર, સંગત સે સનમતી અંચે, સંગત સે જ કુવિચાર.
 સંગત કજ તું સંતજી, ત બેળી પુજધી પાર, કુસંગી કે વ્યા લકી, નાય આવથી અણસાર.
 કથા વાનંરજી વાંચેને, કજા સબધજી સોધ, જોડેજા સું સંગી સે, મલધો પુરો બોધ.

ઈતિ અધ્યાય ૬૭

અધ્યાય ૬૮ : કોરવે મથે બલરામજો કોપ

દોહરા

બલરામજી જી બધી કથા, પુર્વા શેસ અવતાર, જનમ્યા યાદવ કુળમે, વસુદેવ જા કુમાર.
 અનંત બળધારી ધરા, અવની મે અજોળ, જૈંજીં ગાથા ગજબ ઈ, લઘુભાં અર્થી રણછોળ

ચોપાઈ

હસ્તીનાં પુરમે સામ્બં અચેતાં, દશી કૌરવ સામ્યા કરીત.
 દનાં ઉતારા મુર મેલમે, ખબર દેરાયા સજે નગરમે
 સારે સેર કે સજો સાણગારયા, ગલી ગાટ તોરણ બંધાયા
 સ્વયંવર જો અજ અય પ્રસંગ, ઘર ઘરમે દસજેતો ઉમંગ
 કૌરવ કુળજી લક્ષ્મણા કન્યાં, દુર્યોધનજી આર્યે તન્યા
 જૈંજા અજ સ્વયંવર રચાણા, ઈ પત્રીકા પ્રસીધ દેવાણા
 ખણી વરમાળાને કુવરી અચેતી, રાજ કુમારે ખબર મલેતી
 ઝંમ ઝંમ કઈધીં આવથી મંદપમે, વર માળા ખણીને કરમે.
 સાહેલીએ જે સંગમે સોભે, જી નખતર મે ચંદર ઓપે
 દશી કુમાર મળે થેયા તૈયાર, મુંકે જ વરધીં કરી વિચાર.
 છટે આસન કોક ઉભા થીએતાં, માળા પેરણ નીચા નમેતાં
 સળક સળાકે ઈ રાજ કુમારી, હલધી અગીઆ નીચું ન્યારી
 સામ્બં વટે જટે કુવરી અચેતી, દશી સામ્બંકે ને મુશ્કેતી.
 સારે સામ્બં ઈ હરણ કરેતો, વ્યારે રથમે વાંઉ વરેતો.

દોહરો

દશી દાખલો નજર સે, ને કૌરવ થેયા તૈયાર

સાજ સજે ઉપળી પેયો, પુવા કરે પળકાર.

શ્રીકૃષ્ણ જો કુમાર મહારથી બળવાંન રૂપ ગુણજો ભંઢાર વા જની ઘરે યુધ કરે જસ ગણાયા
અજઈ હેકલા હસ્તીનાપુરમે અચી દુર્યોધનજી કુવરી લક્ષ્મણાજી જો સ્વયંવર મજાથી હરણ કરે
વ્યા ઈ દશી કોરવ કોધ કરે ને પુઠીયા પકળેલા ઉપડી પેયા ને ચોણ લગા કં હંન છોકરે પાંજો નક કપે
ને અંન ઉધત જલેને બંધી છદ્યો યાધવે કે ખબર પોંધી અતરે જરૂર અચીધા પણ પાંકે તેજી જરાય
દ્રા નાય પાં અનીસે પુજધારી પાજી જ દનંલ જમીન ઈ ભોગવીત અતરો ચઈ સભામે વદા વઠલ
કણે શલ ભુરીશ્રવા દુર્યોધનજી રજા ગની કૌરવ ઉપડી પેયા.

ચોપાઈ

દુર્યોધન દંધ કરે કકળાટી, ઉછરેતો ઉત શુણીને ઘાતી.

દુશાશંન કે વટ ઈ કોઠાય, સજી વારતા વર્ષી સમજાય.

શલ્ય શકુની જયદ્રથ જેળા, ઉપળી પેયા ઈ મહારથી તેળા.

પાંજે કુળકે કલંક લગાયે, યાધવ છોરે નીચં નેરાંય.

અંધ રાજા તો અખીયું તાણે, ઉભો થઈ વ્યાં ઈ અંનટાણે

જાધવ કે આંચીં જીરો જલીજા, પાછો મુંજે હથમે દીજા.

હદા મહારથી સામ્બ દઠે કે મું પાછળ કોરવેજી સેનાં અચેતી અતરે ધનુંસ ખણી સામે પળકાર
કરે તૈયાર થેયાં હદા કર્ણ સેનાં પતી ભની પળકાર કરેતો ને યુધ થઈવ્યો ચાલુ.

દોહરો

કોરવ સેના ઉપળયી સજી, ખરી તરાડ તીર, દશી સામ્બ તૈયાર થેયાં, યાદવ વીર રણધીર.

ચોપાઈ

છ છ બાણ સામ્બ ભેરા છોળીતા, કોરવે તે ઈ મારો કરીતાં

હત કોરવ સેના હુઈ તૈયાર, અચી કરીતાં મારો માર.

કોપ કરેને કૌરવ વળેતા, સામ્બ સામે ટુકર કરીતાં

સજી સેનાં કે મુઈત કેયાં, ઈ ખબર કરણ કે થેયા.

શ્રીકૃષ્ણ કુમાર મહાભલી એળો યુધ કયાં જરાવાર મે તા કોરવેજી સજી સેનાકે મુછાંમે ધસે
વધા ઈ ખબર કરણ કે પેતી અતરે તૈયાર થઈ ઈ અચેતો. મેધાનમે

ચોપાઈ

યુધ કરેલા અત કરણ અચેતો, સોસો બાણ ઈ ભેરા છદેતો

અળગ ઉભા અચીં કૃષ્ણ કુમાર, યુધ કરીં સામે પળકાર

સો સોસત કોરવ વીટીં વરેતા, ચચીં દશેથી મારો કરીંતા

ગજ ઘેરે મેજી સીં બાળ, સામ્બ વળેતા થઈને કાળ.

જજા ભેરા થઈ જોરયા રથકે, પોય જલીતાં કૃષ્ણ કુંવરકે

બધે કરે ખણી આયા નગરમે, અચી પુરીતા જલમે.

દોહરા

સામ્બ ભેરી લક્ષ્મણા, બીકિ કેયાં બધીવાન, અચી પુરીતા ઈ જલમે, ને વધી વ્યો ગુંમાન.
સામ્બ કૌરવેજી સેનાકે મુઠિત કેયાં ઈ ખબર પેતી તદે કર્ણ ને બ્યા મહારથી ભેરા થઈ ચોભર
થી મારો કરે સામ્બકે પકળે બંધીવાન કરે જલમે પુરીતાં હદા ઈ ખબર દનેલા નારદજી દ્વારકા
અચેતા

રાગ સારંગ

અજ નારદ દેવ પધાર્યા, અજઈ, નારદ દેવ પધાર્યા
દામો દરજા દરશન કરેલા, દ્વાર દ્વારીકા આયાં અજ ઈ નારદ...
સ્યામ સુંદરિ ઈ સામે દશીને, ધોળી દ્વારતે આયા
કરે સનંમાનને આસન વેરાયા, નારદ મન હરખાયા.
ખલી ખરારી ખબરૂ પુછેતાં, મું અજતે અકિ સંભાર્યા
સામ્બ કુવર જા સગળ વતાયો, ઈ પાંછા હીં નાંચ આયા
નારદ દેવજી વાણી વદીતાં, હસ્તીનાં પુર વતાયાં
સ્વયંવરને હરાણ કુંવરી, પુરો પ્રસંગ સમજાયા. અજ ઈ નારદ...

નારદજીકે ભગવાન સામ્બ કુમારજી ખબર પુછેતા તદે નારદજી સજો ચીતાર વતાયીતાં ક
સ્વયંવરજો ઈ કુંવરી જો હરાણ કેયાં દુર્યોધનજી કુવરીમે કૌરવ યુધ કરે ને બંધી રખેયા અચી. અતરો
ચઈ ને નારદજી નારાયણ પીધા રવાના થઈવેયાં.

દોહરા

નારદ જી વાણી શુંણી, સેનાં કેયા તૈયાર, રથ જોળે બલરામજી, આયા નગર નું બાર.
પ્રથ યાધવને ઉધવજી, ઈ આયા હસ્તીનાપુર, તંભુ તાણ્યા પાધરમે, જેજી ધધકે ધરામે ધુંર.
નારદજી વટા મળે વારતા સુણીને બલરામજી તૈયાર થીયેતા ભેરા વૃધ યાધવ ભ્રામણને
ઉધવજી કે કોઈ હસ્તીનાપુર અચેતા પધરમે તંભુ વજી અત વીએતા ને ઉધવજીકે કૌરવે વટ
સમજાયલા હવાઈતા

ચોપાઈ

ઉધવજી કે બલ સમજાઈયે, કૌરવ સભામે સામે હલાઈયે
અંધ રાજા કે મુજી ખબર દીજા, વીસ્ટી કરેજો પ્રશ્ન રખજા.

ઉધવજી સભામે અચેતા

ઉધવ અચીને ખબરૂ દીર્યેતા, કૌરવ સામે સામ્યાં કરીતા
અચી મલેતા મળે ઉમંગમે, ઉતારા દીતા સારે ભુવન મે
નંદે વદે કે ઈ પદ પરમાણે, દના આસન જુની ઓરખાણે
અજ સભામે બલરામ અચેતાં, પંઢજા વિચાર જાહેર કરીતા
ઉધવજી સભામે અચી બલરામજી આયા ઈ ખબરૂ દીતાં કૌરવ રાજી થઈ સામ્યા કરે ને કોઠા

અચેતા મેલમે ઉતારા દઈ સ્વાગત કરીતા ન બે દી બલરામજી સભામે અચી પંઢજા વિચાર અને બ્યો ઉગ્રશેન જો સદંસ સભામે કૌરવેકે સમજાય ચેતાં

ચોપાઈ

યાદવ કૌરવે જા નેરયો નાતા, જુગ જુના અચી વિખ્યાતા
અનં નાતે કે કાયંમ રખણું, ઈ જં પાકે અજ અેય કેણું
સામ્બ કુમાર જરા કે અવરી, તેં કેં પાંજ ભનાયું સવરી
વગર વિચારે ઈ ભુલ કે ભારી, તેકે આંચી છટેયો વસારી
સોપે દેયો આજી રાજ કુમારી, સંબંધ સુધરે નેરયો વિચારી
પેલા તાં આજી ભુલ થઈ જભરી, જરા ત કેણીવચી સભરી.
હકળો વો ઈ રાજ કુમાર, તે તે કીં આચી ખયા હથીઆર
ક્ષાત્ર ધરમ કે કલંક ચળાયાં, બાળક કે આંચી બધેને માર્યા.

બલરામજી કૌરવ પ્રતી ચેતાં ક નેરયો ઉગ્રશેન જો હી આદેસ અધ ક પાછા સંબંધ જુનાં અચી
અતરે ઉનીકે નભીયણા અચી અતરે દી અવરી છટે અસાજે રાજકુમારને આજી કુવરી સોપીં દેયો
અસાજે કુમાર ભુલ તાં કે પણ ઈ વસારે ને રાજા ઉગ્રશેન જી આજ્ઞા કે મથે ચળાયો ત ઈ મણી જે
માટે ભલો અચ. ઈ બલરામજી વાણી શુણી કૌરવ તપી વનેતા ને બલરામજીકે ચેતાં

દોહરા

બલરામજી વાણી શુંણી, કૌરવ તપેયા તેર, કટુ વચન મોસે કુછે, સામે કઢેયા સેર.
બર કરી દુર્યોધન ચેતોં અશી ન યું નમાલી જાત, નંમી દીયું કી આંજે પગમે આજીં અચ નમાલી જાત

દુર્યોધન ચેતો

અશીંજ આકે વદા ભનાયા, અશીં દનાં રાજ ને પાઠ
અજ ઈ જંબુંક સામે થીએતા, કેળા કંઢીધાં અસાવટ કાઠ.
અતરો થઈનેઉથેયા ઉવાનીં, આયા ઈ પંઢજે દ્વાર
હે રાજનં હીં મુરખનાં મનેયા, હથે કરેને થેયા ખુવાર.

બલરામજી વાણી શુણીને દુર્યોધન તપીને ચેતો ક નેરેયો તખરા અશીં જે કે વદા ભનાયા ઈજ
અસાતેં હુકમ હલાઈતાં અનીવટા રાજ ગનીં ગનણુ ખયે ઈ બકવાસ કરેતો

ચોપાઈ

બલરામજી ફરી વાણી વદીંતા, યાદવે કે સમજાઈ ચેંતા
ઉગ્રશેનજી પદવીજી ઈનીકે, જરા ખબર નાંય કૌરવેકે.

બલરામજી ચેતાં

જોગેસર હંન જગજા કર ઘંલ, હંન ભુમીજી રજકંણ વસઘલ
ઈ અવીનાસી યાદવ કુળમે, જનમ ગણા અચી જન ઘરમે
લોક પાળ પાણ શરણે રેતા, જેજી પદ રજ શીર ધરીંતા
લક્ષ્મીજી નત સેવા કરીયે, ગંગા જમનાં પાણી ભરીયે

કોટી તીરથ જૈંજે ચરણ મે, નત વસેતા ઈ શરણમે.

ઈજ અવીનાસી કૃષ્ણ આય, કૌરવે કે કર્કી સંમજણ નાંચ

બલરામજી દુર્યોધનજી વાણી શુણી તપી વનેતા ને યાદવે ચેંતા ક નેરયો ત ખરા ઉગ્રશેનજી પદવીજી ઈનીં કે જરા પ ખબર નાંચ જુકો હી કૃષ્ણ જગજો સ્વામી અય ઈ પણ ઉગ્રશેનજી આજ્ઞા શર ચળાઈતા તે કે તાં ઈ કર્કી પનં સંમજેતા ઈનીં કે તા સાંનં સેતા બુધી નં અચે ખરે કેતા ધોકાજ ખપે.

દોહરો

ઈજ બ્રંમ અજ અવનીતે, ભારત ભુરાણં ભગવન, આજ્ઞાં ઉગ્રશેનજી કટે કીંન ઉથાપીએ મહાન

ચોપાઈ

કૌરવ કૃષ્ણ ઈ સગે નં જાણી, મોં સે કુછેતા કર્કસ વાણી
ઈનીં મુરખે કેતાં દંદ જ દીણું, કુપાતરે કે સચો નં ચોણું.
અતરો ચયી બલ હર ખણેતા, સામે હસ્તીનાપુર અચેતા
જોરણ શેર કે મુશલ છટેયા, હરખાણીને ધોળ જ કહેયા.
હર ભરાયા ઈ નગર ધસેલા, બલ લગા સાવ મુર ખોધેલા
ધર ધણાટી ધરા થીએતી, નગરી સજી દુલણ લગેતી.
મોલ મોલાતુ હલણ લગેતાં, ગઢ કંગરે સોત નમેતા
હાહાકાર ઉત થઈ વનેતો, મોત મણીકે સામે દશજેતો
નગર વાસી ઈ ધોળી આયા, રાજ સભામે રાજ મચાયા
કરગરી કલંપાત કરીતા, ભચણ લા અરધાસ કરીતાં

બલરામજી જાહેર કરીતા ક દશોત ખરા અજ ઈ કૌરવ સતાજે મદમે ભાંન છટે વ્યા અચી અનીકે પુરી સીક્ષા જ ખપેતી ઈ ચયી હળખણીને નગરકે ખોધણ લગા નગરી સજી હાલક દોલક થીએતી સજો નગર ઉપજોતો જ ધરા ધુબેતી ધબણ લગી ઈ દશી નગર વાસી મજો દુર્યોધનકે ધાં દીયેતા. કૌરવ પણ પંઢજો મોત દશીને બલરામજીકે નમી દીયેતા અને સામ્બકે સોંપે ને કુવરી જે વીયાજ તૈયારી કરીતા. યાદવ પણ તૈયાર થીએતા.

દોહરા

ચક્રવાક જ વનમે વનીં, ગુમાયં જભરા ઝાળ, તીજ અજ બલરામજી, કઢણ લગા સાવ પાળ,
દશી દાખલો નજરસે, કૌરવ થેયા હતાસ, વેર વઢઈ છટે દનાં, ઈ ન્યારે પંઢજો નાસ.

ચોપાઈ

દુર્યોધન ને વૃધ અંધરાજ, ધુબણ લગોઈ સજો સમાજ.
કરણ દુશાશંન સલ્ય શકુની, વેર ભુલીને આયા પુની.
મલી સાથમે ભેરા અચેતા, બલરામજી કે નમી દીયેતા
વીસ્ટી જી હી ગાલ હલાયા, કુંવરી જા ઈ લગન નેરાયાં
સામ્બ કુમાર કે છુટાં કરીતા, બલરામજી કે અચી સોર્પીતા

લગનજી ઈ કેયાં તૈયારી, સણગારયા ઈ સેરકે ભાઈ
ઘણીઆળા અત લગન લખાણા, ચોરીજા જત થંભ ખોણાણા
યાદવ પણ અત વા તૈયાર, સણગારીતાં સામ્બ કુમાર.

કૌરવે ભેરા નગરજા લોક મળે અચી બલરામજીકે નંમી ક્ષમા મંગેતા ને પ્રાર્થના કરીયેતા ઈ કથા
શુકદેવજી ચેતા

રાગ કલ્યાણ

ક્ષમાં કરેયો અપરાધ, અસાજો, ક્ષમાં કરેયો અપરાધ
અર્શી અજાણા સે આંકે નં ઓરખ્યા, કદે નં કયાસી યાધ અસાજો...
ઘરા ધારણ આંચી અજ અવનીતે, ધરે આયા અવતાર
સજી સૃષ્ટી જા જીવ ચરાચર, મથે કેયાં ઉપકાર. અસાજો...
પાલણ પોસણ પ્રલ્ય કરેને, છેલા રોતા આંચી રોસ
સાધર જળમેં સયંન આંજો, છતર ધારી અખીલેશ. અસાજો...
કોપ હી આજો ઉપદેસ કારક, સામે અસાંકે દસાય
અજ અસાંતે સાવ નમાંજી, સંબંધ દનાં જોળાય. અસાજો...

દોહરો

સર્વ શક્તિ માન, અવની જા આંચી નાથ, અજ અર્શી આજે શરણ, કુળ કે કળા સનાથ.
કોરવ ચેતા હે બલરામજી અર્શી અજ્ઞાન ને આંકે ઓરખે ન શક્યાસી હી ભુલ અસાજી માક
કરીજા આંચી હંન જગજા ઉપાદાન અયો ઈ મુની વદીતા જીવ જગત જાત રમકળા જ અચી આયી
શક્તિમાન પ્રલ્ય પુવા આંચી હેકલા જ રોતા અતરે શેસ ચોવાજોતા. હે વીરવ જા રચાઈ ધંલ આંકે
નમસ્કાર ઈ કોરવ અસ્તુતી કેયા

દોહરો

વેદ વદીતા વિપ્ર મુખ, મંગલ વરત્યા ચાર, વોરાયા રાજા કુંવરી, આયા નગર નું બાર.

ચોપાઈ

હાથી ઘોળા ને હેમ ખજાનાં, રથ દનાં સણગારે આંમા
દાસ દાસીયુ સજે કરે ને, દંના દાયજો બખું ભરે ને.
ગાંમ પધરમે ભેરા અચેતા, યાધવ કોરવ ફરી મલેતાં
ઢોલ નગારા વગા નીશાન, જન વોરાયા કરે ધુંમધાંમ.

શુક ઉવાચ

હે રાજન દુર્યોધન કે હી કુંવરી બોરી વાલી હુઈ અતરે અનંકે વોરાય તા તેર અખીમે પાણી
વર્ષીતા અને વરી દાયજે મે હાથી ઘોળા રથ દાસ દાસીયુ સોન હીરામોતી જા ગદા ભરે દંનો છેવટ
બલરામજી કે છેલે મલીને વોરાઈતા બલરામજી દ્વારીકા અચેતા

દોહરા

આયા દ્વારીક નગરમે, થેયા સામ્યા સંનમાન, સજો શેર સણગારેયા, દનાં અઢળક ઈ દાન.

આનંધ વત્યોં અવનીતે, ઉમંગ અભરં લોક, દીયાણ વધાયું શ્રીકૃષ્ણકે, ઉમટ્યો જન ગણ થોક.
 હલ ધરજી હી વારતા, ગાથા પુરી પવીત્ર, વાંચે વિચારે કો શુણે, કર્મ કરે ઈ સંચીત.
 શેસ વારતા કે શુણી, પ્રસન્ન થેયાં રાજન., શ્રી શુકદેવ ચરણમે, ફરી ફરી કેયા વંદન.
 હિ કથા પુરી ત કર્ચી, પણ પુરી કીનં લખાય, ચરણ વંદન જાડેજા, શ્રી હરી શીષ નમાય.
 જ્યજ્ય કરી નગરમે, જ્ય જ્ય જાઘવ જાત, કુલ વરસાયાં દેવતા, દશી કરે કી બારાત.

ઈતિ અધ્યાય ૬૮

અધ્યાય ૬૯ : નારદજી જોએલી ભગવાનજી દંનચર્યા

દોહરો

ગીરધારી ગોલોકજા, જગપતી જગદા ધાર, ગો સ્વામીં ગુણ ધારીને, સગુણ રૂપ સાકાર.
 જેજી લીલા અજોળ, મન બુધી ઉત કીં પુજે, ઈ વીસ્વેશ્વર વિસ્વાધાર, અજ આયા અવનીતે

ચોપાઈ

દેવ નારદજી અવની આયા, જગ નીરક્ષણ જગજી માયા
 મ્રત્યુ લોક મે મુંનીં અચેતાં, સામે દ્વારીકા નજર દશેતા
 મુનીં વિચાર્યા થઈનેં પ્રસન્ન, શ્રીકૃષ્ણ જા કરીયા દરશન.
 સહસ્ત્ર રાણીયે ભેરા વસેતા, કલા પુરણ હરી કીં કરીયેતા
 અંત પુરમે શ્રી મુંની આયા, જત વસેતા શ્રી જ દુરાયા
 કનક મેલેજી સોભા ન્યારી, દેવ નારદજી વઠા વિચારી
 અમરા પુર છટે હરી આયાં, ઉનંથી અધીક નગરી વસાંયાં
 વયી કરીતાં મુની ઈ વખાણ, કરે સગંયા નં ઈ કીં પ્રમાણ

અજ નારદજી ફરધાં ફરધાં મ્રત્યુ લોકમે અચેતા તત ઈ ઈનીજી નજર દ્વારીકા તે પથી અતરે
 વિચાર કયાં કે ભગવાન હજાર રાણીયે ભેરા વસેતા જભરો કુટુંબ છોકરા પોતરા ઈ ઘર સંસાર કીં
 હલાઈયેતા અતરે નેરે અચા અતરે દ્વારીકા અચેતા નગર જી સોભા ન્યારે વિચારે મે છળી પેતા.
 મનોમન વખાણ કરીંતા.

રાગ માલકૌસ

અજ અવીનાસી આયા અવની, દ્વારીકા ધામં વસાપારે
 જેજી સોભા ન્યારે નારદ, મનાં મન મુસ્કાયા રે. અજ...
 અંત પુર મેં દેવ અચેતા, મેલા મેલ તે નજર કરીતા
 સોન મઢેલા ઝુંમરે ઝલકે, હીરા મોતી હલકાપારે અજ...
 ગોખ જડખા કરસ કમાનું, મથે છતર ધરાયાં રે
 ધજા પતાકા બધેયા તોરણ, મોતી તોરણ પુરાયા રે. અજ...
 મેલ હજાર સરખા દશજે, અંત પુરમેં ઈ આપારે
 મેલા મેલમે માધવ સ્વામી, રાણીયે સંગ બીરાજ્યારે. અજ...

લીલા ધારીજી લીલા ન્યારે, મુની મન હરખાયા રે
 અકળ કળા હી દશીને નારદ, દેવ જ ઈ અટવાયા રે. અજ અવીનાસી...
 અજ અવીનાસ નારદજી જદે અંત પુરમેં અચેતા તદે ઈ ની મેલેકે ન્યારે વિચાર સુન્ય થઈ
 હકળા હકળો મેલમે વનીને નીયારીતા ઈ કથા શુકદેવજી પરીક્ષિતકે સુણાઈતા

ચોપાઈ

શ્રીકૃષ્ણ દરશન કરેલા, દેવ નારદજી આયા અકેલા
 રુકમાણી જે મેલ મેં આયાં, દશી યોગેસર સામે આયા.
 નારદજી કે વંદન કરીતાં, આસન દયીને પુજન કરીતા
 છપન ભોગજા થાર ધરાયા, ગોમતી જળજા લોટા ભરાયા
 વાયુ ઢાળીતા શ્રી હરી હથસે, પ્રસન્ન દેવ થેયા ઈ મન સે.
 નંમન કરે મુની અગીયા વનેતા, સત્ય ભામાં જે મેલ અચેતા.
 ઉઘવ ભેરા ઉત કૃષ્ણ વઠા અચી, જ્ઞાન ગોસ્તી કી કરીયેતાં વધી
 અગીયા મેલમેં બાળકે ભેરા, રંમધા ખલંધા દશતે તોરા.
 યજ્ઞ કરી કં ત ભાણેતા મંતર, કત ઉભા હરી ખાણીને યંતર.
 કત ઉભા ઈ ભાસણ કરીતા, કોક મેલમેં મૌન દશજેતા.

નારદજી પ્રથમ ઝૂક્ષમાણીજી જે મેલમે જેદે આયા ત ઉત કૃષ્ણ ભગવાન રુકમાણીજી સામે
 અચી નારદજી જે સંનમાન કરે વેરાય પુજા કરે પ્રસાદ ધરીયેતા. નારદજી બીજે મેલ તે વનેતાં

ચોપાઈ

હકળે મેલમે ભજન કરીયેતા, બે મેલમે ધ્યાન ધરીયેતા
 જ્ઞાન ગોસ્તી શ્રી હરી કરીયે, વઠા મેલ મે પુજન કરીયે.
 કત કરાયેતાં બ્રંમ ભોજન, કત દીયેતા દાન અંન ધન.
 હકળે મેલમે સુખમેં સુતા અચી, અગીયા મેલમે ઈજ ઉભા અચી.
 જીજી નારદ અગીયા હલેતા, નયાનયા દ્રસ્ય દસજેતા
 કો પાણ મેલ કી ખાલી નાંચ, શ્રીકૃષ્ણજી મુરતી દસાય.
 વદે મેલમેં દાન દીયેતા, કોક મજાંથી બાર નકરેતા.
 સાજ સજાયે ને સંગીત ધુંન, અનંહદ વાઘ વજેતા ગુનગુન
 કતક પુંજન કંધા દશજેતા, કોક મેલ જરૂખે ફરેતા.
 કદાક પુતર કેતા પેણાઈયે, કદાક પુત્રી કેતાં વોરાચીયે
 હકળે મેલમે ચોપાટ રંમેતા, સામે મેલ ધુંમ ધાંમ સુજેત.
 અગીયા રાણી ભેરા રંમધા, રંગ ઉદાઈયે વંસત હોરી ખેલધા
 અગીયા હરી હાથીકે સજીતાં, તેથી અગીયા રથ જોડીતાં
 બલરામજી વટ વધી યોગેસર, ગોસ્તી કરીયે વિરવેશવર.
 અગીયા મેલમેં મંત્રીયે ભેરા, મંત્રણા કંધા દઠા ઈ સવેરા

સહસ્ત્ર સજી કત બાર નકરેતાં, યુધજી કત તૈયારી કરીતા
 મેલ મે બારણે ઉભા ઈ ધવાર, બંધીજન કરી જેજે કાર.
 જીજી નારદ નારદ અગીયા હલેતા, મેલા મેલમે કૃષ્ણ દશજેતા
 મેલ હજાર નેરે ને વરેયા, ખાલી નં કત મેલજ જાળેયા
 અકળ કળા ઈ દશીને નારદ, યાધ કરીતા વેદ વીસારદ
 મનાં મન મુની મુસકાણા, જત તત મેલ બ્રંમ દશાણા
 હથ જોડી મુની પાછા અચેતાં, બાર મેલાતુ ફરી નેરીતા.

દોહરા

મળે મેલ નેયારે થકા, જત તત હરીજો વાસ, ખાલી દઠા નં અંતપુર, પુરો મન વસવાસ.
 ઉભી એકલા મન સરમાણા, દશી ગોવિંદજી ગત, વેદ વાંચી ધલ થકા, ઉપ પુગા નથી અંત.

શુક ઉવાચ હે પરીક્ષિત અજ નારદજી ભગવાન જા હકળા હકળો મેલજો નીરક્ષણ કરીયેતા
 હજારો થી વધારે મેલમેં ન્યારયા તત ઉની મેલા મેલ મે કૃષ્ણ પંઢજે કંમ મે રત અથી. કોય મેલ
 ખારી નીંય અતરે નારદજી હથ જોડે કૃષ્ણ પ્રતી ચેતાં ક હે નાથ આંજી જોગ માયા વદા વદા બ્રમાજી
 મુનીયે કે પણ અગમ્ય અથ કોઈ પણ ઉ માયાકે જીતી શગે નતા. પણ આજી અંન માયાકે આઉ
 ભરાભર ઓળખાતો કારણ આંજે ચરણજી સેવા આઉ કરીયાતો અતરે ઈ માયા મુંકે સામે પનંચી
 પ્રગઠ થઈ અથ. તદે હે ભગવાન ચોદોલોક આજે સુયસ સે પરી પુર્ણિત અર્ચી પણ મુંકે ઈ આજ્ઞા
 કરેયો ક આજી હી પાવન લીલાજો આઉ ચોઈ કલાક ગાંન કંધો કંધો આઉ વીચરણ કરીયાં નારદજી
 વાણી શુણી ભગવાન ચેંતા.

ચોપાઈ

રાજ સભામે નારદ અચેતાં, સીહાંશન તે કૃષ્ણ દશજેતા
 દશી નારદજી ઈ શરમાણા, હરી પુછેતા થઈને અજાણા.

કૃષ્ણ નારદજીકે પુછેતા

કદે પધાર્યા આંચી નારદજી, અથ વીતી સમજાયો આંજી
 શુણી નારદજી વંદન કરીતાં, દશી દાખલો ચુપ જ રેઈતાં
 દશી યોગેસર સામે આયાં, ઉભા કરે શર કર ધરાયાં
 દયી આસ્વાસન ઈ દયીને, વટ વેરાયા ભગવાન ફરીને.
 નારદજી ભગવાનજી અસ્તુતી કરીયેતા

રાગ : યશોમતી મૈયાને

જ્ય યોગેસર જ્ય જગ સ્વામી, લીલા આંજી અંતરજાંમી.
 પાર પુગા નથી સારધ શેષ, ભુલા જોગી ભોગી ભુતેવ. જ્ય જોગેસર...
 માયા આંજી હરી મન હારી, નકરી સગેનં જીવકો બારી
 ઈજ માયા મુથી છેટી રેતી, કદે નં મુકે બંધન કરેતી. જ્ય...
 કારણ આંજો આઉ સંમરણ કરીયાં, રાતદી આંજો ધ્યાન જ ધરીયા.

જગમેં આંજો સંમરણ કરીતાં, ઈ કદે માયામે નં છણેતા.
 અજ લીલા આંજી નજરે ન્યારયી, અજબ લગી નં મનમે ધારયી
 અતરો ચયી દેવ નમન કરીતા, શ્રીકૃષ્ણજી રજા ગનેતા
 નારદ યાત્રા જો આખ્યાંન, પુરે કેયા ઈ શુકભગવાન. જય જય યોગેસર...

દોહરો

નમન કરે શ્રીનાથકે, વરેયા નારદ દેવ, ભ્રમાણ કરી ત્રીલોકમે, નેરણ માયા ભેવ.
 લખમી વર જી હી લીલા, સંમજણી મુશકેલ, મંદ મતી આંઉ કી પુજા, સાઘર સજો ભરેલ
 વન માળીજી હી વારતા, વીસ્વ મે વખણાય, મંથંન કરે મુંની થકા, પુરી નં જ સમજાય.
 નીરગુણ નાથ ઈ નરહરી, આદ અનાદી અનંત, ઈ દ્વારીકા નગરીમે, માનવ જં વરતંત.
 ઉ રાત દી ભેરા વસેયા, રાત દી કેયાં રેયાણ, ઈ જાઘવ કત જાણી રાગ્યા, સંગ અસંગ અજાણ.
 હી કથા શ્રીકૃષ્ણ જી, પતીત પાવન ગંગ, જાડેજા ભજ તું તડે ત જીવન ધન ધનરંગ.

ઈતિ અધ્યાય ૬૯

અધ્યાય ૭૦ : શ્રીકૃષ્ણજી ધ્વારીકામેં દંનચર્ચા

દોહરા

પતીત પાવન હી કથા, અય અવની મે અજોળ, વતાયવ્યા વર્તન કરે, રાજા ઈ રણછોળ
 પરમ પુનીત કૃષ્ણ કથા, જગ તારણ જગ નાંવ, યદુકુળ ભુસણ ભુપ, સમજાવ્યા શેલ સાવ,
 પુરાણ બ્રમ પ્રથવી પતી, ધરે ધરણી અવતાર, લીલા કેયાં ઈ નતનયી, કોય પુગાનયી પાર
 ધ્વારીકા જો ધીંગો ધણી, ધરમ ધુરં ધર રાય, વિસ્વકે સમજાય લા, વાટ વ્યાઈ વતાય
 દાનીં દેવ દયા નીધી, દઈત્ય દંમન જગલીત, સમજાયાં પંઢ કરે, જગ જીવન જી રીત.

હે પરીક્ષિત જ્યારે જદે પ્રાતકાળ રાત પાછલી થીએતી જાગ્રત થીએતા અવનીતે વાયુ સુગંધી
 વાયોતો ભ્રમરા ગુંજર કરે પ્રથવી તે સંગીત પીર સીધા વા ઈ સુમધુર સવારમેં ભગવાન જાગ્રત થીયે
 અતરે રાણીયુ સેવામે લાજર થયીવને ઈ કથા શુકદેવજી પરીક્ષિત વટ પ્રગઠ કરીતા

ચોપાઈ

શ્રીકૃષ્ણ ચરીત્ર પરમ સુંખકારી, કલીમલ કૃષ્ણ ભયભયહારી
 ધ્વારીકા મેં રાજા રાજ કરીતા, માનવ લીલા પુરી કરીતા.
 નત સવાર મે ઉથીયે સવેરા, રાત પાછલી અવની અંધેરા
 શ્રીદેવી જળ કુંઢા ભરીયે, કનક કળસ હરીવટ ધરીયે.
 તેલ કુલેલ સુગંધી સાજા, અજન મંજન કરીયે રાજા.
 સ્નાન ધ્યાનં થી હરી પરવારી, વીયે એકાંતે આસન વારી.
 આતંમ ધ્યાન નત ઈ કરીયે, બ્રમ બ્રમ જો ધ્યાનં જ ધરીયે
 જગહિત કારી જગલા કરે, વાટ વતાયાં ધ્યાન જ ધરે.
 રૂપી મુંની જે જો ધ્યાન ધરીતા, ઈજ બ્રમ પંઢ જ કરીતાં

ચાર પદારથ ભોગવે ને જીવ, અંત પુજે થઈને શીવ.

દોહરો

અખીલેશ્વર ઈ અવનીમે, અચી ધર્યા અવતાર, વાટ વતાયા વીસ્વકે, સંતે લા સુખકાર.
શુકદેવજી કથા કરે સમજાઈતા હે રાજા ભગવાન નત સવારો વેલા ઉથી સ્નાન ધ્યાન સે પરવારે ને આતંમ ધ્યાન ધરે વીયે હે રાજા શ્રીહરીતા જગ વ્યાપક એ જુકો માયાથી પર અંચી. અખંદ અવીનાસી અચી વરી કાળ જા કાળ બાવન અખરેથી બારા અચી અક્ષર પુરૂષોત્તમ અચી ઈ કુંજો ધ્યાન ધરીયે ઈ ત હરી જગહીત જગકે કરે વતાઈતાં જુકો પરમ પુનીત અચી ઈ ગંગા જળ શે કુરો સ્નાન કરીયે ગંગાજી જ જેજે ચરણ સે ઉપની અય જગ જીવે જો ઉધાર કરેલા પંઢ જ ગંગા પ્રગઠ કેયાં અયાં જુકો પંઢ જ આચરણ કરે જગકે વતાયા અયા ક હંન ચીલે તે હલજા ત આય સુખ ભોગવે મુકે ફરી મલંયા.

શુક ઉવાચ. ચોપાઈ

અકળ રૂપ અજ ઈ અવીનાસી, જત તત પુરા રેયાં પ્રકાસી.
સર્વત્ર વ્યાપક જીવ જીવમે, સુક્ષ્મ રૂપે વસે વિસ્વમે.
વિસ્વ ઉપાયા અધર આકાર, પંજ ભુત મંજ જીવ અપાર
માયા બંધન સે અચી બારાં, લીપત અલીપત આશુ પસારા.
ઉત્પતી સ્થીતી પ્રલ્ય પંઢ કરીયે, નયા નયા ઈ રૂપ જ ધરીયે
ત્રીગુણાતીત ત્રીભુવન રાય, અકળ અખમે અનંત અમાય.
રવી વગર જી વે અંધકાર, ગુરૂ વગર બ્રમ મલે ન બાર
ઈજ બ્રમ અજ મનું તંન રૂપ, વસે ધવારીકા શ્રીકૃષ્ણ સ્વરૂપ.

કૃષ્ણ જો નત કમ. રાગકવીત.

સ્નાન ધ્યાનં નત કરે, પીતાંમ્બરી અંગધરે, ગલે માલા પેરે કરે, પુંજન હરી કરીંતા
ગાયત્રીજી જપીએ માલા પજ્જનજી પ્રગઠાઈ જ્વાળા, વેદીમે હવીસ્ઠ હોમે, રવી નમન ઈ કરીતાં.
રૂપી મુની વીપ્રે વટ, હલી અચે હરી નત, પીત્રુએકે પીંઢ દયી, મરી જીવેકે ખમાઈતા.
નત ધણ ધેનુંજા ઈ, દાન દયી બંધાઈતા.

દોહરો

તેરો હજારને ચોર્યાસી, નત દીયે ગાયેજા દાન. સોન મળેલી સગંળીયે, ઈ હયે દીયે ભગવાન.
હે પરીક્ષિત ભગવાન જો દીવ્ય સરીર જ ભુશંણ સૌંદર્યવાંન અય છતા પીતામ્બર દીવ્ય વસ્ત્ર અંગ તે પેરીયે ફરી ઈ ગાય વૃશભ ભ્રાંમણ દેવ પતીમાં ઉ જા દરશન કરે પુર વાસીએ કે મલીને તાંબુલ ચંદન પુસ્પ મારાઉ મણી કે ભેટ દયી પ્રસન્ન થીયે. ને મણીજી કામનાં પુરી કરીયે હદા દારુકજી સારથી રથ તૈયાર કરે સામે અચી કૃષ્ણ કે નમન કરે હથ જોડી ઉભી રેતો અતરે ભગવાન સાતવીક અને ઉઘવજી જો હથ પકળે બોયેજા કે પંઢ ભેરારથ મે વેરાઈતા ને સુઘર્મા સભામે અચેંતા તદે અત નાદનગારા વજાઈતાં સામે હલી સનમાન કરે ગાદીતં વેરાઈ જપજો કરીયાતા

કવીત છંદ

દારુકજી રથ જોળે, હલી અચે હથ જોળે ઉઘવ કે હરી ભેરા, રથમેં વેરાઈતાં.

પટ્ટરાણીયું અચે નત, ગોવિંદ ઈ ભેરીયું અત નમન કરે ઈ પુવા નંત, હરી સભામે સીધાઈતા. સભામે હરી પુગા, જ્જેકારી દંકા વગા. સુંધમ્મા સભામે અચી, હરીનત વીએતા. નોબત નગરા નાંદ, ગગંન ગજાયા વાઘ શ્રી જી જો શુણી સંવાદ, સભાજન હરખાઈતા.

દોહરો

જી અભમે ઓપે ચંદ્રમાં, તારા તેજ તીમીર. તીં ઓપે અવની પતી, રાજસભા રણધાર.

જી ભુવન ભાસ્કર સુંચે ઉદયા ચલતે સોભે તીજે શ્રીકૃષ્ણ સુધમ્મા સભામે સોભી રેતાં હે પરીક્ષિત જદે ભગવાન સીંગાશણતે બીરાજમાન થીયે તદે ઈ અનીંજી અંગકાન્તી સે ચોભર દીસા પ્રશાસીત થઈ રઈતે ને વીદુરાક હાસ્ય વીનોદસે ક્ષતકાયુ નીચ સે અનંબ્યા કતરાક વાક્ષત્રે સે ભગવાનજા સેવા કરીયે. તન ટાણે અનં સભાજો વર્ણન નજ થઈ શગે.

ચોપાઈ

અનં સભાજી સોભાજ ન્યારી, કવી કલંમ કત પુજે વચારી

મહિમા જોજો અપરમ પાર, બુધી પુજેકી બાવન બાર.

અનં સભાજો સુધા લગેનં, આશા ત્રગુણા ઉદી અચે ન.

કામ ક્રોધ મદ્ય મો મમતા, લોભ દ્રોહ નં ઈર્ષા દંભતા

શીલ સંતોસ જત કરીયે રેયાણ, ધીરજ ધરમનેં ગુણજી ખાણ

શ્રદ્ધા ક્ષમાને વીવેકજી મુરતી, સાન્તી સભામેં ન્યાર કરેતી.

ધર્મા સભામે વીંચે યોગેસર, ન્યાય દીયે ઈ નત ધરણીધર

સત ધરમજી જ ભરી ખાણ, નત વાંચીજે વેદ પુરાણ.

દોહરો

વેદ પાઠી નત વર્ચી કરે, વાંચી એ વેદ પુરાણ કથાકાર કીરતંન કરી, સામે સોભે સજાણ.

કવીત

વારાગંનાઉ ભનાં કરે, સણગાર સજે કરે સભામે ઈ અચીં કરે, રંમા પતી કે રીઝાઈત્યું.

નાચ ગાંન કરીં નત, રીઝાઈયે હરીકે અત સરગંમ વઝે જત, રંગ રાગકે રેલાઈત્યું

શીવ ભેરા અચે સતી, કામ ભેરા શોભે રતી દેવ ભેરા દેવીયું ઈ, લકી કરે ને નેચારેત્યું

નારદ સારદ જત, લીલા ઈ લખાણ અત દશીને ભુલા ઈ મત, જત શ્રુતીયું ગુણ ગાયીયેત્યું

હે પરીક્ષિત શ્રીકૃષ્ણ યાદવે ભેરા સભામેં બીરાજમાન થીએ તદે અનં સભા સુંધર્મા જો વર્ણન

કેર કરી શકે જન સભામે ભુખતરસ અચીજ નં સગે છ વાકારતા છોટે જ રેં જત શીલ સંતોસ ક્ષમાં

ધીરજ ધરમ વીવેક સાન્તી શ્રદ્ધા સત્ય જા કાયમી રેયાણ અચી ઉન સભામે નત પેલા વેદજા ઉચાર

થીયે કથા કાર કથા કરીં નાચ ગાન વારાગંનાં ઉ કરી, ને સંગીત સરગંમ વાજતાલ સે નત દ્વારીકા કે

ગજાઈયે.

દોહરો

અજ અવીનાસી નત અચી, ગુપત વીયે આકાસ, કુલ વરસાઈયે દેવતા, પારીજાતક સુંવાસ.

સુંધર્મા સભામે અજ માલવ દેશજો દુત અચેતોં ને શ્રીકૃષ્ણકે હકળી પત્રીકા દેતો ઈ પત્રીકા

સભામે વાચાંજેતી.

દોહરો

મગધ શેર જો દુત ઈ, આયો દ્વારીકા ધાંમ દીયણ પત્રીકા કૃષ્ણકે, જત વઠા ભગવાન.
શ્રીકૃષ્ણ દુત કે પુછેતા.

શ્રીકૃષ્ણ ઈ પ્રશ્ન પુછેતા, કંન દેશથી આંધી અચોતા
કેર હલાયાં કંન કંમ લાય, સજી વારતા ચો સમજાય.

દુત ભગવાન પ્રતી ચેતો.

મગધ શેર ને માલવ દેશ, ભુપ હલાયો અર્ધી સર્વેસ
જરાસંઘજી જેલ ખાંનેમેં, ભુપ પુરયા અર્ધી બંધનમે
જીની સ્વીકારયો નં શરણાગતી, ઉની ભુપે કે પુરે મંદમતી.
ઉજ ભુપ આજો શરણું મંગેતા, થઈ નીરાસ આસ આતે રખેતા
શરણાગત જો બીરદ અય આંજો, સમરણ કરીતા રાતદી નાંજો
અનાં માણીકે આર્ધી છોળાયો, આજો બીરદ હરી સંભાર્યા

દોહરો

યોગેશ્વર શુણી પત્રીકા, મુશકાણા મારાજ, આદર દયી વેરાયા ઈ, યાદવકુળ જા તાજ.
દુતકે ભગવાન આદર દયી વેરાયા પત્રીકા વાંચે આસ્વાસન દનાં તત ઉત નારદજી પધારીતાં

ચોપાઈ

રાજ સભામે તત નારદ અચેતાં, હરી ચરણમે નંમન કરીતા
સામે હલી હરી કંયા સનમાન, પુંજન કરેને દનાં આસન
પ્રશ્ન પુછેતા સારંગ પાણી, થઈ અજ્ઞાણને જગજા સાણી
સજે વીસ્વમે આંધી વીચરોતા, સુખી દુઃખીયેકે નજરે દસોતા
અજ જગજા અર્ધી કેળા હેવાલ, આ વટ મુજો અય ઈ સવાલ.
શુણી નારદ ફરી નંમન કરીતા, પાંડવ અખાણી પ્રગઠ કરીતાં

નારદજી કે ભગવાન સનમાન દયી આસને વેરાયા પુજા કરે ને ઈ પ્રશ્ન પુછેતા ક હે દેવ
આર્ધીતાં સજે વીસ્વમે ફરોતા તદે નવાજુની જા જગજા સમાચાર સુણાયો તદે નારદજી ફરી નંમન
કરેને મુખ વાણી વદીતા

નારદઉવાચ. રાગ જસોમતીમૈયાને

હે આદ અનાંદી આપ અનંતા, સર્વત્ર વ્યાપક વીસ્વ રચંતા.
માયા અજબ આંધી ઉપાયા, ઉભો હી અખાળો આંધી ભંનાયા.

આદ અનાદી...

જોગી ભુલા ભોગી, વેદ વિસારદ, લખધેં થકા ઈ દેવીજ સારદ
જત તત વ્યાપક રજકણ કણમે, આંધી વસોતા ચેતનરૂપમે.
નાંચ અછાંની આંધી કી બારા, અચીન્ત્યરૂપ અપરમપાર
થઈને અજ્ઞાણ પ્રશ્ન કરેયોતા, ભાર ચળાયે વદાપ દેયોતા.

નારદજી ચેતાં હે નાથ આયી માયા આજીં સેજ રચનાંને પાલન સહાર કરેયોતાં આજી માયાસે જ હી નસ્વર જગત સયો લગેતો હન આલમજી દોશજ આજે હથમે અય આંજી હંન માયા જારકે જીવકી સમજી શકે.

હે ભગવન આંયી જગજો હીત કરેલા અવતાર ધરેને લીલા કરેયોતા અને આજી કીરતી રૂપી દીવળે તે તેલ પુરી પ્રજવલીત રખોતા ઈ જીવે જો ઉધાર કરેલજ આયી પુરણ બ્રમ અયો છતા હી દેખાવ અજાણથઈને મુકે પ્રશ્ન પુછોતા તદે આંઉ આંકે યાદવેજી સજી વારતા પ્રગઠ કરેં વતાયાતો આંકે નમન કરેને હરી

ચોપાઈ

હે ભગવન અજ હસ્તીનાપુરેથી, આયે દ્વારીકા નગરમેં ત્યાંથી
સુભ હી સમાચાર દીયાણું આંકે, ભેરા સુણાંયા સજી સભાકે.
ધરમ રાજા યગન કરીતાં, ભગવાનં આંકે યાધ કરીતા.
અંન યગનકે પુરો કરેલાય, મંગે સંહારો આંજો ઈછા ગનેલાય
ઈ યજ્ઞ્ય આંયી પુરો કરીયો, યાદવ ભેરા ઉત પધારયો.
આંજી કૃપાસે ઈ પુરણ થીંધો, આદો અવરો વધન નં નણુંધો
અંન યજ્ઞ્ય મે દેવતાં અચીંધા, શીવને બ્રમ્મા સગરા અચીંધા
રૂપી મુની મળે થઈને પધારયો, પાંડવ ઈછા પુરી કરાયો
પાંડવેજી ય પ્રસિધી થીંધી, જુગમે નામનાં પુરી રોંધી,

દોહરા

હી કથા પુરી થયી, પરીક્ષિત કયા નમન વાંચે વિચારે જીવકો, જીવન ઈ ધનધનં
કથા લખયી હી કૃષ્ણજી, મુજી મતી અનુસાર જાડેજા કર જોળ કર, કૃપા મંગે કીરતાર.
સંવી અળસઠા, પુરો થેયો અજઈ વાર બુધ એકંમ સુદી, અજ ઉગો અવની દીં.

ઈતિ અધ્યાય ૭૦

અધ્યાય ૭૧ : શ્રીકૃષ્ણ હસ્તીનાપુર વનેજી તૈયારી કરીતા

દોહરા

સંવત વીસો વીક્રમ સાલ વઠો ઓગણ સીંતેર રસાલ, વાર બુધને એકંમ ભલી જુગ જોરાણુ વરને કલી
કલી કટણ અય કૃષ્ણજો નાં સંમરે ભેરી સુણેઈ ધાં, ઈજ લીલાજો લખ્યો સાર વાંચી ધલ જો બેળોપાર

દોહરા

નારદજી મુખ વારતા, ગુણી કરે ધનસ્યામ, કેયાં તૈયારી તંનપલ, હસ્તીનાપુર ગામ.

ચોપાઈ

ઉધવ પ્રતી પ્રભુ પ્રશ્ન પુછેતા, નારદ વાણી વરતે ચેંતા
ઉધવજી આંયી કર્યો વિચાર, પાંડવેજી કીં ગનંણી સંભાર.
શુણી ઉધવજી વાણી વદીંતાં, રાજસુ યજ્ઞજી કથનીં કરીંતા.

સારે વીસ્વકે જીતી સગે ઈજ, પુરાણ યજ્ઞ કરી શગે ઈજ.
જદે જરાસંઘ કે જ જીતા જે, પુવા યજ્ઞ આરંભ કરાજે
જીતે જરાસંઘ ભેરા ઉ રાજા, છુટા કરીજા પુરેલ રાજા.
ઈ કંમ કૃષ્ણા પુરો કરેયો, નારદ વાણી કે મન ધરેયો
યાદવ સેનાં કરેયો તૈયાર, યજ્ઞ સાર્થક ઉતારણ ભાર.

ઉધવજી ચેંતા હે ભગવન આપી સર્વ શક્તિમાન રૂપ વગરજા કાળરૂપ પ્રલ્ય આંજી ઈછા સેં જ
થીએતો તદે જરાસંઘજો વધ આંજી ઈછા શક્તી સેજ થીંધો ધરાતા ભાર ઉતરધો ને પુરેલ હજાર
રાજાએ જો છુટકારો થીંધો જે જો જસત મલધો ને ભેરો ઈ કથા ગાઈ કયી જીવેજો ઉધાર થીંધો.

ચોપાઈ

સો ઔક્ષણી જેજી સેનાંજ અયું, અનકે જીતેલા ખપે સમ્ય
અનકે જીતે જો અય ઉપાય, સાવ સરળ દીયાં વતાય.

ઉધવજી ઉવાચ દોહરા

બ્રામણ અર્થી અનકે વલા, મો મગેયા દે વરદાન, તદે પા પાણ યુક્તિ કરે, મંગીં ગંનો ઈ દાન.
ભીમશેન બ્રામણ ભનીં, વનેં અનજે દ્વાર. પાયક થઈને વર મંગે, દ્વંદ યુધ પંઢ કરાર.

ઉધવજી ફરી ભગવાન પ્રતી બોલેતા ક હીતા આજી ઈછા સે કરી સગેતા પણ નીર્મીત
ભીમશેન કે કરે યસ દેરાયો ત ઉ રાજા છુટયાં અનીજીયુ રાણીયુ પણ આશીર્વાદ દીધીયું ને જ
શંકચુળ સે ગોપીયુ જીળ સે ગજેંદ્ર રાવણસે જાનકી કારાધરમે માત પીતાકે છોળાયા ઈ મણીજી
કથા યાધ કરે જુકો ગાઈંધો ઈ જીવ પણ મુગત થઈ વેધાં

દોહરા

ઉધવજી વાણી શુણી, ભગવન મુખ મુશ્કાંન, કોઠાયા યાદવ ઉતયી, મહારથી મહા બલવાંન.

ચોપાઈ

યાદવ સેનાં હરી તૈયાર કરીંતાં, મહારથી મળે ભેરા થીએતાં
ગજ ઘોળા રથ પાલખી ભેરા, જોળ્યા સારથી ઈ સવેરા.
ઉગ્રશેન નેં ભેરા ઉદઘવ, બલરામજી કોઠાયા બંધવ.
સાજ સજેનેં કેયી તૈયારી, આયા દ્વારીકા નગરી વારી.
માતા પીતાકે વંદન કરેનેં, ગુરૂ ચરણજો ધ્યાન ધરેને
અંતપુર જો સજો રસાલો, ખરી સાથમે હરી હવાલો.
નોબત નાદ વગી નીશાંન, જદે વઠા રથમેં ભગવાન
ગરુડ ધવજ રથમે બીરાળ્યા, જેજેકારી નારા લગાયા.
રથ ગરુડ ધવજ અગીઆ હલેતો, સજો રસાલો સોભી નકરેતો
દોલીયુ રથ સોભે સગરાંમ, હરી હલ્યા સારે સરજાંમ.

દોહરા

ઘજા પતાકા ફરકે ગગંન, છતર ચાંમર હલકાર, ટોપ બખતર અંગ ધરે, નકરથી યાદવ કુમાર.

આયુધ ને અલંકાર બ્યા, મુગુઠ મોતી જળેલ, રવી કારણ જત ઝાંખીપે, ઈ સોભે સેનાં સજેલ.

શુક ઉવાચ: હે પરીક્ષિત હી યાદવ સેનાં ભેરા ભગવાન અઢળક રાણીયુ દાસ દાસીયું રથ ઘોળા
હાથી દોલાયુ સગરામ સણગારે ભેરા નાદ નગારેજી પળધંમ ધજા પતાકા જેજેકારી સે સજે
આકાસ ગુંજી હલ્યો ને ભગવાનજો રથ રવાનું હસ્તીનાપુર થેયો ઈંદ્રપ્રસ્ત દીયા.

ચોપાઈ

મરૂ દેશને સોવાર છદેયા, કુરૂક્ષેત્રજા પર્વત લગેયા
સંરસ્વતીજી પાર કરેને, પંચાલ દેશ પણ પુરો છદેને
ઈંદ્રપ્રસ્ત નગરી વટ આયા, શેર પધરમે તંભુ લગાયા.
ધરમ રાજકે ઈ ખબર મલેતા, સામે હલ્વી સામ્યા કરીતાં
સારે શેરકે ખબર ઈ મલેતી, કૃષ્ણ પધાર્યા નાદ ગજેતી.
શ્રી હરીજા કરેલા દરશન, ઘોળી અચેતા બાળ વૃધજન.
ઈંદ્રપ્રસ્ત અજ હલક હલેતી, ભુલી ભોમકા સરગ ભનેતી.
દશી દેવ મથે મલકાણા, દશી સાયબી ઈ સરમાણા

ઈંદ્રપ્રસ્ત જા મારગ ગલીયુ સણગારે સુગંધી જળ છંદેયાવા રંગ બેરંગી ધજા પતાકા સોભી
રખાવા સોનજા કળસ ખણી બાલીકાઉ નરનારી મળે નવા વસ્ત્ર આભુશણ પેરી હારતોરા ખણી
સામે આપી અચેતા.

રાગ હીચનો

દ્વારીકા નગરીજા રાજા પધાર્યા, ભાગ્ય પુરવજા જાગ્યારે.

હલો હલો દરશન કરેલા,

શેરી બુવારીને સજતા ભનાઈ, મોતીજા ચોક પુરાયારે. હલો હલો...

કેશ ચંદન ને કસ્તુરી, દોલર મોગરે દમારારે. હલો હલો...

કનક કળસ સુગંધી જળ ભરેયો, કંઠ મધુર ગાયીયે બાળારે.

દરશન થી પાંજા પાપ પલાજે, જસ જાડેજા હી ગાયારે હલો હલો...

ચોપાઈ

ઈંદ્રપ્રસ્ત સજી જા નરનારી, ઘોળી આયા નગર સે બારી
શ્રીકૃષ્ણ કેજા દરશન કરેલા, બાળ વૃધ ઈ આયા વંદેલા.
નાદ નગારા વજેતા નીશાન, વર્જે સુણાઈયું શુરીલા ગાંન
રાસ મંદલ જી રંગત જમાયા, તાલ તંબુરા ધુંન લગાયા.
કર કરતાવું ને ભક્ત નચેતા, ભ્રામાણ ભેરા મંત્ર ભણેતા
વારાગંનાં ઉ આ નાય કરીત્યું, કોકીલ કંઠી મન હરીત્યું.

દોહરા

સારે ઈ સનમાન કેંયા, જગત પતી જા અત, ઉલટઈ મેદની ભુવનમે, વઠા યોગેસર તત.

હે પરીક્ષિત ભગવાન મળે રાજ્યકે પાર કરે ઈંદ્રપ્રસ્ત અચેતા હે રાજા જમ દરશન દુર્લભ એળા

ઈ ભગવાન પધાર્યા ઈ દશી સજી નગરી દરશન કેલા અત અચેતી યુધીષ્ઠિર કે ખબર મલ્યા ત અનીજા રોમ રોમ ઉમંગ છવાઈવ્યો સજી નગરી સણગારે ગાજ વાજસે શ્રીહરી કે કોઠી અચેતા સજો પાંડુ કુટુંબ અજ હુલાસ મે અય હકળા હકળો પદ પ્રમાણે ભગવાન મલેતાં અજ અંન અવસરજો વર્ણન કેણુ અત સબદજ ટુકાંપે.

ચોપાઈ

ધરમ રાજા તાં ઈ સામે અચેતા, ગર્ની બાથુમે કુશળ પુછેતા
 રદય લગાયા જદે જગ સ્વામી, ભરમ કેયા ખટરીપુ નામી
 ભીમશેન કે ભાવશ ભેટયા, નમન કરેને ઈ હથ જોળ્યા.
 અર્જુન ઉભો સામે હથ જોળી, પ્રસન્ન થેયા રૂં ભેરા કોળી.
 સહદેવ ન કુળ નમન કરીતા, હરી ચરણ હરી આસીસ દીંતા
 હકળા હકળે કે હરી મલેતાં, પાંદુ વંશી પ્રસન્ન થીએતા.
 વૃધ બ્રામણને સાધુ સમાજ, નમન કરીતાં અવની રાજ.
 દેશા દેશજા રાજા મલીને, નમન કરીતા હથ જોડીને
 જેજે બંધીજન જત ઈ કરીતા, ભાંઠ ભવાયા અચી નમેતા
 નટ ભવાયા ગાયી વઝાઈયે, શ્રી હરીકે હલી રીઝાઈયે

દોહરા

ઈંદ્રપ્રસ્ત અન નગરીમે, આયા શ્રીધનરચામ, દરશન કરણ ઈ દેવતા, ધોળી આયા તમાંમ.
 મહિતે મેરામણ છલકે, ને અભમે દેવ કરોળ, ગંગન નારા લગાઈ તાં, ઉભા અચી કરજોડ.
 શ્રીકૃષ્ણકે ઘર આયા દશી યુધીષ્ઠિર જો ઉમંગ શે તાં અતરો રદય ભરાઈ વનેતો. અજ ઈ પંઢકે
 સૌભાવ્યવાંન સમજેતા ભગવાન કૃષ્ણ જો શ્રીવીગ્રહ અને લક્ષ્મીજી જો પવિત્ર સ્થાન રાજા ધરમ
 પંઢ જ રદય સે વારાવર લગાઈતા જેસે કરે મળે પાપ તાપ ભુસાજીવ્યાં ને પરમાનંદને દુબીવ્યા
 પુવા મળે ભા મલેતા. અંન પ્રસંગ જો વર્ણન વધાતાપણ લખી ન શગે સારો ગોઠ મલેતો વૃધે
 બ્રામણોકે ભગવાન પંઢ નમેતા અજ દેસા દેશ જા રાજા આયા અચી ઈપણ પદ પ્રમાણે નમન
 કરીતા સજી ઈંદ્રપ્રસ્ત હીલોળે ચળઈ અય. ભગવાનકે મેહેલમે કોઠી અંચેતા.

ચોપાઈ

ઈંદ્રપ્રસ્ત અજ નગરજે દ્વાર, નાંચ ખાંમી સોભાજો પાર
 સજી નગરી કે સારે સજાયા, ધર દ્વાર તોરણ બંધાયા
 ગલી ગલી પથરાયા ફુલ, ચોક પુરાય છંઢાયા જલ.
 નગર નારીયું ઉંચે જરૂખળે, ન્યારી સાજયો સુવાગણ મળે
 કેશર ચંદન ઉદાધી ગુલાલ, ભેરા નચેતા વૃધને બાલ.
 થીયે ક્તાર્થ કરેને દરશન, દશી જોગેસર સામે પરશંન.
 ઈંદ્ર પ્રસ્ત અજ હલક હલકેતી, દશી સ્યામકે મન મલકેતી.
 અગીઆ રથ હરીજો હલકેતો, પાછળ બલરામજો દશજેતો

રાણીયે જા રથ લેનં કતાર, અચી પુગા ઈ ધરમં જે દ્વાર
પાંડું કુળ જય નારીયુ લલીને, મળે મલેત્યું નમન કરેને.

દોહરા

સોનં સજેલ મેલમે, દનાં ઉતારા આસન, અચી બીરાજ્યા જદુપતી, ભુવપતી ભુવન.
અભ મેં સોભે ચંદ્રમાં, તારા મંદળમે જીં, ઈજ સીલાશનં સોભેતા, યાદવ પતી ઈ.

હે રાજન જદે સજો રસાલો. રાજ મારગ તા અચેતો તેકે નેરંણ ભીળ લગી અચ જી તારે મે
ચંધર સોભેતી કૃષ્ણને રાણીયે કે દશી નારીયુ ભાગ્યકે ધનવાનં દીયેત્યું હીં રાણીયે કતારા તપ પુનં
કેયા જુકો નત ભગવાનજા દરશન કરેત્યું ને અંતપુરજ્યું રાણીયુ ભગવાન જા દરશન કરે આનંદ
મંગળ અને પ્રેમ વીલવળ આનંદ શે ખીલેલા નેત્રો દ્વારા ભગવાનજો સ્વાગત કેયા અજ ભગવાનકે
પાંડવ કુળજા જતરા ભાવર અચી નંદા વદા અચી મલેતા કો નમન કરીતા મણીકે ભાવસે મલી
ભગવાન. અંતપુરમે વનેતા.

ચોપાઈ

અંતપુરમે હરી પંઢ પધાર્યા, કુન્તાંજી જે મેલમે આયા

હરી લલીને નંમન કરીતા, શર ધરે કર આસીસ દીંતા.

સુભદ્રાજી જે મેલ હરી આયા, દશી વીરકે ઉમંગ છવાયા

દ્રૌપદીજી કે ખબર મલેતા, ધોળી કૃષ્ણકે સામે અચેતા

ખબર અંતર હરી પુછધાં પુછધા, હકળા હકળી મેલમે ફરધાં.

રાજ સભામે ફરી ઈ અચીને, વઠા સીલાશનં હરી હશીને.

અજ ભગવાન પંઢજા ફોઈ કુંતાજી અને ગુરૂ પત્નીએકે આભીવંદન કેયાં. બેન સુભદ્રાજીને
દ્રૌપદીજી ભગવાન કે નંમન કેયા. અને કુંતાજી જી આજ્ઞાસે ભગવાનજી મણી રાણીએજા
યથાયોગ્ય સંનમાન કેયા. પાછા ઈ ભગવાન દીવ્ય સભામે નત અચી વીરાજેતા.

ચોપાઈ

મયાશુર કે કૃષ્ણ કોઠાયા, રાજ સભાજો મરંમ સમજાયા

દીવ્ય સભા થયી વચી તૈયાર, ઝાંખો પે જત ઈંદ્ર દ્વાર.

અંન સભામે નત ઈ બીરાજે, સુધર્મા ઈ નાલે નાંજે

ધરમ રાજા ભેરા ભગવાન, સોભે સીગાશણ ધનસ્યામ.

રૂપી મુની જત નત અચેતા, ભ્રામાણ ને બ્યા વૃધ વીચેતા.

ક્ષત્રી મંત્રી વૈશન્ય ભેરા, પ્રજાજને જા ઘેરે ઘેરા.

દીં પ્રતી દી ચરચાઉ કરીયે, પાંડવ યાદવ નીતી કથીયે

ગળી પલ દીં ઈ ઓછા થીએતી, મેણા પખ કચી નકરી વનેતા

દોહરા

અજીંન ને અવની પતી, નત કરીયે વનવિહાર, શુક ક્યા પુરીં કેયાં, ચે જાડેજા નરધાર.

ઈતિ અધ્યાય ૭૧

અધ્યાય ૭૨ : રાજસુય જગન ને જરાસંઘ જો ઉધાર

દોહરા

કથા હી બઉતેરમી, પાંડવ યજ્ઞન પ્રસંગ, સમજાવીયે સુખદેવજી, વાર્તા હી અળ ભંગ.
સજી પ્રથ્વી જીતી શગે, આણનંમ ઈ ચોવાય, રાજસું યજ્ઞ્ય જો, છતર તદે ધરાય.
શ્રીકૃષ્ણ કથા પુરી દશી, પાંડવ થેયા, તૈયાર થંભ રોપાયા ધરમંજો, ધરમ હથા તંનવાર.
સજો મુલક જીતે ઘાણા, પાંડવ ભેરા થયી. જરા સંઘ કે છદેયા, વઠા વિચારે વયી.

હે પરીક્ષિત રાજા ધરમ રાજ સુયજ્ઞન કરેજો વિચાર કેયાં ઈ યજ્ઞન તાં ઉજ કરી શગે જીકો સજી પ્રથ્વીકે જીતી ગને અજ ધરમ રાજા સભામે ઈ જાહેર કેયા અને શ્રીકૃષ્ણ પ્રતી ચેયાં ક મુકે રાજસુંય યજ્ઞન કેણુ અય આંઈ ઈ મુજો સંકલપ પુરો કરાયો.

ચોપાઈ

રાજ સભામે વઠા ભગવાન, ધરમ ભેરા મુર્ની ગણ માનં
અતે ધરમ ઈ પ્રશ્ન પુછેતા, વિચાર પંઢજો જાહેર કરીંતા.

ધર્મરાજા શ્રીકૃષ્ણ પ્રતી ચેંતા

વિસ્વેશ્વર હાણે વાર નં કરીયું, યજ્ઞન આરંભ પાં કરીયુ
પ્રથમ આજી પુજા કરેને, આંજી આજ્ઞા શીર પે ધરેને.
તેત્રીસ કોટી કોઠાયું દેવ, ભાવભરે ને કરીયા સેવ.
ઉની દેવેલા આસન ભોગ, તૈયાર કરાંઈયા વસ્તુ જોગ
આસન બીરાજો આંધી ભગવાન, કરાયા પુંજન ને સનંમાન
ચરાણ સેવા આજી મંગલ કારી, પાપ નીવારણ ભવભયહારી
જીર્ની નં જપેયા આજો નાં, ઈ જીવ જગમે છણેયા પાં
ઉની જીવેલા સુખ કતનાંય, અગીયા ચોરાસી જી ભાંયં.

દોહરો

જનમ ધરીને જગતમે, જીર્ની જપેયા નં ભગવાન, હતે હુતે હળદુત થેયાં, જીકો ભનેયા હેવાંન.

ધરમઉવાચ.

હે ગોવિંદ આઉ આંજો અને આજી વીભુતી સ્વરૂપ મણી દેવેજી પુજન યજન કરે જ ઈછા
અય ત પેલા આજો આંઉ પુજન કરીયા અતરે આપી આસન તે બીરાજો હે દેવ આપી આતંમ
સ્વરૂપ સંમ દરશી સયંમ સ્વરૂપ જો અનુભવ વારા આપી પુરણ બ્રંમ જ અયોં

ચોપાઈ

સંમ ડ્રસ્ટી આપી જત તત વ્યાપક, પુરણ બ્રંમ આંધી અમાપંક
પંઢ પરાયા જો ભેદ જ નાંય, વ્યાપક પુરણ છબી દસાય.
જીવ આયા જીકો આંજે શરણં, ઉર્નીજા ટાર્યા જનમ મરણ
સંત રદયમે આર્થી વસોતા, કારજ ઉર્નીજા પુરા કરેયોતા
દયા નીધાન આંધી દયા દરસાયો, સંકલપ મુજો પુરો કરાયો

જગમેં જસ ને કીરતી મલધી, અગીયાજી પણ વાટ સુધરધી

દોહરો

ધરમ જી વાણી શુણી, મુશકારા ભગવાન , પ્રસન્ન થયી પ્રથવી પતી, મુખ બોલે ઘનસ્યામ.
શ્રીકૃષ્ણ ધરમરાજ પ્રતી ચેતા કં હે રાજન આજો વિચાર તા ઉત્તમ અય રાજસુ યજ્ઞ કરેશે
આંજી કીરતી નામના ચોતરફ પસરધી ને દેવ પીત્રુ રૂપી મુની સંગા હીતેછુ ને સમસ્ત પ્રાણીએલા
લાભ દાયક થીંધો

ચોપાઈ

ધરમ રાય આંધી નીરભય થઈને, યજ્ઞ નં કરાયો પ્રથવી જીતીને
પરમાર્થ જો હી મારગ અય, બ્યો ભેરો જગ જસ છવાય.
રૂપી મુની ભેરા બ્યા ભુદેવ, થીંધી માણીજી ભેરી સેવ
ધરમરાય આંધી કરેયો તૈયારી, દીગ વિજયજી જેજેકારી
ભાવર આજા ચારોય સમરથે, દેવ અંસ અવની પ્રગઠે ન
જગમેં કોપ પણ જીતી સગે નં, જેજી નીતી કદે દુગેં ન.
ઈ રાજા જગમે બળ ભાગી, સયંમ નીયંમ મે વે અનુસારી
ઈ રાજા જગ અજીત ચોવાય, હારે કત નં જસજસ છાંય.

દોહરા

રાજનીતીને ધરમ ધર, ઈ ભુપ જગ પ્રવિણ, ઈ લગે જગકે વલો, દેશઅનંકે રે આર્ધીન
શ્રીકૃષ્ણ કહે છે ધર્મરાય આંધી હાણે નીરભય થઈને ભલે યજ્ઞનજી તૈયારી કરેયો આજો
વિચાર ઉતંમને લાભકારી અય અંન યજ્ઞનસે રૂપી મુનીદેવેજા દરશન થીંધા બયો આજા ભા ચારોય
દેવ અંશ અધી નીતીવાંન અધી અતરે અનીજી જીત જ થીંધી. જીકો જીવ નીતી તે હલે અનંકે
કોપપણ જીતી નજ સગે.

દોહરા

વાણી શુણી ભગવાનજી ને ધરમ મન મુશકાંન, વંદન કેયાં ઈ હરી ચરણ ધનધન ભુશણ ભાંન.
ભગવાન શ્રીકૃષ્ણજી આજ્ઞાં શુણી ધરમ રાજા ચારોય ભાયકે કોઠાય મળે ભેદ યજ્ઞજી તૈયારીને
દીગવીજય જો આદેસ દેના મંત્રી શેના પતીકે કોઠાયા ને સમજયા. તૈયારી કરાયા

ચોપાઈ

રાજસભામે ઈ ફરી ધર્મ અચેતા, ચારોય ભાવર ઈ કુઠીતા
સેનાપતીને મંત્રી કોઠાયા, ભગવાન વાણી વયી સમજયા.
દ્વારીકા ધીસ જો અય આદેસ, કરેયો તૈયારી જીતાણ દેસ
દીગવિજય જા દયી દયો દંકા, સજે મુલકમે પાંદુ વંકા.
સંજય વસજો લશકર ખાણીને, વનેં સહદેવ દખાણ દશમે
મત્સ્ય દેશી સજી સરદારી, નકુળ, મથે પરબારી.
અર્જુન ઉતર દશા સંભારે, કૈકઈ કુળજા સેનાં સારે

ભીમશેન ભલે ભદ્ર દેશમે, જીતાણ વનેઈ

દોહરો

રાજા ધરમ જી વાણી શુણી, પાંડવ થેયા તૈયાર, દીગવિજય કરણ દેશમે, સાંચ જૈં કે ભગવાન.
પાંડવ ચારોય ભાપકે, રદય લગાયા મોરાર, જોગેસર પંઢજી કળાં, અરપણ ક્યાં તંનવાર.

પાંડવ ચારોય ભા જદે દેસમેં દીગ વીજય કરેલા તૈયાર થઈ ભગવાન કૃષ્ણકે નંમન કરીતાં
અતરે શ્રીકૃષ્ણ ચારોય કે પંઢજે રદય દીલતે લગાય પંઢજી કલા શકતી પાંડવેજે સરીરમે અર્પણ
કરીતાં. ને પાંડવ ચારોય ભા ચચી દેશમે દીગ વીજય કરેલા ઉસેય.

ચોપાઈ

સારો મુલક ઈ જીતી ગનેતાં, ઈંદ્ર પ્રસ્ત ઈ પાછા અચેતા
અઢળક સંપતી ભેટુ ખણીને, પાછા આયા ઈ નગરી મે.
ધરમ રાજા કે ઈ અરપણ કરીતાં, દશી ભુપ ઈ હર્ષિત થીંતા
જરાસંઘકે ભાકી છદેયાં, કૃષ્ણ વાણી કંનતેં ધરેયા.

દીગવીજય કરે ચારોય ભા પાછા અચેતા ભેટ સોગાદુ મળે ધર્મરાજાકે અરપણ ક્યાં અને
હકળો જરાસંઘ જીતાણું ભાંકી છદેયા ઈ શુણી ધરમ રાજા ઈ ભીમશેનકે જરાસંઘકે જીતેલા આદેસ
દીંતા.

જરાસંઘ કે જીતાણ લાય, ફરી ધરમ ઈ ચેયાં સમજાય
શુણી ભીમ નાકાર કરીંતાં, શુણી ધરમ નીરાસ થીંએતા.

ભીમશેન યુધીંહિરકે ચેતાં ક મુંવયથી જરાસંઘ કદે નં પણ જીતાજે તદે ઉઘવજી જો વચનં
જાઘ કરે ભીમ અર્જુનને શ્રીકૃષ્ણ ત્રોયે ભ્રામણ ભની કરે જરાસંઘજી સભામે અચેતા ઈ કથા
સુખદેવજી કથીંએતાં

ચોપાઈ

શ્રીકૃષ્ણ અરજીં ન થેયા તૈયાર, ઉઘવ વાણી કરે વિચાર
ભીમશેન કે ભેરા કોઠીંતા, જરા નગરી મે હરી અચેતા
વીપ્ર વેસ સજે ને આયા, ભરઈ સભામે ઈ બીરાઠ્યા.
ભ્રામણ સમજી આદર કેતો, સામે હલીને નંમન કરેતો

જરાસંઘ ભ્રામણ ભગત વો ઈ નત ભ્રામણોકે મો મંગેયા દાન દીયોવો. અતરે કૃષ્ણ ભેરા
અરજી ન ભીમ અચી ઉની ભ્રામણો ભેરા ઉભી રેતા.

ચોપાઈ

વિપ્ર ભક્ત ઈ જરાસંઘ રાજી, નત કોઠાય ઈ વિપ્ર સમાજ.
અઢળક દાન ઈ નત કરેતો, મોં મંગયા ઈ દાન દીયેતો
ઉનીં ભ્રામણ જે વચમે અચીને, ત્રોય વઠા અચી વેસ ભઘલીને
પણ મતી સ્વભાવ ભઘલે કીં, વેસ પેરેસેં લકે જકીં ઈ.

ત્રણે જણ ઉભા છે તે જરાસંઘ પાસે આવે છે ત્યારે તેને તે કહે છે

ચોપાઈ

સંમ દરશી કદે નેરીયે નં મત, આતંમ દરશી નંવે પક્ષપાત
 હરીસ્ચંદ્ર રતીદેવ ને બલી, ઉછવત કપોત વ્યાધને શીબી
 વચંન દયીને રખેયા નાં, આખર મે પગા ભરેયા નં પાં
 કીરતી અજ ઘર ઘરતી ગાવાજે, પુરો દાતા ઈજ ચોવાજે
 તદે ભુપ આંચી કરેયો નંવાર, વર દયી દઈ દયો હદીયાર
 જગ તારણ અજ જગલાં કરે, વર મંગેતા મંગણુ થઈ કરે

બ્રામણે જી લેનમે ત્રોય ઉભી રહ્યા જરાસંઘ દાન દીધો વટ અચેતો તદે ઈ દાનમે વરદાન
 મંગેતા ઈ શુણા ન જરા સામે ન્યારેતો તત કૃષ્ણા અનજા વખાણ કરે દાખવા દયી સમજાયા તદે
 જરા સમજી વ્યો ક હી બ્રામણતા નહી જ પણ ગમે ઈ દેવ દાનવ વે પણ મુ વટાં ઈ મગણ આયા
 અચી અતરે નીરાસ તાં નજ કરીયા.

દોહરા

વિપ્રેજી વાણી શુણી, જરાસંઘ કે વિચાર નકી નચી ઈ વીપ્ર કી, અચી કો રાજ કુમાર
 સજે સ્વાંગ ભલે આવેયા, મંગેતા વરદાન વર દયી રાજી કરીયાં, સારે દયી સનમાન
 ભલે ગમે ઈ જાત વે, દાનવં માનવ દેવ આયા મું ઘર મંગણ ઈ, પુરી કરીયાં સેવ.
 જરાસંઘ રાજી થઈ, નકી કે મનં નરધાર રાજપાઠ શર સોતંઈ, દયી દીયાં હનંવાર.
 જદે જરાસંઘ વચંન દને તદે શ્રીકૃષ્ણા અનેકે પંઢજી પુરી ઓરખાણ દયીને વર મંગેતા. જરાકે
 કૃષ્ણા ચેતાં

ચોપાઈ

હે રાજા અર્શીં નંચો મંગણ કી, રાજ પાઠ ઘન નતો ખપે હી.
 અર્શીં અંચોતાં ત્રોય ભુપાળ, આજા સમજો આયાં કાળ
 ઓરખ અસાંજી સુણજા ભુપ, બોય અયાંઈ પાંદુજા સપુત
 ભીમ અરજીં ન આંઉ ઉ કારો, આંજો ધુસ્મન દ્વારકા વારો.
 વચંન અસાજો પુરાણ કરેયો, આર્થી અસાસે દંદ યુધ કરેયો
 ત્રીં મજાંથી પસંદ કેર આય, આર્થી જ ચો મુકે સમજાય.

દોહરા

વચન દયી પારી નતાં, ઈ ક્ષત્રી જાત નં જાત,
 સોધા ઉ સરજા કરી, કરીં ન વીસવાસ ઘાત
 શ્રીકૃષ્ણા વરદાન મંગી પુવા પંઢજી ઓળખાણ દીયેતા તદે જરાસંઘ ખારો થઈ કૃષ્ણકે ચેતો.

ચોપાઈ

વાવા કાશ તોકે સરમં જ નાંચં, મથુરાજી જન ભુર્મી છદાય
 તેકે જ સામે તું હલી અચેતો, દંદયુધ જો પેગામ દીયેતો
 છદે મથુરા લકે તું સાઘરમં, યાધ કરતુ તોજે મનમે
 તોકે સામે યુધ કરીયા તંત, બી બાજીથી ખાણણી ભંધ.

તદે અર્જુન તાં ઈ બાર ચોવાય, ઈ પણ મુંઘી નંઢો જ આંય.
ભાંકી ભીમ કે કરેયો તૈયાર, હલો પધરમે કરેયો ન વાર.

દોહરો

ગધા દંને જરા પંઢ ઈ, ને ભીમકે કે પળકાર. બોય બરુકા બાખ્યા, થઈ કરે વકરાળ.

રાગ ક્ષયી કલંક

ખાણી ગધા કરે ને જરાસંઘ, મેધાન મેં ઈ ભુપ અચેતો નતો નેરે જરા મુર મતી મંઘ, મેધાન
જે જે ઘર હલી આયા ભગવાન, મેધાન ઈતા મઘમે થેયો તાભાંન, મેધાન
સામે ભીમકે કે પળકાર, મેધાન દશી ભીમકે સામે લલકાર, મેધાન
બોય બાખ્યા ઈ બળવાન, મેધાનમે અશુર અચેતો કરી ગધાજા ઘા ધુંમધાંમ, મેધાન
સામે ચળેયા ઈ બોય ચક્રાવ, મેધાન ઠાય ઠોંકીતા સામે સામા ગાવ, મેધાન
જેમં પટત પેંતા પળકાર, મેધાન મજાં વઝજી થી એ સળકાર, મેધાન
નતા બોય મુળીદી જરા માગ, મેધાન વ્યા સત્યાયી દી નાયો તાગ, મેધાન
થયુ ગધાઉ બોય ચક્રચુર, મેધાન પોય આયા બખોબખ શુટ, મેધાન
સારો દી ઈ કરીયે સગરાંમ, મેધાન ભેરા રાત જો કરી, વસરામ, મેધાન
બોય મહારથી સત્યાસી દી વળેયા કોય પણ મુળી માંગ કો દે નતો. તદે રાતજો ભીમશેન
ભગવાન વટ અચી અનજો અલાજ પુછેતા

દોહરો

ભીમ અચી એકાંતમે, કૃષ્ણ કે ચેંયા સમજાય
જરાસંઘ કે જીતેજો, કો મારગ દેયો વતાય.

ચોપાઈ

ભીમશેનજી વાણી શુણીને, યોગેસર ઉથેયા ખલીને
અમી દ્રરટી વારી વરસાયી, પંઢજી શક્તિ પુરી સમાયા.
શકેત દયીને દનાં સમજાય, દાળખી નંમજી દંના વતાયં
ચીરી કરે બો ફાદા કરીતાં, ભી દસામે ઈ ઘા કરીતા.
સંમજી ભીમ ઈ થેયો તૈયાર, સામે જરાકે કે પળકાર.
પગ જલેને ઈ ચીરી વઝેતો, જુધી દસામે ઘા કરી દેતો.

દોહરો

જરાસંઘ જે મરણ સે, ગોઠ મે હાહાકાર. હલી આયા ઈ ભીમને, અરજાંન ને કરતાર.
જરાસંઘ જો રાજ કુમાર, સહદેવ નાં અંકાય. વેરાયા ગાધી મથે, વીધી કરે જ દુરાય.
કલા પ્રભુ શ્રીકૃષ્ણા ઈ, કરે વિચારે કંમ. ભઘ ખરેન પંઢતે, ઈ જગકે પે કી ગંમ.
અઘાય હી પુરો થેયો, જરાસંઘ આખ્યાન, જાડેજા જત તત ભજો, તજ મલધો ભગવાન.

ઈતિ અધ્યાય ૭૨

અધ્યાય ૭૩ : રાજાનજી મુક્તિ ને દ્વારીકા રવાના

દોહરા

પ્રશ્ન પરીક્ષિતતાં પુછે, ને શુક્રમુર્તીં ચે સમજાય, બંધન રાજા કીં થેયાં, ઈ ભગવન દેયો વતાય.
કતરી સાંખ્યામે રાજવી, ને પુરે જરા અંનકીં હરી છોળાયા તાં ભલે, પાણ પુવા વેયા કત ઈ.
પરીક્ષિત જો પ્રશ્ન શુણી સુખદેવજી ઈ કથા રાજાએજી અથ ઈતીં સમજાઈ ચેતા. ભુપ જે કથા

ચોપાઈ

પરીક્ષિતજી ઈ વાણી શુણીને, સુખદેવ બોલ્યા હર્ષિત થઈને
હે રાજન હી જરાસંઘ ભુપ, પુરે જેલમે રાજા કપુત
વી હજાર ને અઠસો રાજા, દેસા દેસજા નાંના નાં જા.
ગોર જંગલ જત જભર પાળ, વન વીકટ વનચર વકરાળ
ઉની ખીણમેં ક્રોટ બંધાય, પુરે મણીકે બંધીં ભનાય.
કે વરે ઈજ વ્યા નકરી, નાય છુટણજી બારી હકળી
તેજ હીંન હદયંમ દશાણા, કેવરેજા વૈવ્યા વાણા.
યોગેસરકે ઈ ખબર દીતાં, લખી પત્રીકા ને યાધ કરીંતા.

હે પરીક્ષિત જરાસંઘે વી હજાર અઠસો રાજાએ કે જીતી કરીને અગોર જંગલને ડુંગરજી વચમે કીલો ભનાય પુરે રખેવે શ્રીકૃષ્ણ અજ અની રાજાએકે છોળાયા ઈ રાજા સાવ તેજ વગરજા થયી રયાવા શ્રીકૃષ્ણ જદે છોણાયા તત ભગવાન જો સ્વરૂપ ચતુરભુજ નેરે ચી પ્રશન્ન થઈ વંદન કરે પ્રાર્થના કરીતા.

દોહરો

જરાસંઘ કે અત મારેને, શ્રી હરી થેયા તૈયાર, અચી પુગા ઉનં જ પલ, છોળયાં ભુપ તંનવાર

ચોપાઈ

અરજાંન નેં બ્યા ભીમશેન ભેરા, આયા ભગવન નગર સવેરા
ગાઢી જાળી જત જભરી ધાર, ગઢ કીલે વટ પુગા મોરાર
વટ અચી હરી તાળા તોળીતાં, ભળ ધરવાજા પંઢ ખોલીંતા
અચી ભુપે જા છોળ્યા બંધન, ભુપ નંમીને કરીતા વંદન.
કર જોડી ને વંદન કરીંધા, અખીયે પાણી ભુપ ભરીંતા
કૃષ્ણ પધાર્યા સદ શુણીને, ધોળ્યા સામે સાવ દશીને

દોહરા

હે રાજન હી રાજવી, સામે દશી શ્રીસ્યામ, રૂપ ચતુર્ભુજ મુરતી, પ્રસન્ન થેયા તમાંમ.
શ્રીકૃષ્ણ ઉન કીલે વટ અચી ઉનજા તાળા તોળે રાજાએજા બંધન તોળે છુટા કરીતાં ઈ રાજા દશીને ભગવાન જો ચારભુજરૂપ રાજી થીએતા ઉમંગ ધલમેં તા માવે નતો ને ફૂરી દંડવત પયી અસ્તુતી કરીયેતા. રાજા શ્રીકૃષ્ણજી વંદના કરીયેતા

રાગ શીવરંજની

નીલ બંધન સોભે ઘનંર્યામ, સામે સોભે મહારાજ રે
 શંખ ચક્ર ગદ્યા પદંમથી ચારીધા, સંતેજા સરતાજ રે નીલ બંદન...
 શર મુગઠ સોભે કંઠ માલા, ત્રીપુંદ્ર સોભેતો ભાવરે
 કનક કુંઢળ લાલ લટકેતા, ગલે વીજ્યંતી માળા રે નીલ...
 પટ પીતામ્બર પેરેયા કેશરી, સોભે સરજન હારા રે.
 ધોળી પુગા ઈ દ્વાર ધુરંધર, દેવ દ્વારકા વારા રે. નીલ...
 અંમી દ્રસ્ટી વરસાયા વારી, પંઢ વટ હરી બોલાયારે
 દનાં દરશન ઈ ધલમે પ્રવેસી, ભુપ જીવન ભય હારારે. નીલ બંદન...

જે ચાર ભુજામાં આયુધો વજ્ર સ્થલ પર સોનેરી રેખા વક્સ ચીનહ કાનોમાં કુઢંલ શીર મુકુટ
 મોતીઓની માળા હાર કંદોરાથી જે સોભી રહ્યા છે. એવા ભગવાનનું રૂપ જોઈ રાજા નંમન કરે છે
 એમના નેત્રો જળ હર્ષથી ભરાય છે જે નેત્રોથી પાન કરી રહ્યા છે ભુજાઓથી આર્લોગન કરે છે
 તેમના તમામ પાપ દરશનથી છુટી જાય છે દંડવત પળી પછી અસ્તુતી કરે છે

રાગ ગજલ

સચીદાનંદ સુખદાયી, શરણ મે રખજા આંચી દેવા.
 અશરણ કે શરણુ દયી તાર્યા, દયાળુ દેવાધી દેવા.
 છોળાયા કેદ ખાંનેથી, જરાસંઘ જા ઈ બંધને થી
 છોળાઈ જા ચોરાસી પુરી, દયાળુ
 જગતજી માયા હી સારી, લગેતી સાવ હી ખારી
 દશી મઠી ભોગવથી ભારી, દયાળુ
 સતા મધ મે રમંયા પુરી, લુટીને લખમી ક્યાં ભેરા
 સજાતેજીં મલઈ મુળી, દયાળુ
 મધુરાધીપતી શરણે, અશાકે રખજા આંચી ચરણે
 સેવકજી વીનંતી સ્વીકારી, દયાળુ દેવાધી દેવા. સચીદાનંદ સુખદાયી...

હે ભગવાન અશી રાજ મધમે રચયાસી તે પ્રજાકે લુંટીને લખમે ભેરી કરે મોજી માણ્યુ તે
 અસાજો ધરમ નીતી છદે રક્ષક મટી ભક્ષક ભનીવ્યાસી તેજાં ફળ અસી પુરા ભોગવે ગળા હંન
 કારાઘરમે ને વરી હે ભગવન ઉન અનીતી જે પૈસે જો સંપતી જો ફળ પણ પુરો મલીવ્યો સાસતર
 તાં ચેતાં ક અધરમો પૈસો ઘરમે અચે ત ઘર જો નાસ થીયેતો ને અંન પૈસેજો દાન પણ સાવ
 નીરફળ વનેતો. ઈ સાવ ચુટો દસજેતો. છતા અજ અસાજે કોય પુરવ જે ભાગે આજા દરશન
 થેયા અને ઉધાર પણ થીંધો. હાણે અસી આકે છદી બેય કદા વનો હાણેતા અંતમે આજી ભક્તિ જ
 દીજા દયા કરે તજ અસાજો ઉધાર થીંધો. અસાકે રાજપાઠજી જરાપણ ઈછા નાંય આકે હે પ્રભુ
 સોવાર નમસ્કાર.

ભગવાન રાજા પ્રતી ચેંતા. ચોપાઈ

હે રાજન આપી નીરભય થઈને, રાજ કરજા નગર વર્નીને
 આશા આંજી પુરણ થીંધી, ભક્તિ દેવી પુરી વરધી

રાજ સત્તાને જોભન મધમે, ભુલા ભુપ પંઢ ઉ ગર્વમે
 કુલ કીરતી અપ યસ ઈ વોર્યા, જુની ભુપ પંઢ નીતી છોળ્યા
 અગીઆ ન્યારો હન અવનીમે, વેન ભુપ કેકેય હદયને
 રાવણ જેળા મહા ઈ બળી આ, વંશ વનાયા ન્યાયો પુઠીઆ
 નરકાશુર ને નહુસ જેળા, ભુલા ભુપ ઈ હીરણ્ણાક્ષ તેળા
 ઈ યાઘ કરે આંચી રાજ કરીજા, બંધન તુટંધા ચોરાસીજા.

ફરી ભગવાન ચેતા હે રાજાઓ શુણી ગનો જગમે કરેલા કરમ કદે છદીયે નતા ઈ ભોગવે
 છટકો જ વે સારાને નરસા બોય પુરા નળેતા. આજા કરમ પુરા થયી વ્યા વરી મુજે શરણ આયા
 તદે હાળે વની આજો રાજકે સંભારેયો ને નીતી નં છદીજા. ત આજો ઉધાર થીંધો

ચોપાઈ

હે રાજન હી દેહ અય પાંજી, ક્ષણ ભંગુર અય ઈ નાંજી
 અનંમે આસકતી નં કરીજા, નાસવંત અય જાઘ કરીજા.
 હન ધુનીયામે સંબંધી સારા, ભા ભેડૂ ભેરા પરીવારા.
 જેળો દશાજે મ્રગજળ વાર, તેળો જ ઈ સજો સંચાર.
 તદે ભુપ આંચી વર્યા વસારી, ઘર વનંણજી કર્યો તૈયારી
 નીતી નીયમસે રાજ કરીજા, ઘરમ ધરાજો રક્ષણ કરીજા.
 આતંમ ઈશ્વર હકળો જ રૂપ, ભેદ નં ગણજા આંચી ભુપ
 સુખ સંસારજા ભોગવી ભેરા, જળ કમળજી રોજા બારા.
 અરજુન ને બ્યા ભીમશેન ભેરા, આયા ભગવન નગર સવેરા
 વાણી સુણી શ્રીકૃષ્ણજી, રાજી થેયા રાજન.
 આયા જરાજી નગરીમે, ભેરા ભીમ અર્જુન.

શ્રીકૃષ્ણ મણી રાજસે કે રાજનીતિ ભેરો જ્ઞાન અને સંસાર અસાર જો વણન કરે રાજી
 કરીતા. ને વરી મળીક સ્નાન કરાય વસ્ત્ર અલંકાર દયી રથમે વેરાયને પંજે રાજમે વનેજી ભગવાન
 આદેસ દનાં અતરે મળે રાજા ભગવાનજો ઉપકાર મની ફરી-ફરી દંડવત કરે પંઢજે રાજમે વનેતા.

દોહરો

વાણી શુણી શ્રીકૃષ્ણજી, રાજી થેયા રાજન, આયા જરાજી નગરીમે, ભેરા ભીમ અર્જુન.
 શ્રીકૃષ્ણ મણીને જ્ઞાન નીતી દયી રાજ નીતી સંસાર આસરજો વરણન કરે રાજી કેયા પોવ
 સ્નાનં કરાય અલંકાર વસ્ત્ર દયી રથ મણીકે દયી પંઢજે દેસ વનેજી આજ્ઞા દના અતરે મળે
 ભગવાન જો ઉપકાર મની ફરીફરી ઈ નમન કરી રથમે વયી પંઢજે મુલકમે રવાના થેયા

ચોપાઈ

મળી મણીકે ને સ્નાન કરાયા, વસ્ત્ર આભુંશણ ઈય પેરાયા
 ભેરા મલીને સ્નાનં કરીતાં, પદ પ્રમાણે આસન દીતાં.
 ગુગરીઆરા રથ ઈ જોળાય, દંના ભુપેકે ઉનમે વેરાય

શ્રીકૃષ્ણ જો શુણી આદેસ, ભુપ પધાર્યા પંઢજે દેસ.

દોહરા

રાજ્યે કે વોરાયને, હરી આયા જરા ભુવન. જરા જેજ કુમારકે, સોપ્યાં સીંહાશન.
ત્યાંથી ઈ પાછા ફરી, આયા ઈંદ્રપ્રસ્ત ભુપ, ભેરા ભીમ અર્જુનને, જગપતી જાઘવ રૂપ.
આનંદ ઉપનું નગરીમે, શુણી જરા મરાણ, પાંડવ તાં હર્ષિત થેયા, નમેયા કૃષ્ણ ચરણ.
યજ્ઞન નકી પુરો થીંધો, ને હરખાણા નરનાર. દીગ વીજ્ય કરે આવેયા, સારો દેશ કરતાર
હી કથા પુરી થયી, લખ્યી મતી અનુસાર. ઉપનયી આતંમ મંજા, તનાય કેયો વસતાર.
અકળીત લીલા ઈશજી, ઈ કી નં પુજાજે પાર. થકા વેદ વિચારીંધો, ત નારદ સારદ બાર.
જોગી મુની જત પુજી, ઉત ઉ કેયા હથજોળ, જાડેજા જગમે વદો, જે જે જે રણછોળ.

ઈતિ અધ્યાય ૭૩

હે રાજન ઉ રાજા પંઢજે દેસમે વર્ની ભગવાનજી આજ્ઞા પ્રમાણ રાજ્ય ક્યાં હદા ભગવાન
ભેરા બોય ભા અચી ધરમરાજકે વંદન કેયા સજી વારતા જરાસંઘજી શુણીને ધર્મરાય પરવસ થઈ
વનેતા ઉમંગજા આસુ આયાને કી કુછી રાગેનતા.

અધ્યાય ૭૪ : રાજસુ જગનમેં શીસુપાલજો વધ

દોહરો

રાજવી ઈ છોળાયને, મુગત કેયાં મહારાજ, આયા ઈંદ્ર પ્રસ્તમે, ભીમ ને અરજુન સાથ
સાંલવ કે પણ મારાયા, ઈ પણ ભીમ જે હથ, કરીં તૈયારી યજ્ઞજી, પાંડવ થઈ હકળી મત.
રાજ સભામે હલી હરી, વઠા ભુપ ભુપાળ. રાજા આયા મુલકજાં, અશુર શીસુપાળ.
સંનમાને આસન દનાં, ઈ રજવાળે જી રીત, કથા કથી શુકદેવજી, અજ પાંડવ જગ અજંત.

ચોપાઈ

ધરમરાય અજ રાજ સભામે, અચી બીરાજ્યા સીગાશણતે
અંન સભામે શ્રીકૃષ્ણ પધાર્યા, દશીને રાજા આનંધ પામ્યા
મળે મલીને સનમાન કરીતાં, દંડવત પયીને આસન દીતા
પુજન કરે નેં પાટ વેરાયા, ચરણકમલ મેં શીસ નમાયા.

ધરમ રાજા જી રાજ સભામે ભગવાન શ્રીકૃષ્ણ અજ પધાર્યા ઈ દશી યુધીષ્ઠીર ઉભા થઈ સામે
હલી વંદન કરીતા આસન વેરાય પુજા ક્યાં પાંડવ અને સજી સભા નંમન કરેતી. કૃષ્ણ પ્રતી
યુધીષ્ઠીર પ્રશ્ન કરીતા હે ભગવાન ત્રીલોકા નાથ. બ્રંમા ઈંદ્ર લોકપાલ રૂપી મુનીઓ ઈ આજી આજ્ઞા
ગનેલા તલસેતા ને આજી આજ્ઞા જો અમલ કરીતા તદે અશી પાંદવ તા સાધારણ માનવ જાત દંદ કે
પાત્ર અયું છતા અસાજી આચી ખબર ગનોતાં અસાતે પુરી આજી કડ્ડણા દ્રસ્ટી અય હે પુરણ
પુરસોત જગ નીયંતા છતા માનવ લીલા કરેયોતા જી સુરજ જે પ્રકાસમે ઘટવધ નથી થીયેતી આજે
તેજમે નતી થીયે કારણ આચી સમતી વીજાતી ભેદ રહિત પરીબ્રમ જ અયો.

ચોપાઈ

આંધી અનંતા અયો અવીનાસી, ભગત વન્સલ શ્રી સુંખરાસી
 અરજ અસાજી ઉર ધરીજા, ઈછા અસાંજી પુરણ કરીજા.
 અજ તર્થી અંકિ નં ઓળખ્યા હરી, બોલાયા તે ભાવર કરી
 છતા અંકિ નંવાં પન થયી આવથી, વગર કોઠાયા આયા આર્યો

દોહરા

સુણી વાણી હરી ધરમજી, મોહન મન મુસકાન, સુભારંભ પાંડવ કર્યો, આદેસ કેયા ભગવાન.
 વાણી સુણી શ્રીકૃષ્ણજી પાંડવ થયા તૈયાર, લખણ કંકોતરી પત્રીકા યજ્ઞનજી કોઠયા સુમંત સાર

ચોપાઈ

ધરમ રાજા વીપ્ર કોઠાયા, પત્રીકા ઉ પુરી લખાયા
 રૂપી મુનીને ભુપત ભારી, કોઠાયા ઈ વર્ણ ચારી.

સારે ભારતજા મુની પધારીધા

વેદ વ્યાસને શ્રીદ્વીપાયન, ભારદ્વાજને ગૌતમ સુંમન
 વિસ્વામીત્રને વાંમ ક્રતુ, શુક્રાચાર્યને સુંમત ત્રતુ.
 અશીત અંકિત વરણ અથર્વા, કણ્વ કસ્યપ ક્વણે તેવા
 પરશુરામને જય મુની ધ્યાની, પારાસર વેસ્યપાયન જ્ઞાંની
 વસિષ્ઠ અંન મૈત્રી માન, ગર્ગાચાર્ય ધૌમ્ય સુજ્ઞનં
 વીતી હોત્રને વીરશેન સ્વામી, અંગણ આયા નામી અનામી.

શુક ઉવાચ હે પરીક્ષિત શ્રીકૃષ્ણજી આજ્ઞા ગર્ની યુધીષ્ઠિર યજ્ઞ્યજી તૈયારી કરાઈતાં પત્રીકા ઉ
 લખી રૂપી મુની ભ્રામણ મણીકે કોઠાયા સારે સંભારે મણીજા સનમાન કરેને ઉતારેજી વ્યવસ્થા કેયા
 ને સજેદે રાજા રાજા કોઠાયા મણીકે તંભુ દયી સનમાન્યા ને યજ્ઞ્ય મંદપ જભરો બંધાયા

ચોપાઈ

કોરવ કુળ જા જતરા રાજા, પેલા કોઠાયા નાં નાં નાં જા
 ભીસ્મ પીતાને રાજા અંધ, કૃપાચાર્ય ને પુરા સંબંધ
 દુર્યોધન દુશાશંન ભેરા, આયા યજ્ઞ્ય મે ભુપ સવેરા
 માનવ મેરામણ જત ઉલટયો, ધરીયા પુરો ઉતકર છલકેયો.

દોહરા

ધરમ રાજા ઉમંગશે, મંદપ કરાયા તૈયાર, પુજન પ્રથવી દેવીજા, સુભ મહુર્ત જન વાર.

ચોપાઈ

સારે સોનેજા હરઈ મંગાયાં, ધોરા ધોરી પંઢ જોળાયા
 વેદ પાઠી વધી પુજન કરીતા, સુભ લગન ઈ મહુર્ત કરીતા.
 વેદ વીદીત ઈ વેદી ભનાંયા, પાતર ઈ સોનેજા કરાયા.
 કુશળ કારીગરે મંદપ સજેયા, હીરે મોતી મંદપ બઘેયા.
 ઈંદ્ર દેવ દીગપાળ અચેતા, લોકપાળ પણ ભેરા વીધેતા.

બ્રમ લોકસે બ્રમાંજ આયાં, ગણ ભેરા ઈ શંકર પધાર્યા
 ગંધર્વ કીનર ચારણ જાત, યજ્ઞ રાક્ષસ આવયી નાત
 નાગ લોક વીઘાધર ધીર, પક્ષીરાજ જ નાત સથાર.
 મલી મંદપ મે ભેરા વિએતાં, શ્રીકૃષ્ણજા દરશન કરીતા.
 દયી આસન ને કેયાં સંનમાન, ધરમરાજા ને ભગવાન

શુકદેવજી ઉવાચ

હે પરીક્ષિત અજ ધરમ રાજા યજ્ઞન મંદપમે અચીને વીએતા સોનજો હર મંગાય ધોરા ધોરી
 જોળે વેદ મંત્રે સે ધરાજો પુજન કરાયાં અને ઉત બ્રમાંજ ભેરા શંકર ગણ દેવ મળે ગંધર્વ કીનર
 અચેતા ઉનીકે સનમાન આસન દીતા ને યજ્ઞની તૈયારી થઈ રયી અય. અને મળે પંઢ પંઢ જે
 આસન સોભાઈતાં

દોહરા

વિષ વેદ ઉચારીતાં, ને વયી વેદી ચોપાસ મંત્ર ઉચારણ જ જતે, પસરે પટ સુવાસ.
 અંન મંદપજી વય વઠા અજ અવીનાસી દેવ શુર પતી શુર ભેરા વઠા, જગ જાણે નં ઈ ભેવ
 તેંત્રીસ કોટી દેવતા, હલી વઠા હંન માગ દરશન કરીયે કૃષ્ણજા, દશી યજ્ઞ સું ભાગ.
 નાદ નગારા તાં વઝે, પળધંમ પટજે પુર જેજે કારી ઘંન ગજે, કુલ વર સાંધી સુર.
 યસ ચારણ ઈ ગાર્થીતાં ગંધર્વ કીનર ગાંન જન ગણ મન હરખાઈતા, દશી કૃષ્ણ ભગવાન.

જદે યજ્ઞનજી તૈયારી થઈ વયી તંન વખત રાજા યુધીષ્ઠિર મુખ્ય યજ્ઞમાન થઈ ઉત અચીને
 મળે ન્યાર કરે બીરાજ્યા તદે મુખ્ય આચાર્ય પ્રશ્ન પુછેતા ક પેલી પુજા કેંજી કરીધાસી તેકે બોલાયો
 તદે ઈ પ્રશ્ન ધર્મરાજા સભામે જાહેર કરીતા.

ચોપાઈ

ધરમ રાજા જાહેર કરીતાં, સજી સભામે વાણી વદીતા
 પેલા કરીયો કેજા પુંજન, કેકે દીધાસી અગ્ર સ્થાન.
 ધરમ રાજાજી શુણીને વાણી, ભુપ નં બોલ્યા કો પાણ શાણી
 હકળા હકળેકે સામે ન્યારી, જાહેર થઈ નં કોપ અખાણી
 નકી નાલો કો નં જાહેર કરીતાં, ભુપ મુક ભંની સામે નેરીતાં
 સજી સભામે સાન્તી છવાણી, દશી સહદેવ બોલે વાણી.
 ઉથી ઉભા થ્યા પાંદુકુમાર, કૃષ્ણ કે કયાં ઈ નમસ્કાર.
 વીન્ય વિવેક સે વાણી વદીતાં, પંઢજા વિચાર જાહેર કરીતા.

ધરમ રાજા જે પ્રશ્ન જો જવાબ કોપ રાજા દીયે નતા મળે હકળે બેકે સામે નેરીતા ઉત નપટ
 સાન્તી છાયી વયી તદે તેકે દશી પાંદુકુમાર ઉભા થઈને બોલેયા

ચોપાઈ

હે રાજન આં માણીકે ખબર અય, પુજે લાયક કેર પ્રથમ અય
 તદે ચુપ થઈ ને વયીરેયા કી, ભય દશજેતો આંમે
 ભકત વત્સલ અયાં ભગવાન, પુંજન કરેયો દયીને માન

જલ થલ વ્યાપક સર્વત્ર ઈ, દેશ કાળ જગ અવતરે ઈ
 અગ્ની વાયુ મંત્ર ને તંત્ર, જ્ઞાન કર્મ માયા વરતંત.
 ભેદા ભેદ જેકે બંધન નાયં, વીસ્વરૂપ અરૂપ દસાય
 આદી અનંતા અજર અમર ઈ, ખટ વીકાર નં માયા પર ઈ
 સંકલ્પ શે હી શ્રસ્ઠી રચાયા, સજો આલંક હી લથે ભનાંય
 જીવ ચરાચર જગમે જતરા, આંતમ અંશ ઉપાયા અતરા
 ચાર પદારથ જગ ચોવાયં, તેમે પણકી બંધન નાય.

પેલી પુજા શ્રીકૃષ્ણજી કરેયો, આજ્ઞા અનજી શરતે ધરેયો
 જેજી પુજા સે સુખ પણ થીધો, યજ્ઞન પુરણ મંગળ થીધો

શ્રીસહદેવજી વાણી શુણીને વઠેલા મળે રાજા ઉભા થઈ વનેતા શ્રીકૃષ્ણ જે બોલાઈતાં ને
 વાણીકે મળે વધાઈતાં

દોહરા

રાજી થયા ઈ રાજવી શુણી સહદેવ વિચાર પેલી પુજા શ્રીકૃષ્ણજી હાણે વાર ન કર્યો લગાર.
 સજે સભા મંદપમે વઠેલા રાજાએજી સહમતી મલઈ અતરે યુધિષ્ઠિર પણ શ્રીકૃષ્ણજી પુજા
 કરેલા તૈયાર થીએતા

ચોપાઈ

રાજા ધરમ થેયા તૈયાર થઈને, આયા સાધન પુરા ખણીને
 શ્રીકૃષ્ણ જા ચરણ પખાર્યા, ગંગોદકશે નીજ કર ધાર્યો.
 પટરાણી પણ ભેરા અચેતા, યોગેશ્વર કે નમન કરીતા
 પાંડવ ભેરા આયા મલીને, પુજન કેયાં ચરણે નમીને
 સભા સજી ભેરા નરનારા, નારા લગાયા જેજેકારી.
 પટ પીતામ્બર ભેટુ દીયેતા, હીરા મોતી અઢળક દીતા
 ભુદેવ મલી વેદ ભણાયા, સાન્તી જા ઈ પાઠ ભણાયા
 યજ્ઞ જી પુરણાર્તા થીએતી, જે જે કારી સે ધરા ગજેતી.

દોહરો

યજ્ઞ ઈ પુરણ થેયો, સાન્તીને સુખરૂપ તત પુગો ઉનં માગતે, શીસુ પાળ ઈ ભુપ.
 અચી ઉછરેતો મંદપમે, ભની કર જગ કાળ અજતાં હી અનર્થ થેયો, અચી દને અત તાળ.
 હે પરીક્ષિત સહદેવજી વાણીકે મળે વધાયા અતરે યુધીષ્ઠીર શ્રીકૃષ્ણજી યજ્ઞમે પેલી
 પુજા કેયા ને ભેટ સોગાદુ દયી મળીકે નવાળ્યાં યજ્ઞ સાન્તીસે પુરો થેયો જેજેકારી થઈ ગગંન
 નારા લગાયા ઈ દશીને શીસુપાળ ઉભો થીએ તો ને શ્રીકૃષ્ણજી પુજા ભેરા વખાણ રાણી કોપ કરેને
 ઈ ધધકેતો.

હે બળ કરે શીસુપાળ અચેતો, સજી સભામે ઈ ધધકેતો.
 હીતાં થેયો અજ અનર્થ આય, દશો સામેતો સાવ દસાય.

સુણો સભામે વઠલ ભુપાળ, વદો ભનાયાં નઢળો બાળ.
 કીંતા આંમે અકલ જ નાંયં, બુધી મરી વયી મુકે દસાય.
 છોકરવાદ જી સુણીને ગાલ, આયા ભનાંયા જગજો પાલ
 વગર વિચારે ભુલ કયાં ભારી, વધ વઠા નં નેરયા વિચારી
 જ્ઞાની ધ્યાની પંદિત પુરા, વઠા સભામે વૃધને શુરા
 તેકે છટેને પુજ્યા ગોવાળ, પાતર નાંય ઈ કશંજો કાળ

ફરી શીસુપાલ ઉખળેતો. રાગ : જ્ઞત્રીકલંક

ઈતા બર કરી બોલે શીસુપાળ, અનરથ અજ કેયાં રે
 આંજી મતી મરી વયી ભુપાળ, અનેય
 જેજી નાંય કીં જાત મરજાત, નાય જાત અનજીં નાત.
 લોક મર્યાદા જો કં ભંગ, જેજો ગોપ ગોવારેંજો સંગ. અ...
 જેકે આય યયાતીજો શ્રાપ, નાય રાજ લાયક ઈ પાત્ર. અ...
 વેદ ધરમથી અય ઈ વીમુખ, વની વનમે ચારે ગાયુ ખુબ. અ...
 છટે મથુરા જો રાજપાઠ, અ. લકો સાઘરમે થઈ માઠ. અ...
 અય ચોર બીકાણ જેજી છાપ, અ. તેકે વદો ભનાયાં ભુલી થાપ.
 નાય પુજણ લાયક ઈ ચોર, અ. વગર વિચારે મારે દનાં મોર.
 કઢે છટેયો સભાથી બાર, અ. જેજો નાયં વઠેજો અધીકાર.

અનર્થ અજ કેયારે...

હે પરીક્ષિત શીસુપાળ સભામે ગમેતી બોલી કૃષ્ણજો અપમાન કેણ લગો સજી સભામે
 આધાર છવાયી વયી જદે સતી મર્યાદા છટે ને બોલેતો તદે અમુક જાણા ઉભા થઈ અનંકે ચેતા.

દોહરા

સબધ શુણી શીસુપાળજા, ઉભા થેયા મળે ભુપ, મોં ભંધ કરતું રાજવી, તુ કોલા છણેતો કુપ.
 કો ઉવાંથી ઉથીને ભગા, કોય વઠા ચયી ચુપ, યાદવ વીખણી કુળજા, ઉપળી પેયા કે ભુપ.
 ખણી બધારીયુ બર કરે, ને વછટા યાદવ કુમાર, ઉપળ્યા ઈ શીસુપાળતે, ભની કરે વક્રાર.

ચોપાઈ

સજી સભામે શુનંકાર થયી વયી, દશી દાખલો ગળી પલ્ટી વયી
 યુધ જા જત થેયા મંઢાણ, રખે યજ્ઞન મે થીએ મોકાણ
 શીસુપાળ ઈ સામે પછટેતો, ખણી બધારી સામે અચેતો
 હી પાણ હત વા તૈયાર, ઉપળેયા સામે કરે પળકાર.

યજ્ઞન મે વઠલ ભુપ શીસુપાળકે કુછ જો ભંધ કરે જે રયાં તત સામે ઉછરતો તેકે દશી
 કેકરાજાતા ભજી છુટ કે માઠ કરે વચીરેયા. પાંડવેજા કુમાર શીસુપાળ સભામે કૃષ્ણજો અપમાન
 શુણી અનંકે મારણ વછટા તત હી પાણ સામે હથીયાર ખણી અચેતો તેકે દશી કૃષ્ણ ઉભા થેયા.

ચોપાઈ

સામે દશી ઈ કૃષ્ણ નજરસે, ખયા ચકર ઈ પંઢજે લથસે
 માણી ભુપે કે માંગ વેરાયા, પંઢજો ચકર લથ ચળાયા.
 છદેયા ચકર કે છુટો સરકાર, ગોર ગુમાયને કેયા ઈ વાર
 શીસુપાલજો મથો ઉદાયા, વીપ્ર વરદાન પુરો સંભાયા.

દોહરો

અશુર છાણ્યો અવનીતે, અભમે જેજેકાર મુની શ્રાપ પુરો થેયો, ત્રે ભવમે કરતાર.
 અશુર કે મુગતી દનો, અલગારી અખીલેશ. વચનં પાલ પાછા નંપે, સચીદાનંધ સર્વેસ.
 શીસુપાળ જદે સાવ મર્યાદા છદેવ્યો ઈ દશી શ્રીકૃષ્ણ અનજો શીર ચકરશે ઉદાયાને શ્રાપ પુરો કેયાં

ચોપાઈ

રાજસુ યજ્ઞ મેઘકે પુરા કરાયા, વીપ્રે કે પુરા દાન ઠેરાયા.
 જેમ જગમે થેયા વખાણ, દેવદશીને દનાં પ્રમાણ.
 છ છ મેણા હરી રયા નગરી, પુવા પધાર્યા પંઢજી નગરી
 અજય ભનાયા અવની મથે, પાંડવ કુળ ઈ કથનીં કઠે.

દોહરા

યજ્ઞન પુરો કરાયને, દેવ વેયાં પંઢ ધાંમ કૃષ્ણ આયા દ્વારકા, અત યાઘવ કેયા સંનમાન.
 અજ હી કથા પુરી થયી, શીસુપાળ ઉધાર. મહા યજ્ઞનજી વારતા, જગ જાડેજા સરધાર.

ઈતિ અધ્યાય ૭૪

અધ્યાય ૭૫ : યજ્ઞપુરાણ, દુર્યોધનજે અપમાન.

દોહરા

પુરાણ બ્રમજી હી કથા, પંને પુરાણે પ્રસિધ. વાચે વિચારે માડુકો અભણ વસે નવનીત

દોહરો

ભટ ભ્રામણને વૃધવધ, દાસ દાસી કલાકાર સંત ભક્તને સેવકગણ, દનાં ભેંટ આવકાર.

ચોપાઈ

રાજસુ યજ્ઞનં પુરો કરેને, રાજા આયા તૈયાર થઈને
 ગંગાજી મેં કરેલા સ્નાન, સમજાયા સારે ભગવાન.
 ગજ ઘોળાને રથ ઈ જોળાયા, સજો સંગ તૈયાર કરીયાં
 હલકીલવ્યા નગરનું બાર, જેજી સોભા જો નાયં પાર.
 ઈંદ્રપસ્ત જ ઈંદરજી નગરી, અભતે ઉતરયી પટતે પુરી.
 દેવ દશીને ભુલા ધીધાર, અચીને અભમે કરી વિહાર.
 ગલી ગલી તોરણં બંધાયા, સાવ સુગંધી કુલ પથરાયા.
 હાર તોરે જા કયાં સાણગાર, હાંઢી ઝુંમર રખેયા બાર.

દોહરો

હે રાજન અ ઈંદ્રપસ્ત, હલક હલક ઈ ગાંમ જનગણ ઈ ઉપડી પેયાં, ભેરા કેલા સ્નાન.
 યજ્ઞનજી પુણીહુતી કરે છેલે ધરમરાજ ગંગાજીમે સ્નાન કરેલા તૈયાર થયા સજો રસાલો સંગા
 સંબંધી દેશેજી રાજને નગરવાસી મળીકે ગંગાજી જો સ્નાન કરેલા ધરમ આદેસ દંના ને હજાડ રથ
 હાથી ઘોળા ગદાજોડે ધજા પતાકા નાદ નગારા રાસ મંદવીયું દાસદાસીયુ મણીકે ભેરાકોઠે સંગ ઈંદ્ર
 પ્રસ્તથી રવાનો થયો જેજો વણનિ સુખદેવજી કરે સમજાઈતા.

રાગ

પ્રગઠયા પુરણ પરમાંત મારેલો

કે રથ જોવ્યા સો સત ભેરા સાથમેં રે લોલ કે હલ્યા ગંગાજી જે સંગ ગાટજો.

રથજોળાયા...

કે રાજા ધરમજી કામનાં પુરી થઈરિ લોલ

કે સોને રૂપે મળેલ રથ સોભંતારે લોલ

ગજ રાજેજી ઝાંદ સાણગારીયોરે લોલ.

તખા તોરીતા ધન ગને તુખાર જોરે લોલ

ગાંમ વાસીએ ગાદલા જોળેયાં રે લોલ

કે સંગ આયો ઈ ગાંમજે પધરમેં રે લોલ

કે ધરમ રાજા પીતાંમ્બર પેરેયારે લોલ.

કે રાજા ધરમ જે રથકે હંકારેયા રે લોલ

કેકેકય કુરુકુંબોજ કોશલ દેશજોરે લોલ

કે નાદ નોબત નગારા ધુંમ ગુણગુણોરે લોલ

કે દેવ હુંદુભી નભ મે ગજાઈ તારે લોલ

કે સોભે ધરમને કૃષ્ણ બોય સાથમેરે લોલ

કે દશી દેવને કુલ વરસાઈ તારે લોલ

કે રાસ મંઢળ ઈ રંગત જમાઈતારે લોલ

કે ત્રતીકાર્ડતાં તાલ મથે થંનગંનરે લોલ

કે ઉદે અભમે ગુલાલ કુલ ફણસજોરે લોલ

વન વગળે મે વસંધંલ બોગજોરે લોલ

કે ગંગા કીનારે સંગ સારો આપેયો રે લોલ

કે વેદ વાણીતાં વીપ્ર ઉચારીતાં રે લોલ

કે રાજા ધરમને દ્રોપદી સાથમેરે લોલ.

પુરણ સંકલ્પ કરાય કેયા વંદનારે લોલ

યાત્રા પુરી કરે ને પાછા આવ્યારે લોલ

ગંગાજી મે ધરમ રાજા સજો રસાલે સે સ્નાન કરે ઉત જભર દાન દયી પાછા ઈંદ્રપ્રસ્ત અચેતા

જગ વરતાણા જે જે કાર જો. રથ...

જેમેં જોળ્યા તખાઈ તુરંગ જો. રથ...

ઓપે અંબાળી પીઠ પર રમ્યં જો. રથ.

પીઠ સોભે ઈ વંકળા સ્વારજો. રથ...

ઘીંગા ધોરી જોળંયા ઈ સ્વેતજો. રથ...

હલક હલકી નં મેઘનીં સમાય જો. રથ.

ગલે સોભેતા વૈજંતી માલજો. રથ...

પાછળ ભાવર ભાયાતને ભુપાળજો.

યદુ વૃષણાં શ્રીજય જા ભુપાળ જો. રથ

ભીરી સુણાઈજી સરગંમ સુરજો. રથ...

જેજી પળધા છણો પટ પાર જો. રથ...

સોભે ધરા ધરમ જા બોય થંભજો. રથ

જેજો વણનિ વાણીથી અય બારજો. રથ

લઈ કીરતાલ હરી ગુણ ગાવજો. રથ...

નચે નઢળા જુવાનં ગુલતાંન જો. રથ..

ભેરી સોભા સુંગંધજી સોવાસ જો. રથ.

દશી સામ્યાં મન મલકાય જો. રથ...

ધર્મરાજા કરીતાં ઈ સ્નાન જો. રથ...

ભાગ ભગીરથી જા ગુણગાય જો. રથ.

પુરા સંકલ્પ વારાય ઈ સાથજો. રથ...

દંનાં વીપ્ર કે અઢળક દાન જો. રથ...

ઉત વરત્યો જેજે કારજો. રથ...

હદા મય દાનવ રાજસભા સણગારે મે ઈ કમાલ કેયા વા કમંજ ભલભલા પણ ભુલી વનેં અન સંભાખંડકે નેરેલા દુર્યોધન પંઢજ ભા ભીરૂ ખણીને અચેતો.

દોહરો

પાંડવેજી દશી સાયભી રાજી જગ જસ છાય, દુર્યોધન ઈ તાં દશી, લગી ધલમે ઈ લાય.
મય દાનવ પંઢજી કલા અંન સભામે સજાય, દુર્યોધન પણ વ્યો ભુલી ઈ પંઢજી પત વઝાયં
દુર્યોધન હકળે મે આયો તત દઠે હ મંજ પાણી ભરલ થોળો અય અતરે પંઢજી કપળા ઉચા
કરેને પગરખે તત સુકો ટાટકાંચવો ઈ દશી નીચુન્યારે ન અગીઆ બ ખંઢમે આયો તત અનકે અત
લાધી પટ દશાણુ

સભાખંઢ મે દુર્યોધન અચેતો, સોભા ન્યારે ભુલો જ પેતો
નીલંમ કાંચ બીલોરી રંગજા, ભેરા થંભ ફટીક મણીજા.
જેજી સોભા ન્યારી અય, જળ ઠેકાળે થલ જ દસાય.
અંન પંઢમે જદે અચેતો, પાણી સંમજી પાંઉ વરેતો.
બે ખંઢ મે ઈ ધારે ધરતી, હલ્યો અગીઆ નેરે નજરથી.
ઉંન પંઢમે વો હોજ ભરેલો, નીલમં રંગ પુરો છલકેતો
ઈશાણુ ઈ અગીઆ હલેતો, ભરલ હોજમે છણીજ પેતો
દશી સભાસદ ધોળી આયા, કોક દશીને તાળી વઝાયાં
ભીમંશેન ઈ વટ અચેતો, મનમે મુરકી સામે નેરેતો.
રાજ રાણીયુ મુશ્કે મનમે, મોં લકાય નેરી પંઢ પંઢમે.
દશી ધરમ ઈશારત કેયાં, તદે મળે ઈ ભંધ જ થેયા.
દશી દુર્યોધન મંજ ઉછરે, વઢયો ત લુઈ મુરનં નકરે.

દુર્યોધન જમીન સમજી પગ રખે ને હોજ મે છણી પેયો ઈ દશી મળે ખલણ લગા કેકં
તાળીયુ વઝાયા રાણીયુ શન શન ખલી પંઢમે ઈશારા કયા ઈ દશીને ધરમ રાજા તા મણીકે
ચપ કરાયાને દુર્યોધન તાં એળો સરમાણુ ક પંઢજે લીલે લુગળે ભજી છુટોને ધર વશીને
રાત-દી ઈજ વિચારેતો ક અંન જો ભઘલો જરૂર ગંનધો સે.

દોહરો

સરમાણુ દશી ભુપ ઈ ને સામું કે નં ઈ સ્વાલ, ભનલ લુગળે પાંઉ વયો દશી પંઢજા ઈ હાલ
આયો હસ્તીનાં પુરમે સુંમે નતો અત ઈ, કીં વેરે વધારે રાતદી, પાંડવ જોરણ ઈ

દોહરો

શુક ચેંતા પરીક્ષિત કે, તંન દી થી ઈ રાજન વેર વધારે રાતદી, જેતે રૂઠા અચી ભગવન.
ઈંદ્રપ્રસ્ત જે ભુવનમે ભુલો પેયો ઈ ભુપાળ, ઈ કલા પણ કૃષ્ણજી જેતે ઓદો આયો કાળ.
હે રાજન હી જગપતી, કેલા જગ ઉધાર હકળા હકળો સોધને, કરે અશુર સંહાર.
હી કથા પુરી કેયાં, રાજા કેયાં હયજોળ જાડેજા તું ભજવલા, જે જે જે રણછોડ.

ઈતિ અધ્યાય ૭૫

અધ્યાય ૭૬ : યાદવ-સાલ્વ જુધ

દોહરા

હે રાજન અજ હી કથા, વાર્ણન નાય વસતાર યાદવ સાલવ યુધ કેયા, જેજો મુર અય સાર.

ચોપાઈ

કુંદલ પુરજી રાજધાર્નીમિ, કૃષ્ણ પધાર્યા વા સ્વયંવરમે
રુકમાણીજી જો હરણ કરે આયા, ભુપ મણીકિ સામે હરાયા
સાલવ તંન દી જાહેર કરેતો, યુધ મેધાનમે ઈ ઉછરેતો
જગમે મધવ જીરો નં છદીયા, મુંજી પ્રતીજ્ઞા પુરી કરીયાં
સાલવ ત્યાંથી ઘરઈ અચેતો, શીવજી જો ઈ તપ કરેતો
અગોર જંગલમે આસન જમાય, ભોળે નાથ જો ધ્યાન લગાય
અંન પાણીજો ત્યાગ કરેતો, વેર વારણ નકી કરેતો.
હકળી મુઠ ઈ ભસ્મ આરોગ, નંધર છટે ને સજી રાત જાગે.
ચાર મોણા તપ ઈ તપાય, નમરી કાયા છટે સુકાય
જેજે તપસે ધરા તપી વધી, શંકર જી પણ ધુણી ધુબી વધી.
શ્રી શીવજી અચીને દરશન દીતાં, વરદચીને જાગ્રત કરીતા
દશી સાલવ વરદાન મંગે તો, હથ જોળે ચરાણે પેતો.

સુખદેવ બોલ્યા હે રાજા ઉ સાલવ શીસુપાળજો મીત્ર વો નં ને રુકમાણીજે સ્વયંવરમે ભેરો
આયો વો કૃષ્ણ રુકમાણીજો હરણ કેયા ને મણીકિ હરાયા જરાસંધ યુધ મંજા ભગો તે તેર સાલવ
પ્રતીજ્ઞા જાહેરકે ક યાદવેજો વંશ કઢીધો સે ને રાજમે અચી શંકરજી તપસ્યા કરે વરદાન મંગી
અજય વીમાન ગુરી દ્વારા મથે ચળી અચેતોને યાદવ સામે થીએતા

દોહરા

વર મંગેતો અશુર ઈ, હે ભોળા ભગવંત અજય મુકે વીમાન દેયો, જેજી ગતી જોવે નં અંત
તોડી શગે નં અશુરકો, અદ્રસ્ય કતે નં દસાય આકાસ પાણી પટ મથે, પલમે ઉત પુજાય.

સાલવ તે શંકર પ્રસન્ન થઈ વરદાન સાલવ અજય વીમાન જી માગણીકિ ઈ વીમાન ધરાતે
આકાસમે પાણીમે પણ હલે અદ્રસ્ય થઈ વટે કે વટા પજીરે નં એળો વર મંગે શંકર વરદાન દઈને ઈ
વીમાન વીસ્વકર્મા વટા ભનાય દનાં ઈ વીમાન ખણી સાલવ દ્વારીકા મથે યુધ કેલા અચેતો

દોહરા

પશુપતી પ્રસન્ન થઈ, દયી દંનાં વરદાન સાલવ વ્યો પંઢજે નગર, શીવ પધાર્યા ધામ.

ચોપાઈ

વિસ્વકર્મા ઈ વેમાન ભનાય, મંત્ર તંત્ર સે સજો સજાય
ઈ વિમાન કર જભરી નગરી, સોભક નાલે ઓપે નકરી.
છટે અવનીને પુજે અંધકાર, મન ગતીથી ચાલમ્બાર
ઈ વીમાન ખરી ઉપળેતો, દ્વારીકા મે અચી ધરેતો

સાલવ અચીને કે પળકાર, ગંઢ ગેરે ઈ ફરધો ચોપાર.
વન ઉપવન વેરાનં કરેતો, મેલ મારીતે મારો કરેતો
કોટ કમાનું ને કીલા ભેરા, અશુર ઘસેતો થઈને ભેરા.
અચી નગરી મે ત્રાસ મચાય, સજે શેર મે રાળ મચાય.

દ્વારીકા મથે સાલવ યુધ ખણી અચેતાં

અદ્રસ્ય થઈને અશુર અચેતો, વચી વીમાનમે મારો કરેતો
સજી નગરી રાળ મચાયં, કરે ગરજનાં ને ગાંમ ગજાય.
અભસે ઉલ્કા પાત છણેતા, રત પતજા જત ધોધ છણેતા
અગની જ્વાળાઉ જત તત દશજે, આંધી ઉતરઈ રજનભ ભરજે

સાલવકે દશી યાદવ તૈયાર થીએતા.

સાલવ શેનાં ત્રાસ મચાય, જત તત હાહકાર મચાયં
યાદવે કે ઈ ખબર મલેતા, સાજ સજે તૈયાર થીએતા.
સામે હલીને કેયાં પળકાર, પેરે બખતર ખણી હથીયાર.
નગરી નું ઈ બારી અચેતાં, સાલવ કે પળકાર કરીંતા

હે પરીક્ષિત સાલવ પંઢજી જભરી સેનાં ખણી દ્વારીકા મથે મારો કરેતો ઈ દશીને યાદવ સેનાં
તૈયાર થઈને ઈ નગર બારા અચી સાલવકે પળકાર કરીંતા હદા સાલવ પણ દ્વારીકાજા વન મેલાનુ
ચોભર ઘેરે મારો કરેતો તદે હદા ઈ દશી પ્રદ્યુમન તૈયાર થઈ યુધમે અચેતા.

સાલવ ઉપળ્યો રાળ કરેને, યાદવ સેનાં સામે દશીને
ઘોર જતે ધંમશાણ મંઢાણું, પ્રદ્યુમન કે સામે દશાણું.
રથ જોળે આયા રણ મેધાંન, સામે દઢા સાલવ સેતાંન
યાદવ સેનાં વટ કોઠાયા, સજો વ્યું સારે સમજાયા
વર્ની નગરી જો રક્ષણ કરીજા, મુજી ચીંધા જરા નં કરીજા
ઈ ચઈ પંઢજો ધનુષ ખણેતા, સો સત બાણ ભેરા છદીતા
વિમાન જો ઈ ઉદાયા છતર, શકિત સે સાલવકે ખબર.
સેનાં પતીકે મુર્છીત કેયાં, કૈકેજા ઉત ઘાત જ કેયા.
માયા અંનજી નાસ કરેને, ઉભ હેકલા કોપ કરેને
રવી પ્રકાસે અભ મેં જી, સોભે પ્રદ્યુમન રણમે તાં.

હે પરીક્ષિત જદે સાલવ દ્વારીકા ત્રાસ મચાય તદે પ્રદ્યુમન રથ જોળે નગર બારા અચેતા
યાદવ મણીકે પાછા દ્વારીકામે નગર જો રક્ષણ કેલા હલાયા. પંઢ હેકલા યુધમે અચી સો બાણ
ભેરા છોળે સાલવ સેનાકે મુર્છીત કેયા અન વીમાનજો છતર ઉદાય સેનાપતીકે પછાળે ને યુધજી
વચમે હેકલા ઉભા તદે ઈ સજ જણા સોભેતા.

દોહરા

સાલવ સામે ઈ દશી, થઈવ્યો થોળો હતાસ કોપ કરે ઉપળ્યો ઉત, ઈ છદે કરે અવકાસ.

વધી વીમાન આયો ઉદા, જત ઉભા કૃષ્ણ કુમાર. ધરા ધારઈ ધંધક્યો, અચી સામે કે પળકાર.

રાગ

અશુર માયાવી કરેને કોપ, વ્યો ગગન મે થઈ ઈ અલોપ
ફરી ફરી પંઢજા રૂપ ભઘલાય, જભર જોરાણા રૂપ વતાયં
મા સાગર મે ઈ સામે દશજેતો, ધાર ડુંગરજી ખણી વ છટેતો
અંગન ગોળા ઈ ઉદાય આકાસ, પટતે તેજ થી પ્રકાસ.
યાદવ સેનાકે અશુર સતાય, નેરી હત હત કત નં દસાય
કૃષ્ણ કુમાર ઈ ગત વ્યા જાણી, સો સત બાણ છટેયા તાણી.
સાલવકે ઈ મૂઠિત કરીતાં, વેમાન કે પણ પટ ધસીતાં
સજી સેનાં કે સાર્વ સુમાર્યા, યાદવ મલીને દંકા વંઝાયા.

હે રાજન હી માયાવી અશુર એળી માયા રચાયકે કત અય ઈ ખબર નતીપે અતરા રૂપ ગંનેતો
જરાકમે ધરીયા મે જરાકવારમે આકાસ મે ને મથાથી અઝીજી વરી વરી જોરધાર પાણી લુઈ આંધી
ઉતારેતો ઈ દશીને યાદવ સેના મુજી પેતા ક કત અનકે લજણુ ઈ દશીને પ્રદ્યુમન હજાડુ બાણ છટે
માયા હટાયા અનંજે વેમાન કે પટતે ફગાયા ને અનકે મુરછા મે ધસે વયા તંન ટાણે અનંજે
સેનાપતી ધુંમાન ઉત અચી સાલવકે ખણી વનેતો રણમંજાથી

દોહરા

સાલવજો સેનાપતી, ઉપળેયો ઉનંવાર, ગધા મારેતો જોરસે, મુઠિત કૃષ્ણ કુમાર.
સામે દશી શેનાપતી ધુંમાન, મુઠિત કુમારકે ખપે, સાવનં વચી કી ભાંન.
પ્રદ્યુમનં જો સારથી મુઠિત પ્રદ્યુમને યુધમેધાન મથાથી રથ મે વ્યારે ખણી વનેતો જદે
પ્રદ્યુમન જાગ્રત થીએતા તદે સારથીકે ચેતા ક હે સારથી તુ હી ભુલ કે મુકે રણ મેધાનથી બારા કી
ખણી આવે.

દોહરો

પ્રદ્યુમનજો સારથી, મુઠિત કૃષ્ણ કુમાર ઉપાળે ઈ યુધ મંજા, આયો ભુમી બાર.
પ્રદ્યુમન સારથીકે ચેતાં

સારથી તોજી ભુલ થઈ ભારી, જરા નં નેરે મનતું વિચારી.
રથ ખયેતું છટે મેધાંન, મુકે ખયેકી સમજી નં ભાંન.
કાપરતા જો કલંક જ ચળધો, યાદવ કુળકે લાઇન લગંધો
પાઉ વનીને મોં કી વતાયાં, પીતાજી કે કી સમજાયા.
તદે રથકે તું પાછો વાર, જરા નં કરતું મન વિચાર.
શુણી સબ્ધ રથ પાછોવારે, યુધ ભુંમીમે અચી ઉતારે.

સારથી પ્રદ્યુમનકે ચેતો

હે કુમાર આંઉ રથ ખણી આયો, સારથી ધર્મ પુરો વઝાયો
ભીળ પે તાતા પાઉ હટણું, મછે છણે પગ પાઉન ભરણુ

ક્ષાત્ર ધરમજી ઈ રીતજ અય, યુધ રચનાંજો વ્યું સમજાય.
અતરો ચયીને રથ જોળે ને, આયો સારથી રથ ખણીને.

દોહરા

રથ જોળેને સારથી, આયો યુંધ મેધાંન પ્રદ્યુમન સાવધ થઈ, ધનુંષ કેયા સંધાંન.
યાદવ સાલવ યુધજો, પુરો પટ પેગાંમ સુખ વતાયા સાર ઈ, પુવા પુગા ભગવાન.
અગીયા હલંધી હી કથા સાલવ વધજી ગાલ, દાસ જોડેજા જમ જપ ગોવિંદ લાલ ગોપાલ.

ઈતિ અધ્યાય ૭૬

અધ્યાય ૭૭ : સાલ્વજો વધ

દોહરા

યુધ મેધાન મે ફરી પુગા, રણધીર રાજ કુમાર, સેનાપતી સામે દશી, પંઢજ કેયાં પળકાર.
સાલવ જો સેનાપતી, આયો થયી તૈયાર, બોય બરુકા બાખ્યાં, કેયા યુધજો લલકાર.

ચોપાઈ

કેશવ નંદન નજર દશીને, સામે આયા રથ ખણીને
સત અઠ બાણ ભેરા છદેયા, છતર કે ઈ પેલા ધસેયા
સારથી ઘોળા નાસ કરીતા, રથ જોરે ભંગાર કરીતા.
સેનાંપતીજો મથો ઉદાયા, યાદવ સેના નારા લગાયા
સામ્બ સાતવિક સુબાઉ ભેરા, થઈને આયા જાઘવ ઘેરા
સાલવ સેનાં જો નાસ કરીતાં, અશુર રણમે ઈ જ છણેતા
તોમર તાસને તેજ તરાર, ગધા મુગદલ ભેરા હથીયાર
ભારી ભયંકર યુધ રચાણું, સાલવકે સામે ઈ દશાણુ.
ઉપળ્યો ઉવાંધી અંતરયાળ, સામે અચીને કે પળકાર.
દીં સતબાવી વ્યા ઈ નકરી, નતા નર્મીદી કોપણ કકરી.
સજ ઉલે પોવા કરી રેયાણ, દી ઉગધે ભેરા જ પ્રયાણ
મરે નતો ઈ માયાવી અશુર, નતો દશાજે કત અપકુર.
નર્ચી નર્ચી નત માયા રચાય, રણમે તો ઈ ત્રાસ મચાય.
જાઘવ વયી વિચાર કરીતાં, શ્રીકૃષ્ણકે યાઘ કરીતા.

શુકદેવજી કલે છે કે સાલવ સાથે લળતા યાદવો સતાવીસ દી સુધી લળ્યા છતા અંત ન આયો
સાલવ મરે નતો અતરે કૃષ્ણ કે યાઘ કરીતાં હદા ઈંદ્રપ્રસ્તમે યન પુરો કૃષ્ણ કરાયા શીશુપાલ મરી
વ્યો અતરે ભગવાન પાછા દ્વારીકા અચેજી તૈયારી કરીતા પાંડવે રાજા ગનીને નંકરેતા

દોહરા

ઈંદ્રપ્રસ્ત મે અજ હરી, મનશે કેયાં વિચાર યાઘ આવયી દ્વારીકા, વનંણ કેયાં નરધાર.
શ્રીકૃષ્ણ અજ સવારજો પાંડવેજી રજા ગની અંતપુરમે ફઈબા કુતાંજી કે મલીને ભગવાન

ઉવાથી રવાનાં થીએતાં ઈ કથા સુખદેવજી વર્ણન કરીતા.

ચોપાઈ

રજા ગંનીં હરી કેયાં તૈયારી, રથ જોળાયા ઈ તંન વારી
પાંડવ ભેરા થઈ વોરાયા, હાવ ભાવઈ પુરા વતાયાં
ધરમ રાજા મુખ વાણી વદીતાં, યજ્ઞનંજો જસ હરીકે દીતાં
મલી નયંન ભર મુખ વાણી, સબધ ઉચારનં અખીયે પાણી.
અમીંદ્રસ્ટી હરી હંત વરસાયા, રથ દ્વારકા દશમેં હલાયા
મારગ મે હરી કરી વિચાર, દ્વારીકા જી આવયી અણસાર.
શીસુપાળ જો મરણ દશીને, સાલવ ઉછરયો તે ઈ ઉથીને
દંત વક જોજોં મંતર આય, સાલવકે ઈ દીયાણ સાય.
બોય કરેલા વેર વસુલાત, નકી કંધા હુંધા ઉતપાત.
ઈ વિચારે હરી રથકે ભજાયાં, ઘોડા દ્વારીકામે આયા.

દોહરા

ઈંદ્રપ્રસ્ત વ્યા ઈ હરી, ઈ શુણી કરે સાલવ ચળી આયો દ્વારીકા, દશી થોળા જાધવ.
અજ ભગવાન ઈંદ્ર પ્રસ્તમે વડા અયી અતરે અનીકે અંગ સ્ફરી થીએતી અતરે વીચાર્યા ક
આંઉ ઘણે દી થ્યા અત થીયો અયને શીસુપાલકે મારે વધો ઈ દશીને સાલવ વેર ગનેજી ગાલકે તે ને
દંતવક અનંજા ભીતર અધ અતરે રખે બોય દ્વારીકા જોરેલીય પુગા હુધા અતરે પાંડવેજી રજા
ગની ઈ દ્વારીકા અચેતાં

ચોપાઈ

અજ નગરીમે હરી અચેતાં, સામે યુધ પેગાંમ દશેતા
વન ઉપવન દશજે વેરાંન, સજો શેર ભાસે સુંમસાંમ.
ઉતઈ હરી તૈયાર થીએતા, રથ જોળેને બાર અચેતા
દારુકજી રથ પુર હલાયા, યુધ મેધાંનમે અચી પુજાયા
દ્વારીકા જો રક્ષાણ કરેલાય, બલરામજીકે દનાં સમજાય
હરી હેકલા રણમે આયા, સાલવકે શકેત હલાયા.

દોહરા

ગરુડ ધવજ સામે દશી, સાલવ થેયો તૈયાર. અમોઘ શક્તિ ઈ છોદ, સામે કે પળકાર.
મેધાનમે ગરુડ ધવજ રથ દશી સાલવ શ્રીકૃષ્ણતે ઈ અમોઘ શક્તિ છોદેતો. ઈશક્તી જે ઉમસ સે
સજે આકાસ ભરાઈ વનેતો.

યુધવર્ણ રાગ. પરજ

હે વેગવાંન ઈ શક્તિ અચેતી, સજે અભમે કરજોત જલેતી
પ્રલ્ય કરેલા હંન આલંમજો, નેત્ર ખોલ્યા શંકર પંઢજો
સમજીવ્યા દશી ઈ અશુરારી, સાન્ગ ધનુષ ખયા પંઢવારી

અમોઘ જા હરી ટુકર કરીતા, ફગાય ધરીયામેં બુળીતા.
 સોરો બાણ સાલવ તે છટેયા, વીમાન સાતં પટતે ધસેયા
 વેમાન કે કેયા સાવ ભંગાર, નજર સામે કરે પળકાર.
 હે ફરી સાલવ ઈ ગદા ખણેતો, પટતે પછાળે રાળ કરેતો
 ધરા ધુબી વયી થેયો સળાકો, અભંર મે ઈ થયો ભળાકો

અમોઘ અને વિમાન બીજો નાસ દશી સાલવ કોપ કરીને પંઢજી ગદા ખણીને વંવ મજા પટતે
 પછાળે ઉન ધાસે ધરા ધુબી વયીને આકાસમે પળઘા પેયાને ઈ ગદાજો ઘા શ્રીકૃષ્ણજો કર લયતે
 કરેતો

હે ગદા ખણી લય હરીજે લયતે, ધનુસ છણી પેતો ઈ પટતે
 દશી દેવ મથે રાળુ કરીતાં, હીં કીં ભન્યો વિચાર કરીતા.
 હાહાકાર થેયો ઈ અવનીતે, સજો દાખલો નજર દશીને
 સાલવ ખલજી તાળ મયાય, કટુ વચનં ઈતો સુણાયા.

સાલવ ગદા અતરી જોરસે શ્રીકૃષ્ણજી લયતે મારે ક કૃષ્ણજો લય મજાંથી ધનુષ છણી પેતો ઈ
 દશી દેવ રાણુ કરીતા કીં હી કો ભન્યો ઈ ભેરા થઈ ન કૃષ્ણ સામે નેરીતા ને સાલવ કૃષ્ણકે સામે
 અચીનં ભાસેતી ભકેતો.

અરે મુરખ તું રાજસભામે, મારે શીસુપાળ લકીં કરેને
 રુકમાણી જો હરાણ કરે લાયં, ઉજ મંધરમે રઈવે છપાય.
 ભુપતીએ, જોતું કરે અપમાન, વરી ભનાવે તું ભગવાન.
 ઉ ભઘલો અજ આંઉ દનેલા, આયો અયાં તોજો વંશ કઢેલા

દોહરા

અતરો ચયી સાલવ અત, રચાય માયા જાર અદ્રસ્ય થઈ વ્યો ઉદી, છાય છટે અંધકાર.
 સાલવ જા હી કટુ વાણી શુણીને શ્રીભગવાન કોપ કરે ને સાલવકે ચેતાં હે મુરખ તું ભગવાદ
 છદીતાં તે મોત ફરેતો અતરે તૈયારથી અતરો ચયીને કૃષ્ણ ગદા ખણીને ઉભા થેયાં

ચોપાઈ

ભકવાદ તું કુલા કરાયેતો, નેયાર તોતે કાળ ફરેતો
 ગદા ખણી હરી સામે માર્યા, સાલવજી હી હાસંલી તોળ્યા.
 મોં મજા વછટી રત ધારા, પેયો પટતે ઈ કરે હુકારા
 ગદા હરીજી પાંચી અચેતી, સાલવ કે સાવ જોરે વજેતી.
 સાલવ પંઢજી માયા રચાય, આયો અત ઈ રૂપ ભઘલાય.
 અચી કરેનેં ઈ રૂંધ ન કરેતો, દ્વારકા જો પ્રસંગ ઈ ચેતો.

ભગવાન સાલવજી ગદાસે હાસલી જોરે વધા રતજી ધારા મો મંજા વછટઈ ને ઈ માયા રચાય
 તો હકળો દુત અચી શ્રીકૃષ્ણકે સંદેસો દેતો

દોહરો

દ્વારીકા અજ નંગરમેં, અનર્થ થયો હજુર બંધી કરે વસુદેવકે, ખરી વ્યો કોક અશુર.
 રૂંધન કંધા માં દેવકી, આયા મેલનું બાર જાણ કર વની દુત તું, કૃષ્ણ કે તતકાળ.
 દુતજી ગાલ શુણીને કૃષ્ણ વિચાર કરીયેતા ક દ્વારકાજો રક્ષણ બલરામ કરીયેતા તદે ઉનીકે
 દેવ દાનંવ પણ સગે ન તદે હી કી ભને જ ન. નકી સાલવજી રાંધ અય

ચોપાઈ

શુણી સબ્ધ શ્રીકૃષ્ણ વીચાર્યા, બલરામજી સાવ સંભાર્યા
 ચોકી કરીયે જત બલરામજી, ઉત અશુર નં વરકે કી
 દેવ દાનંવ જો કે જીતી સગે નં, ઉત ગાલ હી કદે ભને ન
 નકી સાલવજી રાંધ દસાંય, લકી કરેને તો મુંકે ભનાય.
 ફરી વધી વિચાર કરીતા, વસુદેવજી યાધ અચેતા
 પલ ગડી વધી ઈ નકરી, સાલવ મો મંદે બધી કકરી.

શુક ઉવાચ દોહરા

હે રાજન હી, જગપતી, જગજો તારણ હાર નોધ ગંને પલપલવધી, નાંય નજર સે બાર.
 ઈજ બ્રમ અજ અવનીતે, કરે દીયાણી કમાલ જાણી શગે જોગી મુની કદા અશુરજો સવાલ
 સુખદેવજી ચેતા હે રાજન હી ભ્રમ જગ તારણ જગરક્ષક અજ જગ અને ધરમ લા કરે
 અટપટી લીલા કરીયેતા કારણ હકળો જ અય અજ ધુનીયાતે માયા જાર આસુરી વીધા અતરી
 વધીવધી આયે જ ઈ સજે જગકે પતંન જે મારગ ખણી વનેતી તેકે વારેલા સુધારેલા હી માયાધારી
 રાજાએજો નાસ કરેલા ભગવાનકે કતરી લીલા કેણી પેતી.

ચોપાઈ

ફરી સાલવ અત માયા રચાય, રૂપ વસુદેવજો ઈ વતાયં
 શ્રી કૃષ્ણકે ઈ પળકાર કરેતો, ઉન પુરૂષજી ચુટી જલેતો.
 કૃષ્ણકે સામે ઈ કરી વતાય, ખણી તરારને મથો ઉદાય

ફરી ઈ સાલવ ચેતો

તોજે પીતાજો હી મથો ખરીવન, તું પણ મરણ તૈયાર થઈ વન
 ભગવાન સાલવજી કટુ વચંન શુણીનેં ઉભા થઈ બાણ મારે અંનજી માયાજો નાસ કરીતા. ને
 પંઢજે પંઢજી ગદા ખણી સાલવ મથે છદેયા

ચોપાઈ

ફરી માયાજો ઈ નાસ કરીતા, ગદા ખણીને ઘા કરીતા
 તત અશુર ઉદીને વ્યા આકાસ, રાળુ કરેતો ફરી ચોપાસ.
 પગ જલે ને હરી પાંઉ પછાળ્યા, સાલવે ફરી નચાયાં
 ફરી અશુર ઈ ઉભો થીએતો, અમોઘ શક્તિ છુટી છદેતો
 શક્તિ કે ફરી પાછી વાર્યા, હથ કપેને પટ પછાળ્યા
 ડુળી પટતા કે ઈ પળકાર. રૂપ ધરીને ફરી વકરાળ.

દોહરા

ચક્ર ચળીયાં શ્રી હરી, ને છુટો છદેયા ઘા મથો ઉદીવ્યો ઘળ મથા, ને નકરીવ્યો ઉ શાં.
સાલવ પયો પટતે દશી, દેવ વઝાયાં દાંદી જોકારો જગમે થયો, ઉદયી અવની આંધી
માર ઉતારયા ભુપતી, દયી અનીતી ન્યાય, જગમે નેરયો જાડેજા, દંકો દંનાં વઝાંય.

ઈતિ અધ્યાય ૭૭

અધ્યાય ૭૮: દંતવક-વીદુરથજો ઉધાર.

દોહરા

સાલવજો મરણ શુણી, આયો દંતવક મેધાંન દશી હરી તૈયાર થયાં, ભારત ભુરાણ ભાંન.
સામે દશી દંતવક કે, હરી મન કેયાં વિચાર લન પલ હીં બોકે ઘસે, ભુમી ઉતારીયાં ભાર.
શ્રીકૃષ્ણ સાલવકે મારે વધા. ઈ દશી દંતવક મેધાનમે અચેતો ને ગધા ખણીને સામે પળકાર
કરેતો.

દશી અશુર ઈ ઉપળ્યો, કે કૃષ્ણ સામે સટ, ગધા ખણીને ઘા કરેતો, નપટ અચીને વટ.
મોં સે તો ભકભક કરે, નતો સુણોં સેતાની, પુંન થયા પરીયેજા પુરા, તદે ઉપનું અજ્ઞાન.

દંતવક ભગવાનકે ચેતો

સાલવ શીસુપાળજો અજ આઉ વારીયા વેર જલે મારીયા જપટશે નાંય અજ તોજી ખેર.
ગધા ખણીને અશુર ઈ, કે કૃષ્ણ મથે તે ઘા ટપી પેયા હરી રથ મથા, સાવ ગુમાવ્યા ઘા.
દંતવક જી ગધાજો ઘા ગુમાયને ભગવાન કુમુદી ગધા ખણી દંતવક મથે તે મારેયા

કુમુંદીનીં હરી ગધા ખણીને ઠકા કરાયા ઠોળતે, મો મંજા વછટ ઈ રત ધારા અશુર અચી પ્યો પટતે
ટુટી ખોપરી થયો સળાકો, ઉલકા ઉદયી આકાસ, ચેતં ન થઈ ઉથલી પ્યો, સેના સજી વિનાસ.
અશુરજે અંગ મંજાથી, નઢાણી જોત દસાણી, વઝ વરાકો વરે વદરમે, શ્રી હરી મે ઈ સમાણી.
હીરણાક્ષને કુંભ કરણે, ત્રેયો હી જ અવતાર, મુની શ્રાપકે પુરો કેયાં, અજ અવની કરતાર.
સંતે ભકતે જી ભીળમે, ઈ ઘોળી અચે ધરાર. કત ચુકોઈ નાંય દાખલો, સારે ગંને સંભાર.

શ્રીમધભાગવત પુરાણમે દશમ સ્કંધમે શ્રીકૃષ્ણજો ઈ છેલો યુધ અશુરે સે થયો ઈ દસજેતો
છેલે અશુર મળે વિદારે ધરાયા ભાર ઉતારેયા ઈ દશીને દેવ અને રૂષીમુનીં દ્વારીકામે દરશન કેલા
અચેતા ભગવાનજી અસ્તુતી દેવ કરીયેતા ઈ કથા વર્ણન સુખદેવજી વદેતા.

દંતવક પટ પેયો છણી, દશી વીદુરથ આયો અશુર

ચળી આયો ભાજી વારઈ, કરંમ હીણ ઈ કુમુંર.

ખણી બધારી બર કરે, અચી પુગો મેધાંન.

સામે દશીનેં શ્રીહરી, ધનુષ કેયાં સંધાન.

ગોવિંદ ઘા ઘુચાય વેયાં, ને ચક્ર ચળાયા હથેતે

મથો ઉદાયા વીદુરથજો, છણી પેયો ઘળ પટતે.

સાલવ સૌરભ દંતવક, બ્યા મતારા મલ

માર્ચા મોહન મહી મથે, જલે કરે ને ખલ.
 અશુર વગરજી અવની કેયાં, દશી ધરતી રાજી થયી.
 દેવ વઝાયાં દુંદુભીને, કુલ વરસાયા વયી.
 ભાર ઉતારે ભુમીતા, હરી પાછા કેયાં પ્રયાણ.
 આય નગરી દ્વારીકાં, જત જાઘવ રેયાણ.

શ્રીકૃષ્ણજી દેવ અસ્તુતી કરીતા.

રાગ : પશલી ભરીને રસ પીધો

અજતા દ્વારીકામેં કૃષ્ણ પધાર્યા. દશીનેં દેવ અી આયા વેમાને વયી કૃષ્ણ પધાર્યા...
 શીવ વીરંચી ભેરા, આયા સનકાદી આયા નારદ દેવ નગરી દ્વારીકામે કૃષ્ણ
 યમનેં કીનરં વેદ વા સુકી. વીધાધરે ભેરા ગંધર્વ ગાયે ગુણ કૃષ્ણ પધાર્યા...
 રૂષી મુનીયે જત જોગ જમાયાં ધારે સમાધી ન્યારી ઘલમે જોગેસર. કૃષ્ણ પધાર્યા...
 શ્રી કૃષ્ણ ભેરા શોભે શ્રી બલધારી જાઘવ જોઘેજી તાં નકર ઈ સવારી. કૃષ્ણ પધાર્યા...
 અજતા ઈ દ્વારકા, ચળઈ હીલોળે આનંધ મંગળ ઘર ઘર ગાવાજેતાં તી.

જગજો જીવન ઈ જોશણું જોગી અજીત જગમે જે કે, જીતી સગા જે ન. કૃષ્ણ પધાર્યા...
 ઈંદ્ર પ્રસ્તથી ભગવાન પાછા દ્વારીકામે આયા નં અત સાલવ સોત મણી અશુર મારે ભાર

ઉતારેયા. અજ કૃષ્ણને બલરાજી ભેરા વયી જ્ઞાન ગોષ્ઠી કરીયેતા ક હાણે પાંકે પાંડવે લા કરે કયો
 માંગ ગનણું

હરી આયા દ્વારીકા પુરી વયી વિચારી વાલંમ અશુર તાં ઓછા થેયા ફરી નજર કેયાં આલંમ
 નજર પર્યાં કુરૂ કુળતે, ત દઠા કારા કરંમ યુધ તાં હીં નકી જ વો, ઈ જાણ્યા તે મરંમ.
 બલરામ કૌરવ પક્ષમે, પંઠ પાંડવ ભગવાન શુણી બલ નાકાર કેયા, કેયા જાત્રાજો પેગામ.

કૌરવ પાંડવે જો જુધ થીંધો ઈતા ભગવાન મળે જાણ્યા તે અથ ઈતી અતરે બલરામજી કે ચેયાં
 હે ભા આર્થી કૌરવે જે પડામે પાજી જાઘવ સેના ભેરા રોજાત કૌરવે જો પણ કુટુંબ ભાવ સાચવાજે
 ઈ શુણી બલરામજી નાકાર કેયા હાણે મુકે જીધ નાંય કેણુ આઉતા યાત્રા કરેલા વનાતો નં ઈ યાત્રા
 કેલા ઉપડી પેયા.

ચોપાઈ

પેલાઈ પાટણ પ્રભાસ અયેતા, ભ્રમં ભોજન દઈ ત્રપણ કરીતા
 યાદવ કુળજા પીતરૂ જતરા, પીંદ દનાંઈ નાલા તારા
 ઉવાંથી સરસતી આયા કીનારે, સ્નાન કરે ને અગીઆ પધારે
 પ્રથુ ઠંક ને બીંદુ સરોવર, સુદર્શન ચીત્રકી ચીત્રકુટ તટ પર
 વીશાલ ને વરી બ્રંમ તીરથજી, દરશન કેયાં ઈ ચકતીરથથી
 ગંગા જમનાં સ્નાન કરેને, અગીઆ હલેયા પાંવન થઈને
 નેમીષારણ્ય મેં ઈ આયા, જત જોગીડે જોગ જમાયા.
 દશી પધાર્યા સામે બલરામે, સામે હલી કરી કેયાં સનંમાન

વેદ વેયાસ જા સીસ્ય થીએતા, રોમહર્ષણ કથા કથીતાં
 વેદ વ્યાસજી પીઠ મથે ઈ, ભાગવત વાંચીતાં સુતજી ઈ.
 દનાં નં બલકે કીં આવકાર, નકી કેયા સુતજી નમસ્કાર.
 દશી બલરામજી કોપ કરીતા, મુનીં મઢેળ કે સામે બોધીતા.

શ્રીબલરામજી દ્વારીકાથી નકરી પ્રભાસ પાટણથી થઈ સજે ભારતમે યાત્રાઉ કરીંતા અજ ઈ
 નેમીસારણ્યમ આયા અત રૂષી મુની મળે ભેરા થઈ શ્રીમદ્ભાગવતપુરાણજી કથા કરાયાવાં વ્યાસ
 પીઠ તે સુતજી વચી કથા કરીંધાંવા, બલરામજી આયા તદે મળે મુની સામે સનમાન કરે આસન તે
 વેરાયા પણ હકળા સુતજી નં ઉભા થયા ક સામે ન્યારેયા તદે ઈ મનીએકે બલરામજી ચેતાં.

દોહરા

સુતજી કે સામે ઉભી, બલરામ કેયાં પળકાર પાતરતા પરખે વગર, ભુલ કેયા મુની ધરાર.
 વ્યાસ ગાધી મથે, વેરાય દનાં હી સુત અનં મધમે ઈ વ્યો ભુલી, ભાંન છદેવ્યો ભુત.

ચોપાઈ

વેદ પુરાણ જા ઈ ભણેયો પાઠ, મંત્ર તંત્ર જા જાપે જાપ
 છતા અભીમાન ઓછો નં થેયો, સ્વાંગ સાધુજો એરેવ્યો.
 રૂષી મુની જત જ્ઞાંની ધ્યાનીં, વઠો સીગાંશણ તે અભીમાની
 સુત જાતીજો દંભ કરેતો, પઢી પુરાણ ને વદો ભનેતો.

ફરી વીપ્રેકે ચેતા

હે વીપ્રો હંન જગમે સાધુ, સ્વાંગ સજી ભને અસાધુ.
 ઈનીં સાધુએકે દીણું દદ, ઈ દશી નં કરીયે બ્યા ફંધ.

દોહરા

ખયાં ધરભ જી પનંળી, કોપ કરે બલરાય રખેયા સુત જે કંધ મથે, ઈ મથો દનાં ઉદાય.
 ધ્રુભ જે પન સે સુતજે મથો લાય વંધા ને હાહાકાર થઈ વ્યો બલરામજી સુત પ્રતી બોલ્યા હે
 સુત તું પ્રતીલોભ જાતજો સુત થઈ ભ્રામણે થી ઉચે સીહાંશન તે વઠો અયે અતરે ત વધ કે લાયક
 અયે બાદરાયણ જો શીસ્ય થઈ વેદ પુરાણ જા પાઠ કંઠસ્થ કરે અય છતા અવિનય થઈ પંઢકે જ્ઞાની
 સમજી આડમ્બર કરીયેતો અવીદ્યા જા પંજ જુકો દોસ અહિં તેકે તું સુતકાબુને નાય રખે તોજી
 વીદ્યાજ્ઞાન અફળ બે કે હીતકર નં થીંધી અતરે તોકે મારે મે પાપ નાંય આઉ અધર્મીએજો નાસ કેલા
 જ આયો અયો ઈ ચયી સુતજો મથો ઉદેયા છદેયા.

મુની ઉવાચ. દોહરા

મરણ દશીને સુતજો, મુનીયે કેયા હાહાકાર ખોટો કેયા બલદેવજી, આંજે હયા હી કાર.
 યાદવ વંશ શીરોમાણી હત સુતજો દોસ જ નાંય અર્શીં વેરાયા વા ગાધીતે સંમજી જ્ઞાંની આય

ચોપાઈ

રંગમે તાં ઉત ભંગ થયા વ્યો, પ્રસંગ અશાજો ઈજ રહીવ્યો
 બ્રમ્હ હત્યા જો ખપા જ પાપ, ભેરો લગધો વીપ્ર શ્રાપ.

ફરી મુની ચેતા. ચોપાઈ

હે હલધર આંચી જગ સાંમી, જીવ ચરાચર રક્ષક નામી
અજ અવની જો ઉધાર કરેલા, અશુર સેનાનાસ કરેલા.
અજ આંજે હથા થઈ હીકાર, તે મેં આંચી ઉતારીજા ભાર
જગમે જસને કીરતી મલધી, ઈછા અશાજી પુરી થીંધી.

હાહાકાર કરે મુની બલરામજી કે ચેતાં ક હે ભગવાન હી ભારી ખોટો થેયો સુતજી કે તા
અસીંજ ગાધી વેરાયાવા હાણે અસાજો યજ્ઞન કાર્ય પુરો થીયે એળો કો મારગ વતાયો. તદે
બલરામજી ચેતાં

ચોપાઈ

હે મુંની મુકે મારગ વતાયો, મુજો સંસ્થ પુરો મઢાયો
સુતજી કે આઉ જીવીત કરીયા, આજી મનછા પુરી કરાયા
મો મંગ્યો આંઉ દીયા વરદાન, ધન ધરા સંપત્તી દાન
બ્રમ હત્યાજો ઉતરે પાપ, એળો વતાયો મારગ આપ.

દોહરો

બલદેવજી વાણી શુણી, મુંની થેયા પ્રશન્ન વધાઈતા બલદેવકે, મુખ બોલેયા ધન ધન

મુની બલદેવજી વટા મંગેતા

બલવ નાંલે અશુર ઈ, વસેતા વનમેં ઈ યજ્ઞન ભંગતો ઈ કરે, અય દુઃખ અસાકે ઈ.

ચોપાઈ

અન દુઃખ મંજાથી આંચી છોળાયો, યજ્ઞન અસાજો પુરો કરાયો
અભય થયી અંશી ભજન કરીયું, મન મગન થઈ ધ્યાન જ ધરીયા.
આંચી તીરથ મળે પુરા કરીજા, ગંગા જમનાં સ્નાનં કરીજા
ભ્રમ હત્યા જો ઉતરધો પાપ, જરા નં લગધો ભ્રામણ શ્રાપ.

મુનીએજી વાણી શુણી બલરામજી પ્રશન્ન થેયા ને ઈ બલવ જો નાસ કરે ને ત્યાંથી યાત્રા
કરેલા નકરી વનેતાં ઈ કથા

સુત બાળ કોઠે કરે, આર્યાં વેરાયો આસન પુરો કરાયો યજ્ઞન ઈ, પુત્ર પીતાજો તંન.
પંઢ હલેયા તીરથ ભુંમી, મુની વચન વસવાસ બલવ કે વીદારેયા, થેયો અવની ઉજાસ.
હી કથા બલરામજી, સજો યાત્રા પ્રસંગ વાંચે વિચારે જાડેજા, ત વઠો નાય ઈ ગંગ.

ઈતિ અધ્યાય ૭૮

અધ્યાય ૭૯ બલ્લવજો નાશ

દોહરો

અધ્યાય હંનજી અજ કથા, લખયી મતી અનુંસાર, બલવ જો બલરામજી, કીં મારે કેયાં ઉધાર.
મુંની મળે ભેરા થયી, વઠા અચી ઉનં વન, વદી ડુંગરજી ધારતે, આદરેયા યજ્ઞનં.

હંન અધ્યાય મે બલદેવજી યાત્રા પ્રસંગ બલવ અશુરજે વધ અને ભીમને દુર્યોધનજો ગદા યુધજો વર્ણન કરે મે આયો અય.

ચોપાઈ

યોગી મુંની અજ અજ્ઞનં કરીતાં, વેદ વાણી ઉચાર કરીતાં
ધ્રત ગુગર હોમીતા હવનમે, સુગંધ પસરે તો ઈ વનંમે.
બલવ કે ઈ ખબર મલેતા, મુની મલીને યજ્ઞન કરીતા
ઘોળી અચેતો પાપી ઉનપલ, માયા રચાયે પાપી ઈ ખલ
આંધી ઉપાળે ગંગન છવાય, લોહી પડ્જી વસ પરસાય
મળ ગળજી ઉત છટતી પસરે, ભગા ભુદેવ હકળા હકળે.
બળદેવજી વટ અચી પુજેતા, પંઢ વીત્વી ઈ વચીને ચેતા.
શુણી બલદેવજી થેયા તૈયાર, અચી પુગા ઉત ઉનં વાર.
હર મુશળ કે યાધ કરીતા, પંઢજા સહસ્ત્ર ઉતયી અચેતા.
ખાણી બળરામજી થેયા તૈયાર, બલવકે ઈ કેયાં પળકાર.
ઉચે અભમે ઈ લકી ફરેતા, મારો મથાઈ અશુર કરેતો.
જભર જોરાણું મહા વકરાળ, સામે ઉભો કર જભર કાળ.
લાલ ભ્રકુટી ને નક ચપ બારાં, દંધ દશાજે જભર કારા
ઉચે ઉભી પળકાર કરેતો, બર કરે બલ સાંભે ઉછરેતો

બલરામજી જી હાજરી અયે અતરે મુની ધ્રા છદે યજ્ઞન ચાલુ કેયા બલવ અશુર અચેતો યજ્ઞન અભળાયતો ઈ દશી બલરામજી અનકે આકાસ મથો ધસેને માર્યા યજ્ઞન પુરો કરાયા ને યાત્રા વનેતા.

ચોપાઈ

ખાણી ત્રસુર તાટકેયો સામે, બ્યો હથ પંઢજો વધે ગદામે
દશી બલરામજી થેયા તૈયાર, ખયા પંઢજા જુનાં હથીયાર.
હર ખાણી અનંમે અટકાયાં, બલરામ બલવકે પટતે ફગાયા
મુશળ ખાણીને વાઠ્યા મુંનતે, છણી અશુર ઈ પયો પટતે

દોહરા

બલવકે મરંધો દશી, દેવ અચેતા ઉત કુલ વરસાયા વચી મથા, જત વઠા બલતત.
જેજેકારી જગતમે, મુની મન હુલાસ ઘોળી આયા યજ્ઞન વટ, જત અશુરજો નાશ.
વંદીતા ઈ બલરામકે, મલી વેરાયા પાટ અભીશેકતાં ઈ કરી, અનં નય જે જ ઈ ગાટ.
વસ્ત્ર આભુશણ દનાં કુલ સુંગધી બ્યાધાર. દનાં આસીસ ભેરા થયી, મુની મંત્ર કરે ઉચાર.
બલરામજી પ્રસન્ન થયી કેયાં મુનીયેકે નમન. આજ્ઞા ગંની ફરીફરીનમી, કેયા યાત્રા ગમન.

યાત્રા પ્રસંગ

અજ બલદેવજી અશુરકે માર્યા અતરે મુની મળે રાજી થીએતા જેજેકાર કરે યજ્ઞનં પુરો કેયા

અને બલરામજી જો અભીશેક કેયા બલરામજી નમન કરેને બ્રમ હત્યાજો પાપ ઉતારેલા યાત્રા કરેલા રવાનાં થેયા.

ચોપાઈ

કૌશકા જે તટતે અચેતા, સરયુ મુખમે સ્નાન કરીતા
અઢળક અંનધન દાન દયાને, અગીઆ આયા પ્રયાગ ફરીને
ત્રીવેણી મે ઈ સ્નાન કરીતા, પીત્રુ ત્રપણ દાનં દીયેતા
પુલહાભ્રમ મે બલ આયાં, અજ આશ્રમમે આનંધ છાય
ગયા ગોમતી ગંદકી દેવી, સોનાં નદી ઈ અચ શુર સેવી
ગંગા સાગરમે દુબકી લગાયા, વસુદેવજી ઈ જાઘ કરાયા
મહેદ્રં પર્વત મથે ચળેતા, પરશુરામજા દરશન કરીતા
સત ગોધાવરી વેણુ પંપા, ભગીરથી ઈ સાદ અનંપા
કારતક સ્વામી જા દરશન ન કેયા, શેલ પર્વત તે બલ વેયા
દખણ દશજો મારગ જલેયા, વેકઠેશ્વરકે ઈ પુજ્યાં
શીવ કાંચીને કોટી કાંચી, કાવેરી ફરી વ્યા કામાક્ષી.
રંગ ક્ષેત્ર બાલાજી ભેરા, દરશન કેયા અચી સવેરા.
રૂષભ પર્વત રામેશ્વરજા, સેતુબંધને કત માલાજા.
દો હજાર ઘેનુ જાં દાન, પુરાયુ દનાં અત બલરામ.

દોહરા

યાત્રાઉ કરી બલરામજી, થીં પુનીત પર્વત રાજ
જન હીત જગ વતાવેયા, જીવ તારણ હી પાજ.

ચોપાઈ

દક્ષીણા પર્વત મથુરા આયા, કલા પર્વત મલ્યા પર નાયા
ત્રાંમંવરણી નદીમે અચીને, સ્નાનં કેયા બલ ફરીને
દુર્ગા દેવી જા દરશન કરીને, કન્યા કુમારી નમ્યા અચીને
અગસ્ત મુનીજો આશ્રમમે, નમેયા ફરી ફરી ચરણમેં
ત્યાંથી કેરલ તીર્થ વ્યા, શ્રી શીવજીકે વનીં નમેયા.
શુર પારકનેં પર્ચો વરણમે, સ્નાન કેયાં ઈ તાપી નયમે
આર્યા દેવી જા દરશન કયાંઈ, મહાસાગરજી વચ વઠા ઈ
મનુક્ષેત્ર મે છેલે આયા, પ્રભાસ પાટણ શીસ નમાયા.

દોહરો

પ્રભાસ પાટણ બલ પુગા, અત થોળો કયાં વસરાંમ
તત ખબર પચી બલરામકે, નચી દ્વારીકા ભગવાન.

પાંડવ કૌરવ જંગમે, ઉની ભેરા અયી ભગવાન
મહારથી કે મરી ખુટા, સેનાં સોંત મેધાંન

ચોપાઈ

શુણી બળદેવજી થયા તૈયાર, ઉત વડનણ લા કેયા વિચાર
મારગ મેં ઈ વિચાર કરીતાં, રખે કૃષ્ણ યુધ છેલો કરીતા
અવની જો ઉતારણ ભાર, કૌરવે જો નકી કંધા સંહાર
કુરૂ ક્ષેત્ર મે બલ ઈ અચેતા, કૌરવ પાંડવ ભેરા કરીતાં

દોહરા

દશી કરે બલરામકે, પાંડવ મન ઉમંગ ભેટેતા ઈ ભાવસે, સજો સમજાયા પ્રસંગ.
પાંડવ બલરામજી જો સનંમાન કેયા ખબર અતર પુછેયા ને હન યુધજી સજી વારતા ચેતા.
બલરામકે.

દોહરા

વીસ્ટા જી સજી વીરતા, ને દુર્યોધન જી જધ
થકા શ્રીકૃષ્ણ સમજાયને, પણ પાંતેય આવયી ભધ.
બલરામજી બોય પઠોકે ભેરા વેરાયને યુધ ભંધ કરેલા સમજાઈતાં.

ચોપાઈ

બલરામજી અત વાણી વદીતાં, કૌરવ પાંડવ વટવયી ચેતાં
યુધ આજો ભા ભંધ જ કરેયો, ભેરા વયીને સંપ જ કરેયો.
ખોટો કંમ કેયા વગર વિચારે, કુળજી કીર્તીછદેયા વસારે
કાંતા પેઢીજા પુનં થયા પુરા, તદે વનાંયોતા વંશ સમુરા.
આકે કૃષ્ણ ખુબ સમજાયા, આદેસ કે નં ઘલતે ધાર્યા
અના ભચરણી થુળીક બારી, દશજેતી મુંકે નેર્યો વિચારી.
ભચેયા અયો અયી આંયી સે ભાકી, બોય કર્યો આંયી માફામાફી.
તે વેધે વેધે કીંક વંશ રોધો, નકા સરવાળે વીનાસ થીધો.

દોહરા

સમજાયેલા બલ સાવ થકા, પણ લગી જરા નં કારી
પોવા આયા યુધ મેધાનંમે, ભેરા પાંડવ ચારી.

ભીમને દુર્યોધન પ્રતી ચેતા

બીંકે અયી બલરામ સમજાઈયે, કુળ નીતી જગ માયા વતાયે
ઘરા ધાંમ અય છર ભંગુર, કતનાય ટકેયો પાણીપુર
આંયી જેળા હી યુધ કરેયો તાં, ભીરી નં હલધી હુંયી મરોતા
અનાં મુળી ભાજી અય હથમે, વયી વસકે વારેયો વતરમે.

દોહરા

બલરામજી જી વાણીક, જરા દંના નં ઈ કંન

પાછા ઉવાથી બલ વરેયા, કેયા દ્વારીકા ગંમન.

બલરામજી ભીમશેન અને દુર્યોધન કે સમજાયા ક હાણે યુધ ભંધ કરીને સંપ કરીયોત થોળો
આંજી પુવાંઈ રોધીં પણ ઈ દુર્યોધન મુખ મન્યો ન તદે બલરામજી. હતાસ થઈ પાછા દ્વારીકા
અચીવ્યા અત યાદવે સંનમાન કેયા યાત્રા ઉત્સવ કેયાં

ચોપાઈ

દ્વારીકા બલરામજી આયા, યાદવે સારો શેર સજાયા.

ઉગ્રશેનં સામે હલી અચેતા, કરે સામ્યાં કોઠી અચેતા.

ખબર અંતર બલદેવ પુછેતા, ઈંદ્ર પ્રસ્ત જી ચર્યા કરીતા.

પ્રગઠ બળ કૃપા પંઢજા વિચાર, ભાવી પ્રબળ જીવ લાચાર.

મહા ભારત જં સજી અખાણી, સજી સાણગાયા, વર્તે વાણી.

યાત્રા વર્ણન પુરી વતાયા, નૈમીશારણ્ય કથા સુણાયા.

બલરામજી યાત્રા પુરી નૈમીશારણ્ય જે પ્રસંગને છલે મહાભારતજી યુધજી વારતા યાદવે કે
ચેયા મળે શુણી અફસોસ કેયાં ને ભાવી મથે દોસ ફગાયા.

બલરામજી અજ્ઞાત સ્નાન. ચોપાઈ

પંઢજી પત્ની રેવતી ભેરા, અજ્ઞાત સ્નાનં કેયાં સવેરા

અઢળક અંન ધન દાન દયીને, વઠા સીંગાસાણ ઈ પુરીમે

જી અભમે ઈંદુ સોભે, તી બલ રેવતી ભેરા ઓપે

અજ પુરીમે મંગળ વરતે, જનગણ જયજય કરતે

દોહરા

બલરામજી જી કથા, લખાણી વેદ પુરાણ. અનંત ભેરા અનંત ઈ, પ્રગઠયા પ્રદવી ભાણ.
મન વાણીથી પર ઈ, નં સમજાજે રોલ ગુરૂ વગર ગંમ કીં નં પે, ઈ અટપટો અય ખેલ.
અદભુત જેજો ચરીત્ર ઈ, વાણી જત લગાર. શ્રધા સે સંમરણ કજા, મંજા મલંધો વિચાર.
પુરાણ બ્રંમ જે જં આજ્ઞા રખે શરતે ચળાય. તદે જાડેજા તું કત પુજે હથ જોળે મથે નંમાય.

ઈતિ અધ્યાય ૭૯

અધ્યાય ૮૦ : સુદામા ચરીત્ર.

દોહરા

અધ્યાય અેશીંજી કથા પરીક્ષિત કેયાં પ્રશ્ન કથા વતાયો કો ભક્તજી, જે તેં પ્રશ્ન ભગવન.
પુરાણ બ્રંમ પરમાતમાં, જગ કારણ તારણ બ્રંમ જેજી ઐસ્વર્ય માધુરી, લીલા જગ અગમ
ભક્ત કો ભજન કરે, ભવ નીધી થેયા ભવપાર. તેજી પુનીત વે કથા, ઈ સમજાયો વસતાર.
વાણી શુણી પરીક્ષિતજી, મુની મુખ મુસ્કાંન. ભક્ત સુદામેજી કથા, કેયાં વસતારે ગાંન.

પરીક્ષિત સુખદેવજી કે અજ પ્રશ્ન પુછેતા હે ભગવન શ્રીકૃષ્ણ જો સ્વસ્વરૂપ ઐશ્વર્ય લીલા માધુરી અનંત અચી અને પુરણકથા જો આર્યી પાન કરાયા ભાંકી હાણે કો ભક્ત સંતજી કથા ભગવાનકે પ્રીય હોય તેજી કથા સુણાયો તદે સુખદેવજી સુદામે ભક્તજી કથા સમજાઈયેતાં

રાગ

જનમ ધરી જન જગતમે ઈ, કયા ઈ સંમરણ સ્યામજો.
 સકળ કેયાં ઈ સંત જનમ, ભજન કરે ભગવાન જો.
 હે પરીક્ષિત જનમી જગમે, કેયાં ભજન નં ભાવસે
 ઈ જીવ પામર કીચળ મેદક, વ્યા ચોરાસી નાવ મે.
 દરશન કેયાં જીનીં નેત્રથી, અંન નેત્રકે પણ ધન્ય ઐ
 જીનીં પગ ભર્યા પ્રભુ કાર્યમે, ઈ ચરણકે પણ ધન્ય ઐ.
 રસનાં જેજી રાતનેં દીં, શ્રી સ્યામ જો સંમરણ કરે
 ધન્ય ધન્ય ઈ ભક્ત જગમે, ઈ સેજ મે પંઢ ભવ તરે.
 પરીબ્રમં પુરણ જગત વ્યાપક, સંમજે સાણા સંત ઈ
 ધન્ય જીવન ભક્ત ગુણીયલ, પુનીત ભુર્મી પ્રગટ ઈ.
 ઈ સંત શાણા પ્રીય ભગવન, અવનીતે કતરા થેયાં.
 જેજી જીવનજી ગાથા અંમર, માલા ચોપળે મેં રેયા.
 પરીક્ષિતજી વાણી શુણીને શુકદેવજી મારાજ ભક્ત સુદામેજી કથા સમજાઈયેતા.

ચોપાઈ

હે રાજન હી કથા ભક્તજી, વીપ્ર સુદામા અળગ તપધારીજી.
 નાંચ સાધુ ઈ અચ સંસારી, સાવ ગરીબ અયાચકવૃત ધારી
 શ્રીકૃષ્ણજો સખા ચોવાય, નંઢપણ મે ઈ હરીગુણ ગાય.
 ગુરુકુળમેં ઈ ભેરા ભણેયાતે, રાત દીં ભેરા ઈ રમયાંતે

દોહરો

ભણી ચુક્યા ભેરા હલ્યા, સુદામાને શ્રીકૃષ્ણ. કૃષ્ણ આયા દ્વારીકા, પંઢ ઘર વીપ્ર પણ.

ચોપાઈ

અચી સુદામા મંઢેયા સંસાર, મનંસે નકી કેયા નીરધાર
 કદે પણ કેં વટ પૈસો ન મંગણુ, ઘર મલે ઈજ અંન ખેણુ.
 ટેક ધારકે દીં આયા દુખજા, નતનત પે ઈ સાંશા અનજા
 ધોતી કપળા સાવ ટુંટી વ્યાં, છોરેજા પ હી હાલ થઈવ્યાં

શુકઉવાચ

હે રાજન શ્રીકૃષ્ણ પ્રજ્ઞથી મથુરા આયા. ને વરી સંદીપનીં આશ્રમમે ભણેલા વેયા ઉત હકળો વીપ્રબાળ સુદામો પણ વિદાભ્યાસ કધાં વા શ્રીકૃષ્ણને સુદામાજી મીત્રાંઈ થઈ રાતદી ભેરા રે ભણે ગણે ઈ બોય હકળે દી આશ્રમ ભા લકળા કપેલા જંગલમે વનેતા ને ઉત જ્ઞાનં ગોસ્ટી કંધે સમ્ય

નકરી વ્યો ને તે સુધી તા ઉત આંધી ઉપળઈ વદર અભમે ચળેથી વા લગો ન ગજણને ભેરી વઝ ને વરસાદ ટુટી પેયો તંન ટાણે શ્રીકૃષ્ણને સુદામા હકળી ડુંગરજી ભેખળ નીચે વધીને રાત પુરી કરીયેતા ભગવાન સુદામોકે વાર્તા સુણાય સવાર કેયા.

વર્ષાવર્ણન રાગ સારંગ

અજ આયા અર્થી કરતાર, વનમે, અજઆયા અર્થી.
ભેરા સુદામા ને ઉપળઈ આંધી, આવથી અભ અણસાર. અ...
વા વરેયો ને વદર ચળેતા, વજ કરે ચંમકાર.
સન્યું સન્યું સુજેત્યું ઘોડે, પટ તે થી પળકાર. વનમે...
તાળો તવારે ઉતરા દશમે, મોર કરી કીંકાર.
દંમ ચળેયા જત હાથી જેળા, દાલા મથા દચકાર. વનમે...
ઘોઘ છણેતા ધરણીતે જત, પાણી પે ચોધાર
તરા તરાઈયું થયું છલો છલ, દેદર કરી રણકાર. વનમે...
રાત આધારીં વેરાન વગળો, સાવ લગે સુનકાર.

સ્યામ સુદામા વઠા હંન વનમે, કદે થીયેતી સવાર. વનમે આયા અજ કરતાર
સજી રાત શ્રીકૃષ્ણને સુદામે વસઘે મી મે પુરા કેયા સવાર થીઘે લકળેજીયું ભરીયુ બધેને આશ્રમમે અચેતા. અભયાસ પુરો કરે બોયે ગુરૂજી આજ્ઞા ગની ઘરે વનેતા સુદામા જા લખ થીએતા ને ઈ ભક્ત ટેક ધારીવા ઈ મનશે સકલંપ કેયાં કે કદે પણ કે વટા મંગણુ કીન નં ઈશ્વર ભરોસે ભજન કરી દી ગારીધાવાં.

દોહરા

ઉગે ઉલે વણજાર ઈ, અય ઈ અસલી વાટ સુખ દુઃખ હંન સંસારમે, તીજ અચે ઉંન ગાટ.
સંચીત કર્મ જીવજા, ઈ જનં મે ભેરા જીવ ખણી અચે ઈ દેહમે, ભોગવે પુરા સજીવ.
વિપ્ર સુદામો ભક્ત ઈ પુર્વ જનમ જો સંત સુખ દુઃખ મે સરસોજ રે, ભજે પુરાણ ભગવંત.
ભક્ત સુદામા હકળાત ભ્રામણ સરીર વરી અયાચક જી ટેક અતરે ઘર સંસાર સાવ ગરીભી મે જીવન ગુજારીયે પણ ઈતા પુરા પવીતર સંત અનીકે સુખ દુઃખ સમાન જ લગે નં કદે હીલો ન આયોવો પણ હકળે દી અનીજી નારી સુસીલા વટ શ્રીકૃષ્ણજી મીત્રાંઈજી મળે હેવાલ સુણાયા વા ક ઈ મુજો મીંતર અજ દ્વારીકાજો રાજા અય.

પદ ગુજરાતી ગદ કરધી ભાસા. દોહરા

વિપ્ર સુદામા એક દી, નીજ નારી નીં પાસ, યાદ અપાવી મીત્ર નીં, શ્રીકૃષ્ણ સખામુજ ખાસ.
મથુરા નો મુળ રાજવી, યાદવ વીસ્વ વીખ્યાત, તે સખા મુજ કૃષ્ણ છે, આજ દ્વારીકા નાથ.

રાગ કાનરો

વાત યાદ એ આવે, સુદામાને, વાત યાદ એ આવે
મથુરા નગરીનો મીત્ર કનૈયો, દ્વારીકા ધીસ કેવાયે. આજે વાત યાદ એ...
ગુરૂ આશ્રમ માં ભેરા ભણીતા, સાથે ભોજન કરતા.

સાથે રમંતા સાથે ફરતા, નીજ નારીને સંભળાવે. સુ...

આજ સુદામાજી પોતાના પત્નીની પાસે બેઠા છે ઘરમાં બે દીવસથી અંન નથી છોકરાઓ ભુખથી કલપાંત કરે છે તે જોઈ શુસીલાજીનું દીવ દ્રવી જાય છે સુદામાને કહે છે

રાગ ઉપરનો

ભુખે મરતા બાળ નીલાળી, માતાનાં દીલ દુભાયે

જાવા દ્વારીકા હંઠ કરી બેઠા, નીજ પતીને સમજાવે. આજે...

અનંનો દાણો નથી એક ઘરમાં, જીવોને સ્યામ વિચારી.

જાવો દ્વારીકા વીલંમ કરોનાં, ભીળુ ભાગસે ગીરધારી. આ...

સુદામેજા પત્ની ચેંતા ક હે નાથ અજ કતરાદી થેયા ઘરમે અનાજ નાંય ને છોકરેજા રાળ મુંવટા નેરાજે નતા તદે આપી ઈ ક્યોં ક દ્વારકા વનો આંજો હેળો ઉ કૃષ્ણ રાજા અય ઈ આંકે વગર ગોરે આંકે દશીને ઈ સમજી વેંધો ને કી પણ થોળી મધધ જરૂર કંધો

રાગ ઉપરનો

વાત સાંભળી નીજ વનીતાની, સુદામાજી હરખાયે

સ્યામ ને મળવા થયા અધીરા, દરશન કરવા જાયે. આજ...

મીત્ર ને માટે શું લઈ જાઉ, નીજ નારી ને સમજાવે

તાંદુલ મુઠી લીધા ઉછીનાં, બાંધ્યાયા પોટલી માંય. આજે...

નીજ નારીજી ગાલ શુણીને સુદામા મન રાજી થેયા ઈ અતરેલા ક હંન બાને મુકે ભગવાનજા દરશન થીંધા મદ મોકો મલ્યો અય ઈ વિચારી તૈયાર થયા પણ વરી યાધ અચેતો ક કૃષ્ણ વટ વનાંતો ત ઉનલા કરે ભેટ કુરો ખણી વનાં ઘરમેતા કી પ નાય અતરે ઈ દશી ને શુસીલાજી બાજુ જે ઘરેથી બ મેહુ પવાં ઉધારા ગની ટુકર કપળે મે બંધી દનાં ને ઈ ઉપળ્યા દ્વારીકાં સામે

દોહરા

તાંદુલ લઈ પોટલી, થયા સુદામા તૈયાર, સંમરણ કરતા સ્યામનું, ચાલ્યા દ્વારીકા મોજાર.
લાકડી લીધી હાથમાં, મુખ જંપતા જદુરાય, સુરતા જેનીં સ્યામમાં, હળવે હાલતા જાય.

રાગ શીવાજીને નીદંડનાવે

તાંદુલ લઈને ચાલ્યા સુદામા, સ્યામ ને મળવા જાય

સ્વાસે સ્વાસે સ્યામ સંભારે, હળવે હાલતા થાય

હાથમાં લાકડી લીધી, દ્વારીકાનીં મારગુ લીધી.

આજ સુદામા દ્વારીકા જાયે, ઉમંગ એના દીલ નાં સમાયે

શ્રી હરીનાં દરશન કરવા, ઉતાવળા એ પાંવ ભરતા. આજ સુદામા...

પાવ લથળતા કંપતી કાયાંને, ચાલતા સ્વાસ રૂંધાય

જયાં થાકે ત્યાં બેસી જાયે, ફરીફરી હાલતા થાય.

દ્વારીકાં નીં સામે નીલાળે, મળવાને એ અધીરા થાયે આજ સુદામા...

સુદામેજા કાયા સાવ સુકલ કાઠી જેળી પાસરીયુ મળે ખપે લેખે ગંનો હાદપીંજરો કર પગ મદ ઉપળેતા સા ચળેતો કપળા ટુટલ નાય પગમે મોજડી જત થકે તત વચીરે ને વરી હલંધા થીએને

જેજી સુરતા ભગવાન કૃષ્ણ મે જ અય ને દરશન કરેજી અધીરતાં ઉન બરસે અગેયા હલેતા.

રાગ એજ

રાત પળે ત્યાં રોકાઈ જાતાને, જંગલ માં સુઈ જાય.

અગોર નીદ્રામાં સુતા જાણી, સ્યામ ત્યાં દોળી જાય

સુદામાનું હરી રક્ષણ કરતા, ઉભા ઉભા પ્રભુ પેરા ભરતા આજ સુદામા...

રાત રૂપીયે ઉતે સુદામા જંગલમે જ સુમીં રે ઉનીકે દશી ભગવાન અચી ઉનીજી ચોકી નત કરીયે ને જદે ઈ જાગે તેર ભગવાન અદ્રસ્ય થઈ વયે. ઈ નત જો કમ દશી લક્ષ્મીજી શ્રીરુકમણીજી ભગવાનકે પુછેતા.

રાગ એજ

શ્રી દેવી શ્રીસ્યામને આવી, કર જોડી પુછે વાત

રાત પળે કેયા જાવો અકેલા, કોઈ નથી સંગાત.

ઉજાગરા કેટલા કીધા, કોણે આવા દુઃખળા દીધા. આજ...

રુકમણીજી વાણી શુણી ભગવાન ચેંતા

દેવી તંમે સત્વર જાઓને, વીલંમ કરોનાં લગાર

સુદામાને ભોજન કરાવો, વીકટ વન મોજાર.

આજ આવે છે સાવ ઉપવાસી,

ભુખથી કાયા થર થર ધારી આજ સુદામા...

શ્રીભાગવતજો આદેસ શુણી રુકમણીજી તૈયાર થઈ ભોજન જો થાર ખણી બ્રામણીનું રૂપ લઈ ત્યાં તે જાવે છે ને સુદામા ને ભોજન કરાવે છે

રાગ એજ

થાળ લઈને પ્રસાદનાં એ, શ્રીદેવી સત્વર જાવ

સુદામા ને ભોજન કરાવે, અગોર જંગલ માંથી

વીપ્ર વનીતાનાં રૂપ જ લીધા, ભક્ત સુદામે ભોજન કીધા આજ સુદામા...

ભગવાન રુકમણીજી કે સમજાયા ક નેરેયો દેવી મુજો હકળો ભક્ત મુંકે મલેલા અચેતો ઈ સાવ વૃધ અય થકલ અય વટ કીં પણ સાધન પૈસો નાંય અતરે રાતજો સુમે તેર આંઉ ઉનજી ચોકી કરીયાતો ને ઈ ઉપવાસી અય અતરે અંનકે નત વાટમે ભોજન કરાઈજા અજ લક્ષ્મીજી ભોજન કરાયા ને સુદામા દ્વારીકા વટ પુજી અચેતા.

રાગ એજ

આવે પગપાળા કંઠમાં માળાનેં, ત્રીપુંદ સોભે ભાલ

સાવ તુટેલી ધોતલી જેની, અંગ ઉવરણો લાલ

નીચી નજરે નીહાળતા આવે, સ્વાસે સ્વાસે સ્યામ સંભારે આજ...

દ્વારીકામે સુદામા ભગવાનજો ધર પુછેતા

રાજ દ્વારે આવીને ઉભા, દ્વારીકા નગરમાંય

શ્રી કૃષ્ણની ખબર પુછે, એકાએકને જઈ
ગાંદા ગણે સૌ ગામનાં લોકો,
નામ ભુલ્યા કોઈ ચળાવ્યા ખોટો આજ...

શ્રીકૃષ્ણની ખબર પુછતા અંતપુર વટ પુજી અચેતા જદે રાજ દ્વાર વટ અચેતા ને શ્રીકૃષ્ણજી
પુછા કરીયેતા તદે ઈ શુણી ગામ વારા વિચાર કેયા કોક ભોરો માળુ અય અતરે કેક ખોટે રવાળે ચળો
અય હી કી ભગવાં જો ભુપ ભાઈબંધ વે,

ચોપાઈ

અંતપુર માં આવ્યા ફરતાં, વીત્ર જાણી સૌ વંદન કરતા
શ્રીકૃષ્ણનાં મહેલે આવે, દ્વાર પાળસે ખબરૂ પોચાળે
મીત્ર સુદામાને આવ્યા જાણી, સામે દોળ્યા સારંગ પાણી
નીજ ભુવન નીં નીચે આવ્યા, મીત્ર સુદામાને સામે ભાવ્યા
અતી અધીરતાથી સામે આવે, લઈ બાજુમાં અધરઉપાળ
રદય લગાવીને સામે નીરખતા, મુખ જોઈને એ હરખતા.
કર જાલીને તેળી આવ્યા, નીજ ભુવનમાં ઈ બેસાળ્યા
ચરંન પખારી પુજન કીધા, ગંગોદક દયી આસન દીધા
સર્વ રાણી પ્રભુ પાસ બોલાવે, મીત્ર સુદામાનીં ઓળખ કરાવે
જુનીં વાતો હરી યાદ કરીને, રાણીને સમજાવી ફરીને.

શ્રીકૃષ્ણ જે ભુવન વટ સુદામાજી પુજી અચેતા દ્વાર પાર ભગવાનકે ખબર દેતો ભગવાન ના
સુણી ઘોળી અચેતા બખુ વગીં મલેતાને ઘરકોઠ સ્વાગત કરે આસન તે વેરાયને પંઢજી મણી
રાણીએ કે કોઠેને ઓળખ દનાં ને સેવા કરેજો સમજાયા.

શ્રીકૃષ્ણ સુદામે જા હાલ દશીને હૈયો ભરાજી અચેતો અખીયું મે પાણી ભરજેતા ને સામે
ન્યારે આસ્વાસન દઈ ખબર અંતર પુછેતા. ભગવાન પુછેતા.

દોહરા

ભલે પધાર્યા મીત્ર આપી, અજ ઘર કેયા પાવન
મુંકે ભુલાય કી સાથ ઉ, કદે વિચારેયો નં મન

રાગ વા વાયાને વાદળ

સ્થામ દોડીને સાંમારે જાય, સુદામાને મળવાને
કે દેખી હરી અતી હરખાય, લાગ્યા પુછવાને. અ...
કે ભલે આવ્યા તંમે મારા મીત્ર, ઘન મારા આગાણીઆ.
કે જોઈ થાક્યો તમારી રાહ, કે તમને મળવાને. સુ...

ફરી ભગવાન કહે છે

કે તમે આવ્યા અકેલા આજ, કે નથી કોઈ સંગ લીધા
વચે વીકટ વનનીં વાટ, વીતાવી કેમ રાતી.

શ્રીકૃષ્ણ સુદામે પ્રતી ચેતા ક હે મીત્ર આર્થી હેકલા આયાં વાટમે જંગલ વેરાનમે આર્થી કત રાત કઢેયા સે ત સમજાયો ફરી પુછેતા

રાગ એજ

કે નથી લીધુ ભાથુ સંગાથ, કે નથી મોજડી પાવમાં
હશે કાંટા જરૂર પાંવ માંય, લાગ્યા પાંવ જોવાને
વળી ભગવાન કહે છે કે મીત્ર આ વટ પગમે મોજળી નાંય ત કંઠા પણ લગા લુધાં સે જરા
પગતા વતાયો. બ્યો ભથો નાંય ખયાંત જમેજો કત રખ્યાતે સે પણ ચો.

કે મને લખવોતો પહેલે પત્ર, મીત્ર કેમ ભુલી ગયો

તો સામે જોળાવી મોકલત રથ, શાંને કેમ દુખીયા થયા.

હે મીત્ર આંચી મુકે કાગર લખી ખબર દનાવા ત આંઉ સામે અકિ કોઠેલા રથ હલાયો તો પાં
બોય મંતર અયું કી પં જુદાઈત હુઈ ન આંચીતા મુતે ભાર ચળાયા આંજી હી દશાને રે મુકે દુઃખ
લગેતો. ઈ ચયીને કૃષ્ણ સુદામેજો પગ ઉપાળે ને કંઠા નેરીયેતા

ક તંમે ચળાવ્યા મુજપર રૂણં, હવે કેમ ઉતારવા

નથી જગમાં કોઈ વસ્તુ અમલ, કે તમને ભેટ દેવા સ્યામ આવ્યા

ભગવાન સુદામેકે આસ્વાસનં દયી વેરાયા ને રાણીએ કે સેવા કરેજો ચયી ને વટવઠા અચીને
સુદામો હદા શ્રીકૃષ્ણજી સાયલી ઠાઠ માઠ દશીને ઈ સાવ સોનજી નગરી દશીને હેરત થઈ વનેતા
અને વિચારે જે વમળ ધોળેતાં અયાચકવૃત યાધ અચેતો ઘરજી ગરીબી છોકરેજી દશા મળે નજર
ચળેતા છતા પણ મનસે નકી કેયાં ક કૃષ્ણ વટા મગણું ત નજ. ઈજ વિચારે પ્રભુ સમરણ કરીયેતા

રાગ મીજ તારા કેટલા જનમની

આજ એને દીવસો દોહેલા ગણા ભલે આવ્યારે

દગે નાં એ વૃત ધારી હોજી,

આજ ઈતો અયાચકવૃત થઈને અળીખંમ ઉભોરે

પ્રભુનાં આવી, દ્વારમાં હોજી.

હે દુભળી છે દેહ એનાં, કાયામાં કંપારી રે

નયંનો નાં નુર નીસ્તેજ દીશે રે, થથરાતી એની. જીભ લળી રે જી. આજ...

શ્રીકૃષ્ણ સુદામાની સામે જોઈ વિચારે છે

હે સુદામાની સામે જીવે, નયંન ભર રોવેરે

એનાં જીવનનીં ઝાંખી, શ્રી હરી જાણે રે

હે વિચારે વાલો, ધન્ય એનીં ટેકને રેહોજી આજ એને

સુદામાનું અયાચકવૃત તેની ગરીબી નાંના છોકરા જા હાલ મળે ભગવાન જાણેતા અતરે રદ્ય
ભરાય વનેતોને તોય પણ હરે હરે ફરી પુછેતા. ખબરુગનેતા

રાગ એજ

સ્વાસ રૂવાણા હરીનાં, સબ્દ નાં બોલેરે ગળગળા થઈને, ખબરુ પુછે રે

અવીનાસી આવી, એનાં પાંસમોરે હોજી. આજ...

ભગવાન સુદામેજા પાંચ ધબાયેતાં તેકે દશીને રાણી રુકમણીજી વઝણું ખણી હવા કરીયેતાં.

ચરણ દબાવે વાલો, હળવે હળવેરે

વીઝંણો લઈને, વાયુ એને ઢોળેરે.

શ્રી દેવી આવી પાસમાં હોજી.

સુદામેજી સેવામે અઠોય પર રાણીયુ હાજર અર્થી ને બ થાળ પીરસે અગીઆ ધર્યા બોય ભોજન જમેતા જમી મુખવાસ ગનીને શ્રીકૃષ્ણ સુદામે વટ ગુરુકુળ જયુ ગાલ્યુ યાધ કરે કરે ચેતા.

ચોપાઈ

હે રાજન પછી સર્વેશ્વર ત્યાં, છપન ભોગ થાળ મંગાવ્યાં
સાથ બેસીને ભોજન કીધા, મુખવાસ એલચી બેળા દીધાં
વિસ્વેશ્વર પછી વાત ઉચારે, ગુરુ ગુળની જુની સંભારે
ગુરુકુળમાંથી સાથે ભણતા, ગુરુ સેવામાં સાથે રેતા
વનંમા ગયાતા સાથે જેદી, ત્રપણ લેવા સાથમાં તેદી.
તેદી ભયંકર આંધી આવી, સારી રાત્રી હેલી મચાવી.
અવની અંબર એકજ દીશે, જળ બંબાકાર કાઈનાં સુંજે
મહા ભયંકર રાતી વીતાવી, સારી રાત્રી કથા સંભારી.

ફરી ભગવાન કહે છે. ચોપાઈ

હે સખા તને યાદ એ આવે, ભુખ્યાને વરી સીત ધુજાવે
સોધવા માટે ગુરુજી આવ્યા, લઈ ઉરમાને આનંદ પામ્યા
ગળ ગળા થઈ આસીસ દીધી, અર્મી દ્રસ્ટી વરસાવી દીધી
શ્રી ગુરુ કૃપાથી આજે જગમાં, ઉજવળ કીર્તિગાજે ગગનમાં
આપણ બેઉ નીજઘર હાલ્યા, વરસોનાં જો વાણા વાયા.
હે મીત્ર તંમે નીજ ઘર જાઈ, લગ્ન કીધા હશે જ ત્યાં ઈ
કેટલા બાળકો હશે ઉમંગમાં, કુશળ હશે સૌજન ઘરમાં
અથ ઈતી તંમે સૌ સંભળાવો, કેમ ચાલે છે સંસાર તમારો

ઉપરોક્ત સર્વ બીનાં શ્રીકૃષ્ણ સુદામે કે પુછેયા સુદામા સાવ મૌન અર્થી અતરે ભગવાન ફરી સુદામે કે યાધી દઈ પુછેતા

ચોપાઈ

હે સખા હું તો સગળુ જાણું, સારો જીવન તારો પીછાણુ
સુખ સંપત્તીથી અળગ રેતા, ભોગ વૈભવથી ન્યારા રેતા
જળ કમળ વત રહો છે સંસારે, સુખ દુઃખનું નથી લગારે
સદા પ્રકૃલિત ભજન કરવું, રાત દીવસ સંમરણ કરવું.

પછી ભગવાન સુદામા કે ફરી યાધ દઈ પુછેતા ક હે મીત્ર મુલા મુજા ભાભી કીં પણ યાદગીરી ભેટ હલાયા અંયા. સે મુકે વતાયો દેયો

ચોપાઈ

ભાભીજી મુજ સાડ ભેટજે દીધી, તે સખા કેમ સંતાઈ દીધી
એમ કહી હરી સામે નીહારે, સુદામાજી મનંથી સરમાંયે
સુદામા ભગવાન જી સાયબી દશીને ઈ પંવા લીધે સરમાઈતા ને ચીથરે મેં બધેલ પોટલીકે
લકાયેતા ઈ ભગવાનતા જાણાધાજ વા.

દોહરો

વૈભવ જોઈ શ્રીકૃષ્ણનો, સુદામાજી શરમાંય, કેમ આ તાંદુલ આપવા, પોટલી નીજ છુપાય.
સુખદેવજી ચેતાં હે પરીક્ષિત ભગવાન જત તત વ્યાપક અય સજે વીરવમે રજકણ કણમે જે
જો વાસ અય ઈ સુક્ષ્મ રૂપથી વસેતો અનંથી જરા કીં પણ અજાણ નજ વે અતરે સુદામે વટાથી
તાંદુલ પોટલી ગનીં ગંઠ છોળે ને ઈ તા આરોગેલા લગા સુદામા તા પટ સામે ન્યારીજ જ રેયા ને
ભગવાન તાંદુલજી ભર્યા મુઠ પણ સુદામાતા પંઢજી ટેકમે પુરણ અય.

રાગ આજ તારા આગણીઆ

એજી એને દાવ સો ભલેને, દુઃખ નાં આવ્યારે
દગેનાં એ વૃત ધારી હોજી, આજ ઈતો અયાચક
થઈને અળીખંમ ઉભોરે, હરીનો આજે દ્વારમાં હોજી. એજી એને...
તાંદુલ છુપાવે સુદામા, શરંમ એને આવેરે
નજર ચુકાવી નાથ લઈ લાધારે, આરોગે હરી હોસમારે જી.

શ્રીકૃષ્ણ સુદામેજી પોટલી તાંદુલજી ગનીં ને મુઠ ભરે આરોગેતા ને હદા સજે જગજે જીવેકે
વ્રપ્તી થઈ વનેતી જેજો કારણ ભગવાન મણીજો આતંમ મે જ વસેતા

રાગ

એક મુઠી ભરી હરી આવેરે, બ્રંમાંદ આખુ હાલેરે
જગનાં જીવો સૌ વ્રપ્ત થાયેરે, ઓદકાર આવે સાથમારે

દોહરા

એમ મુઠી તાંદુલની, જ્યાં આરોગી ઘંનરચ્યામ, રીધી સીધી સંપદા, પોચાળી વ્રીપનાં ધાંમ.
હકળીજ મુઠ ભગવાન તાંદુલ આરોગ્યા અને ઉત ધુનીયા જા જીવેકે ઓદકાર આયા અને
રીધી ન સીધી હાજર થયુ આદેસ મગેત્યું ભગવાન ઉત ઈ સુદામે જો ઘર વતાયા ઉ રવાનીયુ થયુને
કૃષ્ણ બચી મુઠ ભરેલા વનેતા ને રુકમણીજી ધોળીને ભગવાન જો હથ જલેને વાણી વદીતા.

બીજી મુઠી ભરવાને, હરી હાથ લંબાવેરે
કમળા શનીરે કર જાલી બોલેરે, બસ કરોને ભગવન હો.

કૃષ્ણ તાંદુલજી બચી મુઠ ભરેલા વનેતા રુકમણીજી ધોળી હથ જલે નાકાર કેયા હાણે ભંધ
કરેયો ઘણે દયીદનાં તદે ભગવાન વિચારીતાં ક અજ સુદામો મોસે મંગેત સજો બ્રમાદજી સીધી
દયી દીયા ને સુદામે કે સામે ન્યારીતા

રાગ:

મનથી વિચારે વાલો, કે સુદામો કાંઈ માગેરે

લક્ષ્મી સહિત સીધી એને આપુરે

આપી દઉ આખા બ્રંમાદર્ની હોજી.

હિ પ્રસંગ પુરો થયો. ભગવાન સુદામે જે ઘરે અઢળક સંપત્તી પુજાય દનાં સુદામે કે ખબર નતીપેં સુદામું ઘણે દી દ્વારીકા રોકાઈતાં નગરીજી સોભા કૃષ્ણજી સાયભી ને રીધી કતરાદી નકરીવ્યા ઈ ખબર પ નં પઈ

દોહરો

ઘણા દીવસ વીતાવીઆ કૃષ્ણ પ્રભુનીં પાસ નીત નીત નીરખે દ્વારીકાં મનમાં અતી ઉલાસ કનક ની નગરી નીરખે, ગોખ જરૂખા સાથ અઢળક સંપદા માં સદા, આળોટે પદ્મનાથ.

અજીક સમ્ય વીતે સુદામા ઘર જાવાની રજા માંગે છે ભગવાન પ્રસન્ન થઈ હા પાળે છે પછી સુદામાજી ઘર જાવાની તૈયારી કરે છે ભગવાન પ્રતી કહે છે

દોહરા

હે ભુવ ગાંમી ભુધરા, ભક્ત રધ્ય રંમનાર, ગુરુકુળમાં ભેરા ભાણ્યા, એ ભાગ્ય મારા કીરતાર. તે દીન તમને ઓળખ્યા, જેદી રપ્યા વન રાત, મહા ભયંકર આંધીથી, ઉગારયો, જગ તાત. વેદ છંદ શાસ્ત્ર સાથ, પુરૂષાર્થ આપનીં દેહ, છતા ધર્મ અર્થ કામ ને, ચારે પદારથ જેહ તેમ છતા ભાણવા ગયા, માનવ જ્યું કીરતાર, એજ લીલા છે આપનીં, જાણે શું સંસાર.

સુદામો ભગવાન પ્રતી કહે છે કે હે હરી ચારોય વેદ પુરાણ શાસ્ત્રો ચોસઠ કળાઓ. તે સર્વ આપમે સમાયેલી અય છે તમે જ ઉત્પન્ન કરી છે છતા તમે ભણવા આવ્યાતા હી આજં લીલાજ અય. વરી આંધી ગોકુળમે મથુરામે અને હેવર દ્વારકામે લીલા કાર્ય કર્યોતા ઈ આંઉ મળે પ્રત્યક્ષ દશાંતો હે દયાળુ આંઈ મુ જેળે હકળે અંને માડુજી સેવા કેયાં ઈ પણ જભરી ગાલ અય અને મુકે દુઃખ પ લગેતો મુજી આંચીં સેવા કર્યો ઈ દશીને મુકે સરંમ થીયેતી. આજી સેવાજો ભઘલો આંઉ કતરે જનમે ચુકાઈ સગા હે દીન દયાળુ આજી શક્તી અનંત અય હાણે મુંતે ભાર બોરો ચળેતો અતરે મુકે રજા દેયો ઈ ચયીને સુદામો દંડવત પેતો ઈ દશી ભગવાન ઉનજી ઘેલછાંકેને છાતી લગાઈતા આસ્વાસંન દયીને ઘર વનેજી રજા દીયેતા.

દોહરા

ઘર જાવા લીધી રજા, શ્રીસુંદિર વરનીં પાસ લઈ લાકળી ચાલીયા, નમન કરી કહે દાસ.

ભગવાનજી રજા ગની સુદામા રવાનાં થીએતા નં પંઢજી ઉજ લકળી દ્વારીકાજી વાટ ગણાને જે સુક નજર પુગીતે સુધી દ્વારીકાને રીધાં અનંજી સાયભીજી વખાણ કીધાં ભગવાનં જીકો માન દનાં ઈ સંભારીધા વખાણ કયાં વનેતાં ભગવાન પણ પઘર સુધી ઉનીક વોરાયને પાછા દ્વારીકા અચેતા

ઈતિ અધ્યાય ૮૦

અધ્યાય ૮૧ : સુદામા ચરીત્ર

રાગ શીવ રંજની

ભક્ત સુદામા નીજ ઘર જાતા, મારગમાં વિચાર કરે

શું આ સ્યામનીં સાયભી જગમાં, દેવો પણ ભુલા પળે ભક્ત સુદામા...

સ્વર્ગ ભુવનનું વર્ણન કહ્યું છે, જેવું ગ્રંથોની માંયારે
 તેથી અધક સુખ ભોગવતા, કૃષ્ણ દ્વારીકા માંયારે. ભક્ત...
 ભક્તાર્થીન ભગવાન ખરેખર, આવ્યા અવની માંયારે
 ગૌ બ્રામણનું રક્ષણ કરવા, માનવ દેહ ધરાઈરે. ભક્ત...
 સર્વેશ્વર સંતન લીતકારી, વીપ્ર પ્રીય કરનારે
 મુજ સરીખા દરીદ્રનીં એ, ન સેવા કરે કીરતાર રે ભક્ત સુદામા...

સુદામા વાટમે વિચાર કરીતા ક કૃષ્ણજી દ્વારીકા સરગસે પણ સુંદિર અય કતરી સાયભીમે
 ભગવાન આળોટેતા. હજાર દાસ દાસીયુ છતા મું જેળે સનેજી સેવા પંઢ જ કરીયેતા કતરા ઉદાર
 દયાળુ ઈ જગજો તારણ અજ જગલા સંતેલા અવતાર ધરે માનવ લીલા કરે ભુમીજો ભાર
 ઉતારીતા ઈ વિચાર ક્યા ન સુદામા પંઢજે ઘર વટ પુજી અચેતા. ભગવાન વટ મંગેતા

ભક્તિ દેજો સનમતી દેજો, લેજો શરણનીં માંયારે

ભજન તમારૂં ભુધર જગમાં, વીસરે ભવભવ માંયારે

ભક્ત સુદામા નીજ ઘર...

શ્રીકૃષ્ણ જો સંમરણં ક્યાં પંઢજી ઝુપળી વટ પુજી અચેતા સામે ઉત મેલાત દશી ઉભી વિચાર
 કરીતા ક ઝુપળી મુંજી વટ હી કેજો મેલ અય વટ ભગીચો દશી ચુપ થઈ ઉભી રેયા.

ચોપાઈ-શીવરંજની

ભક્ત સુદામા નીચ ઘર આવે, નીરખી મહેલને વીરમય થાયે

તુટી કુટી કેયાં ઝુંપડી મારી, નથી દેખતા બાળક નારી

ઉભા અકેલા વિચારે ચળેયા, સામે ઉપવન નજર ચળીઆ

આ મહેલાત કોણે બનાવી, મારી ઝુપડી કોણે તોળાવી.

નથી ભુલ્યો હુ મારગ કેદી, કોણે બનાવી ઉજવળ મેડી.

સાથ સુંદિર વનરાંયી સોભે, ઘોર ગટા ઘંનજ્યું ઓપે

એ ઉપવનમાં મહેલ દીખાયે, જેની સોભા વર્ણનાં જાયે

મહેલ નીરખી વીપ્ર સુદામા, નીરાસ થઈ વિચારે મનમાં

સુસોભીત મહેલ દશી સુદામા મુંજી પેતા ને વિચારીતા મુજી ઝુપળી તોડે કે હી મેલ ભનાયો
 મુજી છોકરા કત હયાં ઈ વિચાર કરીયાં ઉભા અચી. સુદામે કે વાટ મથે ઉભલ દશી સુદામેજા પત્ની
 ધોળી નીચે અચેતા.

દોહરા

વીપ્ર વનિતા મહેલનાં, ઉભા જરૂખા માં જોયા પતીને મારગે, જટ ત્યાં દોડી જાય.
 દાસી જે એનાં સાથમાં સજીઆ સોળ સાણગાર હીરા મોતી ઓ હાથનાં સોભે અપરમ પાર.

સુદામાની પત્ની શુસીલા દેવી. પત્ની પાસે આવી નમસ્કાર કરે છે જળ આપે છે પછી મહેલે
 તેળી જાય છે.

ચોપાઈ

કનક કળસ જળ ઝારી ભરીને, વિપ્ર વનિતા આવ્યા લઈને

નીરમળ જળ પાન એ દીધા, કર જોડીને વંદન કીધા.

સુદામાને કહે છે

હે નાથ આ મહેલ તમારો, વન વ્રક્ષોથી સોભતો સારો
અઢળક સંપદા જે આ આવી, શ્રીહરીએ કૃપા વરસાવી.
એમં કહી કર ઝાલી આખ્યા, નીજ ભુવનમાં તેડી લાવ્યા
પ્રથમ પતીના પુજન કીધા, આસન આપી વંદન કીધા.
સુદામા હીંદોળે બેસી મહેલ નેરીતા.

ચોપાઈ

વિપ્ર સુદામા નીજ ઘર નીરખે, નીરખી સંપદા એ મન હરખે
આટલી સંપદા ક્યાંથી આવી, જીવન માં મે નથી કમાવી
દ્વારીકાને મહેલો જે જોયા, તેથી અધીક આછે સજીઆ
ખાંટ હીંદોળે હેમનાં સોભે, ગાદી તક્યાથી એ ઓપે
હાંદી ઝુંમર સાથ જળકતા, રંતન દીવળાઓ જગમગતા.
ઓ સો ખંદો સારા સોભે, કોટી કમાનો ઉપર ઓપે.
દ્વાર સજાવા તોરણ બાંધ્યા, હીરા મોતી અઢળક સાંધ્યા
ફટીક મણીની સોભા ગણી, સ્થંભ માંચી મણિઓ જળી.

સુદામાજી મેલમે વઢા અચી સોભીતા ન્યારે વિચારીતાં હી શ્રીકૃષ્ણ જે મેલ જેળીજ સોભા
રચનાં હાંદી ઝુંમર ક્વાત્મક હીંદોળા રત્ન જળેલા કમાળ હી મળે હતરે દીમે ઉભો કીં થઈ વ્યો કે
ભનાયો કારીગર કેળા હંધા હી નકી લીલા દ્વારકા વારેજી જ અય અય પણ મળે સચો સપનું તાં કી
અય નં વરી સુદામા ભગીચો નેરેલા વનેતા.

ચોપાઈ

હોજ કુવારા બાગમાં દીસતા, મહેલ ફરતે સોભા કરતા
એ જીવનનું નીરક્ષણ કરે છે, વિપ્ર સુદામા મંદમલકે છે
દાસ દાસીઓ જીવન માંચી, આજ્ઞા માગતા શીર જુકાવી.
કહો ભક્ત શું સેવા કરીયે, મુખ માગો એ હાજર કરીયે.
જોઈને સુદામા શ્રંમતી ખોવે, જળવત થઈને સામે જોવે.
દ્વારીકામાં કે છુ ઘરમાંચી, વીપ્ર વિચારે છે મનમાંચી.

મેલાત તા ઉભી સુદામા ફરંધે બગીચો દશેતા ને વિચારીતાં ક હી ઘર મુજો અય છોકરા મુજા
અચી પાળોસી ઈ જ અચી તદે હી કી મળે ફરીવ્યો ઈ નકી મુજો મંતર દ્વારકા વારેજી દયાસે ભન્યો
અય ઉ જગતો તારણ કારણ અય અનજી ઈછાસે રાય રંકને રાજા ભની વની. પલમે ઈ જલમે
થલને થલમે જળ કરી સગે તદે ઈ જ અનજી ઈછા સે જ ભન્યો અય જેજી અજબ રચનાં અય ઈ
કીડી કે હાથી કે મણ પુરેતો મળીમેં વ્યાપક અય અને નીરલેપ પણ અય હકળી રાતમે દ્વારીકા
ઉભીકે તદે હીતા હકળો મેલ જ અય ઈ પલમેં ચાહેસે કરી સગે જીકો મુતે કતરો ઉપકાર કે અય
કતરો ઉદાર અય કતરી સહન શક્તિ ધીરજ મુંકે સાવ અજાણ રખી ને સંપતી દયી દનાં હત

પોજાયા અતરો તાં મું કદે પણ ભજન નાય કેયો હકળી કોદી જે ભધલે મે કરોળ ગણુ દઈ દનાં ભગવાન અનંજા કરતા વખણ કરીયાને ગુણ ગાયા મું વટ બ્યોતાં અનીકે દનેલા કી પણ નાય ભાકી વારવાર વંદન કરીયાંતો.

દોહરા

નીજ નારી નીજ બાળને, નીરખી કર્યુ નીરધાર
આ કમા શ્રીકૃષ્ણની, નીજ કરી કીરતાર.

રાગ. બહાર માલકોસ

ભક્ત સુદામા નીજ ઘર આવી, ધરણી ધરનું ધ્યાન ધરે
આ અઢળક સંપદા ક્યાંથી આવી, મન માંથી વિચાર કરે ભક્ત સુદામો...
જનમ જનમ નો છું હું દરીદ્રી, સમર્થા હરીનાં સ્યામ નેર
પુર્વ જનમ ના પાપ જે કીધા, ક્ષમા કર્યા ભગવાન રે. ભક્ત...
દીનં દયાળુ એ દયારે કીધી, કીધો આ ઉપકાર રે
આપ સરીખો મહેલ બનાવી, આપ્યો મને મહારાજરે. ભ...

ફરી સુદામા ભગવાનને કહે છે

મેઘ વરસતો જે અવની માંચી, પાત્ર કુપાત્ર નાં નીરખેરે
સંમ દ્રસ્ટીને સૌ જીવ સરખા, કૃપા વારી વરસાવે રે. ભ...
તેમં તમે છો જગ ઉજાલા, સર્વેશ્વર સુખદાયીરે
ભક્તી દેજો ભવભવ ભુધર, આપ ચરણનાં સદાઈ રે. ભક્ત સુદામા...

અજ સુદામા ભગવાન જી અસ્તુતી કરી એકાંત વયીને ઈ અજ અયાચક જો વૃત ભુલી ભગવાન મંગેતા.

ચોપાઈ

હે ભગવાન હવે ભક્તિ દેજો, જનમો જનમ સરણ દેજો
મુરતી તમારી કદીનાં વિસરે, રદય વસજો જે પલ સંમરે.
રીધી સીધી સાથ સંપદા જે છે, બંધન કરતા જગમાં છે જે
તે માયામાં જીવ જે મોયા, લાખ ચોરાસી મારગ જોયા
જે જે ભક્ત ને ત્રસણા જાગે, ધન કીરતીને ઐશ્વર્ય માગે
સર્વેશ્વર એને કદીનાં દેતા, જેને આપનો હરી કરી લેતા
પ્રીય ભક્તને પાસ બોલાવે, માયા બંધનથી ને છોળાવે
ફરી જનમની ફાંસી ટાળી, શરણે રાખે બીરદ સંભારી.

સુદામા ભગવાનકે ચેતા ક હે ભગવાન આપી મુંકે સાયભી દયી માયામે લપટાય લા તા કરેયોતા પણ મુંકે આંજી સંપદાજી જરા જરૂર જ નાંચ મુજી અજ ઈજ માંગણી અય ક આજી ભક્તી જનમો જનમ દીજા મુંકે બ્યો કીં ખપે નતો ભસ ઈજ મુજી છેલી માંગણી અય છેલે મેં ચેતા.

દોહરા

હે ભુવ ગાંભી ભુધરા, સર્વ રદય વસનાર ગુરુકુળમાં ભેરા રહ્યા, એજ મારા ભાગ્ય.

સુખદેવજી ઉવાચ

તે દીનથી ભક્ત સુદામા, રહેતા નીજ મહેલ માંય, રાત દીવસ સંમરણ કરે, શ્રીહરી નામ સદાય.
જેને મન સુખ સાયબી, અઢળક સંપદા ભોગ, ચીતથી ચીંતવન નાં કરે, સાધતા નીસદીન યોગ
હે રાજન જેને વીપ્ર પ્રીય, બ્રામણ હીત કરનાર. આજ્ઞા એની શીર ધરે, યોગેશ્વર કીરતાર.
હે રાજન આજે ચરીત્ર, સાંભળ સે નરનાર. રીધી સીધી સાથ સંપદા, સહાય સદા કીરતાર.
હે રાજન આ ભક્ત સુદામો ભોગવી સુખ સંસાર, અંતીમ ઘળીએ ચાલીયા શ્રીહરી ચરણ મોજાર
ભક્ત ચરીત્ર ભગવન કથા, કહી કવીતા કરજોળ, ભુલ ચુક નમીયો પ્રભુ, કૃપા કરી રણછોળ.
આ કથા પુરાણ કરી, શ્રીહરીનાં ગુણગાંન, શ્રવણ કરે સુખ આપસે, દાસ સદા ભગવાન.

ઈતિ અધ્યાય ૮૧

અધ્યાય ૮૨ : શ્રીકૃષ્ણ અને બલરામ સાથે પુનઃ ગોપ મીલન

દોહરા

ભક્ત ને સાંભળી, પરીક્ષિત જોડ્યા હાથ ગળ ગળા થઈ ઉચરે, જ્ય જ્ય શ્રીપદ્મનાથ
પછી પરીક્ષિત પુછવે, નમન કરી કરજોળ પછી પરીબ્રમ શું કર્યું, શું કાર્ય કર્યું રણછોળ.

શ્રી ભગત સુદામેજી કથા શુણ્ણી પરીક્ષિત પ્રસન્ન થયા શુકદેવકે નમન કરે પ્રશ્ન પુછેતા ક હે
મુની ફરી ભગવાન કેડી લીલા કેયા ઈ સજી વારતા સુણાયા તે મુની ચેતા.

ચોપાઈ

શ્રીશુકદેવજી કથા કહે છે. ભગવન લીલા આગે વટે છે
દ્વારીકાનું એ વર્ણન કરતા, એક ચીંતે ભુપ સાંભળતા.
હે રાજન જે બ્રમ આ જગમાં, આજ બેઠા છે રાજભુવનમાં
મોટા ભાઈ બલરામ જી સાથે, વાતુ કરતા બેઠા સંગાતે
સૂર્ય ગ્રહણની વાત જ આવી, મોટા ભાઈને કહી સંભળાવી
પ્રલય સરીખો ગ્રહણ જ થાસે, અવનીમાં અંધકાર છવાસે
માટે ચાલો સૌ સ્નાન જ કરવા, સન્મંત ચક્રનાં દરશન કરવા
કુરુક્ષેત્રમાં સર્વ સંગ જાઈએ, દાન દયીને પુન્ય મેળવીએ.

બલરામજી કે શ્રીકૃષ્ણ ચેતાં હે મોટા ભાઈ ન્યારેયો અજ હંન ધરા તે જભર ગ્રહણ પ્રલય
જેળો થીંધો અને ધરાતે છાંઈ થઈ વંધી અતરે યાદવે કે તેયાર કરાયોને સહ કુટુંબ સન્મંત ચક્રમે
સ્નાન કરે દાન દયીને પુન્ય ક્રમાંઈયો ને ફરી વટે ભાકે કૃષ્ણ ચેતા.

ચોપાઈ

જે રાજાઓએ અનીતી કીધી, પરશુરામે પરશી લીધી
કુરુક્ષેત્રમાં સંહારજ કીધો, અનેક ભુપનો વધ કીધો

જેનાં રક્તનીં ધારા ચાલી, કુરૂક્ષેત્રમાં નદીઓ હાલી
 તે ભુમીમાં પ્રાયશ્ચિત કરવા, સર્વ જીવનો ઉદાર કરવા
 પરશુરામ ત્યાં યજ્ઞ કરાવ્યો, સન્મત ચક્ર નામ અપાવ્યો.
 તે ભુમીમાં હાલો ને સર્વે, કરો તૈયારી સૌજે હળવે
 ગજરાજો ને રથ જોળાવે, સગા સંબંધી સાથ બોલાવે.
 તે ધારાનાં કુંદ બનાવ્યા, પાંચ કુંદ રક્તનાં ભરાવ્યા

દોહરો

વાત સાંભળી કૃષ્ણનીં, યાદવ થયા તૈયાર રથ જોળાવ્યા સામંટા, ચાલ્યા તીરથ મોજાર.
 પરશુરામ જન ભુમી તે પાપી રાજાએજો સંહાર કેયા વાં ઉત લુઈજી નય વધી વધી લુઈ ઉનં
 રતજા પંજ કુંદ ભરાણાવા ઉનં ભુમીતે પરશુરામ યજ્ઞ કરે સન્મંત ચક્ર તીર્થજી થાપનાં કેયાં અધી ઉત
 વનીને પાં મળે સ્નાન દાન કરીયુ અતરે તૈયાર થીયા.

શુક. ઉવાચ ચોપાઈ

હે રાજન પછી તે તીરથમાં, યાદવ આવે છે સૌ સંગમ.
 ભારતનાં ભુપતીઓ સર્વે, લાખો લોકો આવ્યા હળવે
 ઉગ્રશેન ને અકુર સાથે, વાસુદેવ ગદ ગોવિંદ સંગાતે
 પ્રદ્યુમન ને સામ્બ સરીખા, ચાલ્યા સર્વે સરખે સરખા
 શેનાપતી કતવર્તા સાથે, અનિરુદ્ધ શુક સારણ નાથે
 દ્વારીકાનાં રક્ષણ કરવા, બેઠા છે ત્યાં ચોકી કરવા.

શ્રીકૃષ્ણજો આદેશ મથે ચળાઈને યાદવ મળે પંઢ પંઢજે કુટુંભ કભીલે સોંત યાત્રા કેલા રવાના
 થીએતા. દ્વારીકાજો રક્ષણ કરેલા. કતવર્મા સારણ અનિરુદ્ધ કે રખી રવાનાં થીએતા.

ચોપાઈ

ગુગરીઆરા રથ જોળાયા, રેશંમ જાંઈ પળઘા બંધાયા
 તીખા તોરી સાથમાં લીધા, યાત્રા નાં પરીયાણ કીધા

યાત્રાજો વર્ણન

ગજરાજો નાં ઝુંડો હાલે, કનક મઢેયા ધીમાં ચાલે
 સ્યામ વર્ણનાં સાથ નીકળીઆ, જાણે ગંગને મેઘ ચળીઆ
 સર્વ રાણીઓ સંગમાં આવે, બેસી રથમાં ધીરે ચલાવે
 દાસ દાસીઓ સંગમાં લીધા, વૃધજનોને સાથે લીધા
 નાદ નગારા પળઘંમ બાજે, જેનીં ધુંન ગગને ગાજે
 યાદવોની ચાલી છે સ્વારી, જેનીં સોભા છે એ ન્યારી.

હે રાજન અજ યાદવ ભેરા થઈ સજો રસાલો હાથી ઘોળા રથ પાલખીયે મે વર્ધીં રવાનાં થેયા
 દાસ દાસીયુ બ્યા બુઢા સંગમે અગીઆ જે લેનમે વાહન રખે રવાના થેયા જેજી સોભાજો વર્ણનં પ
 ન થઈ સગે ગંગન ગજાઈધા રવાનાં થેયેતા

ચોપાઈ

સર્વ સંગે સાથમાં ચાલ્યા, કુરૂક્ષેત્ર તીરથમાં આવ્યા
ગ્રહણનાં એ ઉપવાસ કીધા, પાંચે કુંદમાં સ્નાનજ કીધા
સહસ્ર ધેનું દાનમાં આપી, સોનાં સીંગં મઠાઈ રે દીધી.

વિપ્રો ને ત્યાં ભોજન કરાવ્યા, અઢળક અંન ધન દાન આપ્યા.

ગ્રહણ જો સ્નાનં ધ્યાન પુરણ કરે વળજે ઝાળ નીચે વીએતાં

દોહરો

હે રાજન પછી યાદવો શ્રીકૃષ્ણ પ્રભુની સાથ, વટ વૃક્ષ નીચે બીરાજીઆ સૌ આવે રાજન સાથ.

હે રાજન યાદવ પંચ કુટેમે સ્નાન વ્રત નીયમશે કરે દાન દયીને ઈ મળે યાદવ હકળે જભર
વળજે ઝાળ નીચે ભગવાન ને યાદવ વીએતા ને ઉત સજે દેશજા રાજા દરશન કરેલા અત અચેતા

ચોપાઈ

દેશ દેશનાં મહિપતી આવે, શ્રીકૃષ્ણને શીસ નંમાવે
મળી પરસપર સૌ સંગ આવી, વૃક્ષની નીચે બેસતા જાઈ.

મતસ્ય ઉશીનર કોશલ રાજ, કુરૂ કુંબોઝનાં મહારાજ

કૈકય કુન્તી ને કેરલ ભદ્ર, સર્વે દેસોનાં સાથ વિદર્ભ

ફરી સુકદેવજી ચેતા હે રાજન અજ અંન ક્ષેત્ર મે સ્નાન કરેલા ગોકળ ગાંમજા નંધ જસોદાને
મળે ગોપ ભેરા આયા અયી સ્નાન કરે ને ઈ ભેરા થઈ શ્રીકૃષ્ણ જા દરશન કરેલા અચેતા ને
ભગવાન હકળા હકળેસેં મલેતા

ચોપાઈ

વૃજવાસી સૌ ગોપાની સાથે, નંદ યશોદાજી આવ્યા સંગાતે
માત પીતાને આવ્યા જાણી, અતી હરખાણા સારંગ પાણી
ઉતાવળા જટ ઉઠી ને ચાલ્યા, જાઈ ચરણમાં શીસ નમાવ્યા
બંને બાંધવ દંડવત પળીઆ, હર્ષના આસું નયન છલકેયા
ગળ ગળા થઈ સામે નીહાળે, રદય ભરાયા સબ્દનાં નીકળે
બંને પુત્રોને નજર નીહાળે, ઘણા વર્ષોથી આજે ભાળે.

ભગવાનકે ખબર પયી કે ગોકુળ સે નંદ જસોદાજી માતા ભેરા ગોપ સ્નાન કેલા આયા અયી
અતરે ભગવાન ધોળી સામે વનેતા ને બોય ભાં દંડવત કરીયેતા નંદરાજા ઉભા કરે છાતી તે લગાયા
મલેતા અજ ઘરે વરે માતાપીતા મલેયા અતરે ભગવાન જો ભાવસે રદય ભરાજી અચેતો નંદજી
પણ કી કઘી સગે નતા એવા ભાવ વિભોર થઈ વનેતા માતા જસોદાતાં નેરેને એળા સંનમન
થઈવ્યા જેજો વણન જ ન થઈ શકે ને ભગવાન તે પોવા સજે ગોકુળ ગાંમ જે ગોપેકે બખવયી
મલેતા.

કરજાલીને ઉભા એને કીધા, રદય લગાવી આસીસ દીધા

નારી વૃંદ સૌ આવીને મળતા, મળી પરસપર વંદન કરતા.

ક્ષેમ કુશળની વાતુ પુછે છે, આંખે આંસુ હર્ષ પળે છે

હે રાજન આ ગોપ મીલનનું, વર્ણન કરવું તે સમ્યનું
રામ સ્યામને સાથ ગોવાળો, દીરો ઉમંગ માધી વૃધ બાળો
ઘણા વરસોની વાણા વાધી, ફરી મીલન મોકા આયા.

દોહરા

પછી સાથ સૌ ચાલીયા, આવ્યા કુન્તા માતા પાસ
સાથ વસુદેવ દેવકી, દીસતા અતી તે હુલાસ.

હે પરીક્ષિત ગોપ મીલન કરે ભગવાન ભેરા બલરામજી પીતાજી વસુદેવજી ભેરા કુન્તાંજી
જંદા જન તંબુ મે અચી ઉતે મલેલા અચેતાં મળે નમન કરીયેતા ઈ કથા અજ સુણાઈએતા.

કુન્તાજી વસુદેવ પ્રતી ચેતા. ચોપાઈ

માત કુન્તાજી પછી વાત ઉચારે, વસુદેવને કહી સંભળાવે
ભાઈ તંમે મારી ખબરૂ નાં લીધી, સુખ દુઃખમાનાં યાદનાં કીધી

વસુદેવજી ચેતા

હે બહેન તંમે ધીરજ ધારો, જુનીં વાત હવેનાં સંભાળો
જીવ જગમાં જ્યાં જ્યાં આવે, સંચીત કર્મ ભોગવતો જાપે
વિસ્વપતીઆ વીસ્વ બનાવ્યો, કોટી દેહ જગ જીવ ઉપાયો
સર્વ રમંકળા રામનાં તે છે, રાંમ રમાળે નાયતાં તે છે.
કંશ રાજા એ જે દુઃખ દીધા, કર્મના ફળ ભોગવી લીધા
હવે બહેન હરી મહેર કીધી, રાજ પાઠ ને સંપદા દીધી.
હવે તમારા દુઃખના દીવસો, જાતા રેશે લાગેનાં વરસો.
એમ કહી બહેન સામે નીલાળે, પળતા અશ્રુ સામે પાળે.

ઉપરોક્ત કુન્તાજી ને દીલાસો આપી પછી સર્વ યાદવો કૃષ્ણ સાથે પોતાનાં સ્થાને આવે છે
ત્યારે એ ખબર પળતા કૌરવો કૃષ્ણને મળવા આવે છે.

ચોપાઈ

હે રાજન પછી પાંડવો સાથે, કૌરવ આવ્યા સંગાતે
ભીસ્મ પીતામહ દ્રૌણાચાર્ય, ધૃતરાસ્ત્રને કૃપાચાર્ય
દુર્યોધન ને યુધીષ્ઠીર જે તે, કુન્તી ભોજને વીરાટ જે તે
વીદુર વીદુરથ કાશીરાયં, મીથીલા પુરનાં જે કેવાયં
સારા દેશનાં રાજન આવ્યા, નીરખી કૃષ્ણને આનંદ પામ્યા
મળી પરસપર વંદ કરતા, પાત્ર જોઈને ચરણો પળતા
યાદવ કુળનાં નારીઓ સર્વે, મળવા હાલી ત્યાં હળવે
મળી પરસપર વંદન કરતી, એકાએકને જાઈ મળતી

શુકદેવજી વાણી વદીતા હે રાજા સજે ભારત જા રાજા ત્યાં શ્રીઉગ્રસેનકે મલેતા વંદન કરે ચેતાં
ક હે ભુપ આચી મહાભાગ્યસાળી અયો કારણ અજ આંજી આજ્ઞાં જગજો નાથ પંઢ જે શરતે

રખેતો આંઈ તા મહાભાગ્યશાળી અયો આંજી પુરવજી કમાણીજા ઈ કલ અર્ચી કરી ચેતા

ચોપાઈ

હે રાજન તંમે કેવા તપ કીધા, જગનીયંતાને વસ કીધા
નેતી નેતી જ્યાં વેદ પુકારે, જે બ્રમ છે બાવનથી બારે
યોગી મુનીઓ ધ્યાન જ ધરતા, શેસ સનકાદી વંદન કરતા
જેની વાણી કીરતી જગમાં, પાવન કરતી પલ સંમરણમાં
જે યોગેશ્વર આ વીસ્વ ચલાવે, તે તમને નીત શીસ નમાવે.
ધન્ય ધન્ય તો યાદવ કુળને, ધન્ય ભુપ ઉગ્રશેન તમને
જેનાં નામથી પાતક જાયે, જેનાં દરશન દુઃખ હટાવે
તે જ પરીબ્રમ શેસનાં સંગમાં, આવ્યા છે બેઉ સગુણમાં
યાદવ કુળના પુન્યો પ્રગઠ્યાં, યસ કીરતી જગ પસરીયા
નમન કરી સૌ ત્યાંથી જાવે, નીજ નીજનાં તંબુમાં આવે

દોહરા

નમન કરી સૌ રાજવી, ઉગ્રશેનનાં પાંચ રજા લઈ પછી જાય છે, નીજ આવા સો માંય.
હે રાજન પછી શ્રી હરી, ત્યાંથી આગે જાય મળવા એ વ્રજવાસીને, કૃષ્ણ અકેલા જાય.
યાદવ અને ઉગ્રશેન કે મલીને ભુપ સજે દેશ જા પાછા પંઢજે તંબુએ મે રવાના થયા તદે હદા
ભગવાન અજ હેકલાજ વ્રજવાસી ગોપેકે મલેલા રવાના થયા.

ચોપાઈ

શ્રીકૃષ્ણને આવતા જાણી, નયંનો માં ઉભરાણા પાણી
ઉઠી ઉતાવળા સામે આવે, વ્રજવાસી સૌ શીસ નંમાવે.
ભગવાનકે સામે દશી વ્રજ વાસી સામે ધોળી અચેતા
ગોપીઓ સૌ સંગમાં સાથે, એકા એક એ શીસ નમાંવે
દરશન કરતા નીજ પદ ભુલી, મુક બનીને ચાવે અંગુલી
બંની બાવરી જળવત જોવે, સ્વાસ રૂઢ્યાણાં ભ્રમંતી ખોવે
જુની વાતો યાદ એ કરતી, જાણે કે વ્રજ રાસ શું રંમતા.
વૃંદાવન નીં યાદ એ આવે, દેહ ભંમતી સાંવ ગુમાંવે
નયંને નીરખતી મટકુનાં મારે, સ્યામ મુરતી રદય ધારે
ચીત વૃતી જરા નાં દોલે, મુખથી એક સબ્દનાં બોલે
શ્રીહરી સામે જોઈને હશીઆ, ગોપીઓનાં રદયે વસીઆ.

દોહરા

જયું ધન માયી ચાંદની, સાઘર નીર સમાય ત્યું કૃષ્ણ મય ગોપીઓ, તદાકાર થઈ જાય.
હે પરીક્ષિત અજ ઘણે વરે પાછળ ગોપીયુ શ્રીકૃષ્ણ જા દરશન કરેતીયું તદે ઈ સાવ પંઢજો

ભાવ પુરાણુ જાગ્રત થીએતો ઉ બાળકરૂપ નંદપણજી બોલી મળે યાદ અચેતી વ્રજજી ભુમીને નત નાંનાં જા દ્રસ્ય રાસ મંદળ મટકી ફોળ નાગ દંમન ચીરહરણ ઈ યાદ કરીધે નં સાવ તદાકાર થઈ જળ વારેજી સામે નરે રયું અપી ઈ પ્રસંગ કી કથા સુખદેવજી સમજાઈયેતા

ચોપાઈ

ગોપીઓ સૌ પરમ પુન્ય સાળી, વસ કીધા જેણે વનંમાળી
જેને મળવા મુનીઓ મથતા, સહસ્ત્ર વરસો જપતપ કરતા
તેજ બ્રંમ આજ સામે આવ્યા, ભક્ત વત્સલ પુર્ની પધાર્યા
હે રાજન પછી કૃષ્ણ જ બોલે, ગોપીઓ સર્વે નયનો ખોલે.
અગાથ રદયજા ગોપીઆ જા ભાવ ભગવાન જાણી ગણા અતરે સામે ચેતા.

શ્રીકૃષ્ણ ગોપીએકે ચેતા. ચોપાઈ

ધન ધન છે સૌ ગોપી તંમને, મંમ કાજે તંમે ભુલી જગતને
પ્રેમ લક્ષણાં જે ભક્તિ મારી, સંમરણ કર છો મંમ રદય ધારી
જે ભક્તિ થી જીવ આ જગમાં, નથી લોપાતો માયા બંધનમાં
અમરં તત્વ પરમાનંદ પામે, આવા ગમનની રાહ મીટાવે
હે ગોપીઓ આ વિસ્વનાં વીરો, અંદર બાહિર ભૌતિક દીરો
આદી મદય ભીતર સગળે, પંચ ભુત જે વ્યાપક સગળે
જે વરતાય આ વીસ્વનાં માંચી, પંચ ભુત આતંમ નાં માયી
પ્રથમ પછવાળે બાહેર ભીતર, સગળે વ્યાપક જે છે ઈશ્વર
પંચ ભુત નાં પીંદા બનાવ્યા, કારણ રૂપ તેમાંચી સમાયા.
કરતા ભોક્તા ભરતા જે છે, જીવ રૂપ સમાયો તે છે
છતા તેનાથી નીર્વેપ જાણો, સર્વથી ઉપર મુજને પીછાણો.
સત્ય સનાંતન હું અવીનાસી, આતંમ જીવ મુજમાં વિલાસી
સુખ દુઃક સર્વ જગમાં જે છે, મીલન વીયોગ દેહ કત તે છે
જ્ઞાનીને તે સર્વદીન સરખા, જે બ્રંમ આનંદ ધન ઓળખતાં
માટે ગોપીઓ સંશય છોળો, એક બ્રંમ અદ્વૈત ચીત જોળો
એમ કહ્યું વીસ્વેશ્વર સ્વામી, ગોપી પ્રતી શ્રીબલુનામી.

દોહરા

વચનામૃત શુણી સ્યામનાં ગોપીઓ સૌ હરખાય, દરશન કરી શ્રીસ્યામનાં દંડવત તે પળી જા્ય
કરજોડી પછી વીંનવે, માંગતી સ્યામની પાસ, ભક્તિ દેજો આપની, રાખજો ચરણની પાસ.
ઉપરોક્ત શ્રીકૃષ્ણ જે ઉપદેશક વાણી શુણી ગોપીયું ધન ધન થઈ વયું ને શ્રીકૃષ્ણ જે ચરણે મેં
દંડવત કરીને વર મંગેતીં ક હે ભગવાન અસાજી ફરી ઈ જ મંગણી અય ક અસાંકે આંજી ભવોભવ
ભક્તિ દીજા

દોહરા

ભક્તી તમારી ભુધરા, ભવો ભવ દેજો સ્વામી, સંમરણ કદી ના વીસરે, એ વર દેજો બહુનામી.
હે રાજન પછી ગોપીઓ, ચાલી સૌ સંગ તેહ, નમન કરી શ્રીનાથને, જાથે નીજ ઘર જેહ.
આ કથા પુરાણ કરી, ગોપ ગોવિંદ મીલન, જાડેજા હરી ચરણમાં, કોટી કોટી હો નમન.

ઈતિ અધ્યાય ૮૨

અધ્યાય ૮૩ : ભગવાનજી રાણીયને દ્રૌપદી મીલન સંવાદ

દોહરો

પ્રશ્ન પરીક્ષિત પુછવે, દોયકર જોડી સાથ આગળની જે હરી કથા, જે શું કરીયું યદુનાથ.
શ્રી શુકદેવજી મુખ વદે, આગળનો ઈતીહાસ પછી પરીબ્રમ જાય છે, ધર્મરાજાની પાસ.
શુક ઉવાચ હે રાજન ભગવાન શ્રીકૃષ્ણ ગોપીજને કે જ્ઞાન દનાં અતરે ગુરૂરૂપ અર્ચી અને ઈજ
કૃષ્ણ સીન્ધા દ્વારા પ્રાપ્ત થીયે ઈ વસ્તુ ફળ રૂપ જ ઈ અર્ચી અતરે અજ ઈ યુધીષ્ઠીર અને મળે
સંબંધીએ કે મલી કુશળ સમાચાર પુછેતા ભગવાન પધાર્યા ઈ સામે દશી ધરમરાજા ભાવસે મલી
પંઢ વટ આસને તે વીરાયેને સનમાન કયાં

ચોપાઈ

ધરમરાજા એ જાણીયું જ્યારે, સામે મળવા આવે ત્યારે
કરજોડીને સંનમાન કીધા, મળી પરસપર વંદન કીધા.
આસન આપી ચરન પખારે, ધરમરાજા પછી વાત ઉચારે
યોગેશ્વર આપ ભલે પધાર્યા, દરશન આપી શોક મીટાવ્યા.

ધરમરાજા શ્રીકૃષ્ણની અસ્તુતી કરે છે

રાગ- આશાવરી.

પદરજ પાવન કારી, યોગેશ્વર, પદરજ પાંવન કારી
આજ પધાર્યા અંમ આંગણીએ, ભક્ત વત્સલ ભયહારી. યોગેશ્વર...
જે પદરજ થી પાવન કીધી, વ્રજ ભુમીને મોરારી
વૈકુંઠથી ને અધીક કીધી, ગોવર્ધન ગીરધારી. યો...
જે પુર્નીત પદ માંથી પ્રગટી, મંદાકર્ની મલહારી
ત્રણે ભુવનને પાવન કરવા, અવની આપ ઉતારી. યોગે...
જે પદનો યોગી ધ્યાન લગાવે, નીત્ય સમાધી ધારી
આજ અંમ ઘર આપ પધાર્યા, ખબડ્ડ લેવા અમારી. યોગે...

શ્રીકૃષ્ણ જો સંનમાન પુજા કરે ધર્મરાજા પ્રાર્થના કયાં ને વટ આસન તે વેરાયને ચર્ચા કરીતા

દોહરા

ધરમરાયની પાસમાં બીરાજ્યા શ્રીયદુરાય મળી પરસપર પાંદવો, બેઠા સર્વ સંગાથ.
યાદવ નારીઓ સાથમાં, આવ્યા દ્રૌપદી પાસ તેમ કુશળ સૌ પુછવે, દીસતી સર્વ હુલાસ.
શ્રીકૃષ્ણ પટરાણીએ ભેરા દ્રૌપદીકે મલેલા વર્નેતા ઉત મળે પંઢ પંઢજે પદ પ્રમાણે મલી નમન

કરે અતી ભાવસે પંઢપંઢજા મલીને ખબર પુછેત્યું ને દ્રૌપદીજી રુકમણીજીકે પ્રશ્ન પુછેતા.

દોહરા

શ્રીરુકમણીજી સત્યભામાં, જામ્બવતી ને સત્યનામ
કાલંદ્રીને મીત્ર વીંદા જે, લક્ષમણા ને ભદ્રાસ્યામાં.

અઠોય પટરાણીએ કે દ્રૌપદી પ્રશ્ન પુછયા કે આજા લગ્ન સંબંધ કૃષ્ણસે કી જોનાણા ઈ
વગતવાર સમજાયો.

ચોપાઈ

સાધવી ઓતંમે સૌ સમજાવો, સગળી બીનાં કહી બતાવો
માનવ લીલા જે કૃષ્ણ કરતા, નીર્વિકાર જે જગ વિચરતા
તેનીં સંગાતે કેમ પરણીઆ, કેમ તમારા સંબંધ સાધ્યાં
અથ ઈતી તે કહિ સમજાવો, સર્વ મુજને કહી બતાવો

દ્રૌપદીજી વાણી શુણી રુકમણીજી પંઢ વીતયી ચેતા

રાગ પ્રભાતી. જાગને મદવા

શ્રી દેવી બોલીયા, મુખ મલકાવીને, સાંભળો દ્રૌપદી વાત મારી
મારા તો સંબંધ એક, અશુરથી બંધાયા, જાઈને રુકમાજે મારો ભાઈ
પછી વિપ્રનીં સાથ મે, પત્રીકા મોકલી, સ્યામને દ્વારીકા નગર માંચી.
વાંચીને પત્રીકા સ્યામ સત્વર પછી, વિપ્રની સાથમાં એ આવે
જાન લઈ આવીયો દંમગોસ લર્ષથી, શીશુપાળ પરણવા મુજ આવે
દેશ રે દેશનાં રાજાનાં દેકતા, કર જાલી હરી મુજ હરણ કીધુ.
તે દીનથી સ્યામનીં ચરણમાંયે રહિ, દાસી થઈ સેવુ છુ દીનરાતી.

શ્રીરુકમણીજી પંઢજી સજી કથની દ્રૌપદીજી ક સમંજાયેને ચેયા ને હાણો સત્ય ભામાજી ચેતા

રાગ એજ

સત્યભાંમા પછી ધીરેથી બોલીયા, દ્રૌપદીજી પ્રતી વાત કીધી
મારો ભાઈશ્રી પ્રશેનનાં પ્રત્યુંનો, કલંક શ્રીસ્યામના શીર આવે
તે કલંક ને ઉતારવા, શ્રીહરી ચાલ્યા, જામ્બવાંન સાથે યુધ કીધુ
મણી લઈ આવીયા આપી પીતાજીને, મણી સાથ મારો દાન દીધુ
તે દીનથી નાથનાં સેવામાં રાચતી, ધ્યાનંથી રદયે ધારી લીધા
હે સખી પુર્વનાં દ્રૌપદી ભાગ્યથી, શ્રી હરી સેવાનાં લાભ લીધા

જામ્બવતી પંઢજી કથા ચેતા

જામ્બવતી પછી મંદમંદ મલકતા, અથ ઈતી વાત નીજનીં કીધી
મારા પીતાજીએ યુધ કર્યું જામ્બુવાંન, દીનં સતાવીસ શ્રીસ્યામ સાથે
પછી આખરે ઓળખ્યા, મુખને નીરખી, રઘુપતી રામછે એજ પોતે
ચરણં વંદન કરી નીધી લઈ સાથમાં, સોપીશ્રી મુજને નીજ હાથે.

તે દીનથી નાથની થઈ અર્ધાંગિના, ચરણની દાસી થઈ સેવા લીધી
હે સખી દ્રૌપદી નાથ કરૂણા કરી, ચરણ સેવા પ્રભુ નીજ દીધી.

જામ્બુવતી પંઠજી કથા સુણાયા દ્રૌપદીજી કે કરી દ્રૌપદી કાલંદ્રીકે સામે નેચારયાત ઈ પંઠ
વીતયી ચેતા

કાલંદ્રીજી સજી વાત મુખ ઉચરે, પાંચાળી પાસ એ શીસનામી
સાંભળો બાઈજી વાત જે મુજ વીતી, સ્યામને વરવા તપ કીધું.
યમુંનાનાં તટ જઈ યોગીની રૂપ લઈ, સ્યામનું રાતદી ધ્યાન ધરતી
તે જાણીને યદુપતી સત્વર આવીયા, રથ લઈ સાથમાં મુજ માડ
કર ગ્રહી માહર તેળી સંગાતમાં, દ્વારીકામાં પછી લગ્ન કીધા
તે દીનથી સ્યામનાં ચરણ દાસી થઈ, સ્યામ સેવાના લાભ લીધા

મીત્રવીંદાજી દ્રૌપદીજીકે ચેતા

મીત્ર વિંદા પછી, ધીરેથી બોલીઆ, સાંભળો સજની વાત મારી
માહરા પીતાજીએ સ્વયંવર રચાયો, સારાજે દેશનાં ભુપ આવ્યા.
એ જોવાને યદુપતી આવીયા મંદપમાં, નીરખીને મારા મન મોયા
મારા પીતાજીએ નીરખ્યા તે છતા, બેસવાને નહિ સ્થાન દીધા
તે દેખીને યદુપતી કોપ દ્રસ્ટી કરી, મંદપની માથે સતવર આવે
લઈ વરમાળા હુ આવી મંદપ માં, આવતા નાથને સામે જોયા.
નીરખ્યા નજરથી ચરણ દાસી થવા, સંમરતા સ્યામને ભાન ભુલી
તે જાણીને યદુપતી મારી જે વિનંતી, સર્વનાં દેખતા હરણ કીધું.
દ્વારીકા શ્રીપ્રભુ સાથમાં તેડીને, દાસીને શ્રી હરી સ્થાન દીધું
ત્યારથી રાતદી સેવામાં રાયતી, શ્રી હરીનાં સદા ચરણ સેવું.

હવે સત્યા કુમારી બોલેતા

કૌશલ દેશની કુંવરી બોલીઆ, સાંભળો ભામની વાત મારી
એક દાન સાત સાંઢ, સાથે નીરખાયા, નગર ને પાદરે બળધારી
જોઈને બેલને બીરદ લીધા પછી, એક સાથ નાથ સેજે વીર આપી
વરમાળા પછી એજને આરોપવી, જનમો જનમનીં થાઉ દાસી
દેશને દેશનાં આવતા ભુપતી, નીરખીને બેલને પાછા જાયે
સાંભળી સ્યામ તે તુરત આવીયા, સાત સાત રૂપતે ધરવાયે
સાતે સાંઢ નાથીઆ, હરી એક સાથમાં, બીરદ માડ પુરૂ થાયે
એ જાણીને જીવનમાં હાથ વરમાળા લઈ, આરોપી સ્યામને શીસનામી

લક્ષ્મણાજી દ્રૌપદીજીકે ચેતા

કૌશલ દેશની કુંવરી હુ લક્ષ્મણા, સ્યામ ને વરવા બીરદ લીધું
મુજ પીતાજી આ વાતને જાણીને, સ્વયંવર મહિ યુક્તી કીધી

ધનુષ એક લાવીને રાખ્યો મંદપ મહિ, પણ છ બાંધી નહિ છુટી મુકી
 સ્થંભની ઉપરે મછ એક રાખીઓ, મછને વેધવા સરત મુકી.
 દેશરે દેશના ભુપતી આવીયા, ધનુષનાં ઉપળે પાછા જાવે
 સાંભળી સ્યામ પછી આવે નગરમાં, મછને વેધવા ત્યાં જાવે
 ધનુષ ઉપાળીને દોરીને સાંધીને, કીધા સંધાન તે મછ વેધે
 છુટી કમાન ને થયો રણકાર જ્યા, ગગનમાં દેવ જોવાને આવે
 પુરુષ વૃસ્ટી કરી જ્યજ્યકાર ત્યાં, અવની અંબર સર્વ હુલાસી
 તે જાણીયુ ભવનમાં અતી હુલાસમાં, સજી સણગારને ત્યાં આવી
 લઈ વરમાળા જે આરોપી સ્યામને, નાથનાં ચરણની ઓથ લીધી
 તે દીનથી રાતદી સેવામાંથે રહી, જનમો જનમની ભક્તી માગી

હાલે ભદ્રા કુમારી પંઢજી કથની ચેતા

ભદ્રા મારા દેશમાં સ્યામ જેદી આવીયા, મારા પીતાજીએ જાણ્યું જ્યારે
 સામ્યો સાથ લઈ સાંમજે ચાલીયા, કીધા સનંમાનને તેડી આવ્યા
 પછી કરજાલી માહરૂ સોપી શ્રીસ્યામને, ઔક્ષણી સૈન્ય સાથ દીધુ
 અઢળક સંપદા દાસને દાસીઓ, તુલશીને પાને દાન દીધા
 તે દીનથી સ્યામની ચરણ સેવા કરૂ, દાસી થઈ સદા એજ માંગુ.
 હે સખી દ્રૌપદી મારી આ વારતા, જીવન મારૂ આ ધન્ય કીધુ.

શ્રી દ્રૌપદીજીકે ભગવાનજીયુ અઠોય રાણીયુ ભગવાનકે કી વરયુ ઈ સજી પંઢ પંઢજી ગાલ
 સુણાયા તે પુવા જુકો સોરો હજાર રાણીયે મે મુખ્ય જુકો રોહિણીજી ઈ પુરી પંઢજી ગાલ
 સમજાઈને સુણાયતા.

રાગ એજ

રોહિણીજી સતી એક એમ બોલીયા, સાંભળો શ્રીમતી વાત મારી
 પ્રાગજ્યોતી પુરંમ નગરીઆ અવનીમાં, ભૌમાશુર અશુરે જીતી લીધી
 તેજ તે નગરીમાં સર્વ કન્યાઓને, પકળીને લાવીને કેદ કીધી
 હે સખી તે કેદમા અંમ અબળા સૌ, બનીં નીરાધાર ને ત્યાંજ રેતી
 તે કેદથી છુટવા નજરથી નીરખતી, અવનીમાં કોઈનાં વીર ભાવ્યા
 આસ છોળી પછી જગતમાં સર્વની, જગતનાં નાથની ઓત લીધી
 સ્યામ સુંદર આવી પછી આવી ઉતાવાણા, અશુરની નગરીનો નાસ કીધો
 અંમ બંદીજનોને છોળાવી યદુપતી, કેદમાંથી સર્વ મુક્ત કીધા
 પછી એક સાથ સ્યામનાં ચરણ પકળી અંમે, સરણ રેવા અરજ કીધી
 ભક્ત વન્સલ પછી સાંભળી વીનંતી, અશરણ ને હરી શરણે લીધા
 તે દીથી દાસી થઈ રચીયે દ્વારીકા, શ્રી હરી નીરખી સુખ પાંમી
 શ્રીહરી પાસેથી એજ વર માગતી, ભવોભવ ભક્તીનું ભાથુ દેજો.

દોહરા

હે રાજન એ સર્વ રાણીઓ જે કરતી વાર્તા લાપ, મળી પરસપર પ્રેમથી, સૌ બેસી દ્રૌપદી પાસ.
શ્રીકૃષ્ણ ગોપ મીલનનો અદભુત આ આખ્યાન, સંભળાવ્યો સુખદેવજી પરીક્ષિત એકજ
દ ય લ ન
કથા આજે પુરાણ કરી, શ્રીજી શ્રીનું આ ચરીત્ર, બ્રમ શક્તિની વારતા, જે જાડેજા જગ પવિત્ર.

ઈતિ અધ્યાય ૮૩

અધ્યાય ૮૪ : વાસુદેવ જગન જો આરંભ કરીતા

શુક ઉવાચ દોહરા

હે રાજન આ સર્વ રાણીઓ દ્રૌપદીજી ની સાથ કરતી હાસ્ય વિનોદ જે, ક્ષેમં કુશળનીં વાત
નીરખીને પટરાણીઓ, ગોપી સૌ હરખાંય દ્રૌપદી ગાંધારી કુન્તાજી, જોઈ રદય ઉભરાય.

અજ કુરૂક્ષેત્ર મેં પાંડવ ભેરા યાદવ વાસુદેવ નંદ રાજા બલરામજી વઠા અપી શુણીને રૂષી મંદળ
મળે ભેરા થઈ શ્રીકૃષ્ણજા દરશન કરેલા અચેતા

દોહરો

ઉગ્રશેનં ને વસુદેવજી, પાંડવ યાદવ સાથ ભૃપતીઓ સાથ નંદજી, બેઠા બલ યદુનાથ

ચોપાઈ

કુરૂક્ષેત્રનાં તીરથમાં ઈ, કૃષ્ણ પધાર્યા છે તે જ્યાં ઈ
રૂષીઓ મુનીઓ સાથમાં આવ્યા, દરશન કરવા સૌ પધાર્યા
હે રાજન તે જે મુનીઓનાં, નામ સાંભળો તે સર્વેના
જ્ઞાનીં ધ્યાનીં ને બ્રમજ્ઞાંની, પરમ હંશ મહાવિજ્ઞાની.
કૃષ્ણ દ્રેપાયન વ્યાસને નારદ, વામદેવ બૃહસ્પતી વિસારદ
દેવલ પરશુરામ સતાનંદ, વિસ્વામીત્ર વસિષ્ઠ સનંદન
ગાલવ ગૌતમ ભ્રગુ પુલસ્ત્ય, અત્રી અંગીરાને અગસ્થ
ભરદવાજ ને રયંન મુની જેવા, યાગ્યવલ્ક કર્ણ્યપ તેવા.
મારકંદેય જે મહામુંનીં જ્ઞાંની, દવીત તીત્ર અંકીત નામી.
સનકાદી જે બ્રમ કુમારો, બીજા અગણીત રૂષી કુમારો.

ઉપરોક્ત રૂષી મુંની મળે ભેરા થઈ હરી સંમરણે કંઠા ઈ જત શ્રીકૃષ્ણ ભેરા પાંડવ વઠા અત ઈ
મળે અચેતા ભગવાન જા દરશન કરે કતાર્થ થીએતા ભગવાન પણ મુનીયેકે સામે હવી વંદન કરે
વટ આસન દઈ વીરાઈતા

ચોપાઈ

સર્વ સભામાં આવ્યાં જ્યારે, શ્રીહરી ઉભા થાય છે ત્યારે
સર્વેશ્વરનું સંમરણ કરતા, સર્વ મુનીઓ વંદન કરતા.
સર્વ મુનીઓને આવતા જાણી, સાંભા આવ્યા સારંગ પાણી

કૃષ્ણ બલરામ વંદન કરે છે, પાંદવ યાદવ દંડવત પળે છે
સાથ મળીને તેડી આવ્યા, પદ પ્રમાણે આસન આપ્યા.
ચરણ પખારી પુંજન કીધા, ધુપ દીપ લઈ અર્ચન કીધા.

શ્રીકૃષ્ણ મુનીયે પ્રતી ચેંતા.

ધન્યં ધન્યં આજ ભાગ્ય અમારા, દરશન પામ્યા સંતો તમારા
પુર્વ જન્મનાં પુન્યો પ્રતાપે, જનમ સફળ કીધા આપે
જે મુનીયોનાં દરશન કરવા, દેવો આવે અવની ફરવા
એજ મુનીઓ સૌ સંગ આવી, આજ અંમપર કૃપા વરસાવી
જે બ્રમ્મને સંતો બતાવે, સાગરથીને પાર ઉતારે
પારસ કંચન બનાવે જેમ, સંત નીજરૂપ બતાવે તેમ.
સર્વેશ્વર જે જગનાં કરતા, સર્વ જીવોનાં રદ્યે વસતા
સંત સદા છે જગ ઉપકારી, અશરણ શરણ સંત સુખારી

ભગવાન શ્રીકૃષ્ણ અખંદ જ્ઞાન સંપન અયી છતા ઈ વાણી શુણી મુની ચુંપ થઈ વયી રેતાં
ભગવાનજીકો ઈ સમજી નં સગેયા. છતા ભગવાનજી લીલા મ્રત વાણી શુણી ભગવાન ફરી ચેલા
લગા.

ચોપાઈ

મુનીપુજા જે જગમાં કરતા, એનાં સ્વરૂપનું ધ્યાન ધરતા
જેમ ભંમરી કીટ બની જાવે, મુરતી ધ્યાની શીવ થયી જાયે
સંતનાં જે દરશન કરે છે, કોટી જનમનાં પાપ ટળે છે
નસ્વર દેહ પંચભુતની કાયા, એમા આતંમ બ્રમ્મ સમાયા
મુરખ નર એમાં નવ માને, આતંમ ચેતનનાં પીછાણે
જીવ જનમી ભક્તિનાં કીધી, સંત ચરણ સેવા નાં કીધી
તે જન જગમાં પશુકર જાણો, જીવીત જગ મુવા પીછાણો
સંત ચરણ રજ શેષ વખાણે, સંત ચરીત્ર સારદ જાણે
એવા સંતની સેવા કરતા, આવા ગમનનાં ફેરા ટળતા
સંત શેવકને એક પલકમાં, લાખ ચોરાસી છુળાવે બલકમાં

દોહરા

વાણી સાંભળી શ્રીકૃષ્ણજી, રૂપીઓ સૌ હરખાય
આજ જગતનાં નાથ છે, તેમ કહી પરખાય.
થયી અબોલા નીરખતા, ચીત ચગદોળે ચળીઆ
પછી ધ્યાનથી ઓળખે, સગુણરૂપ પરખીયા.

ભગવાનજી વાણી શુણી મુંની વિચારે મે પઈ વનેતા કે હી રખે બ્રમ્મ નહી બ્રમ્મ કી જગજા રૂપી
મુનીય જા વખાણ નજ કરે અતરે ચુપ થઈ વયી રેતા ને ફરી પરીક્ષા કેલા ધ્યાન લગાય ન્યારેયાતા

બ્રમ ઓળખે ગણા અને વંદન કરે જેજેકાર કેયાં.

મુની કૃષ્ણજી પ્રાર્થના કરીયેતા. રાગ લાવણી

હે ભગવન હે ભવ ભય ભંગન, ભક્ત વત્સલ સાવરીયા
હે જીવ ગાંભી અંતરજાંભી, રમાપતી જગ ઉજીઆરા.
સંત સહાયકે અશુરારી, અશરણ સરણ હે ગીરધારી
માનવરૂપ ધર્યુ ધરણીધર, ધર્મ ધુરંધર ધીર ધારી.
વિસ્વ રચવા પીંદ બનાવ્યો, પંચ ભુતથી વિસતારી
જળ વસ્તુને ચેતન કીધી, કીધી રચનાં કલાકારી.
માનવ દેહ અમુલખ દીધો, લાખ ચોરાસી નીં માંચી
સર્વ જીવનાં રક્ષણ કરવા, આવ્યો અવની નાં માંચી
પરા પાર પરીબ્રમ પુરણ, વિપ્ર પ્રીય પ્રભુ કરનારા
વેદ ધર્મનું રક્ષણ કરવા, અવની અવતાર ધરનારા

મુની મળે ભેરા થઈ ભગવાનજી અસ્તુતી કેયાં નંમન કરે વદીતા કહે ભગવન આવી જીવ
જગજો ઉધાર કેલા પધાર્યા અયો આવી હીં બ્રમાંદ ઉપાયા અનજો રક્ષણ પોશણ કરીયોતા હી
આજી લીલાજી હકળી અય ફરી ભગવાન પ્રતી ચેતા

લાવણી

વેદ નીગમ જે શ્રુતીઓ સર્વે, આપથી પ્રગઠ થયા છે જે તે
સગુણ નિર્ગુણ પ્રગઠ દીસતા, જપ તપથી યોગી નીરખતા
વિસ્વેશ્વર જે વીપ્રો જગમાં, વેદોનું અધ્યન કરતાર
તે વ્રીપ્રોનાં રક્ષણ કરવા, આપ અવતરણ કરતારે
મોટા મુનીવર જેજે જગમાં, ધ્યાન તમારા ધરતારે
એજ આપને નીજ રદ્યમાં, સ્વયં રૂપ નીરખતારે
ચરણ તમારા મંગલકારી, જાનહંવી જેમા પ્રગઠયારે
એજ ચરણનાં દરશન કરતા, પાપ પ્રલ્ય થાતારે
હે અશુરારી આપ અનંતા, આજ આપનાં દરશનથી
ખટ વીકારો નાસજ પામ્યા, દરશન સાથે સંમરણથી.

શુક ઉવાચ

શુકદેવ બોલેયા હે રાજા સરો રૂષી ગણ ઉપરોક્ત ભગવાનજી વંદનાં દરશન કરે ને રજા ગર્નીને
રવાના થીએતા તન ટાળે વાસુદેવજી મુનીએ પ્રતી હથ જોળેને ચેંતા.

દોહરા

કરજોડી શ્રીકૃષ્ણને, રૂષીઓ લાગ્યા પાય રજા લઈ ધરમ રાયની, નીજ આશ્રમમાં જાય.
જાતા જોઈ મુનીયોને, ઉભા વસુદેવ થાય કર જોડી વાણી વેદ, મુનીયો પ્રતી સમજાય

વાસુદેવજી ચેતા

હે મુનીરાજ આંચી અજ પધારી અશાકે દરશન દનાં અજ અસાંજા ભાગ્ય ખુલીવ્યા પુરવજા ભાગ પ્રગટયા હાણે હે ભગવનો આંચી એળો મારગ મુકે વતાયો જેસેં અસાજો જનમ સુધરે મોક્ષજો મારગ વતાયો તદે ઈ શુણી નારદજી વસુદેવજી પ્રતી ચેતા

દોહરા

હે રૂષીઓ સંસ્યનાં કરજો શુણી વસુદેવનીં વાત, જગપતીને પુત્ર સ્વરૂપે નીરખે છે વસુદેવ આપ ગંગાતટ વાસી ઘરમાં સંત, પાદરમાં જે તીરથ, એની પરખ કોઈનાં કરે, એની દુર ગવાયે કીરત. હે મુનીયો જેમ વાદળમાં, રવી છુપાઈ જાય, એમં વિસ્વેશ્વર વસતા, જગથી નાં ઓળખાય. પંચભુતનીં જેની દેહ નથી જેને પુંચકે પાપ, કર્મ ફળ સુખદુઃખનાં જેને એ અનંત રૂપ છે આપ વસુદેવજી અને નારદજી જ્ઞાન યુક્ત વાણી શુણીને રૂષી વર્ગ રાજી થીએતો ને શ્રીકૃષ્ણ પુણી બ્રમં જ અર્થી જાણીને વસુદેવજી કે પ્રશ્ન કરી ચેતા

ચોપાઈ

હે રાજન પછી રૂષીઓ સવે, તે સભામાં બોલે હળવે
હે રાજન જે કર્મો જીવનાં, જીવને જનમીં ભોગવવાનાં
એનોં મારગ જગ પ્રસિધ છે, યજ્ઞનં કરવો વેદ વિદત છે
સર્વ દેવોનાં અધીપતી જે છે, તે યજ્ઞ વિષ્ણુનો છે
માટે વિષ્ણુ યાગ કરાવો, સર્વ સામગ્રી તૈયાર કરાવો
ત્રીવીધનાં જે દોસ નીવારે, જન્મ સફળ જીવન ઉજારે

રૂષી મંદળ વસુદેવી પ્રતી ફરી ચેંતા હે રાજન જીવ જગમે જદે દે ધરી અચેતો તદે ભેરા પુરવજા કર્મ ખણી અચેતો અને વર્તમાનમે સારા નરશા કરમે થીયે ઉની કરમે મજા છુટણલા અકળો મારગ અય અને ઈ યજ્ઞન તેમં પણ ઈ મણીયા ઉતમ વિષ્ણુ યજ્ઞન અય ઈ આર્થી કરાયો

ફરી ચેંતા. ચોપાઈ

હે રાજન જે જ્ઞાનીં છે જગમાં, ભોગ ભોગવે રેતા ધરમા,
સુત વિત ખાંધવ ને નારી, નાસવંત તે નીરખે ચારી
સર્વ સુખને સંપદા છોડી, લોકે શણને કરજોડી
જાઈ જંગલમાં એકલા વસતા, સર્વેશ્વરનું ધ્યાન ધરતા

ફરી રૂષી બોલ્યા હે રાજન હંન જગતમે જીવકે મુક્તી કેણી વે ત હકળો ઉપાય અય ક યજ્ઞન જ કેણુ હે જુકો જ્ઞાનીં અચી ઈતા જગમ ભોગ ભોગવે ને છેલે ઘરજા મળે સંબંધ છદેને ભગવાનકે ભજેલા વનમે ઈ ધ્યાન લગાય વીએતા.

સંમરણ કરીયેતાં. ચોપાઈ

હે વસુદેવજી જીવ આ જગમાં, ત્રણ રૂણ લઈ આવે અવનીમાં
પુત્ર પીત્રુને વિપ્રોનાં ધનથી, દેવ રૂણો જાય યજ્ઞનંથી
બે રૂણ તંમે રાજન ઉતાર્યા, પીત્રુ વીપ્રનાં રૂણ ચુકાવ્યા
હવે દેવોનાં રૂણ તમે ઉતારો, કુરૂ ક્ષેત્રમાં યજ્ઞ કરાવો

હે ભુપ તંમે પુર્વ જનમમાં, કઠોર તપસ્યા કીધી વનંમાં
 તે પુન્યોનાં આજ પ્રતાપે, પ્રગઠયા યોગેશ્વર આપે
 રૂપીએ જા આદેસ શુણ્ડીને વસુદેવજી તંન પલ યજ્ઞનજી તૈયારી કરાઈતાં

દોહરો

વાત શુણ્ડી સર્વ વીપ્રોની, વસુદેવ કીધા નંમન
 યજ્ઞ કરવા આપો દીક્ષા, તંમે મુજને ભગવન.

ચોપાઈ

સર્વ રૂપીઓ એ આજ્ઞાં દીધી, યજ્ઞ્યનીં તૈયારી કીધી.
 દીક્ષા લઈ વસુદેવજી ચાલ્યા, મ્રગચર્મનાં વસ્ત્રો પેર્યા
 સર્વ સામગ્રી સાથમાં લીધા, પુરણ યજ્ઞ્ય તૈયારી કીધી.
 સર્વ રાણીઓ સાથમાં આવે, યજ્ઞનાં સાણગાર સજ્ઞવે
 યજ્ઞ્ય મંદપમાં સાથે આવી, બેસે આસન શીસ નમાવી
 યાદવો સર્વે દીરો ઉમંગમાં, પાંદવો સાથ બેઠા ઉમંગમા
 સગાસહોદર સંગમાં આવે, આવી મંદપમાં આસન સોભાવે
 શ્રી કૃષ્ણને બલરામ ભાઈ, યજ્ઞ્ય નીરક્ષણ કરતા ત્યાંથી
 વેદ પાઠી ત્યાં વીપ્રો આવ્યા, યજ્ઞ્ય કુંદો ચાલુ કરાવ્યા
 મંત્રોનાં એ ઉતારો કરતા, સર્વ દેવોનાં પુજન કરતા.

વસુદેવજી રૂપીએજી આજ્ઞાં ગનીં તૈયાર થીએતાં ને મ્રગચર્મ વાઘા પેર્યા યજ્ઞ્ય મંદપ મે અચીં
 વીએતા અને રાણીયુ શરણગાર સજ્ઞે મંદપમે બીરાજમાન થેયુંત્યું યાદવ પાંદવ ઉમંગ મે દશજેતા
 સગા સંબંધી વર અચી વઠા અને અંન મહા વિષ્ણુ યજ્ઞનજી દેખ રેખ શ્રીકૃષ્ણને બલરામજી
 સંભારીતાં ચાલુ યજ્ઞ થીએતો

ચોપાઈ

શ્રીકૃષ્ણને બલરામજી આવ્યા, એ મંદપ માંપે બીરાજ્યા
 સર્વ શક્તિ તેનાં છે સંગમાં, આવી બીરાજે છે ઉમંગમાં

શુક્રદેવજી પરીક્ષિત પ્રતી ચેંતા

હે રાજન જે સર્વ સુખ દાતા, ક્ષર અક્ષરમાં વિખ્યાતા
 યજ્ઞ્ય યાજ્ઞને મંત્રો સર્વે, વેદ નીગંમ ગાથા જે વાણ્વિ
 અનંત કોટી બ્રમંદ જે દીસતા, પાર પરકે જે વિચરતા
 તે સર્વ બ્રમંનાં ઉદરમાંથી, રાજન તેમાં રઘ્વા સદાઈ
 તે પરબ્રમંનાં સંગમાં આજે, યાદવો સર્વ સાથ બીરાજે
 રાજન આ છે બ્રમંનીં લીલા, સંતો જાણે કોઈક વિરલા
 તો યાદવો તો ક્યાંથી જાણે, ઈષ્ટ કલિને સર્વ વખાણે
 વીષ્ણુ નો એ યજ્ઞ્ય કરે છે, વીપ્રો સર્વ મંત્રો ભાણે છે

જાણી સકે જોને યોગીઓને અગર ભક્ત કી સંત યાદવ જાણીનાં શક્યા. કે આ પોતે છે ભગવંત. શ્રીકૃષ્ણ શુકેવજી બોલયા હે પરીક્ષિત વસુદેવજી જેજો યજ્ઞ્ય કરાઈયેતાં ઈજ વિષ્ણુ તાં પંઢજો કુમાર કૃષ્ણ જ અય ઈ યાદવ કી સમજે ઈતા ઈષ્ટ જ સમજેતાં ઈ સજો આલમ જે ઉપાય અય ઈજ બ્રમ્ કૃષ્ણ રૂપમે અયે હકળા રૂપી મુની બ્યા કોક વિરલા સંત જ ઓળખેતા ને યજ્ઞ ચાલુ કેયાં

ચોપાઈ

વસુદેવ મંદપમાં આવ્યા, વિપ્રો એ સંકલ્પ કરાવ્યા
જ્યોતીષ્ટોમ ને દર્શની સાથે, પુર્ણ માસ પ્રાકૃત સંગાતે
સૌર સ્ત્રાદી વૈક્રત જે યજ્ઞોં, અગ્નીં લોત્ર અન્યાન્ય યજ્ઞો
દ્રવ્ય કીડાને મંત્રોનાં સાથે, પુજન કીધા વિષ્ણુના તે
અઢળક અંન ધન દાન એ આપે, ગૌધન ગજ ધન ભુમી સંગાતે
બારે દાન ભુપતીએ આપ્યાં, સર્વત્ર મંગળ યસ છવાયા
વસુદેવ નીજ પત્ની સાથે, યજ્ઞ્ય પુરણ કરાવ્યું હાથે
સર્વ મુનીઓ સંગમાં હાલ્યા, રામ કુંદમાં સ્નાન કરાવ્યા
ત્યાં પણ સુવાર્ણ અલંકારો સાથે, દાન દીધા રાંજન નીજ હાથે
સર્વ જીવોને સાથ જમાળ્યા, અઢળક દાન ક્ષેત્રમાં આપ્યા

યજ્ઞન પુર્ણ થેયો અતરે મળે રામકુંદમે સ્નાન કરેલા વનેતા ઉત પણ અઢળક દાન દયી પાછા
અંનક્ષેત્રમે વસુદેવજી આયા અતરે સજે દેશજા ભુપતી અચી ભેટેતા મુનીયે કે ભુપ નમન કરીયેતા
નંદા વદા મળે પદપ્રમાણે મલેતા અજ અંન અવસરજો વણન કેણુ ઈ સંની ગાલ નાંય જીવા
વસુદેવજી મણી ભુપ સંબંધીએકે ભેટ સોગાદુ દીએતા.

ચોપાઈ

સર્વ દેશોનાં ભુપતીઓને, આપી ભેટો નીજ વસુદેવને
રૂપીઓ મુનીઓ દેવ ગણ સાથે, ભુતપ્રેત પીત્રુ માનવ તે
સર્વ જન ગણ સંગમાં આવે, વસુદેવને શિર નંમાવે
સૌનાં ભાવે સનંમાનં કીધા, મળી પરસપર નીજ ઘર સીધ્યા

ઉગ્રશેન ભેરા યાદવને કૃષ્ણ મલેતા

શ્રીકૃષ્ણને બલરામજી સાથે, ઉગ્રશેન યાદવ સૌ સંગાથે
સર્વ વસુદેવ પાસમાં આવી, સર્વ ઉભા શીસ નંમાવી.

ગોપ ગોપી સૌ ત્યાં આવ્યા, કરી દરશન આનંદ પામ્યા

સહ કુટુંબ શ્રીકૃષ્ણનું નીરખી, જય જય બોલે સર્વ હરખી.

શુકદેવજી બોલ્યા હે પરીક્ષિત અજ અંન યજ્ઞજી પુર્ણાહુતી પુવા સજે દેશજા રાજા
વસુદેવજીકે નમન કરીતા વસુદેવ ભેટુ દઈ ભાવ સે મલેતાં ને ઉ પંઢજે દેશ રવાના થીએતા તે
પુઢીયા જીક વ્રજથી નંદજીને ગોપ આયાવા ઈ મળે વસુદેવજી કે ભાવસે નમન કરીતાં વસુદેવ બાથુ

મે ગની ભેટેતા ને ઈ ગોપે પ્રતી ચેતાં નંદજી કે યાધી દીયેતો

ચોપાઈ

હે નંદજી આ જગનો જે કર્તા, જગ ઉપજાયો અંધન કર્તા
તે અંધન છે માયા પાસનાં, જીવ અંધાયા એની જાળમાં
જેમાં યોગીને મુનીયો મોયા, સારા જગનાં જીવો ભુલ્યા
અભીમાન માં હુ પાણ ભુલ્યો, રાજ વૈભવમાં ઈ કુલ્યો
ભાઈ તંમે ઉપકારો જે કીધા, મીત્ર ભાવ નીભાવી દીધા
એનો બદલો હું ચુકવવા, વીલંમ કીધો તમને મળવા.
પ્રથમ જેલમાં જીવન વીતાવ્યું, રૂણ તમારૂં નાં ઉતાર્યું
આજ આવીને આપજ મળેયા, ફરી મુજ પર રૂણ ચળાવ્યા.
ઉપકારો તંમે અઢળક કીધા, નામ કુળને ઉજવળ કીધા
એમ કહી વસુદેવજી આવી, ભેટે નંદને રદય લગાવી.

દોહરો

અતી ભાવથી ભેટીઆ, નંદ વસુદેવરાય હર્ષનાં આશું નયનમાં, દળદળ બેઉને જાણ
ઘણે વરેથી અજ નંદરાજને વસુદેવજી મલેતા તદે અતરે ભાવ વિભોર થઈ વનેતા ક હકળે
બેકે છાતીતે લગાયને મુક બોય થઈ વનેતાં સબ્ધ બોલી શકે નતાં અખીયેમે પાણી અચી વનેતા
છેવટ વસુદેવજી નંદજી પ્રતી પંઢજી ભુલ થઈ વયી કદે નંદરાજકે યાદ નં કેયાં તેજી માફી મંગી
મલીને છુટા થીએતા

દોહરા

ત્રણ માસ ત્યાં રહ્યા, યાદવો ગોપની સાથ પછી ઘર જાવા કીધી તૈયારી, રથ જોળ્યા સાથ.
ગ્રીસ્મ ગયો અવની પરે, આવી વર્ષા રાજ નભમાં વાદળો દોળતા, વરસવા ને કાજ.
મંદપવન લહેરાવતા, અવની અતી હુલાસ જળ જીવો ઉમંગમાં, દીસતા સર્વાવાસ.
શ્રીકૃષ્ણ બલરામજી, સર્વ સહોદર સાથ જાવા દ્વારીકા નગરમાં, જાણે સર્વ સંગાથ.
અધ્યાય આ પુરાણ કર્યો શ્રીશુકદેવ મહારાજ વાંચે વિચારે જે જાડેજા સહાય સદા વ્રજરાજ

ઈતિ અધ્યાય ૮૪

અધ્યાય ૮૫

શુ.ઉવાચ. દોહરા

હે રાજન અજ અવનીપતી બેઠા મહેલની માંચ, મળવા નીજ માત તાતને હરી વિચારે મન માંચ
ઉઠયા ત્યાંથી ઉતાવળા, સાથે બલરામ ભાઈ, આવ્યા માતા ભુવનમાં, જ્યા બેઠા દેવકી માંચી
કર જોડી કીધી વંદનાં, ઉભા શીસ નંમાય, ઉભા કર્યા વસુદેવજી, શીર પર લાથ લગાય.
કુક્ષેત્રજી યાત્રા કરે યાદવે ભેરા ભગવાન પાછા ઈ દ્વારીકા અચીવ્યા હકળે દી ઈ બોય ભા
ભેરા મલી માતા પીતા જે મેલતે વંદન કેલા અચેતા વંદન કેયા બોય ભા તદે વસુદેવજી આસીસ

દયી વટ વેરાય ને સામે વેરાય કુરૂક્ષેત્રજી ગાલ યાદ કરીયેતા

દોહરા

જે યોગેશ્વર જગ કરતા, જગ કારણ જગભુષ, આજ આવ્યા અવનીમાં, ધરી માનવ રૂપ.
કુરૂક્ષેત્રનાં જેદી તીર્થમાં જે મુખથી મુનિ વદેલ, કે આપ અનંતા ઈશ છો, જે મુજ કર્ણે સાંભળેલ
પુરૂષ-પ્રકૃતી ભોગ્ય-ભોક્તા અવિનાસી-અવિકાર, તે ઈદ્રીયાતીત તે આપ છો અણુ-આણુ અણુસાર
આતંમ રૂપથી ઈશ્વરા, વસતા વસવા વીસ, જળ ચેતનમાં ઈ દીસતાં, જગમાંથી જે જગદીસ.

વસુદેવજી કૃષ્ણ પ્રતી ચેતા ક હે પુત્ર જદે કુરૂક્ષેત્રજી યાત્રા કર્યી તદે ઉત સજે દેશ જા ભુષ
આયાવા અને સારો સાધુ સમાજ આંકે નારાયણ બ્રમ કરે સંબોધીવા ને નમન કેયાતે ઈ પ્રસંગ જં
નજરે દહો તદે આઉ ઈ નકી કયો ક હી પુત્ર કૃષ્ણ હન પ્રદવીજો ભાર ઉતારેલા અને ધર્મ થાપેલા
નારાયણ પંઠ અવતરેયા અથી તદે જ આઉ મુંજા ધન ભાગ લેખીયાતો ફરી વસુદેવજી શ્રીકૃષ્ણ
પ્રતી બ્રમ ભાવસે ચેતા.

દોહરા

શસી સીતળતા પ્રભા રવીની, તેજ પુંજ પ્રકાસ, ગગનમાં દીસતા તારલા, સાધર જળ ચોપાસ
ધરણી ધીરતા સ્થીર પર્વત દીસ તુજે આકાસ, જલમાં થલમાં જે રજ નભમાં ચેતન સર્વ આભાસ
સબ્દ સ્પર્શ રૂપ ગુણ ગંધ જે વાણી નાદ ઝંકાર, વર્ણ વૈખરી પરા પરચંતી, મહ્યમાં અક્ષર આચાર
તામસ તેજસ અહંકારને બુધી બળ શક્તિ જેહ, મહાબલી માયા બંધન, આપ ઉપાયા તેહ
પીંદ ઉપાયા પંચ ભુતનાં, સબ્દ સંમરણ સાથ, તે પીંદોનાં આપ અધીસ્ટા, પુર્ણ પ્રકાસ સાથ
પાલક પોષક પ્રલ્ય કાળ જે, ત્રણ ગુણવિસ્તાર, જનમ મરણ માયા સ્થીતી, નીરલેપ નીરાકાર.
આ અવની જે પુર્ણ પ્રકાસે, સોભા અપરમપાર, સર્વ જીવ માયાનાં બંધન, આવા ગમન

વ ણ ઝ । ર .

હે વત્સ હન પ્રથવીતે જીકો દ્રસ્ય વસતુ દશાજેતી રવી શસી પ્રકાસ પાણી વાયુ ડુંગર હી ચેતન
શક્તી સબ્દ પંજ ગુણ ઈ આંથી પ્રગઠ ઉપાયા અયાંને આથીજ સંચાલન કરેયોતા છતા આથી
અનીંથી અલિપ્ત બારા અંદર વસોતા.

વસુદેવજી કૃષ્ણ પ્રતી ચેતાં

પુર્વ જનમનાં પુન્યો પ્રતાપે, મળ્યા મનુષ અવતાર

માયા વસ આ આયું ખોઈ, ઓળખ્યાનાં કીરતાર.

કારા ગ્રહમાં આપ પ્રગઠયા, શ્રીનારાયણ તાત

યાદી આપી જે જુગ જુંની, હુ ભુલી ગયો તે વાત.

હવે અશરણ સરણ સંત સુખારી, શરણે આવ્યો તમારે

જનમ મરણનાં બંધન છુટ્યા, જેદી ઘર પધાર્યા અમારે

શુક ઉવાચ. દોહરો

વસુદેવની વાતને, સાંભળી શ્રીથદુનાથ મુખ મલકાવી બોલીઆ, સર્વેશ્વર શ્રી સાક્ષાત.

વસુદેવ પ્રતી શ્રીકૃષ્ણ કહે છે. રાગ નરશી મેતો ભક્ત.

હે પીતાજી તમે જે મુખ બોલ્યા, અતંર પટ મારા બોલ્યા
 બ્રમ જ્ઞાન જે ઉપદેશ આજ દીધું, જનમ અમારૂં સફળ થયું
 હે પીતાજી તંમે બલરામ ભાઈ, યાદવ સર્વ દેવકી માંયી
 જીવ ચરાચર જગનાં જે છે, સર્વ બ્રમ મય રૂપ તેછે
 આતંમ તત્વ એ પરમ પીતાજી, અનંત રૂપ થયો દેહ સાથ
 સ્વયં પ્રકાસીત જીવ નાં જાણે, ઉચીત જાણી દેહ સુખ માણે
 નિર્ગુણ છે છતા સગુણ રૂપે, નીત્ય છે છતા અનીત્ય સ્વરૂપે
 પંચ ભુત અર્ગની જળ વાયું, ભુમંદળ સર્વત્ર છવાયું
 કાર્ય કારણથી જુદા દીસતા, અંતે એક રસ સર્વ વસતા
 હે પીતાજી અંમે પુત્ર તમારા, યુગે યુગે અવતાર ધરનારા
 તમે કરી તપસ્યા જઈ વનમાં, વર માગીને લીધા બંધનમાં
 આજ રૂણ તમારા ચુકવી દીધા, વર માગેલ પુરણ કીધા

દોહરો

સાંભળી વાત શ્રીકૃષ્ણનીં, વસુદેવ હર્ષીત થાય
 મૌન રહિ વંદન કરે, હર્ષનાં આંસું વહાય.

શ્રીકૃષ્ણ અને બલરામજી સાથે વસુદેવજી વાર્તાલાપ કરે છે ત્યાં માતા દેવકીજી આવે છે અને કૃષ્ણ પ્રતી કહે છે.

રાગ વિસ્વંભરી

શ્રીકૃષ્ણનેં સુખરૂપ, બલરામ ભાઈ, સર્વેશ્વરા સર્વ જગે, વસતા સદા ઈ.
 મન વાણીથી પર પ્રભુ છો આપ દેવા અવતાર લઈ અંમ ઘર, આવ્યા અભેવા.
 સર્વેશ્વરા સર્વ જગતનાં છો હીતકારી, જનમ ધર્યો અવનીમાં આપે ખરારી
 આવ્યા તંમે અશુરોને હરી ડંડ દેવા.

માયા ઉપાઈ અવનીમાં મહા બલકારી, સર્વ જગે જગતમાં રહિ છે છવાઈ
 તે માયા થી અંમ ભુલ્યા નાં જાણ્યા દેવા. અવ...

ગુરુકુળમાં ભણવાનેં તંમે ગ્યાતા જેદી, દીધી દક્ષીણા વર દીધા વળતારે તેદી
 એનાં પુત્રને સજીવન કરી આપ્યો દેવા. અવ...

દેવકીજી વર માંગે છે

હે હે હરી હવે મારી આ છોલી આશા પુરણ કરો પ્રભુ હવે કરો નાં નીરાસા.

ખટ પુત્રો જે પ્રભુ મારા જે કંસે માર્યા. અવ...

વર માગુ એ સજીવન કરી હરી લાવો તેને મુખ જોવાનેં મન મારૂં તલપે છે એને

વર માગુ એ તંમ પાસે પ્રભુ આપો એવા અવતાર લઈ.

માતા દેવકીજી શ્રીકૃષ્ણ પાસે એ વરદાન માંગે છે કે હે હરી તંમે ગુરૂનાં પુત્રનેં સજીવન કરીને લાવ્યા અને તેને સોપેલ તેમ મારા જે પુત્રો કંશે માર્યા માર્યા છે તેને સજીવન કરી લાવો એના મુખ

જોવાની મારી ઈછા છે એ હું માગુ છું.

દોહરા

વાત સાંભળી દેવકી માતની, શ્રી હરી થયા તૈયાર
જાવા સુતલ લોક, બલભદ્રને કીરતાર.

યોગ માયા છે સાથમાં, આવ્યા બલીનાં દ્વાર
ખબર પળી બલી રાયને, આવે સતવર બહાર.

નીજ માતજી વાણી શુણી કૃષ્ણ તૈયાર થીએતા અને સુતલ લોક વનેતા ભેરા બલરામને
માયા આપી ન બલી જે દ્વાર અચેતા બલીરાજાકે ખબર પેતી અતરે સામે ધોળી અચેતો દંડવત
કરીયેતા.

ચોપાઈ

સામે યોગેશ્વરની આવ્યા, બલી આવીને શીસ નમાંવ્યા
દંડવત કરીને પુજન કીધા, ચરણ ધોઈ આચમન લીધા
નીજ ભુવન તેળી આવે, સહ પરીવાર પુજન કરાવે
અતી સુશોભીત આસન દીધા, થાળ પ્રસાદ અર્પણ કીધા

બલીરાજા અસ્તુતી કરે છે. રાગ : યશોમતિ મૈયા

જય સચીદાનંદ જય જગ સ્વામી, જય બલરામ જય નમાંમી
આપ અનંતા શેસ અવતારા, પુરણ અંમ જગ ઉજ્જારા. જય જય...
હે ભગવન હે ભક્ત હીતકારી, દરશન દુર્લભ તમારા મોરારી
કીધી કૃપા આજ અંમ ઘર પધાર્યા, ધન ધન ભાગ્ય કારજ સુધાર્યા
રજ તંમ ગુણી અંમ સૌ દાનંવ, આપની સાથે વેરજ બાંધ્યા
કરૂણા રે સાગર ક્ષમા સૌને કીધી, સાયુજ મુક્તિ સર્વને દીધી
માયા તમારી મહા બલકારી, યોગીરે મોયા જેમા અધીકારી
અર્ધમ ગતી અંમે સૌ મોયાં, મદમાં રે આવી જીવન ખોયા.
હવે અશુરારી શરણમાં રાખો, દાસ તમારા ને આજ્ઞારે આપો
આજ અમારા ઘરને ઉજારયા, સેવા શું કરીયે દરશાવો દેવા જય સચીદાનંદ...

બલીરાજા ભગવાન જો પુંજન કરેને અસ્તુતી કરે આજ્ઞા ઈ મંગેતો આજી કુરો સેવા કરીયા
તદે કૃષ્ણ બલીપ્રતી ચેતા.

દૈ ઈત્ય પુત્ર પ્રલાદ હે, સાંભળો મારી વાત
સ્વયંભુ મનવંતરમાં, જનમ્યા જગ વિખ્યાત.
પ્રજાપતી મરીચી રૂષિ પત્ની ઉર્ણીથી જેહ
ખટપુત્રો જે જનમીયા, જગવીખ્યાત છે તેહ.

શ્રીશુકદેવજી વાણી વેદાંત હે પરીક્ષિત શ્રીકૃષ્ણને બલરામજી કે પધાર્યા ઈ દશી બલીરાજા
દંડવત કે તદે ભગવાન બલીકે ચેંતા ક હે બલી સ્વયંભુ મનવંતરમે મરીચી રૂષીજા કુમાર હકળો

વખત બ્રંમ દેસમેં વનેતાં અને ઉત બ્રંમાજી કે દશી ખલેતા ઈ દશી બ્રંમાજી શ્રાપ દઈ દનાં ક વનોં
આંજો અશુરજે ઘર જનમ થીંધો.

અંન શ્રાપ સે કરે ઈ રૂષી કુમાર દીતી જે ઉદરમે વારા ફરધી અચેતા તે ઉંન ગર્ભ જાંથી
જોગમાયા ખણી દેવકીજી ગર્ભમેં સ્થાપિત કરીયાંતા અને ઈજ બાળકે જો કંસજે લથા નાસ
થીએતો અને ઉની જ કુમાર કે ગનેલા આઉ આયો અયાં અતરે ઈ મળે બાળક મુકે પાછા સોપે
દેયો.

શ્રીકૃષ્ણ ઉવાચ. ચોપાઈ

ખટ પુત્રો જે મરીચી રૂષીનાં, દરશન કરવા ગયા બ્રંમાનાં
બ્રંમ લોકમાં આવ્યા જ્યારે, અજને ઉદ્યત જોયા ત્યારે
સર્વ બાળકો હસવા લાગ્યા, વિરંચીએ શ્રાપ જ આપ્યા.
અશુરને ઘર જનમ લેજો, યોગ માયાને શરણે રેજો.

બાળક અશુર જે ઘર જનમેતાં

હિરણ્ય કશીપુ નાં ઘર જાઈ, જનમ લીધા દીતીને ત્યાં ઈ
હે બલી તે જોગ માયા એ, હરણ કરતી ગર્ભનું ત્યાં તે
દેવકીજીનાં ઉદર માંથી સર્વે, જનમ લેતા રૂષીઓ સર્વે
કંશ જાઈને એનાં વધ કીધા, સર્વ બાળનાં પ્રાણજ લીધા.
તેજ બાળકને લેવા ને કાજે, આવ્યો છુ હું દ્વારે આજે
માટે બલી તંમે વીલંમ કરોનાં, બાળ સોંપી દયો રૂષીનાં

દોહરો

નમન કરી શ્રી કૃષ્ણને બલી લાગ્યા પાય, બાળક સોપ્યાં સાથમાં હરી તેડી દ્વારીકા આય.
બલી પાસેથી સર્વ બાળકો તેડીને શ્રીકૃષ્ણ દ્વારીકામાં આવે છે પછી દેવકીજી માતને સંપ્રત
કરે છે બંને ભાઈ નંમન કરે છે તે જોઈ માતાજી સર્વપુત્રોને અતી હર્ષિત થાય છે

રાગ. શીવાજીને નીંદરૂ. નાથ

આજ યોગેશ્વર સતવર આવે, આવી વીધીનાં લેખ મીટાવે
છોયે બંધુને સાથમાં લીધા, આવી માતાને સંપ્રત કીધા. આ યોગેશ્વર...
સર્વે બાળક તેડીને સંગમાં, આવ્યા દ્વારીકા માંય
રાજ ભુંવનમાં આવીને ઉભા, માતાજી બેઠા છે ત્યાંય
આવીને વંદનં કીધા, સર્વ બાળકો સોંપી દીધા. આજ...

સર્વ બાળક માતાને નંમન કરે છે

સર્વ આવીને શીસ નમાવે, માત ચરણમાં જાઈ
દેવકી માતાએ ઉરમાં લીધા, નયન નીર ભરાય
માતાજી મુખ સામે નીલાળે, સર્વ પુત્રોને સામે ભાળે. આ...
પુત્ર દેખીને પાનાં રે ચળીઆ, રદય પ્રક્રુવિત થાય

અંમ્રત જેવી દુધની ધારા, પાન કરાવ્યા માંય
 તેડીને રદય લગાવ્યા, હર્ષ નયન ભર છલકાયા. આ...
 શ્રાપ મુક્તિ થયા કુમારોને, લાગ્યા શ્રી હરીને પાય
 સર્વની સામે ઉતરી આવે, દેવ વિમાન ત્યાંય
 સહ દેહે સાથમાં બેઠા, અંમર લોક સૌ જાતા દીઠા. આજ યોગેશ્વર...

દેવકી માતાજી અતી પ્રશન્ન થઈ બાળકે કે રદય લગાઈતા અખીએ આંસુએ જી હેલી અચેતી
 રદય લગાયા બાળકે પણ માતા કે નમન કેયાં અને ઉત ઈ દેવ વીમાન ઉતરે તે તેમે વઈ સહદેહ
 સવર્ગમે ઈ નજરકે સામે વેધારેયા ઈ મરીચી રૂષીજા છોકરે જા નાવા હન પ્રમાણે વા સ્મરં,
 ઉદુગીથ, પરીસ્વગ, પતાંણ, શુદ્રભુત, ઘણી હી છોયે દેવકીજી જે ગર્ભ સે આયાવા જોગમાયાજી
 લીલાસે ને ઈ છોયે દેવ હુવા.

શુકદેવજી વદીતા

ભ્રમ જ્ઞાન ની વારતા, સંભળાવી શુકદેવ, શ્રવણ મનન મનથી કરે, પાંમે પરીબ્રમ તે હ.
 અભીમાની અધમ જીવ, આણ અધીકારી જે હ, કુપાત્ર ને જે મંદ મતી, રહસ્ય નાં સંમજે તેહ.
 પરમ પુનિત આ જે કથા, ગાથા ગોવિંદ ગાંન, વાંચે વિચારે દાસ કહે, રદય સદા ભગવાન
 વર્ણન વેદ વીખીયાતઆ, સમજાવ્યું શુકદેવ, નીગંમ જેને જાણતા, અસ્તવે મુખ તેહ.
 મંદ બુધી અજ્ઞાન હુ, લખી ગાથા અભંગ, સાસ્ત્ર ભેદ સંમજુનાં, નથી કીધો સતસંગ
 પુની પ્રગઠ આ પદ બંધ, એ ઔલિકીક આણસાર, કથની આ કલમે કરી, ના સબ્ધનાં અલંકાર.
 ગાથા આ ગોવિંદ ની, જે વસુદેવને જ્ઞાન મ્રત, બાળક સોધ્યા માતને, કહે જાડેજા ભગવાન.

ઈતિ અધ્યાય ૮૫

અધ્યાય ૮૬ : સુભદ્રા હરણ.

દોહરા

પ્રશ્ન પરીક્ષિત પુછવે, દોય કર જોડી સાથ, સંભળાવો શુભ કથા, વિસતારી ને નાંચ.
 શ્રી કૃષ્ણ ને બલરામનાં, બહેન સુભદ્રા નામ , અરજુંન સાથ વળાવીઆ, તે કથા કહો ભગવાન
 પરીક્ષિત પ્રશ્ન પુછેતા હે ભગવાન શ્રીકૃષ્ણજી બેન દ્રૌપદીજી જે સંબંધ કંન રીતે થેયો ઈ સજી
 કથા વસતારસે સમજાયો.

શુક ઉવાચ. ચોપાઈ

શુકદેવજી પછી કથા ઉચારે, પરીક્ષિતને કહી વીસતારે
 એક દીવસ અર્જુન હે રાજન, યાત્રા કરવા જાયે સંગમ.
 પ્રભાત ક્ષેત્રમાં એ આવ્યા, શુભ સમાચાર એ જાણ્યા.
 સુભદ્રાજી નાં સંબધ કરે છે, બલરાંમજીએ નકી કર્યા છે
 હસ્તીનાં પુર માં એ જાયે, દુર્યોધન નાં સાથે કરાવે
 વસુદેવ દેવકીજીને જરી આ, વાત પસંદ નથી જરીયા.

મુની સમજાઈ ચેતા ક હે રાજન હકળે દી અરજુન યાત્રા કરેલા વનેતા ઈ પ્રભાસક્ષેત્ર મે અચેતા તદે સમાચાર મલેયાક સુભદ્રાજી જો સંબંધ બલરામજી હસ્તીનાપુર વનેવારા અચી અને ઈ સંબંધ વસુદેવ દેવકી કે પસંદ નહી અતરે અરજુન સીધા ત્યાંથી દ્વારીકા અચેતા.

ચોપાઈ

અર્જુને આ જાણ્યુ જ્યારે, દ્વારીકામાં આવ્યા ત્યારે
દંદધારી રૂપ ત્યાં લીધું, ભગવો અચંગો ત્રીપુંદ કીધુ.
તુરત દ્વારીકામાં આવે, વળલા નીચે આસન જમાવે
દ્વારીકા વાસીને બલરામ ભાઈ, નીત આવે સતસંગ માયી
ઘણા દીવસ એમ જાય વીતી, બલરામજીએ કીધી અતીથી
નીજ ઘર એને તેડી આવે, સંત આવીને આસન જમાવે
મન ગમંતા ભોજન બનાવ્યા, પાન બેળા સાથ રખાવ્યા.
સાધુ સંગ હીંદોળે બેઠા છે. સખીઓ સાથ દ્રૌપદી જાવે છે

અરજુન સાધુનો સ્વાંગ સજી દ્વારીકામાં આવે છે પાદરમાં આસન લગાઈને ધુણો જલાવે
તો નગરજન ભેરા બલરામજી નીત અચેતા હકળો દી બલરામજી અની સાધુકે ઘરે જમાળેલા કોઠે
અચેતા અત અરજુન ને સુભદ્રાજી મેળાપ થીએતો.

દોહરા

ભોજન કરાવી મહેલમાં, બેઠા બલરામ પાસ, ત્યાં જોયા સુભદ્રાજીને, ફરતાં સખી સંગા.
રૂપ ગુણ જોઈ ચાતુરી, મહાબાહુ મોહિત થાય, પછી પરણવા ભારતે, નકી કર્યુ મન માંય.
સામે હુદા સુભદ્રાજી અરજુનકે દર્શી મોહીત થીએતા અતરે સામે નેરે રેયા અંચી
શ્રીસુભદ્રાજી સતી, બેઠા નીજ મહેલ માંય, સામે જોતા પાર્થને, ચીત ચલિત એ થાય.

સુભદ્રાજી અરજુનજી પરીક્ષા કરીયેતાં

સ્વાંગ સજ્યો ભલે સાધુનો, નકી કાંઈ છે રાજન
ચીત ચાહે કેમ પરણયા, સુભદ્રા વિચારે મન

ચોપાઈ

સુભદ્રાજી પછી મહેલે આવે, નીજ સખીને પાસ બોલાવે
કરી ઈશારત સાધુ બતાવે, લેવા પરીક્ષાને સમજાવે

સુભદ્રાજી સખીકે સમજાય ચેંતા

હે સખી તું એકલી જાઈ, ખબર પુછી લે તેની ત્યાં ઈ
કોણ પુરુષ છે કેમ વેસ લીધો, શા કારણ ઘર ત્યાગ કીધા

સુભદ્રાજી આજ્ઞા શુણીને ઈ સખી અર્જુન વટ અચી વીવેક સે નમન કરે સંદેસ સુણાયતી
અર્જુન દાસીકે પંદજી ઓળખ દનાં દાસી મળે વગત સુભદ્રાકે સમજાય. શુણી સુભદ્રાજી રાજી
થીએતા સુભદ્રાજી દેવકી માતાજીકે ચેતા અને વસુદેવજી અર્જુન કે પંદ વટ કોઠીતા ઈ કથા
સુકદેવજી ચેતા

ચોપાઈ

હે રાજન પછી અર્જુન આવે, વસુદેવને શીસ નંમાવે
માત દેવકીજીની આજ્ઞા લીધી, શ્રીકૃષ્ણની સંમતી લીધી.
પછી કુંવરી નીજ રથ જોળાવે, કુળ દેવીનાં મંદિર આવે
દુર્ગ બારે રથ લઈ આવ્યા, હરણ કરીને અર્જુન ચાલ્યા
બલરાંમે આ જાણ્યું જ્યારે, કોપ કરીને ધનુષ ઉપાળે
શ્રી કૃષ્ણ આવી સમજાવ્યા, કર જાલી ઘર તેળી લાવ્યા.
પછી સુભદ્રાજીને પરણાવે, અઢળક કન્યા દાન આપે
પરણીને અર્જુન સીધાવ્યા, ઈંદ્ર પ્રસ્ત પુરીમાં આવ્યા.

દોહરા

ઈંદ્રપ્રસ્ત આજ નગરમાં, દીશે અતી આનંદ

અર્જુન પરણી આવીયા, સૌ પામ્યા પરમાનંદ.

વસુદેવ અને દેવકીજી સહમતીસે સંબંધ નકી કેયા અને અર્જુન પેલા હરણ કરેતો
બલરામજીકે ખબર પચી અતરે કોપ કરે ઉપળેતા તે કે કૃષ્ણ અથ ઈતી સમજાય ને થધા કેયા ને
પુવા વીધસર લગ્ન કરેને જભર કન્યાદાન દઈ વોરાયા સુભદ્રાજીકે અર્જુન ઈંદ્રપ્રસ્ત અચેતા અત
ઉત્સવ મળે મનાએતા. હદા શ્રીકૃષ્ણ અજ શ્રુતદેવ ભ્રામણ અને બલુલાશ્વ રાજાજે ઘરે પધારીતા
ઈકયા. ચેતા શુકદેવજી

ચોપાઈ

હે રાજન આજ શ્રી હરી ચાલ્યા, નીજ ભક્તો ને મળવા હાલ્યા
મીથીલા એ પુરમાં જાયે, રથ પોતાનો તૈયાર કરાવે.
રૂષી મુનીઓ સાથમાં લીધા, તુરત ત્યાંથી પરીયાણ કીધા
અસીત આરૂણી કષ્ણને અત્રી, વ્યાસ મૈત્રીય બ્રહ્મસ્પતી.
વાંમદેવ નારદજી સાથે, પરશુરાંમ ચયંન સંગાતે
વૃધ વિપ્રોને સાથમાં લીધા, તુરત ત્યાંથી પરીયાણ કીધા
જે જે નગરનાં પાદર આવે, નગર વાસીઓ આવી વધાવે
ચરણ પખારી પુજન કરતા, શ્રી હરીને દંડવત પળતા.

સર્વરૂષીઓ ભેરા ભગવાન મીથીલા પુરી વનેતા વાટમે અચી ધંલ ગામળેવારા સામ્યા કરે કોઠે
વનેતા ને ભગવાન ભેરા રૂષીઆ સનમાન કરે પુજન કરીયેતા છેવટ મીથીલાપુર પુજી અચેતા.

શુક ઉવાચ. દોહરા

હે રાજન પછી શ્રી હરી, મીથીલા પુરી જાય, મળવા શ્રુતદેવ વિપ્રને, જે સમરતા હરી સદાય
અંન નગરીના ભુપ જે, બલુલાશ્વર જેનું નામ, નીર્ભીમાની ભક્ત જે, સંમરતો સુંદિર સ્યામ.
મળવા બેઉ ભક્તને, ચાલ્યા શ્રી ધંનસ્યામ, આવ્યા નગરનાં પાદરે, રૂષીઓ સાથ મહાંન.

ચોપાઈ

હે રાજન આજ શ્રીહરી ચાલ્યા, નીજ ભક્તોને મળવા ચાલ્યા
 મીથીલાપુર નગરીમાં જાય, રથ પોતાનો તૈયાર કરાવે
 એકા એક દેશથી આગે જાયે, પુર મીથીલા પાટર આવે
 બહુલાશ્વ ને ખબર પળે છે, સામાં દોડી ભુપ આવે
 કરી દંડવત ને પુજન કીધા, ચરણો ધોઈ ચરણોદક લીધા
 પછી હરીની અસ્તુતી કીધી, ઘર પધારવા વિનંતી કીધી.
 શ્રુતદેવ પણ માગ્યુ એહ, ઘર પધારેવા માગે તેહ
 બંને એકજ માગણી કરી, બે સ્વરૂપ ધરાયા હરી.

રાજા બહુલાશ્વ અને શ્રુતદેવ બંને પ્રથમ પોઢા જેયાં ઘર આવવાનું કહે છે અતરે ભગવાન
 અનીજા ભાવ દશીને બ રૂપ ધરી બોયજે ઘરે પધારીયેતા

શ્રુતદેવ વીપ્ર ત્યાં આવે, હરી ચરણમાં શીસ નંમાવે
 ઘર પધારો અંતરજાંમી, ફરી વદ તો દરશન પાંમી

દોહરો

ભાવ જાણી વિપ્રનાં, શ્રી હરી કર્યો નીરધાર, બેઉ ઘર જાવા સાથમાં, નકી કર્યુ વિચાર.

ચોપાઈ

રાજા મીથીલેશ નીજ ઘર આવે, શ્રીહરીને તેણી લાવે
 સોનાં સીલાંશન આસન દીધા, સર્વ સંતોના સંનમાન કીધા
 કનક કળસ કર ઝારી લાવે, સર્વ રાણીઓ શીસ નંમાવે
 છપન ભોગનાં થાળ બનાવ્યા, ભાવથી ભોજન કરાવ્યા.
 વીઝંન લઈ કર વાયુ ઢાળે, સર્વ સંતોનાં ચરણ દબાવે
 સર્વ વીપ્રોને વંદનાં કીધી, શ્રી હરીની અસ્તુતી કીધી.

બહુલાશ્વ રાજા અસ્તુતી કરીયેતા. રાગ :

હે અશુરારી આપ અનંતા, સર્વ પ્રકાસીત જગ વિચરતા
 હે ભગવાન આ ભુતળમાં ઈ, જ્યોત તમારી રહી છે છવાઈ. હે અશુરારી...
 વેદો એમ વદતા, તંમે પણ કીધું ભક્તો છે પ્યારા ઉપનામ દીધું
 લક્ષ્મી સહિત બલરામ ભાઈ, તેનાંથી પ્યારા ભક્ત સદા ઈ હે...
 સંત સહાયક કૃપાવંત યોગી, અવતાર લીધું ભક્તીનાં ભોગી
 આ અવનીમાં આપ વિચરતા, સંતો ભક્તોનાં રક્ષણ કરતા હે...
 આપ અનાદી આદી અનંતા, ઐશ્વર્ય રૂપે સર્વત્ર વસતા
 સગુણ સ્વરૂપે પરીબ્રંમ સ્વામી, કીધા ક્તાર્થ અમને અનામી
 જ્ઞાંન નાં રૂપે ગીરીવર માથે, સાન્તીનાં સ્થાપક કૃષ્ણ સ્વરૂપે
 દયા કરીને દરશન આપ્યા, આવા ગંમન નાં બંધન કાપ્ય હે અશુરારી...

દોહરો

વદન કરી શ્રી કૃષ્ણને, ભુપતી જોળ્યા હાથ

કુળ અમારૂં ઉદારજો, પરીયા પુર્વા સાથ.

બહુલાશ્વ રાજા ભગવાનજી પુજા કરે અસ્તુતી કરીને વરદાન મર્ગે હે ભગવાન અસાંજો નીમી
કુળ જો ઉદાર કરીજા ને અસાકે ભવ ભવ ભક્તી દીજા ને ભગવાનં વર દયી રૂપી ભેરા સીધાવી
વનેતા.

દોહરો

હે રાજન પછી શ્રી હરી, ધરીને બીજો રૂપ

શ્રુત દેવનાં ઘર આવીયા, યોગેશ્વર જગ ભુપ.

શ્રુતદેવને ઘર સ્યામ પધાર્યા, વિપ્ર આવીને શીસ નમાંવ્યા

કર જોડીને નમન કરે, ફરી ફરી એ ચરણ પળે છે

કુસ ચટાઈ નાં આસન દીધા, સર્વ રૂપીઓને વંદન કીધા

ફળ કુલ તુલશી માલા સાથે, પુજન કીધા દંપતી હાથે.

આજ વિપ્ર છે અતી ઉમંગમાં, નાયવા લાગ્યા હરી ચરણમાં

ગીતળા ગાતા સુધ વિસરાયે, મુખ નીરખી પ્રકુલિત થાયે

સુધ બુધ ભુલી હરીનાં ચરણે, વર માગે હરી રાખો શરણે

આજ અમારા ભાગ્ય પ્રગઠયા, આપ આવી ઘર ઉજાર્યા

ભગવાનની શ્રુતદેવ અસ્તુતી કરે . રાગ ગજલ ભૈરવી

અનંતા આપ અવીનાસી, અ જન્માં આપ છો દેવા

પધાર્યા અંમ ઘર આજે, શું કરીયે આપની સેવા. અનંતા...

અજ્ઞાની નાં આપને જાણે, સપનામાં મોજ એ માણે

જાગ્યા પછી નીજ પસ્તાવે, સર્વ સુખ નીંદ્રિમાં ખોયે. અ...

રઘુપતી રચનાં આ કીધી, ચેતનની સ્થાપનાં કીધી

ચોરાસી જીવ ઉપાયા, જળ માંચ પ્રાણ પુરાયા. અ...

જીવ જે જગતમાં આવી, સંમરતા આપને સ્વામી.

ગયા તે જીતી આ જગમાં, પરીબ્રંમ પુર્ણ પામ્યા. અ...

ભુલ્યા જે જીવ જગ આવી, નીજ મુખ નામનાં લીધુ

રૂલ્યા આ ભવરણમાં ઈ, સંતો મુખ નીજ દરસાયા. અ...

સર્વાત્મા સર્વનાં સ્વામી, માયાથી પર પ્રભુ દીસતા

શરણમાં રાખો સેવકને, યદ્દુકુળ ભુશણરાયા અનંતા આપ...

દોહરો

શ્રુતદેવની વીનંતી, સાંભળીને શ્રીસ્યામ

વિપ્ર પ્રતી વાણી વદે, યોગેશ્વર ઘન સ્યામ.

શ્રીકૃષ્ણ શ્રુતદેવનાં ઘેર આવે છે વિપ્ર હરખાય છે દંડવત નમન કરે છે સર્વ રૂપીઓ સહિત ઘર તેડી આવે છે પછી સનમાની કુસનાં આસન આપે છે ચરણ પખારી પુજન કરે છે પછી કૃષ્ણ વીપ્ર પ્રતી કહે છે

ચોપાઈ

યોગેશ્વર પછી બોલે વાણી, વિપ્ર પ્રતી શ્રીસારંગ પાણી
 હે વિપ્ર આજે મુનીઓ આવ્યા, આપનાં ઘર જે પધાર્યા
 ઘર તમારા પાવન કીધા, પુનીત પગલા આવી દીધા
 હે ભક્ત આ મુનીઓ જગમાં, માયાથી પર છે નાં બંધનમાં
 એ ભક્તો છે મુજને વાલા, જે હુ પદથી છે નીરાલા
 વિપ્ર ભક્તો જે જગ માંથી, પુજન કરવા એનાં સદા ઈ.
 વેદ સ્વરૂપ વિપ્રો જે છે, મુજને પ્રીય અતી તે છે
 જે વીપ્રોનાં અપમાનં કરતા, ઘોર નરકમાં ઈ પળતા
 કોટી જનમ નરકમાં જાયે, એ દુઃખમાથી કોઈનાં છોળાવે
 એ વીપ્રો છે પરમ પુનીતા, પાવન કરતા જગ પતીતા
 પ્રેમ ભાવથી પુજન કરજો, એની વાણી રદ્ય ધરજો
 પરીયાનાં પરીયાતરી જાસે, જગમાં યસને મુક્તી મળશે
 માટે વીપ્ર વીલંમનાં કરજો, સંતોની આજ્ઞા રદ્ય ધરજો
 એમ કહી હરી મુખ મલકાવે, વિપ્રનાં શીર કર ધરાવે.

ભગવાનની વાણી સાંભળી શ્રુતદેવ પ્રસન્ન થાય છે સર્વને નમન કરે છે.

દોહરો

વચન સાંભળી સ્યામનાં, શ્રુતદેવ લાગ્યા પાય, કર જાલી હરી ઉભા કર્યા, કેશવ કંઠ લગાય
 સર્વેશ્વર શિર કર ધરી, ખોલ્યા રદ્યનાં દ્વાર, પામ્યા પરમ પદ જગજીતી, કૃપા કરી કીરતાર.

શ્રી શ્રુતદેવ ને વર આપી પછી બહુલાશ્વનાં ઘર આવે છે તેની રજા લઈ ત્યાંથી વીદાય થાય છે

શુકદેવ ઉવાચ. દોહરા

શુક કહે પરીક્ષિતને, શ્રીકૃષ્ણ મહિમાંય. યોગેશ્વરની આ કથા, નીજ મુખ એ સમજાય.
 વાણીને વીલાસમાં, એ સમાય નાં સર્વેસ, આશુ આશુમાં દીસતો, ગોવિંદ શ્રીગોકુલેશ
 વિરાટ આજે વિસ્વમાં, અનંત કોટી અવકાસ, સર્વ સમાયા ઉદરમાં, ચૌદ બ્રમાંદ પ્રકાસ
 હે રાજન આ કૃષ્ણ કથા, કળવી અતી મુશકેલ, સંસ્ય છોળી હરી ભજો, એ સંત મુખ ઉમરેલ
 વેદ નીગંમની વાણી જે, સહજ નાં સમજાય, જન હીત કરવા શ્રી હરી, સંત ભક્ત સરજાય.
 હે રાજન આ જે કથા, પુર્ણ કરી કર જોડ, જાડેજા મુખ બોલજો, જ્યજ્ય શ્રી રણછોડ.
 હે રાજન પછી રંમાપતી, બહુલાશ્વર ઘર જાય, રજા માગી ઘર જવા, ભુપતી પકળીયા પાય
 પુર્ણ પરીબ્રમને પછી, લળી લળી લાગે પાય, પરમ પદ પ્રભુ આપીને, શ્રીહરી દ્વારીકા જાય

ઈતિ અધ્યાય ૮૬
અધ્યાય ૮૭ : વેદ અસ્તુતી

દોહરા

કથા શુણ્ઠી શ્રીકૃષ્ણગ્ની, પરીક્ષિત કરે પ્રણામ, પછી નિર્ગુણ બ્રમની વાર્તા, સમજાવો ભગવાન. હે ભગવન આ બ્રમ જે, કાર્ય કારણથી દુર. ત્રણ ગુણમાં નીલેપ નાં, છતા દીશે ભરપુર શ્રુતીઓ જેને અસ્તવે, સગુણરૂપ નીદાન, તે નિર્ગુણ કેમ જાણવા, એ સમજાવો ભગવાન. પરીક્ષિત રાજા પ્રશ્ન કરે પુછતા કે હે મુનીરાજ બ્રમન બ્રમ તાં કાર્ય અને કારણથી પર બારા અય મન બુધી શે જાણી સગાજે નતો અને શ્રુતી ઉતાં ગુણ વર્ણન કરીયેત્યું તદે નિર્ગુણ સરૂપજો કંન રીતે પ્રતી પાદન કરીયેત્યું. તદે સુકચેતા

શુક ઉવાચ : ચોપાઈ

હે રાજન આ શ્રુતીઓ સર્વે, સગુણ નિર્ગુણ વર્ણન કરવે વિચારે વસ્તુ એક જ જણાય, સગુણ નિર્ગુણ માં વરતાય મન બુધી ઈર્દ્રીયોની સાથે, પ્રાણ પુરાયા જે જગ નાથે ધર્મ અર્થ ને કામ બતાવ્યા, મોક્ષદ્વાર સાથ દેખાવ્યા પ્રાણથી જીવન ધારણ કલિજે, શ્રવાણાદીક ઈર્દ્રીયથી લઈજે મનથીને મનન એનુ કરવું, બુધીથી નીશ્ચય કરવુ.

શુકદેવજી ઉવાચ હે રાજન ભગવાન મનુસ્ય લા કરે મન બુધી ઈર્દ્રીય પ્રાણ ભેરા વીસ્ય પણ દે નાં અચી જેસે કરે જીવન ધારણ કરે અને શ્રીસ્ઠીજી પરંપરા પણ હલંધીરે વરી ધર્મજો આચરણ કરી સગે અને કર્મફળ ભોગવી છેલે આતંમ કે ઓરખી મુક્તી ગને.

શુકદેવજી ફરી બોલયા

શ્રુતીઓ એ જે બતાવી રાહ, સગુણ નિર્ગુણ માં સમાહ. પુર્વે સનકાદીક મુની ચારી, એકજ ભાવે ભજ્યા મોરારી આતંમ એક અનુભવ કીધુ, એક જ બ્રમ પરખી પદ લીધુ હે રાજન તે ગાથા કહે છે, નારદને નારાયણ કલિ છે તેજ કથા તમને સમજાવુ, અથ ઈતી કહી બતાવુ. જેમાં બ્રમની ઓળખ થાસે, સંસ્ય તમારૂ દુરી થાસે

દોહરા

નારદ નારાયણ પ્રતી, કર જોડી પુછી વાત, નિર્ગુણ બ્રમ ઉપાસનાં, સમજાવો જગ તાત. હે રાજન હકળો વખત નારદજી ફરધા બદરીકાશ્રમમે ઈ અચેતા જત નારાયણ જગજે કલ્યાણ લા કરે સર્વ મને તપ કરીયેતા ઉત અચી નારદજી નમન કરે પ્રશ્ન ઈ જ પુછેયા તદે ઈ નારાયણ જીકો વારતા ઉનીકે ચેયાં ઈજ કથા આકે આઉ સમંજાયા. પ્રાચીન કાળમે જન લોક નીવાસી ઉની મુનીયેકે રચાંપા. ચર્ચા થઈ વધી.

હે નારદ રૂષીએ મુનીએજો બ્રમશસ્ત્ર જેદી ભરણુ વે તેની બ્રમાંજા માનસપુત્રો ચારોય વટ થેયોવો તેન સમ્ય આંચી સ્વેતદ્રીપ મે અનિરુદ્ધ ભગવાનજા દરશન કરેલા વ્યાવા બ્રમજે વીસ્ય મે

ઘણો ચર્ચા થઈ જત શ્રુતીયુ પણ ઉત પુજેલા અસમર્થ અથી. તદે શ્રુતીયુ નિર્ગુણ બ્રમ જો વર્ણન કરી કરીધીત્યું.

હે નારદજી ચારોય સનકાદી જ્ઞાન ગુણ શીલ તપ સે કરે સરખા અર્થી જેજી ટ્રસ્ટીમે શત્રુમીત્ર નંદા વદા ક કરી પ નાંચ અની મજાથી ઉત સનંદન બ્રમજી પરખ કેલા બોલેતા બયા વદા શ્રોતા થઈ. મુની ચેતા

દોહરા

હે નારદજી રવી ઉગતા ત્રમ ને જગાળે લોક જેમ, સુયસ એનાં ઉચદે, દ્વાર પાળ સૌ તેમ. તેમજ નારદ પ્રલ્ય પછી, સર્વ બ્રમ મય થઈ જાય. શક્તિ સહિત બ્રમને, શ્રુતીઓ ફરી જગાય.

હે નારદ જદે પ્રલ્ય પુવા હી બ્રમાદ બ્રમ મય થઈ વને તદે શ્રુતીઓ બ્રમકે અસ્તુતી કરે ફરી જગાઈત્યું

વેદ અસ્તુતી. રાગ લલીત

જય જયતી તે શ્રી બ્રમ, જયતી હે અનંત, આદી અનાદી દેવ આપ, સર્વ સોભિ તં મા માયા તમારી જેહ, આ વિસ્વનાં મહિ, છવાઈ રહિ છે નાથ, સર્વ જીવનાં મહિ. તો અજ્ઞાનીં જીવ જે, એને તોડીનાં શકે, એને ઉગારજો તમે, દયા નીધાન હે બ્રમાં આદી જે દેવ, આ જગ દેખાય છે, આપ થી અલ્પિત નથી, આપ માંચી તેજ છે.

શ્રુતીયુ ઉવાચ

હે અજીત આજો જેજેકાર આર્થી ગુણ સંપન અને ચરાચરજા સ્વામી અયો. આથી જગજા સુખે કે ઢકેલા માયા અને સત્વ ગુણ ધારણ કેયાં અયાં અને અંન માયાજો આથી નાસ કરીજા આંચી પુર્ણ એશ્વર્ય સે ભરપુર અયો તદેજ આંચી પ્રાણી જીવ માતર મે જ્ઞાન શક્તિ કે જગત કરાયોતા. વરી કદેક આંચી માયા ભેરા પ્રગઠ પણ થીએતા ભગવાન હંન વીસ્વજો નીમાણ ઈછાસે કરેયોતા. પાલન અને સંહાર પણ કરેયોતા. ને વરી સમે મથે અવતાર ધરેયોતા લીલા કરયોતા તદે અશી શ્રુતીયુ ઉંન સગુણ રૂપજો થોળોક અંશ ઓરખે ને આંજ ગુણગાન ગાયે મે થોળો સમર્થ અયું

રાગ એજ

આ વિસ્વનાં રે માંચી, જીવો ઉપાયા જેહ, તે ઉચ નીચ માંઈ, આપ સમાયા તેહ.

તે રૂપને રે એક, યોગીઓજ જાણતા. તે છોડી જગ પ્રપંચ, આપ શરણ આવતા.

રૂપીઓ બતાવી રાહ, તે મારગ જે ગયા, માણી પુરક ચક્રથી, અગનીં પુરક રહ્યા

સાંધીને સુક્ષ્માણા, બ્રમ રંધ્ર સોધીને, તે રમ્યા જ્યોતી દેશ, ગયા તે જ પાર્મીને

હે વિસ્વનાં પતી, હુ છુ અંશ આપનો, તંમે દાસ જાણીને, શરણ રાખજો

માયા તમારી નાથ, જેમાં મોયા અમે, ઉગાર જો રે આપ, કડ્ડણા કરી તંમે

નિર્ગુણ નાથને, કોઈ જાણીનાં શકે, વાણી વિલાસ વેદ, વિચારતા થકે

દયા કરી દયાળ, તંમે સગુણ રૂપથી, કીધા ચરીત્ર જે, મનુંખ્ય દેહથી.

હે ભગવાન હી જગ આર્થી ઉતપંન કેયા અયા આજો જ ઈ રૂપ અયે. જ્ઞાની જ હી અનુભવ કરેયોતા ક બ્રમસે જ પેધા થયો અને બ્રમ મે સમાઈ વનેતો છેલે પરમાત્મા જ શેસ રેતા ઈ જ્ઞાની સંમજી શકેતાં જ માટીજા ઘાટ ને માટી હકળી અય તીં તેજ જગ તીજ સંસાર ને આપ હકળીજ

ગાલ અય હી સંસારજો સર્જન આસેજ થેયો અય છતા આંચી ન્યારા પણ અયો.

રૂપી આંજો મન શે ચીંતન કરીયેતા કો વાણી સે ચીંતન કરીયેતા ગમે અંન દેવજો ચીંતન કરીયે છતા ઈ આંસુજ ઉપાસનાં જ અધ મનુષ પાણી પટ મથે પગ રખે પણ અંતે ઈ પ્રથવી તેજ અયનીં અર્શી શ્રુતીઓ ગમે ઈ નં રૂપમે સમરણ કરીયું આજો અંતે આજોજ રૂપ જ અય.

શ્રુતીયું ફરી ચેત્યું

શ્રુતીઓ ફરી વટે, કર જોડી નાથને, દેજો જનમ ફરી, માનવ બનાવીને શમરણ તમારૂં નાથ, કદી વીસરે નહી, આ માયા ઝાળમાં, બંધાવુ રે નહિ યોગી જતી સતી, જે ધ્યાન તો ધરે, નીજ પદને પામવાં, આપ ચરણ ને વટે કોઈ વેર ભાવથી, ભજને અશુર ઘણા, પદ પામીયા છે તેલ, જીવો ગ્રંથોમાં ઘણા હે અનાદી દેવ, કોઈ પારનાં લહે, અજ્ઞાનીઓ એમાં, અટવાઈ તો રહે આ વિશ્વનો પ્રભુ, વિસરજન કરી, સાધરમાં જઈ સુતા, આપ નીંદ્રામાં ફરી તેદી કમલ નયન હે, નોતા નામ રૂપ જે, જીવો આપમાં સમાય, સર્વ શાસ્ત્ર સાથને તેદી પ્રભુ અંમે, સર્વ રૂપ છોડીને, કરતા ભજન બ્રંમ, નાથ હાથ જોડીને.

શ્રુતીયુ અસ્તુતી કરીત્યું હે દયાળુ અશકિ મનુસ જો દેહ દેયોત અર્શી આંજો ભજન કરીયુ આંજો ભજનસે તા કે અશુર વેર બધી કોઈ ચીંતન કરે ગતી મે વયા અચી હે અનંત આચી આદીકાળસે સર્જન વિસરજન કરેયોતાં જદે આચી મળે વિસરજન કરે સાધરમે નીંદ્રાધીન થીઓતા તદે અર્શી આજી ઉપાસનાં કરીયુતાં.

કરૂણા નીદાન હે, આ વિસ્વનાં મહિ અજ્ઞાની જીવ જે, ભુલ્યા વાદનાં મહી હારી ગયા તે જીવ, ચોરાસીમાં ગયા આવા ગમનની રાહ, વણ જાનમાં રહ્યા. હે વિશ્વનાં પતી, દેજો શુભ મતી અશરણ શરણ, સદા ટાળો વીપતી ગોવીંદ માધવા, હે સ્યામ શંકરા આવી ઉગારજો, ભવ સીન્ધુ ભુધરા આ વીરાટ વિશ્વ આ, જે નાસવંત છે નામરૂપ થી છતા, સદા અનંત છે. છે અસત્ય જેલ, છતા સત્ય ભાસતુ અજ્ઞાની જીવોને, મધુર લાગતું કોઈ તીરથ ધામને, કોઈ યજ્ઞ યાજ્ઞમાં જપ તપ કરે કોઈ, કોઈ પુન્ય દાનમાં કોઈ કરે પંઠન, કોઈ વેદ સાસ્ત્રની છતા નામ બીનાં નાથ, પાર પાંમે નાં હે નાથજીરે આપ, પંચ ઈંદ્રીય થી પરે છતા સર્વ કાર્યમાંચી, કરતા તમે ખરે તે સત્ય રૂપનાં, અમે શરણ આવીયે કરશુ સદા વંદન, પ્રભુ શીસ નામીને તંમે માયા તીત છો, તમે માયાનાં પતી શંકલપ માત્રથી, આ કીધી ઉતપતી. માયાવી જીવ જે, એ દેખીને મોયા ભવાબ્ધીમાં જઈ, જનમ રે ખોયા. અંમે શ્રુતી ઓરે સૌ, અમે ધ્યાનમાં કરતા તમારા ગાન, નીરાકાર નાથના નથી જાણતી રે રૂપ, અંમ નીરખતા થકે કરજોડી ને ચરણ, અંમ શીર અદકે આ વિસ્વજે બધુ, સર્વ જીવની રે સાથ અસત ઉદય ધાય, આપમાં સમાયે નાથ. આ ગુરૂ વીનાં નાં ભેદ, કદી નાથ નાં મળે જેમ સીન્ધુ નારે નીર, સીન્ધુ માં ભળે.

આ ચલતી ચક્રમાળ, એમાં ફસાય જેલ આ દેખીને સુવાસ, જાઈ કપાય તેલ.
 તે સર્વ જીવો ને, શ્રીજી શરણમાં લેજો કર મલીને રે નાથ, આપ મુક્તિ રે દેજો.
 અખંદ રૂપ હે, અશરણ સરણ તંમે શરણ રાખજો, આવી દાસીઓ અંમે
 આ ભવાબ્ધી માથીને પ્રભુ પારે ઉતારજો. આ રંકનીં રે સેવા, શ્રીજી સ્વીકારજો
 સુત દારા લક્ષ્મીજે, કુળ વૈભવ તજ્યા લઈ આપનાં શરણ, એક રૂપ રે ભજ્યા.
 એવા સંત ભક્ત જે, જગતીર્થ રૂપ છે જેનાં રદયનીં માંય, આપનો સ્વરૂપ છે
 હે હે હરી હવે અંમે, આ પ્રપંચ પર હરી કરશુ ભંજન નાથ, અમે ફરી રે ફરી.
 વળી સંત જ્યાં વસે, જે જે સ્થાનમાં કરશુ અમે ભંજન, તે તે ઉદ્યાનમાં
 જ્યા સંતો મુખથી, વહેતી રે ગંગધાર યસ આપનાં વટે, હરી નામનો ઉચાર.
 તે જ્ઞાંન ગંગા માંય, સ્નાન રે કરી જનમ મરણ ઘટમાળ, માં નાવીયે ફરી
 માયાને સર્પની જેમ, આ જગજ જાયછે અસત્ય છે સદા, સુંદિર દેખાય છે
 વાણી વખાણે વેદ, અંમ શ્રુતિ પુકારતી. છે નાસવંત આ, ફરી ફરી ઉચારતી.
 આ મીઠ્યા જાણી સર્વ, ભજશુ અદ્વૈતે રૂપ ચીંતન કરશુ સદા, સગુણ આપનું સ્વરૂપ
 તો હે હરી હવે, હાથ જાલોરે દુભતા નીં નાવ, આવી ઉગારો રે
 કનક નાં રે ઘાટ, જેમ જુદારે ઘણ્યા અંતે કનક એક, રૂપ નામથી ભણ્યા
 તેમ પંચ ભુત આ, વિસ્વ જે દીશે નથી આપથી અલીપ્ત, છે આપનાં વીરો
 હે માયાનાં પતી, આપે ઉપાઈ જેલ આ વીસ્વ ઘરમાં ઈ, નાચી રહી છે તેલ
 તે સત્વ રજતંમ, ત્રણ ગુણનાં થકી તંમે બાંધી તાંતણે, આપ વિસ્વનાં પતી.
 તે અજ્ઞાની જીવનાં, શીર પર ચળી જકળી રાખતી સર્વ, જે જીવમાં જળી.
 છેલે હરી હવે, આવી ઉગારજો દુભતા ની બાંય, આવી જાલજો.

દોહરા

કરી વંદન સૌ શ્રુતીઓ, ચરણ શીર નંમાય, નિગુણ બ્રમની વારતા, કહી જાડેજા સમજાય.

નિર્ગુણ બ્રમની અસ્તુતી. રાગ વીસ્વંભરી

હે નાથ આપ શરણ રાખો, રંક જાણી.

હે નાથ આપ આદી અનંતા, પાંમે નહી પાર શ્રીશીવ સત્ય
 વેદો વદે ઉપતી સદ જે બોલે વાણી. હે નાથ...

હે નાથ મે જગમાં આવી દંભ કીધુંલ નાં એક ચીતે ભંજન કીધુ
 સજી સ્વાંગ સંતનો મોજ માણી. હે નાથ...

અજ્ઞાનીઓ જગનાં મને સંત માને, વંદન કરી ચરણમાં
 શીસ નમાયે, ભુલો વીસારો દયાદીલ આણી. હે નાથ...

વળી રાતદી રખણયો, પ્રભુ માયા માહે, જોયુ નહિ

કદી પ્રભુ જાતા કુવાઢે, ઉલગ્ન કીધી તમારી સત્ય વાણી. હે નાથ...

જ્ય જ્યતીતે જગનાથ સ્વામી, કૃવંદના હરી ફરી શીસનામી
રાખો શરણ દાસને પ્રભુદીન જાણી. હે નાથ આપ...

દોહરા

શ્રી નારાયણ મુખ વારતા, સાંભળી નારદ દેવ, હર્ષિત થઈને બોલીયા, જ્ય જ્ય જગ શ્રીદેવ
નિર્ગુણ બ્રમને આંતમાં, છે બે એક સ્વરૂપ, અથ ઈતી સમજાવીઆ, સનકાદીક બ્રમરૂપ
હે નારદ આ મુનીઓ, સર્વનાં પુર્વ જેહ, વેદ પુરાણ ગ્રંથોનો, સમજાવ્યો પુર્ણભેવ
નારદ આજે બ્રમ વીધા, જીવ ઉધારન હાર, તેને તમે ધારણ કરો, વીસ્વ કરો વીસતાર.

શુકદેવજી પરીક્ષિત કે ચેતાં

હે રાજન શ્રી નારદે, જાતા જોળ્યા હાથ, નમન કરી નારાયણને, જાયે રૂપીઓ સાથ.
નારદ ત્યાંથી ચાલીઆ આવીયા આશ્રમ તેહ, મુજ પીતા શ્રીવ્યાસને કથા સંભળાવી એહ
હે રાજન આ પુનીત કથા, ગાથા આ ગુણવાંન, સંભળાવી એ અથ ઈતી, તમને તે સાવધાંન.
હે રાજન આ બ્રમ કથા, શ્રુતીઓ વદતી તેહ. સગુણ નિર્ગુણની વારતા, સમજાવી ને એહ
હે રાજન આ બ્રમ જે, આદી મધ્યને અંત, પ્રક્રિત જીવનાં સ્વામીતે, જીવ પીંદ દીસંત
પ્રક્રિત જીવને આતમાં, સાથે કીધા પ્રવેસ, પીંદ બનાવ્યા વીધ વીધે, જગમાં જે સર્વેસ
રાજન આજે બ્રમ કથા, વાંચે વિચારે જેહ. પરીયા તારે નીજનાં, કટે કર્મ સર્વ તેહ.
હે રાજન આ બ્રમનું, નિર્ગુણ સગુણ અનંત, સમજાવી વેદ વારતા, પરીક્ષિત કર્યા નમન
વેદ વાણી વિસ્વમાં, જગ જુનું ઈતીહાસ, દાસ જાડેજા જગતમાં, પુર્ણ દીસે પ્રકાસ.

ઈતિ અધ્યાય ૮૭

હે ભગવાન જીવ અજ્ઞાને કરી માયા બંધનમે પેતો ને ચોરાસી બંધી ગનેતો તદે અશાકે સુભ
મતી દીયો જેસે આજો ચીંતન કરીયું. હી વીસ્વ સજો વદો દસાયતો પણ ઈ નાસવંત તા અપેજ
સત્ય સચો દસાય તો છતા અસત્યજ અય તદે જીવ જપ તપ ભલે કરે છતા સમરણ વગરતા
મુગતી હયા મલે નતી ઈ સાવ સચી ગાલજ અય.

હે ભગવાન અશી ઈ મળે ખોટા ઠાઠ સંમજી આજી ભક્તી કંધાસી બ્યો કો છુટે જો મારગ નાયે
હી આંજી માયા સજી ધુનીયાજે જીવેકે નચાયતી હી ત્રીગુણી માયા જો બંધન છુટે જો મારગતા
હકળો સમરણ અય તદે હરી ઉન માયાસે છોળાય આજે શરણ ગનજા ઈ અસાજી છેલી અરજ
અય.

અધ્યાય ૮૮ : શીવજી સંકટ મોચન

દોહરો

રાજા પરીક્ષિત પુછવે, હે મુની શ્રી મહારાજ, એક સંસ્ય ઉપન્યો, તે દુર કરો સીરતાજ
શીવ ભોળા ત્યાગીજે રહે છે જે સમશાન, વેસ દીગમ્બર જે ધરી ધરતા નીસ દીન ધ્યાન
છતા શીવજીને સંમરતા, આપે અઢળક ધન, શ્રીવિષ્ણુ લક્ષ્મીપતી, એનાં ભક્તો નીર્ધન

લક્ષ્મી પત્ની આપે નહી, ત્યાગી દેતા ભંડાર, એનું કારણ કહો મુની, એ કેમ કરે કીરતાર.
 શુકદેવજીકે પરીક્ષિત હી પ્રશ્ન પુછ્યા કે ભગવન હી શંકર વૈરાગી અયી જે વટ કી પ નાંચ
 મશાણમે વઠાને ભભુતી પ્યા ભુસીયે છતા ઈ અનીજે ભક્તેક સંમ્રધી દીયેતા જદે વિષ્ણુતા
 લખમીજા પતી અયી અને સ્વર્ગજી સાયબી તોય ઈનીજા ભક્ત સાવ થકલ કી પ દીયે નતા ઈકેળો
 ન્યાય કુરો મુકે ઈ કથા સમજાયાં. રાજાજી ગાલ શુણી સુખદેવજી બોલ્યા

ચોપાઈ

હે રાજન આ કથ્ય શ્રીશીવની, જ્યોતી સરૂપ શ્રી પરીબ્રમની
 જે શીવ સદા સ્વયં પ્રકાસે, ચીદાનંદ ચીદધન ભાસે.
 હે રાજન શીવ ત્રીગુણનાથ, અહંકાર અધીસ્ઠા સાથ
 અહંકાર નાં ત્રણ ગુણ જે છે, તામસ તેજસ વૈકારીક તે છે.
 તે ત્રણનાં છે સોળ વિકાર, દશ ઈંદ્રીય પંચભૂત પ્રકાર
 તેનાં અધીસ્ઠા તે છે દેવ, જેને ભજતા પ્રશ્ન તત ખેવ.
 હે રાજન આ સર્વને ભજતા, સુખ સાયબી અઢળક મળતા
 હે રાજન આ બ્રમનીં વાતુ, સર્વ જનોને નથી સમજાતુ.
 શ્રી નારાયણ સુખનાં દાતા, તે આપે જે સાસવત થાતા.
 આવા ગમન નાં દુઃખને ટાળે, પરમ ધાંમ એજ પોચાળે
 રાજા યુધીષ્ઠીર યજ્ઞ જ કીધા, રાજન જ્યારે પુરાણ કીધા.
 ધર્મરાજા પછી પ્રશ્ન ઉચારે, શ્રી કૃષ્ણ જે કહી વિસતારે

શુકદેવજી કહે છે

હે રાજા શીવ હમેસ પંઢજી શક્તિયું ઉની ભેરા ઈ રેતાં ત્રેગુણ એકાર અધીસ્ઠા અયી. ત્રે ભેદ
 તેજસ તામસ વૈકારીક અની ત્રીં એકાર સે સોરો વીકાર. દો ઈંદ્રીયું પંજ ભુત મન ઉની દેવેજી
 ઉપાસના કરે સે જલધી હયા પ્રસન્ન થીએતા જદે વિષ્ણુતા પ્રમૃતીથી પર ગુણ રહિત અયં સર્વજ્ઞ
 અયી ઈનીજે સંમરણ સે ભક્ત ગુણાતીત ભની વનેતો અતરે ઈ પ્રશ્ન ધરમરાજા કૃષ્ણકે પુછેયાવા
 ને કૃષ્ણ અનેજો ખુલાસો વગત સે સુણાયા ઈ કથા આંઉ અંકે ચાંતો.

યુધીષ્ઠિર ઉવાચ. રાગ લાવાણી

હે રાજન પછી સ્યામ સુંદિર, વાત નીજ સમજાવતા
 નિજ ભક્તની જે વારતા, ધર્મ રાયને બતાવતા.
 હે ધર્મમુજને વાલ સૌથી, ભક્તો છે જગમા સદા
 તે ભક્તો ને હું દુઃખ આપું, છે સાચા કે ખોટા કદા
 પહેલા જ એનો ધન હરી લઉ, કરૂદુઃખીયો બેહાલ જે
 સગા સંબંધી સાથ સગડો, સર્વ છોળાવું જ જે
 ધન કમાવા કરે ઉદ્યોગ તો, એમાં નીસ્ફળ જાય તે
 પછી થઈ નીરાસા છોડી આસા, મારા શરણ આવે તે.

હે રાજન પછી તે ભક્ત ને, સુખ સાયબી આપતો
 દુઃખ ટાળી જનમ જા જે, મુજ સમીપ બોલાવતો
 બીજા બધા દેવો જે સંમરે, જેજે સુખ તે આપતા
 તે સુખ થાતુ દુઃખ રૂપે, સુખ લઈ પસતાવતા.
 બ્રંમા વિષ્ણુને સદા શીવ, વર તો સૌને આપતા
 પણ બ્રમાને શ્રીસદા શીવ, પાત્રતા નાં નીલાળતા.
 તેની કથા એક સાંભળો, તમે ધ્યાનથી રાજા હવે
 જે વર દીધા સદા શીવને જે, આ વાત કેમ જ સંભવે.

શ્રીકૃષ્ણ ધર્મરાજકે હી દાખલા દૃષીને શંકર ભગવાનજી વારતા પંઢ વીતયી સમજાઈતા
 હકળો વખત નારદજી ધરાતે આયા ઉત બકાશુર દાનવ શંકર કે અચી પ્રશ્ન પુછેતો.

એક દીવસ શ્રીનારદજી, આવ્યા અવનીમાં, સુંદર ઉપવન નીરખી, જોવા સતવર જાવ
 શકુની નો પુત્ર જે, બકાશુર છે નામ, આવ્યો નારદ પાસ તે, પ્રશ્ન પુછે તે ઠાંમ.
 સમજાવો નારદ તંમે, જલદી પ્રસન્ન કોણ થાય, તપ કરવા કયા દેવનાં, એ નામ દીયો બતાવ.

નારદજી ચેતાં

વાત અશુરનાં સાંભળી, નારદજી કહે તે વાર, જલદી રીઝે જપથીને, તપથી નંદી ધાર.
 અશુર ઉપળ્યો એજ પલ, તપ કરવાને જાય, કેદાર ક્ષેત્રમાં આવીને, આસન ત્યાં જમાય.

નારદજી વાણી શુણી વૃત્રાશુર ત્યાંથી ઉપળ્યો અને કેદાર ક્ષેત્રમે અચી શંકર કે રીઝાયલા
 અગોર તપ કરેતો

ચોપાઈ

અગોર તપરયા અશુર એ કરતો, અગ્ની જલાવી ચોપાસ ફરતો
 નીજ કાયામાંથી ટુકળા કાપે, અગ્નીમાં આલુતી આપે
 રાત દીવસ એનાં નીલાળે, છછ મહિના તપમાં ગાળે
 પ્રસન્ન થયા નહિ પીનાક પાણી, વાત અશુરે નીસ્ચય જાણી.
 પછી કેદારમાં સ્નાન કરીને, કુઠાર લીધુ હાથ ફરીને
 શીર છેદવાને કીધી તૈયારી, ઝબકી જાગ્યા શીવ ખરારી.
 ઝબકીને ત્યાં શીવજી જાગ્યા, અગ્ની કુંડની બારે આવ્યા
 ભાગ ભાગ કહી શીવજી બોલે, અશુર સાંભળી નયન ખોલે
 દુસ્ત બુધી ત્યાં એવું વર માગે, વર દૃષી શીવજી ત્યાંથી ભાગે

વકાશુર અગોર તપ કરેતો અને અગ્ની ધુખાવી ચોભર ગુમેતો ને પંઢજી કાયા કપે તેજા ટુકરા
 અગ્નીમે લોમે તો છેલે ઈ કુઠાર ખણી પંઢજો મથો વઢે અગ્ની મેં લોમેલા વનેતો તેર શંકર ઉનં
 અગ્ની મજાથી પ્રગઠ થઈ વર દીયેતા અશુર મંગે આઉ જે જે મથેતે હથ રખા ઈ ભસ્મ થઈ વને
 ભોળા નાથને નમન કરીને, વરમાગે એ ફરી ફરીને

દોહરા

અશુર એ વર માગીઆ, ભોળા નાથની પાસ, જેના શીર હુ કર ધરૂ, તુરત થઈ જાય નાસ.
 વર દયીને અશુરને, શીવ જાયે નીજ ધાંમ, ત્યાં પાછળ દીઠો આવતો, અશુરને ભગવાન.
 શંકર વરદાન દનાં ને અશુર શંકર પુઠીયા થીએતો શંકર કેલાસમે પુગા અત ઈ અચેતો ને
 કુબુધીજી મતી ફરેતી.

દોહરા

શીવની શક્તિ પરણવા, વિચાર્યું મન માય, ભસ્મ કરી આ શીવને, શક્તિ લેવા સહાય.

શુકદેવજી ઉવાચ

શુક કહે પરીક્ષિતને, દીધા કુપાત્રને દાન, વગર વિચારે અશુરને, વર દીધુ ભગવાન.
 શીવજી કેલાસમે પુગા તત અશુર પુઠીઆ પુગોને શીવજીકે ભસ્મ કરે પાર્વતી જો હરણ કરેજો
 વિચાર કેવે ઈ શંકરકે ખબર પચીને ઉવાચી ભજેતા.

ચોપાઈ

અશુર દોળતો પાછળ આવે, શીર કર ધરવા હાથ લંબાવે
 તે દેખીને શીવજી ભાગે, અશુર પાછળ શીવજી આગે.
 વન વગળાનાં મારગ મેલ્યા, અવની ને અંબરમાં દોળ્યા
 ત્રણ ભુવનમાં શીવ જાયે, કોઈ સહાયક નાં થાયે.

રાગ. ગજલ

અશુરને આવતો જાણી, વીસ્વેશ્વર દોળવા લાગ્યા
 ભુલ્યા કેલાસનાં મારગ, ઉતર દીશા મહી ચાલ્યા.
 ચાખળીઓ હાથમાં લીધી, તૈયારી દોળવા કીધી
 ત્રીશુલને પળતા મેલ્યા, અશુરને આવતો જાણી. અશુરને...
 દેવો કોઈ કામ નાં આવે, દેખી સૌ દુર થઈ જાવે
 અકેલા દોળતા આગે, અશુરને આવતો જાણી.
 છોળ્યા સૌ સાથ ત્રણ ભુંવન, આગે અંધકારમાં જાયે
 લીધા ગોલોકના મારગ. અશુરને...
 જોયા સર્વેશ્વર શીવને, શંકટમાં આવતા ભાળ્યા
 યોગેશ્વર સામા આવે છે, અશુરને આવતો જાણી.

શીવજી અશુર જે ભયસે ભજેતા ત્રોયે લોક છદેયા પુઠ અશુર નતો છદે દેવે દઠા તે પણ કો
 સાયતા નતા કરી છેલે ગોલોકમે પુગા ઉત નારાયણ દઠા ને સંમજીવ્યા અતરે સાધુજો વેસ ગની
 અશુરવટ અચેતા. અશુરકે ચોણ લગા.

રાગ એજી મમતા

એજી શીવને શંકટમાં જાણીને, જગપતી સામારે જાય
 વેસ રે લીધો રે વાલે અતીતનો, અશુરની પાસે આય. એજી શીવને...
 એજી કાળા રે મ્રગ ચર્મ પહેરીયા, કંઠમાં મોતીની માળ

દંદ રે લીધા હરીયે હાથમાં, યોગી બનીને હરી જાય. એજી...
 એજી મધુર વાણીથી બોલે મહિપતી, સાંભળો અશુર મારી વાત
 આ શીવજી તને રે જોતુ છોતરયા, સાચુ નથી રે જરાય. એ...

ભગવાન ચેતા

એજી દક્ષરે પ્રજાપતીએ શ્રાપથી, શીવનાં કર્યા માનભંગ
 ભુતો પ્રેતોની સાથે વીચરે, તેનો કરવો નાં સંગ. એજી...
 એજી એનીરે પરીક્ષા આપ કરી લ્યો, શીર પર મુકોને હાથ
 સાચારે ખોટાની ખબરૂ થાસે, એમ બોલ્યા જગનાથ એજી...

શુકદેવજી ફરી બોલ્યા હે રાજન જેજી માયામે હંન ધુનીયાજા મળે જીવ બંધણા અથી જેજી
 મધુરી વાણી શુણી અશુર સામે નરેતો તત ભગવાન પંઢજી માયા પસારે ચેતા એ અશુરજી આંધી
 સાવ થકેલા લગોતા ઘણે છેટેથી અચોતા ઈ લગે તો જરા આરામ કરી ગનો હી સરીર જ કામનામ
 પુરીયુ કરાયતો આવીતા સમર્થ અયો છતા મુ જેડી કી મધધ ખપેત ચો ઈ શુણીને અશુર રાજા
 થીએતો હે પરીક્ષિત ભગવાન જે સબ્ધમે અંમ્રત વઠો તે ઉનમે અંજા ઈ પંઢ વીતથી સુણાય દને.
 તદે ભગવાન કે ચેયા તોજે મથેતે હથ રખી નેર ત સચ કુળજી ખબર પથી. ને અશુર કે પણ ઈજ.

દોહરા

હે રાજન આ વીસ્વનો, જે છે સરજનહાર, એની વાણી મધુરતા, માં મોયો સંસાર
 અલ્પ બુધી અશુર આ સાંભળી હરીની વાત, નીજકર શીરપર ધર્યા ભસ્મ થયો તે વાર કુપાધ
 અશુર પળ્યો અવનીમાં, વરત્યો જય જયકાર, કુલળા દેવ વરસાવ્યા, અભ અવની મોજાર.
 દેવ દુદંભી ગળગળે, હરખાયા સૌ દેવ, બ્રંમ પરી બ્રંમની વારતા, જાણી શકાય નાં ભેદ
 પુરણ બ્રંમની આ કથા, અદભુત આ આખ્યાંન, વાયે વિચારે ચીતવે, સહાય સદા ભગવાન.
 અદભુત ચરીત્ર અકળ કળા કોઈથી નાં કળાય, જાડેજા સૌ હરી હર ભજો, જનમ સકળ તો થાય

ઈતિ અધ્યાય ૮૮

અધ્યાય ૮૯ : ત્રણે દેવોની પરીક્ષા, બ્રામણસુતને જીવાળવુ

દોહરા

હે રાજન એક દીન, શ્રી સરસ્વતીને ગાટ, રૂપીઓ આવ્યા સાથમાં, યજ્ઞ કરવા માટે.
 મોટા મોટા મુની સર્વ, બેઠા આવી સૌ સાથ, ચળીઆ વાદ વિવાદમાં, એક બીજા સંગાથ
 શીવ વિષ્ણુને બ્રંમાજી, મુખ્ય દેવ કહેવાય. એમાં મોટા કોણ છે, એ સર્વ કહો સમજાય.
 વાત વિવાદે ચળી, નિર્ણય થયું નાં કોય, પછી પરીક્ષા એ કરે, ત્રણે દેવોની પાસ
 બ્રગુ મુનીને મોકલે, ત્રણ દેવોની પાસ, પ્રથમ ગયા બ્રંમલોકમાં, નીજ પીતાની પાસ.

સરસતીનયજે કીનારે તે રૂપી મંદળ સજે ભારતજા ભેરા થેયા ને ચર્યા કંચે ઈ પ્રસંગ ઉભો કેયા
 ક દેવ પાંજા ત્રે અથી ઉનીમે વદો કેર અય બ્રમાં વિષ્ણુ ક શંકર અનં પ્રજ્ઞજો ઉકેલ કોય કરે ન સચ્યા
 તદે બ્રગુ મુનીને પરીક્ષા કેલા હલાયેતા તંન ટાણે બ્રગુ મુની પેલા બ્રંમા વટ વનેતાં. બ્રમ લોકમેં.

ચોપાઈ

સર્વ મુનીનીં આજ્ઞા લીધી, લેવા પરીક્ષા તૈયારી કીધી,
ભ્રગુ મુની પછી ત્યાંથી ચાલ્યા, બ્રંમ લોકમા એ આવ્યા
બ્રંમ સભામાં મુનીં વર આવે, નીજ પીતાને શીસ નમાવે
નાં કોઈને વંદન એ કીધા, જાઈ સભામાં આસને બેઠા
બ્રંમાજીએ જોયુ આ જ્યારે, ક્રોધ કરીને બોલે ત્યારે
પુત્ર જાણી નાં સામે જોવે, મુક રહીને નાં બોલાવે.

ભ્રગુમુની નીજ પીતાની સભામે અચેતા અને પીતાજી કે નમન નં કેયા તીં સભામે પ કેકે
વંદન નં કેયાને ચુપ ચુપ વચી રેયા ઈ દશી બ્રમાંજી પણ સામે નેરયાપન ન કી પુછેતા મનમે ક્રોધ કરે
વઠા અચી. ભ્રગુરૂષી ત્યાંથી કેલાસ વનેતા

ચોપાઈ

ત્યાંથી મુનીવર સતવર ચાલ્યા, શીવજીનીં પાસે આવ્યા
ભ્રગુ મુનીને આવતા જાણી, ઉભા થાય છે પીનાંક પાણી.
કર લંબાવે મુનીં ને મળવા, થઈ પ્રકુલિત લાગે નીરખવા.
ભ્રગુ રૂષીએ સાંમુ નાં જોયું, પીઠ ફેરવી પાછુ નાં જોયુ.

મુની શીવજીકે સામે ચેંતા

હે શીવજી તંમે વેસ જે લીધુ, વેદ ધર્મનું ઉલ્લંઘન કીધુ.
માટે તંમને મારે નથી મળવુ, મારા ધર્મનું પાલન કરવુ.

મુનીજી ગાલ શુણી શંકર ચેતાં. દોહરા

વાત મુનીનીં સાંભળી, કોપ્યા છે કીરતાર
ત્રીશુલ લીધુ હાથમાં, મારવા થયાં તૈયાર.
કોપ કરી શીવ ત્રીશુલ ઉપાળે, મુનીને મારવા સામે દોળે
ભગવતી માતા જાણ્યુ જ્યારે, શીવજીનીં પાસે આવે ત્યારે.
કર જોડીને અરજ કરે છે, વંદન કરી પતીને કહે છે
આજ અભય કરોને સ્વામી, સતી છોળાવ્યા શીસ નંમાવી.

પછી મુની વિષ્ણુ પાસે વનેતા.

ત્યાંથી મુનીવર આગે ચાલ્યા, નારાયણનાં દ્વારે આવ્યા
શ્રી હરીનાં ભુવનમાં આવે, સતવર મહેલમા ઈ જાવે
અંતપુરમાં જ્યારે આવ્યા, સુતા સયામાં હરીને ભાળ્યા
શ્રી દેવી એનાં ચરણ દબાવે, ભ્રગુ મુનીં નીકટમાં આવે.
પાસ આવીને મુનીંએ ભારી, વૃક્ષસ્થલમાં લાત જ મારી
ઝબકીને સુંદિર વર જાગ્યા, રૂષી ચરણમાં શીસ નમાવ્યા.
શીવજીની પરીક્ષા કરે રૂષી સરગમે અચેતા અને ભગવાન ક નીદ્રાં મે સુતેલા દશી મુની

ભગવાન જી વૃક્ષસ્થલ મથે ઈ બરસે લાત મારીતાં ભગવાન જાગ્રત થીએતાં ને ઉભા થઈ નમન કરે પુજા કરીયેતા.

ચોપાઈ

ઉભા થઈ હરી વંદન કીધા, પાસ બેસવા આસન દીધા
ધુપ દીપથી પુજા કરે ને, ચરણ પખારે હરી ફરીને.

ભગવાન મુની પ્રતી ચેતાં

હે મુનીવર તંમે ભલે પધાર્યા, આજ મારા ધાંમ ઉજાર્યા
ચરણ તમારા છે મંગળકારી, સ્પર્સ કરતા જીવ સુખારી.
આપ ચરણનાં ચીનહો આજથી, શ્રી દેવીને સ્થાપીસ છાતી.

એમ કહી હરી મંદમંદ હસ્યા, ભ્રગુ રૂષીનાં રદય વસીઆ.

ભ્રગુ મુનીજી પુજા કરે ભગવાન સામે ચેતા હે મુની આંચી ભલે પધાર્યા અજ મુજો લોક
પાવન કેયા ને અજથી આઉ હી આજે પાવજ નીસાની મુજ છાતી તે થઈ ઉતે આઉ લક્ષ્મીજીકે
હમેશા વેરાઈધોસે આજી યાદગિરી લાય અતરો ચઈ ભગવાન મુશકાયેતાં.

દોહરા

વિસ્વેશ્વરની વાણીને, સાંભળી શ્રીયોગેસ, દોળીને દંડવત પળ્યા, ઉભા કર્યા સર્વેસ.
ગળ ગળા થઈ મુખવટે, નયન નીર ભરાય, જ્ય જ્ય કાર મુખથી કરી, રૂષી નીજ આશ્રમ
જા ય

આવ્યા સરસ્વતી તટ પરે, સર્વ રૂષી બેઠા જ્યાંય, ત્રણે દેવોની વારતા, સંભળાવી એ ત્યાંય.
ત્રોયે દેવેજી પરીક્ષા ગની ભ્રગુ મુની પાછા ઉત જ અચેતા સજી વારતા પંઢજી વીતથી
સુણાયા મુની રાજી થીએતા ને મુનીતાં ઈ મળે જાણધાજ વા ખાલી જગકે વતાયલા કી પ્રસંગ
ઉભો કેયાવા ને અગીયાજી કથા મુની ચેતા.

દોહરા

હે રાજન સર્વ મુનીઓ જે કીધી પરીક્ષા આજ, સર્વ ભેદતો એ જાણતા, કર્યુ જગ બતાવા કાજ
હે રાજન આ હરી કથા, જે છે પરમ પુનીત, શ્રીસ્યામ મુખથી નીકસી, શ્રી કૃષ્ણ પવિત્ર ચરીત્ર
જે સુરભી મયીને મધુમહી, સુધા રસ ધારા જેહ. શ્રવણથી સુખ ઉપજે, કટે કોટી કરંમ તેહ.
હે રાજન આ જે હરી કથા, ગાથા અંમ્રત રૂપ એક સબ્દ જો ઉચરે, જીવ બંને જગ ભુપ.
શીવ વિરચીને વિષ્ણુ, સર્વ એક સ્વરૂપ કાર્ય કારણથી જુદા, અંતે બ્રંમ જ રૂપ.
બ્રમં પરીબ્રમની વારતા, મહિમા કહ્યો નાં જાય, શ્રવણ કરે જન ચીતે, ભય બંધન મીટ જાય.

પછી સર્વ મુનીઓ ભગવાનની જ્ય બોલાવી શ્રીનારાણની પછી વિષ્ણુના ગુણ ગાતા યજ્ઞન
પુરણ કરે છે

રાગ લાવણી

વાણી સાંભળી ભ્રગુ રૂષીની, રૂષીઓ સૌ હર્ષિત થયા
પછી ધન્ય ધન્ય મુખ ઉચરે, સર્વ સંશય દુર કર્યા.

જે સાન્ત રૂપ અનુપ અકલિત, સગુણથી જે ગુણી થયા
 વળી ધર્મ સાર્થને ઐશ્વર્યથી, પ્રકાસિત જગમાં રહ્યા.
 યોગી મુનીં યતી સતી જે, સંતો ભકતો સેવતા.
 સાન્ત રૂપ હરી વિપ્ર પ્રીયજે, માધુરી મુરતી દીસતા.
 એ સત્ય મુર્તિવિદ વિદીતા, અજર અંમર અવીનાસીને
 વંદન કડ હું કોટી કોટી, ચરણ શીસ નમાવીને.
 શ્રીશુકદેવજી અજ હકળે ભ્રામણજી કથા સુણાઈતા.
 શુકદેવજી હે પરીક્ષિતને, તંમે સાંભળો આ રાજન
 હવે આગળની કથા, કે શુ શુ કર્યું ભગવન

ચોપાઈ

હે રાજન તેદી દ્વારીકા માંયે, એક કૌતુક ફરીફરી થાયે
 એક વીપ્ર ઘર બાળ જનમંતો, તેજ છણે તે મ્રત્યું પાંમતો
 વિપ્ર તે આ નજર જુવે છે, અતીશય તે કલપાંત કરે છે
 મ્રત બાળકને ખભે ઉપાળે, શ્રીકૃષ્ણનીં દ્વારે આવે.
 શ્રીકૃષ્ણની સામે નીહાળી, મ્રત બાળકને દીધો સુવાળી
 પછી પ્રભુનીં પાસે આવી, વિપ્ર બોલે શીસ નમાવી.

વિપ્ર ભગવાન પ્રતી બોલેતો

હે ભગવન આ પુત્ર જે મારો, મ્રત્યું પાંમ્યો જરા વિચારો
 જનમનીં સાથે મ્રત્યુ પાંમે, જુવો હરી આ નજર સામે.
 નકી રાજવી ધર્મજ ચુક્યા, બ્રાંમણ દ્રોહી કર્મજ ભુલ્યા
 હિંસા કરતા લોભીને પાપી, એના કર્મ અનીતી આવી.
 પ્રથવી પતીઓનાં પાપ થી મારો, મ્રત્યુ પામ્યો બાળ બીચારો
 નરપતીઓએ નીતી જ છોડી, અનીતીનીં જુવો લીધી કેળી
 કલ્પાંત કરતો વીપ્રજ ત્યાંયે, મ્રત બાળકને છોડી જાયે
 એનાં પછી પાણ જે જે જનમતા, એજ રીતે મ્રત્યું પાંમતા.

શ્રીશુકદેવજી ચેતા હે રાજન ઈ ભ્રામણ શ્રીકૃષ્ણકે પંઢજ દુઃખને છોકરેજો મરેજો કારણ
 વતાય ને છોકરે ક ઉત ઈ છદેને ઘરે વનેતો હી અગીઆ જો પ્રસંગ.

દોહરા

હે રાજન પછી તે વીપ્રનાં, નવ નવ બાળક જેહ, મ્રત્યુ પામ્યા એજ વીધ, વીપ્રનાં ઘર તેહ.
 મ્રત બાળ ઉપાળીને, રાજ દ્વારે જ આય, ત્યાં તે બાળક છોળીને, રળતો નીજ ઘર જાય.
 હે રાજન અનંજ રીતે ભ્રામણજ નો છોકરા જનમે ને મરી વને ઈ ભ્રામણ ભગવાન જે રાજ
 દ્વાર તે છદે ને રૂંધો રૂંધો ઘરે વને છેલે છોકરેજો હી પ્રસંગ.

ચોપાઈ

છેલો નવમાં બાળક મ્રત્યું પામ્યો, રાજ દ્વારે વીપ્ર જ આવ્યો
 હે રાજન તેદી રાજ સભામાં, બેઠાતા કૃષ્ણ અર્જુન સંગમાં.
 વાત વિપ્રની અર્જુન જાણી, વીપ્ર પ્રત્યે બોલે વાણી
 હવે વીપ્ર તંમે નીર્ભય રેજો, જનમ પહેલા ખબરૂ દેજો.
 વિપ્ર ઘેનુનું રક્ષણ કર્યું, અને ધર્મનાં માટે ક્ષત્રીઓએ મરવું
 એમ કહીને પ્રતીજ્ઞા લીધી, રક્ષણ કરવા તૈયારી કીધી.
 વિપ્રકે દીવાસા દયીને ઈ સભામે ઉભા થઈ પ્રતીજ્ઞા ગનેતા અર્જુન

દોહરા

સભા જનો સૌ સાંભળો મારી પ્રતીજ્ઞા આજ, હવે મ્રત્યુ પામસે બાળજો તો છોળીસ માડ રાજ.
 પછી જીવતી અગનકુંદમાં ભસ્મ કરીશ કાયા, અગર જીવાળીસ બાળજો, ચાહે દુઃખ જો આય.
 વાણી વીપ્રની સાંભળી, વિપ્રની જ ઘર જાય, સમ્ય વિત્યે વિપ્ર પછી, ખબરૂ દેવા જાય.
 વિપ્રનાં ઘરે બાળકે જનમજો સમ્ય થયો અતરે ભ્રામણ અરજુનકે ખબર દનેલા વનેતા અચી
 ખબરૂ દીયેતા.

ચોપાઈ

વાત સાંભળી વીપ્રની જ્યારે, અરજુન ઉઠયા સતવર ત્યારે
 ગાદીય ધનુસ હાથમાં લીધું, તુરત ત્યાંથી પરીયાણ કીધુ.
 પ્રથમ જાઈ ત્યાં સનાંનત કીધા, જળ કરમા લઈ આચમન કીધા
 નીજ સહસ્ત્ર મંત્રીંત કરે છે, ઘર સુતીકનું કવચ કરે છે
 ઉપર નીચે ચારે એ બાજુ, કવચ ધરીને રક્ષીત કીધુ
 સહસ્ત્ર બાણનો કીલો કીધો, ગાંદીવને હાથમાં લીધો.

શુકદેવ ઉવાચ

હે રાજન પછી બાળક જન્મેયો, જનમતાને રળવા લાગ્યો
 અરજુન નીં એ નજરનીં સામે, થઈ અદ્રસ્ય મ્રત્યું પાંમે.

દોહરા

મરણ બાળનું નીરખીને, અરજુન ઉભા થાય, ગાંદીવ લઈને સાથમાં, યમ લોકમાં જાય.
 સયંમ પુરીમાં સોઘતા, નાં દીઠો બાળક ત્યાંય, ઈંદ્ર લોકમાં જાય છે, જીવે બાળને તે ત્યાંય
 અર્જુની વાયું વરૂણને, જોયા સર્વે લોક, પાતાળથી મહલોકમાં, જોઈ વળ્યા પરલોક
 નીરાસ થઈ પાછા ફરે, દ્વારીકા નગરી મોજાર, પુરણ કરવા પ્રતીજ્ઞા, અર્જુન થાયે તૈયાર.
 અર્જુની જ લાવી પાર્થને, બળવા થાય તૈયાર, ખબર પળી શ્રીકૃષ્ણને, દોડી આવે તે વાર.
 બાળક જે જનમે જો સમે થીએતો ભ્રામણ અરજુન કે ખબર દના અરજુન ઉદા અચી પેલા
 ઉનજે ઘરકે બાણ જે કવચસે રક્ષીત કરેતો બાળક જનમે તો ને ઉત ઈ મરણ થીએતો ઈ દશી
 અરજુન ધનુસ ખણી પુઠીઆ વનેતો મળે લોક નેરે કત પણ બાળક હથ નં પેયો અતરે હતાસ પાંઉ
 દ્વારીકા અચેતો પંઢજી પ્રતીજ્ઞા પુરી કરેલા અર્જુની પ્રગટાય તો ઈ શુણી કૃષ્ણ અચી અર્જુનકે ચેતાં

ચોપાઈ

યોગેશ્વર પછી સતવર આવે, આવી અરજું ને સમજાવે
મહાબાલુ તંમે ધીરજ ધારો, છોડી દેયો આ ખોટા વિચારો
એમ કહી હરી રથ જોળાવે, પાર્થને જ પ્રભુ પાસ બોલાવે
રથમાં બેસી સાથે ચાલ્યા, પરસ્પૃમિ દીશામા ઈ હાલ્યા
સાત દ્વીપને સાયરે સાથે, છોળ્યા ગીરીવરો શ્રીયદુનાથે
અગોર એ અંધકારમાં આવે, કોઈ દીશા નજરૂમાં નાંવે
અસ્વ પ્રભુનાં જ્યારે મુંજાયા, યોગેશ્વર એ નજરે જોયા
ચક્રને પ્રભુ આજ્ઞા દીધી, આગે જાવાની આજ્ઞા દીધી.
કોટી સુંર્પસંમ તેજ પ્રકાસે, જેની જ્યોતે તીમીર નાસે
અંધકારથી આગે આવ્યા, ક્ષીર સાઘરની માંયે આવ્યા.
એ સાઘરમાં ઈ રથ આવે, અઢળક ક્ષીરથી તે છલકાયે.
રથ હરીનો હાલે તે જળમાં, અરજું ન જોઈ વિચારે મનંમા.
એ સાઘરમાં મહેલ દેખાયે, જેની સોભા વર્ણનાં જાય
તે મહેલની પાસે આવ્યા, શ્રી હરીયે રથ છોળાવ્યા.

શ્રીકૃષ્ણ રથ જોળે પરસ્પૃમિ દશ જો મારગ ગળા વદા પર્વત સતોય ધરીયા છદે અગીઆ
હલેતા ઉત સાવ અંધારો જ અય સજ ઉત દશાજે નતો ભગવાન પંઢજે ચક્ર કે અગીઆ હલેજી
આજ્ઞા દીયેતાં ચક્ર જે ઉજાસ જે અગીઆ હલેતા ખીર સાગરમે ચેતા ઉનજી વચમે હકળો મેલ અય
ઉત અયીને રથ છુળીતા ઈ કથા શુભદેવ ચેયાં

ક્ષીર સાઘરેજી વચમે હકળો મેલ જેજી જભરી સોભા અય ઉન મેલાતમે બોય અચેતા તત
ઉન મેલમે હકળે શેષ નારાયણ સક્રેદ નાગ જા દરશન કરીતાં

ચોપાઈ

સ્વેત વર્ણનાં શેસ જી દીઠા, તે મહેલમાં સાન્ત જ બેઠા
સહસ્ત્ર ફણા શીર માણીથી સોભે, હીમગીરીજ્યું સેષજી સોભે
એની સ્યામાં સ્યામા પોઢયા, પુરાણ બ્રંમ પાર્થ તે જોયા
સાન્ત સ્વરૂપ જે મંદ મંદ મલકે, સહસ્ત્ર ફણાઓ શીરપે હલકે
રૂપ સ્વેત તે સુંદિર દીશે, ભાલે તીલક સોભે અતીસે
કરમાં કંકળ કંઠમાં માળા, સીર સોભે કેશ શું કાળા.
મકરાક્રત કુંદળ કાનો મે, મુખ મંજ ન અજાંન આંખોમે
પટ પીતામ્બર કેશરીયા જે, આદ ઉપરાણો સલવાર શજે
હાર ગળામાં મુગધા માળા, જળીત હીરા કૌસ્તુભ વાળા
આઠ ભુજામાં આયુધ ઓપે, શંખ ચક્ર શુલ સર્વે ઓપે
નંદ સુનંદ બેઉ ઉભા દ્વારે, ચોકી કરતો ચક્ર બારે

પુસ્ટી કીર્તીશ્રીની એ સાથે, ચારે શક્તિ અજ્ઞ સંગાતે
રૂપીઓ મુનીઓ સર્વે આવી, સેવા કરતા શીવ સનકાદી
તે પરીબ્રમ પાસે એ આવી, બેઉ મળતા શીસ નંમાવી.

શ્રીકૃષ્ણ અને અરજુન ઉન મેલમે અચેતા ઉની નારાયણ ક શેસ સયામાં દશેતા નારાયણ
કૃષ્ણકે દશી ઉભા થઈ બોય સાંમ સામે નમન કરે મલેતા ને નારાયણ કૃષ્ણ પ્રતી ચેતા

દોહરા

હે રાજન પછી પરીબ્રમ, નીજ સ્વરૂપ ની સાથ, ભુર્મીપતી વાણી વદે, શ્રીકૃષ્ણ અરજુન પાસ.
શ્રી કૃષ્ણને કૌતેય હે, તમને મળવા ને માટે, વિપ્ર બાળ તેળાવીઆ, તંમે આવો તે કાજ
રક્ષણ કરવા ધર્મનો, ઉતારવા ભું ભાર, મારા અંસથી અવનીનો, તંમે કર્યો ઉધાર.
નર નારાયણ બેઉ તંમે, જગ રક્ષક જગ પ્રકાસ, સર્વ અશુરો સંહારીને, જટ આવો મુજ પાસ

શ્રીનારાયણ કૃષ્ણ પ્રતી બોલ્યા હે કૃષ્ણ અંકિ હત કોઠેલા કરે જ આંઉ હંન બ્રામણો જે છોકરે
કે ખેર્યો ગળા તે કારણ નકા આથી મું વટ અચો પં ન તદે હંન બાળક કે કોઠે વનો અને ભાકી જીકો
અશુર ભયયા વે તેક મારેને મુ વટ આથી અચી વનો નારાયણજ બોલ શુણીને અરજુન ને કૃષ્ણ
નારાયણકે નમન કરે બાળક ભેરો કોઠે દ્વારીકા અચેતા

દોહરા

હે રાજન પછી પ્રસન્ન થઈ, બેઉ જોળ્યા હાથ, વીપ્ર બાળ લઈ સાથમાં, ચાલ્યા બેઉ સંગાથ.
બાળક સોખ્યો વીપ્રને, ભુદેવ અતી હરખાય, વારવાર વંદન કરી, વીપ્ર નીજ ઘર જાય.
હે રાજન પછી પાર્થ જે, મનથી કરે વિચાર, નીરખી પરમ ધાંમને, પામ્યા હર્ષ અપાર

શ્રીશુકદેવજી કહે છે

પુરણ શ્રી પરીબ્રમની, લીલા અપરમ પાર, સંભળાવી સુખદેવજી, પરીક્ષિતને વિસતાર
અદ્ભુત ચરીત્ર બ્રમને, અકળીત એનાં કામ, વેદ નીગંમ વદતા સદા, અગણીત જેના નામ
એજ અવીનાસી વીસ્વમાં, ધરીને માનવ દેહ, લીલા કરતા શ્રી હરી, માન્વ જ્યુંત્યું તેહ.
યોગી ભોગી મહારથી, હરી અનેયા માગણહાર, દાનીં દાતા દયા નીધી, બુધી બળ વિકરાળ
ક્ષમાવાનજે ભક્ત પ્રીય, અસરણ શરણ કીરતાર, સંત સહાયક ધર્મ વાર, વીસ્વેં રહ્યા વીસતાર.
વિસ્વેશ્વરનાં ચરણમાં, વંદન દોય કર જોળ, જાડેજા સૌ બોલજો, જ્ય જ્ય શ્રીરણછોડ
માટે હવે તું માનવી, મેલી જગ જંગ્ગળ, હર પલ પલ હરી ભજ, નાવે જંમ વીકરાળ.

ઈતિ અધ્યાય ૮૯

અધ્યાય ૯૦ : શ્રીકૃષ્ણજી દ્વારીકાલીલા

દોહરા

હે રાજન હવે આ કથા, શ્રીકૃષ્ણ ચરીત્ર મહાંન, કીધી દ્વારીકા મહિ, નીજ ભુવન ભગવાન.
કનકની નગરી મહિ, વસતાસવો વાસ, જેનીં અઢળક સંપદા, રીધી સીધીનાં નીવાસ.
હે રાજન એ નગરીનીં, સોભા વણીનાં જાય.જ્યાં જાદવરાયનાં બેસણા, અવનીમાં અંકાય.

દ્વારીકા વર્ણન. રાગ શીવ રંજની

ઈંદ્ર પુરી જ્યાં નમણી લાગે, એવી પુરી વરતાય રે
કનક મહેલો સોભે મજાના, જેની કીર્તીગગને જાય રે ઈંદ્રપુરી...
એ મહેલોમાં હાંદી ઝુંમર, હીરા જળ હળ થાયરે
માણેક મોતી અઢળક ઢળીઆ, ઝાંખી દુર દરસાય રે. ઈંદ્ર...
એ નગરીનાં દશ દરવાજા, ઉપર ધજા લહેરાય રે
દ્વારેના બારે ઉપવન દીસતા, ફુલળાઓ વરસાય રે. ઈંદ્ર...
તે ઉપવનમાં મધુકર ઘુંમતાં, ગુજારવ સંભળાય રે
મોર બપૈયા થનગન નાચે, હંશ જોળા હરખાય રે ઈંદ્ર...
આંમ્રકુજમાં કોયલ બોલે, સંગીત એ સંભળાય રે
મ્રગ કસ્તુરી નીર્ભય ફરતા, ઉપવનોમાં દેખાય રે. ઈંદ્ર...
પશુપંખી સૌ જળચર જીવો, અતી પ્રકૃતીત થાય રે
દરશન કરવા દીનાં નાથનાં, મુક બની બેસી જાય રે. ઈંદ્ર...

દ્વારીકા વર્ણન

એ નગરીમાં વસે યોગેશ્વર, આનંદ મંગળ થાય રે
સહસ્ત્ર નારીઓ સાથ બીરાજે, નિર્ગુણ સગુણ ધરાય રે. ઈંદ્ર...
માનવ જ્યું હરી લીલા કરતા, કળ કદી નાં કળાયરે
કામદેવ જ્યા નીજ સરમાવે, નીરખી હરી લીલાય રે. ઈંદ્ર...
શ્રી યશ બ્રંમની લીલા નીરખી, માનવ મતી મુંજાય રે
શેષ સનકાદી હાર્યા નીરખી, નેતી નેતી ગાય રે. ઈંદ્રપુરી જ્યા નમણી...

હંન ધુનીયા મથે અજોળ એવી હી દ્વારીકા નગરી જેજી સોભાજો વર્ણન કેણું ઈ શની ગાલ નાંચ
જત સારદાય હથ વારેતી નેરેને અન દ્વારીકા મે ભગવાન માનવ ભની સંસારી લીલા કરીયેતા
ઉનજો વર્ણન થઈ જનસંગ જેજીયુ હજાડ દાસ દાસીયુ પટરાણીયુ સેવામે હાજર રે ઉનજો કતરો
વર્ણન કેણુ.

દોહરા

હે રાજન શ્રીકૃષ્ણની, સર્વ પટરાણીઓ સાથ, સમરણ કરતી રાતદી, જ્ય જ્ય શ્રીયદુનાથ
ચીંતન કરતી ચીતવીશે, જાગ્રત સ્વયં ન જોલ, એકા એક નીજ મહેલમાં, ધરે ધ્યાન નીજ તેલ.
રદય મુરતી શ્રી સ્થાનની, ઘેલી થઈ ગુણ ગાય. જોતી નાં એ રાત દી, લીન સ્યામમાં થાય.
શુકદેવજી કહે છે કે રાજન શ્રીકૃષ્ણની જે આઠો પટરાણીઓ રાતદી ભગવાન મય થઈ
સમરણ કરીયે પંઢજી દે જી ભાન ભુલી વને ઈ તદાકાર થઈ ભજન કરીયે જેક રાતદી જો પણ
ખ્યાલ ન રોધોવો હકળો વખત ઈ પટરાણીયું ભગવાન સયામે પોઢ્યા અચીને રાણીયું ચરણ સેવા
કરે ને પંઢજે મેલજે જરૂમે મે અચી વન કે સામે નેરીત્યું અને સામે દ્રસ્ય દશી જીકો ઈનીજા મનજા
ભાવ પ્રગઠ કરે ને કૃષ્ણ જ વીસ્વ જા ગીત ગાય ને વીરલ વંદના પ્રગઠ કરીત્યું ઈ કથા. સુખદેવ ચેતાં

દોહરા

રંજની ભયી રવી વીરામીયાં અવની ભયો અંધકાર, નીશાયર થયા સાવદા, સાવ દેખી સુનકાર.
હે રાજન આજે રાણીઓ, નીજ ઝૂખાની માંચ, આવી વન નીલાળતી, જોઈ પ્રકુલિત થાય.
સામે નીરખે નયંન થી, એક કુકરી ગાતી ગીત, જોઈ એને વન વીરો, રાસી સંગ જેને પ્રીત.
યાદ આવી નીશ સ્યામની, રદય પ્રકુલિત થાય, પછી પ્રશ્ન એને પુછવે, કે તું ગીતળા કોનાં ગાયં
શ્રીકૃષ્ણના એકળા પટરાણી ઝૂખેમાં ઉભા અચી સામે જંગલ વનમે નેરીતાં ઉત હકળી કુકરી
ઓલેતી તેકે દશીને રાણી કુકરીકે પ્રશ્ન પુછેતા

રાગ શીવરંજની

અરે સખી તું કેમ જાગતી, મધરાતી જેને વીતી રે
જો સગળે શુનકાર દેખાયે, જગની જોતું સ્થીતી રે. અરે સખીતુ...
ઘાયલ કરીને જગપતી અમને, ભર નીદ્રાંમાં પોઢ્યા રે
તું પાણ વિયોગણ રખે સ્યામની, ચીતળા તારા પ્રોયા રે. અરે...
હવે દુર અલિથી ભાગી જાંને, શાંને ઉજાગરા કરતી રે
અંમે વીયોગણ ઘાયલ હરીની, તું શાંને એમાં ભળતી રે. અરે...

બીજા રાણી ચકવીકે ચેતાં

રાગ કલીગળો

અરે ચકવી તું નયંન બંધ કરી, સ્યામ સ્યામ પુકારે
પતી ગયો પરદેશ શું તારો, ગીતળા કેમ ઉચારે. અરે...
મધરાતી નાં વાયરા વાયા, રંજની દોળતી જાયે
પીયું પીયું તુ હજી પુકારે, રખે પીયુંને મળવા જાયે. અરે...
અરે સખીતું સ્યામની દાસી, બનવાને શું તું આવી
પ્રભુ ચરણમાં પુરુષ માળા, ધરવાને તું શું આવી.
સ્યામ અમારા સુતા સંપન માં, તેને તું કેમ જગાળે
ચાલીજા વનમાં પાછી દાસી, મુંજ સામે તું શું નીલાળે. અરે ચકવી તુ...

ત્રીજા રાણી સામે ધરીયા કે ચેતા

રાગ સારંગ

સાઘર તું કેમ દીશે છે ઉદાસી, સાઘર તું કેમ દીસે છે ઉદાસી
નદીને નીરખી નીસદીન ગરજે, આજ શું નીધ નથી આવી સાઘર તું કેમ...
વાત યાદ બસ આવી મુજને, કેમ જાગતા રાત વિતાવી
અમે વિયોગણ સુંદિરવરની, તને શરંમ શું નાં આવી. સાઘર...
ધરણી ધરને ઘેર્ય તમારા, ક્યારે છીનવી લીધા
અંમે તલપતી સ્યામનાં માટે, તંને દુઃખળા કોણે દીધાં સાઘર તું...
સાઘર કે સામે દશીને રાણી ચેતા ક તુ નય કે ભરપુર દશી ગરજે વડો તદે અજ કી ઉદાસ

દશાજે તો તોજે ધીરજ રખે ભગવાન રખે હરે ઘણા અયી અતરે ઉદાસ નકી દશા જેતો.

ચોથા રાણી ચેતા

રાગ : રાસ હીંચ મલ્યાગીરી કે

યાદ કરે ભગવાન, મહેલોમાં રાણીઓ સર્વે
નીરખે રદયમાં ઘંન સ્યામ, મહેલોમાં રાણીઓ સર્વે
અરે ઓ મલ્યા નીલ, કેમ અહિ આવે
સ્યામની યાદી તું તાજી કરાવે.

ઘાયલ ને મારે શું બાણ, મહેલોમાં રાણીઓ સર્વે
ઘાયલની ગત ઘાયલ જાણે, લાગી રે હોય તેજ પીછાણે
બીજા શું જાણે રે અજાણ. મહેલોમાં

ઉપરોક્ત સબધ રાણી મલ્યાનીલ પર્વત કે પુછેતા ને પુવા શ્રીકૃષ્ણ સયાને પોઢયા અયી તે કે
ઉદેસીને ચેતાં પંઢજી વીતયી

જોજો સખી સ્યાનીં રે માય, પોઢયા છે રે ભર નીંદ્રાની માયે
સુતા મોહન જો મુસકાય, મહેલોમા રાણીઓ સર્વે

પાંચમા રાણી ચંદ્રકે ઉદેસીને ચેતા

ચંદ્ર દેવી ગગને ચમકે, આજ દીસે તું ઉદાસી
સીતળ કીરણ ક્યાં છુપાયા, કેમ થયો તુ નીરાસી. આજ...
જગત પતીની જ્યોતી નીરખી, તને શરંમ શું આવે
નાના એવુ તું દીલના ધરતો, સ્યામ તો સ્વયં પ્રકાસે આજ...
સ્યામ અમારા પોઢયા સ્યામાં, તેથી તું દીલગીર થાયે
દરશન કરવા એમનાં આજે, રખે તું છુપાઈ આવે. આજ તુ કેમ...

છઠા રાણી સામે નભમાં મેઘને જોઈ કહે છે

રાગ કનરો

મંદમંદ મલકાયે મેઘ તું, મંદ મંદ મલકાયે
ઘંન ઘટામાં સામે સોભે, સ્યામ નીરખવા આવે મેઘ તુ મંદમંદ...
ઘંન ઘટામાં આવી ગરજે, વીજળી ક્યાં છુપાય
સ્યામ છે સ્યામનો સ્યામ તુ છે, સખા શું સ્યામનો થાયે. મંદ...

ફરી ચંદ્ર કે ઉદેસી ચેતા

સ્યામને મળવા ધ્યાનં શું ધરે છે, ઉત કંઠ કેમ દેખાયે
વારે વારે યાદ શું કરતો, વળી આસું શું વહાયે. મેઘ તુ...
સ્યામથી નાતા જો અંમે જોળ્યા, ઘાયલ થઈ ગયા ત્યારે
અંમે ભુલ્યા તેમ તમે ભુલ્યા, આ દુઃખ કોણ મીટાવે. મંદ...

સાતમા રાણી કોયલ ને ઉદાસી ચેતા

રાગ દરશન દેયો ધનસ્યામ

આંમ્રતઙ્ગમાં કોયલ બોલે, પ્રેમી જનનાં દીલળા દોલે. આમ્રતઙ્ગમા કોયલ બોલે
અરે કોયલ તુ શીદ અહિ આવે, સુતા સ્યામને શીદ જગાવે
મધુર સ્વર તું શું સંભળાવી, અમને ઘાયલ કરતી રે. આંમ્ર...
અમં પીયુની મધુર વાણી, એનાથી તું રખે અજાણી
એક સબ્દ જો કાન પળશે, મુંગી તુ થઈ જાયે રે. આંમ્ર...

ફરી કોયલ પ્રતી ચેતા

અરે કોયલ તું ભલે અહિ આવી, યાદ હરીનીં તાજી કરાવી
બોલ તંને શીરપાવ શું આપું, યશ પ્રભુનાં ગાતીજા. આંમ્રતઙ્ગમાં...

નદીને નીરખીને ચેતા

રાગ ચોપળામાં લખી રાખે

ગ્રીસ્મ ઝૂતુનાં વાયરા વાયાને, વસંત સારી સીધાવી
નીર સુકાયા નદી જો તારા, ભાસે ભયંકર ભારી. નદી તું આજ દીશે છે...
જળ સુકાયા તારા કમળ સુકાયા. જળચર મેલ્યા વીસારી
હંશ સારસ તારો છોળી કીનારો, ચાલ્યા સાઘર પારી. નદી...
સ્યામને માટે અંમે તળપતી, રાત દીવસ દુઃખીયારી
સાઘરને મળવા તું પળ તલપે, દીશે વેરાન તારા વારી નદી તું કેમ...
શુકદેવ બોલેતા હે રાજ અજ ભગવાનજ્યું રાણીયું મળે સામે પર્વત કે દશીને ચોણ લગ્યું.

રાગ યોગી એક આવ્યો રે

યોગી રૂપ જુવે સામે, અળીખંમ ઉભો
અખંદ વૃત ધારી સામે, પર્વત ને દીઠો. અખંદવૃત...
હાલે નવ દીલે બોલે, ઉભો ઘેર્ય ધારી
ધરતા ધારણ કીધી, જાણે ઉભો જટાધારી. યોગી...
કોની રે તું વાટુ જુવે, કેમ છે ઉદાસી.
કોને યાદ કરતો સામે, જીવે વારી વારી. યોગી...
રાણી પર્વતકે ભુલી પંઢ જ મનકે ચેતાં
વાત યાદ આવી અમને, ભલે તું છુપાવે યોગી...
સ્યામના રે ચરણોમાં, તું ધ્યાન રે લગાવે.
સ્યામના રે ચરણોમાં, શીખરો રે તારા
પધરાવવા ને, કરે તું વીયારા. યોગી...
પર્વત પુઠીઆ સામે આકાસમે ઉદઘો હંશકે દશી રાણીયું ચેત્યું.

રાગ માલકોસ. દોહરા

હે રાજન આજે રાણીઓ, સમરે સુંદરિ સ્યામ, નીજ જરૂખે આવીને, યાદ કરે ધન સ્યામ
ઉભી અકેલી નીરખે નભમાં આવતો જોયો હંશ, થઈ અઘીરા પુછવે એને તું જોયા ક્યાં યદુવંશ.

રાગ માલકોસ

રાજ હંશ તું ભલે અહિ આવ્યો, શું સમાચાર સ્યામનાં લાવ્યો
અંમે વીરહમાં સૌ સંગ જીરતી, સ્યામ વીણ શુનકાર છવાયો રાજ હંશ તુ...
બોલ બોલ વિસ્વેશ્વર ક્યાં છે, જલદી કહે કુશળ તો છે એ
અંમે તાડુ સ્વાગત શું કરીયે, સ્યામ વીનાંની જુરી મરીયે રાજ હંશ તુ...
અરે હંશ તુ સ્યામનો સાથી, એકલા છોળ્યા ક્યાં તે સંગાતી
સ્યામ શું અમને યાદ કરે છે, મુખ અંમ ઉચાર કરે છે રાજ...
પહેલા અંમથી નાતા જોળ્યા, ખબરૂ પળી નાં શાંને તોળ્યા
નથી ઓળખતો હંશ તું તેમને, ફરી ફરી વખાણ કરે છે રાજ...
વાત યાદ બસ આજે આવી, અંમથી વાત તું ભલે છુપાવી
કે લક્ષ્મીજી જેનાં ચરણમાંથી, નીત સેવામાં રાયે છે
રાજ હંશ તું ભલી કરી આવ્યો...

શ્રીશુકદેવજી કથા અગીયાજી ચેતા

કહે કથા સુખદેવજી, કૃષ્ણ ચરીત્ર મહિમાંય, હવે આગેની વારતા, સંક્ષેપથી સમજાય.

ચોપાઈ

હે રાજન અમે રાણીઓ સર્વે, રાતદી હરીનું ચીંતન કરવે
ચરણ કમળની સેવા કરતી, સ્યામની મુરતી રદય ધરતી,
તદાકાર થઈ ધ્યાન ધરે છે, હરી મય થઈ બ્રમ જીવે છે
જેથી સર્વે પરમ પદ પાંમી, મળી બ્રમમાં સર્વ સુખ પાંમી.
હે રાજન આ કથા કૃષ્ણની, ભવતારણ પાપ મોચની.
રૂપીઓ મુંનીઓ ગ્રંથો એ ગાઈ, પરમ પુનીત સર્વ સુખ દાયી..
રાજન આ કૃષ્ણ કથા જે, એક જ સબ્દ અમ્રત સુધા જે
એક બિંદુ જો કર્ણ પળે તો, લાખ ચોરાસી ગમન ટરે તો
રાજન હવે સંસાર છોડી, હરી ભજો એક ચીત જોડી
કોટી જીવ જે શરણ ગ્રહીને, ભવ સાગર ગયા તરીને.

આજ શુકદેવજી શ્રીકૃષ્ણ અને રાણીએ જો ભાવ જી કથા પુરી કરેને હાણે કૃષ્ણજી સંતતી.
સંપતી ઐશ્વર્ય યાદવેજી સાયબીજી કથા સુણાઈતા

ચોપાઈ

હે રાજન આ કૃષ્ણ કથા જે, આગે તમને સંભળાવી તે

સોળી હજારને એકસો રાણી, જેમાં મુખ્ય આઠ પટરાણી

દોહરા

હે રાજન આ જગપતી, ધરીને માનવ દેહ, લીલા કીધી અવનવી, એમાં કરવું નાં સંદેહ
વેદ નીગમનીં વાણીનો, સમજાવ્યો આ સાર, સર્વ ધરમ શીરોમણી, ગ્રહસ્થાશ્રમ વિસતાર
ધર્મ અર્થ કામ મોક્ષ, એ ઘર મંદિરનીં માંય, તે દેખાવ્યો દયા નીધી, લીલા કરી સમજાય.
હે રાજન જે જન જગે, રહિ સંસારનીં માય, નીતી ધર્મ માંથી રહે, સાગર ભવતરી જાય.

હવે શ્રીકૃષ્ણની સંતતીનો વર્ણન રે વતાઈતા

ચોપાઈ

શ્રી સુકદેવજી બોલે પછી વાણી, જે ગાથાશુર લોક ગવાણી
કૃષ્ણ સંતતીનું વર્ણન કરે છે, સારી લીલા મુખ વટે છે
હે રાજન જેની અઢળક રાણી, જેમા મુખ્ય આઠ પટરાણી
તે રાણીઓનાં દશદશ પુત્રો, જેનાં નામો છે અગણીતે.
સર્વ પુત્રો છે મહારથી જેવા, પ્રદ્યુમન ને સાતવિક જેવા
પ્રદ્યુમન નો અનિરુદ્ધ નામે, એનો પુત્ર વૃજ સું નામે
પ્રતીબાહુ ને સુબાહુ જેવા, એનાં સાંન્ત સતનામ એવા
હે રાજન તે યદુકુળ માંયે, મહા પ્રતાપી રાજા કહેવાય
ધર્મ ધુરંધર સુરા સતવાદી, ગૌ બ્રામણ રક્ષક અનાંદી.
દેવોને પણ સહાયક થાતા, અંમર લોકમાં યસ ગવાતા
હે રાજન એ ઉજવળ કુળ માયે, કોટીનીં સંખ્યા કહિનાં જાઈ
જેને ગણતા પાર નાં આવે, એનાં યસ જગમાં ગવાયે

હવે શ્રીકૃષ્ણનાં પૌત્રો પુત્રો તથા સર્વ યાદવ કુમારોની સાયબી એનીં વીદ્યા ભણાવતા
આચાર્યોની સંખ્યા કહે છે

ચોપાઈ

અઠયાસી લાખ આચાર્યો સાથે, યાદવ કુમારો ભણે સંગાતે
જેની કરતી રાજન જગમાં, આજ ગવાયે છે ઘર ઘરમાં
પરમ પુનીત તેવા કુળ માંયે, શ્રીયોગેશ્વર જનમ ધરાયે
હે રાજન એ યાદવ કુળનાં, સું યશ ગાવા વીચાડ મનમાં
હે રાજન સૌ દેવો જે સાથે, યાદવ રૂપે જનમ્યા સંગાતે
સર્વ દેવીઓ જનમ લઈને, આવી અવની નારી બનીને.

શ્રીશુકદેવજી કહે છે

હે રાજન જે પુર્વ કાળમાં, શુર અશુરોનાં એ યુધમાં
સર્વ અશુરો નાસ જ પામ્યા, ફરી એજ અવનીમાં આવ્યા.

રાજાનાં એ રૂપ ધરીને, વેદ ધર્મનું નાસ કરીને
 પ્રથ્વીને પીળાવા લાગ્યા, અવનીમાં અંધકાર છવાયા.
 ત્યારે શ્રી હરી અવતાર લીધા, યાદવ કુળમાં જનમ લીધા
 દેવો સર્વ યાદવ થઈને, આવ્યા અવની માનવ થઈને
 હે રાજન તે પરમ પ્રતાપી, ઉજવળ કુળજગમાં અદાપી
 ધન ધન તે આ વ્રજણી કુળને, ધન પીતાજી શ્રીવસુદેવને
 ધન ધન શ્રીજગજનની માતા, માત દેવકી જગ વિખ્યાતા.
 ધન ધન દેસ ધન ધરા ભારતી, ધન પ્રગઠ પુર્ણ મહારથી.
 શેસ સહિત જ્યાં હરી બીરાજે, જેની કીરતી ભુવને ગાજે
 હે રાજન આ યાદવ કુળને, વંદન કોટી કોટી તેહને.
 શ્રી સુખદેવજી હવે શ્રીકૃષ્ણનુ ઐશ્વર્યનું વર્ણન કરીયેતા

દોહરા

હે રાજન જેના ચરણથી, પ્રગઠ્યા ગંગા જેહ, પતીત પાવનીં શ્રીહરી, અવની આવ્યા તેહ.
 ગોવિંદ ગીરધર ગોકુલેશ, ગોલોકનાં વાસી, તે અવનીમા આવીને, લીલા કરે અવીનાસી
 સંકલ્પ થી જે શ્રસ્ઠીનો, કરી શકે ઉધાર, તે ભક્ત સંતને કારણે, ધર્મ માનવ અવતાર.
 નામ રૂપ શ્રીનારાયણા, જનમ ધર્મ જગ જેહ, જો સંમરણ જન કરે, પાર તરે તત ખેવ.
 જ્ઞાની ધ્યાનીં ભત જન, જે કરતા નામ ઉચાર., વેર ભાવથી જો ભજે, હરી કરતા તુરત ઉધાર.
 કરૂણા સાગર કમળાપતી, કોમળ કંઠમાં માળ, રક્ષણ કરવા વીસ્વ નો, હરી આવે એ તતકાળ,
 અંતરીક્ષમાં આવીને, જોતા એ સર્વા વાસ, નીજ કર ઉભો રાખીને, બોલાવે નીજ પાસ.
 શ્રીશુકદેવજી દશમ સ્કંધ શ્રીકૃષ્ણ લીલાનું વર્ણન સંક્ષીપમાં કહી સંભળાવે છે પછી કથાનું
 મહીમા કહે છે.

દોહરા

હે રાજન આ શ્રીકૃષ્ણ કથા, જુગ જુનો ઈતીહાસ, પ્રથમ કલ્પો જે શ્રી હરી, વીરંચીનીં પાસ.
 સંહિતા યતુસ્લોકની, યતુરાનન નીજ મુખ, સંભળાવી નારદ પ્રતી, પામ્યા સનકાદી સુખ
 મુજ પીતાજી શ્રીવ્યાસને, વર્ણવી એ વીસતાર, તેજ કથા તંમને કહિ, જે રાજન જગ ઉધાર.
 હે રાજન આ કૃષ્ણ કથા, સાંભળે જે નરનાર, ભાવ સંહિત પઠન કરે, મુખ પદારથ ચાર.
 સુખ સંસારે ભોગવી, જનમ સકલ કરી જાય, પરીયાનાં પરીયા તરે, સહદેવ સ્વર્ગ સીધાય.
 હે રાજન આ જે કથા, સાંભળે એ એકવાર, કોટી કર્મો એ કટે, સુખ આવે અપરંપાર.
 હવે વધુ શું વર્ણન કરૂં નીજ મુખ કહી નાં જાય એક શબ્દ મુખ ઉચરે, ભવ પ્રાયશ્ચીત મટી જાય.
 શ્રીકૃષ્ણ કીરતંન પ્રેમથી જે કરે નરનાર, હે રાજન તેના ઘરે, ભક્ત ઘરે અવતાર.
 હે રાજન આ કૃષ્ણ કથા, સાંભળીનાં જન જેહ, કાંન એના મુસ્ક ઘર, નેત્ર છતા અંધ તેહ.
 જીવ્હા જેનીં મેદક સંમ, જીવતા જીવે સંમાન, મુખ દીશો દોસ જ પળે, દેહ એ નરક સમાન.
 હે રાજન શ્રીકૃષ્ણની, લીલા વૃજની જેહ, પરમ પુનીત તીર્થમાં, સર્વશીરોમણી તેહ.

હે રાજન આ કૃષ્ણ કથા, તે કામધેનું રૂપ, મનવાંછીત પુરણ કરે, મીટાવે ભવ કુપ
હે રાજન હવે હરી ભજો, દ્રઢ રાખી વિસવાસ, દાસ દયાળુનાં ચરણમાં, ધરી રદય હુલાસ.
હે રાજન આ હરી કથા, સુધા અંમ્રતપાન, લાણી પીરસી વ્યાસને, સાંખ કરી ભગવાન.
યદુકુળ ભુશણ ભુપતી, ભુવ ગાંભી ભુંનાથ, વંદન કરો કર જોડીને, દોય કર જોડી સાથ
ભક્તિ દેજો ભુધરા, જનમો જનમ જેલ, જનમ ધરૂ વૃજ ભુમીમાં, વર માગુ હરી તેલ.
રાજન આજે હરી કથા, વર્ણવી નાં વિસ્તાર, સંક્ષેપમાં કહી વારતા, જે જાડેજા કીરતાર.



લેખકની આ ધીનતા કથા વિશ્રામ

દોહરા

કવી નથી કે જ્ઞાની હું, હું છું હરી મતી મંદ
ભુલ ચુક ક્ષમીયો હરી, શ્રી જી આનંદ કંદ.
સંતો ભક્તો સર્વને, પ્રેમથી કરૂં કરજોળ
સૌ સાથમાં બોલજો, જ્ય જ્ય શ્રીરાણછોળ.
દશમ સ્કંધનાં નેવુમાં અધ્યાય સાથ કથા પુર્ણ પુર્ણતીથી. તીથીવાર
સંવત વાસ પંચાવન જેલ, વીર ભુપનો કહીયે તેલ.
મહામાસ સુદ પાંચમ સાર, વાર ભગુ જે સુભ નીરધાર
ચંદ્ર ગયા છે મીનનાં માંચી, પુર્વા ભાદ્રા ગગન છવાઈ
વસંત આવી રૂતનો રાજ, વન પ્રકૃતિ અવની આજ.
કૃષ્ણ ચરીત્ર જે અગંમ અપાર, સંક્ષેપમાં નાં ઈ વીસતાર
લીલા લખી જે હુમતી મંદ, છતા કવી તું છે ધમંદ
જ્ઞાની ધ્યાની કવીઓ જેલ, ભુલ ચુકને ક્ષમીયો તેલ.
કર જોડીને કરૂં નમન, દાસ જાડેજા સૌને વંદન.

॥ ઈતી શ્રીભાગવતપુરાણ દશમ સ્કંધ આધારીત શ્રીકૃષ્ણ કથા પદબંધ સંપુર્ણ ॥

દોહરો

મંજલ ગામ ધરા કચ્છ માંચ, ગુરૂ દ્વારા જે હમલા માંચ
શ્રી સદગુરૂનાં ચરણ કમળમાં, વંદન કરૂં શીર નમાંચ
કૃષ્ણ ચરીત્ર આ પુર્ણ કર્યો, શ્રીગુરૂનાં કરમાં ધર્યો
દશમ સ્કંધનાં અધ્યાય જે, કીધા પુર્ણ પદ બંધ તેલ

દોહરો.

નિર્ગુણ બ્રમની પ્રાર્થના

વિસ્વેશ્વર આ વીસ્વમાં, વસતા વીસવા વીસ,
વ્યાપક જે જલ થળ વીરો, દીસતા તે જગદીસ.
અવની અંબરનાં વીરો, વસતા જે પાતાળ,
આશુ આશુમાં ઈશ્વરા, જગ કારણ જગકાળ.
પાર બ્રમ પરમેશ્વરા, પુરાણ બ્રમ પ્રકાસ,
અંદર બાહિર ઉપરે, સર્વત્ર બ્રમ વિવાસ.

ખાલી નથી આ ખલકમાં, આપ વીનાં અનંત,
 રવી પસારે કીરણો, તુમ ત્યું ભગવંત.
 આદી મદ્યને સંતમાં, તુમ અવીનાસી એક,
 અંતરયાંમી એક તું, તુજ સનાતન છેક
 નિર્ગુણ નાથ નરહરી, નામી અનામી અકલેશ,
 સર્વત્ર વ્યાપક જાડેજા, સત્ય સવરૂપ સર્વેસ.

બ્રમ સર્વત્ર વ્યાપક છે. દોહરા

સાયબ તારી સાયબી, દીશે અપરમપાર.
 રંમતી જે રજકણમાં ઈ ચૌદ ભુવન વિસતાર.
 પર્વત પ્રથવી પાણીમાં, તેજ પુંજ પ્રકાસ,
 વન ઉપવન માં હલકતી, સુમન માંથી સુવાસ.
 ચારે ખાણી વાણીમાં, કરતી જે કીલોલ,
 દ્રસ્ય અદ્રસ્ય દીસતી, જ્યોતી જે આણમોલ.
 ઉર્યે ગગંને એ ઓપતી, પ્રથવીનાં પળધાર,
 પ્રગઠ પ્રગઠ પરમાત્મા, જે વિચારે વીસતાર.
 રૂપી અરૂપી બ્રમ જે, કર્તા ભરતા જેહ,
 સ્થુલ સુક્ષ્મ રૂપથી, વીચરતી વિસ્વે તેહ.

શ્રીકૃષ્ણ પ્રાર્થના

ભક્ત વત્સલ ભુધરા શ્રેસ્ઠીનો સણગાર,
 આવ્યા એ અવનીમાં, ઉતારવા ભુ ભાર.
 બાળ રૂપ ધર્યું બહુ નામી, વ્રજમાં વસતા જેહ.
 દાવાનળથી ઉગારીયા, ગોપ બાળને તેહ.
 નામ રૂપ નારાયણા, જપવાને જગદીસ,
 આવો સૌ મેદાનમાં, એક ગળી અહરનીસ.
 સંમરણ કરવા સ્યામનું, ભુલી જગ ઝંજાળ,
 આવો સૌ કહે જાડેજા, ભજવા શ્રીગોપાળ

આધીનતાં લેખકની

ભજન તમારૂં ભુધરા ક્ષણ એક વીસરે નાંચ,
 મનહર મુરતી માધુરી, વસજો રદ્યની માંચ.
 કાજળ કેરા કોટળા મારા કાપી કરજો દુર,
 ભુલો મારી વિસારજો, મે કીધી છે ભરપુર.
 કવી કુળ તાર્યો ગીધ જે ગજ ગુણીકા નાર,

अनेक भक्त उगारीयां, जग ज़डेज डीरतार.
कर ज़ेडी कडे वंदनां राभजे यरगुनी पास,
अशरंगु संरगु सामणा हरी दीनं बंधु हे दास
पुर्णु कीधी आ कथा, मुज मती अनुसार.
ज़डेज जग दासने, वंदन वारंवार.

धती श्रीवंदना संपुर्णु.

